

De la Libreria del Colegio Imperial de la Universidad de Madrid
Logica R210445 16 Sm 4 m

MARTINI
SMIGLECII SO-
CIETATIS JESV,

S. THEOLOGIÆ

Doctoris.

SELECTIS DISPUTATIO-

nibus & questionibus illu-
strata,

Et in duos Tomos distributa,

In qua

QUICQUID IN ARISTOTELICO

ORGANO VEL COGNITV NECESSA-

rio, vel obscuritate perplexum, tam clarè & per-
spicue, quàm solidè ac neruose
pertractatur.

Cum indice Rerum copioso.

AD

Penillustrem ac Magnificum Dominum,

Dñm THOMAM ZAMOYSCIVM, &c.

Cum gratia & privilegio sacrae Casareae Maiestatis.

INGOLSTADII,

Ex Typographico Ederiano apud Elisabetham An-
germariam, viduam.

Anno Domini M. DC. XLIII.





PERILLVSTRI
AC MAGNIFICO
DOMINO, DN. THO-
MÆ ZAMOYSCIO MA-
GNI IOANNIS ZAMOYSCII F.

Capitano Cnissinensi, &c. &c.

AVTHOR SALVTEM D.



Lus homines inter se officij, ob-
beneficiorum memoriam, an-
studiorum similitudinem susti-
neant, iudicare non ita difficile
est; æque vtrumq; singillatim è re nata præ-
stare operosum; vtrumque simul arduum.
Ego verò cui ad cognoscendum debitum sa-
tis virium, ad exoluendum animi multum
natura contulit, hoc etiam nomine omnia
tibi summa debeo, qui arduam ad vtrum-
que mihi complanasti viam, vt me quibus-
dam beneficiorum ac similium studiorum
vinculis quasi laxare queam, si planè solue-

*

re non

EPISTOLA

re non possim. Debebam memoriam nunquam interituram Patri tuo, cuius non benevolentia tantum, sed beneficentia etiam extitit in me singularis, atque eidem studiorum meorum consecrare fructus, cuius auspiciis literas fidentius tractare cœpi. Quod ut defuisset illud tamen maximum summi viri nomen nostris monumentis præscribi decuit, cuius insignia ædibus prætoris, vrbibus appendi omnium cum ambitione censuerunt. In quem iniurius sim si eius hic virtutem oratione consequi velim, qui se supra humanæ eloquentiæ extulit fastigium, id quod nemo exaggeratè dictum accipiet, qui intelligit vnum eum ea tempestate fuisse, qui potentissimum & in continentibus eductum victoriis Moschorum imperium, Stephani sapientissimi Regis auspicio, non debilitauit tantum sed fregit; cui nunquam satis domita, & ipsi Romanæ potentiæ formidanda Dacia succubuit, qui cum alibi, tum apud Liuones à Gallia, Germania, Belgica, Suetia, Gothia, Britannia, inopinatis

tro-

DEDICATORIA.

trophæis omnis bellicæ virtutis confessio-
nem expressit, quem Odrysia tyrannis veri-
ta est, Persæ reuerabantur, formidarunt Scy-
thæ, Colchi coluerunt. Quæ omnia magna
& ampla sunt, exercitus variis ex nationibus
cōflatos per remotissimas Moschorum pro-
uincias, itineribus post hominum memori-
am impeditissimis, in summa rerum omni-
um difficultate saluos ducere; munitiones
arte, natura, præsidiorū in propugnandis ar-
cibus, industria, peruicacia, robore nulli se-
cundorum inexpugnabiles occupare, oppu-
gnationes arduas in hyemes nouo inuento
extrahere, in acie ex hoste semper numero su-
periore semper victoriam reportare, in sum-
ma locorum varietate, vt in Liuonia, Dacia,
Moschouia, Roxolania videre est, pari vbi-
que prudentia & dexteritate æquè cum Asia-
ticis ac Europæis depugnare: Sed omnes Rei-
publicæ partes & pacis artes cognitatas habe-
re, morem maiorum, leges, iudicia, vectiga-
lia, commoda Reipublicæ constanter de-
fendere; omnem in partem animo excubare,

EPISTOLA

prospicere futura, meminisse præterita, nullo metu, nulla spe à Reipub. vtilitate, & ab illa honestatis regula dimoueri, summis de rebus sententiam pari fide & prudentia possediceret, omnium horarum & negotiorum esse virum, maior est res quàm homines suspicetur, quibus omnibus ita *Ioannes Zamoyseus* excelluit, vt nihil aliud vnquam didicisse videretur, cum tot negotia, tantamque rerum molem sustinuit solus, & tanquam gubernator in naui, sic in illo Reipub. cursu tractauit gubernacula & rectum tenuit clauū. Ita si hæc ab eo priuata in me, publica in patriam fuerunt beneficia, à me istud qualecunq; officium esse oportuit ac debuit. Nam studiōrum quidem similitudo tanta illa fuit, quantam inter me ab ineunte ætate literis innutritum, & illum apud oratores sine vilius inuidia præclarissimum, apud philosophos sapientissimum, apud Iureconsultos peritissimum, apud multarum linguarum viros expeditissimum, & Academiae Zamoyseensis fundatorem optimum intercedere necesse

DEDICATORIA.

neceſſe fuit, noſtrarum ſibi quoque primam
cōmentationū popoſcit partē. At enim eius
ſunt cōditionis huiusmodi lucubrationū a-
pophoreta, vt licet neſcias quo magis nomi-
ne cuiſiam obſtrictus ſis, eandē tamen ope-
ram pluribus debitam titulis citra vitium ei-
dem ferre poſſis. Quod ſi incomparabilem
Heroēm Patrem tuū prius nobis fata rapue-
runt, quam iſtam grati animi ſignificatio-
nem cuiſiſſemus, ſequemur in hoc etiam
laudatū veterum morē, qui ſpectatas ma-
iorum ſuorum imagines eo cultu proſequi
conſueuerunt, quem iſtis dum viuebant vir-
tutis cauſa tribuiſſent. Te enim, in quo Pa-
tris virtus tam luculenter elucet, hoc hono-
re maſto, patronumque ſcribo. Vnde enim
Pater tuus, id eſt à literis tantam amplitudi-
nem orſus eſt, tu ita cœpiſti, vt omnium hu-
manarum diſciplinarum tractatione ſenum
expectationem viceris, & cum à te in diſci-
plina militari tyrocinium expectaremus, cō-
trā Scytharum ferociam, veterani numeros
expleſti omnes. Quæ initia quod nobis ma-
gnum

EPIST. DEDICAT.

gnum & Reipublicæ salutare portentunt ornamentum, votis omnibus ad cultum volumus, contendimus, speramus; Vale. Calissij in Collegio Carnouiano Societatis IES V, XV. Augusti M. DC. XVI.

APPROBATIO R.P. PROVINCIALIS.

Ego Stanislaus Gavvronski Societatis Iesu, in Prouincia Polonia Prouincialis, potestate ad id mihi facta à Reuerendo admodum Patre Mutio Vitellescho Preposito nostro Generali, facultatem concedo, ut Logica P. Martini Smiglecij eiusdem Societatis, grauium doctorumque hominum iudicio approbata, typis mandetur. In quorum fidem, has literas manu nostra subscriptas, Sigilloque nostro munitas dedimus. Calissij die 24. Iunij, Anni M. DC. XVI.

Stanislaus Gavvronskij.

INDEX



INDEX DISPUTATIONVM ET QVÆSTIONVM PRIMA PARTE CONTEN.

TARVM.

DISPUTATIO I.

De Enterationis.

- Questio 1. Quid sit ens rationis.* pag. 2
Questio 2. An ens rationis consistat in coniunctione impossibili plurium rerum. 9
Questio 3. Vtrum ens rationis sit conceptus aut denominatio extrinseca. 17
Questio 4. An & quomodo ens rationis fiat ab intellectu. 25
Questio 5. Vtrum ens rationis tunc fiat quando cognoscitur. 37
Questio 6. Vtrum solum ab intellectu an verò etiam ab aliis potentiis ens rationis fieri possit. 48
Questio 7. Quidnam sit illud esse obiectiuum quod tribuitur enti rationis. 55
Questio 8. Vtrum Diuinus intellectus cognoscat & faciat ens rationis. 58
Questio 9. Per quam operationē intellectus fiat ens rationis. 71
Questio 10. Quæ sint genera entium rationis. 75
Questio 11. An denominationes logicae sint verè entia rationis. 79

DISPUTATIO II.

De Logica in communi.

- Quest. 1. An obiectum Logicae sint operationes intellectus quæ dirigibiles.* 96

**

Quæ-

INDEX.

<i>Quaestio 2. An ens rationis sint necessaria ad operationes intellectus dirigendas.</i>	117
<i>Quaestio 3. An ens rationis directiuum operationum sit obiectum Logicae.</i>	130
<i>Quaestio 4. An Logica sit speculativa vel practica.</i>	140
<i>Quaestio 5. An Logica sit proprie Scientia, vel Ars vel Facultas.</i>	163
<i>Quaestio 6. An Logica Docens & Prens sit dua Logica specie distincta.</i>	188
<i>Quaestio 7. An Logica sit necessaria simpliciter ad scientias acquirendas.</i>	198

DISPUTATIO III.

De prima operatione intellectus.

<i>Quaestio 1. An omne ens possit à nobis apprehendi.</i>	204
<i>Quaest. 2. An non ens apprehendi possit.</i>	207
<i>Quaestio 3. An in prima operatione sit veritas incompleta.</i>	210
<i>Quaestio 4. An in prima operatione desur falsitas incompleta.</i>	222
<i>Quaestio 5. An prima operatio sit dirigibilis.</i>	233
<i>Quaestio 6. An in prima operatione sit compositio.</i>	234
<i>Quaestio 7. An abstractio sit actus prima operationis intellectus.</i>	237
<i>Quaestio 8. An possit aliquid abstrahere à contradictoriis.</i>	240
<i>Quaestio 9. An abstracta possint predicari de iis à quibus abstrahuntur.</i>	242
<i>Quaestio 10. An abstracta superiora de abstractis inferioribus predicari possint.</i>	251
<i>Quaestio 11. An definitio sit in prima operatione intellectus.</i>	254
<i>Quaestio 12.</i>	254

INDEX.

Quaestio 12. An detur in prima operatione simplex iudici-
um. 255

DISPUTATIO IV.

De naturis vniuersalibus.

Quaestio 1. An dentur natura vniuersales extra singularia exi-
stentes, seu an dentur Idea Platonica. 266

Quaestio 2. An natura in singularibus existentes sint re ipsa vni-
uersales. 275

Quaestio 3. An natura à parte rei habeat unitatem formalem
distinctam à numerica. 290

Quaestio 4. Quomodo vniuersale fiat per intellectum. 293

Quaestio 5. Quae & qualis sit unitas natura vniuersalis. 326

Quaestio 6. Qualem ordinem ad multa dicat natura vniuer-
salis. 329

Quaestio 7. An omnis natura effici possit ab intellectu vni-
uersalis. 337

Quaestio 8. An vniuersalia fiant ab intellectu per notitiam ab-
stractiuam vel comparatiuam. 340

DISPUTATIO V.

De quinque vniuersalibus.

Quaestio 1. De genere. 345

Quaestio 2. De specie. 362

Quaestio 3. De indiuiduo & quod sit principium Individuatio-
nis. 370

Quaestio 4. Quomodo Individuum sit vnum numero, & de v-
no solo praedicetur. 380

Quaestio 5. Quomodo se habent inter se genus, species, indi-
uiduum. 386

Quaestio 6. De differentiâ relata ad genus. 392

Qua-

INDEX.

<i>Quaestio 7. De differentia relata ad speciem.</i>	396
<i>Quaestio 8. De differentia qua vniuersalis est.</i>	403
<i>Quaestio 9. De Proprio.</i>	416
<i>Quaestio 10. De Accidente.</i>	430
<i>Quaestio 11. De numero predicabilium.</i>	442

DISPUTATIO VI.

De Æquiuocis, Analogis, Vniuocis.

<i>Quaestio 1. De Æquiuocis.</i>	450
<i>Quaestio 2. De Analogis attributionis.</i>	460
<i>Quaestio 3. De Analogis proportionis.</i>	469
<i>Quaestio 4. De vniuocis.</i>	498
<i>Quaestio 5. An ens sit vniuocum respectu omnium entium particularium.</i>	507
<i>Quaestio 6. An eadem ratio possit esse vniuoca & Analoga.</i>	514

DISPUTATIO VII.

De Prædicamentis in communi.

<i>Quaestio 1. An diuisio entis in decem summa genera sit prima, bona, & sufficiens entis diuisio.</i>	518
<i>Quaestio 2. An accidens sit vniuocum respectu omnium accidentium.</i>	520
<i>Quaestio 3. An genera prædicamentorum debeant esse vniuoca.</i>	523
<i>Quaestio 4. An necesse sit prædicamenta distingui ab inuicem ex naturæ rei.</i>	530
<i>Quaestio 5. Quenam ponantur in prædicamentis.</i>	538
<i>Quaestio 6. An res debeant poni in prædicamento, in concreto vel abstracto.</i>	540

I N D E X.
DISPUTATIO VIII.
De Substantia.

<i>Quaestio 1. Quid sit substantia in communi.</i>	543
<i>Quaestio 2. An ratio substantia Deo & creaturis conueniat vniuoce.</i>	549
<i>Quaestio 3. An ratio substantia sit communis vniuoce omnibus substantiis creatis.</i>	552
<i>Quaestio 4. An Deus sit in predicamento.</i>	563
<i>Quaestio 5. An substantia incorruptibiles ut caeli & Angeli sint in predicamento.</i>	579
<i>Quaestio 6. Quodnam sit supremum genus predicamenti substantia.</i>	586
<i>Quaestio 7. De diuisione substantia in primam & secundam.</i>	588
<i>Quaestio 8. De proprietatibus substantia.</i>	593

DISPUTATIO IX.
De Quantitate.

<i>Quaestio 1. An sola quantitas molis sit verè & propriè quantitas.</i>	610
<i>Quaestio 2. De quantitate magnitudinis in quo nam eius essentia consistat.</i>	615
<i>Quaestio 3. An numerus sit ens reale vel rationis.</i>	623
<i>Quaestio 4. An numerus sit vnum per se, vel per aggregationem.</i>	633
<i>Quaestio 5. An numerus sit vera species quantitatis.</i>	640
<i>Quaestio 6. An ratio sit species quantitatis.</i>	652
<i>Quaestio 7. An motus sit species quantitatis.</i>	653
<i>Quaestio 8. An tempus sit vera species quantitatis.</i>	658
<i>Quaestio 9. An locus sit species quantitatis distincta à superficie.</i>	659.

INDEX.

Quaestio 10. Quotnam sint species quantitatis

667

DISPUTATIO X.

De Relatione.

- Quaestio 1. An relatio sit ens reale.* 664
Quaestio 2. An relatio sit quid intrinsecum rei relata, an vero sit extrinseca denominationis. 683
Quaestio 3. An relatio sit res distincta à fundamento. 689
Quaestio 4. Qua sint fundamenta relationum. 703
Quaestio 5. In quo consistat propria ratio. relationum tertij modi. 716
Quaestio 6. An in omni re possit fundari relatio. 724
Quaestio 7. Que sit relatio predicamentalis, & quomodo à transcendentali differat. 735
Quaestio 8. An dentur aliquae relationes essentialis absolutis. 750
Quaestio 9. An terminus relationem terminet ratione absoluti vel relativi. 784
Quaestio 10. An relatio sumat suam essentiam à termino. 791
Quaestio 11. An relatio realis possit terminari ad non ens. 800
Quaestio 12. An ad relationem realem requirantur extrema realiter distincta. 817
Quaestio 13. An essentia relationis solum consistat in esse Ad, & non in esse In. 826
Quaestio 14. An una numero relatio possit terminari ad distinctos numero terminos. 831
Quaestio 15. De proprietatibus Relationis. 835

DISPUTATIO XI.

De Qualitate & sex ultimis predicamentis.

Quaestio

I N D E X.

<i>Quaestio 1. An qualitas sit speciale genus predicamenti.</i>	846
<i>Quaestio 2. De prima specie qualitatis.</i>	850
<i>Quaestio 3. De tribus aliis speciebus qualitatis.</i>	856
<i>Quaestio 4. De sex ultimis predicamentis.</i>	861
<i>De Actione.</i>	863
<i>De Passione.</i>	872
<i>De Quando.</i>	877
<i>De Vbi.</i>	880
<i>De Situ.</i>	884
<i>De Habitu.</i>	886



I N D E X D I S P U T A - T I O N V M E T Q V Æ - S T I O N V M P A R T I S S E C V N D Æ.

D I S P U T A T I O X I I.

De secunda operatione intellectus, seu de Enunciatione.

<i>Quaestio 1. An voces primo immediatè significant res vel conceptus.</i>	2
<i>Quaestio 2. An voces significant à natura an ex impositione.</i>	7
<i>Quaestio 3. An vocis significatio sumi debeat ex conceptu imponentis vel ex conceptu audientis.</i>	12
<i>Quaestio 4. Quid sit Nomen & Verbum.</i>	15
<i>Quaestio 5. Quid sit Nomen infinitum.</i>	21

Qua-

INDEX.

<i>Quaestio 6. An verbum in propositione sit tantum copula vel etiam predicatum.</i>	31
<i>Quaestio 7. In quo sit posita ratio formalis enunciationis.</i>	37
<i>Quaestio 8. Qualis veritas sit in secunda operatione intellectus.</i>	45
<i>Quaestio 9. An possit intellectus affirmare vel negare quod scit esse falsum.</i>	52
<i>Quaestio 10. An propositiones de futuro contingenti sint determinate verae aut falsae.</i>	57
<i>Quaestio 11. An contradictoria possint esse simul verae.</i>	65
<i>Quaestio 12. An inter contradictoria dari possit medium seu an contradictoria possint simul esse falsa.</i>	79
<i>Quaestio 13. Quanam dicenda sint propositiones contrariae.</i>	84
<i>Quaestio 14. An contradictoria possunt esse simul verae in eodem instanti temporis propter diversa instantia naturae vel rationis.</i>	91

DISPUTATIO XIII.

De tertia operatione intellectus quæ dicitur Discursus.

<i>Quaestio 1. Quid sit discursus, & quæ ad eius essentiam requirantur.</i>	97
<i>Quaestio 2. Quid sit illatio & quomodo se habeat ad Discursum.</i>	104
<i>Quaestio 3. An omnis cognitio Discursiva fiat ex præexistenti cognitione.</i>	114
<i>Quaestio 4. Quanam sint necessario præcognoscenda ad inferendam conclusionem.</i>	118
<i>Quaestio 5. Quid sit syllogismus.</i>	125
<i>Quaestio 6. An præmissa causent effectivè conclusionem.</i>	132
<i>Quaestio 7. An conclusio sit de essentia syllogismi.</i>	137
<i>Quaestio 8. An conclusio semper sequatur debiliorem partem.</i>	142

Quæ-

I N D E X.

<i>Quaestio 9. An ex falso possit inferri verum.</i>	140
<i>Quaestio 10. An ex impossibili possit inferri necessarium.</i>	154
<i>Quaestio 11. An ex una propositione de necessario, alia de inesse conclusio sequatur de necessario.</i>	160
<i>Quaestio 12. An ex una certa & evidenti, ex altera solum probabili possit inferri certa conclusio.</i>	166
<i>Quaestio 13. An ex una supernaturali & altera naturali sequatur conclusio naturalis.</i>	169
<i>Quaestio 14. An principium illud, Quae sunt eadem uni tertio, sunt eadem inter se, sit fundamentum syllogismorum.</i>	172
<i>Quaestio 15. An syllogismus in quo medius terminus est negatiuus sit bonus.</i>	183
<i>Quaestio 16. An dentur aliae species discursus à syllogismo essentialiter distinctae.</i>	187

DISPUTATIO XIV.

De Demonstratione.

<i>Quaestio 1. Quid sit demonstratio.</i>	193
<i>Quaestio 2. An praemissa demonstrationis debeant esse vera.</i>	201
<i>Quaestio 3. An praemissa Demonstrationis debeant esse immediatae.</i>	209
<i>Quaestio 4. An praemissa in Demonstratione debeant esse priores & notiores naturae conclusioni.</i>	221
<i>Quaestio 5. An praemissa in demonstratione debeant esse magis id est perfectius nota quam conclusio.</i>	227
<i>Quaestio 6. An & ex quibus causis demonstrationem esse oporteat.</i>	234
<i>Quaestio 7. An causa virtualis sufficiat ad demonstrationem.</i>	245
<i>Quaestio 8. An praemissa in Demonstratione debeant esse necessariae.</i>	253

INDEX.

<i>Quaestio 9. An demonstratio debeat constare ex iis quae sunt de omni.</i>	206
<i>Quaestio 10. An Demonstratio debeat constare ex iis quae sunt Per se.</i>	272
<i>Quaestio 11. Quomodo se habeat predicatum Per se, ad predicatum de omni, & ad predicatum necessarium.</i>	283
<i>Quaestio 12. An demonstratio constare debeat predicatis vniuersalibus.</i>	290
<i>Quaestio 13. An Demonstratio debeat constare principiis propriis.</i>	297
<i>Quaestio 14. An Demonstrationes Mathematicae sint perfectissimae, & conditiones demonstrationis Potissimae habeant.</i>	300

DISPUTATIO XV.

De Speciebus Demonstrationis.

<i>Quaestio 1. An sola Demonstratio Propter quid sit vera & propria Demonstratio.</i>	310
<i>Quaestio 2. An Demonstratio Propter quid & quia distinguatur specie.</i>	319
<i>Quaestio 3. An Demonstratio Potissima sit distincta species Demonstrationis à Demonstratione Propter quid.</i>	323
<i>Quaestio 4. Quod sit medium in Demonstratione potissima.</i>	328
<i>Quaestio 5. De speciebus Demonstrationis Quia.</i>	334
<i>Quaestio 6. An detur Circulus in Demonstrationibus.</i>	339
<i>Quaestio 7. An in Demonstrationibus detur progressus in infinitum.</i>	340
<i>Quaestio 8. An Demonstratio vniuersalis sit perfectior Particulari.</i>	352
<i>Quaestio 9. An Demonstratio Affirmatiua sit perfectior Negatiua.</i>	355

INDEX. DISPUTATIO XVI.

De Scientia.

<i>Quaestio 1. An homo naturaliter appetat scire.</i>	358
<i>Quaestio 2. An possit in hac vita perfecta alicuius rei scientia haberi.</i>	364
<i>Quaestio 3. An per sensum haberi possit scientia.</i>	379
<i>Quaestio 4. An id de quo habetur scientia sit complexum vel incomplexum.</i>	383
<i>Quaestio 5. An scientia solum sit de ente reali.</i>	390
<i>Quaestio 6. An scientia solum sit de necessariis.</i>	413
<i>Quaestio 7. An de agibilibus & factibilibus à nobis possit esse scientia.</i>	425
<i>Quaestio 8. An scientia solum sit de vniuersalibus.</i>	433
<i>Quaestio 9. An de corruptibilibus possit haberi scientia.</i>	438
<i>Quaestio 10. An veritas sit perfectio essentialis scientia.</i>	442
<i>Quaestio 11. An scientia possit esse simul cum errore in eodem intellectu.</i>	445
<i>Quaestio 12. De certitudine scientia, & an stare cum opinione possit.</i>	451
<i>Quaestio 13. De euidentia scientia.</i>	470
<i>Quaestio 14. An scientia stare possit cum fide Diuina.</i>	475
<i>Quaestio 15. An habitus scientia in intellectu sint res distincta a speciebus intelligibilibus.</i>	482
<i>Quaestio 16. An habitus scientia sit distinctus ab habitu principiorum.</i>	500
<i>Quaestio 17. An quinque tantum sint habitus intellectus enumerati ab Aristotele 6. Ethicorum, Intellectus, Scientia, Sapientia, Prudentia, Ars.</i>	513

DISPUTATIO XVII.

De Scientia Totali.

<i>Quaest. 1. An scientia Totalis sit una simplex qualitas vnius simplicis essentia.</i>	519
<i>Quaest.</i>	519

INDEX.

<i>Quaestio 2. An scientia Totalis sit una scientia, & unde sumenda sit hac unitas.</i>	533
<i>Quaestio 3. Quodnam & quale sit obiectū scientia Totalis.</i>	548
<i>Quaestio 4. Quid sit praxis.</i>	558
<i>Quaestio 5. Quid sit cognitio practica.</i>	570
<i>Quaestio 6. An Practicum & Speculatiuum sint differentia essentialis cognitionis.</i>	588
<i>Quaestio 7. Quomodo scientia Totalis dicatur Speculatiua vel Practica.</i>	593
<i>Quaestio 8. An & quomodo una scientia subalternetur alteri.</i>	599

DISPUTATIO XVIII.

De Definitione.

<i>Quaestio 1. Quid sit Definitio.</i>	612
<i>Quaestio 2. An Definitio constare debeat genere & differentia.</i>	622
<i>Quaestio 3. An Definitio explicet ipsum quod quid esse, seu quidditatem rei.</i>	624
<i>Quaestio 4. An omnia definiri possint.</i>	634
<i>Quaestio 5. An accidens necessario definiatur per additamentum.</i>	644
<i>Quaestio 6. An vnus rei possint esse multa definitiones essentialis.</i>	651
<i>Quaestio 7. An Definitio necessario competat definito.</i>	654
<i>Quaestio 8. An omnis intellectus definire possit.</i>	656
<i>Quaestio 9. An Definitio sit nobilior Demonstratione.</i>	661



I N D E X

RERVM PRÆCIPV- RVM QVÆ IN HAC LOGICA CON- TINENTVR.

Prior numerus disputationem, alter quæstionem:
literæ A. principium, B. medium, C. finem de-
signat.

A.

Absolutorum natura. 4. 2. b

*Absolutum nō completur essentialiter per
Relationem.* 10. 8. b

Abstractio est actus primæ operationis.
3. 7. a

Abstractio an & quomodo conformis res.
ibid.

*Abstractionis fundamentum partim in
re, partim in intellectu.* b

*Abstracte in re à contradictoriis nihil
potest, in cognitione potest.* 3. 8. a

Abstracta triplicia. 3. 9. a

*Abstracta quæ in sua significatione nullo
modo involunt ea à quibus abstrahū-
tur, non prædicantur de illis.* b

*Abstracta quæ quoad modum significandi
non involunt ea à quibus abstrahun-
tur, non prædicantur de illis.* ibid.

*Abstractio facit naturam, non singula-
4. 6. b*

*Abstractio sola à singularibus facit uni-
versale in essendo.* 5. 11. a

*Abstractio triplex in obiectis scientia-
rum.* 17. 2. a

*Abstractio triplex in obiecto Metaphysica
assignari potest.* ibid.

*Abstractiones multe dantur in Mathe-
maticis.* b

*Abstractiones plures specie non possunt as-
signari in Mathematicis.* ibid.

*Abstractio distinguit solum scientias spe-
culativas inter se.* b

Accid.

INDEX RERV M

- Accidens definiendi modus duplex.* 5.1.b
Accidēs potest predicari necessario. 5.9. b
Accidentis definitio an conveniat proprio.
ibid.
Accidens non proprium constituit quin-
eum predicabile. 5.10.a
Accidentis definitio. *ibid.*
Accidens quomodo potest abesse non reali-
ter nec per intellectum. b
Accidens omne est aliquo modo ex natura
rei separabile. *ibid.*
Accidentia que naturaliter separentur
ibid.
Accidentia quedam non separantur sine
reali corruptione subiecti. *ibid.*
Accidentis definitio de separatione per in-
tellectum intelligenda. *ibid.*
Accidens fluens ab essentia potest abesse si-
ne corruptione subiecti. *ibid.*
Accidentis negatio quomodo intelligenda.
ibid.
Accidentis proprius modus non est predi-
cari in quale, accidentale contingens.
ibid.
Accidens non solum in quale predicatur.
ibid.
Accidens non omne predicatur cōtingen-
ter. *ibid.*
Accidentis proprius modus predicādi. *ib.*
Accidens Physicum & Logicum c
Accidens Logicum est solum respectu
accidens. *ibid.*
Accidens singulare cōmune pluribus sub-
iectis. 5.9.b
Accidentia predicantur dupliciter. 6.4.b
Accidens completum est quid analogum.
7.2. b
Accidentium concreta sumuntur pro ab-
stractis. 7.6.c
Accidentia sola sunt in subiecto. 8.1. b
Accidens non dicitur de subiecto. 8.8. b
Accidentis ordo ad subiectum non est essen-
tialis. 10.8.b
Accidēs quomodo dicatur esse Entis ens. c
Accidens in sua essentia non dicitur a pte
dinem nisi consecutivē. c
Accidentia plura solo numero distincta
possunt esse in eodem. 10.14.b
Accidentis quomodo conveniat esse Quid.
18.3. a
Accidens in ratione entis completi defini-
ri debet per additamentum. 18.5.a
Accidens potest concipi absolute & respec-
tivē. b
Accidentia specificantur a subiecto solum
per commensurationem cum subiecto.
ibid.
Æquiuoca quid sint. 6.1.a
Æquiuocum nomen cur dicitur commu-
ne. *ibid.*
Æquiuoca possunt ne definiri. *ibid.*
Æquiuoca sintne res vel voces. *ibid.*
Æquiuoci conceptus dentur ne. *ibid.*
Æquiuoca vox significat diversas essenti-
as dupliciter. *ibid.*
Æquiuoci purē conceptus non datur, sed
solum per modum analogi. *ibid.*
Æquiuoca sunt duplicia. c
Æquiuocum nomen quare ratione predice-
tur de suis significatis. *ibid.*
Æquiuocum siue una vox vel plures i-
bid.
Eternitas cum demonstratur de Deo de-
monstratur in specie. 14.7.b
Affir-

PRÆCIPVARYM.

- Affirmatio si est conformis rei, negatio il-
li opposita falsa est. 12. 12. b
- Agens duplex. 2. 4. b
- Actus an potentia nobilior. 5. 6. c
- Actio an fundamētum Relationis. 10. 4. b
- Actus sumere essentiam ab obiectis non di-
cit Aristoteles. 10. 8. b
- Actus quomodo specificentur ab obiectis.
ibid.
- Actuum non refertur realiter ad nō ens.
10. 11. b
- Agentia naturalia ex determinatione a-
gunt propter finem. c
- Agens refertur realiter ad seipsum, quo-
modo 10. 12. b
- Actio dupliciter consideratur. 11. 3. b
- Actio quid sit. 11. 4. b
- Actus ratio formalis an sit re ab effectu
distincta, an verò sola ratione. ibid.
- Actio constat absoluto & respectu. ibid.
- Actio est aliquando forma intrinseca. i-
bid.
- Actus est res distincta ab agente. ibid.
- Actio debeat dici fieri. ibid.
- Actio tam immanens quàm transiens po-
nitur in predicamento Actionis. ibid.
- Actioni omni respondet suo modo passio.
ibid.
- Actus specificatur cum ab obiecto, cum à
potentia. 17. 1. b
- Analogum non est verè univiale. 4. 5. c
- Analogia sine equivoco. 6. 1. c
- Analogia attributionis quæ sunt. 6. 2. a
- Analogia attributionis unde sic appellen-
tur. ibid.
- Analogia attributionis requirit ne nomen
commune cum illis ad quæ attribuitur.
ibid.
- Analogia attributionis requirit commu-
nitatem nominis. ibid.
- Analogorum attributionis ratio essentia-
lis soli ne principali analogato an eti-
am aliis conveniat. b
- Analogia attributionis præter vocem ha-
beatne aliquam rationem, commu-
nem. c
- Analogia attributionis ab analogo prin-
cipali & minus principalibus nihil cō-
mune abstrahunt. ibid.
- Analogia minus principalia à quibus ab-
strahitur communis ratio spectans ad
analogiam proportionis. ibid.
- Analogia duo requirit. 6. 3. a.
- Analogorum proportionis principale ana-
logatum dari est per accidens. b
- Analogum proportionis significetne imme-
diatè multa an verò unum. ibid.
- Analogum quam convenientiam funder.
ibid.
- Analogum immediatè non significat ali-
quid unum sed multa. ibid.
- Analogum quo sensu dicitur significare
multa. c
- Analogum quæ ratione prædicat multa
de eodem. ibid.
- Analogus conceptus quæ ratione est unus
cum significet multa. ibid.
- Analogia unitas sine essentialis vel acci-
dentalis. ibid.
- Analogia habeatne aliquas propriè diffe-
rentias per quas contrahatur. ibid.
- Analogum significare rem sub ratione &
convenientia proportionali, quæ sensus.
ibid.
- Analogia ratio essentialis cui nam conve-
niat. 6. 5. b

INDEX RERUM

- Artificiata significant per modū substantiæ. c.*
- Assensus non potest esse sine ratione assentiendi. 13. 6. b*
- Assentiendi ratio duplex. c.*
- Assensus incerti quodnam sit obiectum. 16. 12. b.*
- Assensus an possit esse neg. certus neg. incertus. ibid.*
- Assensus qualem causent rationes probabiles. ibid.*
- Assensus qualis generatur multiplicatis rationibus probabilibus. ibid.*
- Assentiendi ratio duplex, intrinseca & extrinseca. 16. 16. c.*
- Attributa divina non habent verā causam. 14. 7. b*
- C.**
- Cœli & Angeli sunt in prædicamento substantiæ. 8. 5. b*
- Calefactuum relatiuè & absoluè sumptum. 10. 11. b*
- Canis nomen ad quid sit impositum. 6. 1. b*
- Causa simul cum effectu potest esse in eodem instanti. 13. 1. c*
- Causa non eodem modo communicat effectui perfectionem & imperfectionem. 13. 8. a*
- Causa si est mediata, potest per causam immediatam demonstrari. 14. 3. b*
- Causa in vniuersali est nobis ignotior dupliciter. 14. 4. b*
- Cause si sint notissime, præmissæ in demonstratione sunt notiores tam naturæ, quàm quo ad nos. c*
- Cause vniuersæ possunt equalem sibi producere effectum, non verò æquiuocæ. 14. 5. b*
- Causa in demonstratione debet esse causa passionis quæ demonstratur de subiecto. 14. 6. a*
- Causa passionis debet esse æquiuoca & conuertibilis cum ipsa. ibid.*
- Causa remota non conuertibilis obstat demonstrationi. b*
- Causa in demonstratione conuenit subiecto, sed in ordine ad prædicatum. ibid.*
- Causa in demonstratione variè consideratur. ibid.*
- Causa intrinseca passionis nō est medium in demonstratione. ibid.*
- Causa quæ est materialis respectu subiecti, ut est causa efficiens respectu passionis, est medium in demonstratione. ibid.*
- Causa efficiens debet esse causa passionis tam quo ad existentiam quàm quo ad essentiam in demonstratione. ibid.*
- Causari rē quo ad essentiam quid sit. ibid.*
- Causa in demonstratione debet esse æquiuoca. ibid.*
- Cause actualis & virtualis descriptio. 14. 7. a*
- Cause ratio non conuenit entī reali per intellectum, sed à parte rei. ibid.*
- Causa virtualis est solum causa in intellectu cum aliquo fundamento in re. ●*
- Cause ratio duo requirit. ibid.*
- Causa dupliciter potest dici causa per se alicuius effectus. 14. 10. c*
- Causa per se dupliciter est necessariō causa. 14. 11. b*
- Causa qualis ad demonstrationem potissimam*

- finam requiratur. 15.4.b
 Causa remota duplex, conuertibilis & in-
 conuertibilis. 15.5.b
 Causa remota nec conuertibilis etiam de-
 monstrationem veram Quia efficit.
 ibid.
 Certitudo de bonitate consequentiae non
 nec sſarid habetur per scientiam. 2.5.b
 Certum, necessarium, contingens, proba-
 bile, quid. 13.12.a
 Certitudo an ab euidencia distinguatur.
 ibid.
 Certum ex probabili inferrinon potest. c
 Certitudo sine veritate non est vera cer-
 titudo. 14.2.b
 Certitudo datur maior vel minor si ha-
 beatur per medium magis vel minus
 immutabile. 14.5.c
 Certitudo qualis habeatur per sensum, 16.
 3.b
 Certitudo quid sit & unde proueniat. 16.
 12.a
 Certus an possit quis esse simul & incertus
 per diuersa media. b
 Circulus in definitionibus quando vitio-
 sus. 10.15.c
 Circulus in demonstratione quid sit. 15.6.a
 Circulus in demonstrationibus vsitatus.
 ibid.
 Circulus perfectus & imperfectus. ibid.
 Circulus perfectus in demonstrationibus
 non datur. b
 Circulus imperfectus in demonstrationi-
 bus datur. ibid.
 Circulum qualem neget Aristoteles. c
 Cognitio diuina qua cognoscit mediatè
 ens rationis, non est imperfecta, quia
 non difformis ex se a se. 1.8.a
 Cognitio diuina qua Deus cognoscit me-
 diatè ens rationis, non est ex se diffor-
 mis rei, sed ex eo tantum quia est co-
 gnitio cognitionis ex se difformis, &
 ideo non est imperfecta. b
 Cognitum esse quid sit. 1.11.a
 Cognitio abstractiua intellectus ad quid
 terminatur. ibid.
 Cognitio abstractiua tendit in obiectum,
 partim positinè partim negatiuè. b
 Cognitio practica & cognitio speculatiua
 distinguuntur ex fine. 2.4.a
 Cognitio dupliciter practica, ex effectu &
 ex obiecto. b
 Cognitio etiam ut fit rectè vel secus, non
 est praxis. ibid.
 Cognitio quae fit ab alia cognitione, non est
 praxis. ibid.
 Cognitio practica non habet pro fine ve-
 ritatem. ibid.
 Cognitio nec actio est nec factio. ibid.
 Cognitionem Aristoteles nunquam vocat
 actionem aut factionem. ibid.
 Cognitio ut fit, non est factio. ibid.
 Cognitio sola dirigens opus à cognitione
 distinctum, est practica. ibid.
 Cognitio rei factibilis est practica. ibid.
 Cognitionis speculatiue ratio in quo con-
 sistit. 2.4.c
 Cognitio practica dupliciter. 2.6.c
 Cognitionum successio non requiritur ad
 discursum. 13.1.b
 Cognitiones duas esse simul nō repugnat. c
 Cognitio antecedentis quomodo constitu-
 at assensum consequentis in sua essen-
 tia. 13.2.a

INDEX RERVM

- Cognitio rerum perfecta duplici medio acquiritur. 16.2.b
- Cognitio abstractiua immediate non terminatur ad res extra animam. 16.5.b
- Cognitionis intuitiue & abstractiue differentia. ibid.
- Cognitio carens veritate, non potest esse scientia essentialiter. 16.10.b
- Cognitio non est verum opus. 17.4.b
- Cognitio potest esse praxis ut actus moralis à voluntate imperatus. ibid.
- Cognitionem non esse praxim probatur. ibid.
- Cognitio etsi ab alia cognitione dirigatur, non est praxis. c
- Cognitio est practica vel ex obiecto, vel ex effectu, quia efficit praxim. 17.5.a
- Cognitio practica qua ratione à speculatiua differat sine. b
- Cognitio artis & prudentie semper est practica. ibid.
- Cognitio practica an sit etiam productiua. ibid.
- Cognitio per accidens speculatiua & practica. c
- Cognitio an omnis necessario speculatiua vel practica. ibid.
- Compositio duplex. 1.2.b
- Componere non ens cum ente in actu signato, non est necesse. ibid.
- Compositio obiectiua solum est in intellectu composita apprehendente. 3.3.a
- Compositio ex parte actus non est in prima operatione. 3.6.a
- Compositio obiectiua potest esse in prima operatione. b
- Compositio ex genere & differentia an realis. 5.7.c
- Compositio item duplex. 12.7.a
- Compositio predicati cum subiecto quid sit. b
- Compositio est in propositione negatiua. c
- Conceptus rose nomine duo intelliguntur. 1.3.b
- Concipere factum an sit idem quod facere. 1.8.c
- Conceptus formalis non est vniuersalis in essendo. 4.4.b
- Conceptus formalis in mente existenti respondet in re conceptus obiectiuus. ibid.
- Conceptus potest dici vnus dupliciter. 6.1.b
- Conceptus obiectiuus analogi præscinduntur ne & distinguatur à conceptu obiectiuo analogorum. 6.3.b
- Conceptus analogus obiectiuus non potest præscindi & distingui simpliciter, sed tantum secundum quid. ibid.
- Conceptus analogus dupliciter distinguitur & præscinditur à conceptu analogati. ibid.
- Conceptus significantur mediante significatione rerum. 12.1.a
- Conclusio quomodo possit esse sine illatione. 13.2.c
- Conclusio continetur virtute in præmissis. 13.3.a
- Conclusio falsa non potest inferri ex veris præmissis. 13.5.b
- Conclusio falsa infertur ex vna præmissa vera & altera falsa. ibid.
- Conclusio quomodo causetur effectiue à præmissis. 13.6.a
- Conclusio est effectus præmissarum, non vero syllogismi. 13.7.a
- Conclusio est de essentia syllogismi. b

PRAECIPVARVM.

- Conclusio quomodo sit de essentia syllogismi.** c
- Conclusio sequitur debiliorem partem, quomodo hoc intelligendum.** 13.8.b
- Conclusio quomodo dicatur & possit esse perfectior praemissis.** ibid.
- Conclusio potest non esse aequè debilis ac praemissa.** ibid.
- Conclusio similem defectum supponit in praemissis.** c
- Conclusio falsa an participet aliquam veritatem à praemissa vera.** 13.9.a
- Conclusio ex natura rei vera sequitur a liquando ex suppositione falsa, mediante Maiore vera.** ibid.
- Conclusio necessaria duplex.** 13.10.b
- Conclusio Theologica perfectior naturali.** 13.13.c
- Concluditur nihil ex puris particularibus.** 13.14.c
- Conclusio Theologica an demonstrativa.** 14.3.b
- Conclusio non demonstratur ex praemissis ab aliis factis.** ibid.
- Conclusio potest inferri ex falsis praemissis vera materialiter.** 14.8.a
- Conclusio ex praemissis in existimatione, sequitur necessaria, sed existimata.** b
- Conclusionis assensus per diuersa media causatus, differt specie extrinsecè.** 15.2.b
- Conclusio an sit obiectum scientie.** 16.4.b
- Conclusio dupliciter accipitur.** ibid.
- Conclusionis subiectum est obiectum de quo est scientia.** 17.3.c
- Conclusio eadem potest spectare ad diuersas scientias.** 17.7.a
- Coverera an possint predicari de abstractis.** 3.10.c
- Consequentia est bona à termino negato ad infinitum, & contra.** 12.5.c
- Consequentiarum species.** 13.16.f
- Continere virtute quid sit.** 3.12.b
- Contingentia ratio tota desumitur ex causa indeterminata ad agendum.** 12.10.c
- Contingens esse determinatè futurum, dupliciter intelligi potest.** ibid.
- Contingentes res quomodo sint contingentes, quomodo necessarie.** 14.8.b
- Contradictoriorum loci.** 3.8.b
- Contradictio definitur.** 12.11.a
- Contradictio sola non habet medium secundum seipsam.** ibid.
- Contradictoris solis simpliciter conuenire non habere medium.** ibid.
- Contradictorie opposita tria requirunt, quae ad unum reuocantur.** b
- Contradictoria cognoscendi regula.** ibid.
- Contradictoria sola particularis negatiua, & vniuersalis affirmatiua, & e contra cur.** ibid.
- Contradictoria non posse esse simul vera probatur.** c
- Contradictoria si simul essent vera, nihil predicaretur substantialiter.** ibid.
- Contradictoria an sequantur ex contrariis.** 12.13.b
- Contradictoria inferri posse ex contrariis, dupliciter intelligi potest.** ibid.
- Contradictoria sequuntur ex impossibili.** 13.10.c
- Contradictoria an sint omnia aequè impossibilia.** 14.8.b
- Contradictoria omnia habent equelem repn-**

INDEX RERVM

- repugnantiam ortam formaliter ex
 mera contradictione. *ibid.*
 Contradictio spectata in ordine ad suam
 causam, licet non possit una esse maior
 altera formaliter, potest tamen esse ex
 causa. *ibid.*
 Contraria sunt quae maximè distanti. 12.
 13. b
 Contraria sunt duplicis generis. 16. 11. a
 Corpori existenti in pluribus locis cur &
 eadem & diuersa praedicata conueni-
 ant. 4. 2. b
 Corruptibile & incorruptibile differre
 genere, explicatur. 8. 5. b
 Creatura non dicit ordinem essentialem
 ad Deum. 10. 8. b
D.
 Definitio diuersa substantiae & acciden-
 tis. 5. 1. a.
 Definitum materiale & formale. *ibid.*
 Definitio non est unum ex predicabilibus.
 5. 11. b
 Definitio quomodo notior Definito. 10. 15. b
 Definitio & Demonstratio instrumenta
 sciendi. 14. 1. c
 Definitio potest accipi dupliciter. *ibid.*
 Definitio non est instrumentum sciendi in
 demonstratione assumpta pro medio;
 & hoc propter duo. *ibid.*
 Definitio subiecti non autem passionis est
 medium demonstrationis a priori, hac
 enim continet causam conclusionis. 14.
 3. b
 Definitio quae non potest esse medium De-
 monstrationis. 14. 6. b
 Definitio subiecti medium in demonstra-
 tione potissima. 15. 4. a
 Definitio passionis cur non sit medium in
 demonstratione. b
 Definitio distinctus Terminus à Definito.
ibid.
 Definitio an definiri possit. 18. 1. a
 Definitio sumitur formaliter & materi-
 aliter. *ibid.*
 Definitio in actu signato definiri potest. b
 Definitio in actu signato & in actu exer-
 cito quid. *ibid.*
 Definitio in actu exercito definiri non po-
 test. *ibid.*
 Definitio an oratio. *ibid.*
 Definitio alia est obiectiua, alia forma-
 lis. *ibid.*
 Definitio est composita ex pluribus conce-
 ptibus. *ibid.*
 Definitio est distinctus terminus à defini-
 to. c
 Definitio debet esse clarior definito. *ibid.*
 Definitio debet constare genere & diffe-
 rentia. 18. 2. a
 Definitio non datur per summam genus
 & infimam differentiam, licet detur
 per genus infimum & differentiam
 ultimam. b
 Definitur Quod quid esse rei. 18. 3. a
 Definitio non distinguitur ex natura rei à
 definito. c
 Definiri per materiam quid sit apud Ari-
 stotelem. 18. 6. b
 Definitiones simpliciter necessarias non
 habent artificialia. 18. 7. a
 Definitio intellectus humani licet perfe-
 ctissima, innouit imperfectum modum
 cognoscendi. 18. 8. a
 Demon-

PRÆCIPVARVM.

- Demonstratio quomodo sit necessaria.** 13. 5. b
Demonstrationis duplex definitio tradita
ab Aristotele. 14. 1. a
Demonstratio sola facit scire syllogisticè.
ibid.
Demonstratio facit scire dupliciter. b
Demonstratio an sit instrumentum sciendi, & quidem sola. *ibid.*
Demonstrationis præmissarum proprietates quot. 14. 2. a
Demonstratio non potest esse per talem causam quæ à terminis conclusionis ne per conceptum quidem est distincta. 14. 3. b
Demonstratio potissima requirit præmissas immediatas actu non virtute. c
Demonstratio per effectum non est perfecta. 14. 6. a
Demonstratio procedens ex causa remota, modo sit conuertibilis, continet in se proximam. b
Demonstratio posita ne per quodlibet genus causæ fieri. *ibid.*
Demonstratio solam procedit per causam extrinsecam si de causa formaliter loquamur, ut est causa passionis. *ibid.*
Demonstratio requirit causam necessariam passionis non solum quoad existentiam, sed etiam quoad essentiam. *ibid.*
Demonstratio potest fieri per causam finalem passionis. *ibid.*
Demonstratio potest etiam fieri materialiter loquendo per genus causæ formalis & materialis subiecti. c
Demonstratio ad omnimodam rei scientiam postulat omnes causas. *ibid.*
Demonstratur id solum, quod causatur à tali causa. 14. 7. a
Demonstratio nulla potest haberi de Deo à priori. *ibid.*
Demonstrationis proprietates explicantur. 14. 8. a
Demonstratio debet inferre conclusionem necessariam formaliter. *ibid.*
Demonstrationi proprium est secundum Aristotelem, esse ex necessariis. b
Demonstrationis perfectio in duobus consistit. c
Demonstrationes Theologicæ sunt necessarie simpliciter. *ibid.*
Demonstratio potissima requirit ut propositio per se secundi modi sit etiam de omni. 14. 10. b
Demonstratio potissima demonstrat proprietatem intrinsecam per causam intrinsecam subiecti. 14. 11. c
Demonstratio potissima requirit prædicata uniuersalia quæ omni & primo conueniunt. 14. 12. c
Demonstratio debet constare prædicatis primis & uniuersalibus etiam in præmissis. *ibid.*
Demonstratio proprietatis generica de specie erit per principia communia. 14. 13. a
Demonstratio potissima debet constare principiis propriis. *ibid.*
Demonstrationes communes sunt ex duplici causa. b
Demonstratio nulla debet constare principiis alienis. *ibid.*
Demonstratio an inueniatur in rerum natura ut est descripta ab Aristotele. 14. 14. a
Demonstrationis necessitas si sit per mediam

INDEX RERVM

- extrinseca, erit mutuata. **b**
- Demonstrationes Mathematicæ an sint
potissima. **ibid.**
- Demonstrationes Mathematicæ non con-
tinent in se veras causas essendi. **ibid.**
- Demonstrationum Mathematicarum ne-
cessitates non sunt potissima. **c**
- Demonstratio duplex, Propter quid, &
Quia. **15.1 a**
- Demonstratio quæ vera dicatur. **b**
- Demonstratio qualis sit per causam fina-
lem. **15.4 b**
- Demonstratio omnis debet esse per cau-
sam formalem passionis. **c**
- Demonstratio per effectum est vera spe-
cies demonstrationis. **15.5 a**
- Demonstratio potest esse ex causa remo-
ta. **c**
- Demonstratio vniuersalis perfectior est
quàm particularis. **15.8 a**
- Demonstratio affirmatiua perfectior
quàm negatiua. **15.9 a**
- Demonstratio propriè practica est simpli-
citer contingens. **16.7 c**
- Demonstratio Propter quid est essentiali-
ter perfectior demonstrationis Quia. **17.1 b**
- Demonstratio Propter quid & Quia spe-
cie distinguuntur. **15.2 a**
- Demonstratio Propter quid duplex est,
potissima, & non potissima. **15.3 c**
- Demonstratio Quia, Verè & essentialiter
est demonstratio. **15.1 b**
- Demonstratio Quia vniuocè conuenit in
ratione demonstrationis cum demon-
stratione Propter quid. **ibid.**
- Denominationes Logice sunt partim ab
actu intellectus, partim à mediatio-
nis. **7.11 c**
- Denominationes ab actu intellectus du-
plices. **2.2 b**
- Dependentia & independentia sunt quid
essentiale. **7.2 b**
- Dependentia rerum creatarum à Deo quo-
modo essentialis, & an possit aliqua
creatura esse independens à Deo. **ibid.**
- Dependentia essentialis triplex Ratione
Termini, Fundamenti & Relationis. **c**
- Dependentia quoad assensum quid sit. **13.
2 a**
- Dependere aliquid potest ab altero dupli-
citer, per se & per accidens. **14.5. c**
- Deus cognoscit indirectè entia rationis,
non directè. **1.8 b**
- Deus facit ens rationis. **b**
- Deus mediatè cognoscit & facit ens ra-
tionis. **c**
- Deus an fingat ens rationis. **ibid.**
- Diuina attributa concipiendi modus du-
plex. **4.7 a**
- Dei perfectio vna, cur non possit abstrahi
ab alia. **b**
- Deus non est substantia Prædicamentalis.
8.4 a
- Deum nullo modo esse in Prædicamento
substantiæ. **ibid.**
- Deo repugnat ratio generis. **b**
- Deo repugnat omnis ratio ex se indeter-
minata. **ibid.**
- Deus ens per essentiam. **ibid.**
- Deus non habet fundamentum conceptus
indeterminati. **ibid.**
- Deo repugnat omnis ratio potentialis &
perfectibilis. **ibid.**
- Deo repugnat compositio ex genere & dis-
ferentia. **ibid.**
- Deo

P R A E C I P V A R V M.

Deo repugnat fundare rationē partium.		Differentia genere nobilior ex duplici ca-	
ibid.		pice.	5.6.b
Divina essentia ab existentia non potest		Differentia constituens & distinguens.	
abstrahi cum fundamento in Deo. ibid.		5.7.a	
Divina perfectio non potest abstrahi ab		Differentia est quid simplex.	B
infinitate cum fundamento in Deo.		Differentia superioris an sit gradus infe-	
ibid.		rior.	ibid.
Deus est per essentiam infinitus.	ibid.	Differentia Animalis Rationalis.	ibid.
Deus non reducitur ad Prædicamenta. c		Differentia respectu inferiorum species,	
Deum non esse in Prædicamento, Logica		an respectu speciei sit univ. 5.8.a	
ratio.	ibid.	Differentia univ. salitas propria.	b
Divina attributa prædicantur substan-		Differentia de pluribus mediate prædica-	
tialiter.	ibid.	tur.	ibid.
Divine Relationes an ponantur in prædi-		Differentia unde sit univ. salis in essen-	
camento Relationis.	ibid.	do.	ibid.
Divina attributa in quibus prædicamen-		Differentia an constituat duo prædicabi-	
tis.	ibid.	lia.	ibid.
Deus non est scibilis scientia demonstra-		Differentiam debere esse extra rationem	
tina.	14.7.c	generis, an sit verum.	6.4.c
Deus cognoscitur per scientiam visionis.		Differentia qualitatis non est qualitas,	
ibid.		sed ratio qualitatis.	7.3.b
Deus ita est singularis ut ei repugnet e-		Differentia dicitur de specie tanquam de	
tiam per intellectum esse in multis In-		subiecto.	8.8.b
dividiis.	14.9.b	Discrimen inter picturam hominis & hir-	
Deus an definiri possit.	18.4.b	cocerui.	1.4.c
Deus non constat genere & differentia,		Discrimen inter entia rationis & nomen-	
nec potest definiri.	ibid.	tia rationis.	15.c
Deus concipiendo definitionem nostram,		Discrimen inter artem cytharizandi ac	
non habet de illa conceptum definiti-		similes & Logicam.	2.5.b
um.	18.8.b	Discrimen Logice & aliarum artium.	c
Dici supponit esse vel inesse.	8.8.b	Discrimen Proprij & Accidentis.	5.8.a
Dici de subiecto quid sit.	ibid.	Discrimen inter Speciem & Definitionem.	
Dici ad aliud & referri ad aliud quid sit.		5.11.b	(6.1.b
10.5.a		Discrimen conceptus univ. soci & analogi.	
Dici quomodo sequatur ad esse.	10.7.b	Discrimen unitatis essentia & unitatis	
Differentia numerica dantur.	5.3.c	proportionis essentia.	6.4.b
Differentia numerica quid, & an substā-		Discrimen prædicabilis & prædicamenti.	
tialisi.	5.4.a	7.1.b	

INDEX RERVM

- Discrimen inter perfectiones creatas & diuinas.* 8.4.b
Discrimen inter Finem & Terminum. 10.8.b
Discrimen inter Ens Absolutum & Relatum. c
Discrimen inter futura presentia ac praeterita. 12.10.b
Discrimen inter adequatam & inadequatam existentiam. 12.14.c
Discrimen inter demonstrationem potissimam & alias. 14.3.c
Discrimen inter definitionem subiecti & passionis. 14.6.b
Discrimen inter syllogismum demonstratum & non demonstratum. 14.8.c
Discrimen Entium Rationis & Realium. 15.9.c
Discrimen Actus & Habitus. 16.14.c
Discrimen inter scientiam & intellectum. 16.16.b
Discrimen inter habitus infusos & acquisitos. ibid.
Discursus continet plures actus realiter distinctos. 13.1.a
Discursus non datur in Deo. ibid.
Discursus una cognitio dependet ab altera realiter. ibid.
Dispositio dupliciter accipitur. 11.2.b
Diuisio multiplex. 4.4.b
Diuisio necesse est ut sit mutua. 6.4.c
Diuisio bona. 7.1.a
Diuisio an bimembris. ibid.
Diuisio sufficiens. ibid.
Diuisio in primam & secundam substantiam non est generis in species, neque Analogi in analogata, neque totius in partes, nec in vniuersalem & singula-
rem, sed est subiecti in accidentia. 8.7.c
Diuisa possunt concipi ut indiuisa. 9.5.b
Diuisio quomodo sit instrumentum ad inuestigandam definitionem. 14.1.c

E.

Eadem materialiter & formaliter. 13.14.a
Eadem vni tertio an sint eadem inter se. b
Effectus à causis secundis non dependent essentialiter. 8.2.c
Effectus considerari potest quadrupliciter. 11.4.b
Effectus contingentiae in quo consistat. 12.10.b
Ens sensibile solum à nobis potest apprehendi secundum propriam rationem. 3.1.a
Ens omne à nobis apprehendi potest. ibid.
Ens non est vniucum respectu entium particularium. 6.5.a
Entis conceptus immediatè non significat vnā tantum rationem. b
Entis conceptus non praescinditur simpliciter à rationibus particularium entium, sed tantum secundum quid. ibid.
Ens est analogum respectu entium particularium. ibid.
Entia omnia conueniunt, sed alia atque alia ratione. c
Ens creatum diuiditur in decem genera. 7.1.b
Ens an possit concipi nec absolutum nec respectuum. 7.2.a
Entia per accidens non ponuntur in Praedicamento. 7.5.c
Enti completo quod aduenit, est accidentale. 9.4.c
Ens in potentia unde dicatur. 10.11.b

Ens

PRÆCIPVARVM.

Ens in potentia non potest esse terminus actus.	ibid.	sed simul.	ibid.
Ens in potentia nullum habet actum.	ibid.	Ens rationis sub diuersa ratione prius & posterius est cognitione.	ibid.
Ens in potentia an sit actus in potentia.	c	Ens rationis an pingi possit.	ibid.
Ens per se dupliciter sumitur.	16.6.b	Ens rationis an fiat à pictore pingente hircoceraum.	ibid.
Ens simpliciter simplex definiri non potest.	18.4.b	Ens rationis fundamentaliter prius est quam cognoscatur.	1.5.a
Ens per accidens dupliciter sumitur.	c	Ens rationis formaliter non potest esse nisi cognoscatur.	ibid.
Entia physica quomodo sint necessaria quoad connexionem realem prædicatorum.	14.8.b	Ens rationis non cognosci indirectè.	b
Ens rationis cur nullo modo possit esse ens reale.	11.1.a	Ens rationis consequitur per apprehensionem intellectus.	ibid.
Ens rationis differt essentialiter ab ente reali.	b	Entia rationis causari à brutis, absurdum est.	ibid.
Entia rationis sunt sola entia impossibilia.	ibid.	Entis rationis esse non esse obiectum, absurdum est.	ibid.
Entis rationis existentia obiectiua.	ibid.	Ens rationis non potest dici indirectè cognosci.	ibid.
Entis rationis esse est concipi.	1.3.b	Ens rationis non est omne esse obiectum.	1.7.c
Entis rationis esse obiectum tantum.	ib.	Ens rationis accipit esse obiectum ab intellectu diuino.	1.8.b
Ens rationis non est denominatio extrinseca.	ibid.	Ens rationis facere, est illud cognoscere.	c
Ens rationis est obiectum denominationum.	c	Entia rationis fieri quoque in secunda & tertia operatione.	1.9.c
Ens rationis est ab alio ens.	1.4.a	Entia rationis duplicia.	1.10.a
Ens rationis non fit propriè sed similitudinariè.	ibid.	Entia rationis Logica tria.	ibid.
Ens rationis quomodo fit.	b	Entia rationis Logica quæ dicuntur.	1.11.a
Ens rationis differt ab ente reali in ratione esse obiectiui.	ibid.	Ens rationis nullum habet fundamentum ut directè cognoscatur à potentia perfectè cognoscente.	c
Ens rationis est ens apparens.	ibid.	Entia rationis sunt necessaria ad directionem operationum.	2.2.a
Entis rationis esse cur obiectum.	ibid.	Entium rationis necessitas in Logica.	b
Entis rationis esse obiectum nū & quomodo producat per cognitionem.	ib.	Entium rationis meminere veteres Philosophi.	ibid.
Ens rationis per eandem cognitionem fit & cognoscitur.	ibid.	Ens rationis non est obiectum Logica.	2.3.b
Ens rationis secundum rationem obiecti nec prius nec posterius est cognitione,			

INDEX RERVM

- Entia rationis an spectent ad Pradicamē
ta. 7.1.c
- Entia rationis ne reductiōe quidem po-
nuntur in Pradicamento, propriē lo-
quendo. 7.5.b
- Entium rationis an decem Pradicamenta
propria. ibid.
- Entia rationis non habent veram causam
suarum proprietatum. 16.5.b
- Entibus rationis non conuenit, non posse
aliter se habere. ibid.
- Entia rationis propriē definiri nō possunt.
18.4.b
- Ens reale dicitur reale ab existentia que
est extra intellectum in re ipsa. 1.1.a
- Ens reale an possit esse ens rationis & re
contrā. ibid.
- Ens reale potentiā, ut rosa in hyeme. b
- Ens omne vel reale vel rationis. ibid.
- Enunciationis ratio formalis consistit in
cōpositione predicati cū subiecto. 12.7.a
- Enunciations que fiunt de entibus ratio-
nis, sunt vere proportionaliter. 12.8.b
- Enunciations vere an formari possint de
rebus non existentibus. c
- Error seu scientia falsa non potest esse sci-
entia essentialiter. 16.10.b
- Erroris habitus potest simul stare cum
actu scientie. 16.11.c
- Esse in re & in intellectu quomodo oppo-
nantur. 1.1.b
- Esse entis rationis essentialiter est esse ob-
iectiuum, entis realis accidentaliter.
1.4.b
- Esse fieri distinguitur ab esse facto. 2.1.c
- Esse in subiecto quid sit. 8.1.b
- Esse in loco quid sit, & quid ad illud requi-
ratur. 11.4.b
- Essentie rerum non sunt eterne quoad exi-
stentiam. 4.1.b
- Essentie rerum quomodo eterne. ibid.
- Essentialiter idem esse & differre quid. 4.
2.b
- Essentie ut numeri. 9.4.a
- Essentie respectiua quomodo fiat ex abso-
luta. 10.3.b
- Essentie est ad seipsam, secundum Augu-
stinum. 10.8.b
- Essentie est prior relatione. ibid.
- Essentie una non fit ex rebus diuersorum
generum. ibid.
- Essentie una non fit ex duobus completis.
ibid.
- Essentie una non fit ex incompletis diuer-
sorum generum. ibid.
- Essentialia aliquid dicitur alicui intrinse-
cē & extrinsecē. 10.10.a
- Essentie an sint eterne. 16.5.a
- Essentie contingens quomodo est contin-
gens. 16.6.b
- Essentialiter potest dici aliquid dependere
ab aliquo tripliciter. 18.5.b
- Ethica essentias & proprietates rerum
moralium considerat. 2.4.b
- Euidencia duplex, consequentia & conse-
quentis. 16.13.a
- Euidencia consequentis est duplex, intrin-
seca & extrinseca. ibid.
- Euidencia consequentia requiritur ad
scientiam. ibid.
- Euidencia consequentia dupliciter in no-
bis haberi potest. ibid.
- Euidencia consequentis ad rationem scien-
tie absolute non requiritur. b
- Euidencia veriusq; premisse ad eiden-
tiam consequentis requiritur. ibid.
- Eui.

P R A E C I P U A R V M.

Essens conclusio non sequitur ex alter
utra in eadem premissa. c

Existente uno quando aliud non existit,
utrum ea distinguantur ex natura
rei. 10.3.b

Existentia permanens & indeficiens nihil
est aliud quam duratio. 11.4.b

Existentia in loco quid sit. ibid.

Existentia in aliquo instanti, in toto illo in-
stanti existat necesse est. 12.14.b

Extensionem non dari sine quantitate.
9.2.b

Extensio relationis impugatur. 10.14.c

Extrema distinguuntur realiter quoad
subiecta & quoad fundamenta. 10.12.a

F.

Factionis ratio postulat opus post se relin-
quere. 2.4.b

Falsitatem in prima operatione explican-
di modi tres. 3.4.b

Falsitas nunquam est per se in apprehen-
sione rei simplicis. ibid.

Falsitas per accidens potest esse in apprehen-
sione rei simplicis. c

Falsitas potest esse per se in apprehensione
rei compositae. ibid.

Falsum ex suppositione inferri potest. 12.
9.c

Falsum non subest sensui. 15.1.c

Falsum est omnia esse in omnibus. 16.2.a

Fidei actus non potest stare cum scientia.
16.14.a

Fides diuina non potest stare cum scientia.
b

Fidelis habens scientiam, an eliciat actum
fidei. ibid.

Figmenta dum obiciuntur fiunt. 1.4.b

Finis potest esse non causa. 10.10.b

Finis quomodo causa. 10.11.c

Formalis ratio duplex, Naturae & secundae
intentionis. 5.1.b

Formales rationes quomodo sunt diuersae.
6.3.b

Forma una & eadem denominare potest
absolutè & respectuè. 10.3.b

Forma extrinseca quomodo immutat sub-
iectum. 10.6.c

Formalem rationem cuiuslibet rei cognos-
cendi regula. 10.7.b

Formaliter distinctorum unum non est de
essentia alterius. 10.8.b

Forma non refertur essentialiter ad ma-
teriam. ibid.

Forma exterior differt à figura in signifi-
cato materiali & formali. 11.3.c

Forma unio cum materia non est res di-
stincta à forma & materia. 11.4.b

Forma syllogistica an præcognitum. 13.4.a

Forma syllogistica est accidens seu pro-
prietas syllogismi. 13.7.b

Formalis ratio Quae, & Sub qua, utraq;
specificat cognitionem & habitum. 16.16.b

Formalis ratio obiecti altera intrinseca
obiecto in genere rei, altera extrinseca.
17.1.b

Formalis ratio obiectiva duplex. 17.2.b

Formido non est de essentia opinionis. 16.12.b

Formido an augeatur auctis rationibus
probabilibus. ibid.

Futurum contingens est determinatè ve-
rum ex suppositione. 12.10.b

G.

Generabilia quomodo aliter se habere di-
cuntur. 16.6.a

Genus

INDEX RERVM

Genus Logicum, Physicum, Metaphysicum.

5.1.a

Generis definitio.

ibid.

Genus quod sit in definitione generis.

b

Genus accipi potest primo & secundo intentionaliter.

ibid.

Generis propria prædicatio est de speciebus.

ibid.

Generis propria prædicatio de Individuis specie differentibus.

ibid.

Genus ut totum quoddam, prædicatur in Quod, ut totum potentiale prædicatur de specie.

ibid.

Genus continet species non actu sed potentia.

ibid.

Genera & species in intellectu singularia.

5.4.b

Genus de differentia non prædicatur.

5.6.b

Genusne sit quicquid est commune uniuocè multis speciebus.

6.4.c

Genus verum est quod prædicatur uniuocè de speciebus.

ibid.

Genera summa sex. Ultima an sint in rigore vera genera.

7.3.b

Genus per se ponitur in Predicamento, non Differentia.

7.5.b

Genere differre quid sit apud Aristotelem.

8.5.a

Genus sumitur à materia.

b

Genus quomodo sit quid completum.

8.6.a

H.

Habitus directi in obiectum adequatum est dirigibile.

2.1.b

Habitudines rationis cognoscuntur dupliciter.

2.2.c

Habitus artis & experientie distinguuntur.

2.6.b

Habitus unus sub diuersis rationibus potest esse Physicus & Logicus.

c

Habitus & dispositio conueniunt in una ratione communi qualitatis, & qua illa sit, & an essentialiter illis conueniat.

11.2.b

Habitus à dispositione differt accidentaliter.

ibid.

Habitus accipitur tam pro habitu operatio quam non operatio.

ibid.

Habitus operatiuus potest dici difficile mobilis dupliciter.

ibid.

Habitus immobilitas consideratur solum ex parte subiecti.

ibid.

Habitus nullus ex sua essentia est immobilis à subiecto.

ibid.

Habitus quid sit.

11.4.c

Habitus denominationem non esse intrinsecam.

ibid.

Habitus scientie potest stare simul cum habitu erroris in gradu remisso.

16.11.b

Habitus scientie non potest simul stare cum actu erroris.

ibid.

Habitus scientie & opinionis debent dici contrarij quemadmodum & actus.

16.12.b

Habitus scientie potest stare cum actu Fidei.

16.14.c

Habitus scientie & habitus fidei possunt stare simul.

ibid.

Habitus dari probatur.

16.15.a

Habitus scientie non est certa coordinatio specierum intelligibilium.

ibid.

Habitus dupliciter accipitur.

b

Habitus scientie quid sit.

ibid.

Habitus scientie non est formaliter habitus memorie.

ibid.

Habitus essentia qua sit.

ibid.

Habitus

P R A E C I P U A R V M.

Habitus possuntne dici species intelligibiles.	c	Idea non essent uniuersales.	ibid.
Habitus fidei diuinæ quid.	ibid.	Idea ad causam efficientem spectat, n: n:	
Habitus principiorum datur in nobis, isq; non naturalis sed acquisitus.	16.16.a	ad causam formalem.	10.10.b
Habitus principiorum non est idem cum habitu scientiæ.	b	Idem non potest simul esse verum & falsum.	14.2.b
Habitus formalitas est realitas.	ibid.	Idem non sunt esse contra rationem & supra rationem.	c
Habitus unus non generatur ab actibus specie diuersis.	ibid.	Identica propositio quando est.	14.3.b
Habitus sequuntur naturam actuum.	i- bid.	Identitas causæ & effectus obstat demonstrationi Propter quid.	14.7.b
Habitus principiorum potest esse sine habitu scientiæ.	ibid.	Illatio ab Enunciatione differt essentialiter.	13.2.b
Habitus tantum sunt quinque.	16.17.a	Inferre, & dicere inferri, diuersa sunt.	ibid.
Habitus non omnes sunt enumerati ab Aristotele.	ibid.	Illatio est unus & idem actus cum conclusionem.	ibid.
Habitus ab Aristotele tantum enumerantur per se.	b	Illatio est par formalis discursus.	c
Habitus prædicti ab Aristotele ad Prudentiam & Artem reducuntur.	c	Illatio ex impossibili quam utilis, ad tria maximè.	13.10.c
Habitus acquisitus suam essentiam & inclinationem in obiectum accipit ab actu.	17.1.a	Imago non refertur realiter ad rem non-existent.	10.8.b
Habitus acquisitus per actus, non potest inclinare ad actus specie diuersos.	b	Imago non refertur realiter ad non ens.	10.11.b
Habitus eminenter speculatiuus & præcticius.	17.7.c	Imago dupliciter cognoscitur.	16.5.b
Homo in singularibus existens potest cognosci sine singularitate.	4.1.b	Impossibile ens volitum est ens rationis, quia quod ens respicit intellectum.	1.1.c

I.

Ideas quibus de causis finxit Plato.	4.1.a	Impossibilitas duplex.	1.2.b
Idea propter scientias non sunt necessariae.	ibid.	Impossibile per se tantum sequitur ex impossibili.	13.10.a
Idea non sunt necessariae propter generationes.	b	Impossibile unum potest esse magis impossibile altero.	14.8.b
Idea Platonice impossibiles.	c	Impossibilitas non omnis est contradictoria.	ibid.
		Impossibilitas ad omnes scientias acquirendas vnde nomen accipitur.	16.1.c
		Impossibilitas sciendi omnes scientias ad singulosne an ad omnes homines pertinet.	ibid.

INDEX RERVM

- Impertinet ad essentiam Relationis.* 10. 13. a
In, pertinet ad rationem completam Relationis, non ad incompletam. b
In, physicum non habet relatio distinctum ab Infundamenti. ibid.
In, quale de essentia Relationis. c
Indeterminatum existere an repugnet. 4. 4. b
Individuum an sit in multis. 5. 3. a
Individuationis principium quod. ibid.
Individualis differentia non est distincta ex natura rei ab essentia, nec est peculiaris naturæ gradu. b
Individua non differunt essentialiter. ib.
Individualis differentia non est existentia. c
Individuum an de vno solo predicetur. 5. 4. b
Individuum non est uniuocum. ibid.
Individua an per se ponantur in Predicamento. 7. 5. a
Individuatur dicantur prima substantia. 8. 7. a
Individua an primò subsistent. b
Individua definiri non possunt. 18. 4. b
Inductio ad inuicem alius discursibus necessario concludit. 15. 1. c
Infinium ens an sit in Predicamento. 7. 1. c
Infinium in essentia duplex. ibid.
Infinium est ab alio aliquid ex se. 8. 4. c
Instans temporis & naturæ. 12. 14. a
Instantia naturæ quomodo simul & non simul existant. c
Instrumenta quarum artium obiecta. 2. 3. c
Instrumenti ratio est adhiberi ad actionem propriam causæ principali, & subordinari illi. 2. 4. b
Instrumenti quæ sit ratio propria. 2. 5. b
Instrumentum causat effectum non formaliter. 14. 1. c
Intellectus etiam tunc fingit cum aliquid impossibile concipit per modum entis, quod sit sine compositione. 1. 2. b
Intellectus in obiecto reali non facit rationem entis, in enterationis facit. 1. 4. b
Intellectus diuinus formando conceptum conceptus creati concipientis ens rationis, format conceptum entis rationis. 1. 8. b
Intellectus incompossibilia potest coniungere per affirmationem vel negationem. 1. 5. c
Intellectus humanus in secunda & tertia operatione res concipit secundum habitudines rationis. 2. 2. b
Intellectus apprehendendo veritatem non asserit verum. 3. 3. c
Intellectus vno conceptu an pluribus apprehendat composita. 3. 6. c
Intellectus noster habet in se species intelligibiles acceptas à sensibus. 4. 1. b
Intellectus vniuersalia sensu singularia cognoscit. 4. 4. b
Intellectus per abstractionem facit verè vniuersale. ibid.
Intellectus potest falsum ex suppositione concipere tanquam verum. 12. 9. c
Intellectus an positis præmissis possit cohibere assensum. 13. 5. b
Intellectus potest ex præmissis quas scit esse falsas inferre conclusionem. ibid.
Intellectus quomodo feratur in obiectum, & in rationem formalem obiecti. 13. 6. c
Intellectus quomodo ex effectu possit venire in cognitionem causæ maioris. 14. 5. b
intel.

P R A E C I P U A R V M.

Intellectus qua ratione dicitur esse subiectus errori.	16.1.0	quantitas.	ibid.
Intellectus quid sit.	16.17.a	Iudicium de connexionione consequentis cum antecedente, formaliter non est illatio.	
Intellectus non ita abstrahit in intelligentiam à materia, ut materialia non consideret.	17.2.b	ibid.	
Intellectus etiam singulari percipit. ibid.		Iudicij illationis id est connexionionis conclusionis cum praemissis, nota est particula Ergo.	c
Intellectus abstrahit à conditionibus materialibus ex parte potentiae, non ex parte obiecti.	ibid.	Iudicium consequentiae fieri potest vel per modum enunciationis vel per modum illationis exercitae.	ibid.
Intellectus diuinus definire non potest. 18.8.a		Iudicia duo distinguuntur per rationem in conclusione.	13.7.c
Intellectus Angelicus non format definitionem de rebus naturalibus.	b	Iudicium requiritur ad cognitionem practicam.	17.5.a
Intellectus solius humani est proprium definire.	c	L.	
Iudicium ad scientiam necessarium non pendet necessario ex praecipitis Logicae.	2.7.a	Libertas non est de ratione praxis.	17.4.b
Iudicium simplex non est in prima operatione.	3.3.b	Locus quid sit.	9.9.a
Iudicium apprehensuum an possit dici imperfectum.	3.12.b	Locus in ratione quantitatis non differt à superficie.	ibid.
Iudicium virtuale quid.	ibid.	Locis & superficiei differentia.	c
Iudicium sine scientia esse non potest. ibid.		Logica obiectum remotum duntaxat sunt res omnes.	2.1.b
Iudicium non est in brutis.	c	Logica rectitudinem practicae considerat.	c
Iudicij similitudo in brutis.	ibid.	Logica praecipua de operationibus sunt sub modis rationis.	2.2.b
Iudicium componens non est actus compositus sed componens.	12.7.a	Logica formae necessario includunt modos rationis.	2.3.a
Iudicium in Angelis simplex, non compositum.	b	Logica obiectum secundum D. Thomam.	b
Iudicium affirmatiuum & negatiuum differunt essentialiter.	c	Logica considerans modos directiuos operationum, considerat etiam operationes.	c
Iudicium ut sit verum quid requiratur.	12.8.a	Logica non est practica ex sententia Aristotelis.	2.4.b
Iudicium illationum variatur ex ratione assentiendi in intrinseca.	13.2.b	Logica veritatem rerum scibilem non attingit principaliter.	ibid.
Iudicium illationum est iudicium consequentiae.		Logica non est speculativa secundum Aristotelem.	ibid.

Logica duobus modis dirigit operationes.

ibid.

Logica non est simul speculativa & practica. c

Logica qualis habitus. ibid.

Logica non est scientia. 2.5.a

Logica non habet ullas veras demonstrationes. b

Logica non est ars propria. ibid.

Logica non est simul ars & scientia. ibid.

Logica tantum secundum unam sui partem facultas. ibid.

Logica est habitus instrumentarius. ibid.

Logica est instrumentum scientiarum. ibid.

Logica an & quomodo concurrat ad actum scientie. ibid.

Logica instrumentaliter causat actus scientiarum. ibid.

Logica non est ullus ex quinque habitibus sexti Ethicorum. ibid.

Logica non est virtus intellectus. c

Logica docens quid sit. 2.6.a

Logica habitus non sufficit ad actum Logice utentis. b

Logica docens est idem habitus cum Logica utente. ibid.

Logica utentis actus tripliciter considerandus. ibid.

Logica docentis & utentis actus materialiter non formaliter sunt distincti. ibid.

Logica secundum diuersas partes necessaria ad seipsam. 2.7.c

Logica non est simul practica & speculativa. 17.6.b

Longitudo & latitudo quareatione differunt essentialiter. 9.10.b

Magnitudinis sunt tres partes distincte. 9.10.a

Magnum quomodo negatur de paruo, nec differunt specie. ibid.

Materia diuiditur ad diuisionem quantitatatis. 4.4.b

Materia absque quantitate habet partes entitativas non extensas. 9.2.b

Materie partes ablata quantitate non sunt extense. ibid.

Materia quomodo ad aliquid. 10.8.b

Materia non refertur essentialiter ad Formam, quia esset in Predicamento Ad aliquid. ibid.

Materiam esse essentialiter ad aliquid, negat Thomistius. ibid.

Materie non est de essentia ordo ad formam. ibid.

Materia non dicit relationem realem ad formas non existentes. 10.11.b

Materia sola ex qua, est intrinseca, ut vero est in qua, causat formam extrinsecam. 14.6.b

Medium datur inter vniuersale & singulare. 5.8.b

Medium non datur inter substantiam & accidens. 8.1.a

Medium non datur inter simplex & compositum in re non in mente. 8.3.b

Medium datur inter Relatiue opposita, item inter contraria etiam que dicuntur immediata. 12.11.a

Medium non habere secundum seipsam, est, non virtute alterius oppositionis. b

Medium dari inter contradictoria impossibile est. 12.12.a

Medium

PRÆCIPVARYM.

Medius terminus an præcognitum. 13.4.a
 Medium in syllogismo debet esse eide numero. 13.14.b
 Medius terminus distribui debet. c
 Medium in demonstratione satis est ut sit distinctum per conceptum. 14.3.b
 Media demonstrationis non possunt esse infinita. 15.7.b
 Metaphysica non est una solum scientia totalis. 17.2.b
 Modi ponuntur reduci in prædicamentum si sunt eiusdem generis. 7.5.b
 Mors non destruit essentiam sed existentiam subiecti. 5.10.b
 Motus quæ ratione sit intrinsecè quantus. 8.1.b
 Motus quantitas est successio. 9.7.a
 Motus non est vera species quantitatis. b
 Motus quo sensu per accidens quantus. ib.
 Motus Angeli in vacuo. ibid.
 Motus ponaturne in aliquo prædicamento. ibid.
 Motus sine ens imperfectum. c
 Motus accipitur dupliciter. ibid.
 Motus habeatne diversam definitionem ab actione & passione. ibid.
 Motus & temporis eadem est quantitas. 9.8.a
 Multitudo qua ratione non habet plures species essentialiter distinctas. 9.10.c
 Mutatio est duplex. 11.4.b

N.

Natura in singularibus non sunt à parte rei una essentia. 4.2.a
 Natura unius existentis in multis individuis, & unius corporis in multis locis, dispar ratio. b

Natura uniuersalis identificatur singularibus. ibid.
 Natura identitas cum tribus, absq; eorum identitate inter se, est supernaturale mysterium. ibid.
 Natura non est à parte rei una essentialiter secundum quid. ibid.
 Natura in Petro & Paulo quomodo diuisa quomodo non. ibid.
 Natura à parte rei non est prior singularitate. ibid.
 Natura quomodo prior singularitate. ib.
 Natura à parte rei non est indifferens ad singularitatem. c
 Natura secundum se an uniuersalis. 4.4. c
 Natura an possit abstrahi à singularitate. b
 Natura abstracta est singularis. ibid.
 Natura quomodo abstrahatur à singularitate. ibid.
 Natura quomodo uniuersalis & singularis. ibid.
 Natura potest abstrahi ab omni singularitate. ibid.
 Natura an essentialiter singularis. ibid.
 Natura abstracta quali singularitate singularis. ibid.
 Natura abstracta à singularitate est una simpliciter. ibid.
 Natura per differentias est alia substantialiter. ibid.
 Natura per abstractionem fit verè indiuersa. ibid.
 Natura abstracta ab uno individuo, abstrahitur ab omnibus indiuiduis. ibid.
 Natura abstracta ab uno indiuiduo est eadem cum natura abstracta ab alio. ibid.

INDEX RERV M

Natura per potentiam ad multa consti-
tuitur actū vniuersalis. *ibid.*

Natura ut actū in multis, non est vni-
uersalis. *ibid.*

Natura in multis est diuisa & multiplex.
ibid.

Natura in diuerso statu vna & multi-
plex. *ibid.*

Natura non potest simul esse abstracta à
multis & coniecta multis. *ibid.*

Natura quæ est in Petro quomodo repu-
gnat omnis alia singularitas. *c*

Natura singularis est non ex sua essentia,
sed ex identitate cum singularitate.
ibid.

Natura abstracta quomodo eadem cum
singulari, & non eadem. *ibid.*

Natura vniuersalis necessariò vna. 4.5.a

Natura vniuersalis vna intrinsecè. *ibid.*

Natura secundum se nec vniuersalis nec
singularis. *b*

Natura ut existit in singularibus, & ut
existit in intellectu. *ibid.*

Natura vniuersalis est vna vniocè. *ib.*

Natura quare vniuersalis. 4.6.b

Natura absoluta est solum fundamenta-
liter vniuersalis. *ibid.*

Natura vniuersalis constituitur per or-
dinem ad multa qualem. *ibid.*

Natura est in multis per identitatem. *ib.*

Naturam esse in multis est diuidi & mul-
tiplicari. *ibid.*

Naturam esse in multis non est predicari
de multis. *ibid.*

Nature vniuersalis aptitudo non est quid
positiuum. *ibid.*

Nature aptitudo concipitur tam positiue
quàm negatiue. *c.*

Natura diuina non potest effici vniuer-
salis. 4.7.4

Natura creata omnis potest effici vni-
uersalis. *b*

Natura non fit vniuersalis per solam spe-
ciem intelligibilem. 4.8.a

Naturalis impotētia non accipitur solum
negatiue. 11.3.a

Necessitas simpliciter, duobus modis ex-
plicatur. 2.5.b

Necessitas conclusionis practice nō est om-
nimoda. *ibid.*

Necessitas duplex, ex parte subiecti & ex
parte predicati. 5.9.b

Necessitas quæ repugnet contingentie. 12.
10.b

Necessitas consequentis in quo fundetur.
13.5.a

Necessitas consequētie in quo fundetur. *b*

Necessitas consequentie est necessitas ex
suppositione. *ibid.*

Necessarium potest inferri ex impossibili,
ratione consequentie. 13.10.a

Necessarium simpliciter non infertur ex
impossibili, formaliter loquendo. *b*

Necessarium ex suppositione medij infer-
tur ex impossibili. *ibid.*

Necessitas ex suppositione duplex. 13.11.b

Necessitas maior vnde. 14.8.b

Necessitatis gradus. *ibid.*

Necessitas non eadem requiritur ad de-
monstrationem. *ibid.*

Necessitas triplex distinguitur, ex parte
subiecti, predicati, & vtriusque simul.
ibid.

Necessitas quæ se tenet tam ex parte sub-
iecti quàm predicati, requiritur ad
perfectissimam demonstracionem. *ibid.*

Neces-

P R A E C I P U A R V M.

- Necessitas ut plurimum, sufficit ad demonstrationem non potissimam.* *ibid.*
- Necessitas ex suppositione non sufficit ad essentiam demonstrationis.* *c*
- Necessitas per se primo & secundo modo dupliciter se habet.* *14.11.b*
- Necessitas duplex, absoluta & ex suppositione.* *16.6.b*
- Necessitas ex suppositione non sufficit ad rationem scientiae.* *ibid.*
- Necessitas etiam incomplexa subiecti requiritur ad scientiam.* *ibid.*
- Necessitas complexa qualisquam sufficiat ad scientiam.* *16.7.b*
- Negatio rationis an conveniat rei sine apprehensione intellectus.* *1.5.c*
- Negationes & privationes quomodo fiant entia rationis.* *1.10.b*
- Negatio simplex & privatio differunt.* *c*
- Negatio potest coicipi etiam respectu multorum.* *4.6.c*
- Negatio non est differentia entis, per negationes tamen explicatur essentia.* *5.7.b*
- Negationes per accidens ponuntur in Praedicamento.* *7.5.b*
- Negatio ens negatum.* *ibid.*
- Negatio convenit etiam rei impossibili.* *12.5.a*
- Negatio potest esse realis ratione fundamenti vel subiecti.* *b*
- Negatio quae sit falsa.* *12.12.a*
- Negatio & affirmatio infertur ex negatione.* *13.15.c*
- Negationes duplices, habentes fundamentum in rebus, & non, & an possit de eis esse scientia.* *16.5.c*
- Negatio quomodo sit realis.* *ibid.*
- Negationes proprie definirí non possunt.* *18.4.a*
- Nomen nullum datur essentiam rei perfectè significans.* *12.3.c*
- Nomen est vox significatiua ad placitum.* *12.4.a*
- Nomen & Verbum differunt essentialiter.* *b*
- Nomen finitum & rectum.* *c*
- Nomen significat sine tempore, Verbum cum tempore.* *ibid.*
- Nomen quo sensu dicatur Infinitum.* *12.5.a*
- Nomen infinitum de quo predicetur.* *b*
- Non ens à nullo intellectu secundum se potest apprehendi.* *3.2.a*
- Non ens cognoscendi modi.* *b*
- Non ens an referatur ad ens realiter.* *10.11.b*
- Non ens nõ refertur realiter ad ens.* *ibid.*
- Non ens sciri non potest.* *14.2.b*
- Notitia in actu non distinguitur ab actu.* *13.6.a*
- Notius natura & quo ad nos, quid sit.* *14.4.b*
- Notius non idem nobis & natura, quomodo intelligendum.* *c*
- Notius nobis aliquid dici potest dupliciter.* *ibid.*
- Numerus in sua ratione formali & in esse numeri pendet ab anima.* *9.3.a*
- Numerus sine ordine unitatum non est numerus.* *b*
- Numerus tria complectitur.* *ibid.*
- Numerus secundum quid pendeat ab anima an non.* *ibid.*
- Numerus potestne affingi maior rebus ab anima, siquidem ab ea pender.* *ibid.*
- Numerus in ratione numeri pendet ab anima.* *ibid.*

INDEX RERVM

Numerus in duobus ab anima pēdet. *ibid.*
 Numerus in esse suo formali pendet ab anima. *ibid.*
 Numerus et si pendeat ab anima, non tamen est ens rationis. *ibid.*
 Numerus et si pendeat ab anima, an sit realis. *ibid.*
 Numerus concipitur sub relatione rationis. *ibid.*
 Numerus est obiectum reale Arithmeticæ sub ratione reali. *ibid.*
 Numerus quæ ratione sensu percipitur. *c*
 Numerus non est unum per se à parte rei. 9.4.b
 Numero ad unitatem per se. quæ desint. *ibid.*
 Numerus non est unum per se. *ibid.*
 Numerus siue dicendus unum per aggregationem. *ibid.*
 Numerus ut à nobis concipitur est unum per se. *ibid.*
 Numeri differantne ab inuicem specie. *c*
 Numerus est vera & essentialis species quantitatis. 9.5.a
 Numerus transcendentalis non est vera species quantitatis. *b*
 Numerus cur dicitur predicamentalis vel transcendentalis. *ibid.*
 Numerus ut numerus dicit quantitatem unitatum. *ibid.*
 Numeri transcendentalis quantitas distinguatur ne essentialiter à quantitate predicamentali. *ibid.*
 Numerus transcendentalis siue propriè numerus. *ibid.*
 Numerus propriè inuenitur in rebus non quantis. *ibid.*
 Numerus predicamentalis est vera spe-

cies quantitatis, sed accidentalis non essentialis. *ibid.*
 Numerus ut concipitur à nobis, est species essentialis quantitatis. *c*
 Numerus quomodo una essentia. *ibid.*
 Numerus quæ ratione est unū reale. *ibid.*
 Numerus per quid constituitur in ratione quantitatis. *ibid.*
 Numerum ponere per se & essentialiter unum, quænam sit necessitas. *ibid.*
 Numerus siue sic unus essentialiter, sicut alie species entium naturalium. *ibid.*
 Numeratum esse actū, siue de essentia numeri. *ibid.*
 Numeri actū infiniti non dantur. 10.1.c

O.

Obiectum conceptus nō est conceptus. 1.3.b
 Obiectum non est denominatio. *ibid.*
 Obiecti præsentia in intellectu alia realis, alia obiectiua. 1.4.b
 Obiectiua esse siue ens reale vel rationis. *ibid.*
 Obiectum primò dicit esse termini, secundò dicit suum esse ut denominatum à cognitione. *ibid.*
 Obiectum non semper est prius cognitione. *ibid.*
 Obiectum specificat cognitionem duobus modis. *ibid.*
 Obiecto cognito nō omne quod ei annexum est cognoscitur etiam indirectè. 1.5.b
 Obiectum impossibile non habet esse obiectiua à voluntate. 1.6.c
 Obiectiua existentia alia extrinseca obiecto alia intrinseca. 1.7.a
 Obiectiua existentia extrinseca non est propria entis rationis. *ibid.*
 Obiecti-

- Obiecti imperfectio quae illi conuenit ut res quaedam est, nō reddit cognitionem imperfectam, imperfectio uerō quae obiecto conuenit in ordine ad cognitionem, reddit eam imperfectam. 1.8.b
- Obiectum idem potest in esse obiectiuo fieri iterum atque iterum actione intentionali. ibid.
- Obiectiuum esse in ente rationis non solum obicit aliquam essentiam, sed etiam facit. 1.11.c
- Obiectiuum esse aliud est quo fit ipsa essentia obiecti, aliud quo non fit essentia obiecti, sed tantum obicitur, atq; primum, ens rationis formaliter constituitur, non uerō per secundum. ibid.
- Obiectum in intellectu aliud intrinsecum actui intelligendi, aliud extrinsecum. ibid.
- Obiectum scientiae est circa cuius cognitionem scientia versatur. 2.1.a
- Obiectum scientiae practicae est opus. ibid.
- Obiectum scientiae quomodo immutabile. 4.1.b
- Obiectum prius actu per modum Finis & Mensurae. 10.8.b
- Obiectum an sit causa actus. 10.10.b
- Obiectiuum terminatiuum tantum, non est causa. ibid.
- Obiecta non omnia sunt aequè necessaria & immutabilia. 14.3.b
- Obiectum in anima non est similitudo finitiae. 16.5.b
- Obiectum scientiae non est necesse existere actu extra animam. ibid.
- Obiectum scientiae quomodo sunt res extra animam. ibid.
- Obiectum scientiae debet existere obiectiue. ibid.
- Obiectum internum quomodo se habeat ad intellectionem. ibid.
- Obiectum scibile debet esse reale potentia. ibid.
- Obiectum totalis scientiae non sunt omnia obiecta scientiarum partialium collatiue. 17.3.a
- Obiectum scientiae totalis quomodo sit adaequatum. b
- Obiectum scientiae totalis non debet praedicari de omnibus contentis in illa scientia. ibid.
- Obiectum quod scitur in scientia est conclusio demonstrata. ibid.
- Obiectum scientiae continet virtute omnes veritates in scientia contentas. c
- Obiectum scientiae totalis potest esse tum uniuersum, tum analogum. ibid.
- Operationes non substant formis seu regulis Logicis nisi tanquam principis effectus. 2.1.b
- Operationes intellectus quomodo ad Physicam spectent. ibid.
- Operationes dirigibiles ordinantur ad rectas ut ad finem secundarium. ibid.
- Operationes rectae in communi an sint obiectum Logicae. ibid.
- Operationes rectae non per se sed reductiue sunt obiectum Logicae. ibid.
- Operationes non prius sunt rectae quam recta sint entia rationis. 2.2.b
- Operatio intellectus nulla potest fieri recta sine modis rationis. c
- Operationum directio realis sub modis rationis. 2.3.b
- Operatio non potest esse circa non ens. 10.11.a
- Opinio tripliciter accipitur. 16.12.a
- Opinio videntem & qualem habeas incertum.

INDEX RERUM

- itudinem.* *ibid.*
Opinio non potest esse de obiecto tercio. *ibid.*
Opinionis actus nō potest simul stare cum actu scientie. *ibid.*
Opinio incerta positivē. *ibid.*
Opinionis incertitudo duplex. *ibid.*
Opinio in nullo gradu potest stare cum scientia. *ibid.*
Opinio possit ne haberi per medium necessarium, & scientia per medium probabile. *c*
Opposita dicitur uni affirmationi una negatio, quomodo. *12.11.b*
Oppositio propositionum non est oppositio terminorum. *12.13.a*
Oratio sine species quantitatis. *9.6.a*
Ordo ad multa aptitudinalis est de ratione univ. salis. *4.6.b*
Ordo nature univ. salis ad multa non est realis. *ibid.*
Ordo positivus ad multa non est de essentia univ. salis. *4.8.a*
Ordo unitatum non est sine intellectu. *9.3.b*
Ordo potest dari realis, sed qui ad numerum spectet per accidens. *ibid.*
Ordo potentialis sine actu. *9.5.c*
Ordo ad finem & mensuram non est de Essentia. *10.8.b*
Ordo duplex in scientia. *17.2.b*
P.
Partes reductivē ponuntur in Predicamento. *7.5.b*
Partes sumuntur dupliciter, ut faciunt totum, & ut faciunt totum extensum. *9.1.a*
Pars ablata quomodo sit accidentalis &
essentialis relique quantitati. *9.2.c*
Particularis affirmatio & negatio non sunt contradictorie. *12.11.b*
Passio quid sit, & tria circa eam notanda. *11.4.b*
Passionis ratio formalis est receptio, & quid ea sit. *ibid.*
Passio est forma ipsa cum connotatione agentis & passi. *ibid.*
Passio est denominatio simpliciter intrinseca. *ibid.*
Paternitas non causatur à Filiatione. *10.10.b*
Per se quid sit, eiusque quatuor modi. *14.10.a*
Per se & necessarium sunt idem realiter non formaliter. *ibid.*
Per se inexistendi & per se predicandi modi duo. *ibid.*
Per se omne est necessarium illo modo quo est per se. *b*
Per se inexistendi modus duplex. *c*
Per se causandi modi virum debeant esse duo, sicut etiam modi per se inexistendi. *ibid.*
Per se quod est ex parte solum predicati, non est necesse ut sit de omni. *14.11.a*
Per se quod est primo & secundo modo est necessarium. *ibid.*
Per se quarto modo est necessarium. *ibid.*
Per se tertio modo est etiam necessarium suo modo. *ibid.*
Per se modi quatuor quomodo serviant demonstrationi. *ibid.*
Per se convenit rei etiam secundum rationem genericam. *14.12.b*
Pictura singulare indeterminatum representat, non univ. sale. *4.4.c*
Poten-

P R A E C I P V A R V M.

Potentia appetentes non possunt facere,
ens rationis, quia non possunt dare esse
obiectum. 1.6.b
Potentia cognoscētes sensitiua non possunt
coniungere res impossibiles. ibid.
Potentia cognoscens nulla prae-ter in-
tellectum potest fingere impossibile. ibid.
Potentia & impotentia non tam ex vocibus
quā ex significatione aestimanda
est. 11.3.b
Potentia naturalis & impotentia differant
in specie. ibid.
Potentia quomodo specificantur ab
affectibus. 17.1.b
Potentia non dicit relationem essentialem
ad actum, vel ad obiectum. c
Potentia quo sensu dicatur specificari ab
obiecto. ibid.
Præcognita tantum tria. 13.4.a
Præcognoscendum de subiecto quid nomi-
nis, non quid rei. ibid.
Præcognoscenda existentia subiecti. b
Præcognoscenda existentia qualis. ibid.
Præcognoscendum in prædicato quid no-
minis, non verò existentia. c
Præcognoscendum de Principiis quod sint.
ibid.
Prædicamenta decem. 5.11.b
Prædicamentum quid. 7.1.a
Prædicamenta quomodo spectant ad Lo-
gicam. ibid.
Prædicamenta non sunt pauciora neque
plura. b
Prædicamentum cur non sit unum acci-
dentis. ibid.
Prædicamentorum genera esse uniuoca.
7.3.b
Prædicamenta dicunt rationes contra

distinctas. 3.4.b
Prædicamenta non esse noua statuenda,
pro Deo. c
Prædicamenta non est necesse ex natura
rei distingui. 10.6.b
Prædicamentorum sex ultimorum que
sunt ratio formalis, opinio triplex. 11.4.a
Prædicamenta sex ultima singula dicunt
formas absolutas, connotando relatio-
nes. c
Prædicamenta sex ultima cur non redu-
cantur ad alia. ibid.
Prædicata realia & intentionalia. 5.5.c
Prædicata an supponant existentiam sub-
iecti. 12.5.a
Prædicatum quomodo triuatur subie-
cto. b
Prædicationes Veræ quomodo fiant de
entibus fictis. 12.9.b
Prædicatum distingui debet à subiecto vel
secundum rem vel secundum conce-
ptum. 13.5.a
Prædicatum de omni quid & quotuplex.
14.9.a
Prædicatum prioristicum & posteriori-
sticum quomodo differant. ibid.
Prædicatum de omni an conuenire debeat
& semper suo subiecto. b
Prædicatum de omni est etiam semper,
non tamen absolute. ibid.
Prædicata de omni requiruntur ad de-
monstrationem. ibid.
Prædicatum de omni virtualiter sufficit
ad demonstrationem. ibid.
Prædicatum de omni requisitum ad de-
monstrationem debet esse semper vel
absolute. c
Prædicatum semper inest subiecto in pro-
posi-

INDEX RERVM

- Positionibus sempiternæ veritatis. *ibid*
- Predicatum per se quomodo se habeat ad
predicatum de omni & ad predicatū
necessarium. 14.11.a
- Predicatum vniuersale dupliciter dici-
tur. 14.12.a
- Predicatum aliquod dupliciter potest di-
ci primum respectu alicuius subiecti. *b*
- Predicatum vniuersale debet esse de om-
ni. *ibid.*
- Predicatum non omne conuertibile cum
subiecto est vniuersale. *ibid.*
- Predicatum vniuersale quomodo sine er-
rore cognoscendum. *ibid.*
- Predicata in demonstratione non sunt in-
finita. 15.7.b
- Premisse determinant intellectum ad as-
sentiendum. 13.6.b
- Premisse vocantur ab Aristotele syllogis-
mus, non essentialiter sed virtute. 13.7.c
- Premissa altera deficiente in aliquo, in
eodem etiam conclusionem deficere ne-
cesse est. 13.8.b
- Premisse debilitas redundat in conclusio-
nem. *ibid.*
- Premisse in demonstratione debent esse
immediate vel actu vel virtute. 14.3.b
- Premisse mediate quando debeant resol-
ui. *ibid.*
- Premissarum diuina fide creditarum
diuersa ratio. *c*
- Premissis ab alio factis non demonstratur
conclusio. *ibid*
- Premisse necesse est vt sint notæ demon-
stranti in actu non verò in habitu. *ibid.*
- Premisse & earum rationes contrarie
debent perfectissime cognosci in demon-
stratione. *ibid.*
- Premisse an resoluendæ sint non solum ad
principia propria, sed etiam commu-
nissima. *ibid.*
- Premisse in demonstratione sunt priores
conclusioni duplici de causa. 14.4.a
- Premisse in demonstratione sunt priores
& causæ tam consequentiæ quam con-
sequentis; in syllogismis verò solū causæ
consequentiæ. *ibid.*
- Premisse in demonstratione sunt notiores
naturæ conclusioni. *ibid.*
- Premisse sunt magis notæ conclusioni
propter independentiam in cognitione.
14.5.b
- Premissa vtraq; debet esse notior conclu-
sione. *c*
- Premisse in scientia quotuplices. 14.8.a
- Premisse an sint magis necessariae quàm
conclusio. *b*
- Premisse in demonstrationibus sunt eæ-
dem materialiter diuersæ formaliter.
15.2.c
- Premisse quomodo cognoscantur in de-
monstratione Quia. 15.6.c
- Praescindi vnum ab alio quid sit. 6.3.b
- Praecisa perfectè ratio aliqua quomodo
cognoscitur. 6.4.b
- Praxis respectu cognitionis. 2.4.b
- Practici non considerant causam per se.
2.5.a
- Practici subiecti essentia est contingens
simpliciter. *b*
- Praxis nomine intelligitur actio quæ fit ex
directione intellectus. 17.4.a
- Praxis humana. *ibid.*
- Praxis definitur. *ibid.*
- Praxis est ea actio quæ est in potestate
nostra. *b*

Praxis

P R A E C I P U R V M.

- Praxis dupliciter à nobis dependet. *ibid.*
 Praxis dicitur per ordinem ad cognitionem nostram. *ibid.*
 Praxis est actio distincta à cognitione. *ib.*
 Praxis an debeat regulari per cognitionem, quæ sit dictamen practicum. *ibid.*
 Praxis est opus distinctum à cognitione, & est dirigibile à ratione. *c*
 Praxis eadem est obiectum & finis cognitionis practice. *17.5.b*
 Praxis ratio formalis desumitur à fine. *ibid.*
 Practica scientia non necessariò est activa nisi vi est directiva. *ibid.*
 Prima & secunda operatio non solum est dirigibilis à Logica in ordine ad tertiam, sed etiam secundum se. *2.1.b*
 Prima & secunda operatio non ordinatur ex natura sua ad tertiam. *ibid.*
 Prima operatio est obnoxia quibusdam vitiis quæ à Logica tolluntur. *ibid.*
 Prima operatio per se dirigibilis est. *3.5.a*
 Principium idem potest esse convenientiæ & differentie. *5.7.c*
 Principia orationem constituentia. *12.4.a*
 Principium notissimum. *12.11.c*
 Principia quid sint Aristoteli. *13.4.b*
 Principium syllogismorum quod. *13.14.a*
 Principium negatiuorum syllogismorum. *b*
 Principium naturale non destruit mysterium Trinitatis. *c*
 Principia quæ dicantur propria. *14.13.a*
 Principia prima & immediata dantur. *15.7.c*
 Principia sunt duplicia, Communissima & Particularia. *16.16.b*
 Principia cognoscendi modus proprius. *ib.*
 Priuatiua oppositio habet mediū. *12.11.b*
 Prius quid sit, effici an cognosci. *1.4.c*
 Prius esse quàm cognosci non est in iis quæ fiunt solà ratione. *1.5.b*
 Prius natura quod. *12.14.a*
 Prius subsistendi consequentia. *ibid.*
 Prius & posterius subsistendi consequentia sunt duo instantia rationis. *b*
 Prius natura, & prius subsistendi consequentia differunt. *ibid.*
 Prius in quo, & prius a quo. *ibid.*
 Producibile non refertur realiter. *10.11.c*
 Profunditas includitne in se longitudinem & latitudinem. *9.10.c*
 Proportio sola sufficiatne ad rationem analogie constituendam. *6.3.a*
 Propositionem de secundo adiacente licet inferre ex propositione de tertio adiacente. *12.5.b*
 Propositio negatiua unde denominetur *12.7.c*
 Propositionis alie necessarie, alie contingentes. *12.10.a*
 Propositiones de futuro contingenti vel sunt vniuersales, vel singulares. *b*
 Propositionem dari quæ nec vera sic nec falsa, impossibile est. *12.12.a*
 Propositiones ex terminis contrarie sunt triplices. *12.13.a*
 Propositiones contrarie unde dicantur. *b*
 Propositiones due affirmatiue contrariorum possunt simul stare. *ibid.*
 Propositionum duarum contrariè oppositarum una est affirmatiua, altera negatiua. *c*
 Propositio de necessario & de inesse. *13.11.a*
 Propositio immediata dupliciter dicitur immediatione subiecti & causa. *14.3.a*

INDEX R E R V M

- Propositiones immediatæ variæ. *ibid.*
 Propositio immediatæ accepta est ab Aristotele ratione causæ. *ibid.*
 Propositio immediatæ non ratione subiecti sed ratione causæ est indemonstrabilis demonstratione propter quid. *b*
 Propositio immediatæ non habet causam suæ connexionis à terminis distinctam, aliqui daretur p̄cessus in infinitū. *ib.*
 Propositiones immediatæ dantur in quolibet genere causæ. *ibid.*
 Propositiones immediatæ triplicis generis. *ibid.*
 Propositio eadem quæ in nostro intellectu est mediata, in intellectu Angeli potest esse immediatæ. *ibid.*
 Propositiones causales quæ sint. *ibid.*
 Propositiones negativæ quæ sint immediatæ. *c*
 Propositio immediatæ quomodo sit per se nota, dupliciter explicatur. *ibid.*
 Propositiones immediatæ in genere causæ efficientis non habent aliam causam priorem per quam demonstrantur. *14.6.c*
 Propositiones sempiternæ veritatis quales. *14.9.c*
 Propositio innaturalis pertinet ad primum modum per se. *14.10.b*
 Propositio an spectet ad primum modum per se quando definitio accidentis predicatur de accidente. *ibid.*
 Propositiones negativæ pertinent ad primum modum per se reductivè. *ibid.*
 Propositiones quæ spectent ad secundum modum per se. *ibid.*
 Proprium requirit duo. *5.9.a*
 Proprium necessario convenit rei. *b*
 Proprium an sit omne accidens necessarium. *ibid.*
 Proprium non est omne accidens manans ab essentia subiecti. *ibid.*
 Proprium potest à subiecto separari. *ibid.*
 Proprium physicum & metaphysicum *ib.*
 Proprium physicum potest adesse & abesse. *ibid.*
 Proprium metaphysicum non potest abesse. *ibid.*
 Propria quarto modo sunt omnes aptitudines metaphysicæ. *ibid.*
 Proprij modus predicandi quis. *ibid.*
 Proprium primo convenit speciei, tum individuis. *c*
 Proprij univèrsalitas. *ibid.*
 Proprietates emanantes à subiectis, sunt per se quarto modo. *14.10.c*
 Proprium quid. *14.13.a*

Q.

- Qualitas an secundum Aristotelem sit ad aliquid. *10.8.b*
 Qualitas est speciale genus predicamentum. *11.1.a*
 Qualitas univocè dicitur de suis speciebus. *ibid.*
 Qualitas accipitur dupliciter. *b*
 Qualitatis prima species est habitus & dispositio. *11.2.a*
 Qualitatis prima species ad sui constitutionem quæ requiratur. *c*
 Qualitatis secunda species naturalis potentia vel impotentia. *11.3.a*
 Qualitatis tertia species est passio & passibilis qualitas. *b*
 Qualitates passibiles sunt etiam in animalibus. *ibid.*
 Qua-

PRÆCIPUARVM.

Qualitatis quarta species est figura & forma. ibid.

Quando quid sit, & ad eam questionem non posse responderi nisi per durationem dimensibilem. 11.4.b

Quantitas molis que dicatur. 9.1.a

Quantitas molis sola est verè & propriè Quantitas. ibid.

Quantitas successiva quomodo sit quantitas. ibid.

Quantitas discreta an vera quantitas. b

Quantitatis essentia est ratio partium extrapartes. 9.2.a

Quantitatem essentialiter habere partes extrapartes. ibid.

Quantitatis partem esse extra aliam partem quis modus sit proprius. b

Quantitas Predicamentalis & Transcendentalis. 9.5.b

Quantitatis essentia que sit. ibid.

Quantitas vera non est respectu quantitas. 9.7.a

Quantitatis tantum due sunt species. 9.10.a

Quantitates Mathematicæ licet non dentur, tamen eas dari realiter non repugnat. 14.14.b

Quidditas an sit idem cum eo cuius est quidditas. 18.3.b

Quidditas comparata in abstracto. ibid.

Quidditas comparata cum suo concreto inferiori. ibid.

R.

Rationalitas secundum diuersas sententias est causa immediata & mediata risibilis. 14.3.b

Reale est quod consequitur ad cognitionē

ex naturæ rei. 1.5.b

Res naturales habent in sua natura principium intrinsecum. 2.5.b

Realiter effici non potest quicquid concipitur. 4.4.b

Rerum essentialiter diuersarum conuenientia est duplex. 6.1.c

Realiter concipi aliquid dicitur dupliciter. 9.3.c

Realis distinctio non requiritur par in omnibus relationibus. 10.12.c

Realis connexio non est nisi per existentiam realem. 14.8.b

Res extra intellectum an sint obiectum scientiæ. 16.4.b

Realitas rei scibilis in quonam consistat. 16.5.c

Rectitudo Physica quatenus inducitur in operationes bonæ præcepta Logicæ, est Logicæ considerationis. 2.1.b

Rectitudo operationū Logicæ actiue sumpta dicit præcepta Logicæ, passiue verò sumpta dicit rectitudinem operationum ut conformem præceptis Logicis. ibid.

Rectitudo passiue non actiue sumpta est ratio formalis obiecti Logicæ. ibid.

Rectitudo in communi non potest assignari pro obiecto Habitus practici. ibid.

Rectitudo operationum duobus modis cognosci potest. 2.2.b

Rectitudo artificialis & moralis. 17.4.b

Relatio est quid simplex. 1.2.b

Relatiua simul sunt natura. 1.4.b

Relationis fundamentum duplex. 1.5.b

Relatio impossibilis affirmata vel illata est ens rationis. 1.9.c

Relationum fundamentum, denominatio obiecti

INDEX R E R V M

- obiecti ab actu immanenti. 1.10.b
 Relationes quæ consequuntur ex denominationibus extrinsecis, cur non sunt reales. ibid.
 Relationes rationis Logica cognoscuntur vel in actu signato, vel in actu exercito. 1.11.b
 Relatio rationis non consequitur, nisi per rationem apprehendentem. 4.8.c
 Relatio non dicitur uniuocè de relatione reali & rationis. 10.1.a
 Relatio in conceptu utrum confuso abstractit à reali & rationis in conceptu autem distincto semper est aut realis aut rationis. ibid.
 Relatio Prædicamentalis est ens reale. b
 Relatio quomodo adueniens subiecto non mutat illud. ibid.
 Relatio licet sit ens reale, non sequitur terminum ut data una relatione debeant dari alia infinita. ibid.
 Relatio relationum differt in genere relationis à relatione absolutorum. ibid.
 Relationis realitas est fundamenti realitas. c
 Relatio an possit esse in Deo realis ad creaturam. ibid.
 Relatio cur non possit esse mera denominatione extrinseca à termino. 10.2.a
 Relatio tota debet esse intrinseca rei relatæ, quamuis terminum respiciat extrinsecum. b
 Relatio an nihil sit præter fundamentum & terminum. ibid.
 Relatio an sit ens simplex vel compositum. ibid.
 Relatio quomodo in sua essentia pendeat à termino & fundamento. 10.3.b
 Relationis termino posito, an fundamentum aliquo modo mutetur. ibid.
 Relationem dum amittit res, utrum amittat aliquid ex sua realitate absoluta, an verò tantum respectum ad terminum. ibid.
 Relatio à fundamento non distinguitur ut res à re, sed definitione tantum & formaliter, nimirum eo modo quod eadem res respectuè accepta distinguitur à seipsa absolutè accepta. ibid.
 Relatio incipit esse posito termino, nulla alia renoua superaddita rei relatæ. c
 Relationi an semper intrinsecum sit esse ad aliud, siue existente termino, siue non existente. ibid.
 Relatio eget fundamento. 10.4.a
 Relationis fundamentorum tria genera. ibid.
 Relatio realis quæ. b
 Relatio non realis ex defectu subiecti realis, fundamenti & termini realis. ibid.
 Relationum secundi modi fundamentum an sit potentia actiua & passiua. ibid.
 Relatiua secundi modi fundantur in ratione Principij. ibid.
 Relatiua tertij modi sunt denominationes extrinsece relatiue. 10.5.a
 Relatiua tertij modi an omnia cõueniant in ratione mensuræ. ibid.
 Relatiua tertij modi quæ, & quid ad eas requiratur. b
 Relatiua tertij modi sunt verè relatiua, realia prædicamentalia. c
 Relatio realis potest fundari in substantia. 10.6.a
 Relatio an non fundet relationem ex eo quod sit ratio referendi. b

Relatio

P R A E C I P V A R V M.

Relatio non potest fundare aliam relationem.	ibid.	ristotelem.	ibid.
Relationes reales extrinsecae fundantur in denominationibus extrinsecis.	ibid.	Relatio scientiae ad scibile in Prædicamento Ad aliquid ponitur secundum Aristotelem.	ibid.
Relationes rationis fundatae in denominationibus extrinsecis ab actu intellectus, sunt intrinsecae rebus denominatis.	c	Relata quæ agnoscuntur Aristoteles.	ibid.
Relatio non est accidens physicum.	10.7.a	Relata transcenduntia non sunt secundum dici nec secundum esse.	ibid.
Relatio quomodo sit accidens.	ibid.	Relationes nullus essentialia absolutis agnoverunt veteres Peripatetici.	ibid.
Relatio non accidentaliter nulla datur.	b	Relationes essentialia univèrsè negantur.	ibid.
Relatio Prædicamentalis & non Prædicamentalis quæ.	ibid.	Relationum essentialium nusquam meminit D. Thomas, negatq; relationem creaturæ ad Deum esse de essentialia.	ibid.
Relatio includit absolutum non essentialiter sed ex impositione.	ibid.	Relationes consequentes ad absoluta an D. Thomas agnoverit.	ibid.
Relatio abstracta ab absoluto est Prædicamentalis.	ibid.	Relatio scientiae ad scibile.	ibid.
Relatio non omnis non Prædicamentalis est transcendentalis.	ibid.	Relatio entis in actu ad ens in potentia.	ibid.
Relationes essentialia an in Prædicamentis absolutorum ponantur.	ibid.	Relatione differre non est essentia differre, secundum Augustinum.	ibid.
Relatio transcendentalis præcisa ab absoluto est Prædicamentalis.	ibid.	Relatio non constituit absolutum in esse absoluto.	ibid.
Relationes transcendentales an tollendæ.	ibid.	Relatio non est complementum essentialia absoluti.	ibid.
Relatio quæ dici potest transcendentalis.	ibid.	Relatio non est sub genere absoluto.	ibid.
Relativa secundum dici.	ibid.	Relatio transcendentalis est quid complementum in genere Relationis.	ibid.
Relativa secundum Esse.	ibid.	Relatio præcindi potest ab absoluto.	ibid.
Relatio inheret non ratione sui, sed ratione fundamenti.	ibid.	Relatio non est de essentia fundamenti.	ibid.
Relatio ut accidens est, ad quod prædicamentum spectet.	ibid.	Relatio nulla potest esse sine fundamento.	ibid.
Relatio Prædicamentalis est pura Relatio.	ibid.	Relationes essentialia sequuntur duo contradictoria.	ibid.
Relatio Transcendentalis quæ & quomodo differat à Prædicamentali.	ibid.	Relationes quomodo dici possunt essentialia absolutis.	ibid.
Relationes nullas essentialia agnoscisse A-			Rela-

INDEX RERVM

- Relationum essentialium paradoxa.* c
Relationem terminari ad Relationem formaliter an probabile. 10.9.a
Relationem terminari formaliter ad absolutum. ibid.
Relatiua simul natura, cognitione & definitione. b
Relationes diuinae ad quid terminentur. c
Relatiua oppositio duplex. ibid.
Relatio non eget noua causalitate. 10.10.b
Relatio an sit ens improductum. ibid.
Relatio specificatur à Terminò absq; causalitate. ibid.
Relatio an à solo terminò sumat suam specificationem. ibid.
Relatio tam à terminò quàm à fundamēto sumit speciem. ibid.
Relatio realis non potest esse ad non ens. 10.11.a
Relatio realis non est ad obiecta ficta. b
Relatio potentialis, utrum inter ens & non ens, qualis. ibid.
Relatio non potest conuenire non enti. c
Relatio sine alia essentia non subsistit. ibid.
Relationis fundamentum debet esse aliquid actū existens. ibid.
Relatiua ad conuertētiam dicuntur, quo sensu. ibid.
Relatio vniuersè non requirit distinctionem realem suppositorum. 10.12.a
Relatiua primi, secundi, & tertij modi. c
Relatio eiusdem ad seipsum quando. ibid.
Relatio intellectus ad seipsum an realis. ibid.
Relationes distinguuntur ab extremis. ibid.
Relatio omnis habet Ad & In. 10.13.a
- Relatio sine fundamento & terminò intelligi non potest.* ibid.
Relatio sumitur completè & incompletè. ibid.
Relatiua secundum Dici, non secundum Esse sunt contraria. 10.15.a
Relationes non sunt contrariae. ibid.
Relatiuè opposita non sunt Verè contraria. b
Relationi oppositio est accidental'is, & qualis illa sit. ibid.
Relatiua quaedam propriè suscipiunt magis & minus, quaedam impropriè. ibid.
Relatio ratione sui, non fundamenti, recipit magis & minus. ibid.
Relationis aliud est magis, & aliud fundamenti. ibid.
Relatiua ut sint simul natura, duo requiruntur. ibid.
Relatiuum unum non est causa alterius, quia Relatio non est causa Relationis. ibid.
Relatiuum materialiter potest esse prius correlatiuo, non formaliter. ibid.
Relatiua sunt simul cognitione concomitanter. ibid.
Relatiuum unum an definiri debeat per aliud. ibid.
- S.
- Sapientia quenam dicatur ab Aristotele versari circa principia & conclusiones.* 16.16.c
Sapientia quo pacto essentialiter distinguatur à scientia. 16.17.b
Scientia nulla habet pro obiecto seipsam. 2.1.c
Scientia est de illis quae in natura sua habent

PRAECIPVARVM.

<i>bent principium.</i>	2 5. b	<i>quatenus est natura absolute abstra-</i>	
<i>Scientia est de necessariis simpliciter. ibid.</i>		<i>cta à singulari.</i>	14. 9. b
<i>Scientia non est de singularibus sed de v-</i>		<i>Scientia omnes in particulari quomodo</i>	
<i>niuersalibus.</i>	4. 4. b	<i>naturaliter appetantur.</i>	16. 1. b
<i>Scibile dupliciter sumitur.</i>	10. 5. c	<i>Scientias omnes acquirendi impossi-</i>	
<i>Scibile est relatiuum etiam si non referat-</i>		<i>tas sitne physica vel moralis.</i>	ibid.
<i>tur, solum ex eo quod scientia refertur</i>		<i>Scientia rei perfecta potest esse duplex,</i>	
<i>ad ipsum.</i>	ibid.	<i>Absolute & Respectiua.</i>	16. 2. b
<i>Scientia licet extrinseca scibili, Verè affi-</i>		<i>Scientia definitiua absolute perfecta non</i>	
<i>cit scibile.</i>	ibid.	<i>datur in hominibus.</i>	ibid.
<i>Scientia in Deo est absq^{ue} omni relatione</i>		<i>Scientia demonstratiua absolute perfecta</i>	
<i>essentialis ad scibile.</i>	10. 8. b	<i>non datur.</i>	ibid.
<i>Scientia potest esse sine reali relatione ad</i>		<i>Scientia perfecta non absolute in homini-</i>	
<i>scibile.</i>	ibid.	<i>bis dari potest.</i>	ibid.
<i>Scientia & scibile quando referantur ad</i>		<i>Scientia non potest haberi per sensum.</i>	16.
<i>se realiter.</i>	10. 12. c		3. a
<i>Scientias de nouo acquirendi modus.</i>	13.	<i>Scire quid sit.</i>	16. 4. a
3a		<i>Scientia formaliter non est de simplici-</i>	
<i>Scire non est reminisci.</i>	c	<i>b^{us} terminis, sed de aliquo complexo.</i>	
<i>Scientia Vtrum rectè ab Aristotele defi-</i>		<i>ibid.</i>	
<i>nita sit.</i>	14. 1. a	<i>Scientia obiectum duplex est, id de quo est</i>	
<i>Scientia discursiua propriè scientia.</i>	ibid.	<i>scientia, & quod formaliter sciur.</i>	b
<i>Sciendi modus an Aristoteli demonstratio</i>		<i>Scientia proprietas prima est Veritas,</i>	
<i>Quia.</i>	ibid.	<i>quæ fundatur in esse rei.</i>	ibid.
<i>Scientia est effectus Demonstrationis.</i>	b	<i>Scientia proprietas secunda est esse per</i>	
<i>Scientia an & quomodo de falso esse non</i>		<i>causam.</i>	ibid.
<i>possit.</i>	14. 2. a	<i>Scientia proprietas tertia est necessitas</i>	
<i>Scientia falsa non est essentialiter scien-</i>		<i>talis, ut impossibile sit aliter rem ha-</i>	
<i>tia.</i>	b	<i>bere.</i>	ibid.
<i>Scientia non potest mutari de vera in</i>		<i>Scientia de Entibus rationis non potest ef-</i>	
<i>falsam, nisi mutet essentiam.</i>	ibid.	<i>se vera.</i>	ibid.
<i>Scientia falsa quâto est perfectior in cer-</i>		<i>Scientia vera non potest esse de impossi-</i>	
<i>titudine, tantò perfectior est in ratio-</i>		<i>libus.</i>	ibid.
<i>ne scientie.</i>	ibid.	<i>Scientia an possit esse de negationibus.</i>	ibid.
<i>Scientia non potest haberi ex falsis pre-</i>		<i>Scientia est de necessariis.</i>	16. 6. a
<i>missis, esset enim error & ignoran-</i>		<i>Scientia quâ ratione potest esse de contri-</i>	
<i>tia.</i>	c	<i>gentibus.</i>	ibid.
<i>Scientia non est de natura singulari, sed</i>		<i>Scientia quâ ratione non datur de ente</i>	

INDEX RERVM

- per accidens. *ibid.* Scientiarum distinctio secundum varias abstractiones est aliquo modo ex natura rei. *c*
- Scientia non potest esse vera de agilibus & factilibus. *16.7.b* Scientia moralis est formaliter practica. *17.5.b*
- Scientia est solum de vniuersalibus. *16.8.a* Scientia eminenter practica & speculatiua. *17.7.b*
- Scientia de naturis existentibus in vno solo indiuiduo quomodo haberi debet *b* Scientia acquisita non potest esse eminenter speculatiua & practica. *c*
- Scientia ut sit de vniuersali, ad perfectionemne scientie, an ad essentiam pertineat. *ibid.* Scientia practica non est verè & propriè scientia. *16.7.c*
- Scientia de corruptibilibus in singulari secundum doctrinam Aristotelis non potest dari. *16.9.a* Scientia speculatiua tantum sunt propriè scientie. *ibid.*
- Scibile quomodo sit incorruptibile. *ibid.* Scientia totalis nomine quid intelligatur. *17.1.a*
- Scientia quomodo non sit de rebus factilibus. *c* Scientiam totalem non esse simplicem qualitatem. *b*
- Scientia non potest esse absque veritate. *16.10.a* Scientia tota habitualis non acquiritur per primam demonstrationem in scientia. *ibid.*
- Scientia actus non potest simul stare cum actu erroris contrariè opposito. *16.11.a* Scientia totalis continet multa obiecta formalia, & multas rationes assentiendi. *ibid.*
- Scientia habens non cadit in errorum oppositum. *c* Scientias totales plures dari. *17.2.b*
- Scientia non corrumpitur per errorem. *ibid.* Scientia totalis est vna per aggregationem. *ibid.*
- Scientia ratione certitudinis opponitur opinioni. *16.12.a* Scientie totales Mathematicæ an sint plures. *ibid.*
- Scientia actuali posita destruitur opinionis obiectum. *b* Sensus quomodo sit vniuersalius. *16.3.b*
- Scientia naturalis alicuius obiecti non potest stare cum scientia Theologica eiusdem obiecti. *16.14.c* Sensus cum intellectu circa cognitionem quomodo conueniat & differat. *ibid.*
- Scientie actus distinguitur re ab assensu principiorum. *16.16.b* Sensus quomodo causam cognoscere dicitur. *ibid.*
- Scientia apud Aristotelem non completitur nisi scientias speculatiuas. *16.17.b* Sex non sunt tria. *9.4.a*
- Scientia vna in ratione scientie, non est vna in ratione vnius modi sciendi. *17.2.a* Significare aliquid potest multa dupliciter. *6.3.c*
- Signum aliud est manifestatiuum, aliud suppositiuum. *12.1.b*
- Signi-

PRAECIPVARVM.

- Significare aliquid potest vel à natura, Speciei propria predicatio est de Indivi-*
Vel ex impositione. 12.2.a duis. 5.1.b
- Significare sine tempore quid sit. 12.4.b Speciei an sint partes generis. ibid.*
- Similitudo sub qua Ens rationis concipi- Speciei respectum tam ad genus quàm ad*
tur, non est obiectum conceptum aut Individua esse essentialem. 5.2.a
eius pars. 1.2.c
- Similitudo rei nunquam est res ipsa. 1.3.b Speciei ordo ad genus magis essentialis. b*
- Similitudo in quo fundetur. 4.3.c Specificatio duplex, Intrinsicæ & Extrin-*
Seca. 10.8.b
- Simile an possit fieri ex non simili sine ac- Speciei in intellectu sunt duplices. 16.15.b*
quisitione alicuius rei. 10.3.b Speciei analogæ definiri non possunt. 18.
Similitudines diversarum rerum an sint 4.b
specie distinctæ. 10.10.c Speciei univocæ definiripossunt. ibid.
- Similitudo & dissimilitudo an sint contra- Subalternata scientia quid. 17.8.a*
ria. 10.15.b Subalternari potest scientia tripliciter,
Similitudo in actu intelligendi est duplex. ratione finis, principiorum & obiecti.
16.5.b ibid.
- Simplicitas non derogat perfectioni iudi- Subalternata non differt essentialiter à*
cij. 3.12.b subalternante, nisi ratione materiae. b
- Simpliciter simplex quid sit. 5.7.b Subalternentur ne practicæ speculativis,*
Simplex res potest virtute multa conti- speculativa Metaphysicæ, artes servi-
nere. ibid. les Architectonicæ. ibid.
- Singulare genericum repugnat existere à Subalternantis conclusiones sunt princi-*
parte rei sine rationibus specificis. 4. pia subalternata. ibid.
4.b
- Singularitas non est essentialis naturæ. Subalternans quomodo demonstret Pro-*
ibid. pter quid, subalternata Quia. c
- Singularitas cum essentia quomodo unū. Subalternantem esse in alio intellectu, &*
ibid. subalternatam in alio, non sufficit ad
ibid. subalternationem. ibid.
- Singulare de uno eoque singulari dicitur. Subiectum supponitur existens. 12.5.b*
5.8.b Subiectam non predicatur naturaliter de
Singularitas de essentia solius Dei. 8.4. accidente accepto formaliter. 14.10.b
- Situs quid sit. 11.4.c Subiectum est fundamentum tam causæ*
Situs & ubi sunt denominationes intrin- quam passionis. 16.7.b
secæ. ibid.
- Situs non dicit relationem vel ordinem Substantia increata an spectet ad Predi-*
partium. ibid. camentum. 7.1.b
- Situs non est idem ex natura rei cum ubi. Substantie genus potest esse univocum,*
ibid. non accidens. 7.2.b
Substantia ponuntur in Predicamento in

INDEX RERVM

concreto non in abstracto. 7 6. a
 Substantia definitur negativè. 8 1. a
 Substantialis forma non est in subiecto. b
 Substantia definitur per proprietates. i-
 bid.
 Substantia est ens per se existens, & du-
 pliciter per se existit. ibid.
 Substantie non repugnat existere in alio.
 ibid.
 Substantia diuina perfectissime per se
 existit. ibid.
 Substantia est quæ omnibus substat. c
 Substantiam aliquam dari demonstra-
 tur. ibid.
 Substantia sumitur latè & strictè. 8.
 3. a
 Substantie ratio uniuoca omnibus crea-
 tis. b
 Substantie ratio astrahit à spiritali &
 corporeo, item à simplici & composito.
 ibid.
 Substantie & accidenti nihil est commu-
 ne uniuocum. 8. 4. b
 Substantie incorruptibiles in quo Prædi-
 camento, secundum Aristotelem. 8.
 5 b
 Substantie primæ & secundæ uniuocè
 conueniunt substat. 8. 7. b
 Substantie secundæ quomodo dicantur de
 subiecto & non sint in subiecto. 8. 8. a
 Substantie primæ an sint subiectum se-
 cundarum. ibid.
 Substantiarum identitas quid. 10. 6. b
 Substantie non sunt essentialiter ad ali-
 quid. 10. 8. b
 Suppositio duplex. 2. 5. b
 Syllogismi definitio. 13 5. a
 Syllogismus illativus & probativus quis

fit. t
 Syllogismus qui est illativus, est etiam
 probativus. ibid.
 Syllogismo essentiali est esse discursum, ac-
 cidentarium autem esse instrumentum.
 13 7. a
 Syllogismi una est essentia. ibid.
 Syllogismus quomodo faciat scire. c
 Syllogismorum multorum vitium. 13.
 14 b
 Syllogismi purè negativi cur mali. ibid.
 Syllogismorum fundamentum. c
 Syllogismi expostorii de Deo. ibid.

T.

Tempus est formaliter quantum propter
 successionem. 9. 8. a
 Tempus est ipsa quantitas motus. ibid.
 Tempus est quantum per accidens. b
 Tempus non est vera species quantita-
 tis. c
 Tempus in Prædicamento Quando. 11.
 4. b
 Tempus est duplex, intrinsecum & ex-
 trinsecum. ibid.
 Terminus est prior relatione. 1. 4. b
 Terminus ordinis vniuersalis. 4. 6. b
 Terminus non existens non terminat actus
 Relationem. 10. 8. b
 Terminus actu habet actus rationem ter-
 minandi. ibid.
 Terminandi & referendi ratio eadem.
 10. 9. a
 Terminus non est de essentia relationis in-
 trinsecæ, sed extrinsecæ. 10. 10. a
 Terminus an sit vera causa relationis.
 ibid.

Termi-

PRÆCIPVARVM.

Terminum non esse reuera causam relationis. b

Terminus in nullo genere cause est causa Relationis. ibid.

Terminus debet esse actus terminus. 10. 11. b

Termini definitio. 12. 6. b

Termini non significantes ponuntur pro veris terminis. 13. 5. c

Tertia operatio distinguitur essentialiter à secunda. 13. 2. c

Totum tantum existens in singulis partibus, tota sua realitate est indivisibile, nec partes habet. 9. 2. b

Transcendentia etiam infinitari possunt. 12. 5. c

V.

Ubi quid sit, & quid ad illud requiratur. 11. 4. b

Ubi denominatio est formaliter intrinseca in ordine ad extrinsecum. ibid.

Verba ignota quid significant. 12. 4. b

Verbum non est sola conditio, sed etiam formale predicatum. 12. 6. b

Verbum quomodo dicatur nota eorum, quæ predicantur. ibid.

Verbum Est semper significat existentiam, licet non semper realem. c

Verbum Est non potest perfectè resolui in Nomen & Verbum. ibid.

Verbum Est significat tempus. ibid.

Veritas cognitionis, Veritas rerum. 3. 3. a

Veritas cognitionis alia simplex, alia complexa. ibid.

Veritas simplex datur in prima operatione, eaq; proprie dicta. b

Veritas cognitionis quid. ibid.

Veritas formata seu complexa. c

Vera vox dupliciter dicitur. ibid.

Veritas triplex in iudicio intellectus considerari potest. 12. 8. a

Veritas transcendentalis, moralis & Logica. ibid.

Veritas secundæ operationis est Veritas Logica. ibid.

Veritas & falsitas secundæ operationis ubi inveniatur. b

Veritas in orationibus practicis unde sumatur. ibid.

Verum est obiectum formale iudicii intellectus. 12. 9. a

Verum in intellectu triplex distingui potest. b

Verum per se & formaliter non inferitur ex falso. 1. 39. a

Verum ex suppositione an sequatur ex falso. ibid.

Veritas est prima proprietas præmissarum secundum Aristotelem. 14. 2. a

Verum in philosophia, an falsum secundum fidem. b

Verum idem non potest simul esse falsum, ibid.

Veritates philosophicæ non repugnant divinis! c

Verum sequitur ex falso, non propter quid sed quia hoc est, id est materialiter. ibid.

Vera non sunt omnia quæcunque apparent. 16. 2. b

Veritas non est perfectio essentialis scientiæ, sed proprietas tantum essentialis. 16. 10. a

INDEX RERUM.

- Vniuersalis ratio, & quid ad eam requiratur.* 4.1.a
Vniuersale est unum in multis. 4.2.b
Vniuersale dari probatur. 4.4.a
Vniuersale an sit conceptus. b
Vniuersale non est conceptus, sed res obiecta conceptui. ibid.
Vniuersale effici non potest quod est per se singulare. ibid.
Vniuersale producere realiter cur implicet. ibid.
Vniuersalis natura quomodo est una in multis. ibid.
Vniuersalis unitas est unitas communis. 4.5.a
Vniuersale dicit ordinem ad multa. 4.6.a
Vniuersale absolutum Aristoteles non agnouit. b
Vniuersale non dicitur nisi respectu multorum. ibid.
Vniuersale per actum predicationis fit particulare. ibid.
Vniuersale fit per notitiam abstractiuam, cognoscitur per comparatiuam. 4.8.b
Vniuersalitas an cognoscatur indirecte. c
Vniuersalia duo in essendo ob duplicem abstractionem. 5.11.a
Vniuersale in essendo & in predicando non idem. b
Vniuersalia in essendo sunt duo tantum. ibid.
Vniuersalia in predicando quinque. ibid.
Vniuersalia quomodo sint notiora naturae & nobis secundum Aristotelem. 14.4.b
Vniuersalis predicationis definitio vera. 14.12.b
Vniuersum quomodo unam naturam significat. 4.3.c
Vniuersum quid. 6.4.a
Vniuersi ratio quae requiritur. ibid.
Vniuersus conceptus quae ratione est unus. b
Vniuersio unitatem realis essentiae non requirit. ibid.
Vniuersum significat unam rationem essentiae, ad quam duo requiruntur. ibid.
Unitas essentialis si datur, est unitas simpliciter. 4.2.b
Unitas est indivisio entis & supponit ens. ibid.
Unitas requirit indivisionem tam quo ad modum quam quo ad substantiam. ibid.
Unitas formalis quoniamplex. 4.3.a
Unitas formalis non est a parte rei distincta a numerica. ibid.
Unitas secundum numerum est individualis. 4.4.b
Unitas est indivisio. ibid.
Unitatis modus non est alius nisi per abstractionem a diuisibilibus. ibid.
Unitas formalis & vniuersalis differunt. 4.5.b
Vnum refertur ad multa manens unum. 4.6.b
Unitas numerica est proprietas. 5.4.a
Vnum simul genere & analogia an aliquid esse possit. 6.4.c
Vnum per se quid sit. 7.5.b
Vnitates sunt tot, quot sunt sine intellectu. 9.3.b

P R A E C I P U A R V M.

<i>Vnitates dicuntur dupliciter Tot.</i>	<i>ibid.</i>	<i>cificationem scientiae totalis.</i>	<i>ibid.</i>
<i>Vnum ab altero distinctio ex naturae rei,</i>		<i>Vnum genus obiecti sine abstractione non</i>	
<i>unde cognoscitur.</i>	<i>10.3. a</i>	<i>sufficit ad vnitatem scientiae totalis,</i>	
<i>Vnum ut sit per se ex duobus entibus, re-</i>		<i>nec vnum genus abstractionis.</i>	<i>ibid.</i>
<i>quiritur ut sint res vnius generis, in-</i>		<i>Vox eadem potest esse uniuoca & analoga</i>	
<i>complete, sint ut actus & potentia, &</i>		<i>secundum diuersam significationem.</i>	
<i>realiter sibi unita.</i>	<i>9.4. b</i>	<i>6.6. a</i>	
<i>Vnum per se non fit ex omni actus & poten-</i>		<i>Voces suo modo significant tam res quam</i>	
<i>tia.</i>	<i>ibid.</i>	<i>conceptus.</i>	<i>12.1. a</i>
<i>Vnum sine alio intelligi non posse vel ex</i>		<i>Voces primò & immediatè significant</i>	
<i>naturae rei, vel ex imperfecto modo in-</i>		<i>res.</i>	<i>b</i>
<i>telligendi.</i>	<i>10.8. c</i>	<i>Voces quibus de facto utimur, non signifi-</i>	
<i>Vnum uni opponitur.</i>	<i>12.13. b</i>	<i>cant à natura.</i>	<i>12.2. b</i>
<i>Vnitatis plura requiritur quàm distinctio.</i>		<i>Voces à natura significantes dupliciter</i>	
<i>16.16. b</i>		<i>intelligi possunt.</i>	<i>c</i>
<i>Vnitatis tam principiorum quàm conclu-</i>		<i>Voces animalium an possint esse Nomina.</i>	
<i>sionis requiritur ad vnitatem essen-</i>		<i>12.4. b</i>	
<i>tialem scientiae.</i>	<i>17.1. b</i>	<i>Vocibus animalium quid desit ad ratio-</i>	
<i>Vnitatis scientiae est vnitatis ordinis.</i>	<i>17.2. b</i>	<i>nem Nominis.</i>	<i>ibid.</i>
<i>Vnitatis & distinctio scientiae non sumitur</i>		<i>Voluntas quomodo appetat.</i>	<i>16.1. b</i>
<i>ab vna ratione formali obiecti.</i>	<i>ibid.</i>	<i>Voluntatis libera determinatio est du-</i>	
<i>Vnitatis generica obiecti non sufficit ad spe-</i>		<i>plex.</i>	<i>ibid.</i>

F I N I S I N D I C I S.



Omissa.


Omissa.


In Indice, litera A. post versum: *Analogia ratio essentialis cuiusdam conueniat.* 6.5.b. omissa sunt quæ sequuntur.

<i>Analogus conceptus non potest esse analogus & uniuocus sub eadem ratione etiam respectu diuersorum.</i>	6.6.a	<i>Appetitu quo naturaliter homo scire appetat.</i>	ibid.
<i>Analogatum potest esse sub eadem ratione analogatum & uniuocum diuerso respectu.</i>	c	<i>Appetitum innatum sciendi in hominibus dari.</i>	b
<i>Analogum non est verum genus.</i>	7.3.a	<i>Appetitu elicitu naturaliter appetit homo scientiam qua scientia est.</i>	ibid.
<i>Analogia inter Deum & creaturas in ratione substantiæ.</i>	8.2.b	<i>Apprehensio an sufficiat ad mouendam voluntatem.</i>	17.5.a
<i>Animæ ante corpora non fuerunt, nec scientias rerum habuerunt.</i>	13.3.a	<i>Apprehensio simplex sufficit ad mouendam voluntatem.</i>	ibid.
<i>Antecedens & consequens potest esse in eodem instanti.</i>	13.1.b	<i>Aptitudo supponit essentiam cuius est aptitudo.</i>	10.8.b
<i>Antecedens est ratio assentiendi extrinseca.</i>	13.2.a	<i>Ars docens & utens.</i>	2.5.b
<i>Antecedens tam est de essentia discursus, quam consequens.</i>	c	<i>Artis opera an efficiantur ex habitu artis sine ulla cognitione.</i>	2.6.a
<i>Appetitus duplex, Innatus & Elicitus, & quid uterque.</i>	16.1.a	<i>Artis notæ difficultas quò referenda.</i>	b
		<i>Artificata in quo Predicamento.</i>	7.1.c
		<i>Artificata non ponuntur in Predicamento.</i>	7.5.b

F I N I S.









PARS PRIMA
LOGICAE,

MARTINI
SMIGLECII,
PROLEGOMENA,
ET EA, QUÆ AD PRIMAM
OPERATIONEM INTELLECTVS
dirigendam pertinent, compre-
hendens.

DISPUTATIO I.

De ente rationis.

*DE ente rationis primo loco nobis agen-
dum est, quòd eius cognitio & ab uniuersa
Logica supponatur, & ad disputatio-
nem proximam de obiecto Logico
sit omnino necessa-
ria.*




A

QUÆ.

DISPUTATIO I.
QVÆSTIO PRIMA.

Quid sit ens rationis.



ENTIS rationis naturam duplici viâ inuestigare possumus: primùm ex oppositione cum ente reali: deinde ex modo existendi proprio quem habet in intellectu: Hoc enim nomine Entis rationis intelligimus, quod cum non sit ens reale, in solo intellectu existit. Quod igitur ad priorem viam attinet: dicimus ens rationis enti reali opponi, non quod sit mera negatio entis realis (est enim suo modo ens) sed quod sit tale Ens quod nec existat nec possit existere realiter. Voco autem realem existentiam eam quæ est extra intellectum in re ipsa. Porro vt hoc intelligatur. sciendum est: Ens reale dici reale à reali quæ est extra intellectum existentia, quam si habeat actu dicitur Ens reale actu; si verò solum in potentia, dicitur ens reale potentia, quia potest realiter existere. Sic rosa in hyme non est ens reale actu, quia actu non habet vllam realem existentiam, sed tantum potentia, quia potest realiter produci à suis causis; & realiter existere. Ad rationem igitur entis rationis requiritur, vt nullo modo sit reale, nec actu, nec potentia: tum quia id requirit perfectam oppositio cum ente reali, vt nullo modo realitatem participet: alioqui esset partim ens reale, partim rationis: tum quia sicut ens reale denominatur reale ab existentia reali; ita ens rationis denominatur, rationis, ab existentia rationis: quare quatenus est ens rationis, non reali sed rationis existentia existit: tum, quia si ens rationis posset realiter existere, esset eo ipso ens reale in poten-

Ens reale dicitur reale ab existentia qua est extra intellectum in re ipsa.

Ens rationis cur nullo modo possit esse ens reale.

potentia, cum propriū sit Entis realis posse realiter existere. Denique per Ens rationis intelligimus talem essentiam, cui repugnat realiter existere, & solum conuenit existere in intellectu; Talis autem essentia proculdubio, nec actu, nec potentia est realis.

Hinc autem solui potest illa quaestio. An Ens reale possit fieri Ens rationis: & e conuerso, Ens rationis an fieri possit Ens reale? Posset enim alicui videri id fieri posse: PRIMÒ. Quia duo isti modi existendi, in re, & in intellectu, sunt quidem diuersi, non tamen ita oppositi vt eidem conuenire non possint. Nam verbi gratia, eadem domus & in re existit, & in mente artificis: imò quaecunque in re existunt, si concipiuntur, existunt in intellectu: Cū igitur Ens rationis sit illud, q̄ existit in intellectu, Ens reale verò existit in re extra intellectum, fieri potest vt Ens rationis fiat Ens reale: quia quod existit in mente, potest etiam in re existere extramentem, & e conuerso.

An Ens reale possit esse Ens rationis & e contra?

1. ratio dubitanda

SECUNDÒ, Rosa in hyeme, in re nihil est quia non existit; sed solum est in intellectu per apprehensionē, ac ex consequenti est Ens rationis: quando verò producitur realiter in æstate, efficitur Ens reale: potest igitur Ens rationis effici Ens reale. Dicendum tamen est nullo modo id fieri posse, vt Ens reale fiat Ens rationis, & e cōuerso. Ratio est: Quia nō quidquid in ratione existit, est Ens rationis, sed q̄ ita in ratione existit, vt extra rationē non possit existere, seu q̄ habet talem essentiam cui repugnet in re existere, solumq; in ratione existit. Tali autē Enti rationis repugnat esse Ens reale, quia eo ipso quòd realiter possit existere, nō esset in sola ratione existens, nec haberet talē Essentiam, cui conueniret in sola ratione existere, & extra rationē non existere, quæ est

Respondetur quaestioni

propria Entis rationis. Quocirca etsi Ens reale possit existere in ratione, quia tamen non ita existit in ratione, ut extra rationem non possit existere, idcirco non existit per modum Entis rationis, sed per modum Entis realis. Entia enim realia ita in ratione existunt, ut possint extra rationem existere: Entia verò rationis ita in ratione existunt, ut extra rationem existere non possint; ut Hircoceruus, Hippocentaurus, & alia Entia impossibilia, quæ à solo intellectu excogitantur, in re autem esse non possunt.

*Ens rationis
differt essentialiter
ab ente reali.*

Ex quo infero primò. Ens rationis & Ens reale differre essentialiter, neque vnquam in vnâ Essentiam coire posse. Ratio est: quia Ens rationis est talis Essentia, cui repugnat extra intellectum existere: Enti verò reali ex sua essentia competit posse extra intellectum existere: Habent igitur essentias differentes. Deinde Ens rationis ex sua essentia postulat, ut in ratione existat, cum nullam aliam habeat Essendi rationem nisi in intellectu, Entis verò realis essentia id non postulat, ut in ratione existat, sed est illi hoc merè accidentarium: nam etsi nunquam in intellectu existeret nec existere posset, esset perfectum Ens reale. Est igitur distincta essentia Entis rationis ab essentia Entis realis.

Sola entia impossibilia sunt entia rationis.

Inferò secundò. Sola Entia impossibilia esse Entia rationis: quia Ens rationis est illud, quod in re nō potest existere: At q, in re non potest existere, est impossibile. Ergo Ens rationis est id quod est impossibile. Deinde q, potest in re existere, est reale: Ens aut rationis non est reale; non est ergo Ens possibile, sed impossibile. Voco aut impossibile non id q, potentiæ creatæ est impossibile, sed quod vniuersim omni potentiæ tam creatæ quàm increatæ est impossibile, seu quod per nullam omnino poten-

potentiam fieri potest, eò quòd implicet contradic-
tionem. Nam si solùm potentia creatæ sit impossibile,
per potentiam verò Diuinam fieri possit, id & simplici-
ter est possibile, & verum est Ens reale non rationis, si-
quidem verè in re potest existere. Quocirca mons au-
reus non est Ens rationis, quia etsi naturaliter fieri non
possit, potest tamen fieri à Deo; & si fiat existet realiter,
ad modum aliorum Entium realium: Hircocervus ve-
rò, quia ne per Dei potentiam quidem fieri potest, est
Ens rationis; quia solùm in ratione potest existere non
autem in re. Nam etsi tam Hircus quàm Cervus sint se-
cundum se Entia realia; tamen compositio ex Hirco &
Cervu in vnam essentiam, non est realis quin potius rea-
liter impossibilis, eò quòd contradiccionem implicet,
eandem rem esse Hircum & Cervum; quia si Hircus sit,
non erit Cervus, si Cervus, non erit Hircus. Quocirca
illa compositio Hirci & Cervi in vnam essentiam erit
Ens rationis, quia solùm in mente & cogitatione existit.

Quod si obiicies. Impossibile quàm impossibile non
est Ens: definitur enim impossibile id quod non potest *Obiecto,*
esse: atqui Ens rationis est Ens, ergo Ens rationis non est
impossibile.

Respondendum est. Impossibile aliquid dicitur
dupliciter: vel quòd non possit in re existere, vel quod *Solutio.*
non possit in ratione existere: Cum igitur dici-
mus Ens rationis esse impossibile, intelligimus pri-
mo modo quod in re est impossibile, nec potest rea-
liter existere: non negamus autem esse possibile, ut exi-
stat in ratione; quidquid enim potest concipi à ratione,
quacumvis in re sit impossibile, est in ratione possibile,
quia potest in ratione existere. Quare etsi impossibile
quatenus impossibile sit non Ens; tamen quatenus illud



impossibile potest in ratione existere, sic induit rationem cuiusdam Entis possibilis, in ratione existentis. Et hoc dicimus Ens rationis, quod in re quidem est impossibile, in ratione tamen est possibile, estque Ens in ratione existens.

Quod si dicas. Etiam ratio iudicat impossibilia esse impossibilia. Respondeo. Iudicat esse impossibilia ad existendum in re, non autem ad existendum in intellectu: imò iudicat impossibilia omnia posse ab intellectu cognosci, quod est posse existere in intellectu.

*Satisfit rationi
dubitandi pri-
ma.
Esse in re & in
intellectu quo-
modo opponam-
sur.*

Ad primum argumentum, pro oppositâ sententiâ Respondeo, modos essendi in re, & in intellectu, si incommuni sumantur, non esse oppositos & posse eidem rei competere; at si sumantur, ut proprij Entis realis & rationis, & ut distinguunt Ens reale & Ens rationis, sic sunt omninò oppositi, nec possunt eidem competere: Nam modus essendi Entis rationis est, ita esse in ratione, ut extra rationem non possit existere. Entis verò realis modus essendi est in re extra rationem existere: Hos autem modos manifestum est oppositos esse, neque eidem simul convenire posse. Deinde Ens rationis ex suâ essentiâ postulat esse in ratione, quod non competit Enti reali cui non essenziale, sed accidentarium est in ratione existere. Quare ad hoc utaliquid sit Ens rationis, non satis est, quod in ratione existat quocumque modo, sed requiritur ut essentialiter possit in ratione existere, & habeat talem essentialitatem, cui repugnet extra rationem existere. Ens autem reale solum accidentariè in ratione existit, non enim habet talem essentialitatem, quæ talem modum existendi necessariò postulet, atque idcirco non potest dici essentialiter Ens rationis.

Ad secundum respondeo. Rosa in hyeme nihil quidem est reale actu, est tamen aliquid reale potentia, quia potest realiter existere: non igitur est Ens rationis. Nam etsi in hyeme per solam intellectus apprehensionem existit (cum in se non existat) tamen ita per intellectus apprehensionem existit, ut extra eam possit existere; quocirca non habet essentiam propriam Entis rationis, quæ postulat solum in ratione esse, & extra rationem nullo modo esse. Ex quo patet rosam in hyeme existere in ratione per modum Entium realium, non per modum Entium rationis, eorum, inquam, quæ pure & essentialiter sunt Entia rationis.

satisfit secundum

Rosa in hyeme est ens reale potentia.

Quæri etiam potest. An inter Ens reale & Ens rationis detur medium, hoc est an detur aliquid, quod nec sit Ens reale nec Ens rationis.

Dicendum est, sub genere Entis non dari medium inter Ens reale & rationis: hoc est non posse aliquid esse Ens, nisi sit vel reale vel rationis. Quia omne quod extra rationem existit est reale; quod verò in sola ratione existit est rationis, inter hæc autem non datur medium: nam hi modi essendi sunt contradictoriè oppositi, esse extra intellectum, & non esse extra intellectum; inter contradictoria autem non datur medium.

Inter Ens reale & Ens rationis non datur medium.

At obiicies. Ens in voluntate est medium inter Ens reale, & rationis. Nam cum volumus aliquid impossibile, ut si homo velit esse Angelus, aut cum Lucifer voluit esse æqualis Deo, tale Ens nec est reale, quia in re impossibile: nec rationis, quia non in ratione formaliter, sed in voluntate existit. Neque refert quod apprehendatur à ratione: nam ex hoc solum sequitur, quod non solum habeat in voluntate esse. Illud tamen esse, quod habet in voluntate est distinctum formaliter ab illo

illo esse quod habet in ratione. Nam licet realiter idem sit & volitum & cognitum, tamen quâ volitum, non est cognitum, quin quâ volitum ad voluntatem nō ad intellectum refertur.

*Ens impossibile
volitum est ens
rationis quia
quâ ens respicit
intellectum.*

Respondeo. Ens impossibile volitum esse simpliciter Ens rationis non quid medium inter Ens rationis & Ens reale: Nam licet quâ volitum respiciat voluntatē; tamen qua Ens respicit intellectum: siquidem ab intellectu apprehendente illud sub ratione Entis & proponente illud voluntati, habet rationem Entis. Et licet volitum non sit formaliter cognitum; tamen existentia illius voliti non est alia existentia, quàm existentia rationis: existentia enim obiectiva quam habet in voluntate, non est à voluntate sed ab intellectu: intellectus enim est ille, qui apprehendendo proponit obiectum voluntati, & facit illud existere in voluntate.

*Existentia ob-
iectiva entis
rationis.*

Verum non quæcunq; existentia obiectiva sufficit ad Ens rationis. Nam etiâ Entia realia obiectivè existūt in intellectu. Id ergo q̄ requiritur ad Ens rationis, est. Ut tali existentia obiectivè existat in intellectu; ut præter illam existentiam obiectivam, nullam aliam habeat, aut habere possit: Nam si extra intellectum existere possit, erit Ens reale, cum Ens reale dicatur reale ab eâ quam habet extra intellectum, existentia. Cum ergo Ens rationis distinguatur essentialiter ab Ente reali, debet non posse vllō modo extra intellectum existere, sed à solâ, quam habet per modum obiecti in intellectu, existentia, denominatur Ens. Et hoc est quod dici solet: Ens rationis habere esse solū obiectivè in intellectu, & præter esse obiectivum non habere aliud esse, quod magis infra q. 4. explicabitur.

Quod

Quod si quæras. Quænam sint illa quæ nullum aliud esse habent nisi obiectiuum in intellectu: Respondeo esse illa, quæ ab intellectu fieri & excogitari possunt, in re autem existere nullo modo possunt. Quælia sunt omnia Entia impossibilia: nam hæc solum per intellectus fictionem existunt, cum extra intellectum, nullam existentiam habeant aut habere possint.

QVÆSTIO II.

An Ens rationis consistat in cōiunctione impossibili plurimum rerum.

Videtur enim Ens rationis esse quid simplex & illam compositionem plurium nō requirere: Nam omnium sententiā relationes & negationes sunt Entia rationis; quæ tamen sunt quid simplex, & sine vlla cōiunctione rerum impossibile. Deinde Ens rationis ex fictione intellectus oritur: atqui intellectus habet vim fingendi, non solum composita, sed etiam simplicia. Ergo non omne Ens rationis compositionē requirit. Præterea sequeretur Ens rationis non esse in primâ, sed tantum in secundâ operatione intellectus: ad secundam enim spectat compositio, primâ verò est simplex operatio. Denique non solum compositio impossibilis, sed etiâ diuisio impossibilis fingi potest ab intellectu, ut cum distinguimus in Deo attributa, quæ in re diuisa se nulla ratione possunt; talis verò diuisio attributorum est Ens rationis, cum à parte rei sit impossibilis, & solum ab intellectu existere fingitur. Non igitur in sola cōiunctione impossibili existit essentia Entis rationis.

*Pro parte negante.
Argumentū 1.*

Argum. 2.

Argum. 3.

Argum. 4.

Pro affirmat.

Ex altera verò parte multi Recentiores tenent Ens rationis consistere in coniunctione per intellectum rerum à parte rei impossibilem: ita ut propria & formalis ratio Entis rationis in coniunctione illà rerù impossibilem sit posita; nullumque simplex, nisi ratione talis coniunctionis sit Ens rationis.

Argum. I.

Probant verò primò. Quia Ens rationis est id quod fingitur ab intellectu; intellectus autem non dicitur fingere nisi cum aliqua falsò vel impossibilem ratione coniungit: Ergo & Ens rationis in eà coniunctione rerum impossibilem consistit. Pro quo notant intellectum nostrum nihil posse apprehendere, nisi vel reale, vel similitudinem Entis realis. Nam principia apprehensionum sunt species intelligibiles, quæ & à rebus sumuntur, & intellectui representant obiecta realia. Quocirca nihil intellectus apprehendit, quod vel non existat realiter, vel non sit similitudo Entis realis, ut inductione in omnibus manifestum est. Quod si aliquando id quod apprehenditur dicitur non esse reale: id eo sensu dicitur; quia etsi secundum se sit reale, tamen realiter illi rei non convenit, ut cum pauperem apprehendimus diuitem dicimur fingere: non quòd diuitiæ non sint quid reale, sed quod illi pauperi re ipsa non conueniant, & ideò dieuntur diuitiæ fictæ. Itaque tota fictionis ratio in eo consistit, quod quæ secundum se sunt realia, falsò vel impossibilem coniunguntur ab intellectu; falsò quidem cum de facto non sunt coniuncta in re licet ea coniungi non repugnet, ut cum fingo montem aureum, asinum volentem; impossibilem autem cum non solum de facto non sunt in re coniuncta, sed & impossibile est illa coniungi, & hoc posteriori modo fingitur Ens rationis. Ver-

bigra-

hi gratia, cum fingo in Deo relationem Domini vel creatoris per modum cuiusdam accidentis, relatio illa accipitur à me, per modum aliarum relationum realium, & talem de ipsa conceptum formo, sicut de aliis relationibus realibus: dicitur tamen hæc relatio fingi; quia fingitur Deo convenire, cum reuera non conveniat, & in hac coniunctione relationis cum Deo (quæ coniunctio in re est impossibilis) posita est fictio. Dicitur igitur illa relatio Ens rationis, non quod secundum se non concipiatur ut realis, sed quod fide Deo tribuitur, cum in re illi non conveniat, sed nec convenire possit. Impossibile enim est in Deo esse accidentia. Simili ratione negationem aut privationem dicimus esse Ens rationis; quia etsi in se sit non Ens, ab intellectu tamen nostro concipitur sub similitudine alicuius Entis realis, Verbi gratia, per modum Entis alicuius vacui, nigri, tenebricosi, secundum eam similitudinem, quam in rebus sensibilibus conspeximus; quæ similitudo etsi secundum se sit realis, & in Entibus realibus inveniatur, quia tamen negationi vel privationi realiter non convenit, neque convenire potest, idcirco dicimus negationem ita conceptam, esse Ens rationis, quia illa similitudo Entis realis falsò & impossibiliter coniungitur negationi.

Præterea probari hæc sententia potest alia quoque ratione. Ens rationis non est quodcunque figmentum, sed tale quod impossibile sit & contradictionem implicet re ipsa existere. Porro implicatio contradictionis esse non potest, nisi ubi sunt plura impossibilia; ita ut ex vno sequatur rem esse,

Argum. 2.

ex alio non posse. Verbigratia, in hac propositione; Asinus est rationalis, implicatur contradictio, quia duo sunt impossibilia, asinus & rationalis, & ex vno sequitur quod asinus sit rationalis, ex altero (quia asinus) quod non sit rationalis: Necessse igitur est: Ens rationis constare ex impossibilibus; ac proinde non esse quid simplex sed compositum, cum res omnino simplex non possit implicare contradictionem; non enim habet in se aliquid, ratione cuius sit, & aliud ratione cuius non sit. Nam secundum vnum & idem, esse & non esse simul non potest: si verò ratione vnius sit, ratione alterius non sit, iam erit non simplex sed compositum ex duobus, quorum vnum fundat vnam partem contradictionis, aliud aliam.

Quod si dicas ex eo sequi Ens rationis esse Ens reale; quia totum quod componitur ex partibus realibus, est reale (totum enim nihil aliud est quam partes vnite) si ergo Ens rationis est compositum & ex partibus realibus erit reale.

Respondeo. Vt aliquid sit totum reale, non satis est vt partes reales habeat, sed etiam opus est vt partes illæ realiter sint inter se vnite: quod cum desit Enti rationis, non erit idcirco totum reale, sicut, si quis cogitatione solum vniret lateres non faceret murum realem. Ad rationes verò contrarias initio positas sic respondent.

*Refelluntur
argumēta par-
tis negantis.*

I.

Ad primam. Licet tam relatio quam negatio sit quid simplex, ea tamen ratione quâ dicuntur Entia rationis inuoluunt conjunctionem aliquā impossibilem. Relatio. n. dicitur Ens rationis, non vt est quid simplex, sed quatenus ficit non realiter alicui conuenit: Negatio

tio quatenus fictè induit rationem Entis realis, & per modum Entis realis concipitur, in quo cernitur plurimum ficta inter se coniunctio.

Ad secundam. Simplex fingi est impossibile, cum fingere sit plura falsò vel impossibiliter ut dictum est componere.

2.

Ad tertiam. Compositio est duplex, altera ex parte intellectus, quæ fit per actum intellectus affirmantis vel negantis; altera ex parte obiecti, quæ fit per apprehensionem, in obiecto rerum plurium inter se coniunctarum, absque vlla affirmatione & negatione. Prior compositio est propria secundæ operationis intellectus; posterior conuenit etiam primæ operationi. Nam si visum possumus cognoscere in vna imagine plures colores coniunctos: quid ni per intellectum possumus plura inter se coniuncta simul apprehendere? Ex quo patet etiam in prima operatione intellectus posse formari Ens rationis, quia potest apprehendi illa coniunctio impossibilis absque affirmatione atque negatione.

3.

Nota duplicem esse compositionem.

Ad quartam. Etiam diuisio illa, quatenus est Ens rationis, quatenus dicit coniunctionem impossibilem; nam & negationes suo modo coniungi possunt suis subiectis: Cum igitur diuisio attributorum, quæ Deo est impossibilis, tribuatur illi per rationem in illa attributione, seu diuisionis coniunctione cum Deo, aiunt esse fictionem & Ens rationis.

4.

Communis tamen sententia est dari Ens rationis etiam extra compositionem rerum impossibilem, atque adeò dari Ens rationis simplex. Fundamentum est, quia omne quod est in re, impossibile & apprehenditur per modum Entis est Ens rationis, at non sola con-

Sententia Aristotelis. Probatur 1.

iunctio, sed etiam aliquod Ens simplex potest esse in re impossibili, & per solam rationem existens; ergò non solum compositum, sed etiam simplex dari potest Ens rationis. Minor probatur: Quia relatio ex communi sententia est quid simplex in sua essentia quam accipit à fundamento & termino. Atqui datur relatio in re impossibilis & per solam rationem existens: Ergo datur aliquid simplex quod sit Ens rationis. Tales sunt relationes omnes, quæ dicuntur rationis, quæ aut fundamento realicarent aut termino. Relatio enim fundata in fundamento non reali vel respiciens terminum non realem, impossibile est ut in re existat, sed solum in ratione, unde necesse est ut sit Ens rationis. Neque verò dici potest relationem esse Ens rationis, propter coniunctionem cum aliquo impossibilem, nempe quod ei tribuatur cui convenire non potest. Nam non hoc solum nomine est Ens rationis, sed etiã quia ex sua simplici essentia est in re impossibilis, & per solam rationem existit. Imò ex hac impossibilitate sequitur illa altera, ita ut ex duplici capite relatio dici possit Ens rationis: tum quia secundum suam essentiam simplicem est in re impossibilis, & in sola ratione existit. Tum quia coniungitur alicui, cui impossibile est in re coniungi, priusque est relationem esse in seipsa impossibilem, tum verò sequitur ex eo eius quoque coniunctionem cum altero esse impossibilem. Et verò sicuti duplex est impossibilitas, alia simplex, proveniens ex simplici rei essentia, alia fundata in coniunctione duorum à parte rei incompossibilium, ita duplex est Ens rationis simplex & compositum.

*Relatio est qd
simplex.*

*Impossibilitas
duplex.*

*Ad 1. Affirm.
Partis arg.*

Iam ad id quod prior sententia obiiciebat primò, simplex fingi non posse. Respondeo. Negando. Non enim

enim tūc solum intellectus fingit, cum aliquid alteri vel falso, vel modo in re impossibili tribuit, quæ fictio est secundæ operationis intellectus; sed etiam cū id quod est in re impossibile concipit per modum entis, sine illa compositione, vt accidit in relationibus rationis, quarum simplex essentia est in re impossibilis ob defectum realem fundamenti vel termini, & hæc fictio ad primam intellectus operationem propriè pertinet.

*Intellectus etiā
tunc fingit cum
aliquid impos-
sibile concipit
per modum entis
& fit sine composi-
tione.*

Dices. Ens rationis concipitur per modum Entis, cū sit non ens, concipi autem non ens per modum Entis, dicit compositionē non Entis cum ente. Cum ergo in omni ente rationis concipiatur non ens per modum entis, consequens est in omni ente rationis esse compositionem impossibilem.

Respondeo. Si in conceptu Entis rationis esset necesse componere non ens cum ente explicitè & in actu signato, esset etiam necesse ad ens rationis compositionem interuenire: at quia nulla necessitas est ad concipiendum ens rationis, hæc duo simul iuncta concipere, sed sufficienter concipitur Ens rationis, si concipiatur illud Ens quod reuera in re est impossibile, & non ens, licet tunc non concipiatur esse impossibile & non ens, ideo non est necesse ens rationis esse compositum.

*Non est necesse
componere non
ens cum ente in
actu signato.*

Dices secundò. Non potest concipi Ens rationis nisi sub similitudine aliqua Entis realis; ergo necesse est inueniri coniunctionem similitudinis realis cum Ente rationis. Resp. Similitudinem illam Entis realis sub qua Ens rationis apprehenditur, esse solum medium quoddam ad apprehendendum Ens rationis, non verò ipsum obiectum apprehensum, aut partem obiecti apprehensi. Quare cum ista similitudo

non

*Similitudo sub
qua Ens ratio-
nis concipitur
non est obiectū
conceptum aut
alius pars.*

non ingrediatur obiectum, non facit compositionem obiecti. Sicut in simili cum Angelum in corporeum, per similitudinem corpoream apprehendimus, non apprehendimus angelum esse corporeum, sed sub illa forma corporea intelligimus Angelum incorporeum. Sic igitur & Ens rationis sub forma reali apprehendimus, absque vlla compositione formę realis cum Ente rationis. Deinde admissa tali compositione, adhuc Ens rationis non solum propter compositionem illam cum Entereali esset Ens rationis, sed etiam ob suam essentiã simplicem sub illa similitudine Entis realis apprehensam. V. G. Relatio rationis ob suam essentiã simplicem quę consurgit ex tali fundamento & termino esset Ens rationis.

Ad 2. Argum.

Quod verò secundo loco pro prima sententia afferebatur, relationem rationis esse in re impossibilem & implicare contradictionem, id soluitur in hunc modum. Relatio enim suã simplici essentiã est in re impossibilis. Nec verò necesse est ut id quod implicat contradictionem semper componatur ex duobus quę fundent partes contradictionis, sed sine compositione potest fundari contradictio. Nam si aliquam relationem poni à parte rei implicet contradictionem, ea contradictio potest fundari in suppositione extrinseca relationi. V. G. Si supponatur relatio rationis existere realiter, sequitur eam & esse Ens rationis ob suam essentiã, & nō esse Ens rationis ex suppositione: quia realiter ponitur existere. Adde posse aliquid concipi tanquam impossibile, etsi non concipiatur implicatio contradictionis, sed solum defectus aliquis essentialis, vel si concipiatur, concipietur tanquam quid consequens impossibilitatem absolutam.

QVÆ.

QVÆSTIO III.

Utrum ens rationis sit conceptus aut denominatio extrinseca.

Cùm Ens rationis sit illud quod existit in intellectu *1. Sententia.*
obiectiue, quidam in eam sententiam discesserunt, ut existimarent Entia rationis nihil aliud esse, quàm conceptus intellectus de rebus. V. G. Hiroceruum esse conceptum de Hirco & Ceruo in vnum coniunctis.

Probatur primò. Quia Ens rationis est in mente: *Probatur 2.*
Ens autem in mente nihil aliud est, quàm conceptus: tum quia conceptus loco rei substituitur in mente, tum quia conceptus est veluti idolum quoddam & imago obiecti in mente: & sicut homo pictus nihil aliud est nisi imago hominis in charta expressa, quæ imago est conceptus. Pingere enim & fingere paria sunt; utroque enim rei similitudo exprimitur.

Denique domus in mente artificis nihil aliud est, nisi idea & similitudo domus: Ergo & ens rationis in mente est similitudo illa, quam sibi format intellectus decare quam fingit.

Quod si quis opponat conceptum esse Ens reale, ens autem rationis non esse Ens reale. Respondetur. Ens rationis esse ens reale, sed in mente non extra: Opponiturque enti reali non quod ipsum non sit suo modo reale, sed quod extra mentem non sit reale, sicut alia entia realia quæ ita sunt in mente, ut extra mentem quoque realiter existere possint, hocque sensu verum esse aiunt Entia rationis habere solum obiectiuum esse in intellectu: quia solum tunc sunt, cùm concipiuntur & ex-

tra conceptum nullum habent verum esse; ita tamen ut in conceptu habeant verum esse reale, productum realiter ab intellectu.

At inquires. Conceptus est id quo intellectus concipit obiectum, Ens verò rationis est ipsum obiectum. Respondetur. Idem conceptus est quo intellectus concipit rem, & quo res concipitur ab intellectu, sicut eodem calore ignis calefacit lignum & lignum calefit ab igne: diuersitas solum est in modo concipiendi actiue & passiue, eundem calorem. quare conceptus passiue acceptus est res ipsa concepta, quæ est obiectum intellectus; actiue autem est ipsa conceptio intellectus.

Prob. 1.

Secundò probatur hæc sententia. Ens rationis est id quod format & fingit intellectus, nihil autem format intellectus, cum rem cognoscit, nisi conceptum, qui est imago & similitudo rei: Ergo Ens rationis est conceptus.

Prob. 2.

Tertiò. Esse Entis rationis est concipi: Ergo Ens rationis est conceptus. Antecedens probatur tum inductione: esse enim Hircoceruum est esse conceptum in intellectu talem, de Hirco & Ceruo: tum quia antequam concipiatur ens rationis; non est: posito autem conceptu nullaque alia re addita, est: Ergo esse Entis rationis est concipi: tum quia omnium sententia Ens rationis est illud, quod habet solum esse obiectiuum in intellectu: atqui esse obiectum quid aliud est quàm esse conceptum? Obiici enim intellectui & concipi ab intellectu sunt vnum atque idem; Neque res aliter obicitur intellectui, nisi quia concipitur.

1. Sententia.
Entia rationis
esse denominationes extrinsecas.

Secunda sententia est Durandi in 1. d. 19. q. 5. & 6. Entia rationis esse denominationes extrinsecas ab actu

intellectus. sicut enim res dicitur visa à visione, quæ est in meo oculo, ita dicitur cognita à cognitione quæ est in intellectu: & prout diuersa fuerit cognitio intellectus, diuerso modo denominabitur res cognita. Dupliciter enim potest res ab intellectu cognosci. Primò secundum eas proprietates, quas habet in re extra intellectum, & hæ denominationes sunt natura sua reales. Secundò, secundum ea quæ illi solum ex consideratione intellectus competunt, vt esse Hircoceruum, esse genus, vel speciem, & hæ denominationes sunt Entia rationis. *Probatur.* Ratio igitur huius sententiæ est, quia Ens rationis non habet aliud esse, quàm esse cognitum: siquidem tunc solum est, cum cognoscitur. Atqui esse cognitum, est denominatio à cognitione, quæ est in intellectu: Ergo ens rationis est denominatio extrinseca.

Confirmatur. Quia naturam aliquam esse genus vel speciem, aut prædicari, vel subiici, vel referri ad multa, nihil aliud est nisi ab intellectu cognosci tali modo, cum istas proprietates non habeat nisi ab intellectu. Simili ratione esse Hircoceruum quid aliud est quàm esse talem de eo cognitionem in intellectu.

Quod si quis obiiciat. Denominationes istas extrinsecas esse reales, quia forma denominans est realis; Ens autem rationis non est reale: quidam respondent eas denominationes non esse reales sed rationis, quia rem non immutant realiter, & sine vlla reali mutatione rei adueniunt: res enim per hoc quod cognoscitur non mutatur intrinsecè. Verùm hæc responsio non valet. Nam denominatio à formâ reali, debet esse realis siue intrinsecè, si sit à formâ intrinsecâ; siue extrinsecè, si sit à formâ extrinsecâ. Neque

verò necesse est omnem formã realem immutãre subiectum, nisi sit forma intrinseca. Nam forma extrinseca, cùm non adueniat subiecto intrinsecè, illud etiam in se non immutat: aut si immutare dicenda est, non immutat intrinsecè, sed extrinsecè, sicut dat illi esse non intrinsecum sed extrinsecum. Alij igitur melius respondent. Entia rationis esse quidem realia, sed in mente tantùm, non autem extra mentem, vti in prima quoque sententia dicebatur: & in hoc ab aliis Entibus realibus distingui, quod ea extra intellectum quoque sint realia.

Tertia Sententia est Communis & vera; Ens rationis neque esse conceptum, neque denominationem extrinsecam ab actu intellectus, sed obiectum conceptus & denominationis.

*Autoris Sententia.
Obiectum conceptus non est conceptus.*

Dico igitur primò. Ens rationis non esse conceptum. Probatur. quia obiectum conceptus, non est conceptus: Atqui Ens rationis est obiectum conceptus. Ergo non est conceptus. Maior probatur inductione: Rosa, Verbi gratia, conceptus, non est Rosa essentialiter; nam Rosa est substantia; conceptus Rosa est accidens, rosa habet odorem, saporem, quod conceptui non conuenit. Et ratio est quia conceptus est similitudo & imago obiecti expressa ab intellectu. Ergo non est idem quod obiectum.

Dices. Si Rosa nullum haberet esse à parte rei, sed tantùm in intellectu, nihil aliud esset Rosa nisi cõceptus; nunc autem quia habet esse reale in mundo; ratione huius esse realis differt à conceptu. Quare Ens rationis, cùm solum in intellectu habeat esse & nullum à parte rei, non erit nisi merus conceptus.

Respondeo. Rationem nostram vniuersè concludere

dere de omni obiecto, siue existat actu extra intellectū, siue potentia: nam similitudo rei nunquam est res ipsa; conceptus est similitudo obiecti: ergo non est obiectum.

Dices obiectum considerari posse, & ut est res quædam, & ut obiectum, primo modo est quid diuersum à conceptu, posteriori modo est idem cum conceptu. quare & Rosa ut res est, differt à conceptu essentialiter, ut verò est obiectum, nihil aliud est, quàm conceptus: idem enim est esse obiectum & esse rem conceptam.

Respondeo. Obiectum neque ut res est neque ut obiectum, esse idem cum conceptu, quia conceptus est similitudo obiecti. Obiectum verò est res ipsa & essentia, cuius similitudo est conceptus: nunquam autem res est idem quod sua similitudo. Neque verò alia essentia est rosæ, ut res est, alia ut obiectum est, siquidem rosæ secundum suam eandem essentiam est & res & obiectum: quare si ut res differt essentialiter à conceptu, etiam ut obiectum est, differt. Cùm verò dicitur rosam conceptam nihil aliud esse quàm conceptum. Respondeo. Si Rosæ conceptæ nomine intelligatur vera rosæ essentia quæ concipitur, & est obiectum conceptus, si rosæ non est conceptus, sed obiectum à materia conceptus. Si verò rosæ conceptæ nomine intelligatur similitudo illa obiecti expressa in intellectu: sic rosæ concepta non differt quidem à conceptu, sed similitudini illi non propriè, sed figuratè nomen rosæ tribuitur. Quod etiam hominis picti exemplo explicari potest. Nam si nomen hominis picti intelligamus hominem illum viuum, cuius imago in charta exprimitur: sic homo pictus: non idem est quod pictura: si verò picturam ipsam figuratè vocemus hominem pictum, sicut similitudo rei potest

*Similitudo rei
nunquā est res
ipsa.*

*Rosæ concepta
nomine duo in-
telliguntur.*

vocari res ipsa: sic erit quidem idem cum pictura, sed nomen hominis non accipitur propriè sed figuratè: pariigitur ratione de Ente rationis dicendum est. Nam, Ens rationis quatenus est obiectum conceptus, non est conceptus, quatenus verò est similitudo per conceptum expressa in intellectu, sic est conceptus: sed tunc non accipitur propriè pro seipso, sed pro sua similitudine, sicut similitudo hominis dicitur homo.

Quare ad rationes primæ sententiæ responderetur.

*Satisfit argu-
mentis.*
1. Sententia.

1.

Ad primum. Ens rationis si sumatur pro obiecto conceptus, est in mente per modum obiecti, non conceptus, si verò sumatur pro similitudine expressa in intellectu, tunc erit idem quod conceptus, sed tunc conceptus Entis rationis, dicitur Ens rationis impropriè, propter similitudinem, sicut pictura hominis dicitur homo.

2.

Ad secundum. Ens rationis non est conceptus formatus ab intellectu, sed id de quo conceptus formatur, quod quia non existit, nisi quando de eo formatur conceptus, idcirco dicitur habere obiectivum tantum esse in intellectu.

3.

*Esse entis ra-
tionis est con-
cipi.*

Ad tertium. Propositio illa; Esse entis rationis est concipi; potest habere duplicem sensum. Primus est ut esse Entis rationis dicatur conceptio, & hic sensus est falsus: non enim conceptio, sed id quod est obiectum conceptionis, seu res illa impossibilis concepta, est Ens rationis. Secundus, ut esse Entis rationis sit concipi, id est, esse obiectum conceptionis, & hic sensus est verus: quia esse entis rationis est esse obiectivum in intellectu. Ex quo sequitur Ens rationis non esse quidem conceptum, esse tamen quid existens per conceptum, ita ut alia sit existentia conceptus, alia Entis rationis. Nam existentia conceptus est existentia realis: existit enim conceptus in intellectu tanquam accidens in-
sub-

subiecto. Existencia verò Entis rationis, nō est realis nec subiectiua, sed obiectiua, non. n. ens rationis est accidēs in intellectu inhærens, sed obiectum intellectus per hoc solum existens, quod ab intellectu cognoscitur. Vnde existencia rationis causatur quodam modo ex conceptu, & est illa existencia intrinseca rei impossibilis concepta facta ab intellectu.

Simili modo explicandum est illud, cū dicitur. *Entis rationis esse obiectiuium in intellectu.* Sensus enim est Ens rationis habere talem essentiam, quæ non nō sit tunc existat, quando obicitur intellectu, & modus existendi eius est, tunc existere, cū obicitur, non autem quod essentia eius sit obiecti. Essentia enim entis rationis est illa quæ obicitur, & habet suam existenciam tunc cū obicitur, non verò est ipsum obiecti. quod est denominatio extrinseca à cognitione.

Dico secundò. Ens rationis non esse denominationem extrinsecam ab actu intellectus. Ratio est. Obiectum actus, non est denominatio ab actu: atqui Ens rationis est obiectum actus intellectus: non ergo est denominatio ab actu intellectus. Pro quo notandum est. *Nota aliud esse obiectum aliud denominationem.* Omne obiectum denominatur quidem ab actu, qui circa illud versatur, aliud tamen est ipsum obiectum, aliud denominatio, V. G. Obiectum visus denominatur visum à visione, quæ circa illud versatur, tamen obiecti huius essentia, non est illa denominatio, sed color vel lux, quæ visui obicitur, illa verò denominatio à visione est accidentalis & extrinseca, non essentialis & intrinseca obiecto viso: simili ergo rationis, Ens rationis est obiectum intellectus, denominatur quæ ab actu intellectus cognitum hoc vel illo modo:

do: Verum hæc denominatio illi non est essentialis sed accidentalis, licet sine illa esse non possit: Essentia enim Entis rationis est illa quæ obicitur intellectui, & quæ cognoscitur ab intellectu, nõ verò illud esse cognitum, quod non est nisi denominatio quasi superaddita obiecto in sua essentia constituto: quare non negamus denominationes extrinsecas, sed dicimus eas esse accidentarias Enti rationis & non constituere sed supponere potius eius essentiam.

*Ens rationis est
obiectum deno-
minationum.*

Quod verò præter denominationes extrinsecas cõcedendum sit Ens rationis quod sit obiectum talium denominationum, manifestum est. Nam cùm dicitur, Hircoceruum esse quid tali modo cognitum ab intellectu, intelligimus nõ solum cognitionem esse de Hircoceruo, sed etiam obiectum talis cognitionis esse rem illam & coniunctionem fictam Hirci & Cerui, quæ res & coniunctio proculdubio est Ens rationis: nam neque cognitio potest esse sine obiecto, neque obiectum talis cognitionis potest esse aliud quàm illa coniunctio impossibilis, neque coniunctio illa obiectiua potest esse quid reale sed rationis: quare in denominationibus istis extrinsecis includitur essentialiter obiectum rationis. neque cognitio rei sub tali modo impossibili, potest denominare rem cognitam nisi supponat in obiecto illum modum impossibilem qui est Ens rationis: omnis enim cognitio supponit obiectum sibi proportionatũ.

Eandem conclusionem probant alij, ex eo quod denominatio ista ab actu sit realis: Ens verò rationis non sit quid reale; responderi posset Ens rationis in hoc sensu non esse reale, quod extra intellectum non datur, in rebus, vel quod intrinsece, & in seipso non sit reale, non verò quod in intellectu, & per intrinsecam denominationem non sit reale.

QVÆ-

QVÆSTIO IV.

*An & quomodo Ens rationis fiat
ab intellectu.*

Certum est Ens rationis nō esse à se sed ab alio; quod *Ens rationis est
ab alio ens.* enim à se est, semper est, cum sibi ipsum sit ratio ef-
fendi. Ens verò rationis, cū nō semper sit, sed aliquan-
do sit, aliquando non sit, non potest dici esse à se sed ab
alio: non est autem ab alio, nisi à ratione; idcirco enim
dicitur Ens rationis. Id autem in quæstionem addu-
citur. *An Ens rationis verè & propriè fiat, & quo-
modo.*

Dicendum igitur est. Ens rationis sicut non est Ens *Ens rationis nō
fit propriè sed
similitudina-
riè.* propriè sed per similitudinem, ita neque propriè fieri
sed similitudinariè: quā enim ratione aliquid est Ens,
eādē quoq; ratione entis proprietates participat. Cū
igitur Ens rationis non sit ens propriè, sed tantū simi-
litudinariè, quatenus per modum entis realis concipi-
tur & cogitatur, idcirco neque propriè fieri aut produci
dicitur sed per similitudinem quandam: produci enim
est acquirere esse: quod igitur impropriè est, impropriè
quoque producitur.

Quod si dicas. Omne Ens vel est factum vel non fa-
ctum; si non est factum, est Deus, si factum, est propriè
factum: propriè enim fieri est ex non esse transire ad
esse: cū igitur Ens rationis de non esse ad esse transeat
propriè fit, & sicut ante propriè fuit sub non esse; ita po-
stea propriè fit sub esse.

Respondeo. Omne Ens reale sicut propriè est Ens,
ita propriè dicitur factum vel non factum: Ens rationis

D

autem

autem cum non sit propriè ens, suo tamen modo Ens, idcirco non propriè, sed suo modo dicitur esse factum; quia suo modo post non esse acquiruisse. Cum enim antenec verè esset, nec similitudinariè ex non esse transcundo, coepit esse similitudinariè.

*Modus quo fit
Ens rationis.*

Modus igitur quo fit Ens rationis ab intellectu est iste. Intellectus per actionem realem intelligendi producit in se cognitionem obiecti, quæ cognitio est expressa quædam similitudo obiecti, estque qualitas quædam in intellectu producta: hæc porro qualitas, cum sit repræsentatiua obiecti facit obiectum esse præsens intellectui: ex illa enim repræsentatione oritur præsentia obiecti in intellectu. Sicut igitur repræsentare, non est propriè agere in obiectum, cum per eam nihil producat in obiecto, sed est similitudo quædam actionis; ita & existentia illa obiecti ex repræsentatione orta, est effectus impropriè & potius similitudo quædam effectus.

*Præsentia obiecti
in intellectu
alia realis, alia
obiectiua.*

Porro hæc actio productiua Entis rationis dicitur à quibusdam actio intentionalis, quia per eam tendit intellectus in obiectum cognitum. Notandum autem est præsentiam obiecti in intellectu esse duplicem, Alteram realem, qua dicitur præsens ratione suæ similitudinis, quam de ipso format realiter intellectus tunc cum ipsum concipit, nihilque aliud est, quàm præsentia illius similitudinis, ratione cuius per extrinsecam denominationem, dicitur præsens obiectum non in seipso, nec in sua reali existentia, sed in similitudine tantum: Alteram obiectiuam, qua dicitur præsens ratione sui hoc est ratione ipsius essentiæ obiectæ & repræsentatæ per illam similitudinem; & hæc præsentia si sit rei impossibilis, erit præsentia propria entis rationis. Essentia enim

enimentis rationis in eo posita est, ut concipiatur per modum entis cum à parte rei sit non ens.

Verum cum hæc præsentia seu existentia obiectiua orta in obiecto ex repræsentatione, sit communis entibus realibus & entibus rationis (vtrique enim repræsentantur in intellectu, & ex repræsentatione acquirunt esse obiectiuum) difficultas est an hoc esse obiectiuum sit ens rationis, vel ens reale. Nam si dicatur esse ens rationis, sequetur omnia obiecta realia, quatenus obiectiua in intellectu existunt, essentia rationis; Quod falsum est: Si verò dicatur hoc esse obiectiuum non esse ens rationis, sequetur Entia rationis ratione sui esse obiectiui, præcisè non esse entia rationis; assignandumque erit aliud esse entium rationis distinctum ab esse obiectiui. Deinde illud esse obiectiuum si non sit ens rationis, erit necessariò ens reale, cum inter ens rationis & reale non detur medium. At si est reale, quomodo faciet ens reale esse ens rationis? Non enim ens rationis constituitur in esse rationis per aliquid reale.

*Esse obiectiui
sit ne ens reale
vel rationis*

Dicendum tamen est dari esse obiectiuum proprium entis rationis, quod Philosophi vocant obiectiuum tantum. Quod sic declaro: Esse obiectiuum est illud, quod obicitur intellectui cognoscendum. Ut homo secundum esse humanum obicitur. Ens ergo rationis quamuis in hoc conueniat cum ente reali, quod vtrumque obicitur intellectui sub ratione aliqua entis, diuersa tamen ratio entis est quæ obicitur in ente rationis, ab illa quæ obicitur in ente reali. nam ens rationis obicitur per modum entis, cum non sit verum ens, ac proinde obicitur per modum entis apparentis tantum & non veri; Ens verò reale obicitur per modum Entis veri.

*Ens rationis
differt ab ente
reale in ratione
esse obiectiui.*

Differentia 1.

*Ens rationis est
Ens apprens.*

Porro Ens apparens, est ens obiectiuè tantum, quia solum apparet cum obicitur, cum in re nec sit nec possit esse tale. Sicut & colores apparentes dicuntur, quia solum apparent & non sunt; eo tamen discrimine, quod colores licet tunc non existant quando apparent, possunt tamen produci & existere tales quales apparent. Vnde nō sunt entia rationis simpliciter. At Ens rationis nec esse nec produci potest tale quale apparet, cum sit impossibile, sed solum habet apparere per modum entis, cum in re non sit nec possit esse.

*Differentia 2.
Intellectus in
obiecto reali nō
facit rationem
entis, in ente
rationis facit.*

Secundò. Deinde cum obicitur ens reale, inuenit intellectus in obiecto rationem entis, non facit, vt cum cognoscit hominem, non facit hominem esse hominē, sed solum repræsentat illum in mente vt iam factum. At cum Ens rationis obicitur, intellectus non inuenit in eo rationem Entis sed facit apprehendendo; ita vt Ens rationis sit ens per apprehensionem, Ens verò reale sit ens non per apprehensionem, sed extra apprehensionem, hoc est tam ante quàm post apprehensionem, immo in ipsa apprehensione, nō ideo est ens quia apprehēditur, sed potius ideo apprehenditur quia est ens. Quia igitur Ens rationis per hoc quod apprehenditur, constituitur in ratione entis, idcirco dicitur ens obiectiuum tantum, quia extra apprehensionem non est ens, & in apprehensione est ens vi apprehensionis tantum non ex se.

*Differentia 3.
Esse entis ra-
tionis essentia-
liter est esse ob-
iectiuum; entis
realis acciden-
taliter.*

Tertiò esse entis rationis est esse essentialiter obiectiuum. Entis verò realis accidentaliter. Nam enti reali per accidens est esse obiectum, est enim ens etsi non obiciatur. Enti verò rationis non est per accidens esse obiectum, siquidem per hoc quod obicitur & subiicitur apprehensioni est ens. Quia igitur esse entis rationis est essentialiter obiectiuum, ideo est obiectiuum tantum;

tum; quia per solum esse obiectiuum constituitur in sua essentia, & in ratione entis.

At dices esse obiectiuum est cognosci, cognosci autem est denominari extrinsecè à cognitione. Si igitur. Ens rationis essentialiter est obiectum, eius essentia consistet in denominatione extrinseca, à cognitione: quæ denominatio cum sit realis, quia est à forma reali; ipsum quoque ens rationis erit reale in sua essentia. Respondedo. Esse obiectum dicit duo 1. dicit illud esse quod est terminus cognitionis, & quod subiicitur cognitioni, & per consequens denominationi illi extrinsecæ à cognitione. Secundò dicit obiectum vt denominatum à cognitione. De essentia ergo entis rationis est vt sit obiectum primo modo & sic eius essentia non consistit in denominatione illa reali & extrinseca à cognitione, sed in essentia obiectiue tantum existente.

Obiectum primo dicit esse terminum.

Secundo dicit suum esse & denominatum à cognitione.

Ex quibus patet esse entis rationis triplici de causa dici obiectiuum tantum. 1. quia habet esse apparens tantum non verum. 2. quia constituitur in ratione entis per hoc quod obicitur & apprehenditur. 3. quia eius esse est essentialiter obiectiuum.

Entis rationis esse cur obiectiuum. 1. 2. 3.

Patet 2. quomodo ens rationis in esse obiectiuo differat ab ente reali. Nam in esse illo obiectiuo quod subiicitur illi denominationi, & est essentia ipsa obiecta differt ab ente reali, quia eius esse est obiectiuum tantum triplici illa ratione explicata. In esse verò obiectiuo quod consistit in denominatione extrinseca à cognitione, non differt ab ente reali, sed eodem modo se habet obiectiue quo ens reale. Vtrumque enim dicitur obici cognitioni ex eo quia cognitio est de illo in intellectu.

Dices. Quomodo denominatio extrinseca cum sit realis, conueniat enti rationis. **Resp.** Quia est extrinseca & afficit ens rationis solum extrinsecè. Cum enim sit extrinseca non mutat intrinsecam rationem entis rationis: quare cum existentia reali extrinseca ens rationis intrinsecè est non reale sed rationis. Quia realiter non potest existere, sed solum cōcipi à ratione per modum entis.

Secunda difficultas est. An & quomodo produci possit ab intellectu hoc esse obiectiuum entis rationis?

*Dubitatum
Est quomodo
producantur per
cognitionem esse
obiectiuum en-
tis rationis.*

Nam vel producitur per cognitionem, vel per aliam actionem à cognitione re aut ratione distinctam. Neutrum dici potest. Non primum; Quia omnis cognitio supponit suum obiectum, non facit. Tum quia prius est obiectum esse quàm obici, tum quia obiectum est causa cognitionis dans illi esse, & specificans ipsam; causa autem non potest produci à suo effectu, sed supponitur prior effectu. prius etiam non potest fieri à suo posteriori. Denique cognitionem impossibile est esse ante suum obiectum; qualis enim cognitio sine obiecto. At si faceret obiectum esset ante obiectum; siquidem omnis causa est prior suo effectu. Ergo non potest cognitio facere suum obiectum. Secundum etiam dici non potest, quia si ens rationis fieret per aliam actionem à cognitione distinctam, eius esse non esset obiectiuum. Esse enim obiectiuum est respectu cognitionis obiectiuum. Si autem per actionem à cognitione distinctam fieret, non esset in suo fieri vilius cognitionis obiectum. Propter hæc argumenta quidam ausi sunt negare entia rationis, eò quòd illorum productio sit impossibilis. Verùm isti errant. Nam negari nō potest aliqua ab intellectu fingi, quæ autē finguntur, cognitione

*Figmenta dum
obiciuntur
sunt.*

gnitione finguntur & fiunt. Quare simul sunt & obiecta cognitionis & fiunt. & ita non repugnat obiectum cognoscendo fieri. Tenentur ergo hi autores solvere omnes eas difficultates quæ sunt in ratione dubitandi positæ. Nam cum omne figmentum ut figmentum non sit in sua essentia quid reale, licet reali fictione fingatur: necesse est fateri essentiam cuiusque figmenti non esserealem sed rationis, esseque fictam & factam in suo esse obiectivo per cognitionem.

Alij Respondent ens rationis fieri non nisi per actionem cognoscitivam, ita ut intellectus cognoscendo faciat, & faciendo cognoscat ens rationis. Addunt verò non esse necesse in omni cognitione supponi obiectum in priori naturæ vel rationis, sed tantum id verum est in illa cognitione quæ causatur ab obiecto. Sicut visio causatur à visibili per speciem in visu productam. Neque enim omnis cognitio habet hanc dependetiam ab obiecto. Multæ enim sunt cognitiones quæ non producuntur per species ab obiecto causatas sed aliunde acceptas. Ut patet in cognitione Angelorum quæ fit per species infusas à Deo, non productas ab obiectis. Multa etiam cognoscuntur per species alienas uti de facto cognoscitur ens rationis, per species entium realium. Hinc ergo est ut non omnis cognitio necessario supponat obiectum; proinde ex hoc capite non repugnat, quominus illud possit facere. Cum enim productio obiecti fiat per representationem, sicut potest intellectus non ab obiecto sed aliunde habere vim representandi; ita potest etiã habere vim obiectum producendi in esse representato.

Prior responsio.

Non semper obiectum est prius cognitione.

Neque

*Obiectum spe-
cificat cognitio-
nem duobus
modis.*

Neque obstat quod dicitur obiectum specificare cognitionem, ac ex consequenti esse prius cognitione, sicut causa suo effectui. Nam obiectum dupliciter dici potest specificare cognitionem vel effectiue vel terminatiue. Effectiue quidem cum producit sui speciem in potentia, & per eam causat sui cognitionem, ut apparet in visu. Terminatiue verò, cum se habet solum per modum termini ad quem terminatur cognitio; ad eum modum quo in relationibus terminus nullam habet causalitatem effectiuam respectu relationis, sed solum est id in quod desinit talis specie relatio. Quando ergo obiectum specificat effectiue cognitionem, est prius cognitione, sicut causa suo effectui, nec potest per cognitionem produci. At cum specificat solum terminatiue absque illa causalitate & influxu in cognitionem, non est necesse ut sit prius cognitione; quia neque terminus relationis est prior relatione, sunt enim relativa simul natura; quod etiam in relationibus diuinis manifestum est. Neque verò terminus dicitur dare esse relationi per influxum aliquem in relationem, sed per hoc solum quia relatio est ad ipsum, non quia aliquis influxus sit ab ipso.

*Terminus est
prior relatione.*

Verum contra hanc doctrinam obiici potest; Quod obiectum non solum sit prius cognitione quatenus est cognitionis effectiuum, sed etiam quatenus terminatiuum, hoc est non solum sub ratione causae sed etiam sub ratione obiecti terminantis. Terminus enim prius est secundum suam essentiam in se quam sit terminus alicuius. Prius enim est esse in se, quam esse ad aliud. immo esse terminum alicuius est accidens vel certè proprietates eius rei quæ dicitur terminus. Vnde id quod terminatur ad aliquid, necessario supponere debet essentiam eius rei ad quam terminatur. Quod verum est etiam

ciam in terminis relationum, qui secundum suam essentiam absolutam, qua terminant relationes præsupponuntur relationibus: ut in disputatione de relatione docebitur. Relatiua verò dicuntur esse simul natura, si relatiuè sumantur, non verò si comparentur ad absolutam in quibus fundatur, vel ad quæ terminantur. Quocirca sicut terminus prius est secundum suam essentiam quàm sit terminus, ita & obiectum prius habet suam essentiam, quàm obiciatur. Similiter quod dicitur obiectum ut specificat terminatiuè, non esse prius cognitione, non videtur verum. Nam specificare aliquid, dicit, rationem causæ: Causa verò sub ea ratione, qua est causa, prior est effectui.

Relatiua simul sunt natura.

Alij igitur dicunt Ens rationis per eandem cognitionem fieri & cognosci, habereque cognitionem vim, quasi duplicem ratione distinctam. Alteram effectiuam alteram cognoscitiuam obiecti. Et licet cognoscere & facere sint in re idem actus, ratione tamen distinguuntur; ita ut secundum vnā rationem obiectum sit prius aut posterius, secundum aliam sit simul cum cognitione. Potest igitur Ens rationis referri ad cognitionem primò sub ratione obiecti, & secundum hanc considerationem nec est prius, nec posterius cognitione, sed simul. Nam licet alia obiecta quorum esse non est cognosci, sint prius in se quàm sint obiecta cognitionis; tamen in Entibus rationis quorum esse est obici, id dici non potest; sed simul sunt, & obiciuntur cognitioni. Siquidem esse ipsorum est esse obiectiuum, nec eorum essentia potest abstrahi ab esse obiectiuo. Secundò potest ens rationis referri ad cognitionem sub ratione effectus ut sit à cognitione, vel sub ratione causæ ut specificat cognitionem; & secundum hanc considera-

Altera responsio ens rationis per eandem cognitionem fit et cognoscitur.

Ens rationis secundum rationem obiecti nec prius nec posterius est cognitione sed simul.

Ens rationis sub diuersa ratione prius & posterius est cognitione.

tionem potest diuerso respectu esse prius & posterius cognitione. prius sub ratione causæ, posterius sub ratione effectus. Neque enim repugnat idem sub diuersa ratione prius esse & posterius eidem. Nam & causæ possunt esse sibi inuicem causæ, vt docetur 2. Phys.

Dices ipsum esse obiectiuum, vt obiectiuum, est effectus, ergo sicut effectus est quid posterius cognitione, etiam esse obiectiuum erit posterius. R. Si sensus sit esse obiectiuum esse idem formaliter quod effici: negandum est antecedens. Si verò solum dicatur esse idem materialiter, conceditur. Verum ad diuersas comparationes sufficit distinctio rationum formalium, & respectus ad diuersa.

Ex qua doctrina colligitur quomodo cognitio sub ratione causæ sit prior ente rationis, sub ratione verò cognitionis sit simul cum ente rationis, tanquam cum suo obiecto: similiter quomodo Ens rationis sub ratione effectus sit posterius cognitione; sub ratione verò obiecti sit simul cum cognitione, vt dictum est. Quod si obiectum induat rationem causæ specificantis, sub hac consideratione specificantis & specificati obiectum rursus erit prius cognitione. Vbi enim considerationibus & respectibus solis agitur, sicut non repugnat rem variè considerari & respicere varia, ita nec repugnat propter varias considerationes esse nunc priorem, nunc posteriorem, nunc simul cum aliquo.

*Quid sit prius
effici an co-
gnosci?*

Quod si quæras, an etiam prius sit effici quàm cognosci; aliqui concedunt; quia inter effici & cognosci est ordo naturæ, vt prius secundum rationem sit rem esse quàm cognosci: alij distinguunt id verum esse in iis in quibus esse à cognosci distinguitur, vt aliud sit esse quàm cognosci: in quibus verò idem est esse quod cognosci,

gnosci, ut accidit in Entibus rationis, & omnibus signi-
ficatis, vnum non est prius altero, sed simul secundum ra-
tionem.

Tertia difficultas est circa id quod dictum est, intel-
lectum actione repræsentandi causare Ens rationis, ex
hoc enim sequeretur, pictorem cum depingit Hirco-
ceruum causare ens rationis, quia pingendo illum re-
præsentat, repræsentando autem causat, & dat illi esse
repræsentatum: hoc autem est contra omnes, quia en-
tia rationis à sola ratione causari dicuntur.

*An ens rationis
pingi possit.*

Respondeo pictorem depingendo Hircoceruum,
repræsentare illum in eum formaliter quidem per cogni-
tionem Hircocerui, quam intellectus ex pictura in se
format, per picturam verò solum tanquam per signum
excitans & causans cognitionem: omnis enim repræ-
sentatio est respectu potentie cognoscentis; potentie
autem cognoscenti repræsentantur res immediatè &
formaliter per cognitionem, cum cognitio nihil aliud
sit; quàm actualis expressio obiecti, & faciat obiectum
præsens potentie, quod est repræsentare formaliter: pi-
ctura verò seipsa non repræsentat formaliter sed causa-
liter; quia per modum signi causat in intellectu cogni-
tionem formaliter repræsentantem. Hinc ergo est,
quodcum Ens rationis fiat per repræsentationem, ne-
cessarium est ut fiat per cognitionem, ita ut cognitioni
formaliter tribuenda sit eius effectio, tanquam ei quæ
est formalis expressio & repræsentatio obiecti in men-
te: pictura verò non nisi remotè, tanquam causæ talis
cognitionis seu repræsentationis in mente. Non igitur
pictor pingendo Hircoceruum facit immediatè Ens ra-
tionis, sed pingendo excitat cognitionem Hircocerui,
per quam fit Ens rationis, hoc est Hircoceruus ipse me-
nti repræsentatus.

*Pictor pingendo
Hircoceruum
non facit ens
rationis.*

Deinde pictura repræsentat Hircoceruum solum, materialiter quoad externam & materialem compositionem ex Hirco & Ceruo, non quoad essentialem compositionem ex duabus essentiis. Hircoceruus autem, non est ens rationis secundum illam externam compositionem, sic enim est ens possibile, & potest realiter produci à Deo, sed secundum essentialem compositionem. Quocirca pictura cum non repræsentet formaliter Ens rationis, non potest dici quod faciat Ens rationis. Dices pictura hominis repræsentat simpliciter hominem, etiam si non repræsentet eius essentiam, sed tantum formam corporis: Ergo & pictura Hircocerui simpliciter repræsentabit Hircoceruum, etiam si illū quoad essentiam non repræsentet.

*Discrimen inter
picturam
hominis et Hir-
cocerui.*

Respondeo picturam repræsentare quidem Hircoceruum, sed non sub ea ratione qua ens est rationis; sicut & pictura hominis, non repræsentat hominem immediatè sub ea ratione, qua est rationalis. Est tamen discrimen, quod figura hominis habet realem cum essentia hominis connexionem, ideoque illa depicta dicitur depingi homo consequenter. At figura Hircocerui nullam habet ex natura rei connexionem cum essentia Hircocerui, & idcirco nec per se, nec consequenter depingitur, illa depicta. Ex quo patet quomodo, cum Hircoceruus pingitur, dici possit pingi Ens rationis: pingitur enim materialiter non formaliter: quia pingitur quidem is Hircoceruus qui est Ens rationalis, non tamen sub ea ratione, sub qua est Ens rationis.



QVÆSTIO V.

*Utrum Ens rationis tunc fiat quando
cognoscitur?*

Prima sententia est dicentium Ens rationis prius fieri quàm cognoscitur: Nam posito fundamento, statim inquirunt, consequitur, postea verò apprehenditur. & cognoscitur. Cum enim cognosco obiectum aliquod, V. G. hominem, ex tali cognitione consequitur necessariò in obiecto cognito relatio rationis, cogniti ad cognoscentem, idque antequam ab intellectu talis relatio percipiatur. Ita Scotus in 1. d. 48. & 5. metaph. quæst. 11. Soncinas 6. met. quæst. 8. Heruæus lib. 1. de secundis intentionibus Cap. 6. Tromb. 7. Met. q. 8. a. 2.

Probatur hæc sententia. Primò. Quia omnis relatio necessariò consequitur posito fundamento & termino: Ergo & relatio rationis posito fundamēto & termino necessariò consequitur: At antequam cognoscatur habet fundamentum & terminum: ergo antequam cognoscatur, consequitur. Minor probatur, quia antequam cognoscatur relatio cogniti ad cognoscentem: habet sufficiens fundamentum, nempe ipsam cognitionem; Habet etiam terminum nempe cognoscentem: Ergo. Confirmatur. Nam fundamentum est sufficiens causa relationis, vt patet in relatione reali, posita verò causa sufficiens, sequitur effectus.

Secundò, Quia prius est obiectum esse quàm cognosci: Ergo & Ens rationis prius erit quàm cognoscatur.

Tertiò. Quia cum cognoscit intellectus relationē

cogniti, non cognoscit tanquam à se effectam, sed tanquam inuentam in obiecto; idcirco enim non potest facere ut non sit talis relatio, sed necessitatur ad cognoscendam in obiecto talem relationem, quod signum est relationem illam ex obiecto resultare necessario, non per cognitionem affingi: Neque habet eam libertatem intellectus, ut quam velit relationem effingat, sed necessitatur ad talem relationem cognoscendam, qualem obiectum requirit.

Quarto. Statim postquam cognoscitur obiectum, & antequam apprehendatur relatio cogniti verum est dicere, illud obiectum esse iam cognitum: ergo iam habet relationem cogniti à qua dicitur cognitum antequam apprehendatur talis relatio. Antecedens probatur. Quia impossibile est intellectum cognoscere obiectum, & obiectum non esse cognitum, cum ista sint correlatiua, & sicut ex eo quod cognoscit intellectus obiectum, consequitur relatio cognoscentis in intellectu; ita & ex eo quod obiectum cognoscitur ab intellectu, consequitur relatio cogniti ad cognoscentem ante omnem apprehensionem talis relationis.

Secunda sententia est opposita; Ens rationis tunc solum fieri quando cognoscitur. Ita D. Thomas 1. p. q. 28. a. 1. Caiet. ibid. Fonseca 5. metaph. Cap. 7. q. 6. Sect. 4. & 5.

*Ens rationis
fundamentaliter
prius est quod
cognoscatur.*

Dico primo. Ens rationis fundamentaliter prius est quam cognoscatur. Est certa & concessa ab utraque sententia: Utraque enim admittit fundamentum relationis rationis, prius esse quam cognoscatur relatio. Atqui Ens rationis esse ratione fundamenti, est esse fundamentaliter. Ergo prius Ens rationis est fundamen-

fundamentaliter quàm cognoscatur: & hoc sensu intelligenda est illa distinctio Fonseca loco citato. Entia rationis prius conuenire rebus quàm existant, quia conueniunt rebus ratione fundamenti, non existunt autem formaliter, nisi cum apprehenduntur.

Dico secundò. Ens rationis formaliter non potest esse nisi cognoscatur: Primò probatur, in iis entibus rationis quæ sine illo fundamento finguntur ab intellectu vt Hircocerus: Talia enim non alia ratione existunt, nisi quia concipiuntur & finguntur esse: Non enim possunt dici existere, quòd consequantur ad aliquod fundamentum (vt relationes) quia nullum fundamentum habent: solùm ergo existunt per rationem, quia à ratione concipiuntur. Ex quo argumento duo habentur. Alterum est quod aliqua saltem Entia rationis cogitando fiunt; seu per hoc solùm existunt quod cogitantur, ita vt cogitatio rerum impossibilem sit sufficiens ad dandam existentiam obiectiuam rebus, quæ est propria existentia entis rationis. Alterum est; Quod si hæc Entia impossibilia sunt Entia rationis, & per modum Entium rationis existunt, per solam apprehensionem intellectus: pari ratione, quodcumque aliud Ens rationis potest exister, eadem existentia obiectiuâ & fieri Ens rationis, si apprehendatur ab intellectu: omnia enim Entia rationis conueniunt in vna ratione Entis rationis, & in vno communi modo existendi obiectiuè in intellectu.

Ens rationis formaliter non potest esse nisi cognoscatur.

Ratio assertio- nis 1.

Probatur secundò. Quia id quod ex natura rei consequitur ad aliud nullo intellectu cogitante; realiter consequitur, & reale est; vt patet inductione in.

Ratio 2.

in omnibus: Hanc enim ob causam relationis reales dicuntur reales; quia ex natura rei consequuntur ad sua fundamenta nullo intellectu cogitante. Omnes etiam effectus ex natura rei procedentes à suis causis sunt reales. Si ergo relationes rationis consequuntur ex natura rei ad sua fundamenta nullo intellectu de ipsis cogitante; tales relationes erunt omninò reales, non rationis.

Quod consequitur ad cognitionem ex natura rei reale est.

Nam si dicas consequi ad actum rationis, hoc est, ad cognitionem, id non tollit difficultatem: Nam si quid consequatur ad cognitionem ex natura rei & ob realem, quam cum cognitione habet coniunctionem, id nullo modo Ens rationis est, sed Ens reale. Ex cognitione enim sequitur relatio cognoscentis ad rem cognitam, quæ secundum omnes realis est: consequuntur etiam habitus in intellectu, qui proculdubio reales sunt. Si verò sequatur aliquid ex cognitione non ex natura rei, sed per rationem seu apprehensionem rationis: quia nimirum cognitio illa est fundamentum, propter quod possit & debeat talis relatio in re cognita cōcipi: tunc eiusmodi relatio erit Ens rationis, quia per rationem existit. Quare implicare videntur cōtradictionem, qui aiunt relationes rationis sicut alias relationes reales consequi ad sua fundamenta ex natura rei, hoc est ob vim & naturam realem fundamentorū: hinc enim sequeretur, quod ad eum modum producerentur, quo relationes reales; hoc est realiter consequerentur ad sua fundamenta; non igitur possunt dici Entia rationis. De qua re plura dicentur infra q. 10.

Ratio 3.

Probatur tertio. Quia alioqui nulla ratione poterit explicari quomodo talis relatio antequam apprehendatur sit Ens rationis. Non enim satis est ad rationem.

Entis

Entis rationis, quòd fiat in ratione & à ratione; multa enim realia sunt in ratione & à ratione, vt habitus & actus rationis. Neque satis est quòd consequatur ad actum rationis, nam etiam relationes reales consequuntur ad actum rationis, vt relatio cognoscentis ad cognitum; sed requiritur vt solùm in ratione existat obiectiuè. Cùm igitur talis relatio antequam apprehendatur non possit dici existere obiectiuè in intellectu, sequitur non posse dici Ens rationis. Minor probatur; Quia id existit obiectiuè in intellectu quod cognoscitur ab intellectu: Obiectum enim intellectus est id quod cognoscitur; cùm ergo dicta relatio, secundum primam sententiam non cognoscatur ab intellectu, non potest dici habere esse obiectiuum, nec existere obiectiuè.

Nam quod respondent; cognosci sed indirectè, quia est consequens ad id quod directè cognoscitur, id nullo modo dici potest. Non enim quidquid coniungitur obiecto cognito dicitur cognosci indirectè, sed solùm quod ex ea coniunctione aliquam saltem, licet imperfectam sui cognitionem in mente pariat, & aliquo modo in mente exprimitur. Nam si oculus videat pomi colorem, non idcirco indirectè videbit saporem & odorem eiusdem pomi, licet sapor & odor sint coniuncti colori; parum enim refert quod sint coniuncti, cùm nullam sui speciem & cognitionem in mente pariant. Pari igitur ratione, cùm relatio dicta nullam sui cognitionem in mente generet, nullo modo ne indirectè quidem cognosci dicenda est, etià si obiectum ad quod illa sequitur, cognoscatur. Nam si cognosceretur aliquo modo, iam cognoscendo fieret, & non prius fieret quàm cognosceretur vt isti volunt. Dicere verò cognosci indirectè, non quod aliquo modo in se cognoscatur,

Cōsultatur quorundam responsio.

Nō omne quod obiecto cognito annexum est, cognoscitur etiam indirectè.

Ens rationis nō cognosci indirectè.

scatur, sed quod sit coniunctum ei quod cognoscitur: id est dicere non indirectè sed per accidens cognosci; eo modo quo dicitur dulce videri in lacte viso albo, vel cum dicitur musicus ædificare. Porro ex communi sententia esse entis rationis non est aliud quàm esse obiectuum in intellectu; at obiecti est cognosci: ergo ens rationis non potest habere esse, nisi cognoscatur.

*Responsio ad-
uersariorum.*

Respondent, esse entis rationis est esse consequens ad esse obiectuum, ita ut virtute illius esse obiectui existat ens rationis. Relatio enim rationis consequitur ad rem quatenus obiecta est & cognita ab intellectu, & dicitur habere esse obiectuum, quia consequitur ad esse obiectuum, & virtute esse obiectui existit.

Reiicitur.

*Ens rationis con-
sequitur, sed
per apprehen-
sionem intello-
ctus.*

Sed hæc responsio refellitur primò, Quia relatio rationis non consequitur ad esse obiectuum nisi per apprehensionem intellectus. Esse enim obiectuum non ita fundat relationem, ut illa existat absque apprehensione intellectus, sed ut possit concipi ab intellectu. Nam si consequeretur absque apprehensione intellectus, esset verè relatio realis, non rationis. Quid enim illi deesset ad relationem realem? Relatio enim dicitur realis propterea quod ex natura rei consequitur ad suum fundamentum sine vlla apprehensione intellectus. Dices consequi ad tale esse quod non est sufficiens fundare relationem realem, sed tantum rationis. At hæc est petitio principij. Cur enim illud fundamentum, quod ex natura sua causat relationem, non sit reale, & sufficiens ad relationem realem? Similiter cur esse, quod consequitur ex natura rei ad esse obiectuum, non sit reale? quod enim est sufficiens ad hoc ut consequatur ex natura rei aliquid, eo ipso, etiam est sufficiens ad existendum realiter, cum ob eandem causam rela-
tiones

iones reales existant realiter, quia consequuntur ex natura rei ad sua fundamenta.

Vnde fundamentum si est sufficiens ad causandam aliquam relationem sine alia ope intellectus, eo ipso est sufficiens ad causandam relationem realem. Nam si dicas nō habere omnia requisita ad causandam relationem realem, habere tamen requisita ad causandam aliquam relationem. Dicam & ego; si sunt omnia requisita ad hoc ut relatio ex natura rei & sine alia ope intellectus consequatur, eo ipso esse omnia requisita ad relationem realem. Quod si non sint omnia requisita ad relationem realem, non erunt etiam omnia requisita ad hoc ut relatio consequatur absq; aliā ope intellectus. Est enim fundamentum relationis duplex. Aliud quod fundat relationē ut absolutē consequatur; aliud quod fundat in ordine ad intellectum, ut possit ab intellectu concipi. Sic natura à parte rei fundat vniuersalitatem, quia fundat, ut possit concipi in ordine ad multa. Illud prius est fundamentum relationis realis; hoc verò relationis rationis, nempe ut concipiatur & sit per rationē, non verò ut consequatur sine ratione.

Refellitur responsio.

Nota fundamentum relationis esse duplex.

Alioqui nisi hoc dicatur sequeretur ens rationis fieri non à solo intellectu, sed ab aliis quoq; potentiis etiam à brutis. Nam in aliis etiam potentiis est esse obiectiuum, si igitur ad esse obiectiuū ex natura rei consequuntur relationes rationis, consequentur etiam in brutis, hoc autem est contra communem sententiam: non enim dicitur ens rationis, nisi per ordinem ad rationem, quare & illæ relationes quæ consequuntur in brutis ad esse obiectiuum, eatenus sunt rationis, quatenus per rationem solam existunt. Alioqui si nullo modo dependent à ratione, nullo modo erūt Entia rationis, sed entia alterius generis.

Ab absurdum est entia rationis causari à brutis.

*Aliud absurdū
quod esse entis
rationis non ef-
fet obiectum.*

Deinde si relatio rationis solum consequeretur ad esse obiectum, ipsa verò secundum se non obiiceretur intellectui, sequeretur quod esse ipsius formaliter non esset obiectum, sed effectus esse obiectui, siquidem esse relationis per seipsum non obiiceretur, sed solum ex alio quod obiicitur, consequeretur, unde formaliter loquendo esse entis rationis non esset obiectum, sed distinctum ab esse obiectivo, sicut esse effectus est distinctum ab esse causæ. Hoc autem dici non potest: ens enim rationis, non habet ex se & ab intrinseco rationem entis, est enim ex se non ens, solum igitur ab extrinseco habet rationem entis, quia per modum entis concipitur. Si verò extra conceptum consequeretur, iam esset intrinsecè ens, & fundamentum, causando illud ens rationis, daret illi intrinsecum esse extra apprehensionem existens: & ideo daret esse reale, esse enim reale est, quod extra intellectum est.

*Alia responsio
refertur.*

Respondent secundò. Ens rationis habere esse obiectum indirectè, & cognosci indirectè, id quæ sufficere ad esse entis rationis. Sed contra. Si enim volunt ens rationis aliquomodo secundum se cognosci & innotescere intellectui secundum seipsum, hoc erit directè cognosci: quia erit terminare actum cognitionis: si autem velint, nullo modo innotescere intellectui, tunc ne indirectè quidem cognoscetur. Nam quod nullo modo cognoscitur, ne indirectè quidem cognoscitur. Indirectè enim cognosci supponit cognosci. Nam si dicant consequi ad id quod directè cognoscitur, & coniungi obiecto directè cognito. Contra: hoc est per accidens non indirectè cognosci, ut dictum est, sicut nemo dixerit me in pomo videre indirectè saporem, ex eo quod sapor est coniunctus obiecto viso. Potest quidem

*Non potest dici
ens rationis in-
directè cognos-
ci.*

dem dici sapor per accidens videri; sicut & Musicus dicitur ædificare per accidens: At non potest dici videri *indirectè*. Quod si dicas esse hîc maiorem rationem: quia relatio continetur in illo esse obiectiuo virtute tanquam in suo fundamento. Contra: hoc est solum cognosci in causa, non in seipso, & secundum esse virtuale quod habet in causa non secundum esse formale q̄ habet extra causam. Denique est cognosci solum causam: Cognitio autem causæ, non est cognitio indirecta effectus; sed tantum cognitio virtualis.

Ex quo infero relationem rationis habere esse rationis *per solam apprehensionem intellectus*, seu vt alij loquuntur *per actum intellectus non directum sed reflexum*: Actum enim directum vocant, quo cognoscitur obiectum fundans relationem rationis. Actum verò reflexum quo cognoscitur ipsa relatio rationis secuta extali obiecto directè cognito, cum reflexione quadã in obiectum directè cognitum. Licet enim vtraque cognitio sit directæ: tamen posterior, quia fit cum quadam reflexione in cognitionem præcedentē dicitur reflexa.

Dico tertio. Non prius fieri Ens rationis quàm cognoscatur, nec prius cognosci quàm fiat, sed cognoscendo produci, & producendo cognosci. Hæc conclusio sequitur ex dictis. Existencia enim entis rationis est existencia obiectiua in intellectu: & existere obiectiue est cognosci. Ergo existencia Entis rationis est cognosci, solumq; ista duo ratione non re distinguuntur. Nam cum ens rationis comparamus ad cognitionem tanquam ad causam; sic concipimus illud per modum effectus, vt verò comparamus illud ad cognitionem, vt cognitio est; sic concipimus illud per modum obiecti, in re verò ista duo sunt vnum quid duplicem habens respectum.

*Solutiones ar-
gumētorum 1.
sententia.
Solutio 1.*

Ad primum primæ sententiæ respondeo, sicut rela-
tiones sunt duplices reales & rationis; ita dupliciter cō-
sequuntur ad sua fundamenta. Reales quidem ex na-
tura rei, nullo cogitante intellectu: Rationis autem
per rationem, quatenus ratio habet fundamentum
in re, ut possit illas concipere. Quare si proportio-
natè loquamur, semper relatio, suo modo, suæ natu-
ræ conuenienti consequitur ex suo fundamento, hoc
est per rationem.

*Solutio 2.
Quæ sunt sola
ratione in se no-
n prius est esse q̃
cognosci.*

Ad secundum. Quæ fiunt sola cognitione, in iis
non prius est esse quàm cognosci, sed vnum & idem.
Dices saltem est prius naturā aut prius ratione, Respon-
deo negando, sicut esse obiectum & cognosci sunt for-
maliter idem, nec vnum est vllō modo prius altero ne
ratione quidem. sed de hoc in præcedenti quæstione
plura diximus.

Solutio 3.

Ad tertium. Respondeo. quod intellectus non o-
mninò ad libitum fingat illam relationem, hoc facit
fundamentum, non verò facit quod ipsa relatio forma-
liter ante apprehensionem existat: fundamentum enim
est causa quasi cogens intellectum, ut hanc & non illam
relationem concipiat, quæ tamen non existit formaliter,
nisi tunc cùm concipitur.

Sol. 4.

Ad quartum. Obiectum potest denominari co-
gnitum, vel à cognitione reali, quæ est de illo in intel-
lectu, quæ est denominatio extrinseca, vel à relatione
cogniti ad cognoscentem, quæ est relatio rationis. Pri-
mo igitur modo statim atque cognoscitur obiectum est
verè & realiter cognitum, quia verè & realiter habet
formam, à qua denominatur cognitum; at posteriori
modo non statim denominatur cognitum, hoc est re-
latum

Istum ad cognoscentem, nisi postquam intellectus inflectendo se apprehenderit obiectum cum tali relatione. Ante omnem verò reflexionem solum fundamentaliter dici potest ea ratione cognitum. Quod verò dicitur, relatiua simul esse natura, si de relationibus ipsis intelligatur, non est verum in relatiuis tertij modi, qualia sunt scientia & scibile, vt infra de relatione dicetur.

Hæc quæ hæctenus docuimus manifestè concludunt de ente rationis positiuo, vt sunt relationes & aliæ fictiones: At dubitari potest, an negatio rationis quæ est non Ens quoddam rationis, possit conuenire rei cognitæ, sine apprehensione intellectus, V. G. abstrahit intellectus naturam hominis à singularibus considerando illam absq; singularibus, illa negatio singularium in natura sic concepta an requirat vt apprehendatur, vel possit sine apprehensione conuenire.

An negatio rationis conueniat rei sine apprehensione intellectus.

Dico igitur negationes rationis conuenire rebus cognitisanquam apprehendantur. Voco autem negationes rationis, quæ conueniunt rebus vt conceptis ad differentiam negationum realium quæ conueniunt rebus extra intellectum. Ratio verò nostræ assertionis est, quia est magnum discrimen inter negationes & Entia rationis. Nam Entia rationis cùm sint Entia, non possunt habere rationem Entis, nisi à ratione & apprehensione: at negationes cùm sint non entia, non debent rationem Entis adipisci à ratione, sed ipsarum esse, est, non esse formæ negatæ, ad quod nihil aliud requiritur, quàm existentia rei negatæ, siue rei existentia apprehendatur siue non.

Discrimen inter Entia rationis & non entia rationis.

Quare negationes quæ negationes absolutè conueniunt

niunt rebus conceptis ante omnem apprehensionem, licet, si negationes illæ per modum entis alicuius concipi debeant non possint, quâ tales absque ratione existere, qua etiam ratione dicuntur entia rationis, ut infra patebit, cum de speciebus Entis rationis agemus.

QVÆSTIO VI.

*Utrum solum ab intellectu an verò etiam
ab aliis potentiis Ens rationis fieri possit.*

*Ratio dubi-
tandi.*

1.

Ratio dubitandi est. Primò. Quia si ens rationis est illud quod solum obiectivum esse habet, esse autem obiectivum non solum est in intellectu, sed & in aliis potentiis: sequitur etiam in aliis potentiis esse Entia rationis. Nam aliæ etiam potentiaë versantur circa sua obiecta, & tendendo in illa, dant illis esse obiectivum, quemadmodum & intellectus tendendo in suum obiectum, dat illi esse obiectivum.

2.

Secundò. Quemadmodum in intellectu compositio rerum impossibile est Ens rationis: ita in voluntate eadem compositio inuenitur, ut cum Lucifer volebat esse similis ac æqualis Deo; vel si quis velit esse Angelus, aut quidpiam aliud impossibile: Ergo in voluntate quoque esse poterit ens rationis. Nam quamvis ens rationis à ratione dicatur, tamen illud ipsum habet quoque esse in voluntate, & non minus ad unam, quàm ad aliam potentiam per modum obiecti refertur: nempe utrobique habet esse solum obiectivum, & nullo modo

reale,

reale, dieique posset qua ad voluntatem spectat Ens voluntatis. Quod si dicas voluntatem accipere suum obiectum ab intellectu compositum, ita ut illa compositio in qua consistit Ens rationis sit referenda in intellectum non in voluntatem.

Responderi potest primò intellectum componere sub ratione veri, voluntatem sub ratione boni: potest enim duo bona impossibilia incòpossibiliter velle. Secundò, esto, quod intellectus componat, & compositum proponat voluntati illud bonum, negari tamen non potest, quin illud bonum, etiam in voluntate habeat suum esse obiectiuum. Nam sicut in intellectu habet suum obiectiuum, quia obiiicitur intellectui, ita & in voluntate habebit suum esse obiectiuum, quia obiiicitur voluntati. Quæ quidem duo esse obiectiua sunt distincta, sicut & potentia sunt distincta.

Tertiò. Phantasia quemadmodum habet vim componendi plura obiecta sensibilia ita & fingendi: potest igitur Ens quoque rationis effingere: Patet ea vis Phantasiae tum in somnis, cum monstra varia absurde confecta Phantasiae apparent; tum in phrenesi & morbis. Potest etiam Phantasia Hircoceruum fingere, & montem aureum, & similia, & monachouitulum, quale monstrum Luthero ex Monacho facto Apostata apparuit Fribergæ in Misnia anno 1523.

Denique in sensibus externis idem cernitur. Nam oculus videt in aqua remum fractum, in Iride & collo columbae colores apparentes, per vitrum artificiosum, videt vnā rem simul in pluribus locis; quæ cum non sint Entia realia, dicendum est esse Entia rationis seu entia sensuum, simile argumentum fieri potest de aliis sensibus. Nam infirmo amarum dulce, dulce amarum.

1. Sententia.

videtur. Quidam igitur recentiores propter rationes factas, concedunt Entia rationis etiam in Phantasia & in sensibus: inter quos est Ruuius hoc loco & Suarez disput. vltima met. Sect. 2. n. 18. Quæ sententia est etiam eorum omnium, qui tenent relationes rationis prius resultare ex actibus aliarum potentiarum, quam cognoscantur, vt esse volitum, imaginatum, visum, quos citauimus præcedenti quæstione pro prima sententia. Alii

2. Sententia.

verò communiter negant; in qua sententia sunt omnes illi, qui tenent Entia rationis non resultare antequam cognoscantur. Verum non ita facile est propriam

3. Argum. pro illa reuocatur.

huius rei rationem asserere. Quidam aiunt: Ens rationis ita esse, in intellectu, vt extra intellectum esse non possit: quæ verò sunt in aliis potentiis, possunt etiam esse in intellectu, non igitur eo ipso sunt Entia rationis. sed hæc ratio nihil concludit. Nam in Ente rationis hoc solum spectatur, quod habeat solum esse obiectiuum, & nullo modo reale: quare non repugnat Enti rationis esse in multis potentiis obiectiue, sub diuersis rationibus; dummodo extra potentias illas non sit realiter. Nam certum est, Ens rationis posse voluntati proponi ab intellectu per modum boni, tunc autem exister obiectiue in voluntate, neque tamen idcirco desinet esse Ens rationis. Deinde existendo in pluribus potentiis, nullam maiorem realitatem acquireret, sed æquæ habebit purum esse obiectiuum, & nullo modo reale, ac si in vna tantum potentia existeret: quare non repugnat Enti rationis esse extra intellectum in aliis potentiis: sed tantum repugnat esse extra potentias in rebus. Si enim sit in aliis potentiis, tale prorsus & tantum esse habebit in illis quale in intellectu, nempe esse tantum obiectiuum.

Alij dicunt solum intellectum posse facere Ens rationis, quia solus potest fingere non Ens, per modum Entis, & solus se potest reflectere supra suos actus, sed contra: Nam etiam voluntas potest id quod non est bonum per modum boni appetere, & licet hoc fiat ex intellectu proponente, tamen negari non potest, quin etiam in voluntate sit tale bonum obiectivè. Simili modo Phantasia non Entia cogitat vt Entia, cum componit multa falsa, & absurda. Id verò quod de reflexione dicitur, neque verum est, neque necessarium ad Ens rationis. Non verum, quia & voluntas potest se reflectere supra suum actum. V. G. potest amare suum amorem. Non necessarium, quia etiam sine reflexione per simplicem apprehensionem fit Ens rationis. Sicut & in Phantasia, fit coniunctio absurda plurium absque vlla reflexione, cum ex communi sententia hanc vim reflectendi se supra suos actus Phantasia non habeat.

2. Argum. est.
non voluitur.

Vera igitur ratio sumenda est ex propria natura Entis rationis. Ens enim rationis habet duo: Primò; esse obiectivum, ratione cuius existit, quasi præsens potentia per modum obiecti. Secundò consistit in coniunctione rerum impossibilem. Ratione primi non potest fieri ab aliis potentiis appetentibus, hoc est à voluntate & appetitu sensitivo. Ratione secundi non potest fieri ab aliis potentiis cognoscentibus præterquam ab intellectu.

Vera ratio 2.
sententia.

Quocirca sequitur à solo intellectu fieri posse Ens rationis, cum nullæ aliæ potètiæ sint nisi appetètes vel cognoscentes. Quod igitur ab appetentibus potentiis fieri non possit ea ratio est quia appetitivæ potètiæ non possunt dare esse obiectivum, quod est proprium esse Entis rationis. Neque à potentiis appetètes ipsæ sibi proponunt obiecta, sed ea

Potentia appetentes non possunt facere Ens rationis quia non possunt dare esse obiectivum.

accipiunt proposita à potentiis cognoscentibus. V. G. Voluntas non potest ferri in obiectum nisi propositum ab intellectu; quare obiectum voluntatis, non à voluntate habet suam existentiam obiectiuam, sed ab intellectu, qui apprehendendo facit bonum esse præsens voluntati obiectiuè. Non igitur satis est ad præsentiā obiectiuam, quòd potētia tendat ad aliquod obiectum, potest enim tendere in obiectum, non à se sed ab alia potentia propositum; sed requiritur, vt det illi existentiam illam obiectiuam, quod non est nisi propter propositionem potentiae cognoscentis, quæ repræsentando obiectum, facit illud præsens potentiae appetenti.

Item potentia cognoscentes sensitiva.

*Quia non possunt coniungi res incomp-
sibiles.*

Quod verò potentiae cognoscentes sensitivæ non possint facere Ens rationis, non ea ratio est quæ deap-
petentibus: nam verè potentiae cognoscentes possunt dare esse obiectiuum, repræsentando obiectum, sed non possunt coniungere res impossibiles. Dupliciter enim res aliquæ sensibiles coniungi possunt. Primò secundum quantitatem & iuxta positionem quandam duorum, & sic potentiae sensitivæ coniungere possunt, duo inter se non coniuncta, vt montem aureum & Hircoceruum, secundum externam figuram & quantitatem. Verùm talis coniunctio non facit Ens rationis, quia est coniunctio rerum, quæ licet actu non sint, possunt tamen esse vel naturaliter, vel per Dei potentiam: Ens autem rationis consistit in coniunctione rerum incompossibilium. Secundò possunt coniungi secundum essentiam, vt cum Hircocerus fingitur ex essentia Hirci & Cerui compositus, & talis coniunctio obiectiva, est verè Ens rationis, quia coniunctio rerum incompossibilium, superat vires & facultatem potentiae sensitivæ. Nam cum ista incōpossibilitas sumatur ex essentiis rerum

rerum, essentias autem rerum potentia sensitiva non cognoscit; hinc fit vt excedat vim potentiae sensitivae coniungere impossibilia.

Quare etsi fingere possit & potentia sensitiva, tamen nunquam potest fingere quid impossibile, nam illa vno quantitarum & accidentium, est Deo possibilis, ac ex consequenti realis in potentia; quia potest realiter produci à Deo, quod repugnat enti rationis, solus autē intellectus potest vtrumq; præstare & dare esse obiectivum Enti rationis repræsentando illud, & faciendo præsens potentiae, & coniungere res impossibiles; res enim sunt impossibiles, ratione essentiarum suarū, quas solus intellectus cognoscit, & ex consequenti solus potest vñionem facere ratione essentiae impossibili.

Porro notandum est, nos hinc non negare: ex actibus aliarum quoque potentiarum oriri Entia rationis & in iis fundari: nam esse volitū, visum, imaginatum, sunt relationes rationis ortæ exactu volendi, videndi, imaginandi; sed dicimus eas relationes non habere esse obiectivum, nec existere obiectivè nisi apprehendantur ab intellectu: Ens enim rationis nisi cognoscatur non existit neque extra cognitionem est.

Ad primam igitur rationem dubitandi respondeo, *Satisfit ratione dub. 1.*
 Duo requiri ad rationem Entis rationis, Primò vt habeat esse obiectivum: secundò vt non possit existere realiter: omnes igitur potentiae cognoscentes possunt dare esse obiectivum; quia possunt facere obiectum sibi præsens per repræsentationem: at nulla potentia cognoscens præter intellectum potest fingere Ens impossibile, seu id quod non possit realiter existere. Quocirca solus intellectus potest facere Ens rationis; & quidem *Nulla potentia cognoscens præter intellectum potest fingere impossibile.*
 poten-

potentiæ appetentes, non possunt dare esse obiectiuū, quia non faciunt obiectum præsens, sed supponunt factum à potentiis cognoscentibus. Potentiæ verò cognoscentes possunt quidem omnes facere obiectum præsens, per repræsentationem, nulla tamen præter intellectum potest fingere Ens impossibile, quod requiritur ad Ens rationis. Quod verò dicitur alias quoque potentias tendendo in suum obiectum, dare illis esse obiectiuum: id falsum est, si de potentiis appetentibus sit sermo: hæ enim supponunt obiectum suum propositum ab intellectu, vel sensu; non verò ipsæmet faciunt sibi & proponunt obiectum. Neque etiam verum est, intellectum solum tendendo in obiectum, dare illi esse obiectiuum, sed repræsentando illud & exprimendo, quod appetentibus potentiis non conuenit.

Satisfit 2.

Obiectum impossibile non habet esse obiectiuum a voluntate.

Ad secundum. Obiectum impossibile potest quidem obiici voluntati, sed non habet esse obiectiuè præsens voluntati ab ipsa voluntate, sed ab intellectu apprehendente, & proponente illud voluntati: Quocirca obiectum illud voluntatis, ab intellectu habet vt sit Ens rationis, quia ab intellectu habet esse, & præsentiam obiectiuam. Versari quidem voluntas potest circa bonum impossibile appetendo: quia tamen appetitio voluntatis non facit præsens obiectum voluntati (alioqui non esset opus vt intellectus proponeret obiectum, & posset voluntas ferri in incognitum) idcirco non tribuitur voluntati efficientia Entis rationis, sed intellectui qui solus repræsentando facit obiectum præsens potentiæ.

Ad tertium & quartum tam Phantasia quàm sensus possunt quidem facere compositionem falsam, sed non impossibilem, quod requiritur ad Ens rationis, vt

di-

dictum est. Sed obiicies. non omnia entia rationis in-
conjunctione impossibili consistunt, sed dantur qua-
dam simplicia: Ergo ratio data in solutione quæstionis
non est vniuersalis. Respondeo. Entia rationis simpli-
cia sunt res simplices ex naturâ suâ impossibiles; id au-
tem quod est in re impossibile, certum est non cadere
sub sensum, cum ea solum sentiri possint, quæ sunt à
parte rei; impossibilia autem non existunt à parte rei.
Quare talia entia ad solum intellectum pertinebunt, vt
sunt relationes impossibiles, quæ à solo intellectu ap-
prehendi possunt.

QVÆSTIO VII.

*Quidnam sit illud esse obiectiuum quod
tribuitur Enti rationis.*

DVo in Enterationis considerare possumus. primò
Essentiam illam impossibilem obiectam intelle-
ctui. V. G. Essentiam Hircocerui, vel aliorum quorum-
cunque impossibilium: Secundò existentiam seu mo-
dum existendi illius essentia; qui dicitur modus obie-
ctiuus. Essentia igitur impossibilis per modum essentia
concepta est essentia Entis rationis; existentia verò En-
tirationis, est illa existentia obiectiua, seu esse obiecti-
uum. Verum existentia obiectiua adhuc potest esse du-
plex, altera est extrinseca obiecto, ratione cuius obie-
ctum dicitur existere in intellectu per sui representa-
tionem, & conceptum, existit enim obiectiuè in intel-
lectu cum representatur & concipitur: Altera est in-
trinseca obiecto, cum intellectus in ipso obiecto appre-
hendit existentiam siue expressè & in actu signato, siue
inexpressè & in actu exercito.

*Existentia ob-
iectiua alia ex-
trinseca obie-
cto alia intrin-
seca.*

*Existētia ob-
iectiua extrin-
secamō est pro-
pria enti ratio-
nis.*

- Prior igitur existētia obiectiua conuenit quidem Enti rationis; quia sicut alia obiecta per conceptum & repræsentationem intellectus existunt in intellectu obiectiue; ita & Ens rationis. & vniuersè quidquid fingitur ab intellectu per conceptionem & repræsentationem intellectus existit in intellectu, tamen eiusmodi existētia, non est propria existētia entis rationis. Primo, quia est illi communis cum aliis obiectis realibus, siquidem omnia obiecta, tam realia quàm rationis, hæc existētia existunt in intellectu. Consistit autem hæc existētia in denominatione obiecti extrinsecam à conceptu & repræsentatione intellectus. Secundò, Quia existētia propria Entis rationis non est existētia realis, sed est rationis: atqui hæc existētia per conceptum & repræsentationem realem est realis: siquidem denominatio à conceptu & repræsentatione reali, est realis. Restat ergo vt dicamus existētiā obiectiuā propriā Enti rationis esse existētiā quasi fictā & excogitatā ab intellectu in obiecto, esseque obiecto intrinsecam. Sicut enim essentia Entis rationis est facta ab intellectu, ita & existētia: & per hanc existētiā Ens rationis differt ab existētia obiectorum realium. Itaque Ens rationis duplicem habet existētiā obiectiuā in intellectu; alteram communem cum aliis obiectis realibus, quæ est existētia in intellectu per conceptum & repræsentationem, & per denominationem extrinsecam à conceptu & actu intellectus, & secundum hanc existētiā Ens rationis realiter existit in intellectu, sicut & alia obiecta realia, quia realiter obicitur intellectui per realem conceptum, quem habet de illo intellectus: alteram habet sibi propriā, quæ est existētia quasi ficta & formata ab intellectu secundum
- quam

quam efformatur Ens illud impossibile existens in intellectu obiectiue. Sumo autem hoc nomen Fictionis late, siue habeat aliquod fundamentum in re siue nulum.

Dicendum igitur est, esse obiectiuum quod est proprium entis rationis est illud esse obiectiuum fictum, vel quasi fictum, hoc est tam essentia quàm existentia obiecti ficta, quæ quidem existentia dicitur obiectiua, non solum quia est in obiecto, sed etiam quia solum obiectiue existit: siquidem tunc solum existit cum concipitur & cogitatur & fingitur, seu cum est obiectum actus concipiendi & fingendi. Differt autem hæc existentia obiectiua ab illa alia. Nam hæc est intrinseca obiecto, illa extrinseca; hæc rationis illa realis; hæc propria Entium fictorum, illa communis omnibus obiectis, tam veris quàm fictis: Denique hæc causatur quodammodo ab illa, estq; eius effectus.

Ex quibus patet an omne esse obiectiuum sit dicendum Ens rationis. Respondendum enim est negatiue, solum enim obiectiuum fictum est Ens rationis; nam, obiecta non ficta, & à sua existentia extra intellectum, quam habent actu vel potentia, dicuntur realia; & ab existentia in intellectu reali per conceptum & representationem; quare rosa in hyeme, vt est in intellectu non est Ens rationis sed reale, reale inquam tum extra intellectum quia potest existere realiter extra intellectum, tum in intellectu, quia realiter existit in intellectu per conceptum & representationem. Plura in hanc rem dicta

sunt supra q. 4.



*Non omne esse
obiectiuum est
ens rationis.*

QVÆSTIO VIII.

Utrum diuinus intellectus cognoscat & faciat Entia rationis.

QUod ad cognitionem Entis rationis attinet, non est dubium Deum cognoscere, & quidem perfectissimè omnia entia rationis. Nihil enim est quod diuinam scientiam latere possit, neque aliquid à Deo ignorari potest quod à nobis non ignoratur. Cognoscit etiam Deus perfectissimè cogitationes nostras, quare & earum obiecta; vt plurimum autem obiecta cogitationum nostrarum sunt entia rationis, vel saltem cum modis quibusdam rationis. Penetrat etiam totam vim & facultatem intellectus nostri, quæ se ad Entia etiam rationis formanda extendit.

Verùm dupliciter possumus existimare Deum Entia rationis cognoscere. Primò, immediatè nullo respectu habito ad intellectum nostrum imperfectè res concipientem; secundò mediante nostro intellectu; ita vt penetrando vim & facultatem intellectus nostri & conceptus nostros, quibus formamus Entia rationis cognoscat Entia rationis, à nostro imperfecto intellectu cognoscibilia. Prior cognitio dicitur etiam directà, posterior indirecta.

*Deus cognoscit
indirectè entia
rationis.*

Docent igitur communiter Doctores hoc secundo modo cognosci à Deo Entia rationis nimirum in virtute intellectus nostri: quia enim cognoscit perfecte facultatem intellectus nostri, perfecte etiam cognoscit ea omnia ad quæ se extendere potest ea facultas: potest autem se extendere ob imperfectum modum res concipiendi ad concipienda & cognoscenda Entia rationis.

Ratio

Ratio verò propter quam Deus non potest cognoscere entia rationis immediatè & directè, sed tantum ut cognoscibilia ab imperfecto intellectu nostro est hæc; quia cognitio Entium rationis inuoluit in se imperfectum modum cognoscendi, qui in Deum & modum cognoscendi ipsius cadere non potest: magna enim est imperfectio cognitionis cognoscere obiectum aliter, quàm sit: in tali enim modo est virtualis quidam error & deceptio. Porro sic cognoscuntur Entia rationis. Cum enim Ens rationis consistat in coniunctione vel essentia simplici impossibili, & quæ realiter nunquam esse potest; manifestum est quod cognoscere ens rationis, est cognoscere tanquam ens id quod est impossibile, & exconsequenti est cognoscere rem aliter quàm sit, aut esse possit. Talis igitur imperfectio intellectui diuino immediatè tribui non potest, cum ad eius infinitam perfectionem spectet, ut res perfectissimè cognoscat; perfectio enim cognitionis præcipua est conformitas cognitionis cum rebus, nempe ut ita res cognoscantur uti se habent in se.

Sed obiicies primò. Hac ratione sequeretur Deum nullo modo cognoscere ens rationis ne mediata quidem & indirectè: Nam si cognitio Entis rationis est imperfecta, Deo tribui non potest villo modo, nec mediata nec immediatè, quia nullo modo Dei cognitio potest dici imperfecta; si verò non sit imperfecta, æquè tribui Deo potest immediatè, sicut tribuitur mediata.

Respondeo, diuinam cognitionem quâ cognoscit Ens rationis mediata, esse perfectam, quia cognoscit ens rationis uti verè est. Nā licet Ens rationis simpliciter non cōueniat rei, (cū sit quid impossibile) & idcirco simpliciter & immediatè illud apprehendere est apprehendere

Diuina cognitio qua cognoscit mediata ens rationis non est imperfecta, quia non diffinitur ex se &c.

aliquid non conforme rei, & aliter quàm res sit in seipsa; tamen Enti rationis verè conuenit concipi illo modo imperfecto ab intellectu creato; & hoc concipit intellectus diuinus. Respectu igitur intellectus imperfectè rem concipientis Ens rationis verè conuenit rei, res enim vt substat imperfectæ cognitioni, verè habet se illo modo imperfecto respectu illius cognitionis, licet non habeat se illo modo in seipsa; quare eam cognoscitur à Deo Ens rationis respectu intellectus imperfecti, verè cognoscitur; quia verè ita se habet respectu talis intellectus: Tunc enim perfectè res cognoscitur, quando cognoscitur vt est. Si verò Deus cognosceret Ens rationis nullo habito respectu ad intellectum imperfectum, verè imperfectè rem cognosceret, & aliter quam sit in seipsa. & ille imperfectus modus resolueretur in solum intellectum diuinum non in alium intellectum imperfectè cognoscentem.

Obiicies secundò. Deus etiam imperfecta perfectè cognoscit; imperfectio enim obiecti non redundat in cognitionem, vt si videam claudum, imperfectam rem video, visio tamen mea non idcirco est imperfecta. Ergo etsi ens rationis sit quid imperfectum in genere rerum cognoscibilium, non idcirco tamen diuina cognitio esset imperfecta ipsum cognoscendo.

Imperfectio obiecti quæ illi conuenit vt res quædam est non red- dit cognitionem imperfectam, im- perfectio vero quæ obiecto conuenit in ordine ad cognitionem, reddit eam imperfec- tam.

Respondeo, duplicem imperfectionem cōsiderari posse in obiecto; alteram quæ illi conuenit vt res quædam est, vt esse claudum, cæcum; alteram quæ illi conuenit in ordine ad cognitionem; talis imperfectio est cum aliter proponitur obiectum cognoscendum quàm sit à parte rei. Prior igitur imperfectio obiecti non reddit cognitionem imperfectam, quia non facit cognitionem non esse conformem rei. Posterior verò reddit

cogni-

cognitionem imperfectam: quia facit cognitionem non esse conformem rei. Si igitur intellectus diuinus ex se cognosceret rem aliter quam sit in seipsa, verè imperfectus esset in cognoscendo: non autem imperfectus si cognoscat rem imperfectam, non suo sed intellectus imperfecti modo, & in ordine ad intellectum imperfecto modo cognoscentem, seu ut cognoscibilem ab intellectu imperfecto.

Obiicies tertio. Omnem cognitionem difformem rei esse imperfectam: atqui diuina cognitio respectu entis rationis est difformis rei: ergo est imperfecta; Respondeo si cognitio aliqua ex se sit difformis rei est necessario imperfecta; si verò non ex se sit difformis, sed ex eo quod est cognitio alterius cognitionis difformis rei, tunc non in ipsam formaliter, sed in illam aliam cognitionem cognitam referetur illa difformitas, & ex consequenti imperfectio. Diuina igitur cognitio ex se est conformis suo immediato obiecto nempe illi cognitioni creatæ cognoscenti Ens rationis & ipsi enti rationis ut cognito ab intellectu creato: verum enim est ens rationis illo modo imperfecto concipi ab intellectu creato. Difformitas verò est respectu illius cognitionis cognitæ quam tunc concipit intellectus diuinus, quod potest simili exemplo declarari. Cum enim quis dicit falsum, tanquam ab altero dictum vel dicibile, is non dicit falsum suum, sed falsum alterius dicentis, quia imò is verum dicit, est enim verum illud falsum ab altero dictum esse. Quare & intellectus diuinus cognoscendo intellectum creatum cognoscere Ens rationis imperfectè & difformiter, non est ipse imperfectus & difformis, sed cognitio intellectus creati quam cognoscit est imperfecta & deformis.

Cognitio diuina qua Deus cognoscit mediatè ens rationis non est ex se difformis rei, sed ex eo tantum quia est cognitio cognitionis ex se difformis, & ideo non est imperfecta.

Obiicies quartò. Vel intellectus diuinus format conceptum Entis rationis, vel non; si non format, nullo modo illud cognoscit: cognoscere enim est habere conceptum rei: si format, ergo format conceptum imperfectum; quia sicut de falso non potest formari conceptus verus, ita de ficto non potest formari conceptus nisi fictiuus seu fingens, ac proinde imperfectus.

Intellectus diuinus format conceptum conceptus creati concipientis rationis format conceptum entis rationis.

Respondeo. Intellectum diuinum formando conceptum conceptus creati, quo ab intellectu creato concipit Ens rationis, eo ipso formare conceptum Entis rationis, ita vt non sint duo conceptus in Deo ratione distincti, alter quo concipit conceptum creatum, alter quo concipit Ens rationis; sed sicut conceptus creatus Entis rationis, eo ipso formaliter est conceptus Entis rationis: ita conceptus istius conceptus est conceptus formaliter Entis rationis. Nego tamen conceptum diuinum esse in se imperfectum, sed esse conceptum perfectum conceptus imperfecti, seu conceptus fingentis: Neque enim suo conceptu immediatè fingit Ens rationis, sed concipit conceptum fingentem Ens rationis: is enim non fingit qui rem ab alio fictam vel fingibilem concipit, sed is solum qui ex se proprium conceptum habet rei fictæ.

Quod attinet ad effectiorem Entis rationis difficultas est, an diuinus intellectus ea cognitione qua cognoscit Ens rationis, faciat ens rationis. Quidam enim Recentiores id verentur concedere, quia (inquiunt) ea quæ sunt facta amplius non fiunt: at diuinus intellectus cognoscit entia rationis vt facta ab intellectu nostro: ergo sua cognitione non facit illa, sed supponit facta & tanquam facta cognoscit. Verùm hæc ratio nullius est momenti, solum enim ex ea sequitur illud Ens rationis quod

Refellitur ratio propter quam aliqui negant

quod factum ab intellectu creato, non fieri à Deo, non-
verò sequitur aliud illi simile non formari ab intellectu
diuino. Nam intellectus eā est naturā, ut rebus etiam,
factis, cum illas concipit & format de illis conceptum,
det esse obiectiuum nouum & faciat illas obiectiue a-
pud se existentes; ergo & enti rationis facto potest dare
nouum esse obiectiuum: Nouum autem esse obiecti-
uum entis rationis est nouum Ens rationis, siquidem
eius essentia in puro esse obiectiuo est posita. Deinde
si meus intellectus cognoscendo Ens rationis ab altero
factum facit illud de nouo in mente sua formando de
illo nouum conceptum, & dando illi apud se nouam
existentiam obiectiuam distinctam ab existentia ob-
iectiua alterius intellectus; cur hoc idem de intellectu di-
uino non dicamus? Nihil enim repugnat, Ens rationis
factum in vno intellectu fieri simile etiam in alio.

*Deum facere
entia rationis.*

Alij igitur & multò melius sentiunt Deum cognitio-
ne illa indirecta & mediata, qua Ens ratiois cognoscit in
ordine ad intellectū nostrū facere Ens rationis: quia fa-
cere ens rationis nihil aliud est, quàm dare illi essentia &
existentiam obiectiuam per conceptū & representatio-
nē intellectuam: atqui Deus Enti rationis à se cognito
dat in suo intellectu essentia & existentiam obiectiuam,
distinctam ab existentia obiectiua, quam ei dat intel-
lectus creatus; ergo cognitione sua facit Ens rationis.
Quod etiam confirmatur in hunc modum, quia esse
obiectiuum quod Ens rationis habet in mente diuina,
non est illud esse obiectiuum, quod habet in mente
creata: tum quia antequam intellectus creatus existe-
ret, ens rationis nō habebat esse obiectiuū in vllō intel-
lectu creato, & tamen habebat esse obiectiuū in intelle-
ctu

*Deus facit ens
rationis.*

Quod diuino, ergo ista duo esse obiectiua sunt diuersa: tum quia esse obiectiuum Entis rationis prouenit ex conceptu & representatione intellectus: at diuersus conceptus & representatio Entis rationis est in mente diuina, & in mente creata, ergo & diuersa esse obiectiua; vbi autem sunt diuersa esse obiectiua, sunt diuersa Entia rationis, maxime cum ab eterno ante omnem intellectum creatum habuerit Ens rationis suum esse obiectiuum in mente diuina.

*Ens rationis
accipit esse ob-
iectiuum ab in-
tellectu diuino.*

Neque verò refert quod Deus cognoscat Ens rationis factum ab intellectu creato, hoc enim non impedit, quominus fiat noua ratio in intellectu diuino. Nam sicut ab intellectu creato dicitur factum, quia ab eo accipit esse obiectiuum, ita & ab intellectu diuino dicitur noua ratio factum, quia nouum esse obiectiuum ab eo accipit. Deinde sicut cum Deus cognoscit Ens rationis ut ab intellectu nostro cognoscibile, cognoscit illud cognitione distincta à cognitione nostri intellectus, ita cognoscendo illud ut factibile à nostro intellectu, facit illud factione distincta à factione nostri intellectus. Adhuc vbi aliud est cognoscere aliud facere, ibi cognoscere factum non est facere: ut cum cognoscimus scam nū factum, non facimus illud illa ipsa cognitione, quia hæc efficientia est diuersa à cognitione, & ad diuersam potestatem spectat; At vbi facere idem est quod cognoscere, idem etiam erit cognoscere factum, & facere illud factum noua ratione, dando illi nouum esse obiectiuum: siquidem ad hanc factionem nil requiritur nisi noua cognitio. Præterea Ens rationis factum ab intellectu creato, non est factum in intellectu diuino, sed debet à Diuino intellectu fieri, quia intellectus diuinus & creatus, sicut habent distinctas cognitiones, ita & distinctos effectus

aus cognitionum, & distincta esse obiectiua à cognitionibus procedentia: Esse enim obiectiuū quod est in intellectu diuino, est longè diuersum ab esse obiectiuo, quod est in intellectu creato. Estque hæc sententia præcipuorum Theologorum S. Thom. 1. p. q. 15. a. 2. ad 3. vbi ait respectus rationis, quibus multiplicantur ideæ, non causari à rebus sed ab intellectu diuino comparante suam essentiam ad res. Vbi non solum vult causari fundamentaliter aut intellectu diuino fundante illas relationes, sed etiam formaliter comparante suam essentiam ad res: Comparatio enim ista non est in Deo nisi per relationem essentie ad res, quæ relatio formaliter est Ens rationis. Neque obstat quod S. Thom. alibi vult distinctionem Idearum esse virtualiter in intellectu diuino, actualiter in nostro: hoc enim solum, vult indicare intellectum diuinum distinguere in seipso ideæ vt concipit essentiam suam variis modis limitatis conceptibilem ab intellectu nostro, quod non obstat, quominus intellectus diuinus per comparisonem essentie suæ ad varios conceptus creatos causet formaliter relationes rationis in essentia sic concepta. Eadem sententia est expressa Scoti in multis locis, sed præcipue in 1. d. 29. q. vnica vbi docet intellectum diuinum formare & producere relationem rationis comparando essentiam suam ad creaturas & in 1. d. 45. q. vnica, docet, non solum intellectum diuinum, sed & voluntatem causare relationem rationis comparando & referendo suum obiectum ad aliquid, ad quod ex natura suam refertur, idem sentiunt Ferar. 1. contra Gentes cap. 54. Henricus in summa. a. 68. q. 1. Caiet. 1. p. q. 15. a. 2. Gillius lib. 2. tract. 6. cap. ultimo, Vasquez etiam licet neget Deum cognoscere Entia rationis, tamen sup-

Sententia S. Thomæ de ens rationis.

Sententia Scoti.

posito quod illa cognoscat, ait negari non posse quin faciat i. p. disp. 118.

Porro fundamentum oppositæ sententiæ iam est solutum. Nam cum dicitur Deum cognoscere Ens rationis iam factum: in primis id non est necessarium: nã ab æterno Deus cognoscit Ens rationis, cum tamen ab æterno à nullo intellectu creato fuerit factum.

*Resoluitur re-
sponso aduer-
sarium.*

Dices cognouisse saltem vt factibile. Contra. Factibile non est factum: Deinde Ens rationis ab æterno errata actu existens in mente Dei: ergo existebat non vt factibile, sed vt factum; cum igitur non fuerit factum ab æterno ab vlllo intellectu creato, necesse est dicere esse factum ab intellectu diuino. Sed esto, non possit Deus cognoscere Ens rationis nisi factum; id tamen non impedit, quominus illud denuo faciat. Primò à simili. Si enim ego cognoscã rosam cognitam ab alio, possum illi dare nouũ esse obiectiũ, & nouũ esse cognitũ: Ergo etsi Deus cognoscat Ens rationis cognitũ, tamen sua cognitione dat illi diuersum esse cognitũ & diuersum esse obiectiũ, q, est proprium esse Entis rationis. Nam si cur aliud est obiecti intellectui diuino, aliud obiecti intellectui creato, ita aliud esse obiectiũ formaliter responderet intellectui diuino, aliud intellectui creato. Secũdò. Quia q, Ens rationis sit factũ in vno intellectu, non impedit quominus aliud simile fiat in alio intellectu. Nam intellectus rem à se fictam, potest iterum atque iterum fingere; Ergo & ab alio fictam potest etiã apud se fingere. Tertiò. Ens rationis fieri est fieri secundum esse obiectiũ; in eo enim consistit Ens rationis: At per cognitionem diuinam fit nouum esse obiectiũ respondens cognitioni diuinæ, quis enim alius præter Deum faceret illud? Ergo fit, nouum Ens rationis à Deo

Deo. Tandem isti videntur existimare, cum Deus cognoscit Ens rationis in ordine ad intellectum creatum, Ens rationis tunc virtute intellectus creati produci & existere, cum tamē intellectus creatus, ut in Deo cognitus nullas partes cognoscendi & faciendi habeat, sed tantum ut est extra Deum: neque illud Ens rationis quod est in mente Dei ullus alius facit præter Deum.

Repugnati quid id quod est iam factum, iterum fieri, siquidem eidem non possunt competere simul duæ existentia. At non aduertunt discrimen inter actiones intentionales & reales. Nam quod actione reali semel factum est, non potest secundò fieri, quia iam est: ut ignis productus non potest iterum produci, quia iam est productus, neque potest idem habere simul duas existentias. At actione intentionali potest idem obiectum iterum atque iterum fieri in esse obiectivo, idem quod est visum ab vno, potest simul videri ab alio & acquirere novum esse visum: similiter id quod est cognitum vel volitum ab vno, potest simul ab alio esse cognitum & volitum. Quare quamvis existentia reales non possunt simul plures competere eidem, possunt tamen existentia obiectiva. Cum autem dicimus idem Ens rationis habere duplex esse obiectivum, intelligimus de eodem materialiter: Nam formaliter loquendo illud Ens rationis est duplex habens duplex esse obiectivum, & duplicem existentiam obiectivam; siquidem illa essentia Entis rationis non solum formatur ab intellectu creato, sed etiam ab intellectu divino, & ab utroque habet suam compositionem illam impossibilem quæ proculdubio est Ens rationis, ab utroque etiam habet existentiam obiectivam.

Potest idem obiectum in esse obiectivo fieri iterum atque iterum actione intentionali.

Nota.

Estque notandum hic discrimen inter obiecta realia & rationis. Nam obiectis realibus non dat intellectus propriè essentiam obiectiuam, sed tantum existentiam obiectiuam, quia inuenit in obiecto realem essentiam, quæ ex se est talis non ex fictione intellectus, solumque illi dat existere in mente obiectiuè: At in Entibus rationis ipse intellectus fingit essentiam componendo res impossibiles inter se, & apprehendendo per modum. Entis, id quod est non Ens, & postea dat illi existentiam obiectiuam sicut & Entibus realibus.

Concipere factum an sit idem quod facere.

Aiunt etiam concipere factum non est facere. Verum hæc propositio in rigore nihil aliud continet, nisi quod concipere factum, non est facere ea factione qua concipitur esse factum: Illa enim factio est obiectum, conceptionis, facere verò est actus concipientis à concipiente elicited. Ex hoc autem non sequitur, intellectum concipiendo Ens rationis factum, non posse illud facere noua ratione in mente sua componendo & formando iterum eius essentiam, & dando illi rursus existentiam obiectiuam. Imò non potest intellectus vlllo modo concipere Ens rationis factum, nisi fingendo illud, & faciendo iterum in mente sua & formando illius verum idolum & repræsentationem: sicut non possum videre parietem vt visum ab alio, nisi illum parietem visum ipse quoque videam: neque possum concipere Hircoceruum ab altero factum nisi fingam & formem, ipse in mente mea Hircoceruum: quid enim aliud est fingere quàm formare in mente idolum rei impossibilis aut falsæ?

Id verò quod maximè vrget aduersarios est, quod illud Ens rationis factum ab intellectu creato, existit in mente diuina non existentia, quam habet ab intellectu creato,

creato, sed existentia obiectiva quam habet ab intellectu diuino: vt patet in Ente rationis existente in mente diuina ab æterno, ante omnem intellectum creatum. Cum ergo dare existentiam obiectiuam Enti rationis, sit facere Ens rationis, Ente autem rationis facto, vel factibili ab intellectu creato Deus ab æterno dedit existentiam in mente sua; consequens est, quod Ens rationis factum vel factibile ab intellectu creato ipse quoque fecerit in mente sua.

Isdem argumentis refellitur illa alia responsio, cum dicitur non per omnem cognitionem fieri Ens rationis: si enim cognoscatur Ens rationis vt dependens ab alio intellectu, per talem cognitionem aiunt non fieri Ens rationis; sed tantum cognosci factum: Si verò cognoscatur absque dependentia ab alio intellectu, tunc per huiusmodi cognitionem fiet Ens rationis, quæ responsio verbis solum non re differt à priori. Refellitur tamen, quia hæc dependentia Entis rationis ab alio intellectu, sicut non impedit, quo minus illud Ens rationis cognoscatur à Deo cognitione distincta à cognitione intellectus creati; ita non impedit quo minus per illam cognitionem distinctam fiat ab intellectu diuino, & acquirat esse obiectiuum diuinum. Nam licet sit factum in intellectu creato per cognitionem creatam, nondum tamen est factum per intellectum diuinum, neq; acquisiuit esse obiectiuum diuinum, quod est distinctum ab esse obiectiuo creato. Nam si ea quæ realiter sunt facta, & existunt extra intellectum, cum cognoscuntur ab intellectu acquirunt nouum esse obiectiuum in intellectu, hoc est existentiam & præsentiam obiectiuam ex conceptu repræsentante, certè & Ens rationis factum, ab intellectu creato, poterit acquirere nouum esse

*Refellitur 2.
adversariorum
responsio.*

obiectiuum, in intellectu diuino, & noua ratione obiectiuâ fieri.

Sed obiciēs magis repugnat fieri à Deo Ens rationis quàm cognosci, maior enim imperfectio est facere imperfecta quàm cognoscere imperfecta, & dicere falsum; quàm cognoscere falsum: si igitur Deus immediatè non potest cognoscere Ens rationis, multo minus potest illud immediatè facere; nam si facit, immediatè facit, tum quia nulla alia causa mediante facit (quàm enim aliam causam adhibet ad illud faciendum) tum quia ex vi suæ cognitionis quam habet de Ente rationis, facit illud: Ergo immediatè facit.

Facere ens rationis est illud cognoscere.

Respondeo quando idem est cognoscere, quod facere, non est maius quid facere quàm cognoscere, sed vnum & idem; atqui Ens rationis facere, nihil aliud est quàm illud cognoscere, quia per cognitionem fit præsens obiectiuè, estque simul & obiectum cognitionis, & effectus: quare cum Deus cognoscat entia rationis, etiam facit illa; nec maior est imperfectio in faciendo quàm in cognoscendo.

Deus mediāte cognoscit & facit ens rationis.

Cum verò dicitur Deum facere immediatè Entia rationis, cognoscere verò mediātè: Respondeo, quod sicut cognoscit mediātè, ita & facit mediātè in eodem sensu; Dicitur autem cognoscere mediātè, quia inter cognitionem Entis rationis, & intellectum diuinum, mediāt cognitio intellectus creati vt cognita, cognoscendo enim intellectum creatum, cognoscit & Entia rationis ab ipso procedentia. Pari ergo ratione facit mediātè, quia inter effectiōem Entium rationis & intellectum diuinum, mediāt cognitio intellectus creati, cuius vim totam dum Deus cognoscit, ea cognitione simul & cognoscit & facit Entia rationis ab ipso facibilia.

lia. Quare non dicitur facere mediatur, quasi aliam causam mediam ad efficiendum interponat; suo enim diuino intellectu, & sua diuina cognitione facit Ens rationis; sed quia non facit Ens rationis, nisi cognoscendo intellectum creatum, & sic interponit quodammodo intellectum creatum, non tanquam causam effectiuam, sed tanquam id per ordinem ad quod cognoscit & facit ens rationis.

Obiicies secundò. Facere ens rationis est illud fingere: atqui diuinæ perfectioni repugnat fingere: Ergo & facere Ens rationis. Respondeo fingere propriè est *immediatè fingere*, quod repugnat diuinæ perfectioni: quia Deus cognoscit res vt sunt, non autem vt non sunt. *An Deus fingat Ens ratio- nis.* At mediatur hoc est per ordinem ad intellectum creatum fictionem cognoscere non est propriè fingere, sed est cognoscere rem, vt est cognoscibilis ab intellectu creato fingente. Quanquam si fingere vt hic sumitur, sit formare in mente id quod in re nec est nec esse potest, id non magis Deo repugnat quàm cognoscere.

QVÆSTIO IX.

*Per quam operationem intellectus fiant
Entia rationis.*

Cùm sint tres operationes intellectus nostri: prima consistit in apprehensione simplici, secunda in compositione, per affirmationem & negationem; tertia in vnius ex altero illatione, quæritur num per omnes has operationes fiant Entia rationis.

Dico

Dico primò. Per primam operationem intellectus fieri Ens rationis. Ratio est. Quia prima operatio est apprehensio simplex: atqui Ens rationis potest simplici actu apprehendi: Ergo & fieri: eius siquidem esse est cognosci & exconsequenti si simplici apprehensione cognosci potest, potest & fieri. Nam si apprehendatur intellectus Hircoceruum, Hircoceruus non erit Ens reale: Ergo erit Ens rationis, ergo sola apprehensio sufficit ad faciendum Ens rationis.

Dices. Ens rationis non est quid simplex sed compositum ex impossibilibus, ergo ad secundam potius operationem, quæ in coniunctione prædicati cum subiecto consistit eius effectio pertinebit. Præterea relationes, quæ communiter censentur Entia rationis, sine comparatione & compositione cum alio intelligi nõ possunt. Propter quod argumentum quidam negantur entia rationis ad primam operationem spectare.

Respondeo. Compositionem esse duplicem, alteram obiecti, quod est compositum ex pluribus, alteram actus componentis vnum cum alio per affirmationem vel negationem. Prior compositio inuenitur etiam in prima operatione: Possunt enim plura obiecta simul coniuncta per modum vnius simplici ratione repræsentari & apprehendi, absque vlla affirmatione & negatione. Posterior verò est propria secundæ operationis. Si igitur Ens rationis in coniunctione rerum impossibile consistat, ea coniunctio potest etiam per simplicem apprehensionem in obiecto cogitari, multo verò magis, si sit ens rationis simplex. Potest igitur Ens rationis fieri per simplicem apprehensionem.

Dico secundò. Per secundam & tertiam operationem posse fieri Ens rationis, non tantum materialiter, sed

sed etiam formaliter. Est contra quosdam recentiores quid dicunt secundam & tertiam operationem fundare duntaxat Ens rationis, primam verò illud formaliter, facere apprehendendo vel dando ille esse obiectum: Nam componendo intellectus prædicatum cum subiecto, adu illo solum fundat relationem prædicati ad subiectum, subiecti ad prædicatum; quam tamen relationem tunc intellectus non cognoscit, cum prædicat, nec de illa tum cogitat, sed postea facit nouum actum simplicis apprehensionis, quo illam concipit, & facit ens rationis. Hæc illi.

Nos autem dicimus & si fortè id in aliquibus actibus, & Entibus rationis verum esse possit, negari tamen non debere vniuersè per secundam operationem fieri Ens rationis. Primò quia si Ens rationis fiat per compositionem rerum impossibilem, vt isti volunt: potest hanc compositionem intellectus facere, non solum apprehendendo, sed etiam affirmando de se res impossibiles, vt si affirmet dari animal ex Hirco & Ceruo compositum: talis enim affirmatio, est vera cõpositio & effectio coniunctionis impossibilis, ac ex consequenti est effectio Entis rationis, quod in illa compositione consistit: Compositionis enim intellectualis obiectum est res composita, quæ si sit impossibilis est ens rationis.

In secunda & tertia operatione fieri quoque entia rationis.

Verum contra hanc rationem instabit aliquis, non videt enim intellectus posse facere compositionem impossibilem affirmando: quæ enim videt esse impossibilia, non potest ea affirmare; nec potest iudicare esse coniuncta, quorum coniunctionem videt esse impossibilem. V. G. non potest affirmare & iudicare hominem esse lapidem.

*Intellectus in-
compossibilia
potest coniun-
gere per affir-
mationem vel
negationem.*

Respondeo primò posse intellectum ea quæ verè sunt impossibilia coniungere inter se per affirmationem vel negationem, si ea non putet esse impossibilia, quod satis est ad hoc ut dicatur Ens rationis fieri per secundam operationem intellectus: Illa enim compositio Entium impossibilium verè esset Ens rationis. Deinde dico quod intellectus ea quæ videt esse impossibilia, non potest de se affirmare tanquam vera absolute, potest tamen affirmare tanquam ficta vel ex suppositione vera ad eum modum quo quis potest dicere falsum quod scit esse falsum, fictè illud non verè affirmando. Hoc enim modo de rebus fictis & impossibilibus multa affirmamus affirmatione non absolute vera, sed ficta vel ex suppositione, ut Hircoceruum esse animal vel quadrupes. Possunt enim affirmari falsa, ac si essent vera, & fictio non minus cadit in apprehensionem quàm in affirmationem: possuntque impossibilia, tanquam fictaabilia de se affirmari, de qua re infra Disp. 12. quæst. 9.

*Relatio impos-
sibilis affirma-
ta vel illata est
ens rationis.*

Secundò quod ad relationem attinet, etiam potest tam simplici apprehensionis actu fieri, quàm actu composito affirmationis: possum enim affirmare hoc referri ad illud, quæ relatio sic affirmata erit in secunda operatione. Possum etiam simplici ratione apprehendere relationem unius ad alterum, per modum simplicis intuitus, absque affirmatione & negatione, & talis relatio est obiectum primæ operationis. Et sanè quid prohibet relationem rationis per actum prædicandi tribui alicui, ut si dicam, Animal habet relationem prædicati: in tali enim propositione, relatio prædicati compositè tribuitur animali, quæ compositio ex parte obiecti non est realis, sed rationis. Idem dici po-
test

test de illatione in tertia operatione, cum intellectus infert consequens habere relationem ad antecedens. Talis enim relatio illata, est Ens rationis & solum in intellectu existit. An verò cum sit prædicatio fundetur solum, vel etiam cognoscatur relatio prædicati, dicetur questione sequente.

QVÆSTIO X.

Quot sint genera Entium rationis.

Communiter duo genera Entium rationis statuuntur, Alia enim sunt mera figmenta nullum fundamentum in re habentia, vt sunt Hircocerus hippocentaurus, & similia monstra, & hæc entia rationis vagentur per omnia prædicamenta, siquidem in omnibus prædicamentis coniunctiones rerum impossibiliū fieri possunt; Alia sunt quæ non sunt mera figmenta, nec ad libitum aut temerè excogitantur, sed habent fundamentum aliquod in re, quod quasi exigat illam fictionem. Quanquam proprie loquendo fingere dicimur eatantum quæ temerè & absque fundamento excogitamus: quæ verò cum aliquo fundamento & ratione inuenimus, non dicimur fingere nisi latè sumendo nomen fictionis, vti hîc sumimus cum ea quæ nec sunt nec esse possunt, dum concipiuntur dicimus fingi: etiam si talis conceptionis sit aliquod fundamentum. Talia sunt entia rationis Logica, quæ tria numerantur, relatio, priuatio, negatio. Ex tota enim vniuersitate Entium rationis, tria hæc Logica sibi vsurpauit, quod alia ad operationes intellectus dirigendas non admodum conducant.

*Entia rationis
duplicita.*

*Entia rationis
Logica tria.*

Relatio.

Quod igitur attinet ad relationes; intellectus concipit relationes quasdam in rebus, quæ illis re ipsa non conueniunt, sed solum prout ab intellectu certo modo concipiuntur: vt cùm concipitur natura vniuersalis apta esse in multis; hæc habitudo naturæ vnius ad multa non conuenit naturæ à parte rei, cùm ea à parte rei sit singularis & multiplex non vna, sed per intellectum qui formando vnum conceptum de omnibus naturis singularibus, facit naturam sic conceptam aptam esse in multis: Simili ratione, relatio prædicati & subiecti non conuenit rebus vt sunt in se, sed vt ab intellectu concipiuntur & ordinantur ad inuicem.

*Fundamentum
harum relatio-
num, denomi-
natio obiecti ab
actu immanen-
ti.*

Notandum est primo; fundamentum harum relationum communiter esse denominationes obiecti ab actu immanente, siue rationis siue alterius potentia, vt esse cognitum, volitum, visum. Actus enim transeuntes: quia realiter & intrinsecè afficiunt & immutant subiectum: fundant in eo relationem realem ad agens, & sunt causa realium proprietatum, vt ex calefactione ligni cōsequitur relatio realis calefacti ad calefaciētem. Actus verò immanens, quia non afficit intrinsecè nec immutat subiectum, nihil illi reale tribuit, quare & relatio quæ in obiecto ex tali actu oritur, erit rationis non realis; Relatio enim sumit suam realitatem à fundamēto, cum quo est idem relater; quia igitur hæc relatio conuenit obiecto intrinsecè, in quo nullum habet fundamentum intrinsecum cui identificetur, sed tantum extrinsecum nempe actum cognitionis, à quo obiectū denominatur extrinsecè cognitum; Ideo non habet vnde sit realis, ac proinde necessariò est rationis.

Notandum secundò cognitionem posse fundare relationem, tam realem quàm rationis: realem quidem in

in subiecto in quo est intrinsecè: relatio enim cognoscens ad cognitum est realis. Rationis autem quatenus extrinsecè denominat obiectum cognitum. Extrinseca enim denominatio sicut non confert rei ullum esse reale intrinsecum: ita neque causat in eo ullas proprietates reales intrinsecas. Quare relationes quæ ex tali denominatione consequuntur in re, sunt rationis non reales.

*Cur relationes
quæ consequuntur
ex denominationibus
extrinsecis non
sunt reales?*

Notandum est etiam. Cùm dicimus has relationes Logicas habere fundamentum in re: non intelligimus habere fundamentum ad hoc ut realiter existant, & realiter consequantur posito fundamento: nam ea est natura *Entis* rationis, ut non possit existere nisi per apprehensionem intellectus; quare nec relationes rationis posito fundamento statim existunt, nisi ab intellectu concipiantur & apprehendantur.

Quod si dicas naturam relationum esse consequi & resultare posito fundamento. Respondeo si relationes sint reales, consequuntur realiter & ex natura rei absque omni actione intellectus: si verò sint rationis consequuntur, sed per rationem modo suæ naturæ proportionato, quia propter fundamentum quod intellectus inuenit, apprehendit illas & concipit ac format. Et hoc sensu dicuntur hæ relationes habere fundamentum, nō ut ex natura rei ad illud consequantur; hoc enim est proprium relationum realium, sed ut consequantur per conceptionem intellectus.

Quod attinet ad negationes & priuationes eas tunc intellectus facit entia rationis quando eas concipit modo aliquo impossibili. Quod dupliciter fieri potest. Primò si per modum realis formæ concipiantur, ut cùm concipimus tenebras tanquam nigredinem quandam,

Negationes & priuationes quomodo fiant entia rationis?

vacuum per modum cuiusdam spacii quanti, cæcitatem per modum qualitatis & formæ in oculo: talis enim, coniunctio negationis cum illis modis & formis realibus est res ficta. Secundo. Si negatio illa vel privatio tribuatur ei rei, cui à parte rei non competit nec potest competere, vt si naturæ abstractæ à singularibus tribuatur negatio singularium, vel si in Deo negamus intellectum esse voluntatem, ea negatio à parte rei Deo non competit, cum in Deo omnes perfectiones sit vna simplex perfectio, sed conuenit ei vt imperfectè & limitatè à nobis concipitur. Nam cum conceptu nostro imperfecto & inadæquato concipimus solum intellectum diuinum nō concepta voluntate, intellectum sic conceptum negamus esse voluntatem.

Negatio simplex & privatio differunt.

Porro differt negatio simplex à priuatione: quod priuatio connotat aptitudinem in subiecto: negatio verò non, V. G. Cæcitas non est quæuis negatio visus, sed solum in subiecto apto ad videndum, hoc est, in oculo, ita vt eadem negatio visus in lapide, qui non est aptus ad videndum non sit cæcitas, sed simplex negatio.

Ex quibus omnibus patet tam relationem quam negationem & priuationem tunc solum esse Entia rationis, cum coniunguntur aliquo modo impossibili: vel in seipsis cum concipiuntur per modum Entium cum, non sint Entia, vel respectu subiecti, cum ei tribuuntur, cui non conueniunt nec conuenire possunt, quare si modus impossibilis desit tam negatio quàm relatio, erit suo modo realis.

Iam verò si quæras an Entia rationis habètia fundamentū in re sint solum illa tria relatio, priuatio, negatio, an verò præter illa sint etiam alia. Respondeo, etiam alia.

lia Entia rationis posse habere fundamentum in re: ut cum concipio Angelum sub specie pulchri iuuenis alari ad ipsius spirituales perfectiones exprimendas, vel cum concipio immensitatem Dei per modum cuiusdam quantitatis: hæ enim conceptiones habent in re fundamentum nec temere fiunt; verum illa tria vulgo numerantur: vel quia præcipua sunt, vel quia illa tantum Logicæ deferuiunt ad dirigendas operationes intellectus: quanquam aliqui nimis multum laborant in defendendo hoc numero.

QVÆSTIO XI.

*An denominationes Logicæ sint verè
Entia rationis.*

AD maiorem explicationem Entium rationis Logicorum, quæri potest, an denominationes Logicæ sint verè entia rationis, & à quo tales denominationes sumantur. Sunt autem denominationes Logicæ denominationes rerum ut cognitarum ab intellectu. Nam quedam denominationes reb. conueniunt extra intellectum ante omnem cognitionem, ut homini esse visibilem, album; quedam vero conueniunt rebus ut cognitæ sunt, seu ex eo, quia tali vel tali modo cognoscuntur ab intellectu: sic conuenit homini esse speciem, esse prædicatum, esse abstractum, & hæ denominationes dicuntur Logicæ, quia à Logica considerantur. Quia enim Logica considerat operationes intellectus, tales autem denominationes ex operationib. intellectus proueniunt; idcirco dicuntur Logicæ denominationes.

*Qua dicuntur
entia rationis
Logicæ.*

Porro

Porro ab actu intellectus denominari potest obiectum dupliciter; vel absolute, & quasi quoad substantiam, ut cum dicimus obiectum esse cognitum, apprehensum, intellectum; vel sub aliquo certo modo, sub quo cognoscitur: hic autem modus in Logica est duplex, negatiuus & respectiuus: aliqua enim cognoscit intellectus, cum quadam negatione, ut cum abstrahit, negat, distinguit: abstrahere enim est cognoscere vnum sine alio, aliqua verò cognoscit relatiuè in ordine ad aliud, V. G. sub ratione subiecti, prædicati, antecedentis, consequentis. Hinc igitur denominationes Logicæ statuuntur duplices, aliæ negatiuæ, ut esse abstractum, distinctum; aliæ relatiuæ, ut esse prædicatum, subiectum, de his ergo quærimus, an huiusmodi denominationes sint reales, vel rationis, vel partim reales partim rationis.

Dico igitur primò. Denominationes ab actu intellectus absolute, hoc est non sub aliquo certo modo, sunt reales, & nullo modo Entia rationis ut esse cognitum, esse apprehensum.

Probatur primò. Quia tales denominationes inveniuntur in aliis etiam potentiis in quibus non sunt Entia rationis. Nam esse volitum, esse visum, esse imaginatum, sunt denominationes reales obiecti ab actu volendi, videndi, imaginandi: obiecta enim horum, actu sunt volita, visa, sine villo Ente rationis. Ens enim rationis non existit nisi per apprehensionem intellectus: atqui res est visa & volita sine apprehensione intellectus: ergo sine ente rationis.

*Esse cognitum
quid?*

Secundò probatur quia esse cognitum nihil aliud est, quàm esse cognitionem de obiecto: Dicuntur enim res cognosci non quod ipsæ referantur ad cognoscentem

tem, sed quod cognitio terminetur ad illas: quia igitur realiter cognitio est de rebus, ideo realiter res denominantur cognitæ. Quanquam non nego ex tali denominatione sequi ens rationis, V. G. relationem cogniti ad cognoscentem. Sed solum nego denominationes ipsas esse entia rationis.

Dico secundò. Denominationes Logicæ tam negativæ quàm relativæ sunt denominationes extrinsecæ ab actu reali intellectus, sub modo rationis negatio vel relatio, ut esse abstractum, esse prædicatû. Nam quod ad denominationes negativas attinet esse abstractum, V. G. est denominatio ab actu intellectus abstrahentis, hoc est concipientis naturam sine singularibus; ac proinde sub negatione singularium, quæ negatio est modus rationis. Nam cum intellectus concipit naturam non concepta singularitate in tali cognitione duo distinguimus; vnum est, quod talis cognitio terminatur ad naturam: alterum, quod non terminetur ad singularitatem seu quod terminetur ad naturam absque singularitate: ratione primi dicitur cognitio naturæ; ratione secundi dicitur cognitio abstractiva, seu abstractio: abstractio enim ab illa exclusionem alterius obiecti dicitur abstractio.

Cognitio abstractiva intellectus ad quid terminatur.

Porro hæc negatio quam dicit abstractio, potest considerari vel in ipso actu cognitionis, vel in obiecto abstracto. Nam & actus dicitur abstrahens, & obiectum dicitur abstractum: in actu quidem abstrahente, negatio est negatio terminationis actus ad singularitatem; in obiecto verò est negatio singularitatis, ita ut hæc negatio sit quasi obiectum illius negationis, quæ est in actu.

Dices naturam sufficienter denominari abstractâ à

L

cogni-

cognitione illam abstrahente, & concipiente, non concepta singularitate, in qua denominatione est quædam negatio, sed ad actum ipsum spectans intrinsecè, & solum per denominationem extrinsecam ab actu spectat ad naturam: in hac autem denominatione nulla inuoluitur negatio, quæ sit Ens rationis: Nam illa negatio terminationis actus ad singularia, est negatio realis, quia oritur ex natura actus: actus enim realiter terminatur ad naturam & non ad aliud. Negatio verò quæ est Ens rationis, est in obiecto distincta à negatione quæ est in actu; est enim negatio naturæ conceptæ absque singularibus. Quamuis igitur sine negatione, non possit concipi natura abstracta, potest tamen concipi sine hac secunda negatione, quæ est in obiecto, solum concepta negatione, quæ est in actu: ex quo sequitur posse concipi naturam abstractā sine vlla negatione rationis.

Respondeo, esse quidem duas distinctas negationes, alteram in actu, alteram in obiecto & illam esse realem, hanc rationis; dico tamen non posse denominari obiectum abstractum à prima negatione, nisi simul denominetur à secunda; quia secunda est obiectum primæ; est enim obiectum proportionatum suo actui, & sub ea ratione, sub qua actus tendit in obiectum, obiectum etiam ex parte sua obicitur actui. Quia igitur cognitio abstractiua tendit in obiectum, partim positivè per cognitionem naturæ, partim negativè per cognitionem naturæ non singularis, ideo & in obiecto duo respondent actui, vnum positivum, aliud negativum. Cognitioni enim ut cognitio est respondet in obiecto natura quæ cognoscitur; ut autem abstractio est, respondet ei natura absque singularitate, ita ut cognitionis abstractiue integrum obiectum sit natu-

Cognitio abstractiua tendit in obiectum partim positivè partim negativè.

natura sine singularitate obiecta. Ex quo patet non posse denominari naturam abstractam, ab actu abstrahente, nisi inuoluatur in hac denominatione negatio singularitatis obiectiua quæ est negatio rationis.

Ad maiorem autem eiusdem rei explicationem, duo possumus distinguere in hac denominatione naturæ abstractæ; primo, quod natura sit abstracta; secundò quòd cognoscatur abstracta: & utroque modo inuoluit modum rationis, hoc est negationem illam, singularitatis obiectiuam. De primo iam dictum est, quia negatio illa obiectiua est obiectum actus abstrahentis ut abstrahens est: actus enim abstrahens, quæ cognitio est, habet pro obiecto naturam cognitam, quæ verò abstrahens est, habet pro obiecto naturam absque singularibus, non quod illa negatio singularium sit obiectum cognitionis, sed quod sit obiectum non cognitionis; actus enim abstrahens dicitur abstrahens propter non cognitionem, ergo & obiectum eius formale est obiectum non cognitionis seu negatio singularium non cognitorum. Quamuis autem negatio illa non cognoscatur: tamen verè est negatio rationis; quia negatio rationis, eget quidè apprehensione intellectus ad hoc ut sit Ens, & habeat rationem Entis; tamen ut sit mera negatio rationis, non eget apprehensione, quia negationis esse, est non esse formæ negatæ.

De secundo verò hoc est de cognitione naturæ abstractæ, dico, quod ut formaliter cognoscatur natura, illa esse abstracta, necesse est ut concipiatur formaliter, sub modo illo rationis negatiuo, quia ratione illi⁹ modi,

& per ordinem ad illum modum est abstracta. Si enim quæras quid sit naturam esse abstractam, definies esse naturam cognitam sine singularibus: in qua definitione non solum continetur negatio terminationis actus ad singularia, sed etiam negatio singularium, quæ est in obiecto, hæc enim est obiectum illius negationis, & illa negatio sine hac non potest intelligi: Nam sicut actus non potest intelligi sine obiecto, ita negatio quæ est in actu, sine negatione respondente illi in obiecto.

Quæ diximus de denominatione obiecti negativa, suo modo intelligi possunt de denominatione obiecti e lativa, ut cum aliquid denominatur prædicatum. Non enim est dubium hanc denominationem esse relativam, quia prædicatum respectu subiecti dicitur prædicatum. Est igitur hæc denominatio ab actu intellectus prædicantis & referentis per prædicationem rem illam ad alteram, quæ relatio & denominatio est extrinseca rei denominatæ.

Dices sufficere ad hæc denominationem actum extrinsecum prædicandi. Actus enim prædicandi est actus referendi; ab actu autem referendi sufficienter res denominatur relata sine alia intrinsecâ relatione. Quod etiam confirmari potest: quia quando intellectus prædicat animal de homine, vel cognoscit relationem illam, in animali ad hominem, vel non: si non cognoscit, ergo illa relatio tunc non existet, & sine illa intellectus prædicabit, & referet animal ad hominem, & animal denominabitur tunc prædicatum & relatum, à solo actu extrinseco prædicandi & referendi: si vero cognoscit, id est contra experientiam, quia de tali relatione tunc nil cogitat, cum animal prædicat de homine, & sine tali apprehensione relationis potest animal prædicare de homine.

Re-

Respondeo. Denominari quidem animal prædicatum ab actu prædicandi extrinseco, sed tamen inuoluendo simul relationem, & habitudinem intrinsecam animalis quam habet ad hominem, vt de eo prædicari possit: estque hæc habitudo animalis ad prædicandum, obiectum actus prædicandi: idcò enim intellectus animal prædicat de homine, quia in illo inuenit habitudinem prædicati: non enim quilibet prædicat de quolibet, quia non in quolibet inuenit habitudinem prædicati. Neque dici potest habitudinem istam realem esse, quia habitudo ista conuenit rei non vt res est, sed vt cõcepta est; habitudines autem rerum vt conceptarum, sunt rationis, non reales; maximè quod animal, cum nõ sit distinctum realiter ab homine, non potest ad hominem dicere relationem realem; ad relationem enim realem requiritur distinctio realis extremorum. Et quamuis in prædicato inueniri aliquando possit naturalis & realis habitudo ad subiectum, vt in albo respectu signi; tamen in prædicato, non solum est habitudo realis ad realiter inexistendum subiecto, sed etiam habitudo rationis ad inexistendum per prædicationem, eaque habitudo spectatur in prædicato, vt prædicari & affirmari possit, cuius habitudinis fundamentum quidem est in re, sed ipsa formaliter non existit nisi per rationem.

Iam verò cum quæritur an talis relatio cognoscatur vel non. Respondeo, duo hic esse considerata: aliud enim est animal prædicari in actu exercito, aliud est cognosci quod sit prædicatum. Potest igitur animal prædicari de homine, non cognita formaliter, & in actu signato relatione prædicationis; necessariò tamen tunc cognoscitur illa relatio in actu exercito, quia reuera ani-

*Relationes rationis
sunt logica cognoscuntur
vel in actu signato
vel in actu exercito.*

mal in prædicatione concipitur in ordine ad subiectum, quæ habitudo est verè habitudo prædicati, licet non explicitè concepta sub ratione prædicati, sed inconfuso quodāmodo & in genere: Si verò formaliter cognosci debeat animal esse prædicatum, necessario cognoscitur explicitè, relatio illa prædicabilitatis quæ est Ens rationis.

Neque satis est dici prædicatum à prædicatione intellectus, quia prædicatio intellectus fundatur in prædicabilitate obiecti: estque hæc prædicabilitas obiectum actus prædicandi siue formaliter, & in actu signato cognita, siue materialiter & in actu exercito: refert enim intellectus propter referibilitatem obiecti, & prædicat propter prædicabilitatem.

*Denominatio-
nes Logicae esse
partim ab actu
intellectus par-
tim à modis ra-
tionis.*

Dico tertio dictas denominationes Logicas esse denominationes, partim ab actu reali intellectus, partim à modis rationis. Hæc conclusio patet ex præcedenti.

Et hæc de Enterationis. An verò Entia rationis sint necessaria rebus Logicis & addigendas operationes intellectus dicetur Disputatione sequenti Questione secunda.

EXPLICATIO ALIQVOT

DIFFICULTATVM DE ENTIBVS RATIONIS.

AD finem huius disputationis volui mouere aliquot difficultates circa Entia rationis, ad ea quæ docuimus explicanda. Prima verò difficultas est de essentia Entis rationis an ea consistat tota in esse obiectiuo? si enim

nim id concedatur: necesse erit concedere omnia Entia
 realia, quatenus sunt obiectivè in intellectu, esse Entia
 rationis. In intellectu enim non habent aliud esse quàm
 obiectivum. Nam etsi extra intellectum habeant vel
 habere possint esse reale; tamen hoc non impedit, quo-
 minus habeant in intellectu solum esse obiectivum, quod
 est formale esse Entis rationis. Vade etiam conseque-
 tur: illa & in intellectu esse Entia rationis & extra intel-
 lectum Entia realia; si verò non concedatur, Esse obie-
 ctivum sufficere ad Ens rationis; ostendi non poterit,
 quod aliud esse habeat Ens rationis præter esse obiecti-
 vum. Nam quod dici solet requiri ad Ens rationis, vt
 extra intellectum nec existat, nec existere possit, etsi id
 verum sit, tamen hoc difficultatem non solvit. Nam,
 non esse Ens reale, est mera negatio Entis realis, negatio
 autem non dat Enti rationis esse, sed non esse. Quare
 ex tali negatione realitatis Ens rationis non constituitur
 in ratione Entis, sed potius in ratione non Entis: & ex
 consequenti verum erit, Ens rationis non constitui in
 ratione Entis formaliter per aliud esse, præterquam per
 esse obiectivum. Neque valet quod responderi potest;
 Ens rationis constitui, non per qualecunque esse obie-
 ctivum, sed per tale quod secum ferat essentialiter repu-
 gnantiam ad existendum à parte rei: ita vt hæc negatio
 realitatis consequatur essentialiter ipsam Entis rationis. Du-
 plici enim ex causa hæc responsio non valet. Primum q.
 hæc repugnancia ad realiter existendum, oritur non ex illo
 esse obiectivo, q. est à ratione, & per q. constituitur for-
 maliter Ens rationis, sed ex materia illa per se impossi-
 bili, neq. n. Hircoceruus, idcirco nō potest existere à par-
 tere rei, q. existit obiectivè in intellectu; sed ex propria
 ratione Hirci & Cerui quib. ea cōpositio in re repugnat.

Secun-

Secundo quia hæc repugnantia & impossibilitas conuenit rei impossibili antequam habeat esse obiectiuum in intellectu. Etsi enim nullus intellectus apprehenderet impossibilia, adhuc tamen impossibilia, essent ex se impossibilia. Ex quo patet; impossibilitatem ad existendum, neque constituere formaliter Ens rationis in ratione Entis; neque ex ratione formali Entis rationis consequi.

*Esse obiectiuum
in ente rationis
non solum ob-
iicit aliquam
essentiam, sed
etiam illam facit.*

Dicendum tamen est Entis rationis essentiam in tali esse obiectiuo consistere, ad quod consequatur repugnantia ad existendum realiter. Pro quo noto: esse obiectiuum in ente rationis, non solum obicit essentiam aliquam rationi, sed etiam illam facit atque constituit. Cum enim Ens rationis consistat in essentia ficta, necesse est essentiam entis rationis ita obici intellectui, ut fingatur, & sic ficta obiciatur: in quo apparet discrimen inter esse obiectiuum Entium realium, & Entium rationis: quod entium realium essentia, solum obicitur intellectui, non verò per illud esse obiectiuum fit, cum per se sit essentia possibilis absque eo quod obiciatur intellectui. Entium verò rationis essentia cum ex natura rei nihil sit, non potest nisi fingendo obici & fieri. Nam si Ens rationis fiat per compositionem incompossibilium rerum, ea compositio nisi fiat ab intellectu, nusquam est, aut esse potest.

Ex hac autem compositione essentiaæ fictæ sequitur repugnantia illius compositi, qua compositum est, ad existendum realiter. Quia verò compositio illa est, formaliter ex esse obiectiuo (fingendo enim obicitur intellectui illa compositio) idcirco recte dicimus Ens rationis habere tale esse obiectiuum ad quod consequitur repugnantia ad existendum realiter. Quare ad
argu-

argumenta opposita respondeo: esse obiectiuum, duplex esse potest: alterum, quo fit ipsa essentia obiecti, cum extra illud esse, obiectum non fit: alterum quo non fit essentia obiecti, sed tantum obicitur. Primum esse obiectiuum, est proprium Entis rationis, & in eo solo consistit entis rationis essentia. Secundum etiam conuenit Enti reali. verum tale esse obiectiuum non sufficit ad constituendum Ens rationis, sed solum illud quo essentia ipsa fit. Vnde non sequitur Entia realia quatenus sunt in ratione esse Entia rationis, non enim habent in ratione tale esse obiectiuum, quo ipsorum essentia fiat, cum extra illud esse obiectiuum essentia ipsorum, ex se sit possibilis.

*Esse obiectiuū
aliud quo fit i.
p/ā essentia ob.
iecti, aliud quo
non fit essentia
obiecti, sed tan-
tum obicitur,
atq; per primū
entis rationis for-
maliter consti-
tuitur non verò
per secundum.*

Vnde etiam nolumus repugnantiam ad realiter existendum, constituere essentiam Entis rationis, vt bene probatur in obiectione: sed volumus illud esse obiectiuum ad quod consequitur illa repugnantia, constituere Ens rationis, quod non conuenit Enti reali. Cum verò dicitur repugnantiam istam non oriri formaliter ex ipso esse obiectiuo, sed ex materia illius esse obiectiuo. Respondeo oriri ex utroque: hoc est tam ex illa compositione, quam etiam ex partibus impossibilibus, quibus ex natura rei illo modo componi repugnat, ac ex consequenti existere. Et quidem ea repugnantia quæ sumitur ex natura partium est realis, & prior ipso esse obiectiuo. Quæ verò sumitur ex ipsa compositione partium facta ab intellectu, vel etiam ex apprehensione per modum Entis eius quod est non Ens: ea oritur formaliter ex ipso esse obiectiuo. Compositum enim ex impossibilibus vt sic, repugnat realiter existere. Et quia compositum illud, est compositum per fictionem intellectus, quæ solum obiectiuè in intellectu ha-

bet esse, idcirco rectè dicimus, oriri hanc repugnantiam formaliter ex ipso esse obiectiuo. Hircocerus enim, si non esset obiectiuè in intellectu, non esset Hircocerus: id est, non esset compositus ex Hirco & Ceruo (talis enim compositio, non potest fieri nisi ab intellectu) vnde neque habent repugnantiam ad existendum, illo modo composito. Nam illa repugnantia, supponit & fundatur in compositione Hirco-cerui, estque propriè illius compositi vt compositum est, repugnantia. Nam ex propria ratione Hirco & Cerui repugnat tale compositum fieri, & ex consequenti si fiat ab intellectu immediatè & proximè, oritur repugnantia ipsius compositi quâ compositum est ad existendum à parte rei; ex quo patet has repugnantias esse diuersas. Nam alia est repugnantia totius formaliter accepti, alia partium: illa fundatur in compositione & ex ea oritur, hæc verò fundatur in natura partium.

Secunda difficultas est. An Ens rationis sit quid reale in intellectu. Si enim esse Entis rationis est esse obiectiuum: omne autem esse obiectiuum est reale in intellectu; Sequitur Ens quoque rationis habere esse reale in intellectu. Minor probatur esse enim obiectiuū, est illud quod formatur ab intellectu, format. n. intellectus intra se obiectum exprimendo eius in se similitudinē. At obiectum formatū ab intellectu, est quid reale. Ergo esse obiectiuū, est qd reale. Confirmatur primò; quia intelligere est formare in se obiectū modo intelligibili: vt colligitur ex Aristotele 3. de Anima cum docet intellectum possibilem intelligendo fieri omnia, formando in se omnium obiectorum similitudinem; Cum igitur reali-

ter formetur obiectum in intellectu secundum realem similitudinem; consequens est, obiectum in intellectu habere esse reale: ac proinde esse obiectiuum, erit esse reale. Confirmatur secundò, quia esse obiectiuum, est idem realiter cum conceptu. At conceptus est quid reale, ergo & esse obiectiuum. Minor patet: quia conceptus nihil aliud est quam formatio obiecti in intellectu. Sicut igitur omnis actio est idem realiter cum illo termino qui per ipsam fit, ita & conceptus qui est actio obiecti erit idem realiter cum obiecto formato, & obiectum erit idem realiter cum conceptu.

Respondeo. Obiectum in intellectu esse duplex: aliud intrinsecum actui intelligendi seu conceptui, quod est obiectum formatum in intellectu, seu similitudo illa obiectiva, & hoc est quid reale, idem re cum conceptu, ut bene probat argumentum: aliud est extrinsecum conceptui, & ab eo realiter distinctum, quod representatur extra intellectum, cum quadam quasi distantia, sicut si res aliqua esset extrinsecus obiecta intellectui: hoc obiectum est merum Ens rationis, quia sola cognitione subsistit. Nam licet intellectus etiam in intelligentiis Entibus realibus, tali fictione utatur, tamen in Entibus rationis id quod intellectus fingit, est simpliciter impossibile, ac proinde Ens rationis: in intelligentiis vero Entium realium; solum secundum quid fingitur cum res non existentes tanquam existentes sibi proponit: simpliciter tamen non fingit; quia essentia rerum illarum est talis ex natura rei non ficta ab intellectu; unde solum praesentia eius fingitur, non essentia. De qua pluribus infra Disp. 16. q. 5. & in 3. de Anima. Ex quo patet; Ens rationis ut habet hoc secundum esse ob-

Obiectum in intellectu aliud intrinsecum actui intelligendi, aliud extrinsecum.

ctuum extrinsecū, non esse quid reale; licet ratione primi, sit reale. Patet etiā esse obiectiū in omnib. potentiis tam cognoscitiuis, quā appetitiuis, imō etiam in sensibus, esse quid reale, si de esse obiectiuo intrinseco sit sermo. Si verò de extrinseco agatur, potest secundum quid non esse reale, si fingatur præsens obiectum, quod reuera non est præsens: vt simpliciter tamen & quoad essentiam, est reale: quia essentia illa quæ obicitur sensui est possibilis in re.

Tertia difficultas. An Deus directè cognoscat Entia rationis, Hoc enim Gillius noster affirmat. Sunt enim Entia rationis duplicia: alia nullum habent fundamentum vt ita concipiantur, vt sunt monstra Hirco-ceruus, hippocentaurus: alia habent à parte rei fundamentum vt ita concipi possint. Qualia sunt Entia rationis Logica. Et si igitur priorarepugnat à Deo concipi directè; quia diuinus intellectus cum sit perfectissimus, concipit res vt sunt, non vt non sunt; tamen posteriora sine imperfectione vlla, possunt à Deo directè concipi: quia habent ex natura sua fundamentum vt sic concipiantur: & intellectus diuinus, illa hoc modo concipiendo, est conformis obiecto, non difformis. Sine vlla igitur imperfectione potest illa directè concipere. Dices concipere non Ens, per modum Entis; est concipere rem aliter quā sit, ac proinde non conformiter sed difformiter. At Entia rationis, cū sint non Entia, concipiuntur per modum Entis (affingitur enim illis esse obiectiuum ratione cuius dicuntur Entia) ergo imperfectè & difformiter concipiuntur. Contra: Quia id solum est verum de Entibus rationis non habentibus fundamentum, quæ cū per modum Entis
con-

conciipiuntur, aliter concipiuntur quàm illis conveniat, ac verum non est de Entibus habentibus fundamentum. Nam licet in re sint non Entia, & non possint esse Entia; tamen habent fundamentum, vt ab intellectu hoc modo concipiuntur: vt sub ratione prædicati, subiecti, antecedentis, consequentis. Sic essentia simplex, si contineat virtute plures perfectiones habet fundamentum vt possint in eas plures perfectiones per rationem distinguui, V. G. in homine, animalitas & rationalitas: in Deo infinitæ idæ seu rationes, sub quibus est participabilis essentia diuina. Neque dici potest talia Entia habere fundamentum vt concipiuntur illo modo ab intellectu imperfecto, & non nisi per ordinem ad intellectum imperfectum ab intellectu perfecto. Cur enim non possint immediatè ab intellectu perfecto concipi, eum nulla imperfectio ex hoc oriatur.

Dicendum tamen est, etsi probabilis sit sententia Gillij, & bene defendi possit, probabilior tamen est communis aliorum sententia, repugnare concipi directè ab intellectu diuino quæuis Entia rationis. Nam etsi quædam habent fundamentum vt illo modo concipiantur sub certis relationibus vel negationibus, quas non habent à parte rei, tamen hoc fundamentum est solum respectu intellectus imperfectè concipientis. Neque enim id nouum videri debet vt aliqua res fundamentum habeat, vt secundum aliquam rationem cognoscatur à potentia imperfectè cognoscente, non verò à potentia cognoscente perfectè. Color enim sub ratione visibilis, habet in se fundamentum vt videatur à potentia visiva imperfecta, non verò vt videatur sub illa ratione sensibili ab intellectu, quod hic modus

Nullū ens rationis habet fundamentum & directè cognoscatur à potentia perfectè cognoscente.

videndi sit contraperfectionem intellectus. Porro in materia præsentis modus cognoscendi rem sub alia ratione quàm illi conveniat à parte rei est modus cognoscendi imperfecte, quia aliter quàm sit in seipsa cognoscitur; & licet habeat fundamentum ut illo modo concipiatur, non tamen nisi ab eo intellectu, qui potens est aliter rem concipere quàm sit in seipsa; quod non convenit intellectui diuino. Quocirca argumentum Gillij ductum ex ratione fundamenti, non est firmum nec vniuersale, quia solum probat id verum esse, respectu alicuius potentiae illo modo potentis concipere, non verò respectu omnis potentiae.

Quarta difficultas. Ex quo capite repugnat fieri à Deo Ens rationis. Respondeo. De modo quo fiat Ens rationis sunt duæ sententiæ. Vna dicit fieri consecutiue, antequam apprehendatur. Altera fieri per apprehensionem; in priori ergo sententia nulla omnino repugnantia apparet, quo minus à Deo fieri possit Ens rationis, etiam immediatè. Nam si fieri est consequi: sicut non repugnat Ens rationis consequi ad intellectiōem diuinam: cum id nihil derogat diuinæ perfectioni: ita nec fieri repugnabit. In altera verò sententia, quam veram esse arbitror, cum Ens rationis fiat per sui cognitionem, eo modo quo repugnat illud cognosci, repugnabit & fieri. Repugnat autem cognosci immediatè, non verò mediatè, hoc est mediante cognitione, qua cognoscit intellectio imperfectè cognoscentem: pari ergo ratione etiam fieri repugnabit. Vana enim est illa euasio cognosci à Deo ut factum. Illud enim quod est in mente Dei, non est ab ullo alio intellectu factum in mente Dei, præterquam à Diuino: &
cum

eum Ens rationis non possit fieri nisi per cognitionem, non alia vllius intellectus præterquam diuini cognitione est factum; ita vt vnum è duobus dici oporteat, aut Ens rationis in mente diuina obiectiuè existens, non esse factum, aut sola diuina cognitione esse factum. Facere enim Ens rationis est dare illi rationem Entis, cum ex se sit non Ens, hæc autem ratio est ratio Entis apprehensi. sicut ergo non alius intellectus Ens illud rationis in mente diuina apprehendit, nisi diuinus, ita nec alius facit, dando illi rationem Entis apprehensi. Quod etiam magis patet in Entibus rationis compositis, vt in Hircoceruo. Talem enim compositionem facit Deus apprehendendo. Facere enim Hircoceruum est componere Hircum cum Ceruo per apprehensionem, hoc facit Deus cum cognoscit Hircoceruum, ergo facit Hircoceruum. Neque refert quod Hircoceruum cognoscat, vt factibilem ab intellectu creato; nam ab intellectu creato est factibilis in intellectu creato: in intellectu verò increato non est factibilis ab intellectu creato, sed à solo Dei intellectu.





DISPUTATIO II.

De Logica in communi.

*Natura Logica inuestiganda est, tum ex ob-
iecto, circa quod versatur, tum ex mo-
do, quo se habet ad suum obic-
tum, & alias scientias.*

QVÆSTIO PRIMA.

*An obiectum Logica sint operationes in-
tellectus quâ dirigibiles?*

*Obiectum sci-
entia est circa cuius
cognitionem
scientia versa-
tur.*



Vponendum in primis est, obiectum scien-
tiæ dici illud, circa cuius cognitionem scien-
tia versatur. Porro alia ratione versatur cir-
ca obiectum materiale, aliâ circa formale:
nam obiectum materiale est quasi subiectum formalis,
& non secundum se cognoscitur, sed vt substat formali,
formale autem secundum se cognoscitur; sicut enim
in visu paries est obiectum materiale visionis, albedo
verò formale, quia non videtur paries quâ paries, sed
quâ albus, ita & de obiecto scientiæ cogitandum est.

Supponendum præterea est in scientiis assignari
obiectum, vnum aliquod genus, ad quod omnia, quæ
tractan-

tractantur in illa scientia referantur: nam in omni scientia sunt plurima obiecta particularia, & essentis & proprietatibus distincta, quia tamen omnia certo quodam ordine ad vnum genus referuntur, vel tanquam species illius, vel tanquam principia, vel partes, vel passiones: idcirco sub vno genere obiecti comprehenduntur. Ex quo patet, cur obiectum scientiæ dicitur obiectum attributionis, quia omnia, quæ in scientia tractantur, debent ad illud obiectum reuocari, alioquo ex dictis modis, & quodam modo illi attribui.

Supponendum certò, aliter obiectum assignari in scientiis speculatiuis, quàm in practicis, nam in speculatiuis pro obiecto assignatur, genus aliquod, cuius species, principia, partes, proprietates explicantur. Sic Physicæ obiectum est corpus naturale, cuius species sunt, corpus simplex & mixtum. principia, materia & Forma. Passiones, Quantitas, Motus, Tempus, Locus. In practicis autem pro obiecto assignatur opus aliquod, circa quod efficiendum vel dirigendum scientia illa versatur. Et quidem si sit opus ab actione distinctum, tunc opus illud externum assignatur pro obiecto. Sic obiectum artis statuariæ est statua; frænfactoriæ frænum, ædificatoriæ domus. Si verò præter actionem non sit aliud opus externum, tunc ipsa actio, quæ dirigitur & perficitur, statuitur pro obiecto scientiæ; vt Musicæ obiectum cantus; artis cytharizandi cytharæ pulsatio: sic philosophiæ moralis obiectum sunt actiones humanæ secundum virtutem agibiles, in his enim actio subiecit vicem operis; actio enim ipsa est, quæ dirigitur, efformatur, perficitur. Ex harum autem scientiarum numero est etiam Logica. Nam sicut aliæ scientiæ alias actiones hominis efformandas & perficiendas sibi

Obiectum scientiæ practicæ est opus.

sumpserunt; artes quidem actiones externas, scientiæ verò morales, actiones internas voluntatis, ita Logica sumpfit sibi dirigendas ac perficiendas actiones intellectus, ad hunc finem vt rectæ fiant, & sine vitio ac errore; quocirca tradit varios modos res concipiendi, componendi inter se, definiendi, diuidendi, argumentandi, ex quo fit, vt communiter pro obiecto Logicæ statuatur, tres intellectus operationes, quatenus dirigibiles. Quanquam enim aliqui diuersa verborum forms in assignando obiecto vtantur; alij enim instrumentum sciendi, vel cognoscendi, alij Ens rationis, vt instrumentum sciendi, vel vt directiuum operationum intellectus, omnes tamen in re conuenire videntur, quòd Logica in nil aliud incumbat, nisi in directionem operationum intellectus. Pro cuius maiori explicatione.

*Res omnes remota
motum duntaxat
sunt obiectum
Logicæ.*

Dico primò. Obiectum Logicæ proximum non esse res omnes, vt quidam voluerunt, sed actiones nostræ mentis. Ratio est, quia Logica proximè circa actiones mentis occupatur, vt eas dirigat, tradendo modos & formas, definiendi, diuidendi, argumētandi. Remotè tamen potest dici versari circa res omnes; quia enim versatur circa mentis actiones, quæ rebus omnibus applicari possunt, ex consequenti ipsa quoque mediante suo obiecto immediato & proximo, versabitur circa res omnes. Est etiam pars quædam Logicæ, cuius est de rebus omnibus probabiliter ex locis communibus disputare: quo sensu sæpe Aristoteles dixit Logicam æquè ac Metaphysicam de omnibus rebus tractare.

Dico secundò. Non rectè assignari pro obiecto Logicæ vnā aliquam operationem intellectus, ad quam ceteræ referantur: quare neque Argumentatio, vt
vult

vult Albertus, neque Syllogismus, vt vult Scotus, neque Demonstratio vt Græci volunt, est adæquatum Logicæ obiectum. Ratio est; quia Logica æquè dirigit omnes tres operationes, cum singulae suos defectus & vitia habeant, & singulari directione indigeant, Ergo æquè omnes ad obiectum Logicæ spectant. Deinde dirigibilitas primò & per se conuenit operationi vt operatio est, non vt est prima, vel secunda, vel tertia, Ergo operatio dirigibilis in communi statuenda est pro obiecto.

Quod si dicas primam & secundam operationem tertiam contineri (tertia enim componitur ex secunda & prima, hoc est ex propositionibus & terminis.) Respondeo, primam & secundam operationem non solum esse dirigibilem in ordine ad tertiam, sed etiam absolutè & secundum se: nam cognitio nostra aliquando sistit in nuda rei apprehensione, vt est cognitio definitiua, vel si apprehendam quid per modum generis vel speciei, per modum vniuersalis vel singularis, non procedendo ad alium discursum. Aliquando in simplici iudicio de re, vt accidit in propositionibus per se notis, vt quòd totum maius sit sua parte, De quolibet verum sit affirmare vel negare. Quare cum tales cognitiones per se sine independentes à tertia operatione, æquè ac tertia operatio spectant ad obiectum Logicæ, & directionem Logicam. Deinde etsi prima & secunda operatio seruiat tertiæ, tamen hoc illi est per accidens: nam etiamsi non esset possibilis operatio tertia, tamen adhuc prima & secunda operatio esset, & dirigi per se posset: habet enim proprios defectus & vitia, & ex consequenti propriam directionem. Terminis etiam simplicibus qui

Prima & secunda operatio non solum est dirigibilis à Logica in ordine ad tertiam sed etiam secundum se.

in prima operatione apprehenduntur, per accidens est esse in Syllogismo. nam in Syllogismo spectantur, ut habent rationem maioris, minoris, vel medii termini, extra Syllogismum verò secundum se considerantur, ut sunt apprehensiones rerum, sub talibus rationibus & modis, verbi gratia, sub ratione generis, speciei, vniuersalis, singularis, &c. quæ apprehensiones secundum se sunt independentes à Syllogismo, neque qui eas facit, necesse est, ut de Syllogismo cogitet.

Prima & secunda operatio non ordinatur ex natura sua ad tertiam.

At inquires. Primam operationem ex natura sua ordinari ad tertiam, tum quia ex se apta est constituere tertiam, tum quia imperfecta ordinantur ad perfectam, partes ad totum. Respondeo, illa propriè ordinari ex natura sua ad alia, quæ naturam habent imperfectam, & sine alio insufficientem ad subsistendum, ut sunt partes substantiales, materia & forma, quæ ex natura sua sunt partes compositi naturalis, & sine illo non subsistunt: at tam prima quàm secunda operatio subsistit sine tertia, ergo per accidens est pars tertiæ, sicut ligna & lapides per accidens sunt partes domus, quæ ex illis conficitur, cum extra domum subsistant. Habent etiam in suo genere naturam perfectam, ut patet de definitione & propositionibus de se notis. Quod si aliquando apprehensiones sint imperfectæ, illa imperfectio est accidentalis, non essentialis, quia non est omnino clara, & evidens rei apprehensio, quales imperfectiones sunt etiam in ipsa tertia operatione. Maior enim vel minor euidencia non facit discrimen essentialis, sed accidentalium.

Dico tertio. Obiectum Logicæ esse operationes intellectus, quæ dirigibiles. Ita S. Thomas initio Perihermenias. Ocham initio suæ Logicæ. Ægydius 1. poster.

poster. tex. 27. Ratio est: quia cum Logica sit scientia, dirigens operationes intellectus, propria materia, circa quā versatur erūt operationes intellectus: nā & propter eas est inuenta, & nullā aliam materiā habet proximam circa quam versetur, versatur autem circa operationes intellectus non alia ratione nisi eas dirigendo, Ergo sufficienter assignantur pro obiecto Logicæ operationes vt dirigibiles; nam & si multa sint in Logica directiua, non dirigibilia, tamen illa tanquam media directionis ordinantur ad operationes vt dirigantur.

Notandum igitur est primò, nos non assignare pro obiecto tres operationes intellectus, sed in communi operationes intellectus. nam tres operationes sunt species obiecti Logicæ, non autem ipsum obiectum: obiectum enim scientiæ debet assignari genus aliquod, cuius species, principia, proprietates in illa scientia explicentur, tale genus in Logica sunt operationes in communi; nam licet ad tres operationes omnia quæ ab illis pendent, reuocantur; tamen etiam ipsæ habent quid superius ad quod reuocentur, tanquam species ad suum genus, nempe operationes intellectus in communi.

Quod si obiciat, primam operationem non esse dirigibilem, & ex consequenti non ponendam in numero aliarum operationum dirigibilium: est enim, prima operatio simplex apprehensio, in simplici autem apprehensione, nec est veritas, nec falsitas, nec proinde nec error, vbi autem error non est, ibi ac directio locum habet. Respondeo, vt concedamus in prima operatione non esse falsitatem, & errorem, de quo disputatione tertia, quæstione quinta dicitur, sunt tamen alia vitia & defectus, qui tolli per directionem Logicam debent. Magnum enim vitium apprehensionis

Prima operatio est obnoxia quibusdam vitiis quæ à Logica tolluntur.

est confusio, ab hoc autem confuso modo apprehendendi liberat nos Logica, tradendo rectos apprehendendi modos, per modum generis, speciei, &c. applicando singulorum definitiones & regulas.

Notandum est secundò pro formali obiecto assignari dirigibilitatem. Dicit autem dirigibilitas respectum quendam conformitatis ad regulas Logicas, secundum quas rectæ effici possunt operationes intellectus, ita enim accidit in Logica, sicut in aliquibus artibus, quæ ad efficienda sua opera utuntur formis quibusdam extrinsecis, & quasi exemplaribus operum, ad quæ deinde sua opera accommodant. Sic in arte fusoria efficiuntur formæ quædam ex luto, vel alia materia, in quas infunditur æs vel stannum, ut efficiatur statua vel campana, vel aliud opus rectum. Ita igitur in Logica, cum ob naturalem conditionem intellectus nostri, res obscure & imperfectè concipiamus, scire non possumus, an rectè vel non, res cognouerimus, nisi adhibeamus formas quasdam & normas rectè apprehendendi, definiendi, diuidendi, argumentandi, secundum quas intellectiones nostras examinamus, & expendimus, ut si sint illis conformes, rectæ, sin minus, vitiosæ censendæ sint, hæ autem formæ sunt vel præcepta Logica de modis cognoscendi, vel formæ seu ideæ & simulachra operationum, quæ nihil aliud sunt, quam operationes ipsæ in abstracto, abstrahentes ab omni materia particulari, ut sunt formæ Syllogismorum, definitionum, diuisionum.

Duo igitur hîc consideranda sunt. Primò reëtitudo ipsa intrinseca operationum, quæ est modus quidam earum physicus, secundum quem fiunt ab intellectu, & naturali facultate ipsius. Secundò reëtitudo
Logi-

Logica, quæ est illa ipsa rectitudo ut facta iuxta formas & regulas Logicas. Directio verò operationum est conformatio operationum ad normam & regulam Logicam. Rectitudo enim physica operationum, quatenus inducitur per potentiam physicam, hoc est per naturalem facultatem intellectus, & actione physica, à physicis principiis procedente, est considerationis physica, & dicitur directio physica; quia est proprietas rei physica, & effectus actionis physica; eadem verò rectitudo physica quatenus inducitur per præcepta Logica, & ad normam & formam Logicam, est considerationis Logica, & dicitur directio Logica, ita ut rectitudo physica secundum se sit physica considerationis, secundum conformitatem verò cum præceptis Logica, sit considerationis Logica, eamque conformitatem seu conformationem, designat dirigibilitas, quæ ponitur pro obiecto formali Logica.

Rectitudo Physica quatenus inducitur in operationes per præcepta logica est Logica considerationis.

Et quidem in iis actionibus quas intellectus noster, perfectas efficit, ut sunt iudicia & discursus lumine naturali noti, non eget rectitudine Logica, sed physice tantum facit rectas suas operationes, at in aliis omnibus iudiciis & discursibus, qui non sunt lumine naturali noti, eget directione Logica, seu conformatione actionum suarum cum regulis & formis Logicis. Ex quo patet rectitudinem physicam operationum, solum accidentaliter & extrinsecè dependere à rectitudine Logica.

Potest autem id aliis quoque exemplis illustrari. Idem enim opus potest produci & à natura & ab arte, & quatenus à natura producitur, erit naturale & physicum, quatenus à arte, erit artificiale; ut patet in auro naturali, & arte chymica facto. Aut si Deus infunderet intellectui nostro

nostro lumen aut species perfectas, per quas sine regulis Logicis faceret suas operationes rectas, earum operationes essent eiusdem rationis cum istis, quæ sunt rectæ ex arte Logica, & tamen essent rectæ solum naturaliter & physicè quia in sui effectione non dependerent à formis & regulis Logicæ. Itaque eadem rectitudo operationum est & naturalis & artificialis, naturalis secundum se, artificialis per respectum ad formas, & regulas Logicas. quod idem in omnib. etiam aliis operibus artificialibus accidit, nam omnes artes inducunt in materiam formam aliquam physicam, quæ est accidens secundum se physicum, verbi gratia, figura arcæ vel scamni, verum ea figura dicitur artificialis, quatenus inducitur per principia & regulas artis, quæ denominatio (ut patet) est mera extrinseca.

Rectitudo operationum logicæ activè sumpta dicit præcepta logica.

Notandum est tertio, quid sit rectitudo Logica, & quomodo se habeat ad obiectum Logicæ. Et quidem in communi definiri potest rectitudo arte facta; rectitudo enim quæ inducitur per artem & præcepta Logica, est rectitudo Logica. Porro si activè sumatur, dicitur præcepta Logica, & formas Logicæ operationum quibus diriguntur operationes, si verò passivè sumatur, dicitur rectitudinem operationum conformem præceptis & formis Logicis, seu ut directam per artem & præcepta Logica. Rectitudo ergo primo modo sumpta non pertinet ad obiectum formale Logicæ, quia præcepta Logica, & formæ operationum habent se extrinsecè ad operationes dirigibiles, per modum enim causæ efficientis efficiunt rectas operationes, unde sunt causa, quædam extrinseca obiecti Logici: si verò sumatur secundo modo, tunc præcepta & formæ Logicæ non pertinent ad obiectum, ut ratio formalis obiecti, vel ut pars ratio-

Passivè verò sumpta dicitur rectitudinem operationum conformem præceptis logicis.

rationis formalis, sed vt quid essentialiter connotatum à ratione formali, seu tanquam id per ordinem ad quod sumitur ratio formalis, nam rectitudo operationum, non nisi, vt conformiter fit ad regulas & formas Logicas, est obiectum formale Logicæ, & per hunc respectum ad formam Logicam: per hanc enim connotationem & respectum rectitudo illa fit Logica, nempe quia fit & inducitur per regulas Logicas. Ratio ergo formalis obiecti Logicæ est rectitudo illa operationum intrinseca quatenus est talis per respectum ad regulas Logicas.

Rectitudo passiva non activa sumpta est ratio formalis obiecti Logicæ.

Quod si obiicias, operationes vt substat regulis Logicis sunt obiectum formale, Ergo regulæ ipsæ sunt ratio formalis obiecti. Respondeo, operationes non substat regulis Logicis tanquam rationi formali obiecti, sed tanquam principiis efficientibus directionem. Quod si in istis, Logicam considerare formas operationum, nempe formam definitionis, Syllogismi, diuisionis, ergo formæ Logicæ sunt obiecta Logicæ. Respondeo, formas Logicas considerari in Logica, vt instrumentum & media, & causas efficientes directionis obiecti Logici, vnde referuntur ad obiectum Logicæ extrinsecè per modum causæ efficientis.

Operationes non substantivæ seu regulæ logicæ nisi tanquam principia efficiunt.

Ex quibus patet rectitudinem passiuam non actiuam pertinere ad obiectum formale Logicæ, quod etiam indicat ipsum nomen dirigibilitatis, quod significat directionem passiuam, nam actiua directio spectat ad operationes dirigentes, passiuæ ad dirigibiles. Obiectum autem Logicæ non sunt operationes dirigentes, sed dirigibiles. Secundò directio actiua in Logica ordinatur ad passiuam, tanquàm, medium ad finem, causa ad effectum, ratio autem formalis obiecti est illa, ad quam cæ-

tera ordinantur, ipsa verò non ordinatur ad alia. Tertiò, in scientiis dirigentibus pro obiecto statui debet id quod dirigitur, non id quod dirigit, vt patet tum inductione, tum ratione; inductio est in omnib. artibus, nam obiectum artis statuariæ, non est forma illa ficta statui, per quam statua efficitur, neq; alia instrumenta ad statuum efficiendam, sed statua formabilis per artem; obiectum medicinæ non sunt pharmaca inducentia sanitatem, sed corpus sanabile per artem, &c. Ratio verò est, quia id quod dirigit, ordinatur ad id quod dirigitur per modum causæ efficientis, vel instrumentalis, quocirca ipsum non est obiectum, sed ordinatur ad obiectum; pari ergo ratione in Logica modi & formæ Logicæ sunt id quod dirigit operationes intellectus, non quod dirigitur, non igitur sunt obiectum Logicæ, sed quid ordinatum ad obiectum Logicæ.

Sed obiicies Primò. Operationes intellectus secundum omnem considerationem sunt obiectum Physicæ; ergò nullo modo statui possunt obiectum Logicæ. Antecedens probatur. nam in primis quoad substantiam, sunt entia physica, sunt enim actus animæ rationalis quæ est forma physica. deinde quoad rectitudinem sunt quid physicum, quia rectitudo illa est modus quidam, & accidens physicum operationum: effectio verò operationum est etiam physica, quia fit virtute physica, & naturali intellectus; nam etiam tunc cum fiunt ex directione Logica, physicè fiunt ab intellectu, sicut & aliæ operationes non directæ à Logica.

Respondeo, substantiam & rectitudinem, & effectiorem operationum esse physicam secundum se, nihilominus ars & præcepta Logica non sunt principium rectitudinis physicum, sed inuentum ab intellectu, patet hoc in omnibus artefactis. nam in arca non solum

*Operationes
Intellectus quo-
modo ad Phy-
sicam spectent.*

mare-

materia est physica, sed & forma arcæ, & effectio arcæ, quæ fit per potentiam, & vires physicas artificis, nihilominus ut hæc figura procedit ex principiis & directione artis est artificiata, cum hoc modo procedere ab arte, non sit illi naturale, sed ab intellectu excogitatum, & inventum, & secundum hoc pertinet arca non ad physicam scientiam, sed ad artem fabrilem.

Obiicies Secundò. Potius operationes directæ statuendæ sunt pro obiecto Logicæ, quàm operationes dirigibiles; tum quia operationes dirigibiles ordinantur ad directas, tanquam ad finem, idè enim diriguntur, ut fiant rectæ, id autem statui debet pro obiecto, ad quod alia reuocantur; tum quia obiectum debet significari perfecto modo, non imperfecto, operationes autem dirigibiles sunt imperfectæ quoad rectitudinem, rectæ autem sunt perfectæ; tum quia artis ædificatoriæ obiectum non statuitur domus ædificabilis, sed domus absolutè. Denique operationes rectæ & dirigibiles conueniunt in vna ratione formali, quia sunt tales per regulas & formas Logicas: Ergo utraque pertinent ad Logicam, quia pertinent ad vnâ rationem formalem obiecti, vel ergo pertinent æquè immediatè, vel vna reducetur ad aliam: si primùm, obiectum Logicæ non erunt operationes dirigibiles, sed aliquid superius, complectens tam dirigibiles, quàm directas: si secundum, cum rectæ non reducuntur ad dirigibiles, sed dirigibiles ad directas, statuendæ erunt pro obiecto Logicæ operationes rectæ.

Respondeo. Cum Logica sit essentialiter habitus directivus inuētus propter operationes dirigendas, nō propter directas, rectè statui pro ei⁹ obiecto operationes dirigibiles, nō verò directas. Vnde ad primā probationē dico, operationes dirigibiles ordinari ad rectas, tanq̃ ad fi-

Operationes dirigibiles ordinantur ad rectas & ad finem secundarium.

*Operationes
dirigibiles ordi-
nantur ad re-
ctas & ad finē
secundarium.*

nem cōsecutiuum & secundariū. Logica. n. Docens pri-
mò & per se intendit formare & tradere modos dirigē-
darum operationum, per quos possint fieri rectę, quo-
circa considerat illas vt fiunt, nō vt factę sunt rectę, hoc
enim deinde sequitur vt effectus directionis. Ad secun-
dam: obiectum debet significari perfectō modo, qui ta-
men sit conueniens illi scientiæ; atqui operationes re-
ctę, non sunt conueniens obiectum Logicę, sed ope-
rationes dirigibiles: quia vt dictū est Logica inuenta est
ad dirigendas operationes, non ad contemplandas iam
directas, nisi consequenter, vt etiam in omnibus artibus
accidit. Ad terciā: etiam obiectum artis ædificatorię est
domus ædificāda nō domus absolutē. Ad quartā. utręq;
operationes pertinent ad obiectum Logicę, sed dirigi-
biles primariò, & immediatē, quia propter eas inuenta
est Logica, rectę verò secundariò & consequēter quatenus
eandē regulę & formę Logicę, q̄ erāt in opationib. cū
dirigerentur, spectari etiā possunt in factis iā & directis.

Et ex dictis sequitur pro obiecto Logicę non affi-
gnandas esse operationes, quę diriguntur, aut quę sunt
iam directę, sed quę sunt dirigibiles: quia finis &
officiū propriū Logicę est, tradere modos & for-
mas efficiendarum seu dirigendarum operationum, vt
per eos dirigi possint, applicare autem actu hos modos
& formas operationibus, & vti illis, non est Logicę do-
centis, sed vtentis. Quocirca obiectum Logicę do-
centis non sunt operationes, quę diriguntur, vel dire-
ctę sunt, quia actualis directio ad vsum Logicę, non
ad doctrinam spectat, estq; effectus quidam & finis Lo-
gicę secundarius.

*An operationes
rectę in cōmu-
ni sint obiectū
Logicę?*

Sed restat difficultas. An saltem operationes rectę in
communi, abstrahendo à dirigibilibus & directis, à fieri
& facto esse, possint statui pro obiecto Logicę: ita enim
vide-

videtur quibusdam recentioribus. Primò, quia obiectum scientiæ debet esse quid commune omnibus, quæ tractantur in scientia. Atqui in Logica tractatur tam de dirigibilibus, quàm de directis operationibus. Ergo obiectum Logicæ debet vtrumq; comprehendere, & esse veluti genus ad vtrumq;: tales sunt operationes rectæ in communi. Minor patet. quia per easdē regulas, per quas Logicus cognoscit operationem hoc vel illo modo dirigibilem aut dirigendam, cognoscit etiam fuisse bene directam, vtpote conformem iisdem regulis Logicis. Secundò, quia operationes rectæ in communi, vt abstrahunt à dirigibilibus & directis, sunt considerationis Logicæ, siquidem à consideratione Logica, quam participant, dicuntur rectæ. Sicut enim operationes dirigibiles ideò sunt cōsiderationis Logicæ, quia substant rectitudini Logicæ, ita & operationes rectæ in communi, quia à rectitudine Logica dicuntur rectæ, sunt considerationis Logicæ. Porro secundum leges obiecti non genus debet reduci ad speciem tanquam ad obiectum, sed species ad genus, vt author est Aristoteles 1. poster: Ergo non operationes rectæ in communi reduci debent ad dirigibiles tanquam ad obiectum, sed contra dirigibiles ad rectas, sicut species ad genus, pro obiecto enim statuendum est summum aliquod genus scibile habens sub se species. Tertiò explicari & probari id potest exemplo caloris. sicut enim aliud est calorem esse, aliud fieri, aliud factū esse, ita & aliud est operationem esse rectam, aliud dirigibilem, aliud directam; & sicut calor absolutè non reducitur ad calorem in fieri, sed contra, ita operatio recta non est reducenda ad dirigibilem, sed è conuerso. Ex quo sequitur operationes dirigibiles esse vnā tantum speciem obiecti Logicæ, non verò totum, & adæquatum obiectum.

Habitus directiui obiectum adaequatum est dirigibile.

Verum hæc opinio non est admittenda. Primò, quia habitus directiui obiectum adaequatum est dirigibile, cum ergo Logica sit habitus obiecti directiuius, eius obiectum adaequatum erit dirigibile. Antecedens probò primò inductione. Etenim intellectiui obiectum adaequatum est intelligibile, visui visibile, motui mobile, calefactiui calefactibile. Ergo & directiui dirigibile. Deinde habitus practici obiectum adaequatum est agibile vel factibile. Si enim habitus sit actiuius, versatur circa agibile, si factiuius circa factibile, ut passim docet Aristoteles 6. Ethic. cum ergo habitus intellectiuius sit practicus, vel quasi practicus, necesse est eius obiectum adaequatum esse dirigibile, & sicut habitus actiui obiectum non est commune agibili & actò, sed agibile tantum, ita & habitus directiui obiectum, non est directò, vel quid commune dirigibili & directò, sed tantum dirigibile. Adhæc habitus denominatur à suo obiecto, practicus à practico obiecto. Atqui obiectum non est practicum nisi ut substat praxi, seu ut est operabile. Ergo omnis habitus practici obiectum est operabile, hoc est agibile vel factibile, quomodo etiam Aristoteles 6. Ethic. & alibi assignat obiecta habitibus practicis, v. g. Agibile, factibile, eligibile. Similiter & fines eorundem habituum assignat actionem vel factionem. Si igitur proportionaliter de Logica est loquendum, assignari illi debet pro obiecto dirigibile, non rectum in communi.

Et sanè cum in omnibus artibus possit considerari & rectitudo in communi, & rectitudo inducibilis, & rectitudo inducta, nusquam tamen Aristoteles aut quispian alius assignauit arti pro obiecto rectum in communi, sed factibile, quod planè ostendit istorum sententiam,

tiam, esse sententiæ & doctrinæ Aristotelis minùs conformem.

Responderi potest Primò. Praxim esse quidem obiectum formale habitus practici, sed non nisi ut illa praxis rectè vel secus fieri potest: cum igitur secundum rectitudinem tripliciter considerari possit, primò ut rectè sit, secundò ut rectè facta est, tertio absolute ut recta, hac solùm ratione tertiâ est adæquatum obiectum habitus practici, sub aliis verò rationibus particularibus, nempe ut sit, vel ut facta est, est inadæquatum & particulare obiectum eiusdem habitus. Sed hæc responsio & Aristoteli & rationi repugnat. Non enim Aristoteles ignorebat, has tres considerationes, & tamen nusquâ assignavit pro obiecto habitus practici rectum in communi, sed tantum agibile vel factibile. Deinde aliud est istas tres considerationes posse fieri absolute, aliud eas fieri ab habitu operatio & practico. Habitus enim operativus & practicus pro fine proximo & adæquato habet operationem, hoc est actionem vel factionem, non verò considerationem rerum actarum vel factarum. Quocirca ad habitum practicum per se solùm spectat actio vel factio, consideratio verò rerum actarum vel factarum, vel consideratio rectitudinis in communi, non per se, sed consecutiue & reduciue, ac per quandam intentionem spectat ad habitum practicum, ut mox dicam.

Responderi potest secundò. Negando Logicum habitum esse essentialiter directivum, sed rectum; hoc est, cognoscitivum rectitudinis Logicæ, siue in ordine ad directionem faciendam, siue post directionem iam factam. Et sanè meo iudicio nihil magis consequenter respondere possunt isti authores pro dicta sententiâ.

Verum

Verum neq; hæc responsio admitti potest. Primò, quia evertit receptam definitionem Logicæ, quæ est esse habitum directiuum operationũ intellectus, & cum aliam essentiam isti Logicæ tribuant, quàm communiter tribuatur, fit vt non de eadem Logica loquatur, de qua est controuersia, sed de quadam alia à se conficta. Secundo evertit omnem doctrinam Aristotelis & Peripateticorum de obiecto habituum practicum, omnes enim obiectum habitus practici constituunt agibile vel factibile, non actum aut factum, vel commune actio & factio, agibili & factibili. Tertiò si Logicæ assignandum est obiectum rectum non dirigibile, pari ratione arti & prudentiæ, & omnibus habitibus practicis assignandum esset obiectum rectũ abstrahendo ab agibili & factibili, essentq; mutandę definitiones habituum practicum, neq; definiendi essent Habitus cum vera ratione actiui vel factiui, vt definiuit Aristoteles 6. Ethic: sed habitus recti abstrahendo ab actiuo & factiuo, ita vt in ordine ad rectitudinem in communi, non verò in ordine ad actionem & factionem definiendi essent: quod esset omnia perturbare. Ex quo patet rectitudinem in communi posse quidem abstrahi à directione actiua & passiuâ, non tamen posse assignari pro obiecto habitus practici: non enim rectitudo in communi est obiectum habitus practici, sed rectè agibile vel factibile, neq; habitus practicus considerat, rectitudinem in abstracto, sed practicam, id est, in opere ponendam vel ponibilem.

*Rectitudo in
communi non
potest assignari
pro obiecto Ha-
bitus practici.*

Secunda ratio propter quam admitti non debet hæc sententia est, quia finis & obiectum in practicis coincidunt ex communi sententia. Distinguit enim Aristoteles practicum & speculatiuum, ex fine: speculatiui enim

enim finis est veritas practici opus, seu actio vel factio, qui etiã fines sunt simul obiecta tam speculativi, quàm practici. Cùm igitur habitus directivus sit practicus, vel quasi practicus, finis eius erit actio vel factio, seu directio operationum, ac ex consequenti directio per modum actionis erit planè formale obiectum habitus directivi, non igitur rectè statuitur obiectum abstrahès à directione.

Quod si obiicias Aristotelem docere r. magn. moral. c. ult. in habitu actiuo nō esse alium finem, præter actionem, in factiuo verò præter factionem dari alium finem, nempe opus effectum per factionem, vt est domus post ædificationem relicta. Respondeo, habituum factiuorum finem non esse efficere nudam factionem, sed opus permanens post factionem, verum illud opus non est finis, nisi mediante factione, & quatenus ex factione sequitur, & sic non repugnat præter factionem dari finem alium à factione distinctum, qui tamen sit factionis effectus, & quatenus ex factione consequitur spectet ad habitum factiuum. Quare domus vt domus est finis habitus practici vt factionem consequitur, & est subordinatus factioni, tanquam proximo & principali fini, is enim ex quo alii dependent & consequuntur, dicitur principalis finis. Talis finis artis v.g. ædificandi est ædificatio, in hoc enim consequendo totum laborem & artificium suum ponit, eoq; acquisito consequuntur sine alio nouo artificio & labore artis, alii fines, nempe habitatio, vel lucrum, &c. quanquam Logica cùm non relinquat opus post se, non habet talem finem, qui sit à directione distinctus.

Tertia ratio. Quia operationes directæ non sunt *Operationes
restæ non per se
sed reductiue
sunt obiectum
& Logica.* per se & primarium obiectum Logicæ, sed reductiue

& secundariò. Primò, quia circa operationes directas non habet Logica actû nisi reflexû, quo cognoscit illas operationes rectè à se factas fuisse. Cùm igit solus actus directus circa obiectû per se & primariò spectet ad quilibet habitû, actus verò reflexus non nisi per accidens & secundariò, consequens est etiam obiectû actus reflexi per accidens & secundariò spectare ad habitum Logicû, proinde non debere poni vt speciem obiecti Logici, sed vt quid reductiuè se habens ad obiectum. Confirmatur. Quia habitus directus & reflexus sunt distincti specie, cùm habeant distincta specie obiecta. nam directi obiectum est res quæ cognoscitur, reflexi obiectum est ipsa cognitio rei. vnde habitus directus per se ipsum & per suos actus non potest reflectere se, sed per alium habitû adiunctum, ac proinde per accidens, vt docetur in libris de Anima. Deinde nulla scientia per se loquendo habet pro obiecto suo seipsam, & actus suos, sed tantû obiecta suorum actuum, Ergo nec ad Logicam per se spectat reflectere se supra suos actus, hoc. n. esset habere seipsam pro obiecto. Quocirca & Aristoteles 1. phys. t. 8. negat scientiam particularem probare posse principia sui obiecti, sed id vel ad alteram scientiam vel ad communem spectare, communem intelligêdo Logicâ vel Metaphysicam, quæ habent obiecta vniuersalissima, sub quibus obiecta aliarû scientiarum particulariû cõprehenduntur. Quare scientiis particularib⁹ negat Aristoteles hos actus reflexos. Tertiò, operationes nō cognoscuntur esse rectè factæ, nisi per ordinem ad directionē præcedentem. quia. n. domus dū fieret, rectè & secundum regulas artis fiebat, idcirco etiam postquā facta est dicitur recta, neq; ad id nouo artificio opus est, sed solû extensione artis, quæ est de directione, cùm ergo per accidens sit scientiâ extendi & applicari ad opus iam factû, fit vt per accidens

etiam

*Nulla scientia
habet pro obie-
cto seipsam.*

etiam spectet ad Logicam consideratio operationū directarum, per se verò solū spectet directio ipsarum, in fieri. Nam vt dictum est, cognoscuntur esse rectè factæ, per illam eandem scientiam, quæ est de directione, extensam & applicatam ad opus factum. Quartò, id quod cōsequitur ad aliq. obiectū, nō ponitur per se pro obiecto principali, neq; tanq̃ species illius obiecti, sed reducitur ad obiectū, vt quid cōsequens ad ipsum. Sic proprietates physicæ non statuuntur pro obiecto physicæ, nec enim sunt corpus naturale, aut species illius, sed reducūtur vt proprietates consequentes corpus naturale, cū igitur esse directum consequatur ad directionem, sicut factum esse ad fieri, actio enim est quodammodo causa sui termini, qui per eam fit, operationes directæ non debent poni tanquā obiectum per se Logicæ, sed reduci debent vt quid consequens ad obiectum.

Ad primū argumētum primæ sententiæ Respondeo. Operationes directas nō spectare per se ad obiectū Logicæ, sed consecutiue & reductiue vt dixi, tum quia cōsequuntur ad directionem, tum quia non alia scientia sciuntur præterquam scientia de directione, extensa & ipsi applicata, non ergo possunt spectare tanquam species obiecti, distinctæ enim species obiecti fundant distinctas species scientias, directæ autē operationes sciuntur per eandē scientiam quæ est de dirigibilibus. Cū verò dicitur obiectum scientiæ comprehendere omnia quæ tractantur in illa scientia, distinguendū est de modo cōprehēdendi: quædam enim per se comprehenduntur, vt sunt species obiecti, de quibus obiectū in Quid prædicatur, quædam verò consecutiue, vt sunt ea quæ consequuntur ad obiectū, nec sunt idem cum ipso, vt sunt affectiones & proprietates obiecti, quo etiam modo opera-

operationes vt directæ, sunt quid consequens ad directionem, & effectus quasi quidam directionis.

*Logicæ reſtitu-
tionem practicè
conſiderat.*

Ad Secundum respondeo. Reſtitutionem in communi abſtrahentem à fieri & factò eſſe non eſſe per ſe conſiderationis Logicæ, ſed reduciuè; quia Logicus non quocunq; modo conſiderat reſtitutionem, ſed practicè, vel quaſi practicè, hoc eſt vt factibilem, & inducibilem in operationes, idq; Logicæ commune eſt cum omnibus habitibus practicis, qui nō habent pro obiecto reſtitutionem in communi, ſed reſtitutionem agibilem vel factibilem. Pertinet igitur reſtitutio illa ad Logicā per modum principii conſtituentis obiectum Logicæ, verè enim reſtitutio illa vt ſubiicitur praxi vel operationi intrat & conſtituit obiectum formale Logicæ. Dicimus autem reſtitutionem in communi abſtrahere à fieri & factò eſſe, non ea abſtractione, qua genus abſtrahit à ſpeciebus, reſtitutio enim in fieri & in factò eſſe, eſt vna & eadem ſpecie, ſed eſt abſtractio rei à modis, ad eum modum quo abſtrahimus calorem à fieri & factò eſſe, non tanquam genus à ſpeciebus, ſed tanquam eandem rem à ſuis modis accidentalibus.

Ad Tertium. Secundum diuerſas conſiderationes poteſt vnum reduci ad aliud, & illud aliud reduci ad ipſum. Reſtitutio ergo ſi conſideretur vt res quædam, & fieri ac factum eſſe vt modi quidam ipſius, ſic fieri & factum eſſe reducuntur ad reſtitutionem, vt modi ad rem cuius ſunt modi, ſi verò conſideretur reſtitutio in ordine ad obiectum practicum conſtituendum, ſic reſtitutio reducitur ad operationes dirigibiles per modum principii formalis illas conſtituentis in ratione obiecti practici, vel quaſi practici, reſtitutio enim vt factibilis eſt obiectum practicum.

Noto

Noto autem, in iis actionibus, in quibus relinquitur opus aliquod post actionem, distinguere esse fieri & factum esse, ut patet in calore, qui habet suum esse, extra fieri & factum esse, & in domo cuius esse manet transacta ædificatione. At in iis actionibus quæ non relinquunt opus post se, idem est fieri & esse, quia non sunt nisi cum fiunt, & in fieri consistunt: sic esse saltationis est fieri, tunc enim est cum fit, & quando fieri desinit, desinit esse; talis etiam est rectitudo operationum, quæ tunc solum est à parte rei cum fit, sicut & operationes ipsæ in fieri consistunt, & non sunt nisi dum fiunt.

QVÆSTIO II.

An entia rationis sint necessaria ad operationes intellectus dirigendas?

Quidam recentiores entia rationis à tota Logica omnino reiciunt. Si enim ad Logicam pertineret, id esse propterea, quod ad dirigendas operationes intellectus essent necessaria. At non sunt, inquit, necessaria, imò nec utilia, Ergo non spectant ad Logicam. Minorem probant Primò, quia nec Aristoteles, nec veteres illi philosophi, qui de rebus Logicis tractarunt, ullam mentionem entium rationis fecerunt; Recentiores verò plurimi, post accuratam rei discussionem, ea explosunt, & in Logica regulas & præcepta de modis rebus rectè cognoscendi, non de modis à ratione excogitatis tradiderunt.

Secundò, quia quæ in Logica tractantur de proprietatibus rerum, quæ rebus conveniunt ab intellectu, ea non per entia rationis, sed per denominationes extrinsec-

trinsecas, à tali vel tali cognitione, verè & sufficienter explicari possunt, v. gr. esse prædicatum vel subiectum est, denominari ab actu intellectus prædicantis & subiectantis, esse genus vel speciem, est tali vel tali ratione cognosci ab intellectu: quo fit vt non relinquatur locus entibus rationis.

3. Tertiò, quia entia rationis sunt inepta ad dirigèdas operationes intellectus; non enim ideò operatio est recta, quia habet talia entia rationis, sed ideò habet entia rationis debita operationi rectæ, quia ipsa est recta, idque non solum ex natura rei loquendo, sed etiam quoad nos: nos enim non aliunde cognoscimus, entia rationis recta, nisi quia debentur operationi rectæ, & ea postulat operatio recta: prius ergo cognoscimus naturam operationis rectæ, tum inferimus talia entia rationis deberi rectæ operationi, ita vt rectitudo entium rationis, tota pendeat, tam secundum se, quàm secundum nos à rectitudine operationum. quare melius est, vt de rectitudine ipsius operationis secundum se præcepta in Logica dentur, quàm de rectitudine entium rationis.

Quod si quis dicat, sicut rectitudo styli ex rectitudine vmbra cognoscitur, licet rectitudo vmbrae causetur à rectitudine styli, & pendeat ab illa, ita ex rectitudine entium rationis cognoscitur rectitudo operationis. Contra, nunquam potest explicari rectitudo entium rationis, nisi explicetur prius rectitudo operationum verbi gratia, recta propositio est illa, non cuius termini habent relationem prædicati & subiecti, sed in qua tribuitur id, quod rei natura postulat; imò illud si dicatur, debet probari per hoc: ideò enim conuenit terminis rectitudo prædicati & subiecti, quia id natu-
rare-

ta rerum ipsarum postulat, quare non potest rectitudo entium rationis adhiberi ad rectitudinem operationum demonstrandam. Neque exemplum styli & umbræ id probat, nam est magnum discrimen. inter ens rationis & umbram; in umbra enim rectitudo facilius animaduertitur, cum per planum fundatur, quàm in stylo. At rectitudo entium rationis est obscurior, & probari debet per rectitudinem operationum.

Quartò, tam præcepta Logica, quam operationes ipsæ considerantur in Logica sine ullo respectu ad entia rationis, verbi gratia, propositio non definitur, quæ re-
 4.
 ctas habet relationes prædicati & subiecti, sed in quavnum de altero enuntiatur, ita ut natura rerum postulat. Syllogismus etiam non definitur is, ad quem rectæ relationes, maioris, minoris, & medij termini consequuntur, sed in quo quibusdam positis, necesse est aliud evenire.

Ex quibus inferunt verum modum dirigendi operationes intellectus esse, quem tradit Boëtius initio Porphyrij à se translatus: Homines primum advertere ceperunt se aliquando errare, aliquando non, idque adverterunt ex conformitate suorum discursuum, cum experientia rerum sensatarum, & cum consensu aliorum hominum præcipue prudentiorum. Observabant igitur modum quem in suis discursibus tenebant, & quid illis deesset, quos malos comperissent, atque ita notando proprietates boni discursus, & effectus mali, facta est universalis observatio modi & proprietatum boni discursus.

Opposita sententia est aliorum, qui dicunt entia rationis omnino necessaria esse reb⁹ Logicis, & ad operationes intellectus dirigendas, quam sententiâ hætenus
Entia rationis sunt necessaria ad directionem operationum.
 in scho-

in scholis fuisse communem testatur Ruuius in quaestione de obiecto Logica. Pro qua notandum est, eam esse imperfectionem nostri intellectus, vt vix aliquid cognoscamus, nisi sub aliquo modo rationis, hoc est sub aliqua negatione, vel relatione, quæ non nisi per rationem existit, si haberemus cognitionem rerum perfectam, vt Angeli, hoc est adæquatam rebus, ita vt totam rem, & eo modo quo in se est, vno intuitu penetraremus, non essemus ita subditi entibus rationis in cognitione; atquia imperfectè res cognoscimus, hoc est limitatè & inadæquatè, diuidendo vnam rem in multos conceptus, ex hac limitatione conceptuum, prouenit primò, vt res sub certis abstractionibus concipiamus, longè aliter quàm sint in re; quæ enim sunt in re coniuncta, nos per conceptum disiungimus, abstrahendo vnum ab alio, & vnum sine alio considerando, animal, verbi gratia, in homine concipimus, abstrahendo à rationali, licet in re sit idem cum rationali, accidès secundum se in abstracto cogitamus, nihil cogitando de subiecto. Porro hæc abstractio quamuis, vt se tenet ex parte intellectus, est actio realis intellectus, abstrahentis & considerantis vnum sine alio, tamen vt se tenet ex parte obiecti, est ens rationis: obiectum enim abstractum, dicit negationem & exclusionem eorum à quibus abstrahitur, quæ negatio solum per intellectum rebus conuenit, & idcirco est ens rationis.

Intellectus humanus in 2. & 3. operatione concipit secundum habitudinem rationis.

Sequitur secundò, quòd cum intellectus res sic limitatè conceptas coniungit inter se in secunda vel tertia operatione, concipit illas secundum quasdam habitudines, quas vt sic conceptæ & abstractæ habent, nempe sub habitudine prædicati vel subiecti, generis vel speciei, antecedentis vel consequentis, quæ habitudines cum

cum conueniant rebus, non vt existunt in re, sed vt sunt conceptæ ab intellectu, sunt prout dubio rationis, non reales. verbi gratia, cum intellectus vult prædicare animal de homine, non temerè id facit, sed propter habitudinem, quam videt in animali sic concepto & abstracto ad hominem, quæ habitudo est generis & prædicari, cum verò ista habitudo conueniat animali non vt in re existit, sed vt est abstractum per intellectum à singularibus, idcirco non est realis, sed rationis: quæcunque enim conueniunt rei vt est cōcepta ab intellectu, sunt entia rationis. nam quod dicitur ex natura ei conuenire animali, vt possit tribui homini, distinguendum est, animal enim vt concepto per intellectum, non autem, absolute vt est extra intellectum, conuenit vt possit tribui homini, seu ex natura animalis sic concepti & abstracti conuenit ei posse prædicari de homine, quod quid aliud est, quàm animali, vt substat tali modo essendi in intellectu, conuenire vt prædicetur?

Hoc igitur fundamento posito Dico primò. **Entia rationis** esse rebus Logicis necessaria. necessarium enim est Logicæ scire modos concipiendi, sub quibus res concipit & cognoscit intellectus noster; hoc enim, est præcipuum Logicæ obiectum; atqui intellectus noster ob imperfectam & limitatam suam cognoscendi rationem, nihil ferè cognoscit, nisi sub aliquibus modis, vt dictum est: nam limitatè cognoscendo, partim disiungit, quæ sunt in re coniuncta, partim coniungit res sic disiunctè conceptas per prædicationem & illationem. Vterque autem modus est rationis, prior quidem est abstractio, posterior relatio fundata in re, vt concepta est ab intellectu: necessarium ergo est in Logica cognosci entia rationis, ita vt sine

*Necessitas Entium
rationis
in Logica.*

illis nihil præstari in Logica possit. nã & operationes quæ debêt dirigi, propter limitatũ earum modũ cognoscendi, non possunt nisi sub certis modis rationis considerari, & media ad illas dirigendas, hoc est, regulæ Logicæ consistunt in explicatione, & definitione horum modorum rationis. Quare cùm tria sint in qualibet scientia, subiectum de quo fit demonstratio, proprietates quæ demonstrantur de subiecto, causa per quam tales proprietates de tali subiecto demonstrantur, hæc omnia in Logica sub certis modis rationis considerantur. verbi gratia, syllogismus consideratur, vt constat ex terminis certo modo abstractis, & certum inter se respectum habentibus, Prædicati, subiecti, maioris, minoris, medij, antecedentis, consequentis. Hi enim respectus cùm sint respectus rerum conceptarum quatenus conceptæ sunt, sunt respectus rationis. Similiter syllogismus consideratur, quòd sit in modis primæ, secundæ, & tertiæ figuræ, quæ omnia inuoluunt etiam modos rationis. Conclusio etiam dicit habitudinem ad præmissas, quæ habitudo cùm sit respectus rerum sub certis modis rationis conceptarum, ad alias res, sub certis idem modis conceptas, est procul dubio habitudo rationis. Non dico autem conclusionem esse ens rationis (est enim actus realis intellectus concludentis) sed necessario fieri sub certis modis rationis, sub quibus termini tam secundum se, quàm in ordine ad alios terminos concipiuntur. Denique principia syllogismorum sunt illa duo, Dicitur de omni, & Dicitur de nullo, seu principium illud, omne quod prædicatur vel negatur de prædicato, prædicatur vel negatur de omni eo de quo prædicatum illud affirmatur, in quo principio manifestum est considerari modos rationis præ-

prædicandi & subiiciendi. Idem etiam ostendi potest de aliis operationibus intellectus, ut de definitione, quæ ut tractatur à Logico, debet constare ex genere & differentia, habitudo autem generis & differentia conuenit rei, non ut est extra intellectum, sed ut est concepta ab intellectu. In enuntiatione etiam ut à Logico consideratur, debent cōcipi termini sub ratione prædicabili, subiicibili, & sub ratione copulæ, qui modi sunt entia rationis, cum conueniant rebus, non ut sunt à parte rei, sed ut sunt conceptæ ab intellectu.

Dico secundò. Per entia rationis dirigi operationes intellectus. Ratio est, quia operationes intellectus tunc diriguntur, quando explicatur modus debitus operationum, quo fieri debent, atqui modi operationum nostrarum, sunt modi quidam rationis, nempe varij modi abstrahendi & conferendi res abstractas inter se, ergo dum hi modi rationis explicantur in Logica, diriguntur operationes intellectus. Nam quod dicitur modos istos conuenire rebus propter naturam rerum conceptarum, id verum est fundamentaliter, formaliter enim per intellectum conueniunt. Neque verò cum dicimus entia rationis dirigere operationes intellectus, id eo sensu accipimus, ut quicumque conceperit aliquod ens rationis, statim eo ipso cognoscat, quæ sit recta operatio, quod prior sententia dicebat, sed quod, cum omnes operationes nostræ fiant cum certis modis rationis, eas dirigi non possunt, nisi cognoscantur & explicentur illi modi rationis; & in hoc consistit tota necessitas entium rationis ad dirigendas operationes.

Dico terciò. Entia rationis ad Logicam pertinent, quatenus dirigunt operationes intellectus, ad alias verò

scientias aliis modis; ad metaphysicam quidem, ut sunt quædam entia, est enim metaphysicæ proprium ens ut ens considerare, ac ex consequenti omnia entia sub ratione entis. Ad Physicam autem ut ab intellectu fieri possunt.

Soluntur argumenta 1. sententia.

Veteres Philosophi meminerunt entium rationis.

Porro ex his facile est respondere ad argumenta primæ sententiæ. Ad primum. tam Aristotelem, quam omnes philosophos veteres, cum de rebus Logicis tractarent, meminisse entium rationis: adhibuerunt enim semper terminos significantes entia rationis, ut Genus, Speciem, Definitionem, Divisionem, figuras syllogisticas, Prædicatum, subiectum, maiorem, minorem, medium terminum, quæ omnia sunt res conceptæ sub modis rationis. Quod verò ad nomen entis rationis attinet, Aristoteles illud vocat ens in anima, quem sequuntur Græci, Arabes autem, ut Avicenna & Averroës vocant secundas intentiones. Latini communiter vocant entia rationis. Illi verò recentiores qui entia rationis reiecerunt, non accuratè rem considerârunt: negare enim entia rationis, est negare, intellectum cognoscere res sub his modis: qui solum in intellectu existunt, & à parte rei non conveniunt rebus, sed ut conceptæ sunt ab intellectu, quod negare cum absurdum sit, idcirco non nisi absurdissimè entia rationis negari possunt. Deinde negari non potest præcepta Logica esse de modis abstrahendi, & de rerum sic abstractarum diversis inter se habitudinibus Prædicati, subiecti, antecedentis, consequentis, &c. quæ esse entia rationis, patet, quia tales modi conveniunt rebus non ut in se sunt, sed ut conceptæ sunt, & ex vario modo concepiendi oriuntur.

Denominationes ab actu intellectus duplices

Ad secundum respondeo. Denominationes ab actu rationis esse duplices; aliæ sunt, quæ solum fundant,

non

non autem intrinsecè dicunt modos illos rationis, & tales denominationes fieri possunt sine entibus rationis, verbi gratia, esse rem cognitam, volitam, imaginatam, sufficienter intelligimus per denominationem extrinsecam ab actu cognitionis, volitionis, imaginationis, idq; antequam intelligamus relationem cogniti, voliti, imaginati: Licet enim cognitio fundet relationem cogniti, tamen prius est rem cognosci, quàm dicere relationem ad cognoscentem, imò relatio cogniti nisi fuerit apprehensa ab intellectu, non conueniet obiecto cognito formaliter, sed tantum fundamentaliter. Aliæ verò sunt denominationes, in quibus intrinsecè continentur modi quidam rationis, conuenientes rei cognitæ, siue sint negatiui, siue relatiui, vt cum dicitur natura abstrahi, prædicari, subiici: tales igitur denominationes non possunt intelligi sine modis rationis, quia cognitiones à quibus fiunt hæ denominationes, includunt intrinsecè istos modos. Sunt enim hi modi obiecta cognitionum illarum, à quibus fiunt denominationes, & pertinent eo modo ad cognitiones illas, quomodo pertinent specificantia ad actum quem specificant, verbi gratia, denominatur natura abstracta à cognitione, quâ cognosco naturam sine singularibus, huius cognitionis obiectum formale est, modus ille obiectiuus naturæ existentis in intellectu sine singularibus. Licet enim natura illa sic cognita possit denominari abstracta per denominationem extrinsecam, à cognitione quâ cognoscitur esse abstracta, tamen quia obiectum huius cognitionis est modus obiectiuus existēdi in intellectu sine singularibus, idcirco cum denominatione extrinseca inuoluitur simul modus illerationis: & sic non solum entia rationis per tales denominationes non excludun-

cluduntur, sed etiam inferuntur & stabiliuntur magis, siquidem ex cognitione inferitur necessario obiectum talis cognitionis: at modi rationis sunt obiecta talium cognitionum denominantium, ergo ex illis inferuntur necessario tales modi rationis. Idem est dicendum de denominatione vniuersalis, prædicati, subiecti, quia hæ denominationes fiunt à cognitione, cuius obiectum est vniuersalitas, vel habitudo prædicati, aut subiecti, qui sunt modi rationis; similiter de aliis iuxta ea, quæ dicta sunt in disputatione præcedenti.

Ad tertium Respondeo. Rectitudinem operationum pendere ex entibus rationis, siquidem operationes nostræ non fiunt à nobis nisi sub certis modis rationis. Cum autem dicitur prius operationes esse rectas, quàm sint recta entia rationis, negandum id est, quia non datur operatio recta sine entibus rationis; vt enim dictum est, operationes nostræ non efficiuntur à nobis nisi sub certis modis rationis. Vnde falsum etiam est prius nos cognoscere operationem esse rectam, tum deinde entia rationis esse recta; quia operatio illa in se non est recta, nisi cum modis rationis, quare neq; cognoscitur recta nisi cognoscatur recta cum tali modo rationis, sumitur enim cum modo, non sine modo, cum dicitur recta.

*operationes nō
prius sunt recta
quàm recta sint
entia rationis.*

Quod si dicas, rectitudo regularum Logicarum, profecta est ex operationibus rectis; ideo enim statuerunt Logici definitionem constare debere ex genere & differentia, quia ita inuenerunt inductione in definitionibus rectis; ergo prior est rectitudo operationum, quàm entium rationis dirigentium.

Respondeo, verum quidem esse, regulas Logicas, & entia rationis Logica, accepisse suam primam rectitudinem

rudinem ex aliquibus operationibus rectis, quarum nimirum rectitudo erat clarissima & indubitata, at illæ quoq; operationes rectæ non erant sine modis rationis. imò in illis clarissimè illi modi rationis apparebant, & idcirco fuerunt regulæ & exempla aliorum. Porro dupliciter nos possumus cognoscere aliquam operationem esse rectam, Primò à priori ex natura operationis, qui enim cognosceret naturam operationum, cognosceret etiam eo ipso, qui modi rationis, & quæ rectitudo illis conveniat. Secundò à posteriori per regulam extrinsecam: quia enim natura operationum nostrarum nobis ignota est. idcirco ad earum rectitudinē utimur præceptis & regulis Logicis. Quamvis igitur si rerum naturas perfectè cognosceremus, prius cognosceremus operationes rectas, quàm aliquam regulam extrinsecam operationum rectam, tamè quia tali modo res non cognoscimus. prius debet nobis esse nota regula aliqua extrinseca, & eius rectitudo, quàm rectitudo ipsarum operationum, siquidem ex rectitudine regulæ devenimus ad rectitudinem operationum. Et sic à priori quidem verum est idcirco tale ens rationis convenire operationi, quia ita eius natura postulat, à posteriori tamè, & quoad nos talis operatio fit à nobis recta cum tali modo rationis, quia talibus entibus rationis & regulis conformatur, & licet ut regulæ Logicæ applicantur operationibus, debet saltem in confuso cognosci natura operationum, non enim cuilibet operationi applicari possunt, tamen rectitudo tota operationis non ex illa confusa cognitione operationis, sed ex regula ipsa applicata operationi sumitur: in regula enim continentur expressè illi modi, qui inesse debent operationi.

Rectitudo operationum duobus modis cognosci potest.

Ad

*Præcepta logi-
ca de operatio-
nibus sunt sub
modis rationis.*

Ad quartum respondeo. Præcepta Logica esse de operationib⁹ sub certo modo rationis factis, v. g. præcepta definitionis sunt de operatione intellectus concipiēte genus & differētiā rei definitæ. Et quidē conceptio generis, est conceptio naturæ sub modo abstracto, & sub habitudine generica: conceptio itidem differētiæ est conceptio gradus specifici & abstracti ab aliis gradibus, qui modi conceptionum proculdubio sunt entia rationis, cū conueniant rebus vt sunt obiectiue in intellectu. Idem dicendum est de Syllogismo, quem Logicus considerat, vt continet terminos & propositiones sub certis habitudinibus Prædicati, subiecti, maioris, minoris, medii. Antecedentis, consequentis. Quare cū dicitur enunciationem definiri, in qua vnum de altero enunciatur, vt natura rei postulat, respondendum est, in tali definitione, etsi non in actu signato, tamē in actu exercito poni modos rationis: vnum enim de altero enunciatur, intellectu vnum concipiente cum habitudine ad alterum subiecti aut prædicati. Similiter in definitione Syllogismi, cū dicitur in quo quibusdam positis aliud sequitur, dicimus includi habitudinem antecedentis & consequentis, quæ cū sit habitudo rerum vt conceptarum, non est habitudo realis sed rationis.

Jam verò cū inferunt ex Boëtio præcepta Logica ex obseruatione & experientia esse nata, nos id non negamus, imò libenter admittimus. vno addito, quòd hæc experientia & obseruatio fuerit circa operationes, cum modis rationis factas, verbi gratia, circa operationem definitiuam, aut Syllogisticam, quæ sine dubio cum modis rationis sit ab intellectu, vt dictum est; & licet primi obseruatores fortè non cogitârint explicitè de entibus rationis, tamen reuera & in actu exercito cogitârunt de

de illis modis, qui verè sunt modi non reales, sed rationis.

At obijciunt primò, Ad dirigendas operationes æquius est ponere pro exemplo operationem realem, rectam, quæ sit idea quædam & exemplar cæterarum, ideam, verbi gratia, definitionis, Syllogismi, divisionis, tunc autem quid opus erit entibus rationis? Quasi verò possit operatio recta, vel fieri vel pro exemplari poni sine modis rationis. imò si quæ debet esse idea & exemplar Syllogismi verbi gratia, vel definitionis, ea perfectissimè debet in se complecti omnes modos rationis, quos Syllogismus requirit, & sine quibus non concipitur, ut ad eam similitudinem omnes alii syllogismi instituantur. ex quo patet, quòd siue dicantur operationes dirigi per præcepta, siue per operationem realem perfectissimam instar ideæ, nunquam excluduntur modi rationis, cum tales modi sint obiecta tam operationum, quàm præceptorum, ut dictum est.

Nulla operatio intellectus potest fieri recta sine modis rationis.

Obijciunt secundò. Potest esse syllogismus rectus sine modis rationis; Ergo potest cognosci rectus sine modis rationis. Antecedens probatur, si enim faciam hunc syllogismum, omnis homo est animal, Petrus est homo, Ergo Petrus est animal; in tali syllogismo faciendo nihil cogito de modis rationis, intellectu autem non cogitante non existunt modi rationis, Ergo potest fieri syllogismus rectus sine modis rationis. Nam, verbi gratia, illæ habitudines Prædicati, subiecti, maioris, minoris, medii, antecedentis, & consequentis, non cogitantur cum fit syllogismus.

Respondeo Primò. Habitudines illæ licet explicitè & in actu signato nō concipiantur dum fit syllogismus, concipiuntur tamen implicitè & in actu exercito, quia

Habitudines rationis cognoscuntur dupliciter.

verè vnus terminus in ordine ad alium cognoscitur, secundum quēdam habitudinis modum, id verò satis est, vt operationes nostræ dicantur fieri sub modis rationis: nam tunc cognosci eo modo, quo fiunt nō poterūt, nisi cognoscantur hi modi, sub quibus fiunt in actu exercito.

Respondeo secundò. Etiam si hi modi tunc cū fit syllogismus non existerent, nisi fundamentaliter (quod tamen non concedo) tamē cū deinde ab intellectu in Logica cognoscuntur formaliter, tunc actu existunt per modū entium rationis. Porro necesse est ad cognoscendum modū rectæ operationis, cognoscere modos illos etiam fundamētaliter existētes, quia verè sub illis fit operatio, ita vt accedente postea intellectu, necesse sit tales modos in ea concipi actu; tali enim modo operationes nostræ efficiuntur à nobis, vt non possint ab intellectu cognosci, nisi sub modis rationis, inuenit enim intellectus fundamētum talis cognitionis, & secundū fundamētum illud procedit in cognoscendo.

QVÆSTIO III.

*An ens rationis directiuum operationum,
sit obiectum Logica?*

Sunt duæ celebres sententiæ. Vna veterum dicentium operationes intellectus dirigi per entia rationis, & ex consequēti ens rationis quā directiuum est, esse obiectū formale Logicae. In hac sententia est D. Thomas cum suis, in 4. metaphysicæ, lectione 4. Altera est recentiorum, dicentium operationes intellectus dirigi per veras operationes reales, & per cognitionem proprietatum realium ipsarū, & modorū, non per entia rationis: Si. n. explicantur proprietates reales recti discursus, quis non videt

videt ad eam formam recti discursus, posse accommodari & dirigi alios nostros discursus, sine ullo auxilio entium rationis? plus enim ad hunc finem faciunt modi reales operationum, quàm non reales & ficti.

Nos verò suppositis iis, quæ quæstione præcedenti de entium rationis necessitate docuimus. Dicimus Primò, Logicam dirigere operationes intellectus tradendo formas & normas rectarum operationum sub modis rationis, verbi gratia, formam rectæ definitionis, recti syllogismi, recti conceptus, generis vel speciei, & similitum. Hæ conclusio est certa, nihil enim aliud in Logica traditur, quàm formæ variæ operationū intellectus, definitionis, diuisionis, argumentationis, &c.

Quod si quæras quid sint istæ formæ? Respondeo esse operationes ipsas reales sub certis modis rationis factas, abstrahentes ab omni determinata materia, verbi gratia, forma definitionis est operatio definitiva, constans genere & differentia, nulli materiæ applicata, forma syllogismi, est operatio intellectus constans ex terminis & propositionibus cum talibus proprietatibus & modis, quales requiruntur ad syllogismū secundum præcepta Logica: hæ igitur formæ cū deinde applicantur operationibus in certa materia, verbi gratia, in materia physica, vel metaphysica, dirigunt operationes. Sunt etiam formæ Logicæ præcepta ipsa seu dictamina de modis variis res concipiendi.

Dico secundò. Formæ Logicæ rectarum operationum includunt necessariò modos rationis. Ratio est. Quia formæ operationū sunt proportionatæ ipsis operationibus; at ostensum est, omnem fere cognitionem ab intellectu nostro effici sub modis quibusdam rationis, hoc est, sub variis modis abstractionū, & rerū abstractarū

*Formæ logicæ
necessario im-
cludunt modos
rationis.*

habitudinibus, ergo & formæ operationum, seu cognitionum nostrarum includunt eisdem modos rationis, per modum exemplaris vel regulæ.

Dices. Nihil nos cogitare de entibus rationis cum de rebus discurremus. Respondeo modos istos rationis esse duplices. alii sunt negativi, ut modi abstractionū, & hi conueniunt cognitioni, & eam afficiunt, etiam si non apprehendantur explicitè, cum illorum esse, sit non esse, ut præcedenti disputatione docuimus. Alii sunt positivi, ut sunt habitudines rerum conceptarum. & de his modis non possumus non cogitare, siue cum de rebus discurremus, & res conceptas inter se variè conferimus: tunc enim in actu exercito habitudinem, quam inter se habent cognoscimus, siue cum nos supra cognitionem nostrā reflectimus, & explicitè omnes habitudines terminorū cognoscimus, uti fit in Logica, tunc enim modi & habitudines istæ, sunt obiectum formale talis cognitionis, ut cum concipio naturam sub modo vniuersali, generico, specifico, prædicabili, subiicibili, &c. Quocirca si Logicæ munus est explicare modos & proprietates nostræ cognitionis, necessariò debet in explicatione modorum rationis versari, quia sub his modis efficitur omnis nostra cognitio; nam quòd hi modi aliis viis saluari nō possint, satis ex præcedenti quæstione apparet.

Obiectum Logica secundum D. Th.

Dico terciò. Probabiliter statuitur à D. Thoma ens rationis directiuum operationū intellectus pro obiecto formali Logicæ. Huius conclusionis probabilitas pendet à duobus. Alterum est ens rationis esse directiuum operationum. alterum, supposito quod sit directiuum spectare ad rationem formalem obiecti. Quod igitur ens rationis sit directiuum patet ex ratione allata, quia cognitiones nostræ, cum fiant sub certis
modis

modis rationis, non possunt dirigi, nisi explicatis modis rationis, quod etiam inductione patet. Non enim alia ratione Logica dirigit operationes intellectus nostri, nisi explicando modos & proprietates tam terminorum quàm propositionum. verbi gratia, dirigit operationem definitiuam, explicando ex quibus terminis constare debeat definitio, hoc est, vt alter habeat rationem generis, alter rationem differentiae, modus autem generis & differentiae sunt modi rationis. Similiter dirigit operationem syllogisticam, explicando ex quot & quibus terminis ac propositionibus constare debeat. modos quidem & proprietates terminorum docet esse debere tales, vt vnus habeat rationem maioris termini, alter minoris, tertius medij, deinde vt hi termini certo modo disponantur, quoad prædicationem vniuersalem, vel particularem, affirmatiuam, vel negatiuam: denique vt propositiones ita sint dispositae, vt duæ habeant rationem antecedentis, tertia consequentis; quæ omnes proprietates cùm conueniant rebus vt cognitis, sunt proprietates & modi rationis. Ex quo patet nullo modo negari posse, per entia rationis dirigi operationes intellectus, cùm operationes nostræ sicut dependent in esse à modis rationis, ita & cognosci non possint nisi per regulam hos modos explicantem. Neque verò accommodatum est exemplum de sole cùm cognoscitur ex vmbra. Nam Sol ab vmbra non dependet in esse & potest esse sine vmbra, ita vt omnino per accidens vmbra accadat Soli, ob corpus aliquod interpositum prohibens lumen Solis. At operationes intellectus nostri dependent à modis rationis, & sub illis efficiuntur, quare non per accidens, sed per se cognoscuntur sub modis rationis, & per

regulam explicantem modos rationis. Et quidem illi qui negant entia omnia rationis, non ita peccant, cum negant directionem fieri per entia rationis; consequenter enim loquuntur, & omnia saluare conantur per denominationes extrinsecas, licet hoc fieri non possemus ostendimus.

At qui concedunt entia rationis, negare nullo modo possunt, per ea dirigi operationes nostras, nisi quid sint entia rationis, & qui modi nostræ cognitionis non intelligant. Nec nos mouet cuiusdam recentioris viri docti censura, qui ait errorem Dialecticum esse, entium rationis tractationem Logicæ tribuere, quod Logica entia realia consideret. Quæ enim error vocari potest communis in scholis cum D. Thoma opinio? error, potius est communem opinionem vocare errorem. Neque verò Logica ita considerat operationes reales intellectus nostri, vt eas sub certis modis rationis non consideret, quin potius, cum sub talibus modis efficiantur, non possunt rectè cognosci à Logico, nisi sub his modis cognoscantur.

Quod verò supposito, quòd ens rationis sit directiuum, probabiliter à D. Thoma statuitur pro obiecto formali Logicæ, patet: quia Logica tota in directione operationum consistit, quæ directio cum fiat per certos modos & formas operationum, Logica tota versari videtur in conficiendis talibus modis & formis, vnde probabiliter modi dirigendi statui possunt pro obiecto formali Logicæ, sicut ab aliis modis cognoscendi, vel instrumentum sciendi statuitur. Quia verò hi modi formaliter sunt entia rationis, idcirco à D. Thoma. Ens rationis directiuum statuitur pro obiecto Logicæ.

Dico

Dico, directivum, neque enim omne ens rationis vult sanctus Thomas obiectum esse Logicæ, sed solum directivum, hoc enim solum ad Logicam spectat.

Dico quartò. Longè probabilius est ens rationis directivum non esse obiectum formale Logicæ, sed operationes ipsas vt dirigibiles. Quia etsi operationes sint dirigibiles per entia rationis, tamen ens rationis non est formaliter reſtitudo ipsa operationum dirigibilium, sed solum causa efficiens, & medium directionis illarum, causa autem efficiens habet se extrinsecè ad suum effectum, nec intrat rationem formalem sui effectus.

Ens rationis non est obiectum Logicæ.

Quod si dicas in dirigibilitate includi entia rationis dirigentia. Respondeo, includi vt quid extrinsecum, non vt rationem formalem rei dirigibilis, quia includuntur vt causæ efficientes reſtitutionem, & directionem operationum dirigibilium. Res enim dirigibilis constituitur in esse dirigibilis formaliter & intrinsecè per reſtitutionem, effectivè verò & extrinsecè per causam dirigentem. Non nego tamen reſtitutionem operationum, quatenus Logica est connotare essentialiter respectum conformitatis ad regulam dirigentem, per hoc enim reſtitudo Logica distinguitur à reſtitutione physica, vt dictum est quæſtione prima. Deinde cum assignatur obiectum scientiæ dirigentis, non ponitur pro obiecto id quod directivum est, sed id quod dirigitur, vt tum inductione, tum ratione probauim⁹ supra quæſtione prima: At Logica est scientia dirigens. Ergo eius obiectum nō est ens rationis quod dirigit, sed id quod dirigitur, nempe
opera-

operationes dirigibiles. Quare etsi opinio S. Thomæ in re non multum differt à sententia nostra, quod enim S. Thomas dicit actiue, nos passiuè, quod ille dicit ens rationis directiuum, nos dicimus operationes dirigibiles per entia rationis, tamen in modo loquendi nostra sententia præstat. Quia obiectum scientiæ dirigentis statuendum est, id quod dirigitur, non quod directiuum est. Ex quo patet, quòd etsi non negamus ens rationis pertinere ad obiectum Logicæ, negamus tamen pertinere vt partem, vel rationem formalem obiecti, sed per modum causæ efficientis directionem in obiecto, vt dictum est. Ex quibus patet rationem formalem obiecti Logicæ esse rectitudinem illam realem operationum, vt sit conformiter regulis & entibus rationis Logicis.

At obiciēs Primò. Sufficiunt præcepta Logicæ ad directionem, sine modis istis rationis. Respondeo, imò præcepta Logicæ sunt de his modis rationis, sunt enim hi modi obiecta quædam præceptorum Logicæ, quid enim aliud sonant præcepta Logicæ, quàm tales debere esse modos definiendi, diuidendi, argumentandi?

Obiciēs secundò. Directio operationum est realis: Ergo non fit per entia & modos rationis. Antecedens probatur: quia directio est effectio rectarum operationum, non est autem dubium operationes realiter effici rectas. Respondeo, esse actum realem cognitionis, sed sub modis rationis. Porro hi modi rationis sicut cognosci realiter possunt, ita & realiter possunt dirigere per realem sui cognitionem, dirigendi enim vim realem habent ex cognitione reali, qua cognoscuntur.

Obiciēs tertio. Logica nihil aliud considerat nisi modos directionis operationum, Ergo directiuitas po-
tius

Directio operationum realis sub modis rationis.

potius modorum dirigentium quàm dirigibilitas operationum directarum est obiectum Logicae. Antecedens patet, nihil enim est in Logica nisi modi, definiendi, diuidendi, argumētandi, & regulae quae sunt in Logica sunt de modis directiuis, nulla verò regula est de dirigibilitate. Nā si dicas regulas esse de modis vt per eos diriguntur operationes, pari ratione dici poterit, esse de modis vt dirigentibus. nam licet ista duo se comitentur necessario, dirigere & dirigi, directiuum & dirigibile, tamen prius Logica considerat modos dirigentes, quàm operationes per eos directas, nam & regula prius debet cognosci in se recta, quàm per eam cognoscatur aliquid rectum, & operationes dirigibiles, non nisi à modis directiuis quibus substant denominantur dirigibiles. Ergo consideratio directiuitatis, cum sit & prior & potior in Logica, prius & potius pertinebit ad obiectum formale Logicae, quàm dirigibilitas, maximè quia directiuitas est causa dirigibilitatis, & dirigibilitas est effectus ipsius vt dictum est. Vnde pertinebit ad obiectum Logicae, non per modum obiecti, sed per modum effectus ipsum consequentis. Et sanè vt minimùm hoc sequitur, nō minùs bene statui posse pro obiecto directiuitatem actiuam, quàm dirigibilitatem passiuam, seu modos vt sunt dirigentes actiue, non minùs quàm operationes, vt per modos passiuè diriguntur.

Respondeo, Logicam dum considerat modos directiuos operationum, considerare etiam operationes, vt per illos modos dirigibiles: neque enim ista differunt, nisi vt actiuum & passiuum, sicut eadem est via Thebis Athenas, & Athenis Thebas. obiectum tamen potius passiuè, quàm actiuè debet poni, quia vt sunt modi actiuè dirigentes, ordinantur ad operationes dirigibiles, tanquam medium ad finem, vnde non sunt obie-

Logica considerans modos directiuos operationum considerat etiam operationes.

Quum ultimum & principale. & licet prius & immediatius considerentur, tamen referuntur ad aliud principale, & ultimum obiectum, à quo Logica denominatur simpliciter. Neq; obstat, quòd operationes dirigibiles sint effectus modorum dirigentium. nam & in omnibus practicis cognitionibus obiectum est effectus cognitionis dirigentis, hoc enim spectat quælibet ars, ut efficiat & formet suum obiectum, ut domum, navem, arcam. Ergo & Logica cum sit dirigens, debet habere pro obiecto suum effectum, quem dirigendo efficit, tantum abest, ut id obstat rationi obiecti. Ex quo patet eadem in re scientiam esse de modis dirigendi, & de operationibus dirigibilibus, & consequenter eandem esse scientiam directivitatis & dirigibilitatis, solumque modo actiuo & passiuo differunt, sed quia illa ad hanc refertur, hæc verò non refertur ad illam, idcirco hanc, non illam vocamus absolute Logicæ obiectum.

Obiicies quartò. Omnes artes conficientes aliqua instrumenta, habent pro obiecto instrumentum quod conficiunt, non rem cui illud instrumentum seruit: nam frænifactoria habet pro obiecto frænum, non equum, frænabilem, ars arma conficiendi habet pro obiecto ipsa arma, non militem armabilem, ergo pari ratione Logica cum tota sit in conficiendis instrumentis sciendi, habebit pro obiecto ipsa instrumenta sciendi non operationes intellectus, quibus talia instrumenta deserviunt.

Respondeo, illæ artes quæ nullum aliud opus efficiunt præter instrumenta, non habent aliud obiectum præter instrumenta, quia obiectum artis est opus & effectus artis, si igitur præter instrumenta nullum aliud opus efficiunt, nihil aliud habebunt pro obiecto nisi instrumentum. tales sunt artes enumeratæ in obiectione.

Sunt

*Instrumenta
quæ sunt artis
obiecta?*

Sunt verò alia artes quæ præter effectiorem instrumentorum habent aliud opus, ad quod instrumenta illa referuntur, & tunc pro obiecto habebunt non instrumenta, sed opus aliud ultimum, quod per illa instrumenta efficiunt, v. g. ars fusoria conficit instrumenta lutea vel terrea, ad fundendum, & illis instrumentis utitur ad fundendas statuas, campanas, & alia opera similia, obiectum illius non est instrumentum illud terream, sed statua, vel aliud tale opus, quod illo instrumento efficitur. Ex hoc genere etiam est Logica, quæ non solum conficit instrumenta ad dirigendum, sed etiam efficit ipsas operationes rectas per talia instrumenta; ex cognitione enim Logicæ formaliter fiunt rectæ operationes à Physica & aliis scientiis. Quocirca operationes ipsæ ut dirigibiles, debent statui pro obiecto Logicæ, non verò entia rationis vel instrumenta dirigentia.

Ad fundamentum secundæ sententiæ Respondeo, operationes nostras dirigi explicatis modis & proprietatibus illarum, verum hi modi qui ad directionem faciunt, sunt rationis non reales, suntque illi ipsi, qui in Logica traduntur. Quod verò attinet ad primam sententiam, uti ultro illi concedimus operationes intellectus dirigi per entia rationis, ita negamus inde sequi ens rationis directivum esse obiectum formale Logicæ, est enim solum causa effectiva obiecti formalis, hoc est rectitudinis operationum, sub qua operationes Logica considerat: nam etiam entia rationis in ordine ad hanc rectitudinem inducendam considerat.

QVÆSTIO IV.

An Logica sit speculativa vel practica?

*Prima senten-
tia affirmans
Logicam esse
speculativam.*

Sunt quatuor sententię. Aliqui censent Logicam esse speculativam, quęcunq; enim speculativa scientia considerat de suo obiecto, nempe eius essentiã, proprietates, causas, eadem omnia Logica quoque de suo obiecto considerat, v. g. syllogismi essentiã considerat cùm illam definit, & species eius assignat, proprietates verò, cùm ostendit demonstrationem generare scientiam, quòd ex primis & necessariis principiis causisque conclusionis procedat, syllogismum verò topicum generare opinionem, quòd procedat ex probabilibus. Si igitur propter modum considerandi scientia speculativa est speculativa, Logica quoq; dici debet pari ratione speculativa. Neque obstat quòd referatur ad dirigendas operationes intellectus: nam illę demonstrationes quę fiunt Logicę, non dirigunt operationes vllas, sed absolute demonstrant proprietates de syllogismo, sine vllò respectu ad directionem, eo planè modo sicut si syllogismus ad dirigendum non spectaret. non enim per demonstrationem ostenditur modus dirigendi, sed proprietates eius instrumenti, quod ad dirigendum est institutum. Deinde in Logica non demonstrationes aliquarum proprietatum, sed regulę seu dictamina Logica de bonitate syllogismorum & definitionum, dirigunt operationes intellectus. non ergo id obstat quòd minùs Logica dici possit in suis demonstrationibus speculativa. Hęc sententia est Scoti 4. prologi. Scoti & Tollereti hęc, qui addunt directionem secundariò spectare ad Logicam, primariò verò speculationem.

Alii censent Logicam esse practicam. Ita Gregor. ^{2. Practicam.}
 q. 3. prolog. a. 1. Occam. q. 11. Prolog: Gabriel ibidem.
 Fonseca 2. metaph: c. 3. q. 2. Ratio est. Quia scientia
 dirigens aliquas operationes, est practica: Atqui Logi-
 ca tota est in hoc posita, vt tradat modos dirigendarum
 operationum intellectus: Ergo est practica. Nam sicut
 scientia moralis est practica, quia dirigit operationes vo-
 luntatis, & artes omnes sunt practice, quia dirigunt ope-
 rationes externas; ita & Logica quia dirigit operationes
 intellectus, erit practica. Neq; obstat quod considerat
 essentiam & proprietates sui obiecti; tum quia hoc idē
 omnes aliæ scientiæ & artes practiciæ faciunt, tum quia
 obiectum practicum ad opus dirigitur, quare & omnis
 cognitio, quæ de ipso habetur, dirigetur ad opus, & erit
 practica, tunc enim solum cognitio alicuius obiecti est
 speculatiua, cum obiectum illud ad opus non refertur,
 neq; etiam dici potest operationes intellectus non esse
 veras praxes; quia quæcunq; operationes recte & male
 fieri possunt, sunt verè praxes.

Alii verò dicunt, Logicam esse simul speculatiuam ^{3. & specula-}
 & practicam, speculatiuam quidem, quatenus obiectū ^{tiuam & pra-}
 suum secundum se considerat, practicam quatenus est ^{cticam.}
 directiua operationum. quæ sententia sicut ex duabus
 prioribus sententiis componitur, ita vtriusq; rationibus
 comprobatur. Ita Ruuius hoc loco.

Deniq; alii, neq; speculatiuam neq; practicam pro- ^{4. nec specula-}
 priè esse censent, sed habitum instrumentarium, cuius ^{tiuam nec pra-}
 est cognoscere modos, & instrumēta sciendi. Quæ sen- ^{cticam.}
 tentia nobis verisimilior videtur, & magis doctrinæ A-
 ristotelis & Peripateticorum conformis. Licet enim
 Logica sit quodam modo practica, quia ad aliud diri-
 gendum refertur; tamen in hoc à ratione practiciæ de-

ficit, quòd non veras praxes dirigat, sed intellectiones. Nam sicut simitas non est quæuis curvitas, sed nasi, ita praxis, non est quæuis actio directa ab intellectu, sed solum opus rerum à cognitione distinctum.

Cognitio practica & cognitio speculativa distinguuntur ex fine.

Pro resolutione Notandum est Primò, cognitionem practicam & speculativam ab Aristotele distingui ex fine: finis enim speculativæ est sola veritas, seu cognitio veri, practicæ verò finis est opus aliquod, ad quod dirigendum scientia illa refertur; si enim cognoscam mundum non esse æternum, sed in tempore factum, talis cognitio est speculativa, quia præter veritatem non habet alium finem, ad quem ex natura sua referatur. Dico, ex natura sua, nam ex intentione scientis potest ad aliquem finem referri, nempe ad lucrum, vel ad oblationem, verum talem finem non spectat ex natura sua scientia, diciturq; is finis non scientiæ, sed scientis, quia scientia non ex se ad illum refertur, sed ex intentione scientis. Iam verò si cognoscam formam & rationem ædificandi, cantandi, saltandi, talis cognitio erit practica, quia ex natura sua refertur ad opus aliquod, quod per illam fieri debet. Vnde patet, omnem cognitionem practicam esse directivam alicuius operis, patet etiã cognitionem practicam esse quidem immediatè cognitivam veri sicut & speculativam (per omnem enim cognitionem verum aliquod cognoscitur) tamen quia illud verum, quod cognoscitur, refertur ad opus, hoc est, ad aliquid per illam cognitionem agendum vel faciendum, idcirco cognitio illa est practica, nam speculativa sola veritate seu cognitione veri est contenta, neq; ex illa cognitione ulterius tendit ad aliquod opus.

Agens duplex.

Notandum est Secundò, quòd sicut agens est duplex, aliud naturale, aliud ex cognitione, illud agit per naturam, hoc

hoc per cognitionem, illud producit rem simpliciter ut existat, hoc verò solum dirigit, ut tali vel tali modo per rationem applicando fiat, ita & praxis seu operatio est duplex: Altera est naturalis, quæ respondet agenti naturali, & fit ex determinatione naturali, absq; vlla cognitione, quomodo actiones omnium agentium naturalium dicuntur praxes, similiter & potentiarum naturalium, tam vegetatiuarum, quàm sensitiuarum. Altera est humana, quæ respondet agenti ex cognitione, ut est illa, quæ ex cognitione efficitur; ut cum quis ex prudentia rectè operatur, nempe iustè, temperatè, fortiter, vel cum ex arte opera artis efficit. Cognitio igitur practica est illa, quæ versatur circa praxes humanas dirigendas, id est, circa eas actiones, quas ex directione cognitionis exercemus. Duplicem verò cognitionem practicam assignat Aristoteles 6. Ethic. alteram actiuam per quam agimus benè & malè, & in agendo dirigimur; alteram factiuam, per quam facimus aliquid rectè vel secus opere aliquo externo. primam vocat prudentiam, quia dirigit actiones voluntatis nostræ, definitq; prudentiam esse habitum cum vera ratione actiuum, secundam vocat artem, quia dirigit actiones potentiarum externarum: neq; enim vllam artem agnouit Aristoteles, nisi eam quæ dirigit aliquam actionem externam, ut sunt artes mechanicæ.

Notandum Tertiò. Praxim ut hic sumitur, esse praxim respectu cognitionis, quia nimirum ipsius cognitionis est praxis, & executio quædam, quæ enim cognitione concipimus, opere postea implemus, & opus illud, quo cognitionem exequimur & implemus, dicitur praxis. Porro opus quo cognitionem implemus, quoad substantiam efficitur à suis immediatis potentiis, è cognitione verò solum accipit modum & directionem, ut tali vel tali modo fiat, sic actus saltandi à poten-

Praxis hoc loco est respectu cognitionis.

tia motiva efficitur quoad substantiam, à cognitione verò & arte habet, vt tali vel tali modo fiat. Itaq; id quod opus illud accipit à cognitione, est solùm modus ille rectus, & ratione huius rectitudinis formaliter dicitur praxis cognitionis, quia rectitudo illa mente concepta imprimitur operi, & in eo elucet, & sic in praxim reducitur. Praxim autem Aristoteles diuidit in actionem & factionem, ita vt omnis praxis apud Aristotelem sit vel actio vel factio: Tria enim in agente per cognitionem considerari possunt. Primò cognitio ipsa, quæ est principium, & ratio operandi, secundò actio, tertio factio.

Et quidem tunc cùm cognoscimus, non dicimur agere aut facere quicquam, sed cognoscere tantum, ita vt quamdiu intra limites cognitionis versamur, nihil propriè dicamur aut agere, aut facere; quamuis si cognitio illa præscribat quid agendum sit, sit actiua, si verò præscribat quid faciendum sit, sit factiua. Ex cognitione verò cùm procedimus ad opus aliquod, exequendo illam cognitionem, dicimur vel agere vel facere; agere quidem, cùm vel solùm secundum internam quandam rectitudinem operamur, quæ in exteriori aliquo opere non appareat, sicut cùm iustè, prudenter, temperatè, fortiter agimus, tota illa rectitudo est in voluntate interna, & opera externa solùm denominatione extrinseca à voluntate recta dicuntur recta: vel etiam tunc agere dicimur, cùm agendo nihil operis externi relinquimus, quod post actionem maneat, quomodo pulsationem cytharæ actionem non factionem vocat Aristoteles. Facere verò tunc dicimur, cùm opus aliquod externum facimus, eiq; rectitudinem mente conceptam imprimimus, & illud post actionem relinquimus, v. g. cùm

cū mente concipimus domum, concipiēdo nihil cogitamus aut facimus, sed tantū cognoscimus, cū verò volumus ædificare, iam ex cognitione agimus, quia terminos cognitionis egredimur, ad volendum id quod cognoscimus: volumus autem bene vel malè, cū propter bonum vel malum finem volumus. Deniq; cū actu & opere externo ædificamus, dicimur facere, quia quod mente concepimus ad opus externū deducimus.

Requiritur autē ad factionem, vt post se opus relinquat; Aristoteles enim quoties factionē definit, requirit ad illā, vt opus post se relinquat; ita enim r. magn. moral. c. ultimo ait, cytharisationem esse actionem, nō factionem, quia non relinquit post se opus, & 6. ethic. c. 5. probat, prudētiā esse actiuā non factiuā, quia, inquit, effectiōnis finis diuersum quid ab ea est; nempe opus quod post se relinquit, actionis verò finis non est ab ipsa actione distinctus. Non vult igitur aliquid dici factiuum propriè, nisi quod opus post se relinquat. Hoc etiam sensu 6. ethic. c. 4. dixit, artem omnem circa generationem versari, per generationem enim ita fit res, vt aliquid post generationem maneat. Neq; vnquam Aristoteles nomen factionis actioni opposuit, nisi accipiendo nomen factionis, pro ea quæ relinquit opus post se. Quod si dicas, artis nomen ad eas artes, quæ non relinquunt opus post se, extendisse Aristotelem: nam & Dialecticā & Rhetoricā vocat artes r. Rhet. c. 1. eò quod ad persuadendum referantur, Ergo etiam extendit nomen factionis ad eas, quæ non relinquunt opus post se; nam artem definiuit 6. ethic. c. 4. habitum cum vera ratione factiuum. Respondeo Primò. Aliud est extendere nomen propter similitudinem, aliud verò illo vt in propria & primaria significatione: artis enim

*Factionis ratio
postulat opus
post se relin-
quere.*

T

nomen.

nomen in propria & primaria sua significatione de artibus factiuis & relinquentibus opus dicitur, per extensionem verò dicitur de actiuis etiam artibus, nam artes quas extenso nomine vocat artes, nunquam vocauit factiuas, sed semper actiuas, earumq; actus actiones non factiones.

Cognitio dupliciter practica ex effectu & ex obiecto.

Notandum est quartò. Cognitionem dupliciter dici posse practicam. Primò ex effectu; quia aliquid efficitur, per illam, & illa deducitur ad effectum; secundò ex obiecto quia est de effectiue ipsa tanquam de obiecto: primò modo cognitio dicitur practica extrinsecè ab effectu, secundo intrinsecè, primo modo cognitio etiam speculatiua dici potest practica, vt si quis ex speculatiua cognitione figurarum, quam habet ex mathematica, illas depingat vel fabricet, secundo vero modo cognitio speculatiua non potest dici practica, quia non potest simul habere obiectum speculatiuum & practicum, simili modo dupliciter cognitio potest dici directiua. Primò quoad effectum, quia effectus ad illius exemplar & similitudinem fit. Secundò ex obiecto, quia est de directione tanquam de obiecto. Primo modo etiam speculatiua cognitio potest dici directiua, secundo sola practica. Hæc distinctio est valde notanda: multa enim explicat ad rationem cognitionis practicæ pertinentia.

Logica non est practica ex sententiâ Arist.

Dico primò. Secundùm doctrinam & principia Aristotelis, Logicam nullo modo dici posse practicam. Dico secundùm doctrinam Aristotelis: nam si quis fingat sibi nouam doctrinam de practico & speculatiuo, is potest quidem defendere Logicam esse practicam, sed secundùm sua, id est, à se conficta principia, non secundùm principia Aristotelis. non enim idem intelliget
nomin-

nomine cognitionis speculatiuæ & practicae, quod intellexit Aristoteles, & cum eo Peripatetici omnes. Non igitur conclusio probatur tribus argumentis.

Primum argumentum est. De ratione scientiæ practicae est, ut habeat pro obiecto verum opus, seu praxim. Atqui Logica non habet pro obiecto verum opus, seu veram praxim. Non ergo potest dici verè practica. Maior est certa apud Aristotelem, qui semper pro fine & obiecto assignat scientiæ quidem speculatiuæ veritatem, practicae verò praxim. 2. metaph. c. 3. 6. met. t. 2. Minor probatur, quia Logica habet pro obiecto cognitionem quam dirigit, cognitio autem non est verum opus, nec vera praxis, solumq; actio à cognitione distincta dicitur vera praxis.

Respondet, cognitionē posse sumi dupliciter. Primò respectu obiecti, ut est cognitio obiecti, & sic potest esse speculatio, nō praxis. Secundò respectu suæ causæ efficientis, seu ut sit rectè vel secus, & sic est operatio & vera praxis. Sed hæc responsio repugnat tam doctrinæ Aristotelis, quàm rationi. Nam secundum doctrinā Aristotelis veritas & opus sunt duo contra distincta, ita ut vnum nō sit aliud, siquidē ex ipsis sumit distinctio cognitionis speculatiuæ & practicae. Cū igitur omnis cognitio quā cognitio sit veritas, sequitur nullam cognitionem posse dici verum opus & praxim. Nam quod dicitur cognitionem ut sit, induere rationem operis, & veræ praxis, id expressè est contra Aristotelem 6. ethic. c. 3. ubi ait, veritatem esse opus speculatiui intellectus, nō practici, quia fit ab intellectu speculatiuo. Ex quo dicto Aristotelis duo sequuntur. alterum est, veritatē etiam ut sit, non esse tale opus, quod sit finis & obiectū intellectus practici, sed esse opus formaliter intellectus speculatiui, diciq; opus latè,

*Cognitio etiam
ut sit rectè vel
secus non est
praxis.*

non pressè, nec vt supponit pro vera praxi. Alterum est, praxim esse opus à veritate distinctum. nam si praxis est illud tantum opus, quod est finis & obiectum intellectus practici, veritas autè etiam vt fit est opus intellectus speculatiui, & finis ac obiectum ipsius, consequens est, vt opus verum, & vera praxis, sit opus distinctum à veritate & cognitione. Repugnat etiam rationi, Quia finis cognitionis speculatiuæ nō est veritas in abstracto, sed veritas, vt fit ab intellectu, seu ipsa effectio veritatis in intellectu. hoc enim intendit speculatiuus, vt veritatē consequatur, & in se ipso producat, si ergo veritas vt facta, est finis cognitionis speculatiuæ, nullo modo dici potest praxis vera, nisi dicamus finem scientiæ speculatiuæ esse praxim, vt praxis est. Confirmatur. Conclusio demonstratiua vt inferitur ex præmissis, est obiectū scientiæ speculatiuæ, hæc. n. non aliam scientiā intendit, nisi illatā ex præmissis, imò in hoc præcipuè incumbit, vt conclusio inferatur ex præmissis. At inferre est facere, inferri est fieri, ergo conclusio etiam vt fit, non potest dici vera praxis. Vera enim praxis est illa, quæ est finis, & obiectum cognitionis practici non speculatiuæ, at conclusio vt est opus intellectus est finis cognitionis speculatiuæ non practici, ergo non est vera praxis, ita vt ad rationem veræ praxis requiratur, vt sit opus potentie ab intellectu distincte, vti praxim rectè definiuit Scotus. nam si sit opus intellectus, non erit tale opus, quod sit finis & obiectum cognitionis practici. Adhæc cum in cognitione speculatiua alicuius gemmæ efficitur in intellectu cognitio similium gemmarum, nemo negauerit vtramq; cognitionem esse speculatiuam, & non esse veram praxim etiam si fiat, quia fit speculatiuè & eo modo, quo speculatione, vt speculatio est, necesse est fieri.

Dices.

Dices. non omnem cognitionem esse praxim, sed
 eam solum, quæ sit ab aliâ cognitione dictante sic vel sic
 esse operandum. Sed contra, licet de ratione praxis, de
 qua hic loquimur, sit fieri ab aliâ cognitione, & secun-
 dum præscriptum cognitionis, ut patet ex definitione
 praxis, tamen non est necesse, ut fiat à cognitione di-
 ctante sic vel sic operandum, quia sine tali dictamine
 praxis est verè praxis, ut cum quis pingit imaginem ex
 intuitu alterius imaginis, sine alio dictamine intelle-
 ctus, facit veram praxim, vel si quis ex speculativa con-
 sideratione bonitatis diuinæ, excitetur ad amorem di-
 uinum, vel ex speculativa cognitione figurarum ma-
 thematicarum fabricet machinas mathematicas, aut ex
 inspectione modelli ædificet domum. hæc enim om-
 nia nemo dubitabit esse vera opera, & veras praxes, et-
 iam si non procedant ab illo dictamine & iudicio practi-
 co. nam etsi aliquando tale dictamen interueniat, ta-
 men neque semper est necessarium, & cum adhibetur,
 non solum respectu illius, sed etiam absolutè respectu
 cognitionis speculatiuæ, quatenus ab ea fit, habet illa
 operatio rationem veræ praxis. Deinde praxis non di-
 citur praxis ab illo dictamine, sed potius illud dictamen
 dicitur practicum à praxi, eò quod circa eam versetur,
 vnde supponit praxim ut ab ea denominetur, non verò
 facit illam esse praxim. Sed esto, requiratur tale dicta-
 men ad praxim, tamen si illud dictamen sit de cogni-
 tione seu speculatione, non erit dictamen practicum:
 iudicium enim dictans de inferenda tali vel tali cogni-
 tione ex præmissis, est iudicium speculatiuum, & de es-
 sentia scientiæ demonstratiuæ, eius enim proximus a-
 ctus est inferre tali vel tali modo conclusionem ex præ-
 missis. Si verò sit de alia aliqua operatione à cognitio-

*Cognitio qua
 fit ab alia co-
 gnitione. nō est
 praxis.*

ne distincta, erit tale dictamen verè practicum, quia erit de vera praxi. ex quo patet secundum doctrinam Aristotelis, cognitionem nullo modo esse praxim, neque ut cognitio est, neque ut fit ab intellectu, neque ut fit ex alia cognitione dirigente.

*Cognitio practica
canon habet
fine Veritate.*

Secundum argumentum est. Nulla cognitio practica habet pro fine veritatem, At Logica pro fine ultimo habet veritatem. Ergo non est practica. Minor probatur. Quia idem est finis instrumenti & principalis causæ. Atqui Logica est instrumentum scientiarum, ergo pro fine suo habet finem scientiarum, qui cum sit veritas non opus, Logicæ quoque finis erit veritas non opus. Et quidem eundem esse finem Instrumenti & causæ principalis patet, tum inductione in omnibus instrumentis, idem enim est finis calami & scribentis, securis & secantis. Tum ratione, quia instrumentum concurrat cum causa principali ad eandem operationem & effectum, & sub eadem ratione operationis & effectus, Ergo eundem finem habent. Illa enim operatio & effectus, cum fiat ab utroque, est finis utriusque, semperque instrumentum assumitur ad finem principalis agentis consequendum. Esse verò Logicam instrumentum scientiarum, ad finem scientiarum consequendum, qui est veritas rerum scibilium, patet. quia præcepta Logica adhuc finem iuvant, & assumuntur à scientiis, fitque ut scientia actualis rerum efficiatur & ab habitu scientiarum principaliter, & quoad substantiam, & ab habitu Logicæ instrumentaliter, ac secundum quid.

Dices, Logicam dirigere scientias, non per modum instrumenti, sed per modum causæ principalis, ad eum modum, quo auriga dirigit equos in curru, qui enim non sunt instrumenta aurigæ, etiam si ab eo dirigantur, nec auri-

auriga est instrumentum equorum, et si equi utantur directione aurigæ, sed utraq; est causa principalis, equi quidem cursus, auriga verò directionis. Respondeo, si directio fiat agendo in causam principalem, & mouendo illam, non fiet per modum instrumenti, sed potius per modum causæ principalis, ut patet in equis ab auriga directis. at si fiat per aliquid subordinatum causæ principali, & quod applicatur & mouetur à causa principali ad ipsius effectum, illud tale concurret ad directionem per modum instrumenti. Duo enim sunt de ratione veri instrumenti, alterum est, ut adhibeatur ad actionem propriam causæ principalis, alterum ut sit subordinatum causæ principali, & ab ea moueatur & determinetur ad agendum. Ratione primi ignis applicatus ad comburendam domum, non est instrumentum propriè, quia adhibetur ad sibi proprium & connaturalem effectum, non ad effectum causæ principalis, excedentem virtutem propriam instrumenti. Similiter equi non sunt instrumentum aurigæ, quia applicantur non ad actionem aurigæ, sed ad cursum proprium, qui fit ab equis tanquam à causa principali, non instrumentali. calamus verò ex hoc capite est instrumentum scribentis, quia applicatur ad actionem scribentis, quæ principaliter fit à scribente, & à virtute motiua scribentis, ad quã actionem calamus ex se non est sufficiens. Ratione secundi auriga non est instrumentum equorum in directione, quia non est causa directionis subordinata equis, nec ab illis applicatur ad opus, sed per se ipsam concurret, quod est concurrere per modum causæ, vel concausæ principalis. Logica igitur quia concurret ad scientiam rerum, tanquam quid subordinatum habitui scientiæ, & ab ea applicatur ad finem, & effectum scientiæ consequendum; idcirco est verum instrumentum habitus scientifici. Sed

De ratione instrumenti est adhiberi ad actionem propriam causæ principalis & subordinari illi.

Logica Veritatem rerum scibilem non attingit principaliter.

Sed obiicies. Si Logica pro fine habet veritatem, erit speculatiua, illa enim dicitur cognitio speculatiua, cuius finis est veritas. Respondeo primò. Si loquamur de veritate rerum scibilem, quam Logica attingit solum instrumentaliter, habitus verò scientiarum principaliter, talis veritas pertinebit ad scientias principaliter, ad Logicam verò tantum secundum quid, tanquam ad instrumentum veritatis, quod non sufficit ad cognitionem speculatiuam simpliciter, vnde ex hoc sequitur solum, Logicam esse secundum quid speculatiuam, tanquam instrumentum speculationis, non verò tanquam causam principalem. Si verò loquamur de veritate modi sciendi, eam veritatem attingit quidem Logica principaliter, non instrumentaliter, verum quia hæc veritas non est vltimatus finis Logicæ, sed relatus ad vltimatū, idcirco Logica ipsius respectu non dicetur simpliciter speculatiua, quia scientia dicitur simpliciter speculatiua ex eo, quod pro fine vltimato habet veritatem, & intendit veritatem, non referendo illam ad aliud. Quod ita verum est, vt ne cognitio quidem practica, & si pro fine immediato habet veritatem, & cognitionem rei factibilis, dicatur speculatiua à tali veritate, quia nimirum istam veritatem dirigit ad effectiōem & opus. An verò Logica dicenda, sit magis speculatiua, vel practica, dicetur infra.

Cognitio nec actio est nec factio.

Tertium argumentum. Secundum doctrinam Aristotelis praxis vel est actio, vel factio. At cognitio in qua dirigenda Logica versatur, neque est actio, neque factio, Ergo nullo modo est praxis, & ex consequenti Logica ipsius respectu, non erit verè practica. Maior est certa ex sexto Ethicorum, & sexto metaph. textu 1. & aliis locis, in quibus practica in actiuam & factiuam diui-

diuiditur. Minor probatur: quia cognitionem semper opponit Aristoteles actioni & factioni, veritatem operi, cum illam pro fine speculatiuæ assignat, hanc verò pro fine practicæ.

Respondent Primò. Cognitionem ut fit esse veram actionem, neque enim solas actiones voluntatis Aristoteles vocat actiones, sed omnes eas, quæ non relinquunt post se opus. Nam 1. magn. moral. cap. ultimo, cytharizationem vocat actionem non factionem, ex eo quòd non relinquat post se opus. In 6. verò ethic. cap. 5. prudentiam ait versari non circa omnes actiones, sed tantum in certa materia, hoc est, circa ea quæ humana bona sunt, indicans esse alias actiones, quæ non versantur circa humana bona, hoc est, ea quæ hominem bonum efficiunt. Cum igitur cognitio non relinquat post se opus, erit secundum Aristotelem vera actio.

Sed contra. Inauditum est apud Aristotelem cognitionem dici actionem aut factionem, neque vllum huius rei exemplum apud Aristotelem inuenitur. neque solum cognitionem non vocat actionem Aristoteles, sed eam semper opponit actioni, dum cognitionem seu veritatem pro fine speculatiuæ assignat, actionem autem & factionem ad practicam refert. Quod si cognitio esset actio, confunderentur fines scientiæ speculatiuæ & practicæ, verumq; esset actionem esse quoque finem speculatiuæ, & cognitionem ac veritatem esse finem practicæ.

Arist. cognitionem nūquā vocat actionē aut factionem.

Nam quod dici solet, cognitionem ut fit esse finem practicæ, absolute verò ut cognitio est esse finem speculatiuæ, eam distinctionem esse falsam ex eo apparet, quod etiam speculatiua habet pro fine cognitionem.

ut fit, hoc enim est, quod intendit, ut faciat & producat in se cognitionem, & sic idem esset finis speculativæ & practicæ. Denique semper apud Aristotelem ista tria distinguuntur, cognoscere, agere, facere, ita ut cognitio ad intellectum spectet, actio ad omnem potentiam extra intellectum, quæ non relinquit opus post se, factio verò ad omnem potentiam, quæ opus post se relinquit. Quare Aristoteles, etsi præter voluntatis actiones, agnoscat etiam alias, nunquam tamen ullam pro vera actione agnovit, quæ non esset actio potentiae distinctæ ab intellectu, nec actionem intellectus unquam vocavit verè & propriè actionem.

*Cognitio et fit
non est factio.*

Respondent secundò. Cognitionem ut fit esse verè & propriè actionem. Sed contra Primò, Aristoteles cognitionem nunquam vocavit actionem, sed eam semper actioni opposuit, aliudque est apud Aristotelem facere, aliud cognoscere. Secundò, de ratione actionis secundum Aristotelem est, ut relinquat opus post se, in hoc enim distinguit actionem ab actione 1. magn. moral. ubi de distinctione actionis & actionis ex professo tractat, neque aliud quid potest assignari, quo factio ab actione distinguatur. Nam si dicas actionem esse actionem externam, id etiam in quibusdam actionibus invenitur, ut in cytharisatione, virtutum etiam actiones, non solum internæ, sed & externæ sunt, veræ actiones. Cum igitur cognitio non relinquat post se opus, sequitur non posse dici propriè actionem. Tertio, idem patet ex communi modo loquendi, cuius in hac re magna est habenda ratio, id. n. voces significant, quod & is qui loquitur, & is qui audit, intelligit, seu ut ait Arist. 1. peri herm. c. 2. quod constituit intellectum dicentis & audientis. Atqui communiter omnes dicunt,

cunt, eum qui solum mentis actionibus occupatur, & nihil sensibile, & quod permaneat molitur, nihil facere & ociosum esse. Ergo nomen factionis non est impositum mentis actionibus, sed externis duntaxat, & iis quæ relinquant post se opus.

Hinc verò solui possunt argumenta opposita; non enim omnis cognitio dirigens est practica, sed ea solum quæ dirigit opus à cognitione distinctum; solum enim tale opus est vera praxis. At inquires, etiam cognitionem imperatam à voluntate ad aliquem finem honestum esse praxim, quia est actio virtutis, Ergo cognitioni non repugnat esse praxim, ut cum volo speculari ad Dei gloriam. Respondeo, cognitioni ut cognitio est, & intra terminos cognitionis, repugnat esse praxim; ut verò coniungitur actui voluntatis, seu ut est volita, sic conuenit illi esse praxim, sed ex accidenti & extrinsecè, non quatenus est actus cognitionis, sed quatenus est actus voluntatis imperatus. Similiter non omnis cognitio efficiens aliquam actionem, est verè practica, sed solum ea, quæ efficit verum opus & praxim, seu opus à cognitione distinctum. nam efficere cognitionem est cognoscere, non facere, & est opus speculatiui intellectus non practici.

Dico secundò. Logicam secundum doctrinam Aristotelis non esse speculatiuam. Est sententia Aristotelis 1. Topic. cap. 9. vbi problemata Logica, quæ sunt aliorum sciendorum gratia, secerant à speculatiuis & practicis. Sunt autem problemata Logica cognitiones Logicae. Vbi etiam rationem eius indicat, quia de ratione scientiæ speculatiuæ est

*Logica non est
speculatiua secundum Aristot.*

non referri aliò, sed sistere in ipsa cognitione, Ergo cum Logica non sistat in cognitione, sed referatur ad dirigendum aliud, non potest dici speculatiua, nos enim regulis Logicis utimur ad rectè discurrendum, definiendum, diuidendum.

Responderi potest, in Logica esse duplicem cognitionem, aliam practicam, quæ refertur ad alias cognitiones dirigendas, quales sunt regulæ Logicæ, & præcepta de modis syllogismorum; aliam speculatiuam, quæ non refertur ad aliquid dirigendum, talis est cognitio essentia & proprietatum rerum Logicarum, per hanc enim cognitionem nulla operatio dirigitur, ac ex consequenti talis cognitio aliò non refertur.

Ethica essentias & proprietates rerum moralium considerat.

Sed contra. Primò hac ratione scientia moralis non esset practica sed speculatiua, contra communem Aristotelis & omnium sententiam: quia scientia moralis essentiam & proprietates rerum moralium inuestigat, & demonstrat per causas; quod etiam expressè docet Aristoteles 2. metaphys. c. 3. cum ait, practicam considerare etiam causas non perse, sed ad aliquid, hoc est, non causas rei conuenientes secundum naturam suam, sed ut est ad aliquid ordinata, & idè non esse propriè scientiam.

Aut igitur resolutio conclusionis in sua principia & causas non arguit scientiam speculatiuam, aut omnis scientia practica erit speculatiua. Deinde 1. metaphys. c. 1. expressè ait Aristoteles artem in hoc distingui ab experientia. Primò, quod experientia sit singulare, ars vniuersalium: secundò, quod scire solum quod sit, non propter quid sit, ars verò scire & causam reddere: Ergo secundum Aristotelem proprium est artis, & scientiæ practicæ, cognoscere operis

operis causam, nec in hac cognitione causæ ars est speculatiua sed practica, si quidem versatur circa factionem, vt infra mox magis declarabitur. Et I. Rhet. c. I. ait, omnes in hoc cōuenire, esse proprium artis causam reddere, & in eo positam esse rationem artis, quod sciat faciendorum causam reddere, quod non facit experientia.

Secundò, cognitio practica est non solum illa, quæ dicitur aliquid faciendum vel non faciendum, sed etiam omnis cognitio rei factibilis, quatenus factibilis est, quare & cognitio essentiae rei factibilis, & proprietatum eius secundum Aristotelem est practica: quia cognitio sequitur suum obiectum; si ergo obiectum sit alterius gratia, & ad aliud relatum, etiam essentia & proprietates eius, erit alterius gratia, & ad aliud relata; quare cognoscere tales proprietates, est cognoscere alterius gratia. Quod intelligo de iis proprietatibus, quæ conueniunt rei factibili, vt factibilis est, seu vt substat nostræ operationi: quia quædam proprietates competunt rei secundum suam essentiam absolutè, quædam vt factibilis est à nobis: illæ sunt proprietates naturales, & obiectum speculatiuæ cognitionis, hæ sunt proprietates practicæ conuenientes rei, vt fit à nobis, & has dico esse obiectum cognitionis practicæ. Nam sicut scientiæ speculatiuæ est sui obiecti essentiam, causas, & proprietates speculari, ita & scientiæ practicæ est sui obiecti practici essentiam, causas, & proprietates considerare: eo ipso enim quod obiecto practico conueniunt aliquæ proprietates, ad aliud referuntur vnà cum obiecto, sunt enim proprietates obiecti vt refertur ad aliud. Neq; verò facio differentiam, quam nonnulli faciunt inter obiectum factibile & factum, vtrumq; enim est obiectum practicum, illud vt per nostram operationem fieri potest, hoc vt per nostram opinionem factum est.

*Omnia cognitio
rei factibilis est
practica.*

Quod si obicitur posse considerari actum virtutis, ut accidens & qualitas est, quæ consideratio est speculatiua. Ergo res factibilis potest considerari speculatiue. Respondeo, rei factibili quædam conueniunt ex natura rei, ut virtuti esse accidens, & esse qualitatem; hæc enim conueniunt virtuti antequam consideretur factibilis, aut saltem non propterea quod factibilis, quædam verò conueniunt illi ut factibilis est, ut esse conformem vel difformem rationi, esse ad bonum vel malum finem, esse cum talibus circumstantiis, & hæc spectant ad cognitionem practicam, quia res factibilis cum suis omnibus proprietatibus, quæ illi ut talis est competunt, est factibilis, hoc est, subiiciens factioni, & ratione factionis habet illas proprietates.

Responderi potest secundò. Cognitionem Logicam non referri ad aliam cognitionem, nisi per accidens, eo modo, quo & cognitio speculatiua referri potest ad aliud, ut in præcedenti conclusione docuimus. nam cognitio mathematica speculatiua, quæ est de figuris vel de proportionibus quantitarum, vel de numeris, dirigere potest veram praxim mechanicam, & plurimum eam adiuuare: simili ergo ratione Logica cognitio est merè speculatiua de bonitate consequentia & syllogismorum, quia secundum se consideratur, non in ordine ad aliquam aliam cognitionem dirigendam: prius enim syllogismus & consequentia est in se bona, tum assumitur ad dirigendos, & regulandos alios discursus, sed per hoc non cessat esse speculatiua, quia accidit illi referri ad aliud, sicut nec vlla scientia speculatiua cum assumitur ad dirigendam aliam actionem, desinit esse speculatiua. & ita sentit Gregorius 4. & 5. prolog. artic. 1. cum ait, Logicam non esse directiuam

neque enim inueniuntur in illa per

per modum iudicii practici, dictando, quid & quali modo sit operandum, sed solum cognoscendo bonas consequentias & syllogismos ad quorum similitudinē diriguntur alii discursus, quod est dirigere per modum similitudinis, aut per modum exemplaris.

Sed contra. Logica utroq; modo dirigit, primò per modum iudicii practici dictando hoc & illo modo esse definiendum, argumentandū, quæ iudicia continentur in præceptis, & regulis Logicis, quæ sunt veluti dictamina quædam, & propositiones per se notæ in Logica: Secundò per modum exemplaris proponendo, formam & exemplar bonæ consequentiæ, & boni syllogismi: verum hæc bonitas consequentiæ, si sit naturalis, & ex naturâ discursus proueniēs, cognoscetur speculatiuè, sicut & quæuis alia proprietas naturalis actus intellectus, pertinebitq; ad scientiam physicam, cuius est omnes proprietates rerum physicarum speculari; si verò sit bonitas artificiosa & Logica secundum Logicas regulas, ex terminis habentibus Logicas proprietates, sic erit bonitas rei practicæ, seu rei vt factibilis (est enim syllogismus opus quoddam Logicum arte factum, ex terminis certo modo effectum) cognoscetur cognitione practica, vel certè non speculatiua: quare neutro modo cognitio Logica quatenus Logica erit speculatiua. Ex quo patet, dari quidem in Logica cognitiones quasdam speculatiuas operationū intellectus, sed eæ sunt à physica vel metaphysica mutuata, ad explicandas melius operationes, vt principia illa, Quæ sunt eadem vni tertio, sunt eadem inter se; Genus & differentia sunt de essentia rei. Posita causa, ponitur effectus.

*Logica duobus
modis dirigit
operationes.*

Notandum etiam est ad illud testimonium Aristotelis ex 1. Topic. c. 9. & 12. responderi posse, Aristote-

lem

lem distinguere quidem ibi triplicia problemata, alia ad eligendum, alia ad sciendum tantum, alia ad aliud quid cognoscendum, verum non determinare, quæ sint practica, quæ speculatiua. Nam c. 12. priora vocat moralia, secundi generis vocat naturalia, tertii generis rationalia & Logica, quocirca ex hoc testimonio Aristotelis non habetur, problemata tertii generis, nec esse speculatiua, nec practica, sed solum nec ad eligendum nec ad purè sciendum spectare. Et sanè hæc esset inter cæteras commodior responsio, nam aliæ, quæ solent afferri, vix quicquam probabilitatis habent. Verum hæc etiam responsio refellitur. Nam secundum communē expositionem Peripateticorum, problemata speculatiua & practica, & neutra, intellexit eo loco Aristoteles. nam sub electione comprehendit omnia, tam agibilia, quàm factibilia (ex parte totum intelligendo) ac ex consequenti omnia practica quæ actione & factione comprehenduntur, alioquin non omnia practica problemata assignasset Aristoteles. Nam præter illa quæ ad eligendum conducunt, darentur alia quæ ad faciendum pertinent. Ne ergo id admittamus, dicendum est, omnia tam agibilia, quàm factibilia sub electione complexum esse, ex parte totum intelligendo, omnia verò speculatiua sub secundo genere comprehendit vt patet: restat ergo vt in tertio nec practica nec speculatiua comprehenderit. Quod si cognitionem ad actionem aut factionem pertinere putasset, procul dubio eam sub electione comprehendisset. Est & alterum eius rei signū, quia cap. 12. problemata ad sciendum vocat naturalia, & tamen nemo dubitauit etiam mathematica & metaphysica problemata ad idem genus pertinere. Et ita explicat Alexander ibi, & Albertus, Nyphus, Academia Veneta, & alii expositores.

Ex dictis etiam patet responsio ad fundamentum pri-
mæ sententiæ, non enim ratio speculatiuæ cognitionis
consistit in resolutione rei in suas proprietates & cau-
sas (idenim commune est utriq; cognitioni, tam specu-
latiuæ, quàm practicæ) sed in eo, quòd cognitio illa
sistat in obiecto, nec ad aliud referatur, siue cognoscat
causas obiecti, siue non, vt patet in cognitione primo-
rum principiorum, quæ cognoscuntur speculatiuè, etiam-
si non resoluantur in causas, & immediatè cognoscun-
tur, in Logica verò hæc conditio deest; nam Logica ver-
satur circa id, quod ad aliud refertur: modus enim sci-
endi refertur tum ad id cuius est modus dirigens, tum ad
factionem nostram, siquidem est opus artificiosum ab
intellectu effectum.

*Ratio specula-
tiua cognitio-
nis in quo con-
sistit.*

Dico tertio. Logica non est simul speculatiua &
practica. Patet ex duabus prioribus conclusionibus,
nō enim est speculatiua, quia est gratia alterius, refertur
enim tum ad effectum artificialem instrumentorum
sciendi, tum ad directionem operationum per illa in-
strumenta: sicut enim vlna prius efficitur instrumentū
in se rectum & mensuratum, per illam artificiosam di-
mensionem & distinctionem partium vlnæ, tum adhi-
betur ad aliamensuranda; ita Logica prius conficit in-
strumenta sciendi, seu exemplaria quædam operationū,
artificio Logicæ instructa, tum ea adhibet ad operatio-
nes dirigendas. & sicut instrumentum factum ad aliquod
opus efficiendum, per se refertur ad illud opus, vt culter
ad sciendum, malleus ad tundendum, ita & instru-
menta Logica per se, non per accidens referuntur ad
dirigendas operationes. Non est etiam Logica practi-
ca, quia refertur ad cognitionem non ad opus, & licet
conueniat cum practica in modo procedendi, differt ta-

*Logica non est
simul specula-
tiua & practi-*

men in materia, quia non est circa verum opus & praxim.

Deinde dupliciter potest dici Logica simul esse speculatiua & practica: Primò quod sit conflata ex variis habitibus, quorum alii sunt speculatiui, & alii practici, & hoc iam ex dictis refutatum est. Secundò, quòd sit vnus specie habitus virtute continens speculatiuum & practicum, sicut enim lumen solis virtute continet calorem, quia potest illum producere, etsi ipsum non sit actu calidum, ita & Logicæ vnus & idem habitus potest producere aliquos actus speculatiuos, aliquos practicos. Et hoc modo quidam recentiores defendunt Logicam esse simul speculatiuam & practicam, sed non bene, quia licet id possit concedi in habitibus infusis, qui non generantur ex actibus, sed sunt vniuersales ad multos actus per modum potentiarum, tamen in habitibus acquisitis id concedi non debet: hi enim sequuntur naturam, & limitationem actuum ex quibus generantur, neq; actus potest conferre maiorem inclinationem, aut ad alia plura obiecta, quàm ipse habeat, vt infra in disputatione de scientia ostendemus.

Dico quartò. Si alterutrum de Logica affirmandum esset, dicendum potiùs esset Logicam esse practicam, quàm speculatiuam, quia à practica solùm in ratione quasi materiali differt, in formali autem conuenit vt dictum est, à speculatiuâ verò in formali differt, cùm ratio formalis cognitionis speculatiuæ in eo sita est, quòd non referatur ad aliud, sed in ipsâ obiecti veritate sistat. Quod si practica statuenda sit, inter actiuas potiùs, quàm inter factiuas referenda est, quia circa actiones, non circa factiones versatur, actio enim secundùm Aristotelem est non relinquens opus, factio verò opus post se relinquit.

Dic

Dico quintò. Logica propriè est habitus organicus seu instrumentarius, quia instrumenta & modos sciendi omnibus suppeditat, hocq; ipsius est proprium obiectum. Estq; hæc sententia Aristotelis i. top. cap. 9. vbi Logicam neq; practicam, neq; speculatiuam, sed adminiculantem, & aliarum scientiarum consequendarum gratiâ institutam esse docet; quia enim est gratiâ alterius, non est speculatiua; quia verò illud cuius gratiâ est Logica, non est verè & propriè praxis, idcirco non est propriè practica; quia verò modos & instrumenta sciendi omnibus scientiis suppeditat, est propriè instrumentaria. Est etiam hæc sententia omnium ferè antiquorum Peripateticorum, qui Logicam partim organum & instrumentum philosophiæ ac scientiarum, partim artem artium, & scientiam scientiarum, appellabant, eamq; multi recentiores sequuntur. De quo in sequenti quæstione plura.

*Logica qualis
habitus?*

QVÆSTIO V.

*An Logica, sit propriè scientia, vel ars,
vel facultas?*

PRIMA sententia affirmat Logicam esse propriè scientiam propter duas rationes. Primò, quia habet veras & proprias demonstrationes, vbi autem sunt demonstrationes, ibi est & scientia, cum scientia sit effectus demonstrationis: multa verò sunt quæ demonstrantur in Logica, vt quòd topicus syllogismus generet opinionem, quia procedit ex probabilib⁹, quòd demonstratio generet scientiam, quia procedit ex veris & primis principiis causisq; conclusionis. Secundò,

X 2

quia

quia nisi Logica sit scientia, nullæ aliæ scientiæ erunt scientiæ, quia omnes aliæ scientiæ pendent à Logica quoad rationem concludendi. duo enim requiruntur ad scientiam, certitudo principiorum, ex quibus inferenda est conclusio, & certitudo consequentiæ: illam habent scientiæ ex natura suorum principiorum, hanc verò habent à Logica: Logica enim tradit modos bonæ consequentiæ. si igitur Logica non sit scientia, sed opinio de bonitate consequentiæ, non habebitur de bonitate consequentiæ certitudo scientiæ, sed probabilitas opinionis, & sic ruerent omnes demonstrationes scientiarum, quia in opinione probabili, tanquam in debili fundamento, non potest fundari demonstratio. Hanc sententiam defendunt Scotus, Toletus, & alii recentiores.

Secunda sententiæ est. Logicam esse artem. Quia omnis doctrina conficiendorum instrumentorum est ars, ut patet inductione in omnibus artibus conficientibus instrumenta. Logica verò docet conficere instrumenta sciendi. Ergo est ars. Neq; potest reddi ratio, cur aliæ artes conficientes instrumenta sint propriæ artes. Logica verò non sit ars. Nam si negatur esse ars, eò quòd nullum opus post se relinquat, hac ratione neque ars cytharam pulsandi, vel canendi esset ars, quia nullum opus post se relinquit. Si verò ars dicatur solum respicere actiones externas, id etiam sustineri non potest, nam etiam in actionibus internis, quemadmodum & in externis, artificium habet locum. Deniq; sicut Grammatica est ars congruè loquendi, Rhetorica est ars ornatè loquendi, ita Dialectica est ars differendi, quam ob causam inter septem artes liberales numeratur.

Tertia

Tertia sententia est, quorundam recentiorum, Logicam simul esse scientiam & artem, nam quatenus demonstrat proprietates de rebus Logicis est scientia, quatenus efficit syllogismos est ars: artis. n. est facere opera. Ita Ruuius hic q. 3. secutus Suarium. vult autem eandem Logicam, vt in vniuersali docet modum, & præcepta faciendi syllogismos, esse scientiam; quia suam conclusionem deducit ex veris principiis & causis: vt verò hac eadem doctrina efficit particulares syllogismos conformiter illi doctrinæ, esse artem.

Quarta sententia est. Logicam esse facultatem. Est autem facultas apud Aristotelem, habitus quo possumus vti in vtramque partem. quam ob causam 1. Rhet. c. 2. Rhetoricam & Dialecticam facultates vocat, quia vtriusque præceptis in vtramque partem vti possumus. Neque verò solum id verum est de Topica, in qua ex locis communibus possumus in vtramque partem disputare, sed etiam de alia Logicæ parte, quæ de formis syllogismorum tractat. talibus enim formis vti possumus in vtramque partem.

Quinta sententia est, nec esse scientiam propriè, nec artem, nec facultatem, sed habitum instrumentarium ab his omnibus distinctum. Ita Themistius, & Græci, & Zabarella lib. 1. de natura Logicæ.

Dico igitur Primò. Logicam non esse propriè scientiam. Ita communiter Peripatetici veteres, vt testatur Zimara in Tabula, verbo, Absurdum est simul, vbi ait secundum Alexandrum, & antiquos Peripateticos Logicam non esse scientiam, sed modum sciendi, quod idem docet D. Thomas opusc. 70. q. de diuisione scientiæ speculatiuæ, art. 1. ad 2. vbi idem confirmat auctoritate Boëtij in Porphyrium dicentis, Logicam non

tam esse scientiam, quàm instrumentum scientiæ. Quare cùm alibi S. Thomas Logicam vocat scientiam, latè accipit nomen scientiæ, quia scilicet habet modum quendam scientiæ, non verò quòd sit essentialiter scientia.

Probatur primò, autoritate & ratione Aristotelis in 2. metaph. c. 3. vbi ex eo probat metaphysicam esse scientiam veritatis contemplatricem, quia practici, inquit, non considerant causam per se, sed ad aliquid, & pro nunc, seu pro hoc tempore. Cùm igitur de ratione scientiæ sit considerare causam per se passionis, necesse est metaphysicam esse speculativam non practicam, alioquin non esset vera scientia. Quo argumento expressè Aristoteles excludit practicas à ratione veræ scientiæ, si quidem scientia debet esse ex causis per se, quales causas non habet practica. Illa enim dicitur causa per se passionis, quæ est causa passionis formaliter ut talis est, ac proinde semper & ubique; ut patet in rationali, quod quia est causa per se risibilitatis, ut risibilitas est, semper & ubiq; causat risibilitatem, non in aliquo tantum tempore, nec aliquo tantum respectu, sed quandocunque & ubicunque fuerit risibilitas, causatius est rationalitas. Porro talem causam per se non habent Practici, non enim demonstrant passionem absolute de subiecto, sed tantum in ordine ad talem vel talem finem, nec afferunt causam passionis, quæ sit causa ipsius absolute, sed solum in ordine ad talem finem, quod est afferre causam non semper & ubique, sed tantum ad aliquid & pro nunc, ac proinde non est afferre causam per se, verbi gratia, probat Practicus domum habere tales proprietates, ex fine habitationis, ad quem ordinatur, habitatio non est causa istarum proprietatum per se, quia non vitales sunt, nec semper, nec ubique,

*Practici non
considerant cau-
sam per se.*

que, sed solum in ordine ad talem finem, & eo tempore quo talis finis intenditur: supposito enim tali fine, recte infertur tales debere esse proprietates domus: at verò tales proprietates non demonstrantur absolute de subiecto per talem causam, quia nec semper, nec ubique, nam vel non sunt in subiecto sublato fine, vel si sunt, ex aliis causis, non ex illo fine conveniunt subiecto, ac proinde non conveniunt per se ratione talis finis. Hæc igitur ratio Aristotelis concludit Logicam non esse verè scientiam, quia licet non sit verè practica, cum non sit de praxi, est tamen similis practicis, & eundem cum illis modum procedendi habet.

Secundò probatur. De ratione scientiæ est, ut sit de iis quæ sunt talia secundum naturam, non ex nobis, seu quæ in seipsis, & in sua natura, non in nobis habent principium, ut sint talia. Atqui Logica est de operationibus intellectus dirigibilibus, quæ non sunt tales ex natura rei, sed ex nobis, neque in se ipsis habent principium, ut sint tales, sed in nobis, hoc est, in nostra directione, quæ fit per intellectum. Ergo Logica non est vera scientia. Maior est doctrina Aristotelis in 6. Ethic. cap. 4. ubi ex hoc probat artem non esse scientiam, q, ars sit de iis, quæ non secundum naturam, sed ex nobis sunt talia, neque habent principium in seipsis, sed in nostra directione, ut sint talia. Vbi requiritur ad scientiam, ut sit de iis quæ secundum naturam sunt talia, & quæ in natura non in nobis habeant principium, ita ut proprium sit scientiæ demonstrare rem esse talem ex natura sua, verbi gratia, domus non habet in seipsa, nec in natura sua principium ut sit talis, hoc enim natura rei non postulat, sed nos per intellectum

Scientia est de illis quæ in natura sua habent principium.

Et inuenimus varios modos ædificandi domum, prout varios fines intendimus, propter quos domum ædificamus, & quibus ædificium accommodamus. Quod si dicas, etiam res naturales habere principium in efficiente, à quo procedunt. Respondeo, habere quidem principium in efficiente, sed extrinsecum, in natura autem sua habere principium intrinsecum, opera verò practica, siue sint artificialia, siue moralia, non habent ullum principium intrinsecum in natura, sed tantum extrinsecum in efficiente, seu in intellectu dirigente. Quare si operationes practicae habeant aliquas proprietates ex natura rei sibi conuenientes, illa non ad practicam, sed ad speculatiuam scientiam spectabunt, nempe ad physicam, cuius est naturam operationum, & proprietatum ex natura consequentium inuestigare. Ad practicam verò solum pertinet, tales proprietates ut sunt ex directione extrinseca, & regulis intellectus considerare.

Porro rationem huius doctrinae eam adfert ibidem Aristoteles; quia quæ sunt secundum naturam talia, sunt necessaria simpliciter, hoc est, semper & ubique, quod requiritur ad scientiam, quæ verò non ex natura, sed ex nobis sunt talia, non sunt simpliciter necessaria, quia non semper & ubique, sed aliquando, & non nisi supposito tali fine; unde absolutè, & simpliciter sunt contingentia, quia non sunt semper & ubique necessaria, sed solum sunt necessaria secundum quid ex suppositione talis finis, ut ex sequenti ratione magis patebit. Ex quo infero scientiam esse solum de ente naturali, non verò de ente artificiali aut morali, quia solum ens naturale fundat necessitatem simpliciter, ens verò artificiale & morale fundat necessitatem secundum quid tantum.

Ter-

*Res naturales
habent in sua
naturâ princi-
pium intrinse-
cum.*

Tertiò. Deratione scientiæ est, ut sit de iis quæ sunt necessaria simpliciter, non tantum secundum quid. *Scientia est de necessariis simpliciter.* Atqui Logica, cum sit de iis, quæ principium habent non in natura, sed in nobis, est solum de necessariis secundum quid, non simpliciter. Ergo non est vera scientia. Maior est doctrina Aristotelis in 1. posteriorum. & in 6. Ethic. cap. 3. & 4. ubi in hoc distinguit artem à scientiis, quod scientia sit de necessariis, & æternis, & quæ aliter se habere nunquam possunt, Ars verò est de contingentibus simpliciter, & quæ simpliciter habere se aliter possunt, & solum secundum quid, ex certa suppositione finis sunt necessaria. Neque enim ad rationem scientiæ satis est probare rem per causam, hoc enim modo omnes artes essent scientiæ, nulla enim ars est, quæ non afferat causam suorum operum, ut ait Arist. 1. met. c. 1. ubi docet, artificis proprium esse non solum scire facere opus, sed & reddere causam operis, quos etiam non artifices tantum, sed sapientes artifices vocari ait. Et ibidem in hoc distinguit artem ab experientia, quod illa reddit causam operis, hæc non item. Sed requiritur ad scientiam præterea, ut talem causam afferat, quæ demonstret rem illam; nullo modo, nullo tempore, nulla suppositione, posse se aliter habere, sed semper & ubique esse talem, quod est demonstrare necessitatem simpliciter.

Porro pro maiori explicatione, dupliciter declarari potest hæc necessitas simpliciter ad scientiam requisita. Primò si dicatur necessarium simpliciter esse illud, quod semper & ubique est necessarium, quomodo hominem esse rationalem & risibilem est necessarium simpliciter, quia semper & ubique, ita ut nunquam sit homo sine rationalitate & risibilitate,

*Primus modus
necessitatem
simpliciter au-
plicandi.*

nec potest esse vlla talis suppositio, propter quam homini non conueniat esse risibilem & rationalem. Necessarium autem secundum quid illud dicitur, quod nō semper & vbique est necessarium, sed solum in certa suppositione, sic hominem moueri est necessarium non semper & vbique, sed ex suppositione si currat, extra quam suppositionem non est necessarium hominem moueri, sed contingens. Ad scientiam igitur requiri necessitatem simpliciter dicto modo, hoc est, semper & vbique, pater ex eo. nam & artes demonstrant id quod est necessarium aliquando ex suppositione finis, scientiæ verò proprium est, demonstrare necessarium semper simpliciter, alioquin scientia ab arte non distingueretur essentialiter in ratione demonstrandi. Vnde & Aristoteles 1. posterior. c. 8. requirit ad demonstrationē prædicatum de omni, illudq; definit, quod omni subiecto & omni tempore conuenit, tale aut prædicatū est necessariū simpliciter. Secundò, quia talis necessitas requiritur ad scientiam, quæ non stet simul cum contingentia simpliciter; ac necessitas ex suppositione stat cum contingentia simpliciter, sublata enim suppositione, continget prædicatum non inesse subiecto, Ergo ad scientiam non sufficit necessitas ex suppositione, sed requiritur necessitas simpliciter.

Suppositio duplex.

Quod si obiicias, demonstrari in Physica eclypsim de luna, quæ tamen non est necessaria nisi ex suppositione interpositionis terræ inter solem & lunam. Respondeo, suppositionem aliam esse contingentem, quæ contingenter & liberè ponitur, vt si velim currere, necessarium est vt mouear, necessarium inquā ex suppositione libera cursus. Alteram non contingentem, sed neces-

necessariam, quæ ex natura rei & necessario ponitur, talis est interpositio terræ inter solem & lunam, quia tali & tali tempore necessarium est eam poni secundum ordinem & cursum naturalem. Prior ergo suppositio non sufficit ad scientiam, quia stat cum contingentia simpliciter, cum ipsamet suppositio sit contingens. Posterior verò suppositio sufficit ad scientiam, quia excludit contingentiam. Dices. Ecclipsim non esse semper necessariam. Respondeo, esse semper necessariam, non quidem pro semper, sed pro tali tempore, quia tali tempore necessarium est, tam suppositionem poni, quam posita suppositione sequi effectum, unde semper & ab æterno verum est ecclipsim futuram ex interpositione terræ. Quod si instes, eodem modo id quod est ex suppositione contingenti, esse necessarium semper pro tali tempore. Respondeo, non esse simpliciter necessarium pro tali tempore, quia nec ipsam suppositionem esse est necessarium simpliciter in tali tempore, sed potius est simpliciter contingens, & secundum quid necessarium, posito enim quod est, necessario est. At id quod ex suppositione necessaria simpliciter pro tali tempore, est necessarium simpliciter pro illo tempore, est necessarium, quia suppositio illa non potest non poni pro illo tempore. Fateor tamen demonstrationem de necessario simpliciter pro certo tempore, esse quidem veram & essentialiter scientiam, non tamen esse perfectissimam, intra latitudinem enim scientiæ datur una perfectior altera, sicut & necessitas simpliciter pro omni tempore, est maior & perfectior necessitas, quam illa quæ est pro aliquo tempore tantum.

*Secundus mo-
dus.*

Secundò potest explicari necessitas simpliciter ex parte causæ. Scientia enim est necessaria, quia est per causam necessariam: Si igitur causa sit necessaria omnimodè, tam ex parte subiecti, quam ex parte passionis, erit necessaria simpliciter, & faciet scientiam esse necessariam simpliciter, quia omnimodè. nam & in Maiori causa coniungetur necessario cum passione, & in Minori eadem causa coniungetur necessario cum subiecto, ex qua coniunctione sequetur conclusio necessaria simpliciter, conclusio enim sequitur ex connexionione medij cum extremis, ita vt qualis connexio fuerit medij cum extremis in præmissis, talis sit connexio extremorum inter se in conclusione: si illa fuerit necessaria simpliciter, hæc quoque erit simili modo necessaria; si verò connexio medij cum extremis sit necessaria ex parte passionis non ex parte subiecti, connexio quoque extremorum in conclusione erit necessaria secundum quid, & contingens simpliciter, vt si dicam, omne currens mouetur, Petrus currit, Ergo Petrus mouetur. Maior est necessaria simpliciter, minor est simpliciter contingens, & solum ex suppositione necessaria, conclusio sequitur simpliciter contingens, & solum secundum quid necessaria. Vt enim rectè Logici docent, conclusio semper sequitur debiliorem partem, & ex maiori necessaria, minori contingente, sequi conclusionem contingentem simpliciter, & solum ex suppositione necessariam. Ex quo patet, requiri ad scientiam necessitatem simpliciter, quia hæc solum excludit contingentiam simpliciter, alia verò non excludit.

Iam

Iam verò, quod in practicis, siue sint artificialia, siue moralia, non sit necessitas simpliciter, sed tantum, secundum quid, & ex suppositione contingenti, patet: quia necessitas rerum practicarum est necessitas ex fine liberè & contingenter intento, quod enim est principium in speculatiuis, hoc est finis in practicis, sine enim constituto, omnia diriguntur ad finem, & ex fine demonstrantur esse talia, vel talia, ut ex fine habitationis, demonstratur domum debere esse talem, ex tecto, parietibus, & fundamento constantem, tali modo, ut sit apta ad habitandum. Quæ proprietates cum ex suppositione contingenti conueniant illi ædificio, non possunt dici simpliciter necessariae, neque enim ex contingenti sequitur necessarium.

Neque verò solum proprietates practicae sunt contingentes simpliciter, sed & essentia ipsa subiecti practici, ipsa enim essentia rerum practicarum pendet & constituitur à nobis per ordinem ad aliquem finem à nobis intentum. In artificiatibus quidem fit secundum regulam artis, in moralibus verò secundum regulam prudentiae. Ex quo patet, cum omnes demonstrationes practicae, innitatur essentiae practicae, quæ essentialiter est contingens, non posse esse necessariae simpliciter, quod enim innititur fundamento contingenti, non potest esse necessarium simpliciter, & semper necesse est fieri resolutionem in essentiam subiecti contingentem. Hæc est enim differentia inter cognitionem speculatiuam & practicam, quod illa non facit suum obiectum, sed supponit factum, & solum illud contemplatur, hæc verò facit suum obiectum, verbi gratia, scientia de homine, non facit hominem esse rationalem & risibilem, sed tantum cognoscit, scientia verò de domo facit domum esse domum.

Essentia subiecti practici est contingens simpliciter.

*Necessitas con-
clusionis pra-
ctica non est
omnimoda.*

Adhæc, necessitas conclusionis practicæ non est omnimoda necessitas, prouenit enim ex vna necessaria & altera contingenti, medium enim in maiori coniungitur necessario cum passione, in minori verò coniungitur contingenter cum subiecto, quæ cōtingentia impedit absolutam necessitatem conclusionis, vt paulò ante deduximus. Quod etiam confirmatur exemplo Logico. Nam sit hæc demonstratio. Omnis syllogismus talem habens dispositionem terminorum & propositionum rectè concludit. Syllogismus in Barbara habet talem dispositionem. Ergo rectè concludit. hîc manifestum est medium necessario coniungi cum passione in Maiori, in minori verò contingenter cum subiecto; nam quod syllogismus ille sit in Barbara, & quòd habeat talem dispositionem, id prouenit non ex natura rei, sed ex intellectu nostro, talem structuram syllogismi faciente, ad finem recti discursus: vnde sequitur conclusionem illatam, non esse necessariam simpliciter, sed ex suppositione, supposito enim quòd intellectus fecerit talem structuram syllogismi, cum tali dispositione, sequitur conclusionem ex eo illatam esse legitimam.

Ex quo infero contra quosdam recentiores, artes vt demonstrat proprietates per causam de suis obiectis, non esse verè scientias. De ratione enim scientiæ est, demonstrare proprietates vt sunt necessariae simpliciter, quæ necessitas non inuenitur in artibus. Vnde Aristoteles artes dicit esse de contingentibus, scientiam de necessariis. 6. ethic. c. 3. & 4. Licet enim ars possit esse de necessariis ex suppositione, tamen necessaria ex suppositione, sunt contingentia simpliciter, scientia autem quia non est de contingentibus simpliciter, idè dicitur esse

esse absolute de necessariis, nempe talibus necessariis, quæ contingentiam excludunt.

Quartò probatur Logicam nō esse scientiam, quia nullas habet veras demonstrationes, nam vel demonstrat proprietates ex natura operationum prouenientes, & hæ demonstrationes sunt veræ, sed sunt physicae non Logicæ: ad physicam enim spectat considerare naturam operationum physicarum, & proprietates ex natura consequentes. Talis est demonstratio, quod syllogismus topicus generet opinionem, quia procedit ex probabilibus, demonstratiuus verò generet scientiam, quia procedit ex necessariis. Vel secundò demonstrat proprietates per conformitatem cum regulis Logicis, ut quod aliquis syllogismus rectè concludat, quia est in Barbara, vel quia est in forma: hæ demonstrationes sunt quidē Logicæ, sed nō sunt demonstrationes simpliciter, quia non sunt de necessariis simpliciter, sed solum ex suppositione; neq; ex necessariis simpliciter concludūt, sed ex altera necessaria, altera contingenti simpliciter, & solum secundum quid necessaria, quod Logicæ commune est cum omnibus demonstrationibus practicis. Huc verò spectat illa ratio Aristotelis, qua probat practicas non demonstrare per causas per se, sed ad aliquid, & pronunc.

Logica non habet illas veras demonstrationes.

Ex quibus patet ad rationes primæ sententiæ. Ad primam dico requiri essentialiter ad rationem scientiæ, ut scire necessaria simpliciter non contingenti, hoc enim est formale obiectum, quod demonstratur in scientia, nempe passionem conuenire necessario simpliciter subiecto, qualem necessitatem non demonstrat Logica de suo obiecto.

Ad

*Certitudo de
bonitate conse-
quentia nō ne-
cessariò habe-
tur per scien-
tiam.*

Ad secundam Respōdeo, requiri quidem ad scien-
tiam certitudinem de bonitate consequentiæ, verum ea
certitudo non est, necesse, vt habeatur per demonstra-
tionem & scientiam, sed satis est vt habeatur per indu-
ctionem & experientiam, quomodo etiam primorum
principiorum certitudo habetur, quare ex hoc capite
Logicam non est necesse esse scientiam. Facit enim
nos certos de bonitate consequentiæ, per regulas bonæ
consequentiæ, quæ sunt certæ per inductionem & ex-
perientiam, ex qua originem sumpserunt.

Non negauerim tamen Logicam dici posse scien-
tiam, secundum quid, quia procedit modo debito sci-
entiæ, resoluendo effectum in causam: non tamen est
scientia simpliciter, quia non est de re simpliciter ne-
cessaria, sed tantum ex suppositione.

*Logica non est
ars propriè,*

Dico secundò. Logicam non esse propriè artem:
ars enim propriè versatur circa eas actiones, quæ relin-
quunt post se opus, hoc est, circa factiones: Ars enim
est habitus cum vera ratione factiuus, & factionem verè
Aristoteles definit, eam quæ opus post se relinquit 1.
magnor. moral. cap. vltimo, & 6. ethic. c. 5. Aquì Lo-
gica non versatur circa vllas factiones & opera externa,
sed circa internas operationes intellectus quas dirigit.
Non igitur dici potest propriè ars: licet enim modum
quendam artis videatur habere Logica, quod ita verse-
tur circa suum obiectum sicut ars circa suum, tamen nō
habet materiam propriam artis, quæ est opus aliquod
externum. Quod si nomen artis libeat transferre ad o-
pera interna & spiritualia, iam non sumetur nomen Ar-
tis propriè, sed metaphoricè, sicut cùm nomina rerum
corporearum transferuntur ad res spirituales, propter
aliquam similitudinem.

Quod

Quod si dicas. Saltem eo modo Logica potest dici
 ars, quo ars cantandi, saltandi, cytharizandi, quæ sunt
 artes actiuæ, non factiuæ. Respondeo. Maiori ratione
 istæ dicuntur artes, quia versantur circa veram actio-
 nem & praxim; ars autem est quid practicum: At Lo-
 gica versatur circa solam cognitionem, quæ sicut non
 est vera praxis, ita & habitus qui circa eam versatur,
 non erit practicus, & consequenter ars: ars enim est
 habitus practicus. Quare ad fundamentum secundæ
 sententiæ Respondeo, non omnem doctrinam confi-
 cientem instrumenta esse artem, sed tantum illam,
 quæ versatur circa opera externa. Porro qui Dialecti-
 cam inter septem artes liberales posuerunt, spectarunt
 Dialecticam in voce, & artem rectè disputandi & dis-
 ferendi de rebus, quo modo licet dici possit ars latè
 sumpto vocabulo Artis; ea tamen est prima Dialecticæ
 consideratio, cùm ea primò ad actus internos dirigen-
 dos pertineat, non ad disputationem externam.

*Nota discriminē
 inter artem cy-
 tharizandæ ac
 similes & Lo-
 gicam.*

Dico tertio. Logicam non esse artem & scientiam
 simul modo explicato in tertia sententia. Dicunt enim
 hi, præcepta Logica ut deducuntur demonstratiue ex
 suis principiis, esse scientiam, ut verò efficiunt opera sibi
 conformia esse artem. Hæc doctrina in multis deficit.

*Logica non est
 simul ars &
 scientia.*

Primò, quia ostendimus secundum doctrinam Ari-
 stotelis de re factibili à nobis, non posse esse verè scien-
 tiam, etiam si per causas de ea vniuersaliter demonstren-
 tur passionēs; talis est Logica. Ergo neq; in vniuersali
 neq; in particulari habet rationem scientiæ. Secundò,
 quia ostendimus secundum Aristotelem artis rationem
 propriam & essentialē esse, scire causam operis: in-
 hoc enim differt essentialiter ab experientia, quòd ex-
 perientia scit quòd sit, non propter quid sit, ars verò scit
 propter

propter quid sit, Ergo cum Logica præcepta sua deducit ex suis causis & principiis, exercet in hoc propriam rationem artis, non scientiæ. Tertiò, quia falsum est, artem non versari nisi circa singularia, cum Aristoteles hæc duo requirat ad rationem artis, ut sit de opere in vniuersali, & ut sit per causam, in iisq; duobus distinguit artem ab experientia, quia experientia sit circa singularia, & non sciat causam. Quartò, isti videntur artem distinguere à scientia solum ex effectu: nam cum dicunt præcepta solum ut efficiunt opus sibi conforme, esse artem: peto num velint ab effectu & opere artem denominari artem, an verò arti assignent peculiarem actum cognitionis. Primum dici non potest, quia proprius actus artis est cognitio, est enim habitus intellectus cognoscitiuus, & actus eius proprius est cognitio; omnis enim habitus intellectus inclinat ad cognitionem. Si dicatur secundum: ergo præter opus externum & effectum assignari debet proprius actus Artis, qui non potest alius esse, quam cognitio rei faciendæ, & sic cognitio rei faciendæ, quam isti dicunt esse scientiam, erit proprius & essentialis actus artis, non enim solum ut efficit opus, sed ut dicat de faciendo, est ars: quod dictamen non solum in particulari, sed etiam in vniuersali ad artem spectat, quia idem iudiciū specie est in vniuersali & in particulari, extensione solum differens, non ratione formali iudicii, sicut idem specie homo est in particulari, & in vniuersali. Quintò, isti non videntur distinguere inter artem docentem & utentem, hoc est inter eam, quæ docet esse hoc vel illo modo faciendum, & eam quæ ex tali doctrina facit: eiusdem enim artis est docere faciendum, & doctrina illa uti ad faciendum, hoc enim est ex arte facere,

ex doctrina artis facere. Cum ergo isti doctrinam tribuunt scientiæ, vsum arti, an non manifestè tollunt doctrinam artis, & artem docentem? & sic ex arte facere, erit non ex arte, sed ex scientia facere, quia non ex doctrina & directione artis, sed ex doctrina & directione scientiæ. Sicut enim manualis, qui ex directione artificis operatur, verè non dicitur facere ex arte, licet efficiat opus artis, quia non habet in se artem, & notitiam artis, artifex verò quia scit & ob quam causam faciendam sit, dicitur ex arte facere, ita si ars vt ars nullam habeat propriam notitiam rei faciendæ, sed vtatur scientia, opus illud quod efficit, erit opus non artis, sed scientiæ, quia ex scientiæ non artis directione procedit. Ex quo patet notitiam illam, ex qua ars efficit opus, esse artis non scientiæ notitiam. Quare hi authores si consequenter loqui velint, vnum ex duobus dicere debent, aut vtramq; Logicam tam docentem quàm efficientem esse scientiam, ita vt si docens est scientia, vtens etiam sit scientia; quia eadem est notitia docens & vtens, & ex scientia docente vtens efficit opus, aut certè si Logicam vtentem volunt esse artem, consequenter Logicam docentem debent dicere artem, quia eadem notitia est docens & vtens. Dicere verò Logicam docentem esse scientiam, vtentem verò artem, non est dicere conuenientia, nam scientia & ars essentialiter differunt in genere cognitionis. Non potest igitur eadem cognitio esse ars & scientia, sed debent esse duæ cognitiones essentialiter distinctæ. Quare cum hæc doctrina horum authorum tam multis nominibus repugnet doctrinæ Aristotelis & rationi, non videtur esse probabilis.

*Logica tantum
secundum unā
sui partem fa-
cultas.*

Dico quartò. Logicam vniuersè loquendo non esse facultatem, sed solum vnā eius partem, quæ Topica dicitur. Pro quo notandum est, Logicam seruire omnibus scientiis duplici ratione. Primò tradendo modos & formas generales definiendi, diuidendi, argumentandi. Secundò. Suppeditando generalia media ad disputandum & discurrendum de rebus omnibus, hoc est, indicando locos communes, sedes argumentorum, ex quibus argumenta ad quamcunq; rem probandam erui possunt. Primum illud spectat ad formam argumentandi, secundum verò ad materiam; Quamuis enim singulæ scientiæ habeant singularia media ad suas conclusionēs probandas, tamen Logica præbet omnibus scientiis generalia quædam media ex locis communibus desumpta, vt ex loco à genere, à specie, à definitione, à causâ, de quibus omnibus certas regulas Logica tradit, in ea sui parte quæ Topica dicitur. Ex quo patet Topicam seruire cæteris scientiis, quoad materiam, præbendo generalem materiam argumentandi de qualibet re, alteram verò Logicæ partem seruire quoad formam; quare etiam de syllogismi topici forma agere nō spectat ad Topicam, sed ad aliam Logicæ partem, quæ in communi de forma syllogistica tractat. eadem enim est forma syllogismi Topici, quæ aliorum omnium syllogismorum, solum vera topica præbet materiam generalem, & media generalia ad conficiendos syllogismos topicos.

Norandum est secundò. quòd Aristoteles duas facultates recenset 1. Rhet. cap. 2. Rhetoricam & Dialecticam, quia per eas possumus in vtramq; partem affirmantem & negantem dicere & disputare, suadendo & dissuadendo, probando & refellendo, quod manifestum

stum est non convenire toti Logicæ, sed solum vni parti, quæ Topica dicitur. Nam mediis desumptis ex locis Topicis in vtramq; partem probabiliter vti possumus, & de vtraque parte, tam affirmante, quàm negante probabiliter disputare. Topica enim media vel sunt solum probabilia, vel si aliqua sunt necessaria, Topica illis vtitur nō vt necessariis, sed vt probabilibus. Ex quo responsio patet ad fundamentum tertiæ sententiæ, forma enim syllogismi non est medium ad probandum in vtramque partem.

Dico quintò. Logicam esse habitum instrumentarium. Ita Ammonius præfatione in Prædicamenta. Alexander 1. top. c. 4. & 2. met. t. 15. Simplicius præfatione in prædicamenta. Auerroës præfatione in Epitom. metaph. S. Thomas opusc. 70. q. 5. a. 1. ad 2. Albertus tract. 1. in libr. poster. initio, Egidius initio posteriorum. Zimarain Tabula. verbo, Absurdum. Zabarella de natura Logicæ c. 10. Et probatur 1. ex Aristotele, qui Logicam idcirco inscripsit organum, vt refert Lactertius. & 2. met. t. 15. appellat eam modum sciendi, quo scientiæ vtitur ad finem scientiæ consequendum. Denique 1. top. c. 9. ait, ea quæ quærentur in Logica, quæri non propter aliquid quod sit proprium Logicæ, sed tantum vt adiuuet ad aliud: ex quo loco infert Alexander. ibi, Logicam esse instrumentum. Secundò, quia finis vltimatus & essentialis Logicæ sunt scientiæ seu operationes scientiarum rectæ, ad hunc autem finem Logica concurrat instrumentaliter suo artificio, nam principaliter actus scientiarum fiunt ab habitu scientiarum. Ergo Logica est habitus instrumentarius, distinctus essentialiter ab omnibus aliis habitibus, nam alij habitus consequuntur suum finem per suam actionem principalem,

Logica est habitus instrumentarius.

palem, sola Logica consequitur finem suum per actionem verè & propriè instrumentariam. Pro cuius declaratione duosunt explicanda. Alterum est, An Logica sit verè & propriè instrumentum scientiarum; alterum an hæc sit prima & adequata ratio, propter quam Logica dicitur habitus instrumentarius.

*Quæsit ratio
propria instru-
menti.*

Quantum ad primum dico, De ratione veri instrumenti esse duo, Primò, vt sit subordinatum causæ principali, & ab ea moueatur vel applicetur ad agendum. Secundò, vt applicetur ad operationem principalis agentis, non suam propriam. Ratione primi, multæ causæ non sunt instrumenta, quæ vel non subordinantur causæ principali, sed æquè principaliter agunt, tanquam concausæ, vt cum duo trahunt nauim; vel subordinantur, sed per accidens, quia nimirum vis actiua illarum causarum talem subordinationem non requirit ex natura sua. sic ignis applicatus ad comburendum, non est verè & propriè instrumentum ad combustionem, quia illa applicatio conuenit illi per accidens, cum non ex vi talis applicationis, sed ex vi sua principali & naturali comburat. Vis enim instrumentaria talis est, vt ex se non prorumpat in actum, nisi moueatur ab agente principali, vt patet in securi, calamo, & aliis. Ratione secundi ea non dicuntur instrumenta, quæ applicantur quidem ab agente, sed ad suum proprium, non ad agentis principalis effectum, cuius signum est, quando effectus ille non excedit virtutem propriam causæ applicatæ: effectus enim principalis agentis debet excedere propriam virtutem instrumenti, alioquin non instrumentaliter, sed principaliter fieret ab ipso. De ratione enim instrumenti est, vt agat virtute principalis causæ, non egeret autem principaliter

cipali causa, si ex se haberet virtutem sufficientem ad effectum. sic equi non sunt instrumenta aurigæ, quia applicantur quidem ab aurigâ, sed ad actionem propriam ipsorum, nempe ad cursum, qui principaliter & sufficienter fit ab ipsis. Sic in Physica docetur accidentia ad producenda similia accidentia non esse instrumenta substantiæ, ad producendam verò substantiam esse instrumenta, quia nimirum hic effectus, excedit virtutem propriam: illorum, hic non excedit.

Logica igitur cum utramque conditionem instrumenti habeat, erit verè instrumentum scientiarum; nam & ad effectum scientiarum producendum adhibetur, nempe ad efficiendam scientiam actualem, quæ principaliter fit ab ipsis scientiis habitualibus, à Logica verò instrumentaliter tantum, & quoad directionem, & præterea virtus illa directiva Logicæ est per se subordinata habitui scientiæ, quia non potest prodire in actum scientiæ per se, nisi adhibita & applicata scientiæ habitus.

Logica est instrumentum scientiarum.

Dices, hoc modo omnes artes essent instrumenta ad efficienda opera artis, tradendo modum efficiendi illa opera, & sic omnes artes essent instrumentaria. Respondeo. Negando sequelam. nam artes nulli habitui subordinantur tanquam eius instrumenta, ad ipsius actum producendum, sed soli intellectui: nam potentiis exequutivis non subordinantur, sed illas potius ordinant & applicant ad finem. At Logica mediante cognitione modi sciendi, est subordinata habitui scientiæ, ipsi quæ inseruit ad finem, & actum ipsius principalem, unde proprium Logicæ est esse instrumentum aliorum habituum.

Quod

*An & quomodo
Logica concurrat
ad actum
scientiæ.*

Quod si quæras, an Logica concurrat instrumentaliter ad actum scientiæ, mediante suo actu, hoc est, mediante cognitione præceptorum & modorum sciendi; an verò immediatè per ipsum habitum, disponendo & determinando habitualiter scientiam, ad rectum actum scientiæ, nulla interueniente cognitione actuali præceptorum Logicæ. Quidam enim hoc secundum affirmant, idque ex eo probant, quòd habitus potest esse principium rectitudinis actuum, quos dirigit, nulla mediante cognitione, si enim quis contrahat habitum cantandi, saltandi, pulsandi cytharam, ex habitu ipso determinatur ad rectè cantandum, saltandum, pulsandū, etiam si actu nullam præceptorum artis considerationē habeat. Poterit ergo eodem modo & habitus Logicæ determinare & dirigere habitum scientiæ, nulla mediante cognitione præceptorum Logicæ. Verum nos in quæstione sexta infra id refellemus: alioquin contingeret, vt quis oblitus artis & præceptorum omnium, posset tam bene operari ex habitu artis, sicut alter operatur ex cognitione artis, per obliuionem enim non tollitur habitus artis, sed solum actus impeditur, vt vel ex eo patet, quod per solam recordationem redit homo ad priorem facilitatem habitualement. Dicendum ergo est habitum Logicæ esse quidem instrumentum scientiarum, sed mediante suo actu & cognitione, semper enim cum ex habitu artis operamur, vel præceptorum artis recordamur aliquo modo, vel certè operum artis ante factorum, & ex memoria talium operum facile & promptè operamur, vnde impedita memoria, impeditur & operatio.

Quantum ad secundum, Dicendum est Logicam esse instrumentariam, non solum quia conficit instrumenta

instrumenta sciendi, ut plerique sentiunt, sed præcipue quia ipsa seipsa, seu suis regulis ac præceptis est instrumentum scientiarum, causans instrumentaliter actus scientiarum. Nam quod ad instrumentorum confectionem attinet, si hæc instrumenta intelligatur regulæ syllogismorum, definitionum, & aliorum modorum sciendi, has Logica non conficit, sunt enim confectæ vna cum ipsa Logica à primis inuentoribus Logicæ, solum verò eas ut factas contemplatur, earumque proprietates ostendit, in quo habet se modo speculatio, speculatio enim non facit obiectum, sed factum intuetur, practica verò cognitio pro obiecto habet factionem sui obiecti, verbi gratia, ars ædificandi facit domum, & eam factionem pro obiecto habet. Si verò per instrumenta sciendi intelligantur simulacra quædam syllogismorum, definitionum, &c. qualia sæpe fiunt in terminis nil significantibus, ut in literis alphabeti, Omne A est B. Omne C est A, Ergo omne C est B. talia simulacra & conficiuntur à Logica, & sunt instrumenta sciendi, sicut & in aliis artibus, conficiuntur primò simulacra quædam operum, ex luto aut alia simili materia, ad quorum similitudinem deinde efficiuntur vera opera artis; Sic ars fusoria luteas formas adhibet ad fundendas campanas: sic ars ædificandi utitur modelis pictis vel fictis, ad quorum similitudinem accommodat ædificium: ita & in Logica simulacra quædam & ideæ syllogismorum conficiuntur, ut ad eorum similitudinem fiant veri syllogismi. Quamvis autem id verum sit, tamen hic usus talium simulacrorum non est necessarius ad scientias, & sine illo periti faciunt veros syllogismos, per conformationem ad solas regulas & præcepta Logica; unde non tam respectu Instru-

Discrimen Logicae & aliarum Artium.

torum à se confectorum, quàm (& quidem præcipuè) quia ipsa seipsa & suis præceptis, est instrumentum scientiarum, vocatur Logica habitus instrumentarius. Ex quo apparet discrimen inter Logicam & alias artes, quoad rationem instrumentariam; nam aliae artes principaliter conficiunt aliqua opera, quæ postea assumuntur ut instrumenta ab aliis artibus, ut ars frenifactoria, pro fine principali habet conficere frena, eaque conficit non instrumentariè, sed principaliter, quia in illis conficiendis nulli⁹ artis est instrumentum, frenis verò confectis utitur postea ars equestris tanquam instrumentis. Logica verò pro fine principali habet efficere actum scientiæ, ad cuius effectiorem habitus scientiæ concurrat principaliter, & quoad substantiã, Logica verò solum instrumentaliter, & quoad modum. Efficere quidem Logica aliqua simulacra verarum operationum, verum hæc effectio non est finis ultimus Logicæ, sed tantum immediatus, & subordinatus fini principali & ultimo, à quo solo denominatur Logica simpliciter.

Logica non est virtus ex 5. habitibus 6. Eth.

Dico sexto. Logica non est ullus ex illis quinque habitibus enumeratis ab Aristotele 6. Ethic. Patet id tum inductione, tum ratione, quia eo loco Aristoteles non intendit enumerare omnes habitus, qui sunt in intellectu, sed tantum eos qui semper verum dicunt. Unde ex hoc capite excluditur habitus opinionis, inertiae, erroris, his enim potest subesse falsum. Secundò solum ibi numerat habitus, qui in suo genere sunt principales, non verò qui sunt instrumenta aliorum habituum, qualis est Logica.

Ratio.

Logica non est virtus intellectualis.

Dico septimò. Logicam non esse virtutem intellectualem. Virtus enim est dispositio ad perfectum actum & optimum. Ad hoc autem in habitu intellectuali duo requi-

requiruntur; tum vt semper dicat verum (verum enim est obiectum intellectus) tum vt in hoc habeat se per modum causæ principalis, nō instrumenti, circa verum enim optima operatio non est, quæ vel non dicit verum ex sua ratione formali, vt est error, vel si dicat verum, non dicit absolutè, sed vel probabiliter tantum, vt opinio, vel cum suspitione, vt habitus suspitionis, vel aliis modis imperfectis, inter quos est modus instrumentarius dicendi verum.

Dices. Logicam dicere principaliter verum Logicum de modo sic vel sic sciendi. Respondeo, hoc verum, esse finem sed non vltimatum Logicæ, habet enim pro fine vltimato & obiecto verum scientiarum, ad quod ipsa concurrat solum instrumentaliter, vt dictum est, nam scientiæ concurrunt principaliter; idcirco huius veri respectu instrumentaliter solum dicit verum, & imperfectè, & sic solum erit instrumentum virtutis non virtus. At dices. etiam aliæ artes cum dicunt hoc vel illo modo faciendum opus, dicunt absolutè verum. Ergo & Logica. Respondeo, Esse disparem rationem, nam aliæ artes non habent aliud verum quod dicant, nisi illud de modo sic vel sic faciendi operis, quia non ordinantur ad aliam cognitionem, & veritatem assequendam. At Logica præter veritatem de modis sciendi habet pro fine vltimato & principali veritatem scientiarum, ad quam ordinatur, & à qua tanquam à fine vltimato præcipuè denominatur, cum igitur ad hanc veritatem concurrat solum instrumentaliter, & imperfectè ex parte sua, non poterit ea ratione dici virtus: Virtus enim est dispositio intellectus ad perfectam & optimam

operationem circa verum. At saltem, inquires, posse, Logicam dici virtutē ratione prioris veri de modo sciendi. Respondeo, si hoc verum haberet pro principali & ultimo fine, posset dici virtus intellectualis, sicut & aliae artes; at quia non habet illud pro ultimo fine, sed aliud, idē ratione ipsius non potest dici virtus.

QVÆSTIO VI.

*An Logica Docens & Vtens sint dua
Logica specie distincta?*

*Quid sit Logi-
ca docens?*

Primò explicandum est, quid sit Logica docens & vtens; est enim recepta ea Logicæ distinctio, eamque habet S. Thomas 4. met. lect. 4. & opusc. 70. Scotus & alij cōmuniter. Est igitur Logica docens, quæ tradit præcepta, quibus docetur quid, quomodo faciendum, vtens verò est, quæ ex præceptis efficit opera ipsis conformia, sicut cū artifex ex præceptis artis efficit opera artis. Quocirca actus proprius Logicæ docentis, est doctrina ipsa, & præcepta de faciendo; vtentis verò actus non est doctrina & cognitio in abstracto, sed vsus doctrinæ, seu doctrina & præcepta applicata alicui materiæ, vt cū syllogismus physicus efficitur secundum præcepta & doctrinam Logicam. Itaque dupliciter possumus definire Logicam vtentem: Primò si dicamus esse doctrinam, vt ex ea efficitur aliquid, facta denominatione extrinseca, ab hoc quod per eam efficitur, Secundò si dicamus esse opus ipsum prout efficitur ex doctrina, & substat doctrinæ. Vtraque definitio in idem recidit.

Ex quo infero Primò. ad actum Logicæ vtentis concurrere, & doctrinam seu præcepta, & operis effecti-
nem, ita vt ex vtroq; constituatur essentialiter actus Lo-
gicæ vtentis. Nam sola præcepta per se non sunt vsus,
sola etiam effectio operis sine præceptis, non est vsus
præceptorum. quare si efficeret opus artis non ex præ-
ceptis artis, sed vel casu, vel ex experientia, vel ex alio
principio, quàm ex arte, si in illo opere efficiendo non
vteretur arte, nec opus illud factum esset ex arte. sic ni-
dus ab hirundine factus non est opus artificiale, sed na-
turale, quia ex natura non ex arte procedit. sic ministri
artificum non faciunt ex arte opera artis, sed ex expe-
rientia, nec habent formaliter vsus artis. Quod dico
propter quosdam, qui dicunt habitum Logicæ vtentis
sine vlla cognitione actuali, efficere sua opera ex habitu
quasi per modum naturæ. Verùm isti errant, nam ha-
bitus Logicæ, est habitus intellectus, omnis autem ha-
bitus intellectus est cognoscitiuus, & perficiens intel-
lectum ad cognoscendum, & in ordine ad obiectum i-
ppius intellectus proprium, & ex consequenti actum.
habet cognitionem, Ergo si aliquid aliud efficit, non
nisi ex cognitione efficit, & mediante cognitione, quia
enim per cognitionem dirigit illum actum, idcirco di-
citur illum efficere.

*An ex Habitu
Artis, sine vlla
cognitione, ef-
ficiantur opera
Artis.*

At inquires. Qui habet habitum alicuius rei facien-
dæ, etiam non cogitans facit rem illam: Ergo immédia-
tè & absq; vlla cognitione. Respondeo, illum qui cõ-
trahit habitum non egere quidem magna reflexione,
semper tamen egere aliqua, etiam si aliquando insensi-
bili, vel saltem memoriâ operum ex arte factorum.
Quod patet primò ex experiētia, si enim casu tantisper
obliuiscimur artis, operari non possumus, & tamē mox

cùm deinde recordamur, eadem qua prius facilitate operamur, vt patet in cantu, in pulsatione cytharæ, & similibus; Ergo signum est, quòd ex cognitione actuali ex habitu operamur. Secundò, patet idem ex ratione: quia ille habitus contractus, non est habitus absolutè faciendi, sed ex cognitione faciendi, nam ex talibus actibus est genitus, qui ex cognitione processerunt: ergo non potest inclinare ad operandum, nisi ex cognitione; alioqui posset quis oblitus artis, & præceptorum Logices vti Logica. Dico igitur eum qui habitum contraxit, non egere quidem magna reflexione ad regulas artis, egere tamen vt minimum memoria operum artis, & ex ea memoria operum à se factorum operari.

*Ad actum Logicæ
Scientiæ nō
sufficit habitus
Logica.*

Infero secundò. Ad actum Logicæ vtentis non sufficere habitum Logicæ, sed requiri alium habitum efficientem aliquod opus, quod opus ab illo quidem habitu fit, quoad substantiam & entitatem, à Logica verò fit quoad directionem, seu quoad conformationem cū præceptis Logicæ, v. g. physicus demonstrat de homine, quòd sit risibilis, quia rationalis, hic discursus quoad substantiam procedit ab habitu physico, quoad directionem ab habitu Logicæ, fit enim conformis præceptis Logicæ de demonstratione. quocirca solus habitus Logicæ non potest dici vtens, nisi quatenus coniunctus cum aliquo alio habitu, in cuius actu vtitur præceptis Logicis.

Dices. Ergo habitus Logicæ vtentis, est compositus ex duobus habitibus. Respondeo, negando: non enim componitur ex utroq; , sed connotat alterũ habitum, sine cuius concursu non potest habere vsum suorum præceptorum: ex se enim habet habitus Logicæ applica-

applicare sua præcepta, ad actum alterius habitus, supposito quòd alter habitus producat suum actum.

His igitur suppositis, quæstio est, an hæ duæ Logicæ docens & vtens sint essentialiter distinctæ. Est autem ratio dubitandi duplex: altera ex parte actuum, altera ex parte habituum. Nam ubi sunt actus specie distincti, ibi generantur habitus specie distincti, actus enim sibi similem generant habitum. Atqui actus Logicæ docentis & vtentis sunt specie distincti, Ergo & habitus. Minor patet ex dictis. Actus enim Logicæ docentis sunt præcepta, vtentis verò opus præceptis conforme. De habitibus verò probatur in hunc modum. Nam ubi sunt diuersæ difficultates superandæ, ibi constituendi sunt distincti habitus, siquidem habitus constituuntur ad difficultates superandas, & facilitatem ac promptitudinem potentia in operando tribuendam: Atqui in exequendis præceptis Logicæ, est noua difficultas, quàm sit in discendis. Ergo & habitus exequendi præcepta Logicæ, est alius ab habitu docente. Minor probatur, tum quia potest quis scire artem conficiendi syllogismos, & esse iners & inexercitatus in praxi; tum quia potest quis sine arte syllogismos facere ex solo vsu: Ergo alia est ars syllogistica, alius vsus: tum quia idem cernitur in aliis habitibus, quòd dirigentes habitus ab exequentibus distinguuntur. Nam prudentia est habitus dirigens omnes virtutes, non est autem dubium prudentiam, cum sit in intellectu, distingui ab habitibus virtutū, qui sunt in voluntate. Propter quas rationes pleriq; sentiunt hos duos habitus, ac ex consequenti Logicæ esse specie distinctas.

*Logica docens
est idem habi-
tus cum Logi-
ca Gentile.*

Alii verò vt verius existimant non esse istos habitus specie distinctos, sed habitum docentis Logicæ applicatum rebus esse Logicam vtentem, eundem verò habitum auulsum à rebus esse Logicam docentem. certum autem est, eundem specie habitum esse auulsum à rebus & applicatum. Probatur hæc sententia. Quia distincti habitus constituuntur propter distinctas difficultates: Atqui in applicatione & vsu præceptorum Logicorum nulla est difficultas ad Logicam spectans, nisi ea, quæ oritur ex ipso artificio præceptorum, Ergo habitus Logicæ vtentis non est distinctus ab habitu Logicæ docentis.

*In actu Logica
Scientia tria cō-
sideranda.*

Pro qua re Notandum est in actu Logicæ vtentis tria considerari posse: Primò doctrinam & artificio Logicum, v. g. formam illam Syllogisticam. Secundò, materiam cui applicatur illud artificio, quæ potest esse physica aut metaphysica. Tertiò coniunctionem artificii cum materia. Vnde triplex quoq; cogitari potest difficultas in vsu Logicæ. Prima quæ prouenit ex imperfecta cognitione artis & præceptorum Logicæ, & hæc ad Logicam docentem pertinet: altera quæ prouenit ex imperfecta cognitione materiæ physicae. v. g. vel metaphysicae, & hæc pertinet ad scientias, quæ circa illas materias versantur: vt enim ars sculpendi aliam habet difficultatem in ligno, aliam in lapide, aliam in marmore, quòd istæ materiæ diuersas quoq; secum ferant difficultates, ita Logica aliam habet difficultatem in materia physica, aliam in metaphysica. Tertia difficultas prouenit ex materia exequente, idq; tunc, quando executio pertinet ad diuersam potentiam, habentem diuersum actum, & ex consequenti diuersam in actu difficultatem: vt si quis didicerit artem pingendi, vel can-

tandi

tandi habuit, procul dubio habebit is difficultatem in vſu & executione artis, etiam ſi illam optimè norit, quia executio debet fieri per potentiam, diſtinctam ab ea potentia, in qua eſt ars, diſtincta autem potentia, ſicut diſtinctum habet actum, ita & diſtinctam facilitatem in actu. Nam ad pingendum v. g. in manu requiritur quidam habitus materialis, ſimiliter & in vocis instrumentis ad cantandum. Si verò potentia executiva non ſit diſtincta à directiva, ſed ipſa potentia dirigens ſit etiam exequens, tunc non erit diſtincta difficultas in exequendo, quàm ſit in dirigendo, vel cognoscendo, aut ſi quæ ſit difficultas, illa referenda erit in materiam; vt cùm intellectus artem Logicam applicat materiæ phyſicæ. Quare ſi nulla ſit difficultas, neq; ex parte artis Logicæ, neq; ex parte materiæ, nulla quoq; erit difficultas in coniunctione artis cum materia, cùm eadem ſit potentia dirigens & exquens. Si quis enim apprehendat evidenter hominem eſſe riſibilem, ex eo, quia rationalis, & bene memor ſit artis ſyllogiſticæ, nullam habebit difficultatem in conficiendo Syllogiſmo phyſico, propter evidentiam tam formæ, quàm materiæ; ad hunc enim modum & in phyſicis, ſi materia ſit bene diſpoſita ad formam recipiendam, & agens habeat perfectam virtutem producendi formam, nulla difficultas erit in coniungenda forma cum materia.

Ex quo patet, quòd in arte, quam quis novit, bene exequenda, ſi ſit aliqua difficultas, illa vel in materiam, vel in potentiam exequentem, quæ ſit diſtincta à dirigente, referenda eſt. Hinc autem reſpondetur ad fundamentum primæ ſententiæ: illa enim difficultas, quæ in vſu præceptorū Logicorum cernitur, poteſt eſſe, vel ex imperfecta noticia præceptorum, & hæc ad docen-

Difficultas in arte nota in- quid referenda.

tem Logicam spectat; vel ex materia cui applicantur præcepta, & hæc spectat ad alias scientias, quæ circa illas materias versantur, si verò neutra sit ex dictis difficultatibus, nulla erit difficultas in usu præceptorum Logicæ.

Vnde ad primam probationem in ratione dubitandi positam, Respondeo, posse quem scire artem conficiendi Syllogismos, & propter inexperientiam pati difficultatem in praxi, sed illa difficultas provenit ex materia, & pertinebit ad habitum scientiæ, quæ circa illam materiam versatur.

*Habitus Artis
& experientia
distinguntur.*

Ad secundam. Is qui sine arte didicit facere Syllogismos ex usu, non habet habitum Logicæ, nec docentis, quia artem non didicit, nec utentis, quia arte non utitur, sed habet habitum experientiæ, hoc est, experientia acquisitum, qui est distinctus ab habitu Logicæ docētis & utentis: sicut si quis discat linguam Latinam ex usu, non ex arte, is habebit habitum loquēdi Latinè, non ex arte Grammatices, sed ex experientiâ & observatione practicâ, qui habitus est diuersus ab habitu Grammatices. Nam qui ex arte loquitur Latinè, scit regulas & causas loquendi, qui verò ex usu loquitur, solùm observationem & experientiam loquendi habet, nec regulas novit, nec causam, cur ita sit loquendum, potest reddere.

Ad tertiam. Si executio fiat per distinctam potentiam à dirigente, tunc etiam est distincta difficultas ex parte potentiae exequentis; at si eadem sit potentia exequens quæ dirigens, tunc nulla erit difficultas ex parte potentiae exequentis, sed solùm vel ex parte dirigentis, vel ex parte materiæ.

At obiicies. In eadem quoq; potentia posse esse distinctum specie habitum dirigentem & exequentem, v.g. in materia opinionis, & fidei humanæ præscribit prudent-

prudencia, quando & quid credendum vel opinandum fit, Ergo vniuersè non est verum, quando eadem est potentia dirigens & exequens, habitum dirigentem, ab exequente non distingui specie. Respondeo, dictos habitus versari in distinctis materiis, & distinctas habere facultates, sed ex materiis producētes, in eadem verò materia, & in eadem potentia habitus dirigens & exequens, non distinguuntur specie, ita vt ex hoc solo capite, quòd est habitus exequens, non sit necesse illum distingui specie ab habitu dirigente.

Ad illud verò argumentum, quod in ratione dubitandi ex distinctione specifica actuum infertur distinctio habituum. Respondeo primò. Actum Logicæ vtentis materialiter, & propter identitatem cum actu scientiæ, esse specie distinctum ab actu Logicæ docentis, formaliter verò & per se esse eiusdem speciei: sicut forma arcæ in abstracto, differt ab arcâ marmorea, lignea, aurea, quòd illa non inuoluit materiam, hæc inuoluit; ita Logica docens est abstracta ab omni materia, vtens verò est coniuncta materiæ, hoc est, dicit præcepta in materia physica vel metaphysica, ac proinde coniuncta cum actu scientiæ, forma tamen & artificium Logicum est idem in doctrina & vsu. Quare Syllogismus verbi gratia, physicus, quatenus est physicus, differt specie à Logica docente modum syllogismi faciendi, quatenus verò continet in se artificium Logicum, sic non differt specie ab actu Logicæ docentis, sic enim est conformis præceptis Logicæ; conformia autem quatenus conformia, sunt similia & eiusdem rationis. Ex quo patet, quòd actus Logicæ vtentis sit specie distinctus ab actu Logicæ docentis, id ex eo accidere, quòd ad actum Logicæ vtentis concurrat alius habitus

*Actus Logica
Docentis & a-
ctus Logica V-
tentis material-
iter non for-
maliter sunt
distincti.*

specie distinctus, & coniungat ac identifice actū suum cum actū Logicæ vrentis, ita ut ratione illius alterius habitus sit ille actus specie distinctus, non verò ut procedit ab habitu Logicæ vrentis.

Quod si obiicias. Vel ex actū Logicæ vrentis generatur habitus vnus vel duo. Si vnus, is erit specie distinctus ab habitu Logicæ docentis, quia & actus est specie distinctus. Si duo, id est prorsus inauditum, ex vno specie actū generari duos habitus, cum habitus semper sequatur naturam actuum, ex quibus generatur. Respondeo. Sicut actus Logicæ vrentis est simpliciter & quoad substantiam physicus, & solū secundū quid Logicus, hoc est secundū illam dispositionem & formam Logicam, ita & habitus qui ex tali actū generatur, simpliciter & quoad substantiam erit physicus, secundū quid autem erit Logicus, & ita vnus & idem habitus sub diuersa ratione erit physicus & Logicus. Dices hunc habitum distinguere specie ab habitu Logicæ docentis. Respondeo, quatenus physicus est, distinguere specie, non quatenus Logicus, siquidem inclinat ad actū sub eadem omnino ratione, sub qua & habitus Logicæ docentis, nempe secundū illam dispositionem, & formam Logicam. Quod si instes, fore duplicem habitum Logicæ vrentis, alterum qui est idem cum Logica docente, alterum qui distinguitur realiter à Logica docente, cum sit idem cum habitu scientiæ. Respondeo, in eo nullum esse inconueniens, siquidem vsus Logicæ potest provenire aliquando ex mera doctrina Logica, aliquando ab habitu ex ipso vsu artis contracto, maximè cum ad vsum nō solus habitus Logicus concurrat, sed & physicus; in talibus enim actibus, ad quos concurrunt plures habitus, necesse est id contingere.

Quod

*Vnus habitus
sub diuersis ra-
tionibus potest
esse Physicus &
Logicus.*

Quod si quæras. An Logica vtens possit dici practica: nam de docente supra negauimus id dici posse. Respondeo, Cognitio dupliciter dici potest practica, *Cognitio practica dupliciter.* Primò ex effectu, quia ex ea & iuxta eam efficitur aliquid: Secundò ex obiecto, quia dicitur & præscribit quid quomodo faciendum. potest verò cognitio esse speculatiua ex obiecto, & practica ex effectu; vt si ex cognitione speculatiua figurarum mathematicarum, efficiam vel fabricem opus mechanicum; potest etiam esse cognitio practica ex obiecto, & non esse practica ex effectu, vt si cognoscam in abstracto ita vel ita esse faciendum, neque tamen de facto faciam, Porro vtraque cognitio dicitur verè & propriè practica in suo genere, si referatur ad veram & propriam praxim, quæ est actus à cognitione distinctus, & secundum cognitionem effectus. Si verò referatur ad actum, qui non sit vera praxis, ex eo quòd non est actus à cognitione distinctus, tunc cognitio illa dicetur latè practica, & propriè dicitur cognitio ad vsum non ad praxim relata. Propter hanc igitur causam, neque Logica docens est propriè practica, ex obiecto, quia non dicitur de faciendo opere à cognitione distincto: neque Logica vtens, quia licet efficiat opus, illud tamen non est à cognitione distinctum, vtraque tamen latè dici potest practica, & quidem actiua potius quàm factiua, quia non versatur circa opera manentia post actionem, quod ad factionem propriam requirit Aristoteles.

Quòd verò hic Ruuius ait, Logicam docentem esse scientiam, vtentem verò artem, satis supra refutatum est.

QVÆSTIO VII.

*An Logica sit necessaria simpliciter ad
scientias acquirendas?*

Est quæstio de Logica arificiali, quæ ex observatione & experientia multiplici est collecta, & in præcepta, atque artem redacta. Præterea quæstio est de necessitate simpliciter, hoc est, an Logica ita sit necessaria, ut sine illa scientiæ nullo modo acquiri possint: nam de necessitate secundum quid seu ad bene esse, nemo dubitat, siquidem manifestum est Logicam multum ad scientias acquirendas conducere.

2. Sententia.

Prima igitur sententia est, Logicam omnino necessariam esse ad scientias acquirendas. Fundamentum est: Quia ad scientiam habendam duo requiruntur: Primò, principia aliqua certa, ex quibus deducenda est conclusio. Secundò, certitudo de bono modo illationis: ille enim propriè scit, qui scit se scire, & certus est de bona consequentia, seu de bono modo inferendi conclusionem ex præmissis, Atqui modus bonæ consequentiæ & illationis non potest haberi sine Logica, eum hi modi non sint cuius obuij, & non nisi longâ observatione collecti, & in artem redacti, ipsaque experientia docet, eos qui non callent artem Logicam, sæpissimè in modo inferendi impingere, & malas consequentias pro bonis reputare. Ergo.

Verum qui hanc sententiam defendunt sunt in duplici differentia. Nam aliqui hanc necessitatem ita amplificunt, ut ne minimam quidem scientiam particularem velint obtineri posse sine Logica, quia omnis scientia, inquiunt, est effectus demonstrationis: Atqui de-

mon-

monstrationis leges & præcepta tradit Logica. Non potest igitur sine Logicâ vlla scientia haberi: neque enim satis est demonstrasse, sed etiam opus est, scire, se bene in demonstrando processisse, secundum regulas & leges demonstrationis, quod est Logica.

Alij verò volunt, posse aliquas scientias particulares & demonstrationes sine Logicâ haberi, si sint valde evidentes, faciles cognitu, quales sunt illæ, quæ ex primis principiis lumine naturali notis proximè deducuntur, alias verò conclusiones magis remotas à primis principiis, & quæ non nisi per multas consequentias ex primis principiis deducuntur, sciri non posse sine Logicâ; quare dicunt, nullam scientiam totalem obtineri posse sine Logicâ; quia in scientiâ totali sunt plurimæ conclusiones, remotæ à primis principiis lumine naturali notis. Quæ sententia est Ruuij, Soti, Toleti.

Altera sententia est opposita, Logicam neque ad ^{1. Sententia.} particulares scientias, neque ad totales esse simpliciter necessariam, sed solum ad bene esse, hoc est ad perfectè & facilius acquirendas. Ita lauellus, & multi recentiores.

Nostra sententia est, ad eas scientias, quarum perfectam euidentiā habemus, assequendas, Logicam simpliciter non esse necessariā; ad eas verò sciētias quarum perfectā euidentiā non habemus, esse necessariam simpliciter. Ratio vtriusq; est: Quia in quibus scientiis est perfecta euidentiā, ex ipsa euidentiā principiorum & conclusionis, fit perfectum iudicium de connexionē necessaria cōclusionis cum principiis, ac ex consequenti de bonitate consequētæ; in quibus verò ea euidentiā imperfecta est, non potest tale iudiciū fieri ex re ipsā, sed ex præceptis Logicæ peti debet.

Auctoris sententia.

Pro

*Iudicium ad
scientiam ne-
cessarium, non
pendet necessa-
rio ex præceptis
Logicæ.*

Pro quo notandum est, Quod etsi ad scientiam ne-
cessarium sit iudicium de bono modo inferendi, tamen
hoc iudicium non pendet necessario à præceptis Logi-
cæ, sed haberi potest ex euentiâ ipsâ obiecti; patet id
manifestè in demonstrationibus mathematicis, quæ ita
sensibiles sunt, vt manibus palpari possint, & propter
suam euentiam, nullo modo indigent ad suum assen-
sum præceptis Logicæ, sed ex euentiâ connexioneter-
minorum & propositionum, faciunt simul certitudi-
nem de modo inferendi. Cuius rei signum est, quòd
nullus vnquam propter defectum Logicæ de illarum
certitudine dubitauit, aut dubitare potest. Neque ve-
rò refert quod mathematicæ non censeantur perfectæ
scientiæ, cum non procedant ex veris causis essendi, sed
ex causis cognoscendi, nam etiam si ex hoc capite in-
illis aliquid desideretur, tamen quoad euentiam &
certitudinem superant omnes scientias, & quod ad rem
nostram spectat, satis est, quòd earum euentia sit tan-
ta, vt non habeant opus ad certitudinem suarum con-
clusionum formis & præceptis Logicæ, sed ex euentiâ
ipsâ rei manifestè patet connexio necessariæ conclu-
sionis cum præmissis. Idem dicendum est de aliis quo-
que demonstrationibus aliarum scientiarum, nam si
sint demonstrationes ita euentes, vt mathematicæ,
quales fortè sunt, quæ ex primis principiis lumine na-
turali notis deducuntur, & non indigebunt præcep-
tis Logicæ, sed ex euentiâ rei, certitudinem conse-
quentiæ habebunt. Porro ad eas scientias, quas non
cum perfectâ euentiâ acquirimus, Logicam simpli-
citer esse necessariam manifestum est. quia cum ad sci-
entiam certum iudicium requiratur de bonitate conse-
quentiæ, hoc verò non possit in talibus scientiis haberi

ex euidentiâ obiecti, quæ imperfecta est, necesse est, ut dicamus petendum esse omnino à Logicâ; Quare Logica erit simpliciter necessaria, ad tales scientias, tum ad hoc, ut illæ scientiæ habeant rationem scientiæ (sine certitudine enim de bonitate consequentiæ, scientia perfectâ haberi non potest) tum ad hoc, ut sine errore eas assequamur: nisi enim formâ syllogisticâ utamur, sæpissimè falsa pro veris amplectemur, uti falsa sæpenumero probabiliora sunt veris; in rebus enim per se obscuris impossibile est, quin sæpe labamur, ut qui in tenebris ambulat, necesse est ut sæpe impingat. Quanquam cum dicimus Logicam simpliciter esse necessariam ad hoc ne erretur in scientiis acquirendis, id non ita intelligi volumus, ut si forma Logica non fuerit adhibita, erretur omnino, sed quòd vel erretur, vel sit errandi periculum non adhibitâ regulâ veritatis, vel ut minimum certò constare non potest, discursum illum, sine errore non esse, si ad normam Logicam probatus non fuerit, ita ut per accidens sit, quòd quis incidat in discursum bonum, non adhibitâ formâ Logicâ, cum ex modo illo discurrendi constare non possit discursum esse bonum.

Sed obiicitur. Si Logica esset simpliciter necessaria ad alias scientias, esset quoq; necessaria ad seipsam: nam si Logica sine Logicâ acquiri potuit, poterunt etiam aliæ scientiæ absque Logicâ acquiri, cum eadem sit necessitas Logicæ ad seipsam, quæ ad alias scientias acquirendas. Ratio enim cur necessaria sit Logica, est, quia sine modis discurrendi, definiendi, diuidendi boni discursus haberi nō possunt; hoc aut æquè ser-

uit Logicæ ac aliis scientiis, cum igitur absurdum sit dicere, Logicam ad seipsam esse necessariam, pari ratione asserendum non est esse necessariam ad alias scientias. Probatur autem id absurdum esse, tum quia supponeretur Logica ante Logicam, & prius esset Logica, antequam esset inuenta, tum quia vel eadem Logica est ad seipsam necessaria, vel diuersa: si eadem, idem esset ante seipsum; si diuersa, dabitur processus in infinitum, nam ad istam diuersam Logicam, erit alia diuersa Logica necessaria in infinitum.

Logica secundum diuersas partes necessaria ad seipsam.

Responderi solet, Logicam secundum diuersas partes esse necessariam ad seipsam, verbi gratia, præcepta definitionum Logicarum sunt necessaria ad definitionis, syllogismi, demonstrationis, &c. modi etiam argumentandi, sunt necessarij ad alias argumentationes Logicas. Sed contra. non est quæstio de usu modorum iam inuentorum, hi enim modi postquam sunt inuenti, possunt seruire aliis Logicæ partibus; sed quæstio est de primâ inuentione Logicæ, & modorum, an hi modi inuenti sint sine Logicâ, vel ex Logicâ. Summo enim primum modum inuentum, & peto an hic modus sit inuentus ex discursu, vel sine discursu? si ex discursu; ergo non indigebat formâ bene discurrendi, seu formâ syllogisticâ, quod si non indigebat, alij quoque discursus pari ratione non indigebunt. si sine discursu; hoc dici non potest, quia modi Logici non sunt per se lumine naturali noti, sed ex longâ observatione & usu collecti, quod sine discursu fieri non potuit. Verum ad hanc instantiam respondendum est, quod quemadmodum in scientiis aliqui sunt discursus, ita

ex se euidentēs, ut nō egeant probatione, aut directione
 Logicā, sed directione sola luminis naturalis, alij verò qui
 non sunt ita euidentēs, indigent tū probatione, tum di-
 rectione Logicā, ita & in ipsā Logicā accidit; quidam .n.
 Logici discursus sunt lumine naturali noti, & hi Logicā
 non indigent, sed per eos potius est inuenta Logica. Sic
 regulæ & formæ syllogisticæ inuentæ sunt per principia
 illa euidentia, Dici de omni, Dici de nullo, adiunctā
 obseruatione & experiētiā in discursibus euidentibus.
 Quocirca regulæ Logicæ de syllogismo, quia sunt ex
 euidentibus principiis collectæ, non egent aliā Logi-
 cā, alij verò discursus Logici minùs euidentēs
 egent regulā syllogisticā, Et sic Logica
 non est inuenta per aliam Logi-
 cam, neque est necessaria
 ad seipsam.





DISPUTATO III.

De prima operatione intellectus.

Prima intellectus nostri operatio dicitur simplex apprehensio, qua intellectus apprehendendo obiectum simplici ratione, illud in se exprimit & representat per modum simplicis intuitus absque ulla affirmatione, & negatione.

QVÆSTIO PRIMA.

An omne ens possit à nobis apprehendi.



Identur enim multa entia à nobis apprehendi non posse, vt sunt entia spiritualia, rerum internæ essentiæ & multa accidentia ac virtutes occultæ herbarum, lapidum & cætera quæ sensibus non patent. Ex alterâ verò parte non videtur quidquam esse quod non possit sub aliquâ saltem similitudine rerum quas cognoscimus apprehendi: Nā & spiritualia ex materialibus cognoscimus, & essentias ex accidentibus & causas etiam occultas ex effectibus.

Procius explicatione supponendū est, duob⁹ modis posse à nobis aliquid apprehendi, vel conceptu proprio & secundum suam propriam rationem, vt in se est, vel conceptu alieno hoc est ex aliis rebus desumpto.

Dico

Dico igitur Primò non omne ens secundum propriam suam rationem potest à nobis apprehendi sed solum ens sensibile. Patet id primò in ente spiritali cuius proprium conceptum formare non possumus. Neq; enim cadere in mentem nostram potest quid sit Angelus, qualis Dei essentia, cuius rei ea ratio est quòd nostra intellectio dependeat à sensibus vt nihil sit in intellectu quod non prius fuerit in sensu: Oportet enim, inquit Aristoteles, intelligentem phantasmata speculari: quare si quid per se non cadat sub sensum, intellectus quoq; de eo proprium conceptum formare non potest. Secundò idem patet in ente materiali, quod non est secundum se sensibile: vt sunt essentia rerum & accidentia insensibilia: Neq; enim cum hominem videmus essentiam hominis immediatè videmus, sed tantum accidentia & mediis accidentibus essentiam tanquam quid sub accidentibus latens. Ex quo infero solum accidentia sensibilia à nobis immediatè & proprio conceptu apprehendi, quia omnis nostra cognitio fit mediante sensu. Quare cum sola accidentia sensibus immediatè percipiantur sola etiam immediatè & proprio conceptu apprehendi possunt.

Solum Ens sensibile à nobis potest apprehendi secundum propriam rationem.

Dico secundo omne ens aliqua ratione apprehendi à nobis potest siue conceptu proprio siue alieno. Probatur primò. Quia de omni ente possumus formare conceptum vel per connotationem effectus quomodo formamus conceptum de causa, quod sit principium effectus; vel per connotationem accidentium, quomodo formamus conceptum de substantia quòd sit quid substantans accidentibus; vel per similitudinem aliarum rerum cognitarum, quomodo formamus conceptum de Angelo per similitudinem adolescentis volantis, intelligèdo

Omne ens à nobis apprehendi potest.

ex his similitudinibus sensibilibus proprietates eius spirituales; sic etiam Deum cogitamus lucem immensam. Secundo probatur. Quia intellectus noster potest apprehendere Ens quatenus Ens, ergo poterit apprehendere omne Ens; quia in omni Ente inuenitur ratio formalis Entis quæ sit obiectum intellectus. Quæ ratio concludit aliquâ saltem ratione posse quodlibet Ens ab intellectu apprehendi. Sunt autem quædam entia quæ non possunt secundum propriam rationem apprehendi; vel quia excedunt naturalem nostrum modum intelligendi, qui est cum dependentia à sensibus ut sunt omnia insensibilia; vel quia simpliciter excedunt facultatem & proportionem intellectus nostri, ut sunt supernaturalia; ad hæc enim intellectus noster non habet lumen naturale sufficiens etiam si non dependeret à sensibus. Sic diuinam essentiam nullus intellectus naturaliter videre potest: tam humanus quam Angelicus, & alia accidentia supernaturalia, ut gratiam & virtutes infusas de quibus Theologi. Ex quibus patet nos de rebus insensibilibus solum connotatiuum conceptum habere vel per accidentia, vel per effectus, vel per alias similitudines sensibiles qui tamen modus concipiendi sufficit ad hoc ut dicamur verè res cognoscere. Nam verè hominem videmus & si accidentia solâ immediatè videamus, quia illa accidentia naturaliter hominis essentiam afficiunt; & ei verè sunt coniuncta, ita ut sub illis hominem verè videamus propter naturalem connexionem ipsorum cum substantia.

Quod si dicas in Hostia consecratâ idem planè videmus post & ante consecrationem, cum visio nullo modo per consecrationem mutetur, non videmus autem panis substantiam post consecrationem: ergo nec ante.

ante. Respondeo immediatè idem videmus ante, & post consecrationem, mediatè autem non idem: Nam mediatum obiectum est illud quod afficiunt & cui inhaerent accidentia, quod ante erat substantia panis, post verò non. Porro mediatum obiectum non attingitur sensus, secundum seipsum, nisi mediantibus accidentibus: vnde stantibus accidentibus discernere nō potest absentiam vel præsentiam subiecti mediati. Si igitur de facto subiectum afficitur illis accidentibus (vti naturaliter accidit) de facto etiam videtur visis accidentibus: si vero supernaturaliter nullum subiectum afficiatur illis accidentibus, vti in Eucharistia accidit nullum, etiam subiectum mediantibus illis accidentibus videtur, sed sensus decipitur.

QVÆSTIO II.

An non Ens apprehendi possit.

Videtur ex vna parte apprehendi posse, cum multos de non ente discursus faciamus quod fieri sine apprehensione non potest: Ex altera verò parte non videtur. Quidquid enim apprehenditur, sub aliqua Entis ratione apprehenditur; non ens autem cum sit nihil, nullam Entis rationem habet; ergo nō habet vnde possit apprehendi.

Dico primo. Non ens secundum se à nullo intellectu siue creato siue increato apprehendi potest. Est communis & certa S. Thomæ 1. p. q. 14. art. 10. Capr. in 2. dist. 34. q. 1. art. 3. Egid. in 1. dist. 36. q. 2. Soc. 10. Metap. q. 15. Niphi. 4. Metap. disp. 1. Iauel. 10. Metap. q. 10. Ferrar. 1. contra Gentes cap. 71. Quia omne quod apprehenditur sub aliqua Entis ratione repræsentatur.

Non Ens à nullo intellectu secundum se potest apprehendi.

& apprehéditur: ac non Ens nullam habet rationem Entis sub qua repræsentari possit: ergo non potest secundum se apprehendi. Maior patet tam inductione in omnibus potentiis cognoscentib⁹ quæ omnes feruntur in aliquod Ens, & nulla potest ferri in non Ens; cum ratione: quia nõ Ens nihil in se habet unde cognosci possit, cum sit ipsum nihil.

Dices non Ens cognosci per non cognitionē Entis. sed contra primo. Aliud est non cognoscere Ens aliud cognoscere non Ens: Nam non cognoscere Ens, est nullum actum cognitionis habere; cognoscere autem non Ens, est habere actum cognitionis qui versatur circa nõ Ens; nos autem quarimus de cognitione positiva non Entis. Secundò cognoscere non Ens est habere actum cognitionis de non Ente; ergo non cognoscitur nõ Ens per non cognitionem, sed per cognitionem. Tertiò alioqui sequeretur, quòd dum intellectus nihil cogitat de aliquo Ente, diceretur cognoscere non Ens, quod est falsum. Cùm enim nihil cogitamus nihil cognoscimus.

*Modi non Ens
cognoscendi.*

Dico secundò. Non Ens potest duobus modis apprehendi, Primo sub ficta ratione & similitudine Entis: potest enim intellectus noster vnum sub similitudine alterius concipere; ergo & non Ens sub similitudine Entis cuiusdam negatiui: sicut tenebras concipit per modum nigredinis cuiusdam, & priuationem per modum formæ cuiusdam afficientis subiectum. Verùm hæc apprehensio cùm sit ficta non cadit nisi in intellectum imperfectum; neq; est propria non Entis apprehensio, quia est apprehensio per modum Entis. Secundo potest non Ens apprehendi per accidens ex apprehensione Entis. ita D. Thomas 1. p. q. 14. art. 10. vbi

vbi ait, Deum cognoscere negationes per adæquatam cognitionem rerū realium. Ex eo enim (inquit) quod Deus adæquatè cognoscit quidquid est in homine, & terminum ipsius perfectionis, cognoscit ipsum non esse alia entia realia quæ extra illum sunt. Quod ita explico: Non Ens non potest cognosci ratione sui præcisè, sed ex accidenti ratione Entium causantiū ipsum, ita vt sicut positis omnibus requisitis ad non Ens, dicitur esse non Ens; ita cognitis iisdem, dicitur non Ens cognosci. Concurrent autem ad non Ens, primo Ens ipsum quod negatur, secundò res aliqua cui dicitur inesse illud non Ens. Quare & ad apprehensionem nō Entis primo debet apprehendi Ens quod negatur. Secundo res aliqua cui debet inesse illa negatio, tum verò Ens sic apprehensum si comparetur ad rem, in cuius adæquata cognitione non continetur per accidens cognoscitur non Ens: sic Deus cognoscit hominem non esse lapidem, cognoscendo totam perfectionem hominis adæquatè & in eo non videndo lapidem: sic & intellectus noster cognoscit tenebras, cognoscendo aërem & lucem, & non videndo in aëre lucem.

Dices hoc est cognoscere non Ens causaliter non autem formaliter, quia est solū cognoscere causas non Entis, non verò ipsum non Ens formaliter. Respondeo non aliter cognosci posse non Ens nisi causaliter dicto modo nam ratione sui formaliter non est cognoscibile.



QVÆSTIO III.

*An in prima operatione sit veritas in-
complexa.*

*Veritas cogni-
tionis, Veritas
Rerum.*

Veritas est duplex, alia rerum, alia cognitionis; dici-
mus enim & res esse veras & cognitionem quæ ha-
betur de rebus esse veram. Rerum veritas quæ etiam En-
titatiua dicitur secundum D. Thomam, consistit in cõ-
formitate rei cum sua idea à qua pendet. cùm enim talis
est res qualem requirit idea ipsius, res dicitur vera, cùm
verò difformis est ideæ, dicitur falsa. Et sic res omnes
dicuntur veræ, quia sunt conformes ideæ diuinæ per
quam factæ sunt: res etiam artificiatæ sunt veræ, quia
sunt conformes Ideæ artificis. Veritas cognitionis (qua
cognitio dicitur vera) consistit in conformitate cog-
nitionis cum re ipsa; estq; duplex; alia simplex & incom-
plexa, absq; vlla affirmatione & iudicio, alia complexa,
hoc est cum affirmatione vel illatione, quia fit per com-
positionem prædicati cum subiecto, vel consequentis
cum antecedente. Prior veritas est conformitas co-
gnitionis cum obiecto per modum representationis,
ad eum modum quo imago est conformis rei quam re-
præsentat: Posterior verò veritas est conformitas co-
gnitionis cum obiecto, non purè per modum repræ-
sentationis sed per modum dictionis nempe dicendo
aliquid ita esse vt est in re.

*Veritas cogni-
tionis alia sim-
plex alia com-
plexa.*

Certum est igitur in prima operatione intellectus
non dari veritatem complexam; quia in prima opera-
tione solum est simplex apprehensio, quæ fit absq; o-
mni iudicio & assensu vel discursu intellectus ac pro-
inde absq; omni compositione vnius cum altero. Fit
enim apprehensio per puram representationem obiecti:
repræ-

repraesentamus autem tam ea quibus assentimur, quam ea quibus non assentimur, ut cum repraesentamus aliqua falsa & incredibilia sine vlllo assensu ea repraesentamus. non enim dicimus rem ita esse vel non esse.

Quod si obiicias. Posse intellectum apprehendere rem ita esse vel non esse: Ergo in tali apprehensione erit veritas complexa. Respondeo in tali apprehensione esse veritatem complexam per modum obiecti cogniti, non vero per modum actus componentis vnum cum altero & dicentis ita esse vel nō esse: Quare compositio tota est in obiecto, in actu verò est nuda & simplex apprehensio talis compositionis absq; vlla compositione & affirmatione: Intellectus enim composita in compositè apprehendit. Et sicut aliud est apprehendere compositionem, aliud componere & facere compositionem: ita aliud est apprehendere veritatem complexam, aliud dicere & facere. Fit enim veritas complexa in cognitione cum dicitur res ita esse vel non esse. Et sicut possumus apprehendere affirmationem absq; affirmatione hoc est non affirmando ita esse; ita possumus apprehendere veritatem complexam, non dicendo illam, nec iudicando ita esse vel non esse. Porro veritas complexa de qua loquimur debet esse in ipso actu cognitionis nō solum in obiecto; quamuis autem in apprehensione sit veritas complexa obiecti per modū simplicis repraesentationis (est enim apprehensio repraesentatio in mente illius veritatis complexae) non tamē est in apprehensione modo complexo sed incomplexo; quia apprehendimus complexa non cōponendo illa, sed repraesentādo ut in se cōposita.

Dices simplex iudiciū spectare ad primam operationem, quale est iudiciū Angelicum: at in simplici iudicio est veritas complexa. Ergo in prima operatione est veri-

In intellectu cōposita apprehēdente solum est compositio obiectiva.

Simplex iudicium non est in prima operatione.

tas complexa. Respondeo negando simplex iudicium pertinere ad primam operationem intellectus nostri: Nam prima operatio nostra consistit in nuda rei apprehensione absq; omni iudicio. Neq; intellectus noster potest formare vllū simplex iudicium de re, sed solum compositum. Nam angelus ideò format simplex iudicium, quia sicut vnā speciem habet repræsentantem prædicatum & subiectum, ita vnum actum simplicem format de conuenientiā prædicati cum subiecto proportionatum speciei, ac noster intellectus per diuersas species concipit prædicatum & subiectum, & idcirco necesse est vt compositionem faciat prædicati cum subiecto. Ex quo sequitur ad nullam ex tribus operationibus intellectus nostri pertinere simplex iudicium; neq; ad primam; quia hæc est sine iudicio; neq; ad secundam vel tertiam; quia hæc continent iudicium sed compositum non simplex. Neq; verò necesse est operationes intellectus nostri comprehendere operationes intellectus Angelici sed tantum humani.

Cum igitur certum sit veritatem complexam non esse in prima operatione tota difficultas est de veritate simplici & incomplexa, an ea sit tribuenda primæ operationi. Et quidem non est quæstio de prima operatione vt Entitas quædam est; sic enim certum est competere illi veritatem entitativam simplicem, quæ omnibus rebus, quæ Entia sunt, competit, & consistit in conformitate cum sua idea, sic enim apprehensio quælibet est vera ex eo quod est conformis in sua Entitate ideæ quæ est in mente Dei talis Entitatis. Est igitur quæstio de veritate non Entitativa sed cognitionis quæ conuenit cognitioni in ordine ad obiectum ratione cuius cognitio dicitur vera vel falsa cognitio obiecti. De qua re sunt duæ sententiæ.

Prima

Prima sententia negat veritatē incomplexam propriè loquendo esse in prima operatione, eo quod veritas cognitionis propriè in compositione & diuisione reperiatur. Ita tenet Vasquez 1. p. disp. 75. cum Caiet. 1. p. q. 16. ad 2. Heruazo quodlibeto 3. ad 2. Durando in 1. disp. 19. q. 15.

Pro 1. sententia negante.

Probat^{ur} primo quia Aristoteles expressè negat in prima operatione esse veritatem propter hanc solam rationem, quòd veritas & falsitas non sit extra compositionem & diuisionem: In prima autem operatione nec est compositio, nec diuisio: non igitur veritas. Hanc rationem affert Arist. 1. Periher. c. 1. & 6. Metaph. tex. 8. propè finē, vbi dicit verū vel falsum circa compositionē & diuisionē esse & circa partitionē contradictionis.

Argumentum primum.

Ex quo duo infert. Primò, quod verum & falsum, non sit in rebus sed in mente, quia compositio & diuisio, in qua consistit veritas, non est in rebus sed in mente. Et bonum quidem & malum ait esse in rebus, verum autem & falsum esse solum in mente: Nam res dicitur vera per ordinem ad cognitionem, quia de ea esse potest iudicium verum; bona autem dicitur esse in seipsa, non per ordinem ad cognitionem. Secundò infert, cognitionem simplicem, quæ est circa simplicia, & circa ea, quæ quid sunt, hoc est circa essentiam rerum, non esse in mente, ac ex consequenti non esse veram vel falsam. Vbi per mentem intelligit *διάνοιαν* vt in græco habetur, quæ vox apud Aristotelem opinionem & iudicium significat. Hoc igitur posito, aut Aristotelis discursus & ratio nihil valet, aut verum esse debet veritatem cognitionis extra compositionem non esse: Nam si extra compositionem esse posset, non rectè inferret Aristoteles, in simplici cognitione veritatem non esse, quia non est in ea compositio.

Argum. 2.

Secundò probatur ratione. Voces cum sint loco conceptuum, eodem modo veritas & falsitas conuenit vocibus sicut & conceptibus: at voces simplices non significant verum vel falsum: ergo nec conceptus simplices qui respondent vocibus simplicibus dicunt verum, vel falsum. Minor patet. Nam cum dico homo, non dixi verum vel falsum donec adiungam aliquid esse vel non esse, verbi gratia, quod homo sit albus vel bipes, & hæc ratio est Aristotelis 1. Periher. cap. 1.

Argum. 3.

Tertiò in prima operatione non est falsitas incomplexa: ergo nec veritas incomplexa. Consequentia patet; quia contraria versantur circa idem subiectum, & idem est subiectum capax vtriusque contrarij. Antecedens asseritur ab Aristotele 9. Metaph. tex. vlt. vbi concedit aliquomodo veritatem simplicem in simplici apprehensione nullo verò modo concedit falsitatem simplicem, sed loco falsitatis esse ignorantiam obiecti & non assecutionem obiecti.

Dicunt autem hi autores in primâ operatione inueniri impropriam quandam veritatem: nam propriè veritas in compositione vel diuisione consistit, quæ non est in prima operatione. Quare apprehensionem esse veram solùm est attingere obiectum, non attingere autem non est esse falsam, sed ignorare. Idque aiunt esse ex mente Aristotelis 9. Metaph. tex. vlt. qui in hunc modum id explicat. Nam clarum est quod attingere non est dicere verum propriè sed quodammodo impropiè.

2. Sententia.

Secunda sententia concedit in prima operatione veritatem incomplexam esse verè & propriè. Ita Capreol.

prool. in 1. disputat. 19. quæst. 3. Aegidius. Quodlib. 49. 7. Sonci. 6. Metaph. q. 17. Ferrari: 1. contra Gentes cap. 59. Conimb. 1. Perihel. Et reuera est S. Thomæ 1. part. quæst. 16. artic. 2. & quæst. 17. art. 3. vbi docet cognitionem simplicem esse veram vel falsam respectu obiecti propter conformitatem cum illo, licet intellectus non cognoscat, nec dicat illam conformitatem & veritatem affirmando ita esse vel non esse; hoc enim sine compositione fieri non potest.

Vt autem quid differat inter primam & secundam sententiam appareat, sciendum est neutram sententiam negare cognitionem simplicem posse esse conformem suo obiecto; id enim clarissimum est, sed negat prima sententia hanc conformitatem cognitionis cum obiecto esse propriè veritatem ex eo quia non est cognita; Nam licet cognitio sit conformis obiecto, tamen ipsa conformitas non cognoscitur nec formatur in mente eius conceptus per apprehensionem. Vnde non est propria cognitionis veritas, illa enim propria est cognitionis veritas quæ cognoscitur & formatur per cognitionem; talis enim veritas cognitioni vt cognitio est competit; nam conformitas non cognita competit æque cognitioni ac alij cuique rei representanti aliam, dicimus enim imaginem esse conformem rei, cuius est imago, neque tamen talis conformitas est veritas cognitionis. Conformitas vero cognita est propria cognitionis & extra cognitionem non inuenitur. Non cognoscitur autem veritas nisi cum cognoscitur rem ita esse vel non esse quod non potest fieri sine iudicio & compositione. Secunda verò sententia affirmat conformitatē illam cognitionis & obiecto esse veritatē propriè etiam si non cognoscatur.

Nam

Nota.

Nam veritas Entitativa est propriè veritas etiam si non cognoscatur; non igitur ad veritatem propriè conceptam requiritur ut cognoscatur, sed satis est ut conveniat cognitioni, quæ refertur ad obiectum. Nam si dicas non requiri quidem ad veritatem in genere ut cognoscatur requiritamen ad veritatem cognitionis. Respondetur. Etiam ad veritatem cognitionis sufficit ut cognitioni sua veritas competat respectu obiecti, eo modo quo veritas Entitativa competit omnibus Entibus etiam si non cognoscatur. : Non solum enim veritas cognitionis est illa quæ cognoscitur, sed etiam illa quæ cognitioni in ordine ad obiectum competit licet non cognoscatur. talis enim conformitas cum obiecto non est veritas Entitativa; hæc enim sumitur ex conformitate cum idea, neque etiam est alterius generis veritas. Ergo necessariò est referenda ad veritatem cognitionis. Et hæc sententia nobis quoque probatur.

Datur in 1. operatione Veritas simplex ea que propriè dicitur.

Dicendum igitur est dari in prima operatione veritatem incomplexam eamque esse propriè veritatem. Probatur primo ex Aristotele 3. de Ani. tex. 26. ubi comparans affirmationem cum simplici intellectione ait, affirmationem posse esse aliquando veram aliquando falsam, at simplicem intellectionem (qualem dicitur esse intellectionem ipsius quid est seu essentiæ) esse semper veram etiam si (inquit) non dicat quidpiam de quopiam, quod etiam confirmat exemplo visus qui respectu proprii obiecti semper est verus; semper enim visus attingit proprium obiectum lumen vel colorem, nec in eo decipitur, si verò sit intellectio cum compositione non semper erit vera. Cum igitur Aristoteles expressè doceat intellectionem simplicem etiam si non dicat quidpiam de quopiam esse veram, dubium non est

Ari-

Aristotelem non requisivisse ad veritatem cognitionis compositionem alicuius cum aliquo, sed tantum conformitatem cognitionis cum obiecto.

Respondet Vasquez Aristotelem non dicere intellectionem simplicem esse veram veritate propria, sed solum habere se instar veri, quod ait se colligere ex ipso Aristotele 9. Metaph. tex. ult. ubi postquam proposuit quaestionem quomodo in simplicibus inveniatur verum & falsum esse & non esse; cum enim inquit in simplicibus non sit compositio & divisio, nec verum aut falsum similiter illis inerit. respondet igitur ad quaestionem. Anquemadmodum neque verum est idem in his, ita neque ipsum esse hoc est in simplicibus, sicut non est eadem ratio veritatis quæ est in compositis, ita neque esse eodem modo convenit simplicibus quo compositis. Nam in simplici cognitione attingere & dicere obiectum est verum, non attingere vero est ignorare non decipi, & sicut inquit non est idem dicere quod affirmare (nam etiam sine affirmatione dicimus) ita non eadem est veritas affirmationis & simplicis dictionis.

Sed contra. Aristoteles 9. Metaph. solum dicit esse aliam rationem veritatis in simplicibus, quam in compositis non verò esse impropriad, sunt enim hæc valde diversa, nec vnum sequitur ex alio. Non enim quia alia est ratio veritatis, ideò est impropria; potest enim esse utrobique propria, sicut alia est species animalis in homine, & in bruto, & tamen in utroque propria, quia utrumque est species animalis: pari ergo ratione alia est ratio specifica veritatis in affirmatione, alia in simplici cognitione, attamen quia conveniunt in una ratione generica veritatis, hoc est in conformitate cum

*Responsio Vas-
quez resellitur.*

obiecto, ita vt sint duæ species veritatis, veritas simplex, & veritas composita, idcirco vtraque veritas est propriè veritas. Neque Aristoteles oppositum vel leuiter insinuat, sed tantum docet non esse eiusdem rationis veritatem in vtroque.

Quod etiam ex eo confirmo, quia ibidem Aristoteles, falsitatem non esse propriè in simplici cognitione, nisi secundum accidens: Veritatem autem simpliciter concedit esse non secundum accidens: Ergo propriè vult esse veritatem in simplici cognitione; ideo autem falsitatem non concedit, quia falsitas est in cognitione, non in non cognitione; non attingere autem est non cognoscere, non est igitur falso cognoscere.

Veritas cognitionis quid?

Secundo probatur ratione. Veritas cognitionis est cõformitas cognitionis cū re: atqui cõformitas cognitionis cum obiecto potest esse simplex absque omni affirmatione & negatione: Ergo & veritas erit simplex. Minor probatur. quia aliæ veritates sunt cõformitates simplices & incomplexæ: ergo & cõformitas cognitionis potest esse simplex & incomplexa. Patet id primo in veritate Entitatiua: est enim res vnacunque conformis suæ ideæ, absque vlla affirmatione intellectus; remota enim omni operatione intellectus res sunt veræ Entitiuè; aurū verum aurū, homo verus homo. Secundo in signis tam naturalibus, quàm ex impositione, quæ conformantur rebus quas significant, absque vlla affirmatione vel negatione. Fumus etiam verè significat ignem, vt effectus causam, nomen cuiusque rei est verū nomen illius rei, & verè rem illam significat: imago est verè imago eius quæ representat. Ergo etiā similiter conceptus simplex erit verus conceptus rei cui

cui est conformis seipso non per aliquam affirmationem vel negationem. Cum enim possit cognitio dupliciter conformari rei. Primo per representationem, quia cognitio talis est in representando qualis est res in essendo. Secundo, per affirmationem quia affirmatur esse conformis, non sequitur si non est conformis per affirmationem quod non possit esse conformis per representationem.

Respondet Vasquez. Nullam rem dici veram siue Entitativè, siue significativè, siue representativè nisi in ordine ad compositionem vel divisionem veram, siue in ordine ad affirmationem vel negationem veram, quod ille vocat veritatem quoad effectum quia efficit iudicium verum: sicut enim medicina dicitur sana, quia efficit sanitatem; ita & res dicitur vera, quia efficit & fundat iudicium verum: quare & veritatem Entitativam quæ est veritas in essendo, & significativam quæ est veritas in significando, & representativam quæ est veritas in representando, eatenus ait esse veritatem; quia fundat veritatem intellectus: hoc est quia cum veritate potest de illa affirmari, quod sit, vel quod significet, vel quod representet.

Responsio Vasquez.

Sed contra, res non solum sunt veræ in essendo & in representando, propter conformitatem quam habent ex intellectu dicente illas esse conformes: Sed etiam, propter conformitatem fundatam in naturali earum similitudine cum illis ad quæ referuntur: & sicut in similitudine non pendent ab intellectu, ita nec in conformitate, ac ex consequenti neque in veritate simplici, habent ergo suam veritatem simplicem absq;

Rejicitur.

Responsio 2. ordine ad intellectum. Respondet secundo. esse quidem veritatem in simplici cognitione sed improprie. Contra cui conuenit proprie conformitas conuenit etiam proprie veritas; at cognitioni simplici proprie conuenit conformitas cum obiecto: ergo conuenit etiam proprie veritas.

*Arist. intelligē-
dum de Veritate
formatā seu cō-
plexā.*

Ad primum primæ sententiæ Respondeo. Aristotelem loqui de veritate formata, & dicta ab intellectu quia hæc veritas est peculiaris & propria intellectus, & in compositione ac diuisione consistit: nam veritas simplex, non est propria intellectus sed communis intellectui cum sensu, imo & aliquomodo cum omni imagine representante; veritas vero complexa est propria intellectus, quia solus intellectus format, asserit, dicit; veritatem iudicando ita esse vel non esse. Vult igitur Aristoteles veritatem propriam intellectus esse illam, quam format & dicit intellectus; non potest autem formare & dicere veritatem, nisi componendo vel diuidendo, affirmando vel negando. Vnde talem veritatem ait extra compositionem non esse, hoc autem non obstante, aliam veritatem concedit simplici cognitioni, qualis etiam in sensu inuenitur, sed hanc ait esse alterius rationis ab ea quam format, & facit intellectus dicendo ita esse vel non esse. Quare rectè probat Aristoteles in simplici apprehensione non esse veritatem quia non est compositio & diuisio: si enim loqueretur indifferenter de veritate quacumq; non rectè probaret, cum extra compositionem detur veritas; at quia loquitur de veritate facta & dicta ab intellectu rectè infert, quia talis veritas extra cognitionem non inuenitur.

Ad

Ad secundum sicut conceptus dupliciter dici potest verus, vel quia dicit verum vel quia est conformis rei, etsi hanc conformitatem non dicat, nec asserat, ita & vox duplici ratione potest dici vera, vel quia dicit veritatem, vel quia est conformis in significando, rei quam significat: sic hoc nomen homo dicimus esse veram vocem, & verum nomen hominis, quæ veritas illi ex institutione competit. Vox igitur simplex non est vera ex hoc capite, quod dicat verum vel falsum quia hoc nec conceptui simplici competit, sed dicitur vera significatiuè quia verè significat id ad quod significandum est imposita.

*Vox dupliciter
dicitur vera.*

Ad Tertium respondet Ægyd. Quodlib. 4. q. 7. veritatem simplicis apprehensionis non habere contrarium propter specialem rationem, & naturam simplicis apprehensionis, quæ si attingat obiectum dicitur vera; si non attingat, non dicitur falsa, sed non cognoscens obiectum: falsitas enim consistit, in cognitione non in non cognitione obiecti. sed hæc ex sequenti questione patebunt. Solum restat obiectio Caietani soluenda quia ait etiam in simplici apprehensione veritatem posse esse apprehensam, ut cum veritatem alicuius propositionis apprehendit intellectus. Ergo tunc veritas apprehensa æquè erit in apprehensione, sicut veritas iudicata in iudicio. Respondeo veritatem apprehensam, non esse veritatem assertam ab intellectu: Nam apprehendendo veritatem neq; verum asserit, neq; negat, nec dicit verum nec falsum, neq; hanc veritatem facit, sed tantum cognoscit & intuetur in obiecto quasi factam. Deniq; exprimit illam in se per modum representationis, non per modum assertionis. illud est veritatē cognoscere quodammodo materialiter, tanquam rem sibi pro-

*Intellectum ap-
prehendendo ve-
ritatem non as-
serit verum.*

positam non tanquā assertam; hoc verò est cognoscere formaliter tanquam à se assertam. primo modo veritas cognoscitur imperfectè non per modum veritatis quia non asseritur ita esse, secundo modo perfectè & per modum veritatis.

QVÆSTIO IV.

*An in prima operatione detur falsitas
incomplexa.*

Certum est non esse in prima operatione falsitatem complexam, sicut neq; est veritas complexa. Sed difficultas est, an quemadmodum datur veritas incomplexa in prima operatione, ita detur eodem modo falsitas incomplexa, videtur enim dari debere: nam falsitas cognitionis consistit in difformitate cognitionis cum obiecto: at prima operatio potest esse difformis obiecto. Ergo potest esse falsa. Neq; dici potest fore tunc falsum non per se, sed per accidens: quia sicut cognitio est vera per se non per accidens, quando est conformis obiecto; ita etiam est per se non per accidens falsa quando est difformis obiecto. Et sicut affirmatio est falsa propter difformitatem cum obiecto; ita & simplex apprehensio.

Ex altera verò parte multi graues autores inter quos sunt nostri Conimb: in cap. 1. Periher. negant falsitatem esse in simplici apprehensione nisi per accidens. Fundamentum ipsorum est doctrina Aristotelis 9. Metaph. tex. 22. ubi in simplici cognitione concedit veritatem incomplexam; negat autem falsitatem deceptionemq; in simplici enim cognitione ait propriè esse ignorantiam non falsitatem. Vbi etiam hanc eius rei assignat

assignat rationem. Nam cum intellectus simpliciter & sine affirmatione cognoscit rem aliquam, vel illam attingit, vel non: si attingit est conformis obiecto ac proinde verus; si non attingit ignorat obiectum, & non illud sed aliud cognoscit, ut si cognoscit hominem animal irrationale, non hominem sed brutum pro homine cognoscit, neq; hominem falsò cognoscit sed ignorat. Neq; potest exponi Aristoteles quod loquatur de falsitate complexa: Nam sicut loquitur de veritate incomplexa simplicis cognitionis, ita & de falsitate incomplexa. Dicunt igitur hi autores cum Aristotele in simplici cognitione inueniri falsitatem solum per accidens, non per se. Quæ res quia difficilis est variè à variis explicatur.

Primò igitur quidam aiunt falsitatem non esse in primâ operatione, quia in eâ non dicit intellectus rem esse vel non esse, quod ad falsitatem requiritur. Sed isti solum probant falsitatem complexam non esse in primâ operatione non verò incomplexam. Nam sicut veritas incomplexa inuenitur in primâ operatione propter solam conformitatem cognitionis cum obiecto, etiamsi intellectus non dicat rem esse vel non esse; ita potest inueniri & falsitas incomplexa, propter solam difformitatem cognitionis cum obiecto, etiamsi intellectus non dicat rem esse vel non esse.

*Primus modus
explicandi falsitatem in
prima operatione.*

Secundò igitur aiunt Conimbricenses simplicem apprehensionem respectu obiecti representati semper esse veram; respectu verò obiecti non representati posse esse falsam: quocirca non per se sed per accidens esse falsam; quia non est falsa respectu obiecti representati sed respectu obiecti non representati: Pro cuius explanatione sciendum est, primam operationem referri

Secundus.

ad

ad suum obiectum per modum repræsentationis; consistit enim apprehensio in solâ repræsentatione obiecti abq; vlllo iudicio: quare & conformitas ipsius vel difformitas cum obiecto est per modum repræsentationis. Repræsentatio autem si referatur ad id obiectum quod repræsentatur, & quoad ea quæ repræsentantur, semper est vera & conformis obiecto repræsentato; repræsentans enim & repræsentatum sibi respondent. Quod si est dissimilitudo aliqua & difformitas inter ista, ea solum erit in iis quæ non repræsentantur: Verbi gratia, imago Cæsaris repræsentat Cæsarem in colorib⁹ & formâ exteriori, non in essentiâ, quocirca est conformis Cæsari in formâ exteriori, difformis in essentiâ. Et vniuersè loquēdo. Imago in eo in quo est imago, est conformis ei cuius est imago, repræsentare enim & repræsentari sunt correlatiua, & sibi respondentia. Cum igitur conceptus & apprehensio sit imago repræsentans obiectum, erit obiecto conformis, in illis omnibus quæ in eo repræsentantur, & sic nunquam erit obiecto difformis nisi sub eâ ratione quâ obiectum illud non est repræsentatum. verbi gratia cum concipio aurichalcum esse aurum, obiectum huius conceptus repræsentatum est aurum, quia aurum concipitur, & huic obiecto est conformis ille conceptus, vt verò refertur ad aurichalcum quod est obiectum non repræsentatum per conceptum auri, sic conceptus ille auri non est conformis aurichalco sed id est per accidens quia aurichalcum per hunc conceptum non repræsentatur: si enim repræsentaretur esset ei conformis.

Verùm hic modus explicandi & si ingeniosus sit non videtur tamen sufficiens. Primò; Quia apprehensio non solum respectu obiecti non repræsentati potest esse:

esse difformis, sed etiam respectu obiecti representati. Nam quando vnum obiectum apprehenditur pro alio, tunc est difformitas conceptus respectu obiecti non representati, quatenus obiectum representatum coniungitur obiecto non representato, cui non conuenit, sicut cum auri cōceptus terminatur ad aurichalcum; Quando verò obiecta difformia simul apprehéduntur & cōiunguntur, tum conceptus erit difformis obiecto apprehenso & representato, vt si concipiam hominem esse quadrupedem, vel irrationalem: Non igitur hic modus est sufficiens ad negandam vniuersaliter falsitatem in prima operatione. Secundò. Veritas representationis per se sumitur ex conformitate cū obiecto vt est in re ipsa: si enim aliter sit in re ipsa quàm representatur, representatio erit simpliciter falsa: sic representatio asini volantis est falsa, quia licet conceptus asini volantis sit conformis asino volanti, qui est obiectū immediatum: quia tamen non est conformis asino à parte rei qui est obiectū vltimatū, idcirco talis conceptus simpliciter non est cōformis rei: obiectum enim immediatum refertur per conceptum ad obiectum vltimatum, & idcirco debet illi esse conforme. Quia igitur simplex apprehensio per se, & ratione representationis potest esse difformis obiecto vltimato, idè per se non per accidens conuenit illi difformitas, & ex consequenti falsitas. Quod etiam à simili explicatur in secunda operatione. Nam cum affirmo hominem esse quadrupedem, talis assertio est quidem conformis obiecto immediato, nempe homini quadrupedi affirmato, quia tamen non est conformis homini à parte rei simpliciter & per se non vero per accidens est falsa. Nam quod respondent veritatem apprehensionis sumi ex conformitate cognitionis cum obiecto vt representato. Veritatem verò iudicii ex con-

formitate cognitionis cum re ipsa ut existente, hoc non satisfacit. Nam etiā in repræsentando debet esse cognitio conformis ei obiecto ad quod terminatur: at obiectum ad quod terminatur repræsentatio non solum est immediatum sed & ultimatū, illud ut Quo, hoc ut Quod: Ergo & conformitas eius sumenda est per ordinem tam ad immediatum, quā ad ultimatū obiectum, cum alterum sine altero non sit adequatum obiectum repræsentationis, alioqui non erit perfecta conformitas, si solum respectu vnius sumatur. Ex quo patet utramq; conformitatem respectu vtriusq; obiecti convenire per se non per accidens repræsentationi, cum ad utramq; per se & necessariò terminetur, & ex utroq; constituatur vnum adequatum obiectum repræsentationis, vnum ut Quo aliud ut Quod.

Tertius.

Tertius modus dicendi est apprehensionem prout apprehensio est, semper esse veram & conformem rei, & nunquam falsam nisi per accidens. Pro quo sciendū est apprehensionem cum sit repræsentatio quædam obiecti in intellectu, terminari ad obiectum ut repræsentabile est, repræsentari autem possunt non solum vera, sed etiam falsa; non minus enim repræsentatur intellectui asinus volans quā asinus quadrupes.

Quod si dicas hanc apprehensionem asini volantis esse falsam, quia non est conformis asino à parte rei. Respondeo in ordine quidem ad iudicium & affirmationem, esse falsam & difformem, quia non potest de tali obiecto earatione repræsentato fieri iudicium verū sed falsum, tamen in ordine ad repræsentationem, est verū, & conforme rei. Nam etiam falsum verissimè repræsentatur ut falsum, licet nō possit cum veritate affirmari, imò falsum non potest verius repræsentari, quā si repræsentetur ut falsum, nam si ut verum repræsentaretur non repræsentaretur ut falsum. Quod etiam explicari

& aliter potest; nam obiectū quo modo concipi potest; potest & representari, conceptus enim est representatio obiecti; atqui obiectum est conceptibile non solum secundum ea quæ illi à parte rei insunt, sed etiam secundum ea quæ illi insunt per ordinem ad intellectum concipientem: Ergo etiam secundū vtrumq; potest representari; & quidem verè quia vtrumq; suo modo illi conuenit, prius quidem absolute, & ex natura rei, hoc verò respectiuè respectu intellectus concipientis. Et licet hæc representatio si referatur ad naturam rei secundum se, sit falsa, quia difformis naturæ rei; si tamen referatur ad obiectum vt est conceptibile ab intellectu, sic est cōformis obiecto vt fingitur ab intellectu.

Sed & hic modus habet difficultatem. Primò; Quia hoc modo etiā in secunda operatione nō esset per se falsitas, sed tātūm per accidens: quia sicut obiectū est per se representabile representatione illa ficta, ita est affirmabile affirmatione ficta: si ergo representatio illa rei falsa, & ficta sufficit ad veritatē representationis, etiā affirmatio ficta sufficeret ad veritatē affirmationis, & solū diceretur per accidēs falsa respectu rei secundum se acceptæ, sicut & representatio rei est secundū se difformis. Cum igitur nō possit dici omnē affirmationē esse verā, sequitur nō posse etiā dici omnē apprehensionē esse veram.

Secundo aliud est apprehensionem esse conformem illi obiecto ficto sub ea ratione qua fictum est, aliud esse conformē absolute vt est à parte rei. Nam priori modo apprehensio est cōformis obiecto ficto: quia fictū quatenus fictū est vere fictū, quare & apprehensio rei fictæ, est verè, nō fictè cōformis rei fictæ: absolute verò apprehensio rei fictæ nō est conformis obiecto vt est in re, quia sub ea ratione apprehendit quæ naturæ obiecti repugnat: quare apprehensio rei falsæ, per se non per accidens est falsa.

Tertiò ad veritatem repræsentationis requiritur, conformitas cum obiecto, nõ solum sub ea ratione, sub qua repræsentatur, sed etiã vt tali modo repræsentatur, vt ratio sub qua repræsentatur, cõueniat obiecto à parte rei: Nam si repræsentetur secundum ea quæ illi non conueniunt à parte rei, poterit quidem repræsentari, sed non verè: Sicut enim falsum potest quidem affirmari ab intellectu, verè tamé affirmari non potest; quia id quod affirmatur, verè non competit rei: ita si falsum repræsentetur, poterit quidem repræsentari, sed falsò, non verè, quia id quod repræsentatur, rei non competit. Quocirca vt concedamus obiecto conuenire vt repræsentari possit, negandum tamen est eidem conuenire vt verè repræsentari possit, sub illa ratione falsa; sicut conuenit quidem rei falsæ vt affirmari possit (alioqui non posset illam intellectus affirmare si non esset affirmabilis) non tamen vt verè affirmari possit, quia intellectus non potest illam cum veritate affirmare, propter difformitatem cum re.

Quartò. quidquid est vere repræsentabile, est etiam verè affirmabile: Nam repræsentatio illa conformis rei resolui potest in affirmationem: atqui non omne obiectũ est verè affirmabile. Ergo neq; verè repræsentabile.

Quartus modus dicendi est, in rei purè simplicis apprehensione non esse per se falsitatem; quia si apprehensio illa non est conformis alicui rei; ideo non est conformis quia non est illius rei, sed alterius apprehensio: Et quia per accidens est apprehensioni quod alicui alteri tribuatur, ideo per accidens est falsitas in tali apprehensione. Si verò apprehensio sit rei cõpositæ, potest in ea esse falsitas per se; quia ratione illius cõpositionis obiecti potest apprehensio esse difformis obiecto. Insinuat id Ca-

ietanus

ietanus 1. p. q. 5 8. art. 5. Pro quo notandū est ex Aristotele 9. Metaph. cap. vlt. veritatem fundari in esse, falsum in non esse, sicut ergo esse est duplex, aliud per compositionem quando esse est componi, & componi est esse, sic esse albi est esse in subiecto. Aliud est esse simplex citra vllam compositionem, quomodo simplicia dicuntur esse, eorum enim esse non est componi, sed simpliciter esse. Ita & verum est duplex, vnum est verum compositum consistens in compositione rerum quæ sunt inter se compositæ, illique oppositum falsum est diuisio eorum quæ sunt compositæ. Aliud est verum simplex quod sit citra vllam compositionem tam obiecti, quàm actus componentis, & tunc veritas cognitionis est attingere ipsum esse, falsitas autem non attingere seu ignorare.

Quæ quidem veritas simplex est propriè veritas: quia per cognitionem attingitur res vti est, falsitas autem simplex illi opposita non est propriè falsitas, sed ignorantia. Falsitas enim cognitionis propriè sumitur respectu obiecti cogniti, neque enim tunc res falsò cognoscitur, quando non cognoscitur: sed quando cognoscitur aliter quàm sit; quare non cognoscere rem, non est falsò cognoscere, sed nullo modo cognoscere, nec verè, nec falsè.

Vnde patet discrimen inter veritatem simplicem, & falsitatem simplicem. Nam veritas simplex, quia sumitur respectu obiecti apprehensi; quod attingitur, vti est, Ideò dicitur propriè veritas. Falsitas verò simplex non sumitur respectu obiecti apprehensi, sed non apprehensi; & ideo non est propriè falsitas vti dictum est.

Porrò licet simplicium apprehensio per se non sit

propriè falsa, per accidens tamen potest esse falsa, quando illa simplex apprehensio tribuitur alteri, cuius non est apprehensio; vt si apprehensio auri tribuatur aurichalco, sicut enim per accidens est illam tribui alteri obiecto, ita etiam per accidens est esse illi obiecto difforem, & eius respectu falsam. Porro verum compositum potest dici compositum, vel ex parte actus componentis per affirmationem vel negationem vnum cum altero, vel ex parte obiecti tantum, quando obiectum compositum apprehenditur, licet per actum non fiat compositio affirmatiua vel negatiua: sed tantum fit simplex apprehensio compositionis, vel rei compositae. Secundum hanc igitur doctrinam Aristotelis

in apprehensione rei simplicis nunquam falsitas est per se.

Dico igitur primò, Si apprehensio sit rei simplicis sine vlla compositione plurium ex parte obiecti, nō potest in tali apprehensione esse per se & propriè falsitas, sed veritas tantum. Et hoc solum voluit Aristoteles 9. Metaph. Ratio est; quia veritas cognitionis est conformitas eius cum re. Res autem simplex est id quod est citrà omnem compositionem: ergo & veritas simplex cognitionis erit, quando citrà omnem compositionem res ita attingetur, vti est. Si igitur attingitur per cognitionem vti est, cognitio illa erit per se vera & conformis rei: quia erit apprehensiuā rei vti est, si verò non attingatur secundum suum esse, non erit per se cognitio falsa; quia cognitio non dicitur falsa propriè, nisi respectu obiecti apprehensi, nempe cum aliquid cognoscit, sed aliter quam sit. Hic verò cognitio comparatur cum obiecto non apprehenso; ergo non potest eius respectu dici propriè falsa.

fa; non attingere enim non est falso cognoscere, sed nullo modo cognoscere, nec verè nec falsè.

Dico secundo, apprehensio rei simplicis potest esse per accidens falsa, quatenus refertur ad obiectum, ab ipsa non apprehensum. Ita Aristoteles loco citato; & Ratio est, quia in compositione potest inueniri falsitas; at hæc relatio apprehensionis ad aliud obiectum non apprehensum per ipsam, est compositio quædam apprehensionis, & rei apprehensæ cum obiecto non apprehenso. Ergo in ea relatione potest esse falsitas. Verùm quia per accidens est apprehensio ni referri ad obiectum non apprehensum: per se enim & ex ratione formali apprehensionis refertur ad obiectum apprehensum, idcirco & falsitas secuta ex tali relatione per accidens conueniet apprehensioni simplici.

In apprehensione rei simplicis potest esse falsitas per accidens.

Dico tertio, si apprehensio sit rei compositæ vel compositionis ipsius, potest in ea esse per se falsitas: quia obiectum ratione compositionis illius potest non esse conforme rei ut est in se: Ergo & apprehensio illius compositionis non erit conformis rei ut est in se, ac proinde erit falsa. Dices talem apprehensionem non esse illius rei cui falsò tribuitur, ac proinde eius respectu non potest dici falsa. Resp. compositum potest apprehendi secundum vnâ partem verè, secundum alteram falsò, ut cum apprehendo hominem volantem verè hominem apprehendo, sed ut volantem falsò. vnde negari non potest hanc apprehensionem

In apprehensione rei compositæ potest esse falsitas per se.

esse

esse illius obiecti apprehensionem, ac requiritur ad hoc ut eius respectu apprehensio dicatur falsa: semper enim in obiecto falso vnum verè apprehenditur aliud non. Confirmatur. quod cognitioni conuenit ex ratione formali ipsius, conuenit illi per se, sed talis falsitas conuenit huic cognitioni ex ratione formali talis cognitionis: Ergo conuenit illi per se.

Ex dictis patet quomodo verum sit quod ait Aristoteles supra, in conceptu definitiuo non dari falsitatem, per se, quia est conceptus rei simplicis, hoc est, essentia. Videtur enim definitio esse quid compositum ex genere, & differentia duplicemque falsitatem posse includere, alteram cum partes definitionis falso inter se conueniunt, ut animal insensituum; alteram cum definitio tribuitur alteri definito cui non conuenit, ut si dicā, equum esse animal rationale. Respondet Fonseca, in locum citatum definitionem obiectiuam esse simplicem; quia duobus conceptibus adæquatis concipitur, vna res simplex. Verum si loquatur de simplicitate opposita compositioni rationis, sic essentia in se quidem simplex est, in ordine tamen ad conceptum est multiplex, & composita ab intellectu concipitur quæ compositio sufficit ad falsitatem. Dicit tamen potest essentiam ut essentiam consistere in indiuisibili, vnde secundum illam indiuisibilem rationem si attingitur conceptu definitiuo, verè concipitur; si non attingitur, non illa sed aliud quiddam concipitur, ipsa verò ignoratur, sicut & quoduis aliud simplex: Potest tamen per accidens, inesse falsitas definitioni, sicut & cuius apprehensioni simplici.



QVÆSTIO V.

An prima operatio sit dirigibilis.

Quidam negant esse dirigibilem, quia non est capax Prima operatio per se dirigibilis est. erroris & falsitatis. Alij concedunt esse dirigibilem, quia est capax multorum defectuum, non tamen falsitatis. Nos utraque ratione dicimus dirigibilem. Primò. Quia subiaceret multis defectibus, ut confuſioni, & aliis modis indebitis apprehendendi, quibus defectibus, occurritur per varias definitiones, & explicationes terminorum. Secundò: Quia licet non sit capax falsitatis complexæ, est tamen capax incomplexæ, quam diximus per se inesse in prima operatione. Et quidem, cum hæc falsitas ex apprehensione obiecti compositi oriatur, Logica tradit debitos modos, vnum sub alio, vel vnum cum alio aptè apprehendendi, nempe si alterum alteri non repugnet sed conueniat, ad quod faciunt regulæ oppositionum. faciunt etiam regulæ de terminis pertinentibus, quorum vnus alterum inferit, vel tollit, & aliæ regulæ Logicæ de subordinatione terminorum. Sic in definitione aptè apprehenditur genus cum differentia vel proprio, idque per regulas generis & differentię: Non rectè verò apprehenditur animal non sensitiuum, quia vnum repugnat alteri. Et quamuis hæc repugnantia possit ostendi Physicè, tamen in Logica ostenditur Logicè per regulas Logicas. Quare qui negant primam operationem directione egeret ob falsitatem, exponendi sunt quod ista non sit sola causa propter quam operatio directione indigeat, sunt enim alij etiam defectus: at si negant vnā ex causis esse falsitatem, quæ vitari possit, vel debeat in apprehensio-

ne per regulas Logicas, non sunt admittendi: Magnum enim vitium apprehensionis est, falsò & difformiter res apprehédere, quod vitium Logica tollit, vt dictum est, docendo qui termini, & quomodo secum iungi possint, qui non. Ex qua doctrina non solùm secunda, operatio dirigitur in affirmatione & negatione, sed etiam prima in debita, & conformi rebus apprehensione.

QVÆSTIO VI.

An in prima operatione sit compositio.

PRima operatio dicitur simplex apprehensio ad excludendam compositionem. Quæ autem sit compositio quam excludit prima operatio explicandum est. Duplex igitur compositio considerari potest; altera ex parte actus quæ fit per affirmationem vel negationem: affirmatio enim est compositio rei cum re, facta ab intellectu, negatio est diuisio rei à re, ita vt idcirco Aristoteles secundam operationem, in qua est affirmatio & negatio vocauerit compositionem & diuisionem, Altera est ex parte obiecti, cum obiectum compositum ex multis cognoscitur: vt cum plura simul cognoscuntur tanquam coniuncta, siue vnum sub alio, siue in alio siue cum alio, vt subiectum cum accidente, vel etiam cum ipsa coniunctio apprehenditur.

Compositio ex parte actus non est in 1. oper.

Dico igitur primò. Compositio ex parte actus, quæ fit per affirmationem vel negationem non est in prima operatione intellectus. Ratio est; Quia prima operatio

tio

tio est nuda apprehensio, apprehensio autem nihil affirmata aut negat, ita ut etiam ipsam affirmationem & negationem possit apprehendere intellectus sine vlla affirmatione & negatione: Ergo in prima operatione non est compositio per affirmationem & negationem. Deinde affirmatio & negatio est essentia secundæ operationis: cum ergo prima operatio distinguatur essentialiter à secunda, sequitur non habere vllam in se affirmationem aut negationem.

Quod si obiicies: non omnem apprehensionem esse simplicem ex parte actus; nam cum plura simul apprehendimus concurrunt ad eam apprehensionem plures conceptus uniti, sicut cum plures res videmus simul per plures species distinctas, habemus vnam visionem conflata ex multis quasi partialibus visionibus. Respondeo, apprehensionem dici actum simplicem quia, non fit modo compositiuo, neque enim apprehendere est componere vnum cum alio, sed solum rem percipere siue ea sit simplex, siue composita: aggregatio verò plurium conceptuum in vnum, non facit compositionem substantialem, neque vnum actum quoad substantiam, sed tantum dicit existentiam plurium actuum simul.

Dico secundò. Compositio ex parte obiecti potest inueniri in prima operatione. Ratio est: Quia non solum res simplices apprehendimus, sed & compositas: Nam & ipsam compositionem per modum obiecti apprehendere possumus, & propositionem integram, atque etiam integrum syllogismum representando illum menti per modum simplicis intuitus. Idcirco autem res compositas simplici ratione apprehendere dicimur, quia nihil de illis affirmamus aut negamus: compositio enim intellectualis fit affirmatione aut negatione. Porro ob-

Compositio obiecti potest esse in 1. oper.

iectum dupliciter dici potest compositum, primò realiter cum ex rebus diuersis constat: secundo in ordine ad intellectum, cum vna res substat pluribus conceptibus: Nam rem alioqui simplicem & in se indiuisam possumus pluribus conceptibus inadæquatis apprehendere. Vt cum hominem apprehendimus per conceptum animalis, & rationalis coniuactos, quod ex imperfecto modo nostro concipiendi prouenit; quia si rem simplicem pleno & adæquato conceptu conciperemus, vnum tantum de illa formarem conceptum: at quia rem vnā inadæquatè concipimus, hinc est vt plures debeamus formare conceptus, vt ea planè & adæquatè cognoscamus, resque illa vt substat pluribus conceptibus plurium rationem habet, estque quodammodo virtute multiplex, quia multa in se continet quæ pluriū conceptuum materia esse possunt.

Dices talem apprehensionem esse falsam, quia non est conformis rei; res enim in se non est composita & tamen compositè ab intellectu apprehenditur. Respondeo non esse falsam, quia etsi res in se sit simplex, in ordine tamen ad intellectum, hoc est, vt substat conceptibus intellectus est composita; quia est apta pluribus inadæquatis conceptibus concipi: quare hoc modo apprehensio erit conformis rei, non vt res est, sed vt conceptibilis est diuersis conceptibus cum fundamēto in re. Sed obiicies. Intellectus apprehendendo compositionem in obiecto, format in se compositionem illam: Ergo componit: Nam facere compositionē quid aliud est quàm componere? Respondeo intellectum apprehendendo formare in se solum idolum quoddam & imaginem illius compositionis obiectiue, hoc autem
solum

solū est facere compositionem in actu signato, non in actu exercito: Nam facere formam, & repræsentationem compositionis, non est componere in actu exercito, quia nō est tribuere vnum alteri; deinde apprehendere compositionem est solū percipere compositionem quasi factam non autem facere, sicut apprehendere affirmationem non est facere.

Quod si quæras, an cū composita ab intellectu apprehenduntur apprehendantur vno simplici conceptu, vel pluribus simul coniunctis. Respondeo non vno sed pluribus; quia quæ per diuersas species apprehenduntur diuersis quoq; conceptibus apprehenduntur, species enim sunt principia effectiua conceptuum & diuersæ species diuersos efficient conceptus: atqui cū plura simul apprehenduntur, singula habent suas proprias & distinctas species in intellectu: Ergo necesse est vt plures conceptus apprehendantur.

Intellectus vno conceptu an pluribus apprehendat composita?

QVÆSTIO VII.

An abstractio sit actus primæ operationis intellectus.

Abstractio est separatio quædam vnius ab altero, quæ cum mente fit dicitur abstractio intellectus: Porro nihil abstrahitur ab altero, nisi quod fuit ante illi coniunctum; non enim ea separantur à se quæ nunquam fuerunt coniuncta: hinc Petrus non dicitur abstrahi à Paulo licet consideretur sine Paulo, quia non fuit vnquam coniunctus Paulo. Fit autem abstractio per cognitionem, qua cognoscitur vnum non cognito alio. Ex quo patet abstractionem formaliter esse actum primæ operationis intellectus. Ratio est, quia fit sim-

Abstractio est actus primæ operationis.

plici apprehensione, sine vlla affirmatione & negatione: nam cum consideratur vnum non considerato alio, dicitur abstrahi ab illo: considerari autem vnum sine alio potest per simplicem apprehensionem vnius sine alio, absq; vlla affirmatione & negatione. Vnde est illud axioma receptum apud Philosophos abstrahetium non est mendacium: Vbi enim nulla est affirmatio & negatio, ibi nullum est mendacium. Ex quo patet abstractionem distingui à negatione quæ fit in secunda operatione intellectus: Nam sicut aliud est non includere aliud excludere, ita aliud abstrahere aliud negare: abstrahendo enim solum non includimus aliud, negando verò excludimus positivè.

*Abstractio an
conformis rei?*

At inquires. Abstractionem non esse conformem rei, res enim inter se coniunctæ à parte rei per abstractionem sciunguntur. Respondeo, ea quæ sunt in re coniuncta possunt in conceptibus non esse coniuncta, si vnum non includatur in conceptu alterius, & vnum concipiatur non concepto altero: sic in re animal & rationale sunt vnum & idem, vna realis essentia, in conceptibus tamen sunt distincta, quare abstractio est conformis rei, non secundum modum quo existit à parte rei, sed secundum modum quo se habet ad intellectum. Ad hæc negatio quæ est in abstractione est non consideratio, seu negatio considerationis: illa verò quæ est in secunda operatione est negatio rei.

Quod si quæras an id quod abstrahitur ab alio possit de illo cum veritate negari; talis enim negatio videtur nullo modo esse conformis rei, quia dicere ea quæ sunt in re coniuncta, non esse coniuncta est dicere falsum. Nihilominus dico dupliciter aliquid posse negari de

ridere, vel vt res illa existit à partereci, vel vt substat tali conceptui intellectus. Primo modo negare de re quod est in re est falsum, secundo verò modo potest esse verum: quia licet illud in re existat non tamen existit in re vt sic vel sic concepta: Nam eadem res vt est concepta vno conceptu, non est illa ipsa vt concipitur alio conceptu. Sic in Deo intellectus & voluntas sunt idem, & sic conciperemus ista adæquatè, vt sunt in Deo, non possemus negare intellectum de voluntate, sed conciperemus intellectum esse voluntatem, at quia inadæquatè ista concipimus, nempe intellectum tantum sub ratione intellectus, & voluntatem sub ratione voluntatis, ideò negamus intellectum sic conceptum à nobis esse voluntatem, cum in conceptu intellectus, non includatur conceptus voluntatis. Idem dicendū est de conceptu animalis, & rationalis, qui secundum rem sunt idem, mente tantum distinguuntur. Vnde & secundum rem verum est, animal esse idem quod rationale: & secundum conceptum negari potest esse idem, quia alius est conceptus animalis, alius hominis, & vnus conceptus in alio non includitur.

Ex quo patet, fundamentum, abstractionis, partim esse in re, partim in intellectu: In re est distinctio duorum coniunctorum vel actualis vel virtualis; Actualis vt cum accidens abstrahimus à subiecto, à quo re ipsa distinguitur; virtualis vt cum animalitatem in homine abstrahimus à rationalitate, quæ licet in homine sint vnum & idem actu, virtualiter tamen & in potentia distinguuntur, cuius signum est, quod in aliis rebus vnum inuenitur sine alio; animalitas enim in boue inuenitur sine rationalitate: In intellectu autem fundamentum abstractionis est inadæquata

*Fundamentum
Abstractionis
partim in re
partim in intellectu.*

æquata rei conceptio; quia intellectus ob suam imperfectionem, non format statim plenum & adæquatum conceptum de re. formando autem conceptum inadæquatum, cognoscit rem sub vna tantum ratione non sub altera, & sic dicitur vnam rem abstrahere ab altera. Porro sicut sunt variae coniunctiones rerum, ita & modi abstractionum varii: aliquid enim abstrahitur ab altero, vel ut accidens à subiecto ut cum albedo abstrahitur à pariete, & secundum se consideratur non considerato pariete, vel ut forma ab eo cuius est forma; vel ut vniuersale à singulari, vel ut accidens ab alio accidente cui est coniunctum, vel albedo in pomo abstrahitur à sapore; vel ut id quo est ab eo quod est, sic humanitas abstrahitur ab homine, albedo ab albo, homo enim est humanitate, album albedine. Ad hoc autem ut aliquid ab altero abstrahi possit, sufficit distinctio illorum secundum conceptum confusum aut distinctum, quomodo & definitum à definitione explicitè concepta, & res à sua differentia explicitè concepta abstrahi potest. Quot enim res concipimus quarum differentiam explicitam ignoramus?

QVÆSTIO VIII.

An possit aliquid abstrahere à contradictoriis.

Nihil potest in re abstrahere à contradictoriis.

DIco primo in re nihil potest abstrahere à contradictoriis; quia in re non potest esse nisi coniunctum alteri contradictoriis; de qualibet enim re necesse est alterum contradictorium affirmari vel negari. Estq; hoc primum principium lumine naturali notum, quod si negetur tollentur omnes scientiæ, quia omnium scientiarum

tiarum principia per hoc principium probantur, Quodlibet est vel non est, ita vt tam impossibile sit rem esse simul & non esse, quàm impossibile est vt neq; sit neq; nō sit, sed necesse est vt vel sit vel non sit.

Dico secundo. Intellectus in sua cognitione potest ^{In cognitione potest.} abstrahere ab vtroq; contradictoriorū. Ratio est: Quia potest intellectus cognoscere aliquod obiectū neutrum contradictoriorum, in illo formaliter & expressè considerando, licet verè in re alterum contradictorium illi conueniat. Ergo in tali consideratione abstrahet formaliter ab vtroq; contradictorio quia neutrum considerabit: Vt cū considerat hominem præcisè vt homo est non considerat illum vt album, neq; vt non album, licet in re homo ille consideratus necessariò sit albus, vel non albus.

Dices ergo de eadem cognitione negabuntur duo eō contradictoria, quod est contra legem contradictoriorū. ^{Lex Contradictoriorum.} Respondeo legem contradictoriorū esse, vt quoad existentiam non possint contradictoria de eodem simul affirmari & negari, non verò quoad considerationē, quod non possint simul considerari, aut simul nō considerari: Manifestum enim est posse simul ab intellectu considerari duo contradictoria, & posse simul non considerari, licet quoad rem & existentiam necesse est in id quod consideratur ab intellectu alterum contradictoriorum cadere. Verbi gratia, hominem consideratū ab intellectu necesse est vel esse album vel non album licet neutrum ab intellectu in homine consideretur. Quod etiā ex eo patet, quod & si esse album & nō esse album sint contradictoria, tamen considerari vt album, & considerari vt non album non sunt contradictoria, sed diuersa & quæ simul stare possunt; nam quæ sunt contradictoria habēt

se vt affirmatio & negatio: at considerare album & considerare non album non se habet vt affirmatio & negatio, quia vtrumq; est affirmatio: Ergo ista non sunt contradictoria: Essent autem contradictoria considerare album & non considerare album, quia tunc haberent se vt affirmatio & negatio. Summa ergo rei est; quia hæc abstractio fit per non considerationem, intellectus autem potest neutrum contradictoriorum considerare, potest ergo in illa cognitione abstrahere ab vtroq; contradictorio.

QUESTIO IX.

An abstracta possint predicari de iis à quibus abstrahuntur.

Ratio dubitandi est. Quia abstractio est negatio quedam vnius de altero; prædicatio autem fit per conjunctionem vnius cum altero: Ergo abstractio videtur tolli per prædicationem. Nam si dicas abstractionem fieri non per veram negationem, sed solum per non considerationem. Esto. at omnis prædicatio fit per considerationem vnius cum altero, prædicatum enim consideratur in subiecto, & subiectum sub prædicato. Ex altera autem parte certum est vniuersalia verè prædicari de particularibus vt genus de specie & indiuiduo: vniuersalia autem sunt abstracta; ergo abstracta verè prædicantur de iis à quibus abstrahuntur.

Abstracta triplicia.

Pro resolutione notandum est. Abstracta esse triplicia. Quædam sunt quæ nullo modo in sua significatione inuoluunt ea à quibus abstrahuntur, vt cum albedo abstrahitur à pariete, albedo nullo modo inuoluit parietem;

rietem: Alia sunt quæ inuoluunt ea à quibus abstrahuntur, quoad rem significatam non quoad modum significandi, vt albedo respectu albi, & omnia abstracta respectu suorum concretorum; idem enim significant abstractū & concretum, albedo & album, sed non eodē modo; nam abstractum per modum formæ, concretū per modum per se stantis. Deniq; alia sunt quæ inuoluunt ea à quibus abstrahuntur, tam quoad rem significatam, quam quoad modum significandi, vt homo respectu Petri, & vniuersale respectu singularis: homo enim in confuso significat quemcunq; hominem singularem, & vniuersale omnia sua inferiora.

Dico igitur primò. Abstracta prioris generis non prædicantur vlllo modo de iis à quibus abstrahuntur, *Abstracta quæ in sua significatione nullo modo inuoluunt ea à quibus abstrahuntur nō prædicantur de illis.* Albedo verbi gratia de pariete: non enim rectè dicitur paries est albedo. Ratio est: quia omnis prædicatio fundatur in aliqua identitate prædicati cum subiecto, siue materiali siue formali: In omni enim prædicato dicitur hoc esse hoc, hoc autem nihil aliud est, quàm subiectum esse idem cum eo quod significatur per prædicatum. Cum igitur abstracta primi generis, non sint idem cum iis à quibus abstrahuntur, non possunt de iis prædicari.

Dico secundò. Abstracta secundi generis simpliciter, & absolutè non prædicantur de suis concretis, cum hæc sit falsa prædicatio; Homo est humanitas; Album est albedo. Pro quo notandum est; quod cum prædicatio fundetur in identitate prædicati & subiecti, talia autem abstracta quoad rem significatam sunt eadem cum concretis, quia idem significatur nomine abstracto & concreto, videtur propter hanc identitatem vera esse prædicatio abstracti de concreto, licet sit inde-

Abstracta quæ quoad modum significandi nō inuoluunt ea à quibus abstrahuntur nō prædicantur de illis.

bita, quia modus significandi prædicati non congruit subiecto; nam subiectum significat illam rem per modum per se stantis & ut Quod, prædicatum verò per modum formæ & ut Quo. necesse est autem prædicatum convenire cum subiecto in modo communi essendi ut sit proportio. Et ita sentit Durand. in 1. distinct. 24. q. ultima.

Oppositum tamè sentit Ruuius in q. 5. Proæmiali: Primò. quia pars in abstracto non prædicatur de toto, non enim dicimus, Homo est manus aut caput; At abstractum significat per modum partis, concretum per modum totius; abstractum enim est pars quædam concreti. Ergo non potest prædicari de concreto, neq; sufficit identitas utriusq; Nam & pars est eadem cum toto & tamen non prædicatur de toto. Secundo ad hoc ut vnum non sit aliud sufficit ut modus essendi vnius sit oppositus modo essendi alterius: nam ratione horum modorum ita sibi opponuntur ut vnum non possit dici aliud. At concretum & abstractum habent modos essendi oppositos, concretum quidem modum per se stantis ut Quod: abstractum verò modum formæ efficientis & ut Quo. Ergo abstractum non potest dici de concreto, nec vnum potest esse aliud.

Dices hos modos essendi esse accidentales, eadem enim natura nunc abstractè nunc concretè concipi potest. Accidentaliter autè non mutant essentiam prædicationis. Respòdeo, hos modos esse quidè accidentarios naturæ in genere rei, at in ordine prædicationum esse essentialiter. Patet id manifestè. Nam eadem res si sumatur per modum partis & in abstracto non potest prædicari de toto, non enim dicimus homo est manus: si verò concipiatur per modum totius & in concreto potest

test prædicari: dicimus enim hominem esse manuum
seu habentem manum. Et ratio est. Quia prædicatum
sub eo modo essendi debet concipi sub quo conuenit
subiecto: at sub esse abstracto non conuenit subiecto,
sed sub esse concreto, nõ enim manus abstracta conue-
nit homini sed coniuncta. manus autem homini con-
iuncta denominat hominem manuum seu habentem
manum quæ denominatio est concreta. Eadem ex cau-
sa non dicimus homo est albedo sed albus. Quare pari
ratione nõ poterit dici homo est humanitas, vel album
est albedo. Dices præterea non esse necesse prædicatũ
conuenire cum subiecto in modo essendi, nam subiectũ
potest esse substantia Prædicatum accidens; accidens
autem & substantia habent diuersos modos essendi.
Respondeo. Non omnes modos essendi diuersos repu-
gnare prædicationi sicut repugnat modus essendi ab-
stractus & concretus ob rationem dictam quia abstra-
ctio facit prædicatum esse per modum partis, partem
autem prædicari de toto repugnat.

Dico tertio. Abstracta tertij generis verè prædica-
ri de iis à quibus abstrahuntur. sic definitio prædicatur
de definito & vniuersale de suis inferioribus. Probatur
primo. quia etiam pars sumpta in concreto & per mo-
dum totius prædicatur de toto: cum ergo hæc abstracta
sint etiam concreta, superiora enim à concretis inferiori-
bus abstrahuntur per modum concretorum: pote-
runt ipsa quoque prædicari. Secundo. quia in tali præ-
dicatione est identitas prædicati cum subiecto, & mo-
dus essendi prædicati conueniens subiecto, quia prædi-
catum non nisi in concreto sumptum conuenit subie-
cto vt dictum est. Ergo est bona prædicatio. Tertio.
quia hæc prædicatio est eiusdem de seipso secundum ra-

tionem superiorem & inferiorem concepto. Quod verò in ratione debitandi obiciebatur abstractionem opponi prædicationi id non obstat. Nam etiam cæcitas opponitur visioni, vita mortui, diuisio indiuisiōi & tamen ista oppositio non impedit prædicationem. Rectè enim dicimus cæcum fieri videntem & videre. mortuū vivere, indiuisum diuidi. Similiter ergo rectè dicimus abstractum prædicari. quia abstractum assumitur ad prædicationem. Verū sicut cæcus eo ipso quod videt desinit esse cæcus & mortuus eo quod viuit desinit esse mortuus, & indiuisum eo ipso quod diuiditur, desinit esse indiuisum: ita abstractum eo ipso quod per prædicationem coniungitur subiecto desinit esse abstractum, siquidem per abiunctionem à subiecto abstractum efficitur abstractū, coniunctio autem cum subiecto est contraria abiunctioni. Et ita tenet Scotus q. 9. & 12. in Porphyrium asserens per prædicationem tolli rationem vniuersalis. quia ubi est coniunctio cum singularibus nō habet locum abstractio. at in prædicatione fit coniunctio naturæ cum singulari, ergo in tali prædicatione non habet locum abstractio, sed natura, eo ipso quod per prædicationem coniungitur subiectis desinit esse abstracta & fit coniuncta.

Oppositum tenent Conimbricenses, in præfationem Porphyrij q. 6. a. 4. nempe. Naturam posse prædicari de suo singulari, salua sua præcisione & abstractione intrinseca. Nam illa coniunctio quæ fit per prædicationem aduenit naturæ extrinsecè, nec tollit ipsius intrinsecam abstractionem quam habet ex intrinseca ratione conceptus, quo repræsentatur sine omni singularitate. Quod ita explicant. Formet inquit intellectus conceptum naturæ humanæ præcisæ ab omnibus infe-

inferioribus, deinde efficiat alium conceptum Petri: nemo dubitat posse intellectum adiuncta copula prædicare naturā sic conceptā de Petro: in qua prædicatione sicut manet eadem representatio conceptus, ita & eadem abstractio. Non enim per illum conceptum representatur natura vt coniuncta, sed vt abstracta. Idque verū est siue isti conceptus sint re distincti, siue ratione.

Verū ista non vrgent. Nam illa coniunctio per affirmationem licet conueniat naturæ extrinsecè; tamen tollit ab ea abstractionem, & facit vt non sit abstracta à singularibus sed coniuncta. Quod declaro primum exemplo simili. Nam licet paries v. g. ex sua intrinseca & essentiali ratione non sit albus: & nisi illi extrinsecus adueniret albedo nunquam esset albus, tamen cum illi aduenit albedo extrinsecus, verè efficitur albus, & non manet non albus. licet ex sua intrinseca ratione non sit albus. Vt enim aliquid non sit album, debet nullo modo siue intrinsecè siue extrinsecè coniungi albedini, & illud non esse album tollitur æquè per extrinsecam coniunctionem albedinis, sicut si ab intrinseco proveniret. Pari ergo ratione licet natura ex vi illi⁹ conceptus quo concipiebatur secundum se absque singularibus: non sit coniuncta singularibus: tamen ex vi alterius conceptus quo affirmatur de Petro, efficitur verè coniuncta singulari, & perdit illud non esse coniunctū seu esse abstractū. Secundo ratione. Quia licet prim⁹ cōceptus ille si solitariè sumatur, representet naturā abstractā quia nō representat vt coniunctā; tam ē adiuncto secundo cōceptu affirmāte, efficitur vna cōpleta representatio nature, vt cōiuncte singulari, ita vt q. nō representabatur in primo cōceptu representetur in secūdo. Nā p. primū representatur natura vt natura, hoc est quoad sua essen-

essentialia: per secundum verò coniunctio naturæ eum singulari. Et quia utraque representatio in eandem naturam cadit ideo natura illa simpliciter habet esse coniunctum non abstractum.

Confirmatur. Quia natura erat abstracta per non representationem singularium. cum igitur accedit representatio coniunctionis eum singularibus non poterit dici amplius abstracta. Nam si dicas manere adhuc id, quod natura ex vi primi conceptus non sit coniuncta, ac proinde abstracta. Respondeo. Non sufficere id ad hoc ut dicatur simpliciter abstracta seu non coniuncta. Nam est simpliciter coniuncta, licet ea coniunctio non sit vi primi illius conceptus sed secundi. Sicut paries simpliciter est albus & nullo modo non albus licet non extrinseca ratione sit albus. Nam cum dicitur paries ex ratione intrinseca parietis, non esse albus, non negatur albedo sed modus habendi albedinem ab intrinseco. quocirca per albedinem extrinsecam aduenientem tollitur omnis negatio albedinis, solumque relinquitur negatio modi habendi albedinem ab intrinseco. Ita & hinc per coniunctionem aduenientem tollitur omnis negatio cōiunctionis & solum relinquitur negatio modi habendi illam cōiunctionem ab intrinseco, & sic tollitur abstractio quæ in negatione coniunctionis naturæ cum singulari est posita.

Dices. Primum conceptum naturæ non mutari quoad representationem. Cum enim representatio in conceptu sequatur ad essentiam ipsius (sua siquidem essentia representat) non posset mutari in representando, nisi mutaretur in essentia. Cum igitur non mutetur in essentia, sed idem numero perseverat ante & post prædicationem, sequitur quod nec mutetur quoad

adrepræsentationem. Sicut igitur ante repræsentabat naturam abstractam ita & in prædicatione. Respon-
deo. Repræsentationem conceptus esse duplicem; po-
sitivam & negativam. Positiuè conceptus repræsentat
naturam sub ratione naturæ quia est naturæ similitudo
& imago. Negatiuè verò repræsentat abstractionem,
non repræsentando singularia. Prior ergo repræsentatio
mutari non potest nisi mutetur essentia conceptus;
posterior verò potest mutari salua essentia conceptus.
Quia enim oritur ex non repræsentatione singularium:
ideo tollitur accedente repræsentatione singularium:
& sic idem conceptus ex abstracto, fit non abstractus,
sed coniunctus.

Sed instabis. inde sequi vniuersale formaliter accep-
tum non prædicari. quia in prædicatione definit esse
vniuersale. Respondeo. Dupliciter aliquid prædi-
cari potest. Primo. In sensu composito, quando ma-
nenstale, prædicatur; & sic vniuersale quoad naturam
prædicatur, quia manet quoad naturam & essentialia
omnia nec natura tollitur per prædicationem, sed &
ponitur & affirmatur. Secundo. In sensu diuiso. Quan-
do ante prædicationem fuit tale, per prædicationem ve-
rò definit esse tale, v. g. cum dico; id quod diuiditur in
partes est hæc numero quantitas, non manet eadem nu-
mero quantitas cum diuiditur, dicitur tamé eadem nu-
mero quãtitas diuidi, quia illa numero quantitas fuit as-
sumpta ad diuisionem. Et sic vniuersale prædicatur, quã-
uis per prædicationem definit esse vniuersale.

Est & aliud argumentum Scoti pro hac doctrina
eiusmodi, quod vniuersalitas non conuenit naturæ
nisi in suppositione simplici. In prædicatione autem
est suppositio absoluta vel personalis. Ergo in prædi-

dicatione non conuenit naturæ vniuersalitas ac proinde nec abstractio.

Respondent Conimbricenses. Non solum in suppositione simplici, sed etiam in suppositione absoluta & personali conuenire vniuersalitatē, dummodo inquirunt sitre præsentatio præcisa.

At fateor me nō capere, quomodo id sit verū. Nam vniuersalitas ita conuenit naturæ vt non possit conuenire inferiorib. ipsius seu singularibus. Nō enim si homo sit vniuersalis inferiora quoque hominis nempe Petrus & Pauluserunt vniuersalia. Quare in tali statu necessario conuenit naturæ vniuersalitas, vt excludantur omnino inferiora, quod est conuenire in suppositione simplici. Nam in suppositione personali non excluduntur inferiora sed includuntur. Terminus enim tunc supponit personaliter cum supponit pro suo mediato significato, hoc est, pro suis inferioribus. Ex quo manifestum est argumentum Scoti validum esse, nec illa solutione infirmari.

Porro necessariam esse abstractionem ad prædicationem ex eo ostenditur: quia alioqui prædicatio esset identica. Animal enim in re idem omnino est quod homo, & quod rationale; quare nisi per rationem abstraheretur ab homine & rationali, idem significaret quod homo & prædicaretur de seipso.



QVÆSTIO X.

An abstracta superiora de abstractis inferioribus prædicari possint.

Supponendum est abstracta superiora siue generica siue specifica esse vel substantiarum vel accidentium & de vtrisque est difficultas. v. g. An hæc sit vera: humanitas, est animalitas; albedo est color.

Quod attinet ad abstracta substantiarum, negat hoc Ioco Ruuius, posse prædicari. Caietan. de Ente & essentia. Ferrar. primo contra gentes cap. 18.

Fundamentū est quia talia abstracta sunt & significantur per modum partis, pars aut de parte non prædicatur vt caput de pede. Nam quod concreta generica de speciebus prædicantur id inde prouenit quia significantur per modum totius, & vnum in suo significato complectitur aliud. Et licet animal, verbi gratia, quoad id quod expressè significat sit pars hominis, tamen non significat illud per modum partis, sed per modum totius per se stantis ratione cuius modi significandi complectitur hominem in potentia & in confuso. Animalitas verò significat per modum partis, & ideo de altera parte, hoc est, de humanitate non potest prædicari. Vnde inferunt animalitatem non esse genus respectu humanitatis, sed partem & principium Quo generis, nec humanitatem esse speciem animalitatis, sed partem & principium Quo speciei. De ratione

enim generis est vt significet per modum totius non per modum partis alioqui non complectetur in suo significato speciem, nec ex consequenti de ea prædicari poterit. Confirmatur; quia ideo abstracta non prædicantur de concretis licet illis identificantur quia sunt partes & per modum partis significantur. Ergo & ob eandem rationem non prædicantur de abstractis inferioribus; quia pars nec de toto nec de parte prædicari potest.

Sententia Aristoteli.

Hæc sententia vera est. oppositum tamen sentit Sotus qui inquit ad prædicationem sufficere identitatem prædicati cum subiecto. Hic autè abstractum superius est idem cum abstracto inferiori cum sit de essentia ipsius. Verùm hæc ratio supra iam refutata est, tum quia nec pars de toto, nec pars de parte potest prædicari etsi habeant identitatem inter se. tum quia non satis est identitas in re, nisi etiam significetur voce. nam si non significetur parum facit ad prædicationem & omnino tantum quantum si non esset.

At obiici potest. Abstractum superius cum sit de essentia inferioris potest prædicari de illo, vel ergo prædicabitur in abstracto & sic habetur intentum vel in concreto & sic esset mala prædicatio. non enim concreta prædicantur de abstractis sicut nec abstracta de concretis vt patet inductione.

Respondeo. quod est de essentia alicuius, potest quidem prædicari de illo sed non quomocunque. Nam animalitas est de essentia hominis & abstractum de essentia concreti, neque tamen potest prædicari de illo quamdiu significatur in abstracto. Vt igitur prædicetur debet modo conuenienti prædicationi significari hoc est in concreto, sic rectè dicitur homo est habens anima-

animalitatem; non autem homo est animalitas. Quia abstractum ut dictum est ineptum est ad prædicationē. Significat enim formam quasi abiunctam à subiecto & in se stantem, in qua significatione non inuoluit identitatem cum subiecto, quod ad prædicationem requiritur. Quocirca abstractum superius potest quidem essentialiter prædicari de abstracto inferiori sed non nisi significatum per modum concreti. v. g. dici potest humanitas est habens animalitatem, vel constat animalitate, non verò est animalitas.

Quando verò obiicitur concreta non posse prædicari de abstractis. Respondeo. Id esse verum quando abstracta non supponunt pro concretis. v. g. non dicimus humanitas est homo, vel albedo est album. At si abstractum supponat pro concreto potest prædicari de illo concretum tanquam de concreto, concreto inquā, non secundum vocem sed suppositionem. Sic rectè dicam albedo est habens albedineitatem licet nō possit dici ipsa albedineitas. Et humanitas est verè habens animalitatem licet non sit ipsa animalitas.

*An Concreta
possint prædi-
cari de Abstra-
ctis.*

Quod attinet ad abstracta accidentium, communis sententia est ea prædicari posse de abstractis inferioribus ut albedo est color. Rationem affert Ruuius quia formæ accidentales licet sint abstractæ physicè respectu subiecti, eo quòd concipiuntur per se sine subiecto: tamen sunt concreta quædam metaphysica respectu suorum abstractorum. Habent enim rationes superiores & inferiores respectu quarum sunt quædam tota & concreta. Et sic tanquam concreta, non tanquam abstracta prædicantur. Deinde ad prædicationem satis est, ut prædicatum contineat ex modo significandi subiectum saltem in potentia sic enim hoc erit hoc: At ab-

facta accidentium continent in potentia sua inferiora propter identitatem cum illis & communem modum significandi. Ergo ex eò verè quod abstracta accidentium prædicantur de suis inferioribus rectè infertur abstracta quoq; substantialia posse & debere prædicari de suis inferioribus propter paritatem rationis.

QVÆSTIO XI.

An definitio sit in prima operatione intellectus.

Videtur enim definitio ad secundam operationem spectare, non enim potest sine affirmatione fieri. Nam definitio non habet rationem definitionis nisi coniungatur cum definito: Omnis enim definitio respectu definiti est definitio; ita vt si consideretur animal rationale in abstracto, non respectu hominis, non haberet rationem definitionis, quia nullius rei essentiam explicaret. Porro coniunctio definitionis cum definito non videtur posse fieri nisi per affirmationem. Quid enim est aliud affirmatio quàm coniunctio prædicari cum subiecto.

Dicendum tamen est definitionem per se ad primam operationem pertinere, & per accidens ad secundam, quia per simplicem apprehensionem potest considerari definitum sub sua definitione, sicut omne obiectum materiale potest considerari sub sua ratione formali, absq; vlla affirmatione per modum simplicis cuiusdam intuitus: quare per accidens est definitioni sic apprehensa affirmari de definito, quia sine illa affirmatione habet suam essentiam per simplicem apprehensionem.

hensionem. Deinde definitio apprehensa est pura definitio, affirmata autem est simul definitio & propositio: vnde sicut illi per accidens est esse propositionem, ita & affirmari.

QVÆSTIO XII.

An detur in prima operatione simplex iudicium.

Quidam recentiores affirmant; licet dicant illud esse imperfectum, virtuale, implicitum. Ita Suarius. 1. Metaph. disp. 8. sect. 4. Dandinus 3. de Anima digr. 31. videtur etiam Ruuii de vniuersalibus q. 6. in fine. Quanquam is vocat virtuale iudicium, quod est solum fundamentaliter iudicium, & potest fundare iudicium formale, in quo expressè dicitur ita esse vel non esse. Communis sententia est iudicium verè & propriè, & essentialiter non esse in apprehensione sed in compositione tantum & illatione. Quæ sententia est Aristotelis 1. Peribet. cap. 1. vbi in prima operatione & extra compositionem negat dici esse vel non esse rem, in qua ratio essentialis iudicii posita est. Aristotelem sequitur S. Thomas 1. p. q. 16. art. 2. & alii Peripatetici.

Dicendum igitur est in prima operatione non esse propriè & essentialiter iudicium simplex nisi Metaphoricè & similitudinariè. Probatur. Primò ex definitione iudicii. Quia ratio essentialis iudicii in hoc est posita, quod dicat ita esse vel non esse: atqui hoc non est in prima operatione seu in apprehensione. Ergo in prima operatione non est iudicium simplex. Maior patet ex defini-

definitione, & communi notione iudicii: Non enim tunc iudicamus quando apprehendimus id quod est, sed quando rem ita esse vel non esse dicimus, & hoc solo ablato aufertur ratio iudicii. Quare dicere iudicium esse aliquid aliud, est fingere nouam notionem iudicii, & non est uti nominib⁹ secundum impositam sibi significationem. Minor probatur. Quia in apprehensione, & si apprehendamus id quod est: non dicimus tamen rem esse vel nō esse, vt docet Aristoteles 1. cap. Perihier. Hircocerus, inquit, nihil significat verum vel falsum, nisi addatur esse vel non esse. Ergo ex se hircocerus apprehensus non dicit esse vel non esse; & ex consequēti apprehensio hircocerui, non includit rationem formalem iudicii, quæ consistit in esse vel non esse. Deinde quia apprehensio est indifferens ad esse rei apprehensæ & non esse; apprehendimus enim non solum ea quæ sunt à parte rei ita vt apprehenduntur, sed etiam ea quæ non sunt ita à parte rei, sicut ergo apprehensio abstrahit ab esse & non esse; ita etiam abstrahit à ratione formali iudicii, tam simplicis quàm compositi, tam expliciti quàm impliciti.

2. Secundò probatur ex absurdo: sequeretur enim nos non posse apprehendere propositionem falsam sine mendacio. Probatur: quia mendacium est quando id dicimus, cuius oppositum in mente credimus. Atqui cum apprehendimus rem falsam, semper habemus iudicium contrarium, quo credimus illud quod apprehendimus esse falsum: ergo in tali apprehensione mentimur. At hoc dici non potest. Cum enim apprehendimus Deum non esse nō dicimur mentiri, solum ex eo quod apprehédendo non dicimus ita esse vel non esse, & ex consequenti non iudicamus. Et sanè nullus vnquam

quam sanae mentis dixerit, me cum apprehendo Deum non esse, iudicare Deum non esse; alioqui ipsa apprehensione essem Hæreticus. Cur enim affirmando Deum non esse, sim Hæreticus, & in apprehensione iudicando Deum non esse, non sim Hæreticus? Si quidem utrobique iudico Deum non esse. Etenim affirmatio ideò est Hæretica quia in ea iudico Deum non esse, ita ut si auferatur per impossibile, aut per imaginationem hoc iudicium ab affirmatione, illa affirmatio non esset Hæretica. Quocirca cum sit contra communem notionem de apprehensione quod contineat rationem iudicii, isti qui ita loquuntur, contra communem notionem & impositionem verbis utuntur, & fingunt novas impositiones nominum.

Tertiò si prima operatio diceret essentialiter iudicium, æquè esset veritas & falsitas in prima operatione sicut in secunda: Nam in secunda ideò est veritas & falsitas, quia in ea inuenitur iudicium de re quod sit vel non sit ut patet ex i. cap. Perihier. si ergo in prima quoque operatione reperiretur tale iudicium, quod res sit vel non sit, æquè in prima ac in secunda operatione esset veritas vel falsitas. Nam parum refert, quod hoc iudicium sit simplex, cum etiam in Angelis sit iudicium simplex, & tamen in eo per se est veritas æquè ut in nostro composito iudicio: Nam iudicium compositum non ideò quia compositum, sed quia iudicium dicens, esse vel non esse, est verum vel falsum; alioqui si quia compositum esset verum, iudicium simplex in Angelo non esset verum. Quocirca siue per compositionem siue sine compositione fiat iudicium, dummodo dicat esse vel non esse semper erit per se verum aut falsum.

sum. Hoc autem est contra doctrinam Aristotelis qui
1. Perihier. ex professo ostendit extra compositionem
non esse veritatem.

4. **Quartò**, si in prima operatione esset iudicium simplex, esset compositio virtualis licet non actualis hoc est talis, tanta, quanta est in Angelo cuius iudicium æquivaleret iudicio nostro composito: At hoc est absurdum; Ergo. Maior patet: quia iudicium simplex sine compositione continet ea omnia, quæ iudicium compositum continet cum compositione; & idè dicitur virtute & æquivalentia compositum. Nam quod nos distinctis conceptibus dicimus ita esse vel non esse, hoc in iudicio simplici vno conceptu dicitur ita esse vel non esse: si igitur apprehensio nostra est simplex iudicium, æquivaleret iudicio composito, & contineret sine compositione totum id quod continet iudicium compositum. Duo enim continet iudicium compositum: Alterum est quod dicat ita esse vel non esse, quæ est ratio formalis iudicii ut iudicium est: Alterum est modus ille compositivus cum componendo dicitur ita esse vel nō esse: In simplici ergo iudicio est primum in quo consistit essentia iudicii (alioqui non esset essentialiter iudicium) solum autem deest secundum, quod tamē ad essentiam iudicii non spectat: virtute tamen est compositio, quia continet in se omnia quæ possunt esse materia compositionis: eadem enim illa quæ simplici ratione iudicantur, composito quoq; modo iudicari possunt. Ex quo etiam patet istud primæ apprehensionis iudicium fore tale & tantum, quale & quantum est iudicium Angelicum: quid enim illi ad essentiam iudicii deest? cum dicat rem ita esse vel non esse, quo plus nihil dicit suo iudicio Angelus.

Quintò

Quintò sequeretur iudiciū apprehensuum esse perfectius iudicio compositiuo & illatiuo; quia quidquid perfectionis est iudicii, ad rationem iudicii spectans, hoc totum est in iudicio simplici, solum deest illi imperfectio illa compositiua. Vnde iudicium simplex est perfectius composito: si ergo apprehensio est iudicium simplex, sequitur quod sit perfectius in ratione iudicii iudicio compositiuo.

Respondent primo, iudicium apprehensuum esse imperfectum quid in genere iudicii. Contra, si iudicio apprehensiuo deest aliqua condicio essentialis iudicii, non erit imperfectum iudicium, sed nullum iudicium: sine essentia enim iudicii non potest esse iudicium: neque enim vlla res est talis sine essentia tali, nec homo est homo essentialiter, nisi per essentiam hominis; nec aurum est essentialiter aurum nisi per essentiam auri: si verò habet totam essentiam iudicii, non est imperfectum iudicium, sed perfectum essentialiter. Porro satis est ad argumentum ostendere omnem perfectionem essentialem iudicii inesse apprehensioni debere, si dici debet iudicium essentialiter, & non tantum similitudine quadam. Quanquam nec quæ conditio accidentalis iudicii desit apprehensioni, supposito quod essentia iudicii non desit, potest ab illis bene explicari.

Respondent secundò alii iudicium apprehensuum esse virtuale tantum quoddam iudicium ac proinde imperfectum. Contra: Virtuale dicitur dupliciter: vel quod opponitur actuali, & significat idem quod potentiale, quomodo semen lactucae dicitur virtute lactuca, id est potentia non actu; vel quod opponitur formali,

mali, quomodo anima rationalis est virtute sensitiva, & vegetativa, quia simplici ratione comprehendit totam perfectionem sensitivam & vegetativam, non sub illa formali limitatione & distinctione, quam habet sola vegetativa & sola sensitiva. Iam igitur peto quo sensu dicunt iudicium apprehensivum esse virtuale? An quia est iudicium solum in potentia? at hoc nec dicunt, nec dicere possunt: Ex ipsorum enim sententia, hoc simplex iudicium est actu iudicium & fit actu à potentia apprehensiva. Visus v. g. actu dicit album esse album. An quia est iudicium actu sed virtualiter non formaliter? At peto in primis in quo constituunt istum actum formalem iudicii, ut opponitur virtuali? num in compositione? at hoc est dicere, iudicium apprehensivum esse virtute compositum, non virtute iudicii, quia ratione formali iudicii ut iudicium est non caret, sed solum caret ratione formali compositi iudicii: Ex hoc autem non sequitur esse iudicium imperfectum, sed perfectum: quia simplex in eodem genere perfectius est composito: siquidem quod compositum cum imperfectione continet, simplex continet sine imperfectione. Num dicent consistere in ratione formali iudicii ut iudicium est? At ex hoc sequeretur iudicium apprehensivum non esse essentialiter iudicium: quia ratio formalis iudicii est ratio essentialis iudicii; id ergo quod non habet in se rationem formalem iudicii non est essentialiter iudicium; solum igitur erit potentia iudicium: quia est potentia ad actum primum & ad rationem essentialem iudicii.

Continere virtute quid?

Deinde dupliciter dicitur aliquid virtute continere aliud: primo quoad essentiam, quia eandem essentiam alio modo eminentiori in se continet, quomodo

modo anima rationalis sensitiuam continet virtute: secundo quoad effectum, quatenus idem præstare potest quod res altera præstat. Sic sol continet calorem virtute, quia præstat idem quod calor: nam æquè calefacit sicut si esset calidus. Cum igitur dicunt iudicium apprehensuum esse virtute iudicium, si intelligant priori modo; concedere debent esse perfectius iudicium, iudicio cōpositiuo: q̄ enim illo modo virtute cōtinet aliud est illo perfectius, quia & ipsum, & aliud quid continet; sic in prima causa Deo continentur virtute omnes res create, & in causa æquiuoca continetur effectus. Si verò intelligant posteriori modo, etiam ex hoc capite deberet esse perfectius iudicium: quod enim hoc modo continet virtute aliud, semper est illo perfectius, quia non solum id præstare potest quod aliud, sed etiam id quod aliud præstare nō potest: sic lumen solis est perfectius calore, quia nō solum calefacit quod est propriū caloris, sed etiam illuminat quod calor præstare nō potest. Respondent tertiò iudicium apprehensuum esse simplex quoddam iudicium ideoq; imperfectum. At contra. Ostensum est simplicitatē non derogare perfectioni iudicij sed eam potius augere: quia id dicit sine imperfectione quod compositum dicit cum imperfectione; alioqui iudicium Angeli esset imperfectius nostro, quia illud est simplex nostrum compositum. Similiter cum dicunt implicitē esse iudicium, pero quid sit esse implicitum iudicium? si enim intelligunt non esse explicatum distinctis conceptibus: & tunc idem erit esse explicitum iudicium, quod esse compositum: sicut autem non esse compositum, non derogat quidquam perfectioni essentiali iudicij, vt patet in Angelo; ita nec esse implicitum: si verò implicitum intelligunt cōfusum, tunc cum cōfusio ex repræsentatione oriatur, so-

*Simplicitas nō
derogat perfe-
ctioni iudicij.*

lum in representatione confusum erit confusum & implicitum, in representatione autem evidenti & clara, non erit confusum, ac proinde non implicitum, sed explicitum.

Obiiciunt primò Apprehensionem tripliciter considerari posse: primò ut est representatio obiecti, sic dicitur apprehensio: secundò ut est adhesio obiecto, sic dicitur assensus. Tercio ut est cognitio obiecti representati, sic dicitur iudicium, quia cognoscendo iudicat intellectus esse tale quale cognoscit, estque hoc iudicium de essentia cognitionis: ut cognitio est. Quanquam hæres considerationes non nisi ratione inter se distinguantur.

Respondeo. falsum esse in omni apprehensione cognosci & iudicari obiectum esse tale quale representatur & apprehenditur ut probatum est tot argumentis; sed solum cognoscitur tale absque vlla assertionem quod sit tale, ac proinde non esse locum iudicio in apprehensione. Pro quo noto. Dupliciter potest cognosci obiectum esse tale: primò apprehendendo istam compositionem album esse album; & hoc esse potest in prima operatione, in qua compositio obiecti, sine compositione ex parte actus cognoscitur, quia scilicet per actum non tribuitur obiecto: Sicut enim apprehendere affirmationem non est affirmare, apprehendere illationem non est inferre: ita apprehendere affirmationem obiectum esse tale, non est iudicare esse tale.

*Iudicium sine
scientia esse non
potest.*

Quod vel ex eo patet, quia cum apprehendo astra esse paria, possum nescire esse paria; ergo non iudico esse paria, quia iudicium non potest esse sine scientia. Secundo potest cognosci obiectum esse tale, iudi-

iudicando seu tribuendo illi quod sitale, siue id fiat per compositionem duorum conceptuum, vt sit in affirmatione, siue per vnum conceptum simplicem, vt sit in iudicio Angelico; Et tale iudicium non potest esse in prima operatione, in qua solum est simplex apprehensio obiecti talis, quæ stat simul cum ignorantia, quod res sit talis. Vt enim tale in nobis iudicium fiat, requirit reflexionem quandam, & compositionem conceptuum, sicut & in propositione identica, cum dicimus Petrum esse Petrum, non possumus tale iudicium formare nisi bis concipiendo Petrum, tam ex parte subiecti, quam ex parte prædicati.

Ex quo patet ad rationem iudicij non satis esse ex parte obiecti cognoscere rem ita esse, hoc enim est solum iudicium per modum obiecti apprehendere, non verò est exercere iudicium dicendo ita esse vel non esse; sicut nec habere affirmationem pro obiecto est exercere iudicium affirmatiuum: requiritur ergo vt ex parte actus dicatur ita esse vel non esse. Quod rectè explicari ait Fonseca per modum indicatiuum dicendo Est ita: prius vero illud ait explicari per modum infinitiuium Esse ita. Cum enim apprehendo esse ita, apprehendo iudicium vel iudicij obiectum, non formo ipsum iudicium: at cum dico Est ita formo ipsum iudicium. Porro parum refert, quod in apprehensione obiectum sit tale quale apprehenditur; nam hoc vel non cognoscitur per apprehensionem, vel si cognoscitur, cognoscitur simplici representatione sine iudicio.

*In brutis non
est iudicium.*

Obiiciunt secundò, ouis cum videt lupum, iudicat inimicum & ideo fugit: oculus etiam videndo album, iudicat esse album. Respondeo. ouem nullo modo iudicare lupum esse inimicum, sed solum apprehendere, ex qua apprehensione sequitur naturali instinctu, non ex determinatione iudicij fuga. sicut & ceteræ determinationes animalium non procedunt ex iudicio & penetratione obiecti, sed ex determinatione & instinctu naturali. Oculus nullo modo iudicat album esse album, sed tantum apprehendit & repræsentat illud, non progrediendo ad iudicium, quod sine compositione, & attributione vnius ad alterum esse non posset.

*Iudicij simili-
tudo in brutis.*

Obiiciunt tertio. Quemlibet sensum iudicare de suo obiecto & discernere illud ab alienis obiectis, visus v. g. de colore iudicat, & discernit eum à sono. Respondeo, istam discretionem fieri non per iudicium sensus sed per apprehensionem: quia hoc non illud apprehendit: quanquam nos cum sensibus utimur, immiscemus nostrum iudicium rationis quod per accidens ad sensum, pertinet. Dicitur etiam sensus iudicare, similitudine quadam iudicij: quia ita fertur in suum obiectum, ac si illud indicaret esse tale, quo etiam modo dicimus hirundines ita conficere suos nidulos, ac si iudicium haberent, cum tamen certum sit eas iudicio & ratione carere, sed naturali impetu & determinatione facere quod faciunt.



DISPUTATIO IV.

DE NATVRIS VNIVER- SALIBVS.

Uniuerſale in communi dicitur, vnum quid Ad vniuerſalis
rationē quid
requiratur. reſpiciens multa: Vt enim particulare reſpectu vnius, ſic vniuerſale reſpectu multorum dicitur. Duo igitur ad rationem vniuerſalis requiruntur, unitas & reſpectus ad multa. Si ſint ſolum multa, non erit vniuerſale, ſed multitudo & collectio; ſi verò ſit aliquid vnum, ſed non reſpiciat multa, erit particulare non vniuerſale. Cùm autem varij poſſint eſſe hi reſpectus in varijs rationibus fundati, varia quoque erũt vniuerſaliũ genera: Aliud enim eſt vniuerſale in cauſando, quod vnum cùm ſit, multa cauſare poteſt; aliud in repreſentando, quod multa repreſentare poteſt; aliud in ſignificando; aliud in recipiendo. Id verò, quod ad noſtrũ propoſitũ ſpectat, eſt vniuerſale in eſſendo & in predicando. Hoc aut eſt, natura vna apta eſſe in multis, & predicari

de multis. De hoc igitur vniuersali querimus, an detur, seu an dētur tales naturæ, quæ sint verè communes multis particularibus, ita vt existant in illis, & de illis prædicentur. Fuit autem semper celebris in Scholis hæc cōtrouersia, quæ inde ortū habuit. Obseruabāt enim Philosophi res in aliquo sibi esse similes, in alio dissimiles, & illud in quo sunt sibi similes, eadem ratione inueniri in omnibus. Hinc ergo querere cœperunt, an sint in reb. naturæ aliquæ, cōmunes quæ eadē omnib. conueniāt: & in particulari, an hæ naturæ re ipsa extra singularia existant vel in singularibus, tū an per intellectum efficiantur vniuersales.

QVÆSTIO PRIMA.

An dentur naturæ vniuersales extra singularia existentes, seu an dentur Idea Platonicæ?



Lato essentias rerum seu species per se existere docuit, easq; Ideas appellauit, q; essent veluti exemplaria naturarum particulariū. V.g. hominis essentiam in cōmuni aiebat per se existere, eamq; αὐτὴν ἀποσπῶν, hoc est, ipsissimum hominem appellabat; q; particulares homines non absolute homines, sed hi homines essēt. Porro statuebat has rerū essen-

essentias immutabiles, ingenerabiles, incorruptibiles, eternas. Hanc sententiā Platoni tribuit passim Aristoteles, eamq; accuratè refellit. 1. Met. à tex. 25. & 7. Met. à tex. 44. & 1. Ethicorū c. 6. Quamuis autē D. Aug. lib. 83. Questionū, q. 46. Plotinus, Iamblicus, Philoponus, Simplicius & alij Platonici nō pauci censent Platonē posuisse Ideas rerum in mente Dei, non verò extra Deum existentes, falsoq; oppositū ei ab Aristotele affingi; tamen, maior est Aristotelis in hoc autoritas, quàm ut id in dubium reuocari possit. Nam & Platonem viginti annis docentem audiuit, & eius sensum omnium optimè affectus est, & 1. Eth. c. 6. ingenuè fatetur se veritatis caulaetiā amicos (Platonem intelligens) deserere: denique nimis impudens fuisset, si præceptorē suum in re gravissimā & omnibus Platonis auditoribus notā, calumniari voluisset. Deinde ea sententia Platonis, manifestè perspicitur ex Dialogo quem Parmenidem inscripsit, ubi expressè docet Ideas non esse notiones, sed notionum obiecta, neque in animis existere, sed tanquam exemplaria in natura consistere. Accedit quod Plato tria posuit rerum æterna principia; Deum, Ideam, & materiam. At si Idea existeret in mente Dei, non esset distinctum ab ipso Deo principium. Denique id ex rationibus Platonis, quas Aristoteles locis citatis diligenter refellit, pater, quā Ideas non in mente divina, sed in re existentes supponunt.

Porrò duas potissimū ob causas Ideas dicto modo posuit Plato; primò propter scientias; deinde propter generationes rerū. Sic enim discurrebar, Scientia cum sit necessaria & immutabilis, debet habere obiectū necessariū & immutabile. Singularia autē omnia cōtingētia sūt & mutabilia. Ergo extra singularia dari debēt naturę

*Quib. de causis
Plato finxit
Ideas.*

vniversales necessariae & immutabiles, vt de illis haberi possit scientia; alioqui de non ente esset scientia, quod absurdum est. Deinde sublati omnibus hominibus particularibus, adhuc de homine in communi datur scientia; est enim semper verum hominem esse animal rationale: Existit ergo homo in communi, de quo id verè affirmatur: siquidem ideo ita affirmatur: quia ita res habet. Præterea essentiae rerum sunt æternæ; semper enim erat verum dicere hominem esse animal rationale: atqui in singularibus non sunt æternæ, cum singularia generentur & corrumpantur: Ergo sunt æternæ extra singularia.

Simili ratione discurrebat de generationibus rerum. Necesse est, inquit, simile generari à simili: Atqui multa generantur à causis particularibus dissimilibus, vt quæ ex putri generantur: Necesse est igitur causam vniuersalem statuere, quæ suam similitudinem rebus genitis imprimat. Deinde videmus omnia singularia participare naturam vno eodemque modo: sicut igitur formæ ceræ impressæ, quia sunt vniformes, reducuntur in vnam formam sigilli à qua proueniunt: ita vniformitas naturarū singularium reducenda est in vnam naturam & Ideam communem, cuius participatione naturæ singulares vniformiter se habeant.

Opposita sententia est Aristotelis loci citatis, quem Peripatetici omnes sequuntur; species & essentias rerum non existere separatas, nec extra singularia: quocirca primo posteriorum textu 35. vocat Ideas *neglectas*, hoc est, præcensus cytharedorum inordinatos & dissonantes, vel vt alij exponunt monstra; Quæ sententia verissima est & tenenda.

Dico

Dico igitur primò Ideas Platonicas propter scientias nullo modo necessarias esse. Quia falsum est Ideas esse obiecta scientiarum. Nam in primis in cognoscendis rerum essentiis nullus expertus est se aliquam Ideam aut essentiam separatam respexisse; Concipièdo enim hominem, non concipimus aliquid extra omnes homines existens, sed naturam hominis in hominibus existentem.

Idea propter scientias non sunt necessariae.

Quod si quis dicat, concipi hominem in communi abstractum à singularibus. Respondeo. Hominem in singularibus existentem posse sine singularitate cognosci, & hoc est esse abstractum à singularibus, cognosci non cognita singularitate: non igitur licet ex tali modo abstractè cognoscendi inferre id q. cognoscitur re ipsa separatū esse; sed solum mentè & cogitatione separari. Deinde concipiendo vniuersalia, concipimus essentias rerum: At essentiae rerum non possunt esse separatae à rebus. Ergo nec vniuersalia: Nihil enim tam intimum rei est, ac sua essentia & nihil à re minus separari potest, quam ipsius essentia: est enim quælibet res idem quod sua essentia: idem autè à seipso separari impossibile est. Tertiò. Nulla est ratio, cur intellectus non possit concipere essentiam in singularibus existentem, an quia singularis est? at Ideæ quoq; singulares sunt: quia quicquid in mundo existit, singulare est, & hoc numero. An quia sensibilis? at quod ad intellectum nostrum attingit, plus eum iuuat singulare sensibile, quàm insensibile; intellectio enim nostra pendet à sensu, & quæ sunt magis sensibilia, magis etiam ab intellectu percipiuntur; insensibilia verò eo ipso, quod insensibilia sunt, difficillimè intelliguntur.

Homo in singularibus existens potest cognosci sine singularitate.

Quod si dicas Ideas esse necessarias, vt illis tanquam

*Intellectum nos-
ter habet in se
species intelli-
gibiles acceptas
a sensibus.*

exemplaribus utatur intellectus ad concipiendas rerum essentias, id etiam dici non potest. Nam intellectus nos-ter habet in se species intelligibiles acceptas à sensibus, quæ sunt veluti exemplaria rerum intelligendarum: hac enim solum de causa intellectus noster dependet à sensibus, ut ab illis species & imagines rerum intelligen-darum accipiat: Si igitur haberet Ideas perfectissimas, quibus in cognoscendo uteretur, non esset opus ut à sen-sibus dependeret.

Deinde, Ideæ sunt exemplaria insensibilia, & quæ nullo sensu percipiuntur, natura verò intellectus nostri est, ut egeat exemplaribus sensibilibus, & nihil possit cognoscere, nisi quod prius fuerit in sensu: Ergo Ideas non potest cognoscere. Deniq; nullus vnquam exper-tus est in intelligenda re aliqua se conuersum fuisse ad aliquam Ideam per se existentem, sed potius in res sen-sibiles, ex quibus omnis nostra cognitio oritur. Deniq; si ita res se haberet; nunquam posset intellectus nisi ve-rum cognoscere, quod Ideæ, quæ sunt verissimæ rerum formæ determinarent semper intellectum, ad cogno-scendum verum, & impedirent à cognitione falsi: qui enim veri perfectissimam Ideam habet, eamq; intue-tur, impossibile est ut aberrat à vero: atqui res ipsa lo-quitur nos in cognoscendis rebus & cœcutire & errare frequenter: Ergo signum est nos non uti Ideis.

*Obiectum sci-
entia quomodo
immutabile;*

Ad primam Platonis rationem Respondeo. Scien-tiam habere obiectum immutabile; verum non dici immutabile propter aliquam existentiam realem per-petuum in mundo; sed propter necessariam connexio-nem prædicati cum subiecto; ita ut quoties concipitur subiectum necesse sit concipi prædicatum: prædicata enim quæ scientia considerat, vel sunt essentialia, vel

essentialibus profluentia; vtraque autem necesse est
concipi si concipiatur subiectum. Ad hoc autem vt co-
cepto subiecto concipiantur talia prædicata, non est ne-
cessaria realis eorum existentia: nam concipimus nihil
esse nihil (eaq; propositio est sempiternæ veritatis) &
tamen nihil non existit in rerum naturâ: concipimus
etiam Hircoceraum esse ex Hirco & ceruo compositū,
etiam si Hircoceraus non existat.

Ad id verò quod dicitur de non ente non dari sci-
entiam. Respondeo. Non requiri ad scientiam vt res
actu existat, sed vt repræsentetur: Nam etiam si res nun-
quam actu existerent, si tamen sufficienter repræsentan-
rentur in intellectu per species intelligibiles, ex perfecta
earum repræsentatione in intellectu, sequetur perfecta
earum cognitio. Illius verò propositionis, de non Ente
non est scientia, duplex potest esse sensus: alter est, vt
per non ens intelligatur falsum. Quomodo Aristoteles
1. Posterio. textu 5. dixit; Non ens non potest sciri,
hoc est falsum & id quod rei non conuenit sciri non
potest: alter est vt intelligatur de non ente, quod non
est verè ens, nec actu nec potentia: qualia sunt entia ra-
tionis & entia ficta ac impossibilia. Eiusmodi enim
cum non habeant veram existentiam, nec veras pro-
prietates, vere sibi conuenientes, neque veras causas,
sciri perfectè non possunt, nisi scientia quadam Ana-
logica & similitudinaria.

Ad secundam rationem Platonis, Respondeo, sub-
latis omnibus hominibus, adhuc verum est, hominem
esse animal rationale; non propter aliquam hominis in
mundo existentiam, sed quia prædicatum continetur in
subiecto, ita vt quodcumq; apprehédatur subiectum,
necesse sit apprehendi & prædicatū, quod sine existetia
in mundo existit, vt cum nihil dicimus esse nihil.

*Essentia rerum
non sunt æter-
na quoad exi-
stentiam.*

Ad tertiam Respondeo. Essentias rerum esse quo-
ad existentiam æternas, falsum est, & in Philosophia,
& in fide. Nihil enim præter Deum æternum est, &
omnia in tempore creata sunt. Essentiæ etiam cum
ponantur abstractæ ab existentia, neq; ab æterno, ne-
que in tempore existere possunt: nihil enim existere
potest sine existētia, sicut nihil dicitur album sine albe-
dine. Quod verò quidam dicunt essentias non in se
sed in suis causis æternas esse, hoc non est essentias esse
actu æternas sed potentia; siquidem in potentia suarum
causarum continentur & ab eis produci possunt. Quan-
quam hæc æternitas in causis, non solis essentiis rerum
conuenit, sed & omnibus omnino Entibus possibilibus,
tam necessariis, quàm contingentibus, nihilque cogi-
tari potest in mundo, quod hac ratione non sit æter-
num.

*Essentia rerum
quomodo æter-
na?*

Sunt igitur & dicuntur essentiæ rerum æternæ in
ordine solum ad intellectum; qui potest semper de illis
formare propositiones, quas dicimus sempiternæ veri-
tatis. Porro harum propositionum fundamentum,
non est existentia sed continentia prædicati in subiecto,
ita ut in conceptu subiecti, contineatur prædicatum,
ut supra dictum est. Patet autem ad id non requiri ex-
istentiam realem; quia tales propositiones possunt etiā
fieri de iis quæ existere nō possunt; ut cū dicitur nihil
esse nihil, item de impossibilibus, ut cū dicitur Hirco-
ceruum esse ex Hirco & ceruo compositum; Hæ enim
propositiones sunt sempiternæ veritatis, licet sint de
rebus, quæ non existunt nec existere possunt.

*Idea non sunt
necessaria pro-
pter generatio-
nes.*

Dico secundò. Ideas Platonicas propter generatio-
nes rerum non esse necessarias: Ut enim rectè probat
Aristoteles 1. Metaph. textu 32. nullum agens agit ad

Ideas

Ideas respiciens: Nam si sit agens per intellectum, non agnoscit tales Ideas. Agens verò naturale, multo minus Ideis indiget, cum per naturam non per Ideas operetur. Si verò dicatur Ideas etiam non cognitae determinare agentia ad productionem suorum effectuum, id etiam gratis asseritur, cum agentia naturalia habeant naturales intrinsecas formas, ad quarum exemplar producunt suos effectus, ut leo habet in se formam leonis, ad cuius similitudinem generat leonem; non igitur Ideæ ad id sunt necessariae. Quod si aliqui effectus à dissimili agente producuntur; ut cum ex putri aliqua generantur; non idcirco ad Ideas necessario recurrendum est. Tales enim effectus vel à causis secundis consecutiue ad inductionem sufficientium dispositionum generantur, vel si id excedat virtutem causarum secundarum, suppletur generatio à causa prima, quæ adest semper causis secundis, in his quæ facultatem naturalem causarum secundarum excedunt, ut patet in creatione animæ rationalis positae dispositionibus in corpore.

Deinde si ad generationes rerum concurrunt Ideæ, necesse est illas coniungi omnibus agentibus ad suas actiones: nam exemplar nisi sit vel cognitum vel realiter coniunctum agenti, non potest determinare agens ad producendum effectum. Cum igitur agentia sint ubique, necesse erit Ideas esse ubique, & quidem omnes; quia omne agens potest esse in quouis loco, nisi fortè vel agens querere debeat Ideam, vel idea debeat accurrere ad agens, cum inducit actionem; unde Idea verbi gratia leonis deberet esse extensa per totum mundum, & esse tanta quantus mundus, ut præsto esse possit omnibus agentibus in toto mundo, imò &

extra mundum; nam & ibi possunt per Dei potentiam noua agentia collocari.

Ex dictis autem, solui possunt rationes Platonis, nam effectus causarum secundarum, sufficienter tum in causas secundas, tum in causam primam reducuntur, vt dictum est, vt præterea alias causas, fingere non sit opus'.

*Idea Platonice
impossibiles.*

Dico tertio. Ideas Platonicas esse impossibiles, & implicare contradictionem. Nam si ponantur essentiae existentes sine singularitate, id manifestè est impossibile, cum omne quod existit, singulare sit; est enim hoc numero, distinctum ab alio: si verò ponantur singulares, eo ipso non erunt vniuersales, nec poterunt prædicari de multis: nam singulare de vno solo prædicatur.

*Idea non essent
vniuersales.*

Dico quarto. Ideæ Platonice etiam si darentur non essent vniuersales in essendo. Primò: Quia essent singulares in essendo; omne enim quod existit, singulare est, singulari autem repugnat esse vniuersale in essendo, cum singulare vni soli, vniuersale multis competat. Secundò. Vniuersalia sunt essentiae rerum: at nulla essentia potest esse extra res; cum nihil sit ita intimum rebus quam ipsa earum essentia: Ergo illæ essentiae extra res existentes, non erunt vniuersales. Tertiò. Vel Ideæ sunt ipsæ rerum essentiae, vel sunt tantum exemplaria essentiarum: si primum, rectè infert Aristoteles septimo Metaph. omnes substantias esse vnā substantiam, quia est vna earum essentia & Idea: at quis non videt omnes substantias realiter esse distinctas, & quidē omnibus suæ essentiae gradibus? simili ratione sequeretur omnes homines esse realiter vnum hominem Ideale: si secundum, eo ipso non erunt vniuersales

sales in essendo, sed in representando vel in causando. Quartò vniuersalia sunt apta prædicari de singularibus: ac si existant realiter extra singularia, non prædicari sed negari debent de singularibus; quia distinguuntur realiter à singularibus, distincta autem de se affirmari essentialiter non possunt.

QVÆSTIO II.

An natura in singularibus existentes sint reipsa vniuersales.

Sunt tres sententiæ. Prima asserit naturam ante omnem operationem intellectus esse reipsa vniuersalem, & vnã in multis, vnã, inquam, vnitatem essentiali. Quod ita explicant. Vnitas est indiuisio entis. Est autem indiuisio duplex: alia numerica per differentias numericas, alia essentialis, per differentias essentielles. Cùm igitur natura in Petro & Paulo non sit diuisa essentialiter per differentias essentielles, erit vna essentialiter; ac ex consequenti erit reipsa vniuersalis: quia vna in multis, ita vt vtrumque sit, & naturas à parte rei esse multas numero, & esse vnã specie, propter virtutem essentialem omnium illarum naturarum. Hanc sententiam tueretur Ioannes Montorius, tribuitur etiam Scoto & ad mentem Scoti defenditur ab Antonio Andrea.

Secunda sententia asserit naturam ante operationem intellectus, non esse quidem actu vnã in multis, sed vt est prior sua singularitate, sic illi conuenit & veritas, &

indifferentia ad multa. Ita Socinas 7. Metaph. quæst. 40. Fonseca 5. Met. cap. 78. quæst. 3. Ratio est. Quia natura in Petro, ut est prior singularitate & contractione ad hoc Individuum, est ex se indifferens & indeterminata ad omnia Individua: & quia à parte rei prior est sua singularitate: idcirco à parte rei est vniuersalis: habet enim & vnitatem & aptitudinem ad multa, quæ duo constituunt naturam vniuersalem.

Tertia sententia. Negat naturam à parte rei vlllo modo esse vniuersalem & indifferentem ad singularia, quæ sententia est cõmunis Peripateticorum. Ratio est: quia in re nec est vna in multis, nec apta esse in multis ut mox probabitur: Ergo in re non est vniuersalis; vniuersale enim est vnum quid aptum esse in multis.

Natura in singularibus non sunt à parte rei vna essentia.

Dico igitur primò. Naturæ in singularibus existentes non sunt à parte rei vna essentia, nec à parte rei habent vnitatem essentialem. Explico. Natura humana Petri, & natura humana Pauli, à parte rei ita sunt diuersæ naturæ, ut non solum sint diuersæ numero, sed etiam nullam omnino realem vnitatem & identificationem essentialem inter se habeant. Probatur primò: Quia tota entitas Petri secundum omnes essentiæ suæ gradus, est actu diuisa & separata, à tota entitate Pauli & omnibus eius gradibus, ita ut hæc non sit illa, & gradus huius non sit gradus illius: at quæ sunt actu diuisa, non sunt vnum re totâ suâ entitate sed multa. Ergo natura Petri & Pauli non erit vna re natura sed multæ. Neque potest dici esse multas naturas numero, vnam verò essentialiter. Nam in re tota entitas & numerica & essentialis est diuisa actu & separata ab altera; quæ verò sunt re à se diuisa, non sunt eadem re. Cùm idem à seipso diuersum esse

esse non possit. Confirmatur, quæ sunt eadem substantia, sunt à se inseparabilia propter substantiæ identitatem: vt patet etiam in diuinis personis. At indiuidua vnius speciei sunt à se separabilia, ita, vt vnum non sit in alio, nec vbi est vnum, ibi est & aliud. Ergo non habent in re vnam eandemque substantiam. At inquires sicut idem numero Corpus positum per Dei potentiam, in multis locis, differt à seipso locis & spaciis, essentia tamē non differt; sed est vnum & idem: ita natura humana in Petro & Paulo, differt quidem numero, essentiā tamen non differt. Respondeo. Illam eiusdem in pluribus locis existentiam esse supernaturalem, nos autem agimus hīc de naturali existentia in pluribus.

Respondeo secundò. Esse disparsē rationem. Nā existentia vnius naturæ in diuersis Indiuiduis est per identitatem substantiāle cum illis. Quia ergo indiuidua sunt inter se diuersa substantiāliter, idcirco repugnat esse vnam eorum substantiam, & identificari inter se substantiāliter. Ex quo patet naturam in diuersis indiuiduis existerē necessariò cum diuersitate substantiāli: vt sicut Petrus non est substantiāliter Paulus: ita natura Petri non est substantiāliter natura Pauli: singulare enim à singulari, tota sua substantia differt: & idcirco non potest duorum singulare esse eadem substantia. At si idem corpus ponatur in pluribus locis non est necesse, vt sit à se diuisum substantiā & Entitate, sed loco tantum: & ideo salua vnitate substantiæ & Entitatis potest esse in pluribus locis: natura verò cū sit diuisa Entitate in Petro & Paulo propter diuersam singularitatem, cuius proprium est diuidere vnum ab altero substantiāliter, non potest esse eadem secundum Entitatem in vtroque.

Nota disparitatem inter existentiam vnius naturæ in multis indiuiduis, & existentiam vnius corporis in multis locis.

Vnde sumitur, Secunda ratio conclusionis, vna enim & eadem natura non potest simul identificari & non identificari eidem. At natura quæ est in Petro tota identificatur Petro & non identificatur Paulo, quia est diuisa à Paulo (quod autem identificatur alicui non est ab eo diuisum sed maxime vnitum, quia idem) Ergo non potest esse eadem in Paulo; alioquin deberet esse diuisa à Paulo, & esse indiuisa à Paulo quod est impossibile. Confirmatur. Quia natura Petri est idem quod Petrus. Ergo si natura Pauli esset eadem cum natura Petri, esset & ipsa idem quod Petrus. Hinc ergo sequeretur Paulum esse Petrum.

Natura vniuersalis identificatur singularibus.

Quod autem necesse sit naturam vniuersalem identificari singularibus: patet. Primò. Quia natura vniuersalis est essentia singularium, nihil autem magis est idem cum re quam sua essentia: quia res per suam essentiam est id quod est. Vnde essentia prædicatur in quid de essentia singulari: id autem quod prædicatur in quid de re est idem cum re. Secundò. Quia essentia non potest distingui ex naturâ rei à sua singularitate. Nam quod distinguitur à sua singularitate, vt distinguitur non est singulare: sicut paries quia distinguitur sua substantia ab albedine, non est albus secundum substantiam formaliter. At natura in re existens, non potest non esse singularis, quia ipsa illa Entitas qua distingueretur, à singularitate, necessariò est singularis & hæc numero: ita vt demonstrari & circumscribi possit. Ergo natura à parte rei non potest vllò modo distingui à singularitate, sed necessariò identificatur singularitati. Quod etiam confirmant Nominales hoc argumento. Quia
omnis

omnis res quæ cum alia refacit numerum, est vna in se numero; numerus enim conficitur ex vnitatibus. Atqui natura si distinguitur re à singularitate, facit cum singularitate numerum binarium: essent enim duæ res natura & singularitas: Ergo natura sic distincta, esset vna numero & sine singularitate esset vna numero quod implicat contradictionem.

Tertiò probatur. Conclusio. Si vna natura esset in multis Individuis, esset simul hæc & non hæc, vna numero, & multiplex numero: nam in Petro esset hæc, in Paulo non esset hæc, sed alia: Atqui eadem res non potest dici simul hæc & non hæc, vna numero & non vna numero, cum ista sint contradictoria: Ergo non potest esse eadem natura in multis indiuiduis. Dices id non repugnare respectu diuersorum. Contra: quia in absolutis repugnat, quod semel est tale vt respectu alterius non sit tale; sic albedo quia absolutè & non per respectum ad aliquid est albedo, ideo non potest esse albedo respectu vnius, & non albedo respectu alterius. Solum verò in iis quæ respectiue dicuntur talia, potest esse aliquid tale respectu vnius, & non tale respectu alterius. Singularitas igitur cum sit quid absolutum non respectuum, non potest res dici singularis & hæc numero respectu vnius, & non esse hæc numero respectu alterius. Confirmatur. Natura quæ est in Petro ita est Petri, vt non sit Pauli; & in Paulo ita est Pauli, vt non sit Petri; siquidem Petrus & Paulus totis suis naturis à se distinguuntur & separantur, ergo non potest esse eadem natura Petri & Pauli.

*Absolutum
natura.*

Quartò.

Quartò. Vni & eidem naturæ easdem operationes conuenire necesse est: operationes enim à natura proficiuntur. At operationes naturæ Petri non conueniunt naturæ Pauli. Potest enim natura Petri producere aliquem actum virtutis vel vicij quem natura Pauli non producit. Ergo non est eadem natura in Petro & Paulo.

*Corpori existi-
ti in pluribus
locis cur & ea-
dem & diuer-
sa prædicata
conueniant.*

Dices. Corpori existenti in pluribus locis, non conueniunt eadē prædicata. Nā in vno loco potest sedere, in alio ambulare: ergo pari ratione possunt eidem naturæ in pluribus indiuiduis existenti, non conuenire eadem prædicata. Respondeo. Negando consequentiam. Nam corpus existens in pluribus locis, quia habet eandem naturam in omnibus iis locis, habet etiam eadē prædicata naturā concernentia: Quia verò habet diuersa loca ideo habet & diuersa prædicata locum concernentia: potestque in vno loco sedere in alio ambulare, quia ista locum concernunt. Pari igitur ratione si natura eadem existat, in pluribus indiuiduis habebit eadem omnino prædicata in illis naturam concernentia, qualia sunt actus virtutis vel vicij; quia à natura proficiuntur. Deinde quia natura est vnum & idem cum suo indiuiduo, ideo quod indiuiduo competit non potest naturæ non competere.

Quare si eadem natura, sit etiam in altero indiuiduo, competent illi proprietates prioris indiuidui, at corpus non est idem cum loco: vnde quæ illi ratione vnius loci competunt, possunt non competere in altero loco existenti, quia ista sequuntur locum non naturam.

Possit autem quis contra hæc nostra argumenta opponere; valere ea vbi est identitas adæquata, non
autem

autem vbi est identitas non adæquata. Exemplo diuinæ naturæ, quæ cadē est tribus personis, sed inadæquata singulis, & idcirco non sequitur tres personas esse easdem inter se. Verum hæc oppositio nihil contra nos facit: Nam illa identitas naturæ cum tribus absque identitate eorum inter se, est Mysterium supernaturale, quod ratio nullo modo capit, sed fide sola credit, provenitque ex infinita Dei perfectione tam mirabilis, & rationem excedens modus essendi. At hic nihil est rationem excedens, nihil supernaturale, nihil infinitum: quare ex illo ad hoc non licet argumentari. Deinde stando in exemplo diuinæ naturæ cum tribus, sequitur quod diuina natura sit illa tria, & quod illa tria sint vna natura diuina & vnus Deus. Hæc autem dici non possunt, de natura existente in Petro & Paulo: nempe quod natura in Petro existens sit Paulus, & quod Petrus & Paulus sit realiter vnus homo. Non igitur obstat præsentī conclusioni diuinæ naturæ exemplum.

Identitas naturæ cum tribus absque eorum identitate inter se est supernaturale mysterium.

Opinio Recentiorum.

Natura non est à parte rei vna essentialiter secundū quid.

Iam verò ad fundamentum primæ sententiæ quidam recentiores respondent, concedendo naturam à parte rei esse vnā essentialiter, quia est indiuisa essentialiter. Hanc tamen vnitatem non esse simpliciter, sed secundum quid: quia natura simpliciter est diuisa in multis & solum secundum quid, id est, essentialiter est indiuisa, quia Petrus & Paulus à parte rei non sunt diuisi differentiis essentialibus sicut est diuisus Petrus à Bucefalo. Verum hæc responsio nullo modo est vera. I. Si natura ex parte rei est vna secundum quid in multis, dabitur à parte rei natura vniuersalis, nam illa ratione qua statuitur vna essentialiter, est vna in multis; quod sufficit ad rationem vniuersalis. Non erit igitur vniuersale nihil à parte rei vt vult Aristot. 1.

Non de

de anima t. 8. Animal inquit vniuersale, aut nihil est aut posterius. Quomodo enim erit nihil, si à parte rei est vnum & in multis. Neque etiam erit posterius rei ipsa, sed simul cum re ipsa.

Respondent. Naturam vniuersalem debere esse vnā simpliciter non secundum quid tantum; in hoc enim sensu de vniuersali quærimus.

*Quod est vñ
in multis est v.
niuersale.*

Sed contra. Negari non potest, quod secundum eam rationem, secundum quam aliquid est, vnum in multis, sit etiam vniuersale: cum hæc sit definitio vniuersalis. Ergo quamuis sit vnum secundum quid in multis, non potest negari secundum illam vnā rationem esse vniuersale. Neque enim secundum illam rationem erit quid singulare, cum de ratione singularis sit esse in vno non in multis, vt patet ex definitione indiuidui.

Deinde cū de vniuersali quæritur, an sit vñ in multis, quæstio est de vnitatem solū essentiali; hæc enim sola vnitatem & non alia competit vniuersali, vt vniuersale est, si ergo hæc vnitatem sit à parte rei; sequitur totam vnitatem requisitam ad vniuersale esse à parte rei. Vnitatem enim essentialis est, illa quæ constituit naturam vniuersalem: nam aliæ vnitates præsertim numerica non conueniunt vniuersali, vt vniuersale est, quia vniuersale abstrahit ab omnibus indiuiduis & omni esse numerico, vnde constituitur in esse vniuersali per solam vnitatem essentialem, abstrahentem ab omni vnitatem numericā.

*Vnitatem essen-
tialis si datur
est vnitatem sim-
pliciter.*

Ex quo etiam infero istam vnitatem essentialem quam isti vocant secundū quid, si datur à parte rei, esse vnitatem simpliciter in genere vnitatis essentialis, licet nō sit vnitatem simpliciter in genere vnitatis absolutè. Nā ad ratio-
nem

nem vnitatis essentialis, nihil illi deest, cum omni modo sit indiuisa essentialiter, nec ullus modus indiuisiōis essentialis illi desit: quod autem omnimodè est vnum in aliquo genere, est simpliciter non secundum quid vnum in illo genere. Quamuis autem in genere vnitatis in communi; vnitatis essentialis non sit omnimoda vnitatis: tamen ad vnitatem vniuersalis non requiritur alia vnitatis nisi essentialis; quare si hæc adsit, aderit omnimoda vnitatis requisita ad vniuersalem. Nam præter vnitatem essentialem, non est alia vnitatis nisi numerica, at vnitatis numerica non requiritur ad vniuersalem, cum vniuersale fiat per abstractionem, naturæ ab omni esse numerico, ergo nulla alia vnitatis requiritur ad vniuersalem nisi essentialis, & ea sola cum aduenit naturæ facit eam vnā & indiuisam simpliciter in genere vnitatis essentialis; vnde & intellectus concipiendo naturam solum vt vnā essentialiter, facit illam vnā simpliciter.

Si à parte rei naturæ essent vnum essentialiter, sequeretur ea omnia absurda, quæ sequuntur ex sententiâ dicentium dari naturam vniuersalem à parte rei: nam secundum illam vnitatem, natura esset vnā, & eadē in pluribus locis quantumvis distantibus, neque posset corrumpi, aut generari, quia maneret eadem in aliis indiuiduis: esset etiam vnum indiuiduum realiter consubstantialiter alteri, & reali aliqua indiuisiōe indiuisum & indistans ab altero. Ad hæc natura illa & vnitatis ipsa esset omnino singularis, quia quicquid est à parte rei, singulare est; sicut ergo repugnat naturaliter, rem aliquam eandem numero esse in pluribus subiectis simul, præsertim distantibus: ita repugnaret talem naturam esse vnā realiter & numero

2.

Absurda ex vnitatis naturæ in pluribus.

in pluribus & distantibus subiectis. Adhæc singulare quâ singulare repugnat esse vniuersale, cum de ratione vniuersalis sit abstrahi à singularibus: hæc autem natura quatenus est à parte rei vna, est singularis, vt ostensum est, & secundum suam rationem singularem est in multis: ergo singulare quâ singulare est, esset vniuersale.

3. A parte rei naturæ in Petro & Paulo habent duas diuisas vnitates essentialis, ergo non sunt vnum vna vnitatem essentiali; sub illa enim ratione, sub qua sunt duo, non sunt vnum, at in genere essentialis unitatis sunt duo: nam & Petrus in seipso est indiuisus essentialiter, & Paulus similiter, & vterque diuisus ab altero. ergo non habent vnā vnitatem essentialē sed duas.

4. Quarto. Denique omnis vnitas à parte rei est singularis & numerica: nihil enim à parte rei existit nisi singulare; ergo si vnitas essentialis existit à parte rei, erit numerica & singularis. At vnitas numerica est vnitas simpliciter, cum inuoluat in se omnes superiores vnitates, quod enim est vnum numero, est etiam vnum specie & genere, ergo hæc vnitas essentialis, non esset secundum quid, vt isti volunt, sed simpliciter vnitas.

Duplex ad distinctionem, Responso.

Est igitur alia duplex responsio ad fundamentum primæ sententiæ. Prima est. Naturam in Petro & Paulo non esse vnā essentialiter, quia non est vna per vnā aliquam vnitatem & indiuisiōem essentialē, quod requiritur ad vnū ens absolutē, sed duas habet vnitates & indiuisiōes essentialis similes, ita vt propter similitudinem verum sit Petrum & Paulum à parte rei non differre essentialiter, non verò esse vnum essentialiter.

Pro quo notandum est, vnitatem esse entis indiui- *Vnitas est im-*
 sionem, ita vt ad vnitatem supponatur necessariò ens, *diuisio entis, &*
 in quo sit illa indiuisio, si enim indiuisio alicuius entis *supponit ens.*
 tribuatur alicui sine illo ente: nò erit vnitas illius entis, vt
 si indiuisio quantitatiua tribuatur alicui sine quantitate,
 non faceret vnum quantitatiuè: Nam Angelus dicitur
 indiuisus quantitatiuè, hoc est in partes quantas, neque
 tamè dicitur propriè vnus quantitatiuè, quia non habet
 quantitatem secùdum quam sit vnus quantitatiuè, vni-
 tas enim quantitatiua, est vnitas & indiuisio secundum
 quantitatem. Hinc autem infero, quod cum in Petro
 & Paulo non supponatur ens, sed entia, indiuisio quoq;
 illis conueniens non erit absolutè indiuisio & vnitas,
 sed indiuisiones & vnitates. Necesse est enim vnitatem
 multiplicari, secundum multiplicationem entis, cum
 vnitas nò distinguatur ab ente & omne ens ferat secum
 suam vnitatem. Cum igitur in Petro & Paulo à parte rei
 non sit natura sed naturæ; indiuisiōem quoq; harum
 naturarum, non esse absolutè indiuisiōem & vnitatē,
 sed indiuisiōes & vnitates. Porro res absolutè dicitur
 vna non à pluribus indiuisiōibus & vnitatibus, sed ab
 vna indiuisiōe & vnitatē. Esse autem plures indiui-
 siones patet, nam alia indiuisio est, qua hæc natura non
 diuiditur essentialiter ab illa; alia qua illa non diuiditur
 ab ista: prior in priori natura quasi subiectatur, poste-
 rior in posteriori; vnde hæ naturæ non sunt indiuisæ v-
 na communi indiuisiōe, sed duabus propriis, simili-
 bus tamen, & ideo absq; diuersitate essentiali. Quare *Non sequitur,*
 ad argumentum primæ sententiæ dicendum est, non *ea qua non dif-*
 omnia quæ non differunt essentialiter, esse vnum essen- *ferunt essentia-*
 tialiter, possunt enim aliqua non differre essentialiter, *liter esse idem*
 eo quod singula habent similem naturam & vnitatem *essentialiter.*

essentialē, non verò quod habeant vnā communem viriq; vnitatem essentiaē.

*Ad vnitatem
requiritur, in-
diuisio tam
quoad modum
quā quoad
substantiam.*

Altera responsio est, non sufficere ad vnitatem, modum indiuisiōis, sed requiri ipsam indiuisiōem quoad substantiam. Si igitur natura sit diuisa quoad substantiam; non potest dici indiuisa, etiam si modum indiuisiōis habeat. Patet id innumeris exemplis. Angelus enim non diuiditur modo quantitativo ab alio Angelo, non tamen illi Angeli sunt vnum quantitatiuē, similiter equus non diuiditur à leone rationalitate, non tamen idcirco equus & leo sunt vnum rationalitate. Ratio autem est: quia modus rei non facit rem, ergo nec modus indiuisiōis faciet indiuisiōem, neq; negato solo modo diuisiōis, negatur necessariò ipsa substantia diuisiōis: potest enim esse diuisio, quoad substantiam, licet non sit modus diuisiōis. In proposito igitur cum dicitur Petrum & Paulum non diuidi essentialiter, solum negatur modus diuisiōis essentialis, non verò ipsa substantia diuisiōis, seu diuisio essentialis; verè enim in naturā Petri & Pauli est diuisio essentialis, solumque ille modus diuisiōis essentialis non est. Porro ad hoc vt aliquid absolutè dicatur vnum, requiritur vt sit indiuisum quoad substantiam, & habeat talem modum indiuisiōis. Ad substantiam autem indiuisiōis requiritur vt nulla sit diuisio: diuisio enim tollit substantiam indiuisiōis, etiam si non tollat omnem modum indiuisiōis.

*Natura in Pe-
tro & Paulo
quomodo diui-
sa, quomodo
non.*

*Explicatur ex-
emplo simili.*

Est verò exemplum accommodatum in cæcitate, quæ definitur esse priuatio visus: dupliciter enim potest negari visus 1. quoad substantiam, si nulla visio exerceri possit. 2. quoad modum tantum, vt si sit visio quoad substantiam sed non acuta, non clara, non in di-
stans.

frans. Sicut ergo oculus non dicitur cæcus absolutè ex eo quia non videt acutè, aut rem distantem, dum modo habeat visionem quoad substantiam, solumq; dicitur cæcus, si visionem quoad substantiam exercere non possit; ita & essentia, non dicitur indiuisa & vna, si solum hoc vel illo modo diuisionis careat, sed si diuisione quoad substantiam careat; non enim à modo indiuisiōis, sed à substantia indiuisiōis, dicitur res vna; à modo verò indiuisiōis solum dicitur taliter vna. Et sicut differentia non facit speciem nisi supponat genus, ita & modus indiuisiōis nō facit speciem indiuisiōis & vnitatis, nisi supponat indiuisiōem, quæ adiuncto modo erit talis indiuisio. Non poterit autē supponere indiuisiōem, si adsit aliqua diuisio. Diuisio enim & indiuisio in communi opponuntur. Quare cum in natura Petri & Pauli sit diuisio simpliciter; non poterit ratione solius modi indiuisiōis dici vna essentialiter.

Dico secundo. Natura à parte rei non est prior suâ singularitate nec exconsequenti est à parte rei indifferens ad singularitatem. Est contra secundam sententiam, & probatur; Nam quod est à parte rei prius altero; est à parte rei distinctum ab altero. Non potest enim prioritas in cōmuni intelligi sine distinctione; nec prioritas in re sine distinctione in re, idem enim à seipso nō distinguitur sed ab altero; ab eo enim distinguitur cui non est idem aliquo modo, sibi autem est idem, atque ita à seipso distingui non potest, sed tantum ab altero, & exconsequenti prius seipso esse non potest sed altero. Cum igitur natura à parte rei non sit distincta ex natura rei à singularitate; non potest dici à parte rei prior singularitate. Quod autem non sit distincta à parte rei à singularitate, patet: quia omnis distinctio à parte rei est inter

Natura à parte rei non est prior singularitate.

inter duo, secundum distinctas rationes existentiz. Porro quæ à parte rei existunt sunt singularia, ergo & illæ rationes distinctæ essent singulares. At quomodo id quod est distinctum à singularitate est singulare? hoc enim esset esse singulare sine singularitate. Nam si dicas esse singulare extrinsecè per coniunctionem cum singularitate; Contra: id dici non potest quia natura secundum esse intrinsecum existit prior singularitate, ergo secundum illud esse intrinsecum debet esse quid singulare. Omne enim quod existit, secundum hoc quod existit, singulare est.

Natura quomodo prior singularitate?

Ex quo infero prioritatem illam naturæ, respectu singularitatis, esse solum per rationem, cum fundamentum tamen in re; quia enim singularitas non est de essentia naturæ, potest concipi natura sine singularitate: & quia natura supponitur à singularitate non è contra; Ideo potest concipi ut prior. Dices si singularitas à parte rei supponit naturam, natura erit à parte rei prior; si verò non supponit, non potest fundare prioritatem in ratione. Respondeo. Singularitatem à parte rei non supponere naturam formaliter loquendo, quia suppositio ista non potest esse sine distinctione, singularitas autem non est à parte rei distincta, sed idem cum ipsa. Quare talis suppositio, est solum formaliter in ratione, à parte verò rei est solum virtualiter, quia res est talis ut si concipiatur duplici distincto conceptu, natura erit prior, singularitas posterior. Quomodo in Deo dicimus virtualiter vnum attributum esse causam alterius: quia licet in se vi sint idem: tamen si distinctis conceptibus concipiantur, vnum habebit proportionem causæ respectu alterius. Hoc igitur modo licet natura à parte rei propter identitatem cum singularitate non sit prior
singula-

singularitate: tamen si per rationem distinguatur ab illa, erit prior; ita ut nihil illi desit ad prioritatem nisi distinctio, nec quicquam obstat prioritati nisi identificatio cum singularitate; alioquin natura ex se talis est, ut, si distinguatur, sit prior singularitate.

Infero secundo. Naturam à parte rei non esse indifferentem ad singularitatem: tum quia hæc indifferentia fundatur in prioritate, sicut ergo à parte rei natura non est prior singularitate, ita nec est à parte rei indifferens ad illam: Tum quia sicut prioritas, ita & indifferentia non est sine distinctione; quare ubi non est in re distinctio inter aliqua, ibi non potest esse realis indifferentia vnus ad alterum; idem enim non dicitur indifferens ad seipsum sed ad alium. Cum ergo natura in re non sit distincta à singularitate; non erit in re indifferens ad singularitatem. Deinde si esset in re indifferens ad suam singularitatem, eadem ratione esset indifferens ad omnem singularitatem, & sic posset in re determinari per aliam singularitatem, quod est impossibile, non enim potest fieri etiam per Dei potentiam, ut hæc numero natura, fiat alia numero, & Petrus fiat Paulus, singularitas enim distinguit substantialiter vnum indiuiduum, ab altero, & facit vnum non esse idem quod aliud. Præterea quod ex natura rei conuenit essentiæ, conuenit etiam omnibus indiuiduis ipsam participantibus: naturam enim sequuntur suæ proprietates necessariae, & natura conuenit indiuiduis cum omnibus suis proprietatibus, ita, ut per naturam demonstrentur conuenire indiuiduis. Atqui hæc potentia & indifferentia ad multa singularia non conuenit, immo repugnat indiuiduis, ergo neque potest conuenire naturæ realiter. Nam quod

Natura à parte rei non est indifferens ad singularitatem.

responderi solet, hanc proprietatem naturæ conuenire
ut est prior singularitate, & ideo non communicari sin-
gularibus: esset potius inferendum talem proprietatem
non conuenire naturæ realiter, quia necesse est omnes
proprietates reales naturæ, vnâ cum natura quam ne-
cessariò consequuntur, communicare singularibus.

QVÆSTIO III.

*An natura à parte rei habeat unitatem for-
malem distinctam à numerica.*

*Vnitas forma-
lis quod duplex
hic?*

VNitas formalis est illa quæ conuenit essentiæ sub ra-
tione formali essentiæ, seu secundum sua prædica-
ta essentialia: potest enim duplex vnitas considerari
in essentiâ, alia quæ oritur ex essentiâ ut essentiâ est
formaliter, alia quæ oritur ex essentiâ, ut est abstracta
& præcisa à singularibus, & conuenit essentiæ ratio-
ne illius abstractionis & præcisionis. Prior illa dicitur
vnitas formalis, quia conuenit essentiæ formaliter, ut
essentiâ est; Dicitur etiam essentialis, quia est secun-
dum rationem essentiæ. Posterior verò dicitur vnitas
præcisionis & differt à priori, quia fundatur non in
essentiâ absolutè, sed in præcissione essentiæ. Potest e-
nim aliquid esse vnum si præscindatur à multis, quod
per se non est vnum sed multiplex, quomodo natura
vniuersalis in re non est vna sed multiplex, si tamen
abstrahatur à multis, hoc est à differentiis multipli-
cantibus illam, efficitur vna propter illam præcissio-
nem, quia sic præcisa non habet, quod illam multipli-
cet. Vnde hæc vnitas est accidentalis essentiæ, quia
fundatur in præcissione quæ est accidentalis essentiæ,
& facit

& facit essentiam esse indiuisam numericè, hoc est indiuisam in plura numero, estque hæc vnitas propria, vniuersalis, vniuersale enim non solum est vnum formaliter, sed etiam est vnum per præcisionem à multis.

Non est igitur quæstio, an natura à parte rei habeat vnitatem formalem, essentia enim non datur sine sua vnitatem, cum igitur à parte rei detur essentia formaliter consequens est, dari quoque à parte rei vnitatem formalem, quæ necessariò consequitur ad essentiam formaliter, vt essentia est. Tota igitur quæstio est. An hæc vnitas formalis sit à parte rei distincta à numerica. An verò hæc distinctio sit solum per rationem: possunt enim aliqua duo esse à parte rei, & tamen non esse distincta à parte rei, vt patet, in animali & rationali, quæ sunt à parte rei idem, & sola ratione distinguuntur.

Est igitur prima sententia Scoti in 2. distinct. 3. Has vnitates esse ex natura rei distinctas, sicut & essentia distinguitur ex natura rei à singularitate. Fortè tamé Scotus per distinctionem ex natura rei intelligit illam quæ habet fundamētum in re, licet compleatur per rationem, & dicitur ab aliis distinctio rationis rationatæ.

Secunda sententia negat hanc vnitatem esse distinctam à parte rei ab vnitatem numericam, sicut nec essentia à parte rei distinguitur à singularitate. Ita S. Thomas opusculo 55. de vniuersalibus. 1. Quia vnitas formalis est vnitas essentia sub ratione formali essentia: at essentia non distinguitur à parte rei à singularitate, ergo nec vnitas essentia ab vnitatem singulari & numerica. 2. Quicquid est in re est singulare, ergo si vnitas formalis est in re,

vnitas formalis non est à parte rei distincta à numerica.

*Rei à singulari-
tate.*

erit intrinsecè singularis: non erit igitur distincta à singularitate, quia quod distinguitur à parte existit in illo esse distincto; & cum omne quod existit, secundum quod existit sit singulare, sequitur unitatem formalem, ut distinctam à singularitate, esse singularem quod est absurdum, nihil enim est singulare nisi includendo singularitatem.

Verùm dupliciter potest intelligi dari unitatem formalem à parte rei, vel in singulis individuis singularem & propriam cuiq; individuo, vel communem multis individuis, ita ut Petrus v. g. non solum sit à parte rei vnus homo formaliter, sed etiam sit vnus cum Paulo formaliter. In hac ergo quæstione dicimus solum, primam unitatem à parte rei dari non secundam. Nam in præcedenti quæstione ostendimus unitatem formalem multorum, nullo modo dari à parterei, cum à parte rei essentia Petri & Pauli non sit indiuisa & vna, sed diuisa & multiplex; vnde sequitur unitatem multorum esse unitatem secundum rationem tantum.

*Similitudo in
quo fundatur?*

Sed obiicitur primò fundamētum realis relationis est reale. ac vnitas duorum in essentia, est fundamentum relationis realis, ergo & ipsa est realis. Respōdeo. Similitudinem fundari non in vna sed in duplici unitate formali duorum entium, quorum vnumquodque est, vnum in se formaliter secundum illam essentiam. Nam in unitate communi non relatio similitudinis sed identitatis fundatur. Alii respondent fundari in unitate communi fundamentaliter accepta, seu in fundamento unitatis communis, idem enim est fundamentum unitatis communis & similitudinis, nempe duarum naturarum, quarum vnaquæq; in seipsa est vna formaliter: hinc enim sequitur illas duas naturas posse per abstractionem effici

effici vnum formaliter, & posse vnā comparari cum altera secundum relationem similitudinis. Vnde hæc responsio reuocatur ad primam.

Obiicitur secundò. Vniucum significat naturam vnā in multis, alioquin non differret ab æquiucoco, si significaret plures naturas. Ergo hæc vox Homo significat naturam vnā formaliter in multis. R. Vniucum significare naturam vnā formaliter; sed quæ sit vna per rationem & abstractionem, non verò quæ sit vna à parte rei; vnde & Aristot. definiuit vniuoca, quorum ratio substantiæ non substantia est eadem, ratio enim conceptum significat.

Vniucū quomodo vnā naturā significat.

QVÆSTIO IV.

Quomodo vniuersale fiat per intellectum.

Cum certum sit dari vniuersale; & dari non posse à parte rei extra intellectum, necesse est dari per intellectum, hoc est, per conceptionem intellectus, & hoc in præsentī quæstione proponitur. Porro dari vniuersale, seu naturam communem multis, quocunque tandem modo existat, certum esse debet.

Dari vniuersale probatur.

Primò. Ex significatione vocum communium, quæ significant naturam, non hanc vel illam determinatè, sed indeterminatam & communem multis, & in qua multa conueniunt. Natura enim sic significata non potest dici singularis, quia natura singularis vni tantum conuenit non multis, nec singularia conueniunt in vnâ naturâ singulari, alioquin multa singularia essent vnum

I.

singulare. Ergo hæc natura debet esse expers singularitatis, ac proinde vniuersalis.

2.

Secundò. ex conceptu naturæ, potest enim natura concipi absque omni singularitate, & determinatione ad hoc vel illud indiuiduū. Obiectum igitur huius conceptus nō erit singulare, quia in eo singularitas non obicitur intellectui. Ergo erit abstractum à singularitate, ac proinde vniuersale, natura enim abstracta est indifferens ad singularia, ac proinde vniuersalis. Dices dari medium inter naturam vniuersalem & singularem, nempe naturam secundum se & sua essentialia acceptam; in hac enim consideratione naturæ, nec singularitas nec vniuersalitas inuoluitur, sed sola essentialia, inter quæ vniuersalitas & singularitas nō numerātur, cum vtraq; sit extra conceptum essentialitæ. R. Naturam secundum se non esse quidem vniuersalem essentialiter, sed esse vniuersalem consequenter, quia vniuersalitas consequitur necessariò ad naturam abstractam. Vnde necesse est omnem naturam esse aut vniuersalem aut singularem, consecutiue, licet essentialiter abstrahat natura ab vtroque.

Natura secundum se an vniuersalis.

3.

Scientia nō est de singularibus sed de vniuersalibus.

Tertiò. Scientia non est de singularibus, sed de vniuersalibus quia proprietates in scientia non demonstrantur primò de singulari subiecto, sed de vniuersali: ita vt primum & formale subiectum sit vniuersale non singulare; Nam v. g. risibilitas conuenit Petro, non vt hic homo est, alioquin nulli alteri homini conueniret; sed absolutè vt homo est, abstrahens ab hoc, vel illo homine, & quia conuenit, primò homini, vt homo est, ideo conuenit omnibus particularibus hominibus, qui omnes in hoc conueniunt quod homines sunt; ergo homo in communi est quid commune multis, & nisi hoc

hoc concedatur, tollentur omnes scientiæ; de ratione enim est scientiæ, demonstrare proprietatem, de primo suo subiecto; ita vt si de alio demonstretur, non erit scientiæ rei, vti est, quod sæpe inculcat Aristoteles. Cum igitur necesse sit dari vniuersalia; de modo quo fiant ab intellectu, sunt tres sententiæ.

Prima sententia est Nominalium, vniuersale esse *Vniuersale esse* conceptum formatum de rebus in mente existentē, & v- *conceptum sen-* *siunt nomina-* *les.* niformiter multis conuenientem; Talis enim conceptus est vniuersalis, non solum in repræsentando, quia sub vna ratione repræsentat omnes naturas; sed etiam in prædicando; habet autem prædicari de illis, quia supponit pro illis: signa enim solent accipi suppositiuè, vt pro rebus supponunt. Ita Gabriel in 1. distin. 2. Quæst. 8. Ochan in sua Logica c. 4. 5. & 6. Albertus de Saxonia Quæst. 3. in Porphyrium. Probatur. Quia cum natura secundū se non possit effici vniuersalis; necesse est vt conceptus naturæ sit vniuersalis: nō datur enim natura nisi vel vt est à parte rei, vel vt est concepta. Quod autem natura vt natura non possit reddi vniuersalis. probant. Primo quia id quod est singulare non potest effici vniuersale, alioquin ipsum indiuiduum posset effici vniuersale. at natura à parte rei est singularis intrinsecè: nihil enim in re existit nisi singulare & determinatum, ad hīc & nunc. ergo natura à parte rei existens, nullo modo potest effici vniuersalis, sed solus naturæ conceptus potest esse vniuersalis.

Secundo. Nulla res potest esse simul singularis & vniuersalis, expers singularitatis & habens singularitatem, hæc & non hæc, cum ergo natura in re sit singularis non potest eadem effici simul vniuersalis. Alioquin simul esset hæc & nō hæc, quæ sunt contradictoria.

Tertio

Tertio ex natura communi multis sequuntur multa absurda: nam Petrus & Paulus essent idem in illa natura communi: & ex consequenti essent idem inter se (cùm tamen sint diuisi inter se non idem) quæ enim eadem sunt vni tertio, sunt eadem inter se. Sequeretur etiam duo indiuisa quantumuis distantia & à se diuisa, esse indiuisa & idètificata in natura communi, & esse eiusdem indiuisæ substantiæ, & esse ex consequenti consubstantialia. Ad hæc eadem natura in vno produceretur in alio destrueretur, quæ omnia sunt impossibilia. Neque potest dici ista esse impossibilia à parte rei, per intellectum verò esse possibilis; nam ista non solum esse sed etiam concipi talia est absurdum: plura enim concipere esse vnum, in eo in quo sunt plura, est conceptus difformis rei, tali enim conceptu omnia monstrari concipiuntur & finguntur, vt cum ex pluribus speciebus formatur vna species, ex hirco & ceruo vnus hircocerus.

Opinio quorundam recentiorum.

Secunda sententia est quorundam Recentiorum, dicentium vniuersale, non esse naturam vnā & indiuisā in multis, nec expertem omnis singularitatis, sed esse naturam singularem, indeterminatè tamen conceptam & sub vna communi ratione definitiua; ita vt secundum eandem definitionem & conceptum formalem, sic communis multis, etsi in se sit singularis. Vnde tria dicit hæc sententia. Primo naturā vniuersalem esse singularem indeterminatè, Secundo non esse vnā naturam, sed multas singulares, Tertio vniuersale esse vnum secundum conceptum formalem & definitiuum; non verò secundum conceptum obiectiuum, qui in re respondeat conceptui formali.

Quan-

Quantum ad primum probatur, naturam etiam vt conceptam esse necessario singularem, & per consequens non posse concipi naturam verè vniuersalem, hoc est, non singularem, & expertem omnis singularitatis. Nam quantumuis dicatur natura abstrahi à singularitate: per abstractionem tamen illam nunquam desinet esse singularis, V. G. natura hominis in abstracto concepta, est quid certum & determinatum hoc & non aliud, & distinctum quid ab alià naturâ conceptâ. Dices esse hanc essentialiter non numericè. Contrà, Quia id quod naturam facit esse hanc, est differentia numerica: ideo enim dicitur Hæcceitas, quia eius effectus formalis est facere naturam esse hanc. si ergo natura est hæc essentialiter, erit hæc singulariter & numericè, quia hæcceitas est differentia singularis & numerica. Deinde sicut Petrus est hic homo numero, quia non est alter homo, sed distinctus homo ab omni alio homine: ita & essentia abstracta, si ita sit hæc vt distinguatur ab omni alià, erit hæc numero essentia. Ad hæc essentia hominis abstracta & essentia bouis abstracta, sunt duæ essentia numero, non enim solum specie, sed & numero distinguuntur, duo enim vt duo distinguuntur numero, quia per numerum formaliter sunt duo. Dices has naturas esse duas secundum speciem, non secundum individuum, Sed contra: quæ sunt duo secundum numerum sunt duo individua; duo, inquam, secundum rationem individualement: propria enim differentia indiuiduorum est numerica. Vnde Aristotel. vnitatem vel multipliciter secundum numerum solis indiuiduis tribuit, & pro eodem accipit esse vnum numero & esse vnum indiuiduo, vt cum ait quædam esse vnum genere, aut specie, quædam

An possit natura abstrahi à singularitate.

Natura abstracta est singularis.

Vnitatis secundum numerum est indiuiduum.

dam vnum secundum numerum, nec vllibi vnitatem, aut distinctionem specificam vocat numericam, nisi concomitanter, quatenus numerica coniungitur cum specificâ, neque nos aliam definitionem dare possumus unitatis individualis, nisi quod sit unitas secundum numerum. Quare si duæ species sint duæ secundum numerum, erunt duæ individualiter.

Ex quo patet naturam abstractam necessario esse singularem & hanc numero, tum quia est ita determinata natura, vt sit distincta ab omni alia, & secundum talem determinationem concipitur; Tum quia est numero distincta ab aliâ; tum quia est obiectum determinatum cognitionis, cognitio enim determinata non potest ferri in incertum, sed in certum quid ac determinatum, hoc non aliud, ita vt hæc singularis cognitio sit huius obiecti singularis, sicut cognitio in communi est obiecti in communi.

*Quomodo natura abstracta-
tur à singulari-
tate.*

Quod si dicas posse naturam non considerari sub singularitate. R. Expressè & determinatè posse, confusè verò & indeterminatè non posse; seu non posse cōsiderari sine singularitate aliquo modo concepta, posse tamen sine singularitate determinata & expressa, ita vt in actu exercito semper id quod consideratur ab intellectu, sit intrinsecè singulare. Dices hanc singularitatem non conuenire naturæ vt natura est, sed vt obiectum est, & per eam non effici naturam in esse naturæ singularem, sed tantum in esse obiecti. Contra, quia natura in esse naturæ, vt est prior esse obiectiuo, est hæc numero natura, vt iisdem argumentis probari potest. ergo non solum in esse obiectiuo sed in esse naturæ est singularis, in illo, in quâ, esse, q, substat esse obiectiuo, & quod in re respondet cōceptui formali. Deinde nō potest esse hoc obiectū, nisi sit hæc entitas obiecta. Quo-

Quoad secundum. Vniuersale dicere plures naturas singulares indeterminatè (V. G. homo in communi dicit quemvis hominem singularem indeterminatè) sic ostenditur: quia hæc indeterminatio sufficit vt homo dicatur quid commune multis, & de illis prædicatur. Dices si omnes & singulos homines significat, falsam fore prædicationem: sensus enim erit hunc hominem esse omnes homines. R. Si homo significaret oēs collectiue, hoc est, collectionē omniū hominū, non posset prædicari de singulis. Nullus .n. homo, est omnis homo; At quia significat oēs distributiue, potest de singulis in sensu accommodato prædicari: nam etiam æqui uocum V. G. canis multos canes specie diuersos significat, & tamen de singulis secundum conuenientem ipsis significationem prædicatur, Sequitur autem hoc secundum dictum ex primo, si enim vniuersale significat naturam singularem, & nō significat vnā determinatā, sequitur quod significet plures indeterminatè tamen.

Quoad tertium. Vniuersale non esse vnum obiectiue, hoc est vnā naturā obiectam, patet ex dictis, quia, non obiciuntur nisi plures naturæ similes, nec possunt obici si sit singularitate, vt ostēsū est. Solum igitur est vnum vnitatē cōceptus formalis, seu vnitatē definitionis. Quia de ratione vniuersalis non est vt sit vna natura in multis, sed vt secundū vnā rationē & secundū eandem definitionem prædicetur de multis. In quo vniuersale differt ab æqui uoco: nam æqui uocū ita plura significat, vt de illis secundū vnā rationem & definitionē non prædicetur sed secundū diuersas: vniuersale verò cum sit vniuocū debet secundum eandem rationem & definitionem prædicari de multis, quod habet per denominationem extrinsecam à conceptu formali &

definitiuo. Itaque esse vnum specie nihil aliud erit, quàm habere vnam definitionem & vnum conceptum formalem in intellectu. huic verò vni conceptui formali non respondet in re, natura vna vnitatem naturæ intrinsecâ, sed plures naturæ similes fundantes propter similitudinem, vnum conceptum formalem in mente. Concedi verò potest conceptum obiectiuum esse vnum per ordinem ad conceptum formalem, & vnitatem extrinsecâ conceptus formalis, non vnitatem intrinsecâ naturæ.

Tertia sententia est communis Peripateticorum, vniuersale esse naturam abstractam per intellectum ab omni singularitate, & est consequenti ex se aptam inesse multis & dici de multis: ita D. Thomas opusc. 55. & 56. Scot. in 2. dist. 3. quos alij sequuntur.

*Vniuersale non
est conceptus
sed res obiecta
conceptui.*

Dico primò. Vniuersale non est conceptus in mente existens, sed res huic conceptui obiecta, est contra primâ sententiam. Probatur autem 1. Quia Arist. docet vniuersalia nō esse præter res, sed ipsam rerum essentiâ, nam 1. poster. text. 25. ait vniuersale non esse præter multa, nec esse nisi vnum de multis, & tex. 39. non esse aliquid præter singularia, vbi etiam ait esse naturam quandam, in entibus talem, hoc est vniuersalem, vt Trianguli naturam ultra particulares Triangulos, & numeri naturam ultra numeros singulares. Siquidem Arist. idcirco affirmat vniuersale nō esse præter singularia, quia dicit naturâ singulariū: non poterit vniuersale dici conceptus formalis, quia hic est præter singularia, & realiter à singularibus diuisus: singularia enim sunt extra intellectum, conceptus verò formalis est subiectiuè in intellectu. Est igitur præter res, quia extra res, est præter multa, quia extra multa: & præter singularia quia

quia extra singularia; non est etiam natura quædam in entibus sed cōceptus, distinctus à naturis entium. Idem Aristot. docet in cap. de substantia, genera & species esse secundas substantias: atqui conceptus formalis est accidens non substantia; non igitur genera & species sunt conceptus formalis, sed ea natura in re quæ obicitur conceptui formali.

Secundò. Aristoteles docet vniuersalia prædicari de rebus in quid & essentialiter, vt patet ex definitione vniuersalis, & ex definitionibus Generis & Speciei: at nisi vniuersalia sint naturæ rerum, non possunt dici de rebus essentialiter & in quid, ergo necesse est vniuersalia esse naturas, quæ sunt obiecta conceptuum formalium. Non enim dicitur de rebus essentialiter, nisi quod est in rebus essentialiter.

Tertiò. Conceptus formalis est solum vniuersalis in representando, non verò in essendo, aut in prædicando. Nam quod dicitur, conceptum esse signum, suppositiuum, quia supponitur & accipitur pro re: hoc ipsum indicat dari rem aliquam significatam per conceptum, pro qua supponit conceptus, quæ sit vniuersalis: nam si conceptus non prædicatur de rebus, nisi quatenus supponit pro rebus, ergo res ipsæ per voces & conceptus significatæ prædicantur, quatenus vocibus & conceptibus exprimuntur.

Conceptus formalis non est vniuersalis in essendo.

Quartò. Scientiæ sunt de vniuersalibus vt passim docet Aristot. in 1. Posterior. text. 11. & 39. quia proprietates demonstrantur de vniuersalibus tanquam de subiecto primo: atqui proprietates nō demonstrantur de conceptibus sed de naturis rerum quibus insunt: ergo vniuersalia sunt naturæ rerum non conceptus.

*Conceptus formalis in mente
existens respondet in re conceptui
obiectiuo.*

Quintò. Conceptus formalis in mente existens habet sibi respondentem in re conceptum obiectiuum: nam si nihil illi respondeat in obiecto, non obiectum concipietur, sed aliquid aliud: Si verò illi respondeat aliquid in obiecto: dabitur præter conceptum formalem etiam conceptus obiectiuus vniuersalis: Conceptus enim formalis est imago & representatio conceptus obiectiuui: id enim quod in re representatur per conceptum formalem, dicitur conceptus obiectiuus. Vnde si conceptus formalis est imago naturæ dabitur in obiecto natura representata. Dices non est necesse naturam sub vna ratione representatam, esse vnā in re, actu, sed tantum potentia & fundamentaliter: satis enim est obiectum esse potentia tale, quale concipitur actu ab intellectu. R. Conceptui formali sub vna ratione representanti; respondere in obiecto rem vnā, quæ non realiter sed obiectiuè sit vnā: hoc est, in ordine ad talem representationem, seu vt substat tali representationi. Vnde potest esse in re multiplex, in seipsa, representatiuè tamen vnā. Potest enim aliquid rei conuenire respectiuè, q. illi non conuenit secundum seipsam. v.g. Quantitas palmaris secundum seipsam non est maior vel minor, respectu tamen maioris, dicitur minor, respectu minoris dicitur maior. Quare pari ratione natura representata secundum seipsam, prout est in rebus, non est vnā sed multiplex; respectiuè tamē seu respectu representationis est vnā, quia sub vna ratione representatur. Quod verò hæc vnitas facit naturam intrinsecè vnā in illo esse representato, non tantum extrinsecè, patebit ex sequentibus conclusionibus.

*Quod est per se
singulare non
potest effici
vniuersale.*

Vnde ad primum primæ sententiæ respondetur; id quod est per se non per aliud singulare, non potest effici vniuersale. Atqui natura à parte rei non est per se &

ex ratione sua formali singularis, sed per identitatem realem cum singularitate, non igitur ei repugnat posse concipi absq; singularitate, & ex consequenti potest esse vniuersale. Individuum verò quia per se & ex ratione sua formali non ex identificatione cum altero est singulare, non potest vllò modo effici vniuersale.

Ad secundam. Naturam in eodem statu repugnat esse simul vniuersalem & singularem, quia hæc duo respectu eiusdem inuoluunt contradictoria. Vniuersale enim est sine singularitate, singulare verò cum singularitate. Quare si natura sumatur in statu quem habet à parte rei, non potest simul esse à parte rei vniuersalis & singularis. Similiter si sumatur in statu quem habet in intellectu obiectiue, non potest simul obici cum singularitate & sine singularitate. At si in diuerso statu sumatur, potest eadem natura simul esse, & in rebus singularis & in intellectu obiectiue vniuersalis. Nam sicut eidem rei secundum diuersa tempora, vel loca, vel respectus, contradictoria possunt competere, ita & secundum diuersos status.

Ad tertiam. Patebit ex quarta conclusione: illa enim absurda sequerentur, si natura vt est in singularibus actu, esset vniuersalis, non autem dicimus, naturam vt abstractam à singularibus, non vt existentem in singularibus esse vniuersalem, & ratione aptitudinis ad essendum in multis, non ratione actualis existentiae in multis.

Dico 2. Intellectus potest naturam abstrahere ab omni singularitate; hæc conclusio est contra secundam sententiam, & probatur primo ex Aristotele, qui 1. Posterior. text. 39. ait, Dari naturam in entibus talem, quæ sit præter particulares & singulares naturas, vt Trianguli naturam esse

Natura quomodo vniuersalis & singularis.

Natura potest abstrahi ab omni singularitate.

essenaturam præter quosdā particulares Triangulos, & numeri naturam, præter quosdā particulares numeros. Atqui natura præter singulares naturas est abstracta à singularibus. Ergo secundum Aristotelem datur præter naturas singulares natura abstracta à singularibus.

*Sensus singula-
ris intellectus
vniuersalia co-
gnoscit.*

Idem Aristoteles in pluribus locis docet sensum in hoc differre ab intellectu, quod ille semper sit singulare, nec vnquam nisi singularia cognoscat hic & nunc: intellectus autem cognoscit vniuersalia, abstrahendo ab hic & nunc, quæ differentia nulla est, si vniuersale dicatur esse singulare indeterminatè. Nam etiam sensus cognoscit singulare indeterminatè, ob distantiam vel aliam imperfectam applicationem obiecti. Tunc enim non potest discernere, an hoc vel illud determinatè sit quod videt: potest etiam brutum apprehendere singulare indeterminatè, & in communi, vt cum equus appetit auenam non hanc vel illam determinatè appetit, sed quamcunq; auenam singularem.

*Rationibus
probat.*

1.

Secundo probatur rationibus. Prima sumitur ex convenientia rerum inter se, id enim in quo res conueniunt, potest abstrahi ab eo in quo differunt. At videmus res conuenire in natura magis vel minus, quosdā in natura generica tantum quosdam verò in natura specifica; in singularitate verò res penitus differre, singularitas enim diuidit vnā ab alia, quia enim Petrus est hic homo, ideo non est ille alius homo, ergo potest & natura generica abstrahi à speciebus, & natura specifica ab indiuiduis, quia differentia est extra conceptū convenientiæ.

2.

Secunda ratio sumitur ex scientiis quæ demonstrant passionem de vniuersali, tanquā primo & per se subiecto passionum; atqui non demonstrant de natura singulari in

in communi, quia proprietates naturæ, non conueniunt naturæ vt singulari, neq; ratione singularitatis, sed secundum se vt natura est. Ergo datur natura secundum se abstracta ab omni singularitate, quia natura etiam si in ea nulla concipiatur singularitas, erit subiectum & causa sufficiens suarum passionum.

Tertia. Sumitur ex distinctione singularitatis à natura; id enim quod non est de essentia alicuius, non pertinet ad conceptum essentialem illius, & potest res illa concipi sine illo; At singularitas non est de essentia naturæ, quia natura prior est omni singularitate, prius enim est esse naturam quam hanc naturam: & potest aliquid cum altero conuenire in natura, & non conuenire in singularitate: Ergo potest concipi natura sine singularitate. Et confirmatur, quia si singularitas esset de essentia naturæ, non posset vna natura specifica habere plura indiuidua: quia non magis hæc quam illa singularitas esset de essentia ipsius; ergo aut omnes singularitates simul, haberet de essentia, quod est impossibile, aut si vnâ tantum, non posset habere nisi vnû indiuiduum. Ad hæc si natura habet plura indiuidua, est ex se indifferens ad illa, quod autem est indifferens ad aliquid, potest concipi sine illo.

3.

Singularitas non est de essentia naturæ.

Verum contra hanc conclusionem tria obiici possunt. Primum est, quod obiicit secunda sententia, quod natura etiam abstracta, sit vna numero & singularis, non igitur potest abstrahi à singularitate. Respondetur naturam abstractam esse hanc & singularem, non singularitate reali, sed obiectiua & intentionali, quod etiam expresse concedit D. Thomas Opusc. 56. cum ait; dictum illud Boëtii, Omne quod est, vnum numero est,

Natura abstracta quasi singularitate singulari.

Qq

verifi-

verificari quoq; in natura vniuersali, quæ est vna numero secundum intentionem: hoc est, vna in ratione obiecti, & secundum existentiam obiectiuam, non secundum existentiam realem: Existentia enim vel est rerum singularitas, vel quid coniunctum necessario cum singularitate. Ad illam verò instantiam secundæ sententiæ, quod natura illa, quæ subsistat effect obiectiuo in ratione natura sit hæc numero. Respondetur non esse hanc numero nisi respectiuè, hoc est respectu intellectus: Concipitur enim vt in seipsa intrinsecè carens singularitate: Verùm hæc ratio sic concepta est quid determinatum in genere obiecti respectu intellectus concipientis. Licet in genere rei in seipsa sit indeterminata ad omnem singularitatem realem.

Obiici potest 2. Si natura potest abstrahi à singularitate, posset per Dei potentiam produci absq; singularitate. Deus enim potest producere quicquid non implicat contradictionem; naturam autem abstrahi à singularitate non implicat contradictionem. Ergo & produci abstractam: Deinde quicquid intellectus potest concipere, Deus potest facere, cum eadem appareat implicatio in vno quæ in altero. Cum igitur certum sit Deum non posse producere naturam abstractam à singularitate, consequens est neq; intellectum, id concipere sine implicatione contradictionis.

*Non quicquid
concipitur po-
test effici rea-
liter.*

Respondetur negando sequelam. Est enim maior ratio de effectione reali, quam de effectione intentionali; nam ens rationis potest produci ab intellectu intentionaliter, non tamen potest produci à Deo realiter; & ratio est, quia productio realis terminatur ad existentiam realem, quæ repugnat naturæ entis rationis;
quia

quia eo ipso esset ens reale non rationis'. Productio
 verò intentionalis terminatur ad existentiam inten-
 tionalem, quæ est conueniens naturæ entis rationis':
 Simili ergo modo implicat aliquid realiter existere in
 mundo, & nō esse aliquid determinatum hoc vel illud:
 Idcirco implicat etiam contradictionem produci rea-
 liter aliquid non singulare: quod enim producitur exi-
 stit realiter, quod autem realiter existit, est singulare,
 cum sit quid determinatum & distinctum ab omni alio.
 Hæc autem implicatio non est in conceptione intelle-
 ctus: nam hæc non terminatur ad existentiam realem,
 sed tantum obiectiuam, vnde potest aliquid concipi
 absq; omni singularitate in genere rei, & habere so-
 lum singularitatem obiectiuam, quæ etiam rebus im-
 possibilibus conuenire potest; ex quo patet posse ali-
 quid implicare contradictionem respectu productio-
 nis, non autem respectu cognitionis, quia sicut pro-
 duci & cognosci non sunt idem, ita potest aliquid repu-
 gnare vni & non alteri. Dices etiam si non sint idem,
 esse tamen similia & proportionalia. Respondeo.
 Non habere omnem similitudinem & proportionem,
 posseq; aliquid repugnare vni ex propria eius ratione
 quod non repugnet alteri. Patet etiam sensum illius
 propositionis non esse, vt quidquid possit cognosci ab-
 solutè possit etiam fieri à Deo: nam etiam impossibi-
 lia cognoscuntur quæ tamen fieri non possunt. Dices
 cognosci impossibilia sed cum implicatione contradi-
 ctionis. Respondeo, cum implicatione contradi-
 ctionis ad fieri non ad cognosci. Sensus igitur verus est,
 quidquid potest cognosci tanquam factibile potest fie-
 ri à Deo.

*Cur implicet
vniuersale pro-
duci realiter?*

Quod si quæras vnde repugnet vniuersale fieri & produci realiter à Deo. R. Quia productio terminatur ad existentiam, omne autem quod existit, singulare est; sicut ergo implicat existere & non esse singulare, ita implicat vniuersale existere, vniuersale enim non est singulare. Dices ex hoc capite solum sequitur repugnare existere vniuersale, quod sit abstractum à singularibus, non tamen repugnabit existere, vniuersale genericum abstractum ab esse specifico. R. i. illud non fore vniuersale genericum sed singulare genericum, ac proinde non fore verum genus, genus enim vt genus, est vniuersale per abstractionē tam ab indiuiduis quàm à speciebus, ita vt si desit alterum non sit genus, sed vtraque abstractio conuenit essentialiter generi, & est complementum essentialē illius: nam in abstractione ab indiuiduis conuenit in specie, & per eam constituitur in ratione vniuersalis in communi; quatenus vniuersale opponitur singulari. Per talem verò abstractionem, hoc est à rationibus specificis, differt à specie & constituitur in ratione propria generis.

*Singulare genericū
repugnat
existere à parte
rei sine ratio-
nibus specificis.*

Secundò dico etiam repugnare singulare genericū à parte rei existere sine rationibus specificis, quia nihil potest existere nisi sit determinatum in essentia. v. g. figura non posset existere nisi sit vel curua vel recta; numerus nisi sit par vel impar; animal nisi sit rationale, vel irrationale. Id enim quod existit est ens determinatum, entis autem determinatio pendet ab essentia & existentia, quare nisi sit determinatæ essentiæ & existentia, non existet. Dices id verum esse naturaliter, non verò quòd implicet contradictionem. R. Implicare cōtradictionem respectu existentia: nam eo ipso quod subiicitur existentia, debet esse quid determinatum in essen-

In essentia: omne enim quod existit, determinatū quid-
dam esse necesse est hic & nunc, alioquin esset simul &
indeterminatum ex suppositione & determinatum,
quia existit, quæ sunt contradictoria. Nam si istes non
repugnare indeterminatum existere: nam materia ex se
est indeterminata ad omnes formas & subiectum ad ac-
cidentia. R. Id quod est indeterminatum quoad ef-
sentiam, non habens determinatam essentiam, non ha-
bet per quid determinatè existat, & sit determinatum
ens. & ideo tale implicat existere, quia quod existit, est
determinatum ens. Posita verò determinatione in ra-
tione entis, non implicat esse quoad alia determina-
tum: nam hæc indeterminatio non tollit determina-
tionem entis, illa verò tollit.

*Indetermina-
tum existere an
repugnet?*

Tertio. Obiici potest. Nihil potest abstrahi à suis
essentialibus; per essentialia enim est quod est, at essen-
tia quælibet est essentialiter singularis; ergo non potest
abstrahi à singularitate; minor probatur. 1. Quia quæ-
libet essentia necessario est singularis & hæc numero, ita
ut ne per Dei quidem potentiam possit effici aliud sin-
gulare & aliud numero; at quod est necessarium vel est
essentiale vel consequens ad essentiam; ergo & singula-
ritas hoc modo erit essentialis, siue formaliter siue con-
secutivè, quia etiam hoc secundo modo habebit in ef-
sentia intrinsecam determinationem ad singularitatē.
Sic enim & essentiam Divinam dicimus essentialiter
singularem, quia est ex se non ab alio singularis, & ex se
determinata ad singularitatem, cum sit ens per essen-
tiam non ens ab alio. Secundò. Quia quod non est vilo
modo distinctum ab alio, est idem essentialiter cum
illo; indivisio enim essentialis est unitas; at essentia à
parte rei nullo modo distinguitur ex natura rei à sin-

gularitate (solum enim per rationem distinguitur) ergo à parte rei est vnum & idem essentialiter cum illa.

*Singularitas non
essentialis natura.*

Respondeo. Negando minorem, alioquin sequeretur omnia individua differre essentialiter nec posse esse plura individua eiusdem speciei, quia vnum quodque haberet suam essentiam, essentialiter determinatam ad diuersam singularitatē. Propter quod & S. Thomas singulos Angelos censuit differre specie, quia habent essentias determinatas essentialiter ad diuersas singularitates; essentia enim quæ fundant diuersas proprietates, sunt diuersæ. Ad primam probationem respondeo; id quod conuenit alicui necessario ex suppositione, non est necesse vt sit essentialē, vel ex essentiali fluens; sed solum id quod conuenit necessario absolute & secundum suam essentiam. Porro esse singularem conuenit essentiali necessario, non absolute vt essentialē est; sed vt existit, ad hoc enim vt existat, necessario debet esse singularis, vniuersalia enim non existunt. Absolute verò sicut non est necessarium vt existat, quia non ex se sed ab alio existit: ita non est necessarium vt sit singularis, sed solum ex suppositione existentia. Quod si dicas saltem sequi singularitatem esse essentialē existentia. Respondeo, Negando, singularitas enim rei actualis non est existentia, sed quid consequens existentia vt suo loco docebimus. Deinde singularitas conuenit etiam essentiali non solum existentia.

*Singularitas
cum essentiali
quomodo vnum.*

Ad secundam respondeo. Dupliciter posse aliquid dici vnum, vel identicè tantum, vel etiam formaliter; identicè sunt vnum, quæ in re quidem non distinguuntur; fundant tamen distinctos conceptus formales, quibus distingui possunt, sic animalitas & rationalitas, in homine sunt vnum identicè tantum quia in re non distinguuntur, possunt tamen distinctis concepti-

cepti-

ceptibus formalibus concipi. Vnde etiam ista sunt vnum in tertio, quod ex illis constituitur vnum. V. G. animalitas & rationalitas est vnus homo, hoc est vna res quæ dicitur homo. Formaliter verò dicuntur vnū, quæ non solum in re entitatibus nō distinguuntur, sed etiam non fundant conceptus distinctos; sic definitio est, idē formaliter cum definito, quia conceptus formalis definitionis est conceptus definiti. Singularitas ergo cum essentia est vnum identicē tantum, non verò formaliter; quia fundant distinctos conceptus formales propter quos vnum non est de essentia alterius, id enim propriè dicitur de essentia alicuius, quod est de conceptu formali illius.

Dico tertio. Natura abstracta per intellectum ab omni singularitate, est vna & indiuisa simpliciter, ita S. Thomas supra, & communiter omnes Peripatetici; qui hunc vnicum modum assignant quo natura vniuersalis efficiatur vna nempe per abstractionem à differentiis diuidentibus & multiplicantibus illam. Duo igitur ostendenda sunt, & quod iste modus sit sufficiens ad dandam naturæ vnitatē simpliciter & omnimodam, secundum quam natura nullo modo sit in se intrinsecè diuisa; & quod præter illum non sit alius modus.

Primum sic ostendo, nam vnitas secundum Arist. est entis indiuisio. Eo enim ipso q. aliquid non diuiditur secundum aliquam rationē, est vnum in illā ratione. Et sicut per diuisionem collitur vnitas, ita per indiuisiōnem inducitur. Paret id in quantitate, quæ sola diuisione definit esse vna quantitas & fit multiplex, cum verò rursus fit indiuisa, fit etiam vna. Porro natura diuiditur dupliciter, specificè per differentiam specificam, & numericè per differentiā numericā: differentia specifica facit naturam aliam specie & essentialiter, numerica verò facit

Natura abstracta à singularitate est vna simpliciter.

Vnitas est indiuisio.

Diuisio multiplex

Per differentias facit naturam aliam secundum numerum tantum; Ita-
natura est alia tamen ut utraque faciat naturam aliam substantialiter,
substantialiter. & negari possit, una esse substantialiter altera: Cuius ratio
 hæc est; quia natura cum suis differentiis specificis &
 numericis, est idem substantialiter, & sic ab illis accipit
 & constitutionem substantialem intrinsecam & diui-
 sionem substantialem. Dices, quantitas non est idem
 cum materia, & tamen materia diuisa, quantitatiue, est
 diuisa substantialiter. R. Formaliter loquendo quan-
 titas solum dat diuisionem quantitatiuam & accidenta-
 lem: quia tam ipsa est accidens, quam partes eius; con-
 secutiue tamen dat etiam diuisionem substantialem;
Materia diui-
ditur ad diui-
isionem quanti-
tatis. quia enim materia est extensa per quantitatem, ideo se-
 quitur quantitatem in diuisione, & diuiditur substan-
 tialiter ad diuisionem accidentalem quantitatis; ita ut
 sint duæ diuisiones, altera quantitatis, altera substantiæ,
 & duo termini diuisionum, quantitas & substantia.
 Sunt tamen hæ diuisiones sibi subordinatæ ut una posi-
 ta ponatur altera.

Natura per ab-
stractionem fit
vere indiuisa. Ex qua doctrina sequuntur illa duo quæ sumpsi-
 mus probanda. Primum est, quod si nulla adsit differen-
 tia, diuidens & multiplicans naturam, hoc est nec speci-
 fica, nec numerica; natura erit intrinsecè & substantia-
 liter indiuisa, ac proinde una simpliciter. Non potest
 enim dici diuisa; si nihil sit quod illam diuidat & multi-
 plicet; at nihil eam potest diuidere nisi differentia spe-
 cifica vel numerica; ergo si neutra adsit, natura erit
 neutro modo diuisa, ac proinde omnimodo indiuisa.
 Cum igitur per abstractionem, natura abstrahatur à dif-
 ferentiis specificis vel numericis, consequens est per ab-
 stractionem effici naturam unam & indiuisam intrin-
 secè & simpliciter. Nam sicut si natura realiter spoliare-
 tur,

tur, omnibus differentiis diuidentibus & multiplican-
tibus illam, tam specificis quàm numericis, esset verè &
realiter vna: ita cum per abstractionem consideratur,
natura absque omni differentia; erit secundum consi-
derationem vna & indiuisa.

Alterum est non esse alium modum indiuisiōis & *Modus vnitatis non est alius nisi per abstractionem à diuidentibus.*
vnitatis naturæ, quia non est alius modus diuisionis nisi
per differentiam specificam aut numericam; ergo nec
alius modus indiuisiōis nisi per abstractionem à diffe-
rentia numerica vel specifica. Quare qui talem abstra-
ctionem negant verè fieri posse, negant consequenter
naturam vniuersalem esse, & verè vniuersalem. De tali
enim vnitatē hic quærimus quæ faciat naturam nō sin-
gularem, seu in esse illo non singulari vnā; ac talis vni-
tas non est nisi per abstractionem à differentiis singula-
ribus; Ergo si negetur talis abstractio, verè negabitur
vera vnitatis vniuersalis; nam illa vnitatis quam ponit se-
cunda sententia per denominationem extrinsecam ab
vnitate conceptus formalis & definitiui, est vnitatis re-
rum singularium; singularia enim sunt naturis diuisa, &
solum definitione & conceptu formali, sunt vnum: vni-
uersale autem in essendo est quid non singulare, vnde
eius propria vnitatis est illa quæ conuenit naturæ non sin-
gulari, ac proinde abstractæ à singularibus.

Dices per abstractionem effici quidem, naturā in se
vnā, sed nō effici vnā respectu omnium indiuiduo-
rum. R. Cum natura abstrahitur ab vno indiuiduo, nō
abstrahitur solum à differentia vnus indiuidui, sed à dif-
ferentiis omnium indiuiduorum: quia consideratur sine
differentiis quorumcunq; indiuiduorum; quo fit vt sic ab-
stracta sit vna pro omnibus indiuiduis eo prorsus modo,
ac si ab omnibus & singulis singillatim abstraheretur.

Natura abstracta ab vno indiuiduo abstrahitur ab omnibus indiuiduis.

Rr

Neque

Neq; enim ad hanc abstractionem opus est cognoscere singula individua & differentias ipsorum: sed sufficit non considerare in natura vllas differentias quorumcunque individuorum. Quocirca per abstractionem natura efficitur vna natura omnium individuorum; siquidem non est altera & altera, quia abstrahit à differentiis numericis facientibus illam alteram.

Natura abstracta ab vno individuo esset, cum natura abstracta ab alio.

Dices naturam abstractam à Petro non esse naturam abstractam à Paulo. R. Immo verò esse vnam & eandem naturam: quia quæ nullo modo differunt sunt vnum, at istæ naturæ nullo modo differunt, quia non habent per quid differant; sunt enim abstractæ à suis differentiis numericis, per quas formaliter differunt. Sunt igitur vna & eadem natura; alioqui si est altera & altera, nondū est abstracta à differentiis numericis facientibus eam alteram. Verum quidem est in Petro & Paulo esse alteram & alteram, quia identificatur differentiis indiuiduis Petri & Pauli: at abstracta ab his differentiis desinit esse altera & altera, ac ex consequenti fit vna & indiuisa: sublata enim causa diuersitatis, tollitur & effectus, & impossibile est esse alterum si non adsit id quod facit alterum.

Instantia de Natura in vno tantū indiuiduo existente.

Dices si natura non possit habere nisi vnum indiuiduum. V. G. natura Michaëlis quæ secundum D. Thomam non potest esse nisi in indiuiduo. Talis natura per abstractionem non erit natura vna multorum. Resp. 1. id esse ex accidenti, quia non dantur illius naturæ plura individua; at si darentur, natura illa per abstractionem illam, quantum est ex se, esset vna natura omnium individuorum; esset enim indifferens ad omnia individua; neq; enim tunc maiori abstractione opus esset, ad hoc vt esset vna respectu omnium indiuiduorum. Secundo. Respondet alij, ad hoc vt natura per abstractionem efficiat-

ficiatur vna natura omniū indiuiduorum, debet esse natura communicabilis & multiplicabilis; ita vt eadē abstractio in natura communicabili sufficiat ad vnitatem communem multis; in natura verò incommunicabili non sufficit. Verū hæ responsiones coincidunt in vñ.

Dico quartò. Intellectus per abstractionem facit naturam verè vniuersalem, duo enim sunt de ratione vniuersalis, vnitatis & ordo ad multa; atque per abstractionem natura fit, & vna & indifferens ad multa, ac proinde apta esse in multis; Ergo per abstractionem sufficienter intellectus facit naturam vniuersalem. Minor probatur. per abstractionem enim tollitur omnis diuisio naturæ per differentias; sublati enim differentiis diuisibilibus, remanet natura indiuisa & vna. Similiter posita abstractione, sequitur ordo & aptitudo naturæ ad essendum in multis; licet enim hanc aptitudinem habeat natura à parte rei; quia re vera est in multis; tamen nō habet à parte rei aptitudinem, per modū vnius, & cum indiuisione sui, essendi in multis: est enim à parte rei in multis sed diuisa non vna; per abstractionem verò habet, vt sit apta esse vna in multis: vnde hæ aptitudo nō est realis sed rationis, quia est fundata in abstractione, quæ fit per rationem.

Intellectus per abstractionem facit vere vniuersalem.

Dices hanc aptitudinē ad multa non consequi naturā abstractam nisi apprehendatur, cum enim sit ens rationis, non existit nisi apprehendatur; quare præter abstractionē requiritur alia actio intellectus ad faciendā naturam vniuersalē. R. Hanc aptitudinē esse non repugnantiam ad multa; non repugnantia autem cum formaliter non sit ens, sed non ens, non habet opus vt apprehendatur, apprehensio enim solum requiritur ad ens rationis, q̄ per apprehensionem habet rationē entis, negationes

Non repugnantia nō habet opus vt apprehendatur.

R. 2^a autem

autem cum non sint entia, sed esse illarum sit non esse; non egent apprehensione sed conueniunt absolutèposito fundamento.

Natura per potentiam ad multa constituitur actu vniuersalis.

Sed obiicies si natura constituitur vniuersalis per aptitudinem ad essendum in multis, erit solum potentia non actu vniuersalis: aptitudo enim dicit potentiam. R. per illam potentiam & aptitudinem ad multa naturam constitui actu vniuersalem; quia illa potentia conuenit illi actu, & sufficit ad vniuersalitatem supposita unitate naturæ. Nam etiam potentia potest rei competere actu. Sic potentia animæ, sunt potentia respectu actuum & obiectorum; respectu verò subiecti quod reddunt actu potens sunt verè actus. Pari ergo ratione ordo potentialis ad multa, est quidem potentialis respectu actualis in existentia; tamen respectu subiecti seu naturæ, est actualis; quia est actus naturæ, & facit naturam actu potentem & aptam ad multa. Distingui enim debet actus primus ab actu secundo; actus primi sunt potentia à quibus procedunt operationes; actus verò secundi sunt operationes. Per potentiam ergo ad multa, natura est vniuersalis in actu primo; per actualement autem in existentiam est in actu secundo: Constituitur autem vniuersale per actum primum non per secundum, vti & cæteræ res.

Natura est actu in multis non est vniuersalis.

Dico quintò. Natura tam vt existit actu in multis, quam vt consideratur actu esse in multis, non est simpliciter vna & vniuersalis, sed solum vt est abstracta à multis; Explico. Magnū est, discrimen inter naturā abstractam à multis, & existentē actu in multis: nam abstracta per abstractionē denudatur ab omnib. differentiis ipsam diuidentib⁹; vnde remanet omnimodo indiuisa, & simpliciter vna; quia non habet per quod diuidatur. Vnde etiam ex consequenti habet cum unitate & indiuisione
apti-

aptitudinem & indifferentiam ad multa, per quod cōpletur in ratione vniuersalis. Etenim sic abstracta non est magis huius quam illius individui, neq; est magis determinata ad vnum quam ad alterum.

At cū consideratur esse actu in multis, consideratur vt identificata multis; ac proinde vt diuisa in multis; vnde non potest in tali statu considerari vt indiuisa, sed potius vt diuisa; & ex consequenti non potest esse vniuersalis, quia sine vnitate non est vniuersalitas. Nam sicut per abstractionem à multis fit indiuisa; ita per coniunctionem in multis, fit diuisa, & perdit vnitatem & indiuisiōem, quam habuit ex abstractione. Exemplum est in quantitate: hæc enim antequam diuidatur in multa, manet vna & indiuisa quantitas, & habet aptitudinem vt diuidatur. Quando verò actu diuiditur, perdit indiuisiōem & vnitatem, & ex vna quantitate fiunt multe quantitates. Pari ergo ratione natura ante omnem diuisiōem, per differentias singulares, à quibus abstrahit, est indiuisa & vna, & habet cum vnitate & indiuisiōe, aptitudinem tum ad essendum in multis, tū vt diuidatur in multa: vnde in statu abstractionis nihil illi deest ad vniuersalitatē. Cum verò consideratur in multis; eo ipso consideratur vt multiplicata & diuisa, siquidem est in multis per identificationem cum multis, ex qua identificatione habet multiplicari & diuidi. Quod enim identificatur multis, fit multiplex, vnde natura in hoc statu non potest dici indiuisa & vna simpliciter, ac proinde nec vniuersalis.

Natura in multis est diuisa & multiplex.

At obiciēs, potest natura simul esse vna & multiplex, vna per abstractionem, multiplex prout est in multis. R. In diuerso statu posse ista simul competere eidem naturæ, nam prout est in intellectu, est abstracta

Natura in diuerso statu vna & multiplex.

& vna, prout est in re, est multiplex non vna: At in eodem statu nō possunt ista duo simul conuenire naturā, cum sint contraria & vnum tollat aliud, verbi gratia, natura vt est in intellectu obiectiue nō potest simul esse abstracta à multis, & coniuncta cum multis; nec per abstractionem indiuisa, per coniunctionem diuisa: abstractio enim, cum est, tollit coniunctionem, & coniunctio abstractionem, neq; possibile est eandem naturam, per intellectum simul coniungi & non coniungi, abstrahi & non abstrahi, vnde cum hi actus fiunt ab intellectu, non fiunt simul sed successiue. Similiter à parte rei non potest natura simul esse realiter diuisa in multis, & realiter indiuisa. Cum igitur de ratione vniuersalis sit, vt naturā in eodem statu conueniat vnitas & ordo ad multa: ordo autem actualis inexistentiæ in multis non potest conuenire naturā in eodem statu, in quo natura est vna, hoc est in statu abstractionis, per intellectum: sequitur hunc ordinem non posse constituere naturam vniuersalem. Nam si sit realis inexistentiā in multis, conuenit naturā in alio statu, quem habet extra intellectum à parte rei, & conuenit naturā diuisā non indiuisā. Si verò sit existentiā in multis per considerationem intellectus, ea consideratio pugnat directe cum abstractione: abstractio enim est consideratio sine multis, hæc verò est consideratio cum multis. Coniungi autem & seiungi à multis per considerationem, sunt contraria, ex quo patet naturam non fieri vniuersalem, nisi per aptitudinem ad multa, quia hic solum ordo ad multa conuenit naturā abstractā, & salua eius abstractione & vnitatem. Alius verò ille ordo actualis inexistentiæ in multis, destruit, cum abstractionem naturā, tum vnitatem. Et procul dubio hæc est sententia

*Non potest si-
mul natura ef-
se abstracta à
multis & con-
iuncta multis.*

tia Aristotelis & Peripateticorum, qui omnes docent, naturam fieri vniuersalem per abstractionem à multis, non per coniunctionem cum multis, ac proinde, cum ordinem ad multa tribuunt vniuersali, illum solum tribuunt, qui conuenit naturæ, vt est abstracta à multis, non verò vt est coniuncta multis; talis autem ordo est aptitudinalis, non actualis: nam ordo actualis tollit & abstractionem & vnitatem naturæ, quæ in abstractione fundatur: ordo autem qui tollit vnitatem vniuersalis tollit essentiam vniuersalis; quod autem tollit essentiam, non constituit essentiam, & hæc est à priori ratio huius sententiæ & nostræ conclusionis.

Potest autem eadem conclusio confirmari aliis quoq; efficacibus argumentis. 1. Si natura in Petro & Paulo esset vna siue in re siue per intellectum, sequeretur Petrum & Paulum esse vnum & indiuisum substantialiter, & esse consubstantialem alteri; at hoc est falsum, quia Petrus & Paulus habent naturas diuisas, quarum vna non est altera: ergo non possunt concipi habere naturam indiuisam. Diuisum enim, quâ diuisum non potest concipi indiuisum & vnum: at natura quatenus est in Petro est diuisa, non potest igitur concipi indiuisa: sed si concipitur indiuisa, concipitur vt abstrahit à Petro & Paulo, & est extra Petrum & Paulum per abstractionem. Dices Petrum & Paulum non esse vnum à parte rei sed per intellectum. Contra, ne intellectus quidem potest concipere vnum quatenus est multiplex; at natura vt est in Petro & Paulo est multiplex, ergo vt est in Petro & Paulo, non potest concipi vt vna.

*Alia rationes.
Multa et multa
essent vnum.*

2.

*Uniuersalia ef-
sent monstra*

Secundo. Quando intellectus res diuinas concipit vt vnum quid & indiuisum, dicitur facere monstrum, vt patet in hircoceruo, ex duabus enim essentiis diuersis hirci & cerui, facit vnā essentiam hircocerui: atqui similiter duæ naturæ Petri & Pauli sunt in re diuersæ, ita vt vna non sit altera. ergo si illas concipit esse vnā naturam & essentiam, facit monstrum, quia duo diuersa substantialiter facit vnā substantiam. Etenim cum intellectus fingit hircoceruum, non mutat à parte rei naturam Hirci & Cerni, sed tantam mutat obiectiue, concipiendo rem ex hircō & ceruo compositam, eaque ratione dicitur fingere monstrum.

Dices tunc fingi monstrum quando vniuntur in vnum res incompatibiles. Contra, sicut vnio duarum specierum in vnā speciem est impossibilis, ita & vnio duarum substantiarum in vnā substantiam est impossibilis; naturæ autem in Petro & Paulo quatenus sunt in Petro & Paulo, sunt duæ substantiæ diuersæ: Ergo illarum vnio in vnā substantiam manente illarum diuisione, est impossibilis, ac proinde verè monstrum.

3.

*Esset homo alius
quam re-
natur sit.*

Tertio. Si natura vt est in Petro & Paulo fieret vna per intellectum, sequeretur Petrum aliū esse hominem factum per intellectum, quam re vera sit à parte rei: nam à parte rei Petrus est homo non identificatus Paulo, per intellectum verò fieret homo identificatus Paulo, ac proinde alius homo: nam homo identificatus Petro, per illam identificationem, cum differentia substantiali Petri, constituitur alius homo substantialiter.

Deinde natura identificata substantialiter alicui, est diuersa substantialiter à natura non identificata, quia in sua substantia continet id cui identificatur, quod natura

tura non identificata non continet. Vnde fieret vt per *Pradicaretur
nova substan-
tia de Petro.*
conceptum intellectus, quo concipit naturam identi-
ficatam Petro & Paulo, esse vnā; Petro accederet no-
ua substantia, quam ante non habebat. Nam ante ha-
bebat substantiam nulli alteri substantiæ identificatam;
per conceptum verò habet suam substantiam identi-
ficatam substantiæ Pauli, & factam substantiam Pauli.

Similiter cum Petrum concipit esse vnum animal *Petrum per pra-
dicationem ac-
quireret sub-
stantiā bouis.*
cum boue, faceret hoc conceptu Petrum acquirere sub-
stantiam bouis, & esse idem substantialiter cum boue,
& habere substantiam bouinā, quæ omnia sunt mani-
feste absurda. Ex quibus patet naturam Petri & Pauli
non posse effici per intellectum vnā, vt est in Petro &
Paulo, sed tantum vt est abstracta à differentiis Petri
& Pauli, ac proinde solum vt abstracta est, esse vniuer-
sale, non verò vt est vel concipitur existens in in-
diuiduis.

Sed obiicies, verissimè dicitur naturam vniuersa-
lem esse vnā in multis, ita enim & Aristoteles. & om-
nes loquuntur, ergo vbi existit in multis est vna & vni-
uersalis. Respondeo, naturam dici quidem vnā in
multis sed materialiter non formaliter, non enim qua-
tenus est in multis est vna, quia vt est in multis est mul-
tiplex & diuisa; neq; quatenus est vna, est in multis,
quia est vna per abstractionem à multis: quatenus au-
tem abstrahitur à multis, non est in multis, sed extra
multa. Solum igitur materialiter est verum illam quæ
est in multis, prout abstrahitur à multis esse vnā; &
illam quæ per abstractionem à multis est vna, esse quoq;
in multis: ita tamen vt essendo in multis desinat esse
abstracta & vna.

Deinde natura existens in multis est vna, sed fundamentaliter tantum & in potentia, quia habet fundamentum ut possit per abstractionem concipi & fieri vna. Deniq; est vna in multis sed vnitatem extrinsecam, non intrinsecam: nam intrinsecè est diuisa & multiplex in multis: extrinsecè verò per denominationem à conceptu formali est vna secundum definitionem, quia omnibus illis naturis, vna definitio naturæ competit.

Quoniam hæ omnes vnitates non sufficiunt ad vnitatem vniuersalis. Nam vniuersale debet esse vnum formaliter, quatenus habet ordinem ad multa, debet etiam esse vnum non fundamentaliter & in potentia, sed in actu. Deniq; debet esse vnum intrinsecè non extrinsecè, quia si sit intrinsecè diuisum nõ erit vna natura sed plures naturæ singulares; de ratione autem vniuersalis in essendo est esse naturam non singularem & indifferentem ad omnia singularia.

Soluntur argumenta in contrarium.

Primum.

Ex dictis facile soluuntur argumenta quibus naturæ vniuersales impugnantur. Primum est. *Intellectus* non potest efficere naturam ad id aptam quod ei repugnat, verbi gratia, non potest efficere naturam hominis aptam ad rudendum, nec naturam asini aptam ad ridendum, quia hæ proprietates his naturis repugnant, nec potest intellectus mutare naturas rerum, nec facere, ut quod secundum naturam repugnat, non repugnet. Atqui naturæ quæ est in Petro repugnat omnis alia singularitas, præter singularitatem Petri; ergo non potest intellectus facere naturam illam aptam & indifferentem ad omnem singularitatem. Minor patet, id enim maximè repugnat naturæ, quod ei ne per Dei quidem potentiam potest conuenire: at ne per Dei qui-

quidem potentiam potest natura Petri esse natura alteriusquam Petri, neq; alia substantialiter quam sit, neq; Petrus potest effici Paulus, ergo naturæ Petri repugnat omnis alia singularitas.

Solvitur; naturæ quæ est in Petro repugnare omnem aliam singularitatem, non per se & ex ratione formalis naturæ, sed ex accidēti, propter identificationem, cum differentia individuali Petri, quare solum ex suppositione talis identificationis, non potest illi advenire nova singularitas. Quia igitur per abstractionem, tolli potest hæc identificatio, & potest concipi natura absq; hac identificatione, ideo potest etiam concipi absq; repugnantia ad omnem aliam singularitatem.

Natura quæ est in Petro quomodo repugnat omnis alia singularitas.

Secundum est. Quælibet natura ex sua essentia est singularis, omni enim alio ablato & relicta sola natura, erit natura illa indivisa in se, & diuisa à quocunq; alio, quod est esse vnā numero & singularem, ergo non potest per intellectum abstrahi à singularitate. Resp. Naturam non ex sua essentia formaliter esse singularem, sed ex identitate cum differentia singulari. Quare sicut potest abstrahi à differentia, ita & à singularitate. Porro etsi cum concipitur natura abstracta ab omni existentia & singularitate, quam habet in rebus; concipitur, vt vniuersalis: quia tamen sic concepta habet existentiam obiectiuam & intentionalem, ideo habet etiam singularitatem quandam obiectiuam, ratione cuius est vna obiectiue, & in illo esse obiectiuo diuisa in se, & diuisa à quocunq; alio, Verum hæc singularitas obiectiua, non impedit abstractionem à singularitate reali.

Secundum.

Natura singularis est non ex sua essentia sed ex identitate cum singularitate.

Tertium. Natura abstracta vel est eadem cum natura singulari vel diuersa; non eadem, quia natura iden-

Tertium.

tificata substantiæ Petri, differt substantialiter à natura non identificata. Et sicut natura Petri, quia est identificata substantiæ Petri, differt substantialiter à natura Pauli, quæ est identificata substantiæ Pauli: Ita & hic propter identificationem substantialem, differt substantialiter à natura non identificata. Non est etiam diuersa, quia illa ipsa quæ est identificata, concipitur non identificata, alioqui hic homo non esset homo, nec essentia abstraheretur à Petro sed potius non essentia.

*Natura abstracta
est a quomodo e-
adem cum sin-
gulari & non
eadem.*

Soluitur; Naturam Petri sumptam formaliter vt natura est, & secundum rationem formalem naturæ, esse eandem cum natura abstracta, non esse verò eandem, si sumatur cum identificatione cum Petro. Eadem enim formaliter natura est, quæ concipitur sub identificatione & sine identificatione.

Quartum.

Quartum. Si vna esset natura multorum, sequeretur illa multa non esse à se naturis diuisa, sed esse sibi identificata: essent etiam omnes propositiones essentielles falsæ; falsum enim est Petrum esse hominem, identificatum Paulo, aut esse animal identificatum bovi. Respondeo. Hæc & similia rectè probant nostram quintam conclusionem: non enim dicimus naturam esse vnā in Petro & Paulo existentem sed abstractam à Petro & Paulo.

Quintum.

Quintum. Si natura per abstractionem efficeretur vniuersalis, sequeretur naturam leonum vt per imaginem pictam repræsentatur in abstracto, esse naturam vniuersalem, & sic per picturam fieret vniuersale. Nam sicut natura per conceptum formalem repræsentata indeterminatè, fit per talem repræsentationem vniuersalis. Ita & natura leonis repræsentata indeterminatè

matè in abstracto per imaginem pictam, sit vniuersalis: non enim repræsentatur per imaginem hic vel ille leo determinatè, sed leo absolutè. Neque dici potest leonis essentiam non repræsentari in imagine picta, sed accidentia: nam etiam in conceptu formali nõ repræsentatur essentia secundum se, sed vt substantia accidentibus. Deinde illa ipsa accidentia leonis repræsentantur in abstracto vt in vniuersali, ergo saltem illa accidentia, vt sic repræsentata, erunt vniuersalia in essendo. Quod si dicas imaginem leonis esse vniuersalem tantum in repræsentando, quia omnes leones repræsentat, non autem in essendo, quia non est essentia omnium leonum. Contra, nos non loquimur de imagine repræsentatæ, quam certum est esse vniuersalem in repræsentando non in essendo, sicut & conceptus formalis qui est imago quædam in mente, non est vniuersalis nisi in repræsentando: sed loquimur de re repræsentata, quæ quia repræsentatur in abstracto (sicut & natura in intellectu) debet esse vniuersalis in essendo: natura enim abstracta à singularibus est vniuersalis in essendo.

Pictura singulare indeterminate repræsentat non vniuersale.

Soluitur. Natura repræsentata per imaginem pictam, repræsentatur tanquam singularis indeterminatè, non verò tanquam vniuersalis & abstracta ab omni singularitate: hoc enim modo repræsentatur solum in intellectu, & ideo solum ex repræsentatione intellectu-ali est vniuersalis, non verò ex repræsentatione picturæ. Repræsentatio enim imaginis pictæ, fundatur in eius similitudine eum leonibus veris; at dubium non est, similitudinem illam esse rei singularis, & terminari ad rem singularem, licet sub ratione singulari indeterminata: intellectus verò abstrahit naturam ab omni singularitate. vnde intellectus non pictor facit naturam vniuersalem.

QVÆSTIO V.

Quæ & qualis sit unitas naturæ vniuersalis.

*Natura vni-
uersalis neces-
sario vna.*

Dico primò. Naturam vniuersalem necessariò esse vnam, Patet id ex definitione vniuersalis, quod est vnum respectu multorum; non enim multa in multis, sed vnum in multis dicitur vniuersale. Quare non sufficit ad rationem vniuersalis ordo & multa, sed requiritur ordo vnius ad multa. Vt si sit ordo multorum ad multa non facit rem esse vniuersalem; nam naturæ à parte rei sunt multæ in multis, neque tamè idcirco sunt vniuersales. Hanc unitatem expressit Aristot. definiens vniuersale esse id, quod est aptum esse in multis, vel dici de multis in singulari non in plurali.

*Natura vni-
uersalis vna
intrinsicè.*

Dico secundò. Naturam vniuersalem esse vnam, obiectiuè & intrinsicè, non verò solum per denominationem extrinsecam ab unitate conceptus formalis. Ratio est quia est vna per abstractionem ab omnibus differentiis singularibus, & per carentiam eorum omnium quæ illam diuidere possint: ergo est intrinsicè vna & indiuisa, quia nihil habet per quod intrinsicè diuidatur; & sicut si natura realiter existeret sine differentiis indiuidualibus, esset intrinsicè vna & indiuisa, ita & intellectu, cum fuerit spoliata per abstractionem omnibus differentiis illam diuidentibus, erit intrinsicè vna. Deinde si natura esset intrinsicè diuisa & multiplex per differentias & solum extrinsecè secundum conceptum vna, essent plures naturæ singulares similes, secundum vnam rationem & definitionem conceptæ, nō autem esset natura non singularis, quod requiritur ad

ratio

rationem vniuersalis in essendo. Vnde etiā sequeretur naturam esse vniuersalem extrinsecè, & secundum esse extrinsecum quod habet in mente; intrinsecè autem nō esse vniuersalem, sed multas singulares.

Dico tertio. Vnitatem naturæ vniuersalis esse vnitatem communem, secundum quam natura non solum in seipsa est vna, sed etiam est vna respectu multorū, quæ dicitur vnitas communis. Explico. Natura tripliciter potest considerari. 1. secundum se & sua prædicata essentialia. 2. vt est natura huius indiuidui particularis. 3. vt est natura communis omnibus indiuiduis. In hoc triplici statu triplex quoque conuenit vnitas naturæ. Nam natura secundum se, est vna vnitatem formalem seu essentiali; & abstrahit ab vnitatem vniuersali & particulari; quia natura secundum se tantum dicit sua essentialia, & vnitatem in essentialibus, & quia nec vniuersalitas nec particularitas est de essentiali naturæ, ideo natura secundum se sicut abstrahit ab vniuersalitate & particularitate, ita & ab vnitatem vniuersali & particulari, verumque est quod sanctus Thomas, & communiter Doctores dicunt, naturam secundum se nec esse vniuersalem, nec particularem, sed tantum naturam sub ratione naturæ. Quod si dicas naturam secundum se necessario esse abstractam à singularibus; eo enim ipso quod secundum se consideratur, non consideratur vt est in singularibus: natura autem abstracta à singularibus est vniuersalis. Respond. Naturam secundum se esse vniuersalem consecutiue, quia consequitur ad eam vniuersalitas, non verò formaliter, quia in sua ratione formali non includit vniuersalitatē, vniuersalitas enim non est de essentiali naturæ.

Vnitas vniuersalis est vnitas communis.

Natura secundum se nec vniuersalis nec singularis.

*Natura & exi-
sit in singula-
ribus.*

*Natura & exi-
sit in intelle-
ctu.*

*Vnitaeformalis
& vniuersalis
differunt.*

*Natura vni-
uersalis est vni-
uocae.*

*Analogum nō
est vere vniuer-
sale.*

Si verò consideretur natura vt est particularis huius-
vel illius individui, sic est vna vnitae numericā & sin-
gulari, quam habet à differentiā numericā, per quam
constituitur in ratione individuali. Denique si natura
consideretur vt est communis omnibus individuis, sic
illi conuenit vnitae communitatis, quam acquirit natu-
ra per abstractionem: per abstractionem enim redditur
indifferēs ad multa, & communis multis. Differt au-
tem hæc vnitae ab vnitae formali, quia vnitae formalis
est vnitae naturæ, vt natura est; vnitae verò communis
conuenit naturæ, vt abstracta est: quare vnitae commu-
nis, includit vnitatem formalem, & addit illi respectum
ad multa, ita vt natura, quæ est in se vna formaliter, sit
etiam vna formaliter respectu multorum. Quare eadem
est vnitae formalis & vnitae communis, sic enim com-
munis, cum sumitur respectu multorum.

Dico quartò. Natura vniuersalis est vna vniuocae.
Ratio est, quia est vna per abstractionem à differentiis
singularibus. At natura quæ præscindi potest à diffe-
rentiis singularibus, est vniuocae; quia non habet per
quid diuersificetur, cum tota diuersificatio naturæ sit à
differentiis. Ex quo patet, analogum non esse verè &
propriè vniuersale: quia non potest perfectè præscindi
à differentiis inferiorum sed solum sicut confusum ab
expresso, vt suo loco dicitur. Quocirca & Aristoteles
3. Metaph. tex. 10. negat ens esse genus, quia non potest
præscindi perfectè à differentiis: inuoluitur enim in
suis differentiis: & 4. Metaph. t. 2. ait ens non esse vni-
uocum sed analogum, nec significare vnā naturam,
sed tantum ab vno vel ad vnum: In 5. etiam Metaph. tex.
12. distinguit vnum analogicè ab vno genere vel specie,
alia, inquit, numero, alia specie, alia genere, alia analo-

gia.

gia, vnum sunt, ibique hæc omnia distinctis definitionibus definiuntur, additque ea quæ vnum sunt analogiâ, non omnia esse vnum genere. In primo verò postea. text. 25. oportet inquit vniuersale aliquid vnum & idem esse in pluribus non æqui-uocè. Vbi nomine æqui-uoci more solito etiam analogâ comprehendit. Nihilominus latè sumendo nomen generis & speciei, potest ob similitudinem quandam nomen generis & speciei analogis quoque applicari. Et sic Arist. 4. Met. r. 2. entia assignat species & specierum species.

QVÆSTIO VI.

Qualem ordinem ad multa dicat natura vniuersalis?

A Ristoteles in definitione vniuersalis, ordinem ad multa exponit per aptitudinem ad essendum in multis & prædicandum in multis 7. Metaph. tex. 45. hoc inquit, dicitur vniuersale, quod pluribus naturâ aptum inesse, & 1. Peri. c. 5. Dico autem vniuersale, quod in pluribus prædicari natum est, Nam etiam si 1. de part. c. 4. dicat vniuersale esse id quod inest multis & 1. postea. tex. 26. ait esse vnum in pluribus: tamen non ait esse actum in pluribus, sed exponendus est secundum aptitudinem, uti seipsum exponit in definitionibus vniuersalis, quas ex professo tradidit.

Dico igitur 1. de ratione vniuersalis esse ordinem ad multa, ita ut nullum detur vniuersale absolutum, sed tantum respectiuum. Est contra quosdam recentiores, qui distinguunt vniuersale in absolutum & relatiuum, ita ut vtrumque sit formaliter vniuersale. Absolutum dicunt esse

*Ordo ad multa
est de ratione
vniuersalis.*

T t. natu-

*Opinio asserens
vniuersale ab-
solutum.*

naturam abstractam, ad quam consequitur vnitas & aptitudo ad multa, tanquam proprietates: essentiam verò vniuersalem consistere in illa constitutione naturæ, secundum quam est in se disposita proximè vt referatur ad multa, quare antequam referatur ad multa, esse vniuersalem. Quod explicant primò similitudine indiuidui. Indiuiduum enim seu singulare opponitur vniuersali, sicut ergo indiuiduum constituitur in ratione indiuiduali per differentiam indiuidualem, ad quam consequitur vnitas indiuidualis & aptitudo ad prædicandum de vno solo; ita, vt, vnitas & aptitudo non constituat rationem formalem indiuidui, sed consequenter ad rationem indiuidui; ita & vniuersale, prius constituitur per abstractionem in ratione vniuersalis, tum consequuntur vnitas & aptitudo ad multa per modum proprietatum. Secundò. Exemplo Idearum: si enim Ideæ Platonice quæ secundum Platonem sunt naturæ vniuersales, essent actu subsistentes, essent procul dubio vniuersalia absoluta.

Refellitur.

Verum hi Autores, si loquuntur de vniuersali fundamentaliter, verum dicunt: natura enim absoluta est fundamentum vniuersalitatis. At si loquuntur de vniuersali formaliter, non sunt admittendi.

I.

*Absolutū vni-
uersale Arist.
non agnoscit.*

Primò. Quia Aristoteles nullum aliud vniuersale agnouit nisi respectiū, siquidem illud definit per ordinem ad multa. Vocat quidem sæpe naturas absolutas vniuersalia, vt cum ait de vniuersalibus esse scientiam; de naturis enim absolutis, non de vniuersalitate est scientia: Tamen naturas absolutas idcirco vocat vniuersalia, quia sunt communes & dicunt ordinem ad multa. Tum, quia secundum definitionem vniuersalis à se traditam vocat eas vniuersales; Tum, quia

quia cum probat aliquid esse vniuersale, probat ex ordine ad multa, vt 7. Metaph. c. 45. hoc enim, inquit, dicitur vniuersale quod pluribus naturâ aptum est inesse.

Secundò. Ratione, quia nihil dicitur vniuersale nisi respectu multorum. Qualemunque enim dispositionem res in se habeat, nisi cognoscatur in ordine ad multa, non cognoscetur, vt vniuersalis. Nam etiam de naturâ illa absoluta si quærat, quare sit vniuersalis, nõ aliter responderi poterit, nisi quia est apta esse in multis. Neque dici potest hanc rationem esse à posteriori, à priori enim nulla aliadari potest. Nam si dicas naturam illam absolutam, quia est abstracta, esse formaliter vniuersalem, & per abstractionem constitui in ratione formali vniuersalis absoluti: contra; quia abstractio solum facit formaliter naturam non singularem, non verò positivè vniuersalem: abstrahi enim est concipi sine singularitate, & effectus formalis ipsius adæquatus, est facere naturam non singularem. Porro vniuersalitas non est formaliter negatio singularitatis, hoc enim hucusque nullus asseruit, cum sit contra communem notionem de vniuersali.

2.
*Vniuersale nõ
dicitur nisi re-
spectu multo-
rum.
Natura quare
vniuersalis.*

*Abstractio for-
maliter facit
naturam non
singularem.*

Tertio. Nulla est ratio, propter quam natura absoluta dici debeat vniuersalis formaliter, secundum esse absolutum. An quia denominatur vniuersalis? at hæc denominatio non fit nisi ab vniuersalitate respectiua, eo modo quo subiectum denominatur à forma accidentali, verbi gratia, Paries denominatur albus ab albedine, similis à similitudine. An quia est talis in se, vt ei ordo ad multa necessariò cõpetat; at hoc est esse fundamentum vniuersalitatis. Fundamentum enim relationis est illud ad quod necessariò consequitur relatio.

3.
*Natura abso-
luta est solum
fundamenta-
liter vniuersa-
lis.*

V. G. albedo ita afficit subiectum, vt ei necessario competat similitudo: num igitur, propterea albedo dici debet similitudo formaliter, aut similitudo absoluta? num etiam similitudo formaliter distinguere debet in absolutâ & relatiuam? An non eo ipso, quod aliquid est dispositio ad aliquam formam, dici non potest ipsa forma, sed quid disponens ad formam. Quocirca & abstractio cum sit dispositio ad vniuersalitatem, non poterit dici vniuersalitas formaliter, sed tantum fundamentaliter.

Neq; obstat illa similitudo indiuidui: indiuidui. n. ratio est absoluta; vniuersalis verò ratio est respectiua; opponiturque indiuiduum vniuersali sicut absolutum respectiuo. Vnde non sequitur, si absolutum constituitur in suo esse per differentiam absolutam; etiam respectiuum per differentiam absolutam constitui debere. Id enim ratio oppositionis non exposcit, sed tantum, vt per differentiam oppositam constituitur: differentia autem respectiua est opposita differentiæ absolutæ. Deinde per abstractionem vniuersale solum, opponitur singulari, vt non singulare singulari. Quæ oppositio non est formaliter in vniuersalitate, sed in non singularitate, In vniuersalitate autem opponetur singulari, quatenus vniuersale respicit multa, singulare verò respicit vnum tantum. Quod verò ad Ideas attinet, eæ si essent, secundum esse absolutum, essent vniuersales, fundamentaliter; secundum verò ordinem ad multa, essent vniuersales formaliter; ex quibus patet illud vniuersale absolutum tantum esse fundamentaliter vniuersale, & ita prorsus se habere ad vniuersalitatem, sicut albedo se habet ad similitudinem vti dictum est.

Dico

Dico secundò. Non quivis ordo ad multa, sed solùm is qui fundatus est in vnitatem naturæ, constituit naturam vniuersalem: non enim ordo multorum ad multa, sed vnus ad multa est vniuersalis. Vnde Aristot. passim vocat vniuersale vnum in multis. Vnitas autem in qua fundatur ordo vniuersalis, est vnitas communis orta ex abstractione, vt patet ex præcedenti quaestione. Porro vnitas naturæ ita requiritur ad hunc ordinem, vt necessariò simul esse debeat cum ordine. Cum enim sit fundamentum ordinis vniuersalis, sublato fundamento non potest esse ordo; quare necesse est vt vnum manens vnum dicat ordinem ad multa. Quod dico propter quædam prædicata, quæ conueniunt subiectis, non in sensu composito, sed diuiso; vt cum dicimus cæcum videre; cæcus enim manens cæcus non videt, sed videndo desinit esse cæcus. Non ita in vniuersali dicimus, vnum habere ordinem ad multa, necesse enim est, vt vnum manens vnum, dicat ordinem ad multa; quia vnitas vt dictum est, est fundamentum ordinis; quare ordo manere non potest, nisi maneat ipsius fundamentum, quod est vnitas cum abstractione: requiriturq; vt vnum quatenus vnum dicat ordinem ad multa.

Quoniam ordo ad multa constituit naturam vniuersalem?

Vnum refertur ad multa manens vnum.

Dico tertio. Ordo ad multa non actualis, sed aptitudinalis, constituit rationem vniuersalem: nam ordo actualis in existentia, tollit & destruit rationem propriam vniuersalem, quæ in abstractione & vnitatem consistit, vt quaest. 4. declaratum. Deinde ordo aptitudinalis conuenit naturæ abstractæ & diuisæ: actualis verò conuenit, naturæ contractæ & diuisæ; ac proinde naturæ non vniuersali.

Ordo ad multa aptitudinalis est de ratione vniuersali.

Terminus ordinis vniuersalis.

Dico quartò. Terminus, quem hic ordo respicit, est esse in multis, & dici de multis, est enim aptitudo ad essendum & prædicandum de multis. Sunt autem hi termini sibi subordinati, dici enim sequitur ad esse, & dici de multis ad esse in multis. Porro explicandû est, quid sit esse in multis, & quomodo distinguatur à dici de multis.

Natura est in multis per identitatem.

Quantum ad primum. Naturam esse in multis est esse per identitatem in illis. Neq; enim natura à parte rei distinguitur ab inferioribus, vt supra ostensum est: neq; res distingui potest à suâ essentiâ, cum per essentiam sit, id quod est, vt in eo in quo distingueretur ab essentia, nõ esset essentialiter talis. Ex quo infero, naturâ ita esse in multis, vt fiat multa, & multiplicetur substantialiter in illis. Quod enim est idem cum multis, quatenus multa sunt, necessariò est multiplex, quia eius substantia, est multorum, cum quibus est idem substantialiter. Deinde, esse in multis, est diuidi in multa: quia enim natura idem cum multis, multa autem vt multa sunt à se diuisa, sequitur, quod esse in multis, sit diuidi in multa. Fit autem hæc diuisio per differentias, siue specificas, siue numericas: quæ cum identificentur naturæ, faciunt eam substantialiter diuisam & differentem. Ex quo sequitur naturam eò ipso quod est in multis, esse diuisam substantialiter, & amittere omnem indiuisiōem, sicut & quantitas, cum actu diuiditur, desinit esse vna. Nam licet quantitas sit vna, cùm sit diuisio, quia nisi esset vna non posset diuidi, & necesse sit præsupponi vnitatem quantitatis, vt ab ea incipiat diuisio: tamen in ipsa diuisione desinit esse vna.

Naturam esse in multis est diuidi & multiplicari.

Quantum ad secundum. Quidam pro eodem habent, naturam esse in multis, & dici de multis: non enim

enim inquit est in multis nisi per prædicationem. Nam licet sine prædicatione sit in multis multiplex, tamen non potest esse vna in multis, nisi per prædicationem, vel in ordine ad prædicationem. Oppositum tamen verius est ista duo esse formaliter distincta: nam natura est in multis, per identitatem, & per contractionem per differentias específicas, vel numericas: in identificatione autem, & contractione non inuoluitur prædicatio: prædicatio enim consistit in affirmatione vnius de altero.

Naturam esse in multis non est prædicari de multis.

Quod si quæras. An vniuersale manens abstractum & vniuersale, prædicetur de multis. Respondeo, præsupponitur quidem vniuersale formaliter, prædicationi, & est id quod assumitur ad prædicationem: per actum tamen prædicationis contrahitur ad subiectum. Ac proinde fit ex abstracto contractum, ex vniuersali particulare. Nam sicut natura humana, cum actu est in Petro, fit singularis: ita cum tribuitur Petro, restringitur ad singularitatem Petri. Vnde terminus homo secundum se quidem est vniuersalis, tamen per prædicationem, coniunctus cum Petro, fit singularis, ita vt ipsum prædicari sit singularizari.

Vniuersale per actum prædicationis fit particulare.

Dico quintò. Ordo ad multa seu aptitudo illa naturæ vniuersalis non est quid reale sed rationis. Ratio est quia ordo vniuersalis fundatur in vnitæte naturæ vniuersalis: est enim ordo vnius ad multa, seu ordo cum vnitæte & indiuisiõe naturæ ad essendum in multis: atqui vnitætas naturæ vniuersalis, non est quid reale sed rationis: ergo nec ordo in ea fundatus, neque enim ens rationis potest fundare ens reale, hoc enim excedit virtutem ipsius, fundare & causare maius

Ordo naturæ vniuersalis ad multa non est realis.

maius & perfectius ens quam sit ipsum. Vnde patet quod licet ordo multorum ad multa, seu ordo naturæ diuise sit quid reale, & inueniatur à parte rei: tamen ordo vnius ad multa cum vnitare & indiuisione naturæ, non est quid reale sed rationis.

Aptitudo natura vniuersalis non est quid positium.

Dico. sextò. Aptitudo naturæ vniuersalis non est quid positium, sed negatio repugnantiae. Est contra quosdam, qui dicunt, hanc aptitudinem esse relationem ad multa, relatio autem est quid positium: Nos verò dicimus, relationem illam esse quid consequens naturam vniuersalem per modum proprietatis, non autem constituere formaliter rationem vniuersalis. Ratio est, quia per solam aptitudinem negatiuam, hoc est, per non repugnantiam intelligitur sufficienter natura esse apta in multis; quia non habet repugnantiam ad essendum in multis, & quia hæc aptitudo est prior aptitudine positiua, cum sit fundamentum ipsius, ideo potius aptitudo negatiua quam positiua constituit rationem formalem vniuersalis.

Etiā negatio potest concipi respectu multorum.

At inquires non posse concipi aptitudinem ad multa nisi relatiuè; hoc est respectu multorum, relatio autem est quid positium. Respōdeo etiam negationem posse concipi: respectu multorum: si illa negatio, sit negatio multorum: tunc autem concipitur relatiuè, nō per positiuam relationem ad multa, sed per negationē relationis ad multa. Non repugnantia enim ad multa est negatio relationis repugnantiae ad multa. Vnde includit relationem negatam non affirmatam.

Dices, talem esse aptitudinem naturæ, qualem facit intellectus; at intellectus dum concipit naturam aptam ad multa, concipit illam cum relatione positiua ad multa. Ergo aptitudo naturæ est positiua. Resp.

Vtrobique;

Vtroq; modo concipi aptitudinem naturæ ab intellectu tam positivè quàm negativè: sed primo modo concipi aptitudinem accidentalem, & consequentem ad naturam vniuersalem, secundo vero modo essentialem, & constituentem rationem formalem vniuersalem.

Aptitudo natura concipitur tam positivè quàm negativè.

Ex quibus pater, omnia tria quæ concurrunt ad constituendum vniuersale, esse negativa. Nam abstractio dicit negationem singularium. Vnitas naturæ, dicit negationem diuisionis. Ordo ad multa dicit non repugnantiam ad multa. Cum qua triplici negatione sufficienter concipitur natura esse vniuersalis.

QVÆSTIO VII.

An omnis natura possit effici ab intellectu vniuersalis?

HÆc quæstio ex dictis resolui potest. Cum enim natura fiat vniuersalis per abstractionem: illa solum natura effici non poterit vniuersalis, quæ abstrahi à singularitate non potest. Talis est natura Diuina quæ cum essentialiter sit singularis, non potest secundum essentiam perfectè concipi nisi concipiatur singularis. Potest quidem in confuso concipi non concepta singularitate expresse, sicut & Analogum confuse conceptum abstrahit ab expressis rationibus analogorum: ac si perfectè concipiatur secundum essentialitatem rationem & secundum ea omnia quæ illi essentialiter conveniunt, non potest concipi sine singularitate, quæ est de essentia Diuinæ naturæ.

Natura diuina non potest effici vniuersalis.

*Duplex modus
concipiendi di-
uina attributa.*

Dices posse in Deo vnum attributum concipi & præscindi ab altero, vt intellectum à voluntate ergo poterit etiam natura Diuina concipi sine singularitate. Respondeo. Attributa Diuina dupliciter posse concipi sine singularitate vel secundum rationem transcendentalem communem Deo & creaturis & abstrahentem ab esse creato; vel secundum rationem esse Diuini quam habent in Deo. Primo ergò modo potest vnum attributum concipi sine alio, sed tunc concipietur secundum illud esse specificum Diuinum, secundum quod est in Deo. Nam esse Diuinum est esse per essentiam. Ita vt intellectus Diuinus per suam essentiam sit voluntas, & alia omnia attributa: & vnum quodq; attributum sit de essentia omnium, & omnia de essentia vnius, hoc enim requirit ratio entis per essentiam vt ex ratione sua formali sit omnia. Alioqui si non ex se sit omnia, erit omnia ab alio. Quocirca natura Diuina si concipiat ut Diuina, non potest sine singularitate concipi, nisi secundum rationem naturæ transcendentalem vt abstrahit à creata & increata. Vel secundum analogiam ad creaturas in quibus natura & singularitas sunt distincta.

Quod si instes animal in homine licet sit idem cum rationali posse tamen abstrahi à rationali: Ergo & hic. Respondeo esse disparem rationem. Nam animal in homine est idem cum rationali solum materialiter non formaliter: nam animal ex ratione sua formali non est rationale, nec inuoluit in suo conceptu formali rationalitatem. & ideo potest abstrahi secundum suam rationem formalem à rationali.

At

At in Deo propter peculiarem rationem entis per
essentiam, quælibet perfectio ex ratione suâ formali vè-
dicat sibi omnes: & ideo non potest ab illis abstrahi, vn-
de animal quasi ex accidenti determinatur ad rationale
cum non ex se sed ab alio sit rationale, quod de diuinis
perfectionibus dici non potest. Ex quo formatur talis
ratio: id enim quod abstrahitur est ex se indifferens ad
id à quo abstrahitur. At natura & omnis perfectio Di-
uina non est ex se indifferens sed potius ex se determi-
nata ad omnem aliam perfectionem Diuinam. Ergo
non potest abstrahi ab aliis perfectionibus, ac proinde
nec à singularitate. Illa enim indeterminatio repugnat
enti per essentiam.

*Cur Ena per se.
Dio Dei nō pos-
sit abstrahi ab
aliâ.*

Quia verò omnis alia natura præter diuinam po-
test abstrahi à singularitate. Ideo omnis alia natura
potest reddi vniuersalis saltem per non repugnantiam
Logicam seu per non implicationem contradictionis.
Neq; enim singularitas est de essentia vllius naturæ crea-
tæ cum nulla natura creata sit ens per essentiam, nec ex
se sed ab alio sit singularis. Sicut & aliorum prædica-
torum essentialium coniunctio in creaturis non est ex
se sed ab alio. Et idcirco non repugnat naturam crea-
tam abstrahi à singularitate.

*Omnis natura
creata potest
effici vniuersa-
lis.*

Dices ad vniuersalitatem non sufficere abstractio-
nem. Nam si sit natura non habens nisi vnum indiui-
duum (vt in Angelis censet D. Thomas) Talis natura
abstracta ab illo vno singulari non esset apta esse in plu-
ribus sed in vno tantum ac proinde non posset effici v-
niuersalis. Respondeo. Per abstractionem ab vno sin-
gulari naturam effici abstractam ab omni singularitate.

siquidem concipitur absq; omni singularitate, & ex cō-
sequenti esse indifferentem ex se, ad omnia singularia,
quæ esse vel concipi possunt: quia ex se non magis est
huius quam illius singularis. Quod si naturaliter non
possit esse nisi in vno indiuiduo: potest tamen super-
naturaliter, cum id non implicet contradictionem,
quod satis est ad hoc vt possit concipi per intellectum,
indifferens & vniuersalis.

QVÆSTIO VIII.

*An vniuersalia fiant ab intellectu per no-
titiā abstractiuā vel com-
paratiuā.*

Sensus quæstionis est, an vniuersale tunc fiat cum
natura abstrahitur à singularibus & secundum se sine
singularibus cognoscitur, an cum comparatur cum sin-
gularibus & ad ea refertur ab intellectu.

Prima sententia, asserit naturam fieri vniuersalem
absq; vlla notitia tam abstractiua quam comparatiua,
per solam repræsentationem speciei intelligibilis: Prius
enim quam cognoscat intellectus naturam habet illius
naturæ speciem intelligibilem, qua tanquam simili-
tudine utitur ad cognoscendam naturam. Porro ista
species repræsentat naturam absq; singularitate; ergo
ante omnem notitiā natura vt repræsentata in abstra-
cto per speciem intelligibilem, est vniuersalis. Ita sen-
tit Caietanus de Ente cap. 4. Sotus hinc quæstione ter-
tia. Verum hæc sententia, reicitur propter duo:

Primò

*Natura non fit
vniuersalis per
solam speciem
intelligibilem.*

Primò quia species intelligibilis non repræsentat formaliter sed effectiue, non enim est veluti Idea & imago quam respiciat intellectus, sed est veluti semen quoddam cognitionis efficiens cognitionem & repræsentationem intellectiuam: Quare cum species non repræsentet actu obiectum, sed solum causet cognitionem actu repræsentantem obiectum; ex consequenti neque naturam vniuersalem repræsentabit actu nisi virtualiter & effectiue. Secundò, quia species intelligibilis quæ antecedit omnem notitiam intellectus producit ex phâta smate & est species rei singularis, sicut & phantasma ad cuius similitudinem formatur: ergo non repræsentat naturam vniuersalem vel singularem.

1.

Secunda sententia asserit fieri vniuersale per notitiam comparatiuam. Ratio est quia de essentia vniuersalis est ordo ad multa: at ordo ad multa cum sit ens rationis non existit nisi per operationem intellectus, ergo de essentia vniuersalis est vt concipiatur in ordine ad multa; quod est concipi comparatiue. ita Sontinas¹⁰. Metaph. quæstione 15. & multi recentiores.

2.

Tertia sententia asserit vniuersale fieri per notitiam abstractiuam. Ratio est quia naturæ abstractæ per intellectum, conueniunt omnia requisita ad essentiam vniuersalis; nempe vnitas & aptitudo ad multa. Et quidem aliqui negant relationem ad multa esse de essentia vniuersalis, sed tantum triplicem illam negationem supra explicatam: alij verò concedunt, sed dicunt consequi abstractionem sine alia apprehensione & comparatione intellectus, cum natura relationis postulet vt

3.

consequatur posito fundamento & termino. In hac sententia sunt Scotus, Durandus, Fonseca & pleriq; recentiores.

*Ordo positivus
ad multa non
est de essentia
vniuersalis.*

Dico primo. Non est de essentia vniuersalis ordo positivus ad multa, sed sufficit negativus. Positivum dico relationem positivam ad multa: Negativum vero non repugnantiam ad multa. Ratio autem Conclusionis est quia cum sola non repugnantia ad multa sufficienter intelligitur natura vniuersalis, ut supra explicatum est. Ergo ordo positivus ad multa non pertinet ad essentiam vniuersalis, sed solum est proprietas consequens essentiam.

*Vniuersale fit
per notitiā ab-
stractivam, co-
gnoscitur per
comparatiuā.*

Dico secundo, vniuersale fit quidē per notitiā abstractivam verū non cognoscitur nisi per comparatiuā. Pro quo noto, aliud esse naturam fieri vniuersalem aliud cognosci vniuersalem. Fit enim natura vniuersalis cum habet illam triplicem negationem Abstractionis, vnitatis, & non repugnantiae; hac enim triplici negatione posita nihil deest ad essentiam vniuersalis. Porro hanc triplicem negationem convenire naturae absq; vlla comparatione cum singularib. & absque eo quod illae negationes cognoscatur ab intellectu inde patet: quia etsi Ens rationis non possit existere nisi cognoscatur ab intellectu (eius enim esse est cognosci) tamen, negatio rationis convenit rei etiam si non cognoscatur. Ut enim disputatione prima docuimus esse negationis, est non esse formae negatae; ad non esse autem rei, non est opus apprehensione intellectus; sed sola non existentia rei negatae,

gata; Negationes enim non sunt Entia, sed non Entia. Vnde sequitur, etiamsi intellectus non cognoscat naturam in ordine ad multa; tamen per illam triplicem negationem, natura vere habet se ad multa. Patet etiam quod cum notitia comparatiua sit cognitio naturæ in ordine ad singularia, possit autem sine tali cognitione effici natura vniuersalis, sequitur absque notitia comparatiua fieri vniuersalem.

Quod autem non possit cognosci natura vniuersalis nisi per notitiam comparatiuam, patet. Quia de essentia vniuersalis est habere se ad multa siue negatiue per non repugnantiam, siue positiue per relationem. Ergo non potest intellectus cognoscere vniuersale vtrouis modo, nisi in ordine ad multa quod est comparatiue cognoscere.


Porro fundamentum Scoti quo tenet vniuersale fieri per notitiam abstractiuam eo quod relatio ad multa consequatur ad naturam abstractam, tanquam ad suum fundamentum sine alia cognitione intellectus. Hoc inquam iam est à nobis refutatum supra disputatione prima. Hoc enim est proprium relationum realium, naturaliter & sine vlla operatione intellectus consequi, posito fundamento & termino. At relatio rationis consequitur per rationem apprehendentem talem relationem. hic enim modus est proportionatus naturæ Entis rationis, vt per rationem existat, non vt ex natura rei consequatur.


Non consequitur relatio rationis, nisi per rationem apprehendentem.

Sed quæres, an per notitiam abstractiuam, intellectus saltem indirectè cognoscat vniuersalitatē. quidā enim plus

An indirectè cognoscatur vniuersalitas.

plus equo vrgent hunc modum loquendi, qui tamen in rigore non est ver⁹. Nam ex eo quod cognitio terminatur ad naturam nec directè nec indirectè terminatur ad ea quæ sunt coniuncta naturæ. Nam quod indirectè cognoscitur, aliquo modo cognoscitur, & aliquam sui habet speciem intelligibilem in intellectu, aliquam etiam expressionem & representationem in actu cognitionis: alioquin si nullo modo cognoscitur, ne indirectè quidem cognoscitur. Cognosci autem non potest nisi per speciem aut representationem aliquam in mente. Deinde cognoscere naturam secundum se & suam essentiam, est cognoscere illam abstractam ab omnibus aliis illi coniunctis: Ergo, & ab vniuersalitate & à singularitate: Ergo natura in tali cognitione neque cognoscitur vniuersalis neque singularis, ne indirectè quidem; quia in tali cognitione nullo modo representantur singularia.





DISPUTATIO V.

De quinque Vniuersalibus.

Uniuersalia in particulari numerantur quinque, Genus, Species, Differentia, Proprium, & Accidens: de quibus sigillatim agendum est, tum eorum numerus & sufficientia ostendenda.

Q V Æ S T I O P R I M A.

De Genere.

Genus accipitur pro eo quod est generationis alicuius principium & origo; quare & Philosophi appellarunt Genus id, ex quo quasi generantur species. Est autem triplex Genus apud Philosophos Logicum, Physicum, Metaphysicum.

Logicum Genus est id quod prædicatur de speciebus in quid: Physicum Genus, est materia ex qua generantur variae formæ, & varia composita: Metaphysicum Genus est grad^{us} superior contrahibilis, per diuersas differentias essentielles. Nobis hoc loco agendū est de genere Logico, prout dicit ordinē prædicationis ad species, q^{uod} etiam l. Top. c. 4. definitur ab Aristotele, esse id quod prædicatur de pluribus differentibus specie in eo quod quid est.

*Genus Logicum
Physicum.*

Metaphysicum.

Xx

Circa

*Quid definitur
in Definitione
Generis.*

Circa quam definitionē quæri potest primo, Quidnam sit illud, quod definitur hac definitione, naturæ realis, an secunda intentio Generis? an vtrumque? Videtur enim natura non definiri; id enim definitur cuius essentia definitione explicatur; at nullius naturæ realis essentia hac definitione explicatur, sed solum proprietas quædam, nempe prædicabilitas: Ergo non definitur natura. Secundam etiam intentionem non definiri inde patet; id enim definitur quod prædicatur de speciebus in quid, at secunda intentio generis non prædicatur de speciebus in quid, quia species essent genera, & secunda intentio generis esset species, quod falsum est: Ergo. Vtrumque etiam non definiri, ex eo probatur, quod duplicem non vnam definitionem esse oporteret: duo enim Entia sicut duas habent essentias, ita & duas definitiones. Deniq; non potest dici naturam definiri, quatenus substat secundæ intentioni; quia definitio debet essentialiter conuenire suo definito; at definitio hoc modo accepta, non essentialiter, sed accidentaliter, conueniret naturæ; quia illa secunda intentio prædicabilitatis est accidens naturæ; Ergo. Neque dici potest naturæ, vt natura est, conuenire definitionem dictam accidentaliter, vt verò substat secundæ intentioni, conuenire essentialiter. Nam sicut ipsa secunda intentio est accidens naturæ, ita & definitio secundæ intentioni conueniens, erit accidens naturæ.

Dicendum tamen est, definiri in hac definitione naturam prout substat secundæ intentioni. Id enim definitur quod prædicatur: at natura est illa quæ prædicatur: Ergo natura definitur: Verum cum natura hic non definiatur secundum suam essentiam realem, sed secundum essentiam secundæ intentionis,

nis, (non enim naturæ, sed secundæ intentionis essentia definitione explicatur) idcirco dicimus naturam definiri, vt substat secundæ intentioni: vt autem explicemus, quomodo, cum in hac definitione essentia secundæ intentionis explicetur, definitio naturæ tribuatur.

Notandum est, aliter definiri Accidentia quam substantias. Nam substantiæ cum non referantur ad aliud, sed per se subsistant, earum quoque definitio non potest vlli alteri tribui, sed illis solis. At Accidentia ex sua essentia referuntur ad subiectum, eorum enim esse est inesse: quare & definitio accidentium non solis accidentibus conuenit, sed & subiectis eorum: diuersa tamen ratione, nam accidentibus essentialiter, subiectis denominatiue; accidentibus formaliter, subiectis materialiter, vt subsistant talibus accidentibus: accidentibus immediatè, subiectis verò mediatè. Sic cum definitio album esse disgregatiuum, visus, definitio corpus, non secundum naturam corporis, sed secundum naturam albedinis, eaque definitio albedini essentialiter, formaliter, immediatè conuenit; corpori verò denominatiue, materialiter, mediatè, Pari ergo ratione, cum hic definitur natura, vt substat secundæ intentioni Generis, eadem definitio essentialiter, formaliter, immediatè, conuenit secundæ intentioni Generis; denominatiue verò, materialiter, mediatè, conuenit naturæ, tanquam subiecto secundæ intentionis. Quocirca cum Caietanus vrger, definitionē conuenire essentialiter definito, verum id est, de definito formali, non de definito materiali.

Diuersa definitio substantiæ & accidentis.

Definitum materiale & formale.

Xx 2

Nam

Nam subiectum sicut est subiectum Accidentis, ita est etiam subiectum definitionis accidentis, & sicut est subiectum definiti, ita est subiectum & definitionis. Et sicut definitum formale accidentaliter competit suo subiecto, ita & eius definitio.

Ex quo infero primò, Falsam esse sententiam Caietani dicentis naturam hinc non definiri vlllo modo, sed secundam intentionem in concreto: tum quia id definitur quod prædicatur in quid, at secunda intentio etiã in concreto sumpta non prædicatur in quid de homine & equo sed natura: Ergo natura suo modo definitur, tum quia accidentia, si sumantur in concreto, necessario inuoluunt subiectum, vt patet inductione; album enim, significat id quod est affectum albedine: Concretum enim accidentis significatur per modum cuiusdam subsistentis: at accidens subsistentiam non habet: nisi à subiecto: Ergo in suo modo significandi concreto inuoluit subiectum.

Sed obiicies, Secunda intentio nullo modo prædicatur de speciebus; Ergo nullo modo definitur. Respondeo in prædicatione duo distingui possunt, res prædicata, & ratio formalis prædicandi. Res prædicata est natura; Ratio verò formalis prædicandi est secunda intentio. Natura igitur definitur, vt res prædicata; secunda verò intentio, vt ratio formalis prædicandi. Neq; necesse est, vt id q. formaliter definitur, prædicetur, sed satis est, vt sit ratio formalis prædicationis: quia in definitione explicatur ratio formalis prædicationis.

Porro notandum est. duplicem rationem formalem hinc distingui posse, vnam rationem formalem naturæ vt natura est, alteram rationem formalem naturæ, vt subsistat secundæ intentioni. Et si .n. natura sit quid materiale respectu secundæ intentionis; tamen etiam

*Ratio formalis
duplex, Naturæ
vt ES secundæ
intentionis.*

in

in seipsa habet suam rationem formalem, per quam formaliter est talis natura, & per quam formaliter conuenit speciebus. Ratio verò formalis secundæ intentionis, est illa prædicabilitas, vel genereitas, quæ est ratio formalis generis. Dupliciter igitur possumus dicere, Animal, v.g. prædicari formaliter de homine: Primo formalitate animalis, secundò formalitate generis. Nam animal ratione suæ formalis naturæ tribuitur speciebus, & ratione suæ prædicabilitatis, habet formaliter prædicari de specie. Vtroq; quidem modo formaliter, sed non eadem formalitate. Quare diuerso respectu, & diuersa formalitate, natura vt natura, & vt genus, prædicatur formaliter, habetq; duplex Quo; Quo naturæ, & Quo secundæ intentionis. Quare si quærat, quo formaliter genus prædicetur de speciebus; responderi debet, si de Quo naturæ quærat, prædicabitur sua natura formaliter: Si verò de Quo vniuersalitatis, prædicabitur vniuersalitate formaliter.

Secundò quæri potest. Quodnam sit Genus in hac Definitione. Quidam negant in hac definitione esse vllum genus: aiunt enim accidentia definiri per subiectum loco generis, vt cum definitur album, esse corpus disgregatiuum visus. At reuera negandum non est, accidentia vtroq; modo definiri posse, tam per subiectum, quam per genus: Nam etiam ab Accidente potest abstrahi ratio communis generica, quæ posita in definitione accidentis vna cum differentia specifica, constituet definitionem accidentis; vt si definiam album, esse quoddam coloratum disgregans visum. Pari ergo ratione definitio Generis hoc loco explicari potest. Primo per subiectum, hoc est naturam aptam prædicari de multis; Secundò per Genus, quod est prædicabile

Quod sit Genus in Definitione Generis.

Duplex modus definiendi Accidentis.

in communi: Genus enim est prædicabile de speciebus; sicut species est prædicabilis de Individuis, omnesq; species prædicabilium conueniunt in vno genere prædicabilis in communi.

Verum contra hæc Obiici potest. Primò: Generis non datur genus; alioquin procederemus in infinitum: Ergo generis definitio non datur per Genus.

Secundò. Si genus definitur per Genus, idem definitur per seipsum: Nam Genus, esset & definitum, & pars definitionis Generis.

Tertiò. Quod constat ex Genere & differentia, est species: at si Genus definitur per Genus & differentiam, constabit Genere & differentia: Ergo genus erit species.

Quartò. Genus comprehendit sub se omnia genera; quia de omnibus Generibus in quid prædicatur: Ergo supra se nullum habet Genus, per quod definiri possit, & quod de illo prædicetur.

Quintò. Definitum non ponitur in sui definitione; at hic omne genus definitur: Ergo nullum genus est, quod possit poni in hac definitione.

*Genus accipi
potest primo &
secundo inten-
tionaliter.*

Pro solutione. Notandum est. Genus dupliciter accipi posse. Primò, pro secunda intentione Generis, quæ est prædicabilitas de speciebus: Secundò, pro ea re cui conuenit secunda intentio Generis, quæ est natura aliqua, cui conuenit prædicari de speciebus. Secunda intentio dicitur Genus essentialiter & formaliter, quia est ratio formalis generis. Natura verò, dicitur genus denominatiuè, & materialiter; quia denominatur Genus à secunda intentione Generis.

Notandum est secundò. Ipsam secundam intentionem Generis, constare ex genere & differentia: Ge-
nus

nus eius est prædicabilitas, differentia verò talis modus prædicationis. Vnde patet Generis Genus non esse secundam intentionem generis, sed aliam quandam secundam intentionem diuersam essentialiter à secunda intentione Generis, ita tamen vt illi sicut & aliis naturis conueniat accidentaliter secunda intentio Generis. Ex hac igitur duplici generis acceptione tolluntur omnes æquiuocationes & soluuntur argumenta opposita.

Ad Primum Respondeo. Genus vt est secunda intentio; non definitur per secundam intentionem generis, sed per aliam secundam intentionem, cui conuenit accidentaliter secunda intentio Generis; definitur enim per prædicabile, cui conuenit accidentaliter secunda intentio generis. Prædicabile enim est genus quoddam. Hoc autem modo Generis dari genus non est absurdum; quia hoc nihil aliud est, quam secundam intentionem generis, constare aliquo communi, per modum generis, & aliquo particulari, per modum differentiae: Sicut enim aliis naturis conuenit constare gradu generico, & specifico; ita & secundæ intentioni Generis hoc idem conuenit. Quare genus essentialiter acceptum, definitur per aliquid, quod est Genus denominatiue. Neq; ex hoc sequitur dari processum in infinitum in generibus: quia in gradibus genericis peruenitur ad summum, qui supra se alium non habet superiorem, vt est gradus generis generalissimi: Et licet & generi generalissimo tribuatur secunda intentio generis; tamen & illa secunda intentio non habet infinitos gradus genericos, sed habet vnum supremum gradum essentialem, quo non est alius superior.

Idem

Idem & de aliis secundis intentionibus dicendum, quas in infinitum possumus plures & plures affingere, semper tamen assignabimus singularum intentionum supremum genus essentialiter.

Ad secundum. Non sequitur idem definiri per se ipsum, quia Genus, quod est secunda intentio definitur per aliam rem quæ non est secunda intentio Generis, sed denominatur Genus à secunda intentione generis, quæ illi accidentaliter conuenit; definitur enim Genus per prædicabile: Prædicabile autem non est secunda intentio Generis, sed ab ea essentialiter distincta; conuenit tamen ei accidentaliter secunda intentio generis, sicut enim animali conuenit accidentaliter, secunda intentio generis, ita & Prædicabili conuenit eadem secunda intentio respectu quinque prædicabilium.

Ad tertium. Secunda intentio Generis diuerso respectu dicitur Genus & Species: Nam ut est secunda intentio Generis dicitur genus essentialiter; Ut autem hæc secunda intentio constat ex gradu generico & specifico, dicitur species denominatiue & accidentaliter.

Ad quartum. Genus essentialiter acceptum continet sub se omnia genera; quibus secunda intentio generis essentialiter competit; continet autem tanquam species suas essentielles. Idem verò genus essentialiter acceptum, continetur sub genere denominatiue accepto, hoc est sub secunda intentione (prædicabilis) quæ non est genus essentialiter, sed denominatiue, & est pars essentialis constituens genus essentialiter. Et sic secundum diuersam rationem genus continetur sub genere, & continet alia Genera.

Ad quintum. Secunda intentio Generis est definitum, in cuius definitione loco generis non secunda intentio

tentio generis, sed prædicabile ponitur: quod alio sensu dicitur genus, quàm secunda intentio generis, nempe denominative tantum non essentialiter. Quare non sequitur idem poni in sua definitione.

Tertiò quæri potest. An genus ut genus solum de speciebus prædicetur? Quidam enim censent non minus prædicari de speciebus, quàm de Individuis. Primò: Quia hæc prædicatio, Hic homo est animal, & hoc animal est animal, non est speciei aut ullius alterius prædicabilis: ergo est generis. Secundò: Quia in definitione generis dicitur, quod genus prædicetur de differentibus specie: at etiam Individua possunt differe specie; ut hic homo, & hic equus. Ergo etiam de Individuis prædicatur. Tertiò. Prædicari sequitur ad inesse: at Genus non minus inest speciebus quàm Individuis; non minus enim verum est, Petrum esse animal, quàm hominem esse animal. Ergo non minus prædicatur de speciebus, quàm de Individuis.

Alii tamen, & veriùs censent Genus ut Genus prædicari de specie solum, & proprium correlativum generis esse speciem. Primò: Quia genus solum respectu specierum dicitur genus, non respectu Individuorum: si enim sub animali non continerentur species, sed tantum Individua, verè animal non diceretur genus illorum Individuorum, sed species; quia de illis prædicaretur, tanquam solo numero differentibus, quod est proprium speciei. Secundò; Quia si per ordinem ad individua genus diceretur genus, sequeretur omnem speciem esse formaliter genus. Nam si ordo ad individua, seu prædicatio de solo numero differentibus est formaliter generica, sequitur speciem esse formaliter genus, quia formaliter constituitur per ordinem ad Individua,

Propria prædicatio Generis est de speciebus.

I.

2.

3. diuidua, qui ordo formaliter est genericus. Tertiò: quia genus vt genus est vniuersale quoddam; at alia vniuersalitas est respectu speciei differentium, alia respectu eorum, quæ solo numero differunt: Ergo vel genus erit duplex vniuersale, vel hæc secunda vniuersalitas non spectabit ad genus, sed ad speciem.

Responderi potest, quòd licet tam Genus quàm species prædicentur de solo numero differentibus, tamen non eodem modo. Nam genus prædicatur per modum generis, & modo sibi conuenienti, species autem per modum speciei conuenienti; species enim prædicatur de Indiuiduis, vt tota natura ipsorum, Genus autem vt pars naturæ. Sed contra; hic modus partis vel totius non traditur in definitione Generis & speciei; sed solum modus prædicationis in quid de pluribus vel specie, vel numero differentibus. Deinde licet res quæ prædicatur sit diuersa; tamen modus & forma prædicationis, quæ constituit genus in ratione formali generis, non est diuersa: Res enim ad prædicationem habet se tantum materialiter, formaliter verò in ratione prædicabilis constituitur per modum prædicandi talem vel talem in quid vel quale. Quare sicut diuersitas subiecti non variat formam; eadem enim albedo potest esse in diuersis subiectis; ita & hic ex diuersitate rei quæ prædicatur, non variatur forma prædicationis: quare non erit alia formaliter prædicatio de pluribus numero differentibus in Quid, tam cum pars naturæ prædicatur, quàm cum tota natura prædicatur.

*Prædicatio de
Indiuiduis pro-
pria Speciei.*

Dices. Cuius ergo erit ista prædicatio, cum Genus prædicatur de Indiuiduis. Respondeo. Prædicatione de Indiuiduis quatenus solo numero differunt esse prædicationem propriam speciei, vt patet ex definitione
speci-

speciei: quare si genus prædicetur hoc modo de Individuis, prædicabitur ad modum speciei, & vt species. Et ita communiter Recentiores sentiunt.

At inquires. Animal respectu huius & illius animalis non est species; quia animal, vt animal, in nulla specie animalis est. Respondeo. Species potest considerari dupliciter, vel quoad naturam, vel quoad prædicabilitatem. Animal igitur priori modo non est species; quia non est natura constans genere & differentia specifica; posteriori verè modo, hoc est quoad prædicationem, est species, quia prædicatur per modum speciei. Ex his patet Responsio ad primum argumentum prioris sententiae.

Ad secundum verò. Prædicationem de Individuis quatenus specie differunt esse prædicationem propriam Generis non speciei: quod patet primò; Quia species non prædicatur, nisi de solo numero differentibus; vt patet ex definitione speciei. Quod si Individua sunt differentia specie, tunc prædicari de talibus Individuis non spectat ad vnā aliquam speciem, sed ad diuersas. Secundò. In Individuis specie differentibus inuenitur ratio formalis propria, sub qua genus prædicatur; Genus enim prædicatur de suis inferioribus quatenus specie differunt. At hæc ratio formalis inuenitur in Individuis specie differentibus: Ergo de illis propriè & formaliter genus prædicatur vt genus: tunc enim sumuntur Individua, non vt Individua sunt sed vt specie differentia sunt; alioquin abstrahendo à diuersitate specifica ipsorum, prædicatio generis de Individuis erit per modum speciei, vt dictum est.

Prædicatio de Individuis specie differentibus, propria Generi

Ad tertium. Genus per modū generis inest Individuis vt differentibus specie: mediante verò specie, inest etiam differentibus numero, sed hoc illi per accidens

conueni ratione speciei: quia enim inest speciei, & species inest indiuiduis, idcirco & genus inest indiuiduis, non vt genus præcisè, sed vt genus factum species.

Quarto quæri potest, An genus prædicetur de speciebus per modum partis vel per modum totius? Genus est pars essentialis speciei; quia species componitur essentialiter ex genere & differentia, & est totum quoddam vniuersale & potètiæ respectu specierum: Nam & sua vniuersalitate cõplectitur omnes species; quia omnib⁹ inest & de omnib⁹ prædicatur. Et præterea potentia est idem quod singulæ species: Animal enim actu est animal; sed potentia est tam rationale quam irrationale. Quæritur ergo, vtro modo genus prædicetur de speciebus, an per modum partis, vel per modum totius; Videtur enim neutro modo posse prædicari. Nam quod ad primum attinet, nulla pars in quid prædicat de suo toto, non enim rectè dicitur homo est manus, vel pes, vel anima. Ergo nec genus per modum partis essentialis potest prædicari in quid de specie: pars enim si sumatur in abstracto, certum est eam non posse prædicari de toto, vt homo est manus: si verò sumatur in concreto, prædicatur quidem sed denominatiuè non in quid, vt homo est manu præditus, seu manuatus.

Quod etiam attinet ad alteram partem, videtur ad prædicationem generis de specie nihil facere, quod genus sit totum quoddam vniuersale vel potentiale respectu speciei: quia genus prædicatur vt est natura & essentia speciei: ad hoc autem parum facit, quod genus sit totum quoddam vniuersale vel potentiale. Deinde materia habet se etiam vniuersaliter & potentialiter, ad omnes formas, & ad omnia composita naturalia, & tamen de illis non prædicatur in quid: Ergo ista ratio totius vni-

vniversalis & potentialis nihil facit ad prædicationem in quid. Denique sicut pars non potest prædicari in quid de toto, ita neque totum potest prædicari in quid de parte. Ergo genus, nec vt est pars, nec vt est totum, potest prædicari de specie. Nam si dicatur prædicari vt totum, respiciet speciem vt partem: totum autem de parte prædicari non potest.

Pro solutione Notandum est. In prædicatione generis duo considerari; rem & modum. Res igitur prædicata, est natura generica; Modus verò est duplex, alter quo res illa significatur in concreto per modum totius per se subsistētis, alter quo significatur per modum potentialis vel vniversalis. Animal, v. g. significat primo totum quoddam per se subsistens, secundo significat etiam per modum potentialis, quia animal licet actu & expressè non significet nisi animal, tamen potentia est id, quod homo & brutum. Ex primo igitur modo significandi habet genus quod in quid prædicetur: proprium enim est substantiæ in quid prædicari. Nam substantiæ eo quòd per se subsistūt sunt Quid, acciduntia verò quòd non in se subsistunt, sed aliud afficiunt, prædicantur in quale, vt qualitates alterius. Quod ita verum est, vt etiam accidentia quando concipiuntur, per modum per se subsistentium, prædicentur in Quid, sicut & substantiæ, vt patet in abstractis accidentium, vt albedo est color. Quia verò Genus significatur etiam in concreto, concretum autem est totum quoddam; ideo prædicatur de specie, tanquam totum superius de toto inferiori. non verò per modum partis.

Ex altero verò modo, qui est modus potentialis, habet genus simpliciter prædicari de specie. Quod ita explico. Ad prædicationem requiritur identitas præ-

*Genus Et Totū
quoddam præ-
dicatur in
Quid.*

*Vt totum potē-
tiale prædica-
tur de specie.*

dicati & subiecti; non enim potest affirmari aliquid, de aliquo, nisi sit cum eo idem aliquo modo, hoc est, siue formaliter; (quo modo definitio & definitum sunt idem) siue materialiter, (quo modo subiectum & accideus in concreto sunt idem,) vt cum dico Homo est albus: Homo enim & album non sunt idem formaliter, alia enim est ratio formalis albi, alia hominis, sed sunt idem materialiter; quia illa res, quæ est homo, est etiam alba.

*Genus cōinet
species nō actū
sed potentiā.*

Porro materiale significatum potest significari dupliciter. Primò actu quodam confuso, secundò potentia tantum. Actū confuso Accidens significat subiectum: Nam album, verbi gratia, significat actu non solum albedinem, sed & rem illam cui conuenit albedo. Quia ad vtrumque significandum est positum nomen albi, nempe ad significandum subiectum sub albedine; verum albedinem significat expressè & distinctè, subiectum verò inexpressè & confuse, actu tamen: quia subiectum in confuso pertinet ad actualem significationem albi, ita vt sine illo non possit concipi significatio albi. Potentiā verò genus significat speciem; quia animal, verbi gratia, verè est id potentia, quod est species actu. Estque discrimen inter significationem albi, & significationem animalis: Nam album quia actu significat subiectum in confuso, idcirco non potest predicari de aliquo nisi predicetur de illo subiectum in confuso; Nihil enim dicitur album, nisi quia est quiddam affectum albedine: quare si albedo existeret non afficiens aliquod subiectum, vel habens se per modum subiecti, verè non posset dici propriè album, sed albedo. quod signum est, in significato

ficato albi contineri auctu subiectum, licet auctu confuso; Animal verò, quia auctu nullo modo inuoluit speciem, ideo cum prædicatur, non prædicatur auctu vilo modo species, quasi in eo contenta, non enim cum dicimus hominem esse animal, dicimus hominem esse auctu aliquam speciem animalis, sicut cum de aliquo dicimus quod sit album, dicimus de eo quod sit auctu subiectum albedinis. Hinc igitur patet ad prædicationem requiri, vt prædictum sit idem quod subiectum siue formaliter, siue materialiter; & materialiter, siue auctu, siue potentia. Quare & genus vt prædicatur de specie debet esse idem cum ea: non est autem idem formaliter vt patet, neque materialiter auctu, vt dictum est; debet ergo esse idem materialiter potentia; quia nimirum potentia est id quod species est auctu. Ex quo patet quomodo genus dicatur totum potentiale, & vniuersale: Nam dicitur totum quia significatur in concreto. Concreta enim sunt tota quædam, significantur enim vt habentia naturam. Dicitur verò totum potentiale ad differentiam totius actualis: Nam totum actuale, nempe species dicit omnes suas partes auctu, nempe genus & differentiam. Totum verò potentiale dicit quidem rationem genericam auctu, at specificam dicit potentia tantum. Animal, verbi gratia, dicit habens animalitatem; habens autem animalitatem, est potentia rationale vel irrationale. Quatenus verò hoc totum potentiale, non est respectu vnius tantum speciei, sed respectu omnium: dicitur totum vniuersale.

Quod si queras, an species sint partes huius totius potentialis & vniuersalis? Respòdeo propriè loquèdo esse
An species sint partes generis.
 tota

tota particularia respectu totius vniuersalis, & tota actiua respectu totius potentialis; non verò sunt propriæ partes, quia non sunt vt quò, sed vt quòd. Cum adiecto tamen dicentur partes potentiales; id est potentia contentæ, item partes subiectiuæ, hoc est, partialia subiecta, prædicationis generis: non enim vna species, est totale, & adæquatum subiectum prædicationis generis, sed inadæquatum & partiale.

Dicendum igitur est, genus prædicari de specie: nam licet pars in abstracto non possit prædicari de toto: potest tamen in concreto. Potest autem sumi in concreto, vel denominatiuè, & accidentaliter vt manuum, vel capitatum, & sic prædicabitur de toto denominatiuè, hoc est, in quale, non in quid: vel substantialiter, per modum substantiæ per se subsistentis, & hoc modo potest prædicari in quid: nam hoc modo etiam accidentia concepta, & tanquam per se subsistentia prædicantur in quid, vt albedo est color, & hoc modo genus in concreto concipitur, vnde potest prædicari in quid de specie. Dicitur autem totum potentiale & vniuersale respectu specierum: quia suam potentiam & vniuersalitatem, non explet in vna specie, sed eam extendit ad omnes species.

Dices. Omne totum debet habere partes in se: species autem non sunt in genere tanquam partes ipsius: non ergo potest dici genus totum respectu specierum. Respondeo, partes potentiales, esse in toto non actu, sed potentia: Licet ergo genus non constituatur ex speciebus actu contentis; Constituitur tamen ex speciebus potentia, quia est potentia ad omnes species: & quamuis species sint in se tota quædam particularia: tamen
respe-

respectu generis habent se veluti partes vniuersalitati eius subiectæ, cum genus latius pateat quam species.

Quod si obiicias. Ergo cum prædicatur animal de homine, prædicabuntur omnes species in potentia, quæ prædicatio esset falsa: non enim homo est brutum in potentia. Respondeo. Animal prædicari de homine, vt est potentia homo, de bruto vt est potentia brutum, & de singulis speciebus, vt est potentia ad illas. Non igitur prædicantur omnes species in potentia de homine, sicut & nomen multa significans, siue Æquiuocum, siue Analogum, cum de singulis prædicatur, non prædicatur cum omnibus suis significatis de singulis, sed solum secundum conuenientes ipsis rationes, vt cum dico substantia est Ens, Accidens est Ens, Ens significat quidem multa, cum tamen determinatur ad substantiam, significat solum Ens substantiale, cum ad Accidens, Ens accidentale.

At inquires. Saltem in hac propositione, Homo est animal, sensu erit, Homo est homo potètia, quia animal significat hominem in potentia. Respondeo, si animal significaret hominem in potentia, formaliter, & expressè, & quasi in actu signato, sequeretur talis prædicatio; at non significat hoc modo, sed tantum in actu exercito; quia significat animal, quod verè est in potètia homo. Istud verò esse in potentia hominem, nõ est quid distinctum ab animali, sed est esse animal, qd est potètia homo. Quare ad summum potest concedi, quod de homine prædicatur materialiter Homo in potentia; quia prædicatur animal quod est potentia homo.

Quare ad primam rationem dubitandi Respondeo. Naturam quidem prædicari, sed id quod præ-

dicatur debere esse idem cum subiecto, ad quod requiritur, ut genus saltem potentia sit idem quod species; quod est esse totum potentiale. Nam ut sit totum vniuersale non requiritur ad prædicationem simpliciter, sed tantum ad prædicationem vniuersalem de omnibus speciebus: si enim genus esset in vna sola specie, non esset totum vniuersale, & tamen prædicaretur de illa in Quid.

Ad secundum. Esse discrimen inter materiam, & genus. Nam materia est in potentia, ut pars & per modum partis significatur (est enim materia nomen partis) at genus est in potentia ut totum, & per modum totius; significatur enim in concreto, & est totum id potentia, quod species est actu. Vnde fit, ut genus prædicetur, ut totum de specie, materia verò non possit prædicari, quia est pars, & per modum partis significatur.

Ad tertium Respondeo. Genus prædicari de specie ut totum potentiale, de toto actuali, & ut totum vniuersale, de toto particulari: Quare cum species ita sint partes Generis, ut simul sint etiam tota quædam, potest de illis prædicari Genus.

QVÆSTIO II.

De Specie.

Species cum sit medium quid inter genus & indiuiduum, duplicem habet respectum, alterum ad Genus cui subiicitur, alterum ad indiuiduum, de quibus prædicatur. Hinc ergo est, quod dupliciter à Porphyrio definiatur secundum duplicem dictum respectum

Aum. Nam respectu generis definitur esse id quod subiicitur generi, seu de quo genus in Quid prædicatur; subiicitur enim generi species, tam in essendo, quàm in prædicando. Nam genus & inest speciei, & prædicatur de specie: suntque duæ istæ subiicitibiles distinctæ. Quare species, ut subiicitur generi in essendo definitur à Porphyrio, esse id quod subiicitur generi, ut verò subiicitur in prædicando, definitur, esse id de quo genus prædicatur in Quid.

Quod si dicas. Etiam individua subiici generi, tam in essendo quàm in prædicando. Responderi solet, speciem subiici generi immediatè, individua mediatè. Sed contra: Nam id verum esse videtur de individuis specificis, non verò de genericis. Nam hic homo subiicitur animali mediante homine, at hoc animal immediatè subiicitur generi: Nam hoc animal præcisè in ratione animalis acceptum nullo alio mediante est animal, ita ut etiamsi non intelligatur animal determinatum ad hominem, aut quamcunque aliam speciem, intelligeretur hoc animal esse animal: quare illa mediatio speciei per accidens se habere videtur ad istam rem.

Respondeo igitur. Individua specifica subiici generi, mediante specie: Individua verò generica subiici immediatè generi, sed tunc genus habet se respectu illorum, non per modum generis, sed per modum speciei, ut præcedenti quæstione explicatum est. Hæc de specie in ordine ad genus.

Porro. In ordine ad individua, definitur species, esse id quod prædicatur de pluribus solo numero differentibus in Quid, quæ definitio ex quæstione præcedenti explicata manet. Difficultas autem est primo. An uterque hic respectus, tam ad genus quàm ad individua, sit essen-

tialis speciei: si enim id concedatur, sequitur speciem duplicem habere essentiam, secundum duplicem respectum sibi essentialem; cum tamen una res, unam habeat essentiam, & species una & eadem est quæ subiicitur generi, & prædicatur de individuis.

Respectum speciei tam ad genus quam ad individua esse essentialem.

Dicendum tamen est utrumque respectum esse essentialem speciei secundo intentionaliter acceptæ (nam ut sumitur pro natura, neuter respectus est illi essentialis) Probatum primò: Quia species est quid medium inter genus & individua; medium autem, utrumque extremum æquè respicit. Secundò; species aliquando dicitur species propter solum respectum ad genus, aliquando propter solum respectum ad individua: Ergo in alterutro respectu saluatur essentia speciei. Dantur enim aliquæ species quæ solum sunt prædicabiles, & non subiiciibiles, verbi gratia, rationalitas prædicatur de hac & illa rationalitate, nulli tamen generi subest, cum sit quid simplex non compositum ex genere & differentia. Similiter cum prædicatur summum genus de suo individuo generico, verbi gratia, hæc quantitas, est quantitas, prædicatur per modum speciei; neque tamen ulli generi subiicitur; cum ipsa sit summum genus, ut suppono. Dantur etiam aliquæ species, quæ per solum respectum ad genus sunt species, non autem per prædicationem, ut sunt species subalternæ, quæ respectu superiorum sunt veræ species, respectu autem inferiorum sunt genera. Animal, verbi gratia, respectu viventis est species, respectu verò hominis & bruti est genus, idem dici potest de illis speciebus, quæ non possunt habere plura individua nisi unum, ut est species solis, Phœnicis, aut species Angeli, quæ secundum

D. Tho.

D. Thomam in vno tantum indiuiduo existit. Et quamvis hæc opinio D. Thomæ aliis non probetur, tamen vt minimum hoc ostendit; quod si aliqua natura non posset esse nisi in vno indiuiduo, esset verè species ex genere & differentia constans, non tamen esset species per prædicationem de pluribus numero differentibus; nisi fortè quis dicere veller, etiam illam prædicationem de vno indiuiduo esse speciei, quia eadem planè ratione de illo vno indiuiduo prædicaretur, sicut prædicaretur si plura haberet indiuidua, quod etiam si dici posset, non tamen hîc loquimur de specie, vt prædicatur vniuersaliter.

Sed obiicies. Hinc sequi speciem esse quid æquiuocum respectu speciei prædicabilis & subiicibilis. Respondeo, secundam intentionem speciei esse æquiuocam respectu harum duarum intentionum, licet natura realis speciei sit vniuoca respectu indiuiduorum.

Ad rationem dubitandi. Respondeo. Speciem secundum diuersos respectus dicere duas distinctas secundas intentiones, & ex consequenti duplicem essentiam, sub eodem speciei nomine; quia vtraque secunda intentio conuenit naturæ specificæ ab indiuiduis abstractæ. Cum verò dicitur, vnâ rem, vnâ habere essentiam, id verum est de vna re; at speciei secunda intentio est duplex; ergo duplex & essentia. Ex quibus patet speciem prædicabilem & subiicibilem esse vnum tantum materialiter, nimirum in vna natura specifica fundata, formaliter verò esse duplicem, propter duplicem respectum, ad genus & indiuidua.

Secunda difficultas. An ordo ad genus sit magis essentialis speciei, quàm ordo ad Indiuidua. Respondeo affirmatiuè. Patet id, vel ex eo ipso nomine speciei;

*Ordo ad Genus
magis essentialis
speciei.*

species enim generis est species, non indiuidui; reddi enim genus pulchrum & speciosum addita differentia; ipsa etiam in sua natura specifica constituitur contrahendo ad se genus per differentiam. Quare prior & potior est eius respectus ad genus, quàm ad indiuidua. Quod si dicas: Essentiam non recipere magis & minus; non enim dicimus vnum hominem magis hominem, quàm alium, nec vnum calorem magis calorem: Ergo neq; species subiicibilis magis est species, quam prædicabilis. Respondeo. Essentiam non recipere in se magis & minus, si tamen referatur ad aliquod nomen, potest sub illo nomine significari magis vna essentia quàm alia. sic hoc loco dicimus nomine speciei magis significari subiicibilem quàm prædicabilem.

Tertia difficultas. An species vt refertur ad genus secundum rationem subiicibilis, sit vniuersalis. Ratio dubitandi est; quia species, vt refertur ad genus, non est quid singulare; ergo est vniuersalis. Ex altera verò parte, de ratione vniuersalis est respicere multa; species autem vt respicit genus non respicit multa, sed vnum: Ergo respectu generis non est vniuersalis.

Dicendum est. Speciem ex eo quod subiicibilis est, seu ex eo quod respicit genus non esse vniuersalem. Ratio est: quia respectus ad genus, est respectus ad vnum, non ad multa; vniuersale autem respicit multa.

Dices. Etsi ex hoc quod species subiicitur generi, non sit vniuersalis formaliter, est tamen vniuersalis causaliter; quia illa subiectio est causa vt species sit vniuersalis. Respondeo. Nec id quidem concedendum est, quia causa vniuersalitatis, propriè est abstractio naturæ à singularibus; cum non repugnantia ad multa. Quare non ex respectu ad genus, sed ex abstractione oritur in natura vniuersalitas. Nam etsi natura abstracta nullum habere

haberet genus (vt eum summa genera prædicantur de suis indiuiduis genericis) adhuc ex sola abstractione oriretur perfecta speciei vniuersalitas. Nihil igitur facit ad vniuersalitatē relatio speciei ad genus. Simili ratione si species respiceret genus, & non posset esse nisi in vno indiuiduo, non esset vniuersalis per ordinem ad genus.

Dices. Saltem necesse est speciem quæ subiicitur generi esse vniuersalem, ex quocunq; capite procedat vniuersalitas; repugnat enim speciei esse singulare; quod enim singulare est, indiuiduum est, non species.

Respondeo: ne id quidem necesse est: Nam si species sit in vno tantum indiuiduo, talis species, neq; erit vniuersalis, quia non erit apta esse in multis, neq; singularis, quia est abstracta à singularitate: habebit ergo se medio modo inter vniuersale, & singulare, eritq; natura abstracta, neq; singularis neq; vniuersalis. Ex quo patet ad rationem dubitandi. Quanquā si sumatur species in actu signato, non est negandum, speciem etiam quā subiiciibilis est, posse esse vniuersalem: Species enim quā subiiciibilis, si referatur ad particulares species vt subiiciibiles sunt, v.g. respectu speciei humanæ, bouinæ, &c. sic est vniuersalis, secundum illud esse subiiciibile. Subiiciibile enim in communi est vniuersale respectu huius & illius subiiciibilis: si verò consideretur respectu generis, sic semper se habet particulariter ad genus, nō vniuersaliter; nam vni subiici, non est multis subiici.

Quarta difficultas, An genus possit conseruari in vna specie, & species in vno indiuiduo? Tria in Genere, & specie considerari possunt. Primò perfectio essentialis ipsorum: Secundò, perfectio quam accipit genus à speciebus, species ab indiuiduis. Tertiò. Vni-

uersa.

uersalitas quam genus habet per ordinem ad species: species per ordinem ad indiuidua. Secundum has omnes considerationes quæritur, an genus possit conseruari in vna specie; species in vno indiuiduo.

Dico primò. Quoad essentiam tam genus in vna specie, quàm species in vno indiuiduo conseruari potest, quia integra essentia generis est in vna specie, & speciei in vno indiuiduo.

Dico secundò. Si de perfectione quam genus accipit à speciebus loquamur, non potest genus conseruari, in vna specie; species autè potest, quoad hoc conseruari in vno indiuiduo. Ratio primi est; quia genus à diuersis speciebus acquirit diuersam perfectionem essentialem, propter diuersas differentias essentielles, per quas contrahitur. Ergo non tantam habet perfectionem, specificam, in vna specie, quantam in multis, atq; ita non conseruatur, quoad omnem perfectionem specificam in vna specie.

Ratio secundi est: quia species cum sit essentialiter completa & perfecta, non acquirit perfectionem essentialem, maiorem ab indiuiduis, sed tantum habet esse hanc numero. Ergo totam perfectionem suam essentialem quam habet in multis indiuiduis; habet & in vno, esse enim hoc vel illud numero, non facit ad perfectionem maiorem.

De perfectione verò accidentali, quæ in proprietatibus accidentariis consistit, distinguendum est: Nam ea potest esse duplex; altera specifica, quæ necessario consequitur, naturam speciei, vt sunt potentia animæ; altera indiuidualis, quæ per accidens in hoc vel illo indiuiduo, conuenit speciei, vt sunt habitus scientiarum & virtutum. Priorem igitur perfectionem accidentalem,

lem, totam habet species in vno indiuiduo: quia ea necessariò fuit ab essentia speciei: at posteriorem potest non habere totam in vno indiuiduo, verbi gratia, natura humana non habet omnes artes & scientias in vno indiuiduo, omnes enim omnia sciunt, nullus verò omnia.

At dices, vna ex perfectionibus speciei debitis est generare sibi simile, hæc autem perfectio, non potest in animalibus haberi in vno indiuiduo, cum distinctio sexus ad generationem requiratur: Ergo species non quoad omnem suam perfectionem specificam potest conseruari in vno indiuiduo. Respondeo. Perfectionem generatiuam quæ debetur animali, consistere totam in potentia generatiua, quæ est animali intrinseca, non in actu generandi, qui est animali extrinsecus. Quamuis ergo ad actum generandi requiratur sexus distinctio, tamen ad perfectionem potentiae generatiuæ non requiritur; siquidem tota perfectio generatiua in actu primo est æquè in vno ac in altero sexu, de quo Galenus 14. de vsu partium. Dico igitur totam perfectionem generatiuam in actu primo posse conseruari in vno indiuiduo, licet ad actum secundum plura indiuidua requirantur. Et quia species non est in se perfectior quando prodit in actum secundum sibi extrinsecum, quam cum non prodit, ideo nulla perfectio intrinseca speciei deest in vno indiuiduo existenti, etiam si in illo indiuiduo non possit prodire in actum secundum; quia hæc impotentia, non est ex defectu potentiae requisitæ in natura, sed ex defectu requisitorum ex parte operis & mediorum. sicut non ideo est imperfectus artifex; quia ob defectum instrumentorum non potest efficere opus, sed solum si ob defectum artis non possit.

Dico tertio. Quoad vniuersalitatem tam genus in vna specie, quam species in vno indiuiduo conseruari potest, dummodo alie species & alia indiuidua sint possibilia. Ratio est; quia natura abstracta à singularibus, habens non repugnantiam ad multa, est verè vniuersalis, siue actu existat in multis, siue non: sufficit enim ad vniuersalitatem aptitudo ad existendum in multis, vt supra probatum est. Ex quo patet naturam esse vniuersalem, etiamsi in nullo actu existat, & conseruare totam rationem generis & speciei quoad vniuersalitatem, etiamsi in nullo actu existat.

QVÆSTIO III.

De Indiuiduo & quod sit principium indiuinationis.

IN primis explicandum est cur Indiuiduum sic dicatur: Indiuiduum igitur ab indiuisione dicitur Indiuiduū, quasi indiuisibile in multa. Omnis enim diuisio terminatur ad multa, ex vnoque diuiso fiunt multa. Dicitur ergo Indiuiduū, quia est indiuisibile in multa: in quo differt à genere & specie; nam genus diuiditur in species, animal enim diuiditur in multa animalia species distincta: species item diuiditur in multa indiuidua, vt homo in multos homines singulares; indiuiduum autem non est amplius diuisibile in multa; quia hic homo, verbi gratia, non potest diuidi in multos homines; quia hic homo est vnus solus & distinctus ab omnibus aliis hominibus. Porro non repugnat indiuiduo esse in multis, siue per identitatem, siue per vnionem: sed solum

*Indiuiduum
an sit in mul-
tis.*

lum repugnat diuidi in multa, & multiplicari: sic natura diuina indiuidua est in tribus personis per identitatem, sed citra diuisionem & multiplicationem: Nam non alius Deus est Pater, alius Filius, alius Spiritus sanctus, sed tres sunt vnus Deus, & natura diuina in tribus: similiter si eadem numero natura humana esset in multis per vnionem hypostaticam, sicut de facto est in Christo, verè esset indiuidua, & illæ multæ personæ essent vnus homo numero, non multi homines: quia existentia illa in multis, esset sine diuisione naturæ & multiplicatione, diuisio enim est multiplicatio. Quocirca illa solùm multitudo repugnat indiuiduo quæ collic eius indiuisiōem, & facit esse diuisum & multiplex, atq; adeo non vnum indiuiduum sed multa. qualis diuisio cū sit impossibilis, idcirco indiuiduum dicitur indiuiduum, hoc est indiuisibile, quod non sit possibile illud diuidi in multa entia.

Dices. Ergo cum aqua diuiditur in plures aquas, non maneret eadem numero aqua quæ prius. Respondeo. Non manere quoad rationem vnus totius: nam ante erat aqua vnum totum constans omnibus illis aquis tanquam partibus, post diuisionem verò non est illud totum sed aliud.

Secundo explicandum est. Quid sit illud à quo formaliter dicitur res Indiuidua & singularis? Porphyrius in cap. de specie definit Indiuiduum quod ex talibus proprietatibus constat, quarum collectio nunquam in alio erit, ita vt tamen si singulæ proprietates seorsim possint aliis conuenire, tamen simul & collectiue sumptæ,

Principium indiuiduationis quod?

uni tantum indiuiduo competunt: nunquam enim vnum indiuiduum habet omnes easdem proprietates, quas habet alterum.

*Non collectio
proprietatum.*

Verum hæc opinio Porphyrii refellitur. Nam collectio proprietatum, est tantum signum non vero ratio formalis indiuidui. Primò. Quia indiuiduum est quid substantiale formaliter: cum enim dicimus Petrum nō esse Paulum; hoc, non esse illud, dicimus vnā rem, substantialiter non esse alteram: atqui proprietates seu accidentia, non sunt quid substantiale; Ergo non constituunt rationem formalem indiuidui. Secundò sublatis omnibus accidentibus, & sola substantia remanente erit adhuc illa substantia indiuidua, & vna numero. Tertiò, si cogitemus poni à Deo omnia accidentia vnius indiuidui, in altero indiuiduo, remanebit vtrumq; distinctum numero indiuiduum sicut & ante: Nam neque illud quod est spoliatum, suis omnibus accidentibus, desinet esse indiuiduum; neq; illud in quod sunt translata alterius indiuidui accidentia, erit aliud indiuiduum. Quocirca Porphyrii illa definitio est solum à posteriori ex signo indicante indiuiduum, non verò quod constituat rationem formalem indiuidui.

*An differentia
indiuidualis?*

Alii dicunt. Indiuiduum, dici indiuiduum formaliter à differentia indiuiduali, contrahente essentiam, ad rationem singularem. Sicut enim differentia specifica contrahit genus ad speciem, ita differentia indiuidualis contrahit speciem ad indiuiduum: & sicut differentia specifica, dat esse tale specie: ita differentia indiuidualis dat esse hoc numero: Deinde Indiuiduum à specie differt, in aliquo substantiali. Nam Petrus plus in substantia dicit quàm homo; ergo dicit nouum gradum

gradum substantialem præter speciem. Hæc sententia est Scoti, quem multi ex Thomistis sequuntur. Verum Scotus hanc differentiam vult ex natura rei distingui ab essentia, alij verò dicunt sola ratione distingui.

Sed in hac sententia, duo displicent. Primum est quod differentia individualis statuitur distincta ab essentia ex natura rei, nam distinctio in re, non potest esse nisi inter duo in re existentia, quorum vnum non est aliud, ac ex consequenti inter duo singularia; quæ enim à parte rei ita se habent, vt vnum non sit aliud, illa sunt singularia; cum singularitatis proprius sit effectus, rem facere hanc, & non aliam. Si igitur essentia distinguitur ex natura rei à singularitate, erit illa essentia singularis ante singularitatem, & quatenus distinguitur à singularitate: & sic illa singularitas distincta ab illa essentia, non faciet illam singularem, sed supponet singularem, vt à se distinctam.

Differentia individualis non est distincta ex natura rei ab essentia.

Secundum est quod singularitas statuitur peculiaris quidam naturæ gradus ab aliis, siue re siue ratione distinctus. Hoc enim dici non potest: nam omnis naturæ gradus constituit essentiam in ratione essentiali tanquam pars quædam essentiæ: & ex consequenti distinguit naturam essentialiter ab aliis. A ratio individualis, neque constituit naturam in ratione essentiali naturæ, neque facit illam distingui essentialiter ab aliis naturis indiuiduis, ergo non potest dici naturæ gradus. Quid enim est naturæ gradus, nisi pars quædam Metaphysica naturæ? Ex pluribus enim gradibus, tanquam ex partibus constituitur natura Metaphysicè. Cum igitur indiuidua habeant totam essentiam eiusdem rationis, non possunt dici constitui & differre per aliquem naturæ gradum. Porro indiuidua non differre essentialiter,

Non est peculiaris natura gradus.

Indiuidua non differunt essentialiter.

est communis sententia omnium Peripateticorum cum Aristotele docentium individua solo numero differre; solo autem numero differre, non est essentialiter differre, sed numero tantum essentia, Vnde speciem definiunt, quæ prædicatur, in quid, de solo numero differentibus.

Et ratio est; quia nos colligimus aliqua differre essentialiter, ex distinctis essentialiter operationibus, aut proprietatibus: distincti enim naturæ gradus, ferunt secum distinctas specie operationes, & proprietates. Atqui videmus individua esse similis prorsus perfectionis essentialis, & eiusdem essentia operationes ac proprietates habere, ut patet in duabus albedinibus vel duobus coloribus; patet etiam in duabus hirundinibus. Omnes enim hirundines eandem naturaliter artem habent, niduli fabricandi: similiter omnes araneæ eandem rationem texendi telam; omnes Philomelæ, eundem modum cantandi. Quod si aliquando est aliqua diversitas in individuis, ea non provenit ex ratione individuali, sed aliunde & ex accidenti. Nempe ratione alicuius dispositionis materialis, quæ est accidentalis illi individuo. Manente enim eodem individuo, potest mutari illa dispositio materialis, & accedere, vel recedere: corpore enim existente melius disposito, fiunt meliores operationes sensuum & mentis. Vnde rectè ait Aristoteles. Si oculus senis poneretur in oculo Iuuenis senem equè bene visurum sicut Iuvenem.

Idem quoque Arist. 3. met. t. 11. docet, Inter species posse dari prius & posterius, melius & deterius, propter diversitatem differentiarum essentialium: At in individuis vnum nec est prius nec melius alio, quia nimirum nullam habet diversitatem essentialem. Quod si individua constitue-

stituerentur per diuersos naturæ gradus: procul dubio different essentialiter. Differentia enim in gradib. naturæ est essentialis. Ad hæc nemo dixerit existentiam, aut substantiam esse naturæ gradum: quia hæc non constituunt essentiam in ratione essentiali. Ergo nec differentia indiuidualis eadem ex causa potest dici naturæ gradus. Denique idem conuincitur ex conuenientia essentiali indiuiduorum & differentia eorum. Indiuiduorum enim differentia non potest esse essentialis, quia in tota essentia conueniunt indiuidua, ita vt nihil essentia sit in vno, quod non sit simile in altero: erit ergo distincta à differentia essentiali, & solum erit numerica, faciens differre secundum numerum. Cum enim plura indiuidua non sint vnum numero, debent habere differentias, quæ faciant illa numero differre. Cum verò id in quo res conueniunt, non sit idem formaliter cum eo, in quo differunt: differentia quoque numerica erit formaliter secundum rationem distincta, ab omni differentia essentiali tam generica, quam specifica. Vnde etiam patet hanc differentiam non esse naturæ gradum, quia in natura, & in omni natura seu essentia gradu conueniunt indiuidua, non conueniunt autem in esse numerico; quia alius numero homo est Petrus, alius Paulus. At hæc essentia sub ratione essentia concepta, non magis est huius quam illius indiuidui. Ergo vt sit huius indiuidui debet determinari per differentiam ab essentia distinctam, quæ ipsam non in ratione essentiali, sed in numerica constituat.

Alij dicunt. Differentiam numericam, esse ipsam existentiam; tum quia extra essentiam nihil aliud est
com-

*Existentiæ esse
differentiam
individualement
quidam opi-
nantur.*

complems rationem Entis nisi existentia; tum quia existentia ex se facit id, quod facit differentia in diuidualis. Nam existentia ex se est quid determinatum ad hîc, & nunc. quare facit essentiam cui aduenit determinatè hanc, & quia non potest dari existentia nisi singularis; ideo naturam cui identificatur, facit esse hanc, & singularem.

Quod si obiicies primo. Indiuidua non solum existentia, sed etiam essentia differre. non enim solum existentia vnius indiuidui, non est existentia alterius indiuidui, sed etiam essentia vnius, non est essentia alterius. Ergo differentia indiuidualis nō est existentia sola; sed vel vtrumq; simul, vel quid cōmune vtrique. Respondent differre quid ē essentia vnius indiuidui ab essentia alterius; sed ratione existentia formaliter, & propter identitatē realem cum existentia: abstrahendo verò ab existentia, nullo modo hæ essentia differunt, quia in ratione puræ essentia conueniunt non differūt. Pura enim essentia, nihil in se continet, nisi essentialia. At in essentialibus conueniunt cum sint eiusdem speciei; Ergo in ratione essentia non differunt. Non potest igitur in ratione puræ essentia vna negari de altera. Quod si materia licet sit res diuersa à quantitate, quia tamen subiicitur quantitati, diuiditur substantialiter ad diuisionem quantitatis: Multò magis essentia quæ est idem realiter cum existentia diuidetur ad diuisionem existentia, vt sit alia & alia numero essentia, per aliam & aliam existentiam. Quod enim identificatur diuersis, necesse est fieri in se diuersum, iuxta modum diuersitatis eorum quibus identificatur.

Obiicies secundo, essentia seipsa nullo alio addito est

est vna numero, quia est in ratione essentiae indiuisa in se, & diuisa ab omni alio. Ergo se ipsa non per aliquam differentiam indiuidualem superadditam est singularis: quia seipsa fundat indiuisiōem; & vnitatem numericam: id verò quod fundat vnitatem numericam, est singulare. Respondeo, essentiam sub ratione essentiae non esse singularē, quia sub ratione essentiae præcisè nō magis est hæc, quàm illa vel illa; nec magis huius quàm alterius indiuidui: Mediante tamen existentia, quam habet in intellectu, cū consideratur sic abstracta, est singularis in illo esse abstracto. Verū hæc singularitas, cum sit intentionalis, nil obest vniuersalitati reali, nec impedit quominus natura sit abstracta ab omni singularitate reali.

Obiicies tertio. Existentiam posse concipi & in communi, & in particulari: Ergo ipsa existentia eget alia differentia indiuiduali. Respondeo. Etiam singularitatem posse considerari tam in communi quàm in particulari. Neque tamen idcirco singularitas eget aget alia singularitate, sed ipsa secundum se essentialiter est singularis, quia est ipsa essentia singularitatis; Alia verò ab ipsa denominatiuè dicuntur singularia, sicut ab albedine, alba; eo tamen discrimine, quod subiectum non identificatur albedini, essentia verò identificatur singularitati. Pari ergo ratione existentia potest concipi in communi & in particulari, non quod alia sit existentia communis alia particularis, sed quod eadem existentia, potest & determinatè & indeterminatè concipi, expressè & confusè. Nam in particulari concipitur determinatè & expressè; in communi verò indeterminatè & confusè: Quare

existentia non eget aliâ singularitate, quia seipsa essentialiter est singularis: essentia vero propter identitatem cum ipsa, dicitur singularis.

Differentia individualis non est essentia.

Verum huic sententiæ obstat. Primò. quia sicut essentiæ, ita existentia rerum, conueniunt inter se in rationibus genericis vel specificis, differunt in rationibus individualibus. Certum enim est existentias hominum inter se magis conuenire quàm existentias hominum & equorum, siquidem existentia est actus proportionatus essentiæ, & sicut essentiæ conueniunt inter se specificè, ita & existentia. Vnde necessariò dandæ sunt aliquæ differentia individuales existentiarum, per quas numericè differant.

Secundò. In quantitate ante diuisionem, est vna specie, & numero existentia, quâ tota illa quantitas existit, per diuisionem verò oriuntur diuersæ numero existentia, idque per solam novorum terminorum existentia acquisitionem; ita vt si illæ partes iterum vniantur fiat vna numero existentia. Cum ergo numero differant hæ existentia non per ipsius existentia, sed solum terminorum existentia productionem: facile apparet, non existentiam ipsam, sed terminos existentia esse differentiam individualement, & numericam.

Tertiò. Quia essentia abstracta ab existentia potest intelligi hæc numero in ratione essentia. Essentia enim etiam non existens, est hæc numero, & quatenus hæc numero, est indifferens ad existendum, & non existendum. Et quamuis ab existentia habeat hoc esse numericum existens, tamen in ratione essentia non est hæc numero per existentiam.

Dices

Dices in re non est nisi essentia & existentia, cum ergo differentia numerica non sit essentialis, non potest esse aliud quam existentia. Respondeo, essentiam non solum habere sua prædicata essentialia, sed etiam suos modos & terminos essentialia, quorum vnus est differentia individualis.

Dicendum igitur est. Differentiam numericam esse distinctam ratione tam ab existentia quam ab essentia, esseque terminum vtriusque, quo vna essentia vel existentia diuiditur & determinatur ab altera numericè. Patet id exemplo quantitatis quæ per solam diuisionem acquirit duplex esse numericum, cum ante diuisionem esset vna numero. non acquirit autem aliud per diuisionem nisi nouos terminos suæ Entitatis, quocirca ratione nouorum terminorum fit multiplex numero. Neque Aristoteles aliter explicuit distinctionem individualement rerum materialium, nisi per numerum qui ex diuisione quantitatis oritur: & quamuis diuisio quantitativa non sit formaliter diuisio substantiarum individualis, tamen proportionaliter loquendo, sicut quantitas acquirendo per diuisionem novos terminos, acquirit nouum esse numericum, absque alia mutatione suæ essentia & existentia, ita & essentia quæuis ex nouis terminis suæ Entitatis, quibus diuiditur, ab alia Entitate simili, acquirit nouum esse numericum.

Dati differentias numericas.

Sed de his plura in Metaphysicis.



QVÆSTIO IV.

Quomodo individuum sit vnum numero, & de vno solo pradicetur.

Vnitas numerica est proprietas.
146.

Quod ad unitatem numericam attinet. Dico primo, esse vnum numero, non est ratio formalis individui, sed proprietas consequens rationem formalem. Ratio est, quia vnitas est proprietas consequens ad rationem Entis. Ergo & vnitas numerica individui est consequens ad rationem Entis individualis: vnitas enim est diuisio Entis. Quocirca necessario fundatur in Ente, cui⁹ sit diuisio, cum verò sit distincta vnitas, in distincta quoque ratione Entis necesse est, vt fundetur.

Dico secundo. Vnitas numerica fundatur in diuisione essentiae secundum numerum. Pro quo Notandum est numerum oriri ex diuisione, quando enim vnum diuiditur in multa fit numerus, vt cum quantitas diuiditur, fiunt multae quantitates. Porro non possunt res concipi diuisae, nisi habeant in se diuidentia, & determinantia: impossibile enim est esse effectum formalem sine forma. Atqui esse diuisum, est effectus quidam formalis. Ergo debet oriri ab aliqua forma dante hunc effectum formalem: quod etiã patet in quãtitate diuisa, partes enim per diuisionem acquirunt terminos, per quos formaliter diuiduntur, & quos ante non habebant in continuatione. Proportionaliter ergo loquendo, essentia diuidi potest tam essentialiter, quàm numericè. Primo modo diuiditur per differentias essentielles & specificas, posteriori verò, per differentias numericas.

Dici-

Dicitur verò differentia numerica quia diuidit essentiam nō essentialiter sed secundum numerum tantum, & facit essentiam aliam numero. Sicut termini quantitatis diuidentes quantitatem faciunt plures numero quantitates. Porro hæc differentia numerica cum faciat indiuidua esse diuersa substantialiter, erit substantialis: per illam enim vnum indiuiduum substantialiter non est aliud. Quia substantia vnus, non est substantia alterius. Vnde hic numerus quo indiuidua differunt, est substantialis? *Differentia numerica quid?* *Est substantialis.*

Ex quo soluitur illa obiectio, quod numerus sit accidens rerum: indiuidua autem, non accidentibus sed substantiâ suâ differunt; vnum enim substantialiter nō est aliud. Dicendum enim est, numerum qui fundatur in aliquo accidente, esse accidentalem rebus, nec pertinere ad constitutionem indiuidualem rerum: accidentia enim non constituunt sed supponunt subiectum indiuiduum iam constitutum in ratione indiuiduali: non possunt enim existere nisi in re singulari. Talis est numerus quantitatus qui ratione quantitatis conuenit rebus, sicut enim quantitas est accidens rerum, ita & numerus qui ex eius diuisione oritur, numerus verò qui fundatur in ipsa substantia rei, non est accidentalis, sed substantialis: quia constat ex vnitatibus substantialibus, quæ sunt idem cum substantia rei, solumq; ei addunt indiuidualem.

Obiicitur secundo. Numerus secundum Arist. in 4. physic. pendet ab anima; si enim non esset anima numerans, aut numerare potens, nullus esset numerus, nec numeratus, nec numerabilis. At vnitas indiuidui non pendet ab anima, quia conuenit rei nullo cogitante intellectu. Ergo non est vnitas numerica. Respondeo.

Numerus potest sumi & materialiter pro rebus quæ numerantur, & formaliter, pro ipso esse numerabili vel numerato. Numerus igitur formaliter acceptus pendet ab anima, similiter & unitates ut numerantur, materialiter verò non pendet ab anima, & hoc sensu unitates individuales dicuntur numericæ, quia sunt tales quales in numero adhibentur, in numero autem non spectatur differentia essentialis unitatum, sed tantum ut una non sit altera.

Obiicies tertio. Unitas secundum numerum convenit non solum individuo, sed etiam generi & speciei: Ergo non rectè explicatur differentia individualis, per unitatem numericam. Antecedens patet: quia sicut numeramus individua, ita numeramus species & genera, dicimusq; esse duas species & duo genera. Respondetur, etiam species & genera, quatenus existunt in intellectu abstracta, sunt singularia, & individua quædam obiectiva & intentionalia, & sic tanquam individuis intentionalibus convenit illis esse plura numero, ut præcedenti disputatione dictum est.

Sed contra. Sicut in rebus dantur individua generica & specifica, ita & in intellectu v.g. natura humanæ à diuersis intellectib⁹ conceptæ, sunt duæ numero tantum, natura verò humana & bouina concepta, sunt duæ numero & specie.

Dicendum est igitur, esse unum numero, tantum convenit solis individuis, speciebus verò convenit esse unum numero, sed non tantum; quia sunt etiam unum specie.

Quantum ad secundum. Videtur individuum non prædicari de vno solo, ut hinc asserit in definitione individui Porphyrius. Primò. quia individuum in communi est individuum: at in communi prædicatur de omnib⁹ individuis: quia omnia individua conveniunt in ratione

commu-

Species & Genera in intellectu singularia.

Individuum non de vno solo prædicatur.

communi indiuidui. Ergo indiuiduū de pluribus prædicatur. Secundo indiuiduum vagum (vt quidā homo) dicitur de omnibus indiuiduis, omnes enim homines particulares, sunt quidam homines. Tertio. Rātio formalis & definitio indiuidui competit omnibus indiuiduis. Ergo & ipsum definitum.

Dico .i. Indiuiduum in communi, & indeterminatē acceptum prædicatur de omnibus indiuiduis, non quidem vniuocē sed analogicē. quod prædicetur patet. quia dicit rationem formalem omnib⁹ indiuiduis competētem: omnia enim indiuidua conueniunt in ratione formali indiuidui: quo etiam modo indiuiduum vagum prædicatur, quia dicit indiuiduum in communi, ex se enim nō magis dicit hoc, quā illud indiuiduum. Quod si obijcias, cum dico quendam hominem esse occisum, vel pugnasse; vnum certum hominem designo. Resp. Aliud est indiuiduū ex se determinatē significare, aliud restringi in propositione ad suppositionem determinatam. Indiuiduum igitur vagum ex se & ex modo suo significandi, non significat determinatum indiuiduum, & ideo ex se dici potest de omnib⁹ indiuiduis: in propositione tamen restringi potest ad suppositionem determinatam, si tale prædicatū illi tribuatur, quod non nisi sub illa restrictione illi conuenit.

Quod verò non prædicetur vniuocē sed analogicē. Probatur, quia à differentiis qua differentiæ sunt, non potest quid vniuocum abstrahi, ergo neq; à differentiis indiuidualib⁹ poterit abstrahi vniuoca ratio indiuidui, antecedens patet, cum inductione in omnibus differentiis genericis & specificis; cum ratione, quia differentia est id quo res differunt, non id in quo conueniunt. Nam si in aliquo conuenirent, in aliquo differrent: iam illud in quo conueniunt nō esset differentia, quia in illo

*Indiuiduum
non est vni-
uocum.*

non

non differrent, v.g. non statuitur pro-differentia hominis & equi, animal rationale: quia in animali conueniunt, in rationali differunt. solum igitur id statuitur pro differentia in quo res illæ non conueniunt. Vnde differentia non potest diuidi in rationem genericam, vniuocam & specificam, sed debet esse simpliciter simplex, & indiuisibilis in plura ratione distincta, & confirmatur: quia sicut à rationali & irrationali, quæ sunt specificæ differentia hominis & bruti, nihil vniuocum abstrahi potest, ita nec à differentiis individualibus. Nam illud, quod abstrahitur, vel pertinet ad differentiam indiuidualem vel non, si pertinet, ergo faciet vt in eo indiuidua differant. Non igitur in eo conueniunt; quod est contra suppositionem. si verò non pertinet: Ergo non constituit rationem formalem differentia.

Quod si dicas, per differentiam indiuidualem genericè acceptam conuenire indiuidua; differre verò per eandem specificè acceptam. Contra: Hinc sequetur indiuidua non totâ differentia indiuiduali differre, sed aliqua eius parte, & sic non tota illa res erit differentia, sed vna eius pars; quia illa ratio generica, cum non faciat differre non pertinebit ad rationem differentia. Vnde etiam sequitur non esse genus differentia: quia genus pertinet ad rationem formalem eius cuius est genus, & constituit rem essentialiter; quod quia non conuenit huic generi differentia, idcirco tale genus non datur nec potest abstrahi à differentia. Quanquam negandum non est, Indiuiduum secundo intentionaliter acceptum prædicari vniuocè. Secunda enim intentio Indiuidui, omnibus Indiuiduis vniuocè competit, non enim magis vni quàm alteri: & Definitio debet vniuocè omnibus Definitis competere. Quomodo etiam omnia

nia Analoga & Æquivoca sunt uniuoce Analoga & Æquivoca.

Quod verò indiuiduum in communi realiter acceptum prædicetur non æquivocè sed analogicè, patet, quia omnia indiuidua habent inter se proportionem quandam & similitudinem in ratione indiuiduali, propter quod potest ab illis abstrahi vnus acceptus proportionalis & analogicus indiuidui in communi.

Dico secundo, indiuiduum in particulari & determinatè sumptum de vno solo prædicatur, quia vnā rem numero significat, distinctā ab omnibus aliis, & hoc modo intelligenda est definitio indiuidui à Porphyrio data.

Obiici verò potest, quod indiuiduum nullo modo possit prædicari. Nam neq; de alio à se distincto; quia nullum habet inferius; neq; de se ipso; quia talis prædicatio est inepta; prædicatū enim debet distingui à subiecto; ac idem non distinguitur à seipso: ergo neq; prædicatur. Deinde quòd Porphyrius ait: Indiuiduum de vno solo particulari prædicari; id etiam speciei vnum indiuiduum habenti competit, sol enim de vno tantum sole prædicatur. Respondeo ad primum. Possè indiuiduum de seipso prædicari, quia idem potest duobus conceptibus concipi ab intellectu, & quatenus vno conceptu concipitur, potest de seipso alio conceptu conceptu prædicari, ad prædicationem enim sufficit distinctio conceptuum. Et quamuis idem non habeat in re, per quod possit à seipso distingui; habet tamen in intellectu, nempe duplicem sui conceptum; neq; talis prædicatio vana est, nam & hoc scire conuenit, quomodo idem distincto conceptu cōceptum, habeat se ad seipsum.

Ad secundum Respōdeo. Et si aliis quoq; competat de vno prædicari; nam & differentia de vna specie, & species de vno individuo (si plura non habeat) prædicatur; tamen prædicari, de vno solo eoq; singulari, nulli nisi individuo competit. Nam & differentia prædicatur, tam de specie quàm de individuo speciei, atq; etiam de suis inferioribus. Species verò habens vnum tantum individuum, potest prædicari de pluribus possibilibus. Quod si plura non sint possibilia; adhuc tamen non de vno solo particulari prædicatur, sed de se ipsa, & de vno individuo: individuum autem non nisi de seipso prædicari potest. Deinde proprium individui est solum de vno numero prædicari.

QVÆSTIO V.

Quomodo se habent inter se Genus, Species, Individuum?

Possunt hæc tria inter se conferri, 1. quoad illationem, 2. quoad identitatem & diuersitatem, 3. quoad prædicationem.

Quantum ad primū Difficultas est: an vnum ex alio necessario inferatur. Potest autem hæc illatio esse vel affirmatiua vel negatiua: potest etiam vel ex superiori inferius, vel ex inferiori superius inferri.

Dico primo. Ex genere non inferitur determinatè vlla species; sed tantum indeterminatè hæc vel illa. Ratio est. Quia genus non est determinatum ad vnā speciem, sed ad omnes ex æquo se habet: ergo non potest ex eo vna determinate inferri. Vt si animal sit, non est necesse esse hominem; potest enim esse aliud ali-
quod

quod animal. quia tamen genus non est extra species; nec vniuersalia existuat extra singularia; idcirco si datur genus, necesse est dari aliquam speciem, in qua genus existat sed indeterminatè, vel hanc vel illam. Idem dicendum est de specie respectu indiuidui. Quanquã si species non habeat naturaliter nisi vnum indiuiduũ, tunc ex specie infertur determinatè illud indiuiduum, vt ex sole, hic sol: verum hoc oritur ex peculiari ratione illius speciei.

Dico secundo. Negato genere negatur omnes species & indiuidua illius generis: quia cum genus sit de essentia suorum inferiorum, inferiora nec esse nec intelligi sine genere possunt: quia sine suis essentialibus nihil aut esse aut intelligi potest. Quocirca à quo auferitur genus, auferuntur & omnes species illius generis; de quo negatur animal, negantur & omnes species animalis: de quo negatur Ens, negatur tam substantia, quàm accidens. Idem dicendum est de specie respectu indiuiduorum. Nam sicut species sine genere, ita indiuiduum sine specie esse non potest.

Dico tertio. Ex inferiori infertur necessario superius, ex indiuiduo species, ex specie genus. Ratio est; quia superius est de essentia inferioris: ergo posito inferiore, necesse est poni superius, posito homine ponitur animal; & posito Petro ponitur homo; quare verum est dicere, homo est, ergo animal est, Petrus est; Ergo homo est.

Dico quarto. Negato inferiori non negatur superius, nisi omnia inferiora simul negentur. Ratio est, quia superiora sunt latius patentia inferioribus. Ergo sublato vno inferiori, potest remanere adhuc superius in aliis; sublata specie vna, potest genus esse in alia specie,

& sublato vno indiuiduo, potest species esse in alio indiuiduo. Quia tamen genera non existunt extra suas species, nec species extra indiuidua, ideo negatis omnibus speciebus, negatur genus, & negatis omnibus indiuiduis, negatur species. Excipio tamen speciem, quæ naturaliter vnum tantum habet indiuiduum. illo enim vno negato, negatur tota species: quia extra illud indiuiduum non existit, & illud vnum est quodammodo vice omnium.

Quantum ad secundum. Dico primo. Ex diuersitate superiorum sequitur diuersitas inferiorum, non è contra, ita vt si sint diuersa genera, sint etiam diuersæ species, & si sint diuersæ species, sint etiam diuersa indiuidua, non è contra. Ita Aristoteles in Antepredicamentis. cum ait, diuersorum generum, & non subalternatim positorum diuersas esse species & differentias, v. g. substantia & quantitas sunt diuersa genera, & non subalternatè posita, quia neutrum est sub altero: species etiam substantiæ erunt diuersæ à speciebus quantitatis. Si vero sint genera subalterna, vnum superius aliud inferius, tunc differentia superioris esse possunt differentiæ inferioris: vt differentia corporis, erunt differentia viuentis & animalis. Ratio autem est, quia genus est de essentia speciei; Ergo diuersitas generum, facit diuersitatem essentialem in speciebus. Differentia etiam sequuntur suum genus, vt actus potentiam: quare vbi diuersa genera, ibi quoq; diuersæ sunt differentia, nec possunt vnus generis differentia conuenire alteri. At inquires. Potest vna res poni in diuersis predicamentis. Respondeo secundum diuersas rationes formales: vt homo v. g. secundum substantiam in genere substantiæ; secundum

secundum quantitatem in genere quantitatis; & sic sub diuersis generibus habebit diuersas species, & diuersas rationes numericas. Quod verò è contra ex diuersitate inferiorum non sequitur diuersitas superiorum, res est manifesta: quia sub vno genere sunt diuersæ species, & sub vna specie diuersa indiuidua.

Dico secundo, Ex identitate inferiorum sequitur identitas superiorum, non è contra. Ratio primi est, quia superiora sunt de essentia inferiorum: Ergo ex identitate inferiorum, sequitur identitas superiorum; quare quæ sunt eadem specie, sunt eadem genere, & quæ sunt eadem numero, sunt eadem specie. Ratio secundi est, quia ex minori vnitatem non infertur maior; vnitatem autem genericam, minor est quàm specifica, & hæc minor quàm numerica: quia illæ vnitates sunt in parte, hæc in toto. Deinde quæ sunt vnum genere, possunt esse diuersa specie, & quæ sunt vnum specie possunt esse diuersa numero; inferiora enim addunt ad superiora, id quò esse diuersa possunt.

Quantum ad tertium. Difficultas est; an quæcunque prædicantur de superioribus necesse sit, vt de inferioribus quoque prædicentur; multa enim videmus prædicari de genere, quæ non possunt prædicari de specie. Nam de animali dicitur quod sit genus; de homine enim id dici non potest. Ex altera verò parte, primum principium in Logica est, in quo fundantur omnes figuræ syllogismorum. Quidquid prædicatur de prædicato, prædicatur & de subiecto: Ergo quidquid prædicatur de superiori, prædicatur & de subiecto superiori.

Dicendum tamen est, prædicata esse duplicia, alia ^{Prædicata realia.} realia, alia intentionalia. Prædicata igitur realia quæ-

cunquē dicuntur de superiori dicuntur etiam de inferiori: quia superiora continentur in inferioribus realiter: Ergo quæcunque realiter conueniunt superioribus, conueniunt etiam inferioribus realiter ratione superiorum, cum quibus habent realem connexionem, idque eā vniuersalitate & ratione quā conueniunt superioribus, vt si de superiori dicatur aliquid vel vniuersaliter, vel particulariter necessariō vel contingenter, eodē quoque modo dicetur de inferiori, & in hoc fundantur omnes figuræ syllogismorum.

Intentionalis.

Prædicata vero intentionalia quæ dicuntur de superiori, non dicuntur de inferiori: vt de animali dicitur, quod sit genus; de homine quod sit species, hæc tamen de inferioribus non dicuntur. Ratio est, quia talia prædicata conueniunt naturis, non vt naturæ sunt, sed vt abstracta sunt, & certum, modum essendi obiectiuum habent in intellectu, hic autem modus non transit cum natura ad inferiora, cum non ratione naturæ conueniat, sed merè extrinsecè ab intellectu. Deinde talia prædicata conueniunt subiectis propter aliquem peculiarem modum ipsorum, qui non transit ab alia inferiora. Verbi gratia, animali conuenit esse genus, vt est abstractum à speciebus, quod non conuenit homini & aliis inferioribus.



QVÆ

QVÆSTIO VI.

De differentia relata ad Genus.

Differentia potest referri tum ad genus, quod diuidit & contrahit; tum ad speciem quam constituit; tum ad subiecta speciei; de quibus ratione speciei prædicatur. In hac quæstione de prima tantum comparatione agemus.

Dico igitur primo. Differentia dicitur diuidere genus; quia addita generi secernit illud ab aliis speciebus: Animal enim contractum per rationalitatem, est aliud animal ab animali irrationali. Et licet in intellectu sit vnus conceptus animalis rationalis & irrationalis; tamen in realium est animal rationale, aliud irrationale. Animal enim rationale in re tota sua Entitate diuisum est ab animali irrationali; ita vt vnum non sit aliud, & negari vnum de alio possit. Quia enim identificatur diuersis differentiis, ideo ipsum quoque debet esse diuersum. Porro differentia est diuisiua generis non nisi per ordinem ad intellectum. Nam diuisio ista supponit unitatem generis, non diuiditur etiam nisi id, quod est vnum, genus autem est vnum per intellectum concipientem; quare & diuisio illius est per ordinem ad intellectum; quamuis enim res diuidens est verè realis; tamen id quod diuidendum est, non existit nisi per intellectum; vnde nec diuisio illi competit nisi per intellectum, Enti enim non reali nihil potest reale conuenire.

Dico

Dico secundo. Differentia continetur in genere potentiâ tantum. Hæc conclusio patet ex dictis de toto potenciali quæstione prima: non enim potest contineri actu in genere; quia alioquin cum genus prædicatur de specie oēs differentiarum contentæ actu in genere prædicaretur de specie. Deinde ut argumētatur Arist. 6. Top. cap. 2. in omni definitione nugatio admitteretur, & bis idem diceretur. Nam si in animali continetur actu rationalitas; cum definitur homo esse animal rationale, bis poneretur rationale in definitione semel expresse, & iterum ut actu contentum in animali. Imò sequeretur sufficientem definitionem tradi per solum genus dicendo hominem esse animal; si quidem in animali actu continetur rationale. Ex quo patet nec actu confuso, nec actu distincto, seu explicito, contineri differentiam in genere: quia quod continetur, siue actu confuso siue distincto, continetur secundum suam substantiam: at differentia non potest secundum suam substantiam contineri in genere, ut probant argumenta adducta; Ergo nec actu distincto, nec actu confuso continetur. Restat ergo ut dicamus differentiam contineri in genere solum in potentia; comparatur enim ad genus sicut actus ad potentiam, & forma ad materiam.

Dico tertio. Nec genus de differentia, nec differentia de genere prædicari formaliter potest, sed materialiter tantum. Ita Arist. 6. Top. c. 2. Loc. 31. cuius rei hæc rationem assignat. Si enim differentia diceretur de genere, cum genus de omnibus speciebus prædicetur, differentia quoque unâ cum genere de omnibus speciebus prædicaretur. Si verò genus diceretur essentialiter de differentia; omnis differentia esset species, quia species nihil est aliud; quam multa animalia genus & differentia si-

sia simul. Addit præterea, & hoc absurdum, q̃ multa animalia de homine prædicarentur, vnum q̃ est loco generis, aliud q̃ includitur in differentia essentiali, si de differentia essentiali prædicatur essentialiter genus. Et hoc argumento sæpe utitur Aristoteles ad probandum, Ens ^{Genus de differentia non prædicatur.} non esse genus, maximè 3. metaph. tex. 10. quia, inquit, genus non potest prædicari de differentia; Ens autem de omni differentia cuiusque rei prædicatur: non potest igitur esse genus. Et ratio est: quia genus non est idem quod differentia; vt patet ex vniuersalitate distincta, & ex distinctis proprietatibus: ergo debet dicere distinctam rationem à differentia, quæ per conceptum potest negari; Vt patet in animali, & rationali. Et hæc est vna ex præcipuis regulis ad dignoscendum verum genus; si enim prædicatur de differentia, non potest esse verum genus, quomodo multa quæ putantur esse genera nõ erunt genera: Generi. n. & differentia debent respondere in re ipsa distinctæ rationes per intellectum conceptibiles, quarum vna negari possit de altera.

Dixi materialiter genus de differentia; differentiam de genere posse prædicari, propter duo. Primò: quia genus vt plurimum est in re idem cum differentia, vt animal est in re idem cum rationali. Secundò: propter modum significandi, quia genus significat per modum totius potentialis, vt idem est potentia q̃ species, & differentia: animal, v. g. significat quidquid est animal, siue rationale, siue irrationale, ita vt vtrumq; potentia contineat: Cùm igitur sit idem potentia cum differentia, potest de ea prædicari; Posita enim identitate prædicati & subiecti, potest esse prædicatio.

D d d

Dico

*Differentia ge-
neris nobilior.*

Dico quartò. Differentia est ex se nobilior genere. Ita Diuus Thomas parte prima quæstione 75. art. 7. ad secundum. Ratio est: quia actus ex se est nobilior potentiâ eiusdem generis: ac differentia est actus essentialis generis, & genus est potentia ad essentialem determinationem: ergo differentia ex se est nobilior genere.

Porro cum dico differentiam esse actum essentialem generis; intelligo de essentia generis specifica, ut constituitur in certa specie: alioqui si sumatur genus præcisum à specie, differentia est extra rationem generis, & ab ipso essentialiter distinguitur.

*Ex duplici ca-
pite.*

Notandum autem est. Ex duplici capite posse ori-ri hanc maiorem nobilitatē differentiæ. Primò, si differentia illa pertineat ad nobiliorem gradum entis: sic in homine rationale est nobilius sensitivo, quia eleuat sensitivum ultra suum gradum, ad gradum nobiliorem intellectualem. Et sic non est dubium differentiam esse nobiliorem genere. Verum hæc nobilitas non omni differentiæ competit, quia non omnis differentia est altioris gradus: imò communiter differentiæ sunt eiusdem gradus cum genere, & perficiunt genus intra eundem gradum, ut differentiæ brutorum omnes sunt intra gradum sensitivum, & perficiunt genus conferendo illi perfectionem sensitivam. Secundò, nobilitas differentiæ oritur ex propria & essentiali ratione differentiæ; differentia enim est actus essentialis generis: actus autem est nobilior potentia, ut patet in forma respectu materiæ, actus enim perficit & determinat, potentia perficitur, & est quid indeterminatum. Et hæc nobilitas omni differentiæ competit, siue sit intra eundem gradum cum genere, siue sit altioris gradus.

Dices,

Dices. Hac ratione accidens est nobilius substantia: quia est actus substantiæ. Respondeo. Actum quo ad entitatem nobiliorem esse potentia per se loquendo, si sint eiusdem generis: quia in quolibet genere nobilius est habere se per modum actus, quàm per modum potentiæ; actus enim perfectionem arguit; potentia imperfectionem: at accidens est actus diuersi generis à substantia; quare non mirum est, quòd superetur à substantia: quia substantia est res alterius & nobilioris generis quàm accidens. At si actus & potentia sint in eodem genere substantiæ, actus substantialis erit nobilior potentia substantiali, vt patet in forma substantiali, quæ est actus materiæ nobilior ipsa.

*Actus an potè.
tia nobilior.*

Sed obijcies. Quædam animalia sunt imperfectissima in suis rationibus specificis, & pluribus sensibus destituta: saltem ergo in his differentia specifica non erit nobilior quàm generica. Respondeo. Etiam in his perfectiorem esse differentiam specificam genericam: quia etsi respectu aliarum differentiarum specificarum sit imperfectior, tamen respectu generis est perfectior; quia habet se per modum actus determinantis & perficientis, genus autem per modum potentiæ determinabilis & perfectibilis. Et idem est in formis Physicis; nulla enim forma Physica est tam imperfecta vt non sit perfectior materiâ. Quod si vrgeas ex operationibus cognosci essentias. atqui in multis speciebus operationes, v. g. sensitiuæ sunt imperfectissimæ: ergo & differentia specifica. Respondeo, In talibus differentiam specificam esse imperfectissimam, ita tamen, vt cum sua imperfectione sit perfectior genere.

QVÆSTIO VII.

De differentia relata ad speciem.

Differentia respectu speciei duo munera habet: constituere speciem in tali specie & eam distinguere ab aliis speciebus. Difficultas autem est primò: An eadem differentia sit constituens & distinguens. Videtur enim species constitui per aliquid positivum, distinguui autem formaliter per negationem: Quia enim species est quid positivum, ideo & differentia ipsam constituens debet esse positiva: distinctio verò est quid negativum, quare & differentia distinguens erit negativa: distinguui enim unum ab alio, est unum non esse aliud: hominem, v. g. distinguui à leone, est non esse leonem, quæ est mera negatio.

*Differentia cō-
stituens & di-
stinguens.*

Dicendum tamen est. Omnem differentiam constituentem esse etiam distinguentem. Ratio est: quia omne ens ex se ipso habet quod non sit aliud, ac ex consequenti, quod distinguatur ab alio: quia enim est id quod est, ideo non est aliud, sed distinguitur ab alio: Si enim quæras cur homo non sit equus, respondebitur, quia est homo: ergo eadem differentia quæ constituit rem in suo esse facit illam distinctam ab altera.

Confirmatur. Quia unitas est propria passio entis: at unitas dicit indivisionem entis in se, & divisionem ab omni alio: Ergo ens sicut se ipso est unū, ita se ipso indivisum est in se, & divisum ab altero: quare quod est principium constitutivum entis, est etiam distinctivum eius ab aliis: Deinde patet id inductione in omnibus rebus, quæ per suas differentias constitutivas distinguuntur ab aliis. Quia enim res sunt tales in essentia, ideo

ideò distinguuntur ab aliis, quæ non sunt tales, sic homo per rationalitatem, per quam constituitur in esse hominis, distinguitur à brutis.

At inquires. Constituere & distinguere sunt duo actus distincti. Respondeo. Esse quidem duos actus distinctos, sed ab eodem principio essentiali procedentes, & à se dependentes: Quia enim res constituitur in tali esse, distinguitur eo ipso ab aliis nō habentibus tale esse. Neque refert quòd distinctio sit negatio: Nam huius negationis est causa differentia constituens: quia enim rem constituit talem, ideò facit illam non esse aliam, & ideò vocatur differentia distinguens; quia est causa & fundamentum distinctionis.

Dico secundo. Omnem differentiam distinguentem esse quoque constituentem. Ratio est: quia distinctio est formaliter negatio; rem enim distinguere ab alia est non esse aliam: atqui omnis negatio fundatur in aliqua affirmatione, propterea enim quod affirmatur aliquid de re, oppositum de eadem re negatur: Neque enim temerè negatio conuenit rei, sed propter aliquam causam & fundamentum quod affirmatur de illa: ergo & distinctio conuenit rei propter aliquam affirmationem, quæ sit causa distinctionis: quæ affirmatio est distinctionis differentia constituens rem & ex consequenti distinguens: ideo enim quia res est talis, distinguitur ab altera non tali. Ex quo patet aliud esse distinctionē, aliud differentiam distinguentem: distinctio est negatio, differentia vero distinguens est differentia causans distinctionem & negationem: ac proinde est quid positivum causans negationem. Patet etiam nihil posse distinguere rem vnam ab alia nisi constituat illam: quia enim constituit rem talem, ideò distinguit illam à non talibus.

om Dico tertio. Eandem differentiam esse constitutivam & distinctivam. Pater ex dictis. Hinc est aliud Axioma receptum in Philosophia: Idem esse principium constituens rem, & distinguens ab omnibus aliis.

Quod si dicas, res etiam distingui per accidentia. Respondeo: Distingui per accidentia, sed nec primo nec essentialiter, per differentiam verò specificam distinguuntur primo & essentialiter, sicut enim prior est essentia accidentibus, ita distinctio essentialis prior est distinctione accidentali.

Secunda Difficultas. An negatio possit esse differentia essentialis alicuius entis: videntur enim aliqua entia constitui per negationes, quia sine iis intelligi nullo modo possunt. Sic vnum constituitur per indivisionem; infinitum per negationem finis; vacuum per negationem corporis replentis; Genus etiam diuiditur per oppositas differentias, quarum vna est affirmatiua, altera negatiua, vt animal per rationale vel irrationale: ergo & constituitur in specie per easdem.

*Negatio nō est
Differentia
entis.*

Dicendum tamen est negationem non posse esse differentiam essentialē vllius entis. Ita Aristotel. Primo de partibus animalium cap. 30. Et ratio est: quia differentia entis, constituit ens in ratione entis: at negatio cum sit non ens, constituit rationem non entis: ergo negatio non est differentia entis; per negationem enim res non dicitur esse, sed potius non esse.

*Per negationes
explicatur es-
sentia.*

Notandum autem est. Negationes à nobis adhiberi ad explicanda aliqua entia, duplici ex causa. Primo, vt per illas negationes indicentur veræ differentiae, ex quibus tales negationes oriuntur; omnis enim negatio

tio fundatur in aliqua affirmatione, & propter aliquam affirmationem rei competit: quo fit vt cum veras essentias rerum ignoremus, eas per negationem explicemus. Sic concipimus brutum esse animal irrationale; non quòd negatio rationalitatis sit essentia bruti, sed quòd id ad quod sequitur talis negatio, sit essentia bruti: sic etiam concipimus Deum immensum, infinitum; non quod immensitas & infinitas sit merè negatio in Deo mensuræ & finis; sed quod per has negationes indicetur ea Dei perfectio, ratione cuius Deus non subiaceret ulli mensuræ aut fini.

Secundò: propterea negationes adhibemus, quod aliqua entia non sunt pura entia, sed partim entia, partim non entia, ex ente & non ente conflata; Licet igitur quatenus entia sunt, negatione non constituuntur, tamen quatenus entia non sunt, negatione constituuntur. Sic vacuum, est locus non repletus corpore, quatenus locus, est ens, quatenus verò habet negationem corporis replentis; est non ens: sic etiam vnum definitur esse ens indiuisum; hoc est, ens cum negatione diuisionis. Ex quo patet ad rationem dubitandi.

Tertia difficultas; An differentia ultima sint simpliciter simplices? Ea autem dicuntur simpliciter simplicia, quæ non possunt resolui in plures rationes & conceptus, eo quod simplicissimam perfectionem dicant. Porphyrius igitur in capite de differentia negat dari differentias ultimas simplices, sed differentiam ultimam, ait, esse plures communes differentias coniunctas. v. g. homo definitur esse animal rationale mortale: quâ rationale, conuenit cum Angelis, quâ mortale cum brutis: vtraque verò hæc differentia coniuncta, constituit
secun-

*Differentia est
quid simplex.*

secundum ipsum propriam & specificam hominis differentiam. Et ob hanc causam definiuit Porphyrius differentiam, esse id quod prædicatur de pluribus differentibus specie in quale quid; quæ definitio solis differentiis genericis competit: nam specificas differentias non alias agnoscebat, nisi ex Genericis vnâ coniunctis constantes.

Sed hæc opinio est falsa; Nam si datur gradus genericus, seu differentia simplex generica, cur non dari debeat etiam gradus specificus simplex? Nam cum ex operationibus colligimus rerum essentias; quemadmodum enim inuenimus operationes in rebus communes cum aliis, ita & operationes proprias; & sicut ex illis colligimus gradum genericum communem, ita ex illis colligere debemus gradum specificum proprium. Nam quod dicitur rationale esse commune homini cum Angelis falsum est; Rationale enim, est intellectiuum cum discursu; quod Angelis non conuenit.

Quid sit simpliciter simplex.

Supposita igitur opinione communi & verâ, dari differentias vltimas specificas & simplices, difficultas est, an hæ differentiæ sint ita simplices, vt sint indiuisibiles in plures rationes & conceptus; Res enim simplices sunt indiuisibiles, quia non sunt compositæ ex partibus. Si igitur ita sunt indiuisibiles, vt non solum re, sed etiam ratione diuidi non possint, erunt simpliciter simplices.

Simplex respondet virtuti multam consistere.

Notandum igitur est. Res in mundo esse duplices: quasdam esse simplices à parte rei, id est non compositas ex rebus diuersis, ita tamen vt virtualiter includant multiplicem perfectionem, quæ multis conceptibus inadaquatæ in re illa concipi & distingui potest. Sic in anima rationali, quæ est simplex res, distinguitur perfectio sensitua & intellectiua per rationem & conceptum.

Quæ

Quæ duo, licet in anima nostra sint vna res, in aliis tamen diuiduntur: Nam in bruto est sensitium sine rationali; in Angelo intellectium sine sensitio. Quædam verò sunt ita simplices, vt dicant vnicam tantum perfectionem, quæ nec virtute sit multiplex, nec in plures conceptus diuidi possit: & hæ dicuntur simpliciter simplices.

Est ergo quædam opinio, quæ ait, res quæ non dicunt nisi vnicam perfectionem, differentiam quoque specificam habere simpliciter simplicem: Talis est differentia corporum simplicium, hoc est Elementorum, in quibus non cernitur nisi simplex vna perfectio: Talis etiam est differentia vltima accidentium, vt albedinis; Quantitatis, quæ sunt simplicissima quædam entia; Alias verò res quæ multiplicem perfectionem in simplici entitate includunt, non habere inquit simpliciter simplicem differentiam specificam, sed resolubilem in multas, quasi partiales differentias. Quia sicut essentia talium rerum constat multis gradibus diuersarum perfectionum, ita & differentia specifica talis essentia, constat differentiis specificis omnium illarum perfectionum: singulæ enim illæ perfectiones habent suam specificationem propriam intra suum gradum: & sic omnes specificationes omnium illarum perfectionum simul acceptæ, constituunt vnâ perfectam & adæquatam differentiam specificam illius rei, verbi gratia, in homine distinguitur perfectio sensitua, vegetatiua, rationalis, quæ perfectiones singulæ habent suam intrinsicam specificationem in proprio gradu; est enim homo sensitivus non solum in communi, sed etiam specificè, tali & tali ratione sensitua, & similiter de aliis: ex

Opinio de simplicitate differentiarum.

omnibus igitur rationibus specificis singulorum graduum componitur differentia specifica hominis.

An gradus inferior sit Differentia superioris.

Dices. Gradum inferiorem esse differentiam specificam superioris; ut rationale sensitui. Sed contra. Primò; Quia æquè omnes gradus sunt specifici in suo genere: ergo vnus non est differentia specifica alterius; alioquin non magis rationale esset differentia sensitui, quàm sensitium rationalis, quia vterque gradus in suo genere est æquè specificus, & æquè inter se coniunguntur in vna entitate. Secundò: Quia rationale non dat sensitui esse tale sensitium, intra genus sensitui, sed dat tale esse intellectuale, extra genus sensitium: ergo sensitium in suo genere habet distinctam specificationem à rationali. Tertiò: Rationale est differentia sub genere intellectu, & habet suum proprium genus, quod cōtrahit, nempe intellectum: ergo non est differentia generis sensitui; alioquin duo absurda sequerentur. Primò. quòd vna differentia esset duorum diuersorum generum, nempe rationale esset differentia generis sensitui, & intellectui; quod est contra Aristotelem in Antepredicamentis, qui ait diuersorum generum, & nō subalternatim positorum, diuersas esse differentias. Secundò: Quod vnum genus haberet in eodem duas differentias específicas ultimas. verbi gratia, sensitium haberet differentiam specificam sensitui talis, & intellectui talis.

Neque verò dici potest, Intellectum esse Genus subordinatum sensitui; id enim falsum esse ex eo patet: quod si Intellectum subordinaretur ex natura sua sensitui, omne intellectum esset sensitium: Omne enim quod est sub aliquo genere participat rationem illius

illius generis: Et sic Angelus cum sit sub genere intellectiuo participaret rationem sensitui: quod cum falsum sit, falsum quoque erit Intellectiuum esse genus subordinatum generi sensitui. Si autem dicatur subordinari per accidens, non ex natura: talis subordinatio non est vera, quia subordinari non est per accidens, sed ex natura sua esse sub alio: nam in simplici concursu in vnum, non magis esset vnū sub alio, quam aliud sub ipso, nec magis vnum subordinaretur alteri, quam alterum ipsi.

Quod si quis obiiciat, ex communi sententia, rationale esse differentiam animalis. Responderet hæc opinio esse differentiam extrinsecam, non intrinsecam, quia est alterius generis, non intra idem genus. Habet autem rationem differentie propter coniunctionem in vna essentia cum sensitui; maximè cum sensituum habeat se respectu illius per modum generis. Duo enim generi conueniunt. Primò, latius patere quam speciem: Secundò, supponi à specie & differentia. Porro his duobus modis habet se animal respectu rationalis; & ideo animal habet rationem generis, rationale differentie. Non est autem rationale differentia intrinseca animalis. Primò; quia animal habet suam propriam intrinsecam differentiam sensitivam, quam haberet si non esse coniunctum rationali. Secundò; Quia sensituum contrahitur per rationale, non vt est indeterminatum in esse sensitui, sed vt est determinatum ad tale esse sensituum, ac proinde non contrahitur per rationale, vt sensituum in genere, sed vt sensituum in specie.

Ex qua doctrina declaratur Primò, Quomodo in vna differentia possint esse plures speci-

An rationale sit Differentia Animalis.

ficæ differentia; absolute enim est vna tantum differentia specifica cuiuscunque rei, sicut est vna essentia. Verum sicut in essentia distinguuntur multe perfectiones quasi partiales, ita in vna differentia specifica vnius essentia distinguuntur multe quasi partes vnius differentia totalis.

Secundo declaratur; quomodo idem potest essentialiter esse in pluribus speciebus. Absolute enim sicut vna est essentia rei, ita & vna species; Quia tamen in vna essentia sunt multi gradus & perfectiones diuersorum generum, ideo in diuersis gradibus, intellectus distinguit diuersas quasi essentias, & species partiales, quæ sunt species illorum graduum, quæ tamen omnes conueniunt in vnam essentiam & speciem totalem illius rei: Sic homo dicitur esse in duplici genere rerum: nempe in genere rerum corporearum, & spiritualium; quia vtrumque gradum & corporeum & spirituale in se continet: in gradu corporeo conuenit cum brutis, in gradu spirituali cum Angelis. Sed hæc duo genera & species ipsorum sola ratione distinguuntur; in re autem vna est realis species & essentia hominis, continens essentiam corpoream & spiritualement. Idem dicendum est de materia & forma in composito Physico; vtraque enim habet suam propriam specificationem, & tamen vtraque constituit vnam essentiam corporis.

Vera & communis sententia de simplicitate Differentiarum.

Verum hæc opinio bene mouet difficultatem, sed non bene illam soluit. Nam primo repugnat omnium Philosophorum sententiæ, qui docet, rationale esse differentiam animalis, per quam contrahitur ad speciem hominis. Secundo: quia licet singuli gradus habeant specificationem propriam sui generis, quam haberent si non

si non

si non essent coniuncti cum aliis gradibus; (quod & in materia videmus, in qua est gradus corporis distinctus à gradibus formæ, & non est quid genericum, sed specificum in genere corporis) tamen, quia hi gradus in vna essentia vniuntur & identificantur, habent aliam specificationem, quam haberent separati, eamque specificationem accipiunt à gradibus sibi coniunctis, maxime quia illi gradus secundum eam rationem coniunguntur, ut vnus respectu alterius habere possit rationem generis, alter rationem differentię. Duo enim requiruntur ad rationem generis, ut supponatur à differentia, & sit quid communi⁹ & latius patens quàm differentia; vtrumque autem habet sensitivum respectu rationalis, ut patet. Idque verum est, non solum si sumatur sensitivum in abstracto & in communi, sed etiam si sumatur specificè, ut tale sensitivum: Nam in tali entitate sensitivum, etiam specificè acceptum, est capax vltioris perfectionis specificæ, quæ sit perfectio verè specifica talis entitatis simplicis.

Vnde ad fundamentum huius opinionis. Respon-
deo, Et si gradus singuli si secundum se sumantur habeant specificationem propriam, tamen ut sunt in tali essentia in qua identificantur aliis perfectionibus habent aptitudinem ad aliam vltiorem specificationem, in ordine ad esse talis entitatis. Verbi gratia, animal, licet ex se habeat suam specificationem in esse sensitivo, tamen in esse hominis, nondum habet specificationem & differentiam, per quam sit homo. quare in ordine ad essentiam hominis, habet se per modum generis, licet si per se poneretur haberet suam intrinsicam specificationem: Similiter in ordine ad illam essentiam, intellectuum subordinatur sensitivo, licet ab-

folutè poffit eſſe intellectiuum ſine ſenſitiuo. Et licet rationale dicatur differentia quædam extrinſeca animali in genere ſenſitiuo, eſt tamen illi intrinſeca in ordine, ad illam entitatem continentem multos gradus, ſeu vt eſt in tali ſpecie, nempe humana. Hinc ergo patet differentiam ſpecificam non eſſe compoſitam ex multis differentiis genericis, neque ex multis ſpecificis, ſed eſſe differentiam ſimpliciter ſimplicem, irrefolubilem in plures conceptus.

*Compoſitio ex
genere & dif-
ferentia an re-
alis?*

Quarta difficultas. An compoſitio ex genere & differentia ſit realis? Vt aliqua compoſitio ſit realis duo requirunt. Primò: Vt extrema quæ componuntur ſint realia. Secundò: Vt ſint ex natura rei diſtincta; non componuntur enim niſi diſtincta: nam quæ non ſunt diſtincta, ſunt vnum, non compoſitione, ſed identitate. Porro genus & differentia poſſunt comparari inter ſe, vel vt ſunt abſtracta per intellectum, vel vt in re exiſtunt: vt cùm comparamus gradum genericum ſingularem, cum gradu differentia ſingulari, hanc animalitatem cum hanc rationalitatem: & in hoc ſecundo ſenſu eſt quæſtio: An compoſitio ex gradu generico ſingulari, & differentia itidem ſingulari ſit realis; Nam illa compoſitio graduum abſtractorum, certum eſt quod fiat per intellectum.

Prima igitur eſt ſententia Scoti dicentis, omnem compoſitionem ex genere & differentia eſſe realem; quia iſti duo gradus ante omnem intellectum ex natura rei diſtinguuntur. Nam ante omnem intellectum in gradu generico res conueniunt, in gradu ſpecifico differunt; idem verò quatenus idem non poteſt eſſe ratio conuenientia & differentia.

Secun-

Secunda sententia est communis D. Thomæ & Nominalium, Gradum genericum & differentię sola ratione distingui, & ex consequenti sola ratione componi: tum quia sumuntur ab eadem re, v.gr. ab eadem numero forma sumitur gradus animalis, & rationalis: tum quia nulla est necessitas hos gradus realiter inter se distinguendi.

Neque valet ratio Scoti in prima sententia allata; Nam id quod est ita vnum, vt non nisi vnā perfectiōnem in se contineat, non potest esse principium conuenientiæ & differentię: si verò ita sit vnum, vt multas perfectiōnes in se simplici ratione contineat, tale vnum potest esse principium conuenientiæ & differentię, si quidem ita est vnum, vt sit virtute multiplex. Quare, etsi gradus genericus, & gradus differentię, in re sit vna simplex entitas, potest tamen esse ratio conuenientiæ, & disconuenientiæ, quia est virtute multiplex. Deinde conuenientia potest esse vel adæquata vel inadæquata: si igitur aliqua conueniant adæquate in aliqua entitate, hoc est totaliter & perfectè, non possunt illa eadem entitate differre, si quidem omni ratione in illa entitate conuenirent: at quæ conueniunt in aliqua entitate inadæquatè, hoc est non totaliter nec perfectè, possunt eadem entitate differre: quia in illa entitate nec omninò cōueniunt, nec omnino differunt, sed partim conueniunt, partim differunt, sub vna ratione conueniunt, sub altera differunt.

Idem potest esse principium conuenientiæ & differentię.



QVÆSTIO VIII.

De differentia qua vniuersalis est.

Differentia prædicatur primò de suis inferioribus, vt rationale de hoc & illo rationali; Secundo prædicatur de specie, quam constituit essentialiter, vt cum dico hominem esse rationalem; tertio de subiectis speciei, vt cum dico hunc vel illum hominem esse rationalem.

*Differentia re-
spectu inferiorum
species.*

Quantum ad primam prædicationem, ea conuenit differentiæ, non vt differentia est, sed vt species quædam est: Est enim species respectu horum inferiorum, & prædicatur de iis per modum speciei: Prædicari enim de pluribus solo numero differentibus in quid, est solum speciei. Porro hæc vniuersalitas facit differentiam esse vniuersalem in essendo; quia facit eam abstractam à singularibus, quod requiritur ad vniuersalem in essendo; quare per alias vniuersalitates non est vniuersalis in essendo; sed solum per istam.

*An respectu
species sit vni-
uersalis?*

Quantum ad secundam, Difficultas est, an differentia vt prædicatur de specie, sit vniuersalis? Nam licet tam differentia sit vniuersalis, quam species, tamen prædicatio differentiæ de specie non videtur esse vniuersalis, quia est prædicatio de vno; prædicatio verò vniuersalis est de multis. Quidam igitur dicunt, prædicationem de vno communi multis, esse prædicationem vniuersalem; quia illud ita est vnum, vt simul sit commune multis; quare prædicationem differentiæ de specie esse vniuersalem, quia species est communis multis.

Alij tamen negant, hanc prædicationem esse dicendam

dam vniuersalem; vniuersale enim non dicitur respectu vnius sed multorum: at species, vt species, est vna natura, neque sub sua ratione specifica potest esse multiplex: ergo prædicatio vt terminatur ad speciem, quæ species est, non est prædicatio de multis, & ex consequenti non est prædicatio vniuersalis. Neq; refert quòd species sit communis multis, nam illa multa non sunt species, sed individua, & prædicatio de illis est longè diuersa, ab ea prædicatione quæ est de specie: Ergo illa multa non faciunt eam prædicationem quæ est de specie, esse vniuersalem: quia illam non extendunt, nec faciunt maiorem: Nam etsi differentia ex eo quod prædicatur de specie, prædicatur etiam de subiectis speciei, tamen hæc prædicatio est distincta ab illa, ac proinde illam in suo genere non facit ampliorem, nec amplius extensam, quàm ad vnum: sicut nec vna quantitas fit maior per distinctam à se quantitatem. Quare per accidens est ad prædicationem differentia de specie, quòd species sit vel non sit communis multis, tum ob dictam rationem: tum quia ita prædicatur de specie, sicut prædicaretur, si species non esset communis multis, sed in vno tantum individuo existeret.

Ex quo infero, differentiam, vt respicit speciem, non esse vniuersalem. Nam etsi ex alio capite sit vniuersalis nempe quia est abstracta à suis singularibus, tamen hoc solo respectu quo refertur ad speciem, & de ea dicitur, non est vniuersalis. Ergo inquit, vt refertur ad speciem est singularis. Respondeo negando consequentiam: nam inter vniuersale & singulare datur medium, nempe natura abstracta respiciens

*Datur medium
inter vniuersale
& singulare.*

vnũ tantum; talis enim natura quatenus est abstracta, conuenit cum vniuersali, quatenus respicit vnũ tantum, conuenit cum singulari. Et sicut si daretur natura, vnũ tantum habens indiuiduum, talis natura abstracta, nec esset singularis nec vniuersalis, sed esset quid medium, ita & hic: Dici tamen posset particularis, particulare enim in prædicando est quod de vno tantum prædicatur, siue illud sit singulare siue vniuersale. Singulare verò proprie dicitur quod de vno singulari dicitur.

Singulare de vno eoq; singulari dicitur.

Propria vniuersalitas differentia.

Quantum ad tertiam prædicationem, certum est differentia propriam vniuersalitatẽ esse respectu subiectorum speciei. Nam vt prædicatur de specie, sic non prædicatur vniuersaliter; vt verò prædicatur de suis inferioribus, sic prædicatur quidem vniuersaliter, sed vt species de indiuiduis, non verò vt differentia; non enim distinguitur in ea prædicatione à specie: vt verò prædicatur de subiectis speciei; sic habet prædicationem, & vniuersalem, & distinctam à prædicatione aliorum prædicabilium.

Differentia de pluribus mediis prædicatur.

Porro hæc prædicatio de subiectis speciei; non est immediata, sed mediata. Quod potest dupliciter explicari. Primò, vt mediante specie, prædicetur de indiuiduis speciei; Petrus enim est rationalis, quia est homo. & quia homo dicitur vniuersaliter de suis indiuiduis, idè & rationale dicitur de omnibus hominis indiuiduis. Secundò vt mediantibus suis propriis indiuiduis, dicatur de indiuiduis speciei. Nam rationale habet sua propria indiuidua, hoc & illud rationale: quatenus ergo dicitur de hoc

& illo rationali, dicitur etiam de hoc & illo homine: quia hic homo est hoc rationale. Prior illa mediatio est ex parte subiecti, posterior ex parte prædicati.

Notandum verò est, differentiam non esse primò *Differentia Gen. de sit vniuersalis in essendo,* vniuersalem, propter indifferentiam ad indiuidua subiecta speciei, sed propter abstractionem à propriis indiuiduis; differentia enim est primò vniuersalis, quatenus est extra singularia: hoc verò assequitur per abstractionem à singularibus; ex hac enim abstractione fit indifferens ad sua singularia. Deinde verò differentia sic abstracta conuenit speciei, & mediante specie, conuenit omnibus indiuiduis speciei, quæ vniuersalitas consequitur ad illam primam; nisi enim differentia abstraheretur à suis singularibus, non posset vniuersaliter prædicari de indiuiduis speciei, non enim hoc rationale, sed rationale in communi prædicatur vniuersaliter de Petro & Paulo, &c.

Est autem difficultas. An differentia generica & specifica, sint duo distincta vniuersalia sicut genus & species. Nam genus & species per hoc constituuntur distincta vniuersalia, quod genus prædicatur de pluribus differentibus specie, species autem de pluribus differentibus numero: at etiam differentia generica prædicatur de pluribus differentibus specie, differentia verò specifica de pluribus differentibus numero: ergo hæ differentiæ constituunt distincta vniuersalia, aut certè genus & species non erunt distincta vniuersalia. *An differentia constituant duo prædicabilia.*

Ad hanc difficultatem. Quidam dicunt, genus non solum prædicari de pluribus differentibus specie, *Primæ responsio.*

Eff 2 sed

sed etiam per modum partis essentialis, genus enim est pars essentialis speciei: Species autem prædicatur de pluribus per modum totius essentialis; quia est tota essentia suorum inferiorum, & hic modus prædicandi per modum partis, & totius, facit genus speciemque esse distincta prædicabilia. Neque refert quod in definitione generis non ponatur hic modus prædicandi per modum partis: etsi enim non ponatur explicitè, ponitur tamen implicitè: Nam id quod prædicatur in quid de pluribus differentibus specie, non potest esse nisi pars essentialis speciei.

Porro hoc discrimen, non inuenitur in differentia generica & specifica; quia utraque prædicatur per modum partis essentialis; utraq; enim differentia est pars: & idcirco maior est ratio, ut genus & species sint distincta prædicabilia: quam differentia generica & specifica.

Refellitur.

I.

Sed hic modus non videtur sufficiens, Primò: Prædicari per modum totius vel partis non facit vniuersalitatem distinctam, alioqui pari ratione accidens genericum prædicatur de subiecto per modum partis accidentalis; accidens verò specificum prædicatur de subiecto per modum totius accidentalis: quia accidens specificum est totum respectu accidentis generici, & accidens genericum est pars essentialis accidentis specifici, ut color albedinis, & tamen utraque prædicatio spectat ad idem quantum prædicabile; ut cum dico, hic & ille homo est coloratus, hic & ille homo est albus, utraque prædicatio est accidentis quoniam prædicabilis, licet in illa prædicetur genus accidentis, in hac species, in illa pars, in hac totum.

Secun-

Secundò: Etiam in ratione totius & partis, est par in utrisque ratio. Nam sicut genus est pars essentialis speciei, ita differentia generica est pars essentialis differentiae specificae in concreto acceptae: Sicut enim animal continetur in homine essentialiter, ita sensitivum quod est differentia generica, continetur essentialiter in rationali, alioqui non prædicaretur de illo; id enim, quod est rationale, est etiam sensitivum, non accidentaliter, sed essentialiter. Simili ratione conveniunt in ratione totius: nam sicut genus significatur per modum totius substantialis, ita differentia generica significatur per modum totius accidentalis; concretum enim accidentale est totum quoddam. Eadem paritas apparet si conferatur species cum differentia specifica in concreto: Nam sicut Species est totum essentialiale constans genere & differentia, ita differentia specifica in concreto sumpta, constat essentialiter differentia generica materialiter significata, & differentia specifica formaliter significata, quod satis est ad rationem totius essentialis.

Tertiò: Magis facit ad distinguendas prædicationes discrimen eorum de quibus fit prædicatio: nempe quod prædicatio fiat de differentibus specie, vel de differentibus numero, quàm discrimen totius & partis. Nam sicut in relationibus distinctio sumitur ex distinctis terminis ad quos; ita & in prædicatione sumi potest distinctio ex distinctis terminis, de quibus fit prædicatio: Si ergo illud discrimen non sufficit ad distinguenda prædicabilia, multo minus hoc sufficiet.

Alii dicunt. Genus ex eo esse distinctum prædicabile à Specie, quod genus prædicetur de speciebus, quod non est in differentia generica, quæ non prædicatur de Specie, sed de Genere. Sed contra. De quo

Altera Respo.

so.

Refellitur;

cunq; prædicatur genus in quid, differentia quoque generica prædicatur in Quale: ac genus prædicatur de speciebus & specie differentibus: ergo & differentia generica.

At inquires. Genus immediatè prædicatur de suis speciebus: differentia verò generica mediante genere. Contra. Etiam differentia specifica prædicatur de individuuis mediante specie, & tamen hoc non obstat, quominus differentia sit distinctum prædicabile per hanc, inquam, mediatam prædicationem. Quare mediata & immediata prædicatio, non variat rationem prædicabilis; eundem enim modum prædicandi haberet differentia, si prædicaretur immediatè, de individuuis, quem modò habet, cùm prædicatur mediante specie.

Sententia Authoris.

Nos igitur aliam huius rei rationem afferemus. Omnem relationem distingui specie ex distinctis specie terminis, quos respicit: Quia igitur genus & species habent suæ prædicationis distinctos specie terminos immediatos, quos respiciunt, (genus enim pro immediato termino habet speciem: Species autem individua) idcirco meritò distinguuntur in ratione prædicandi. quod non accidit in differentiâ generica, & specifica: Differentia enim tam generica quàm specifica, pro immediato termino suæ prædicationis, habent speciem quam constituunt, siue subalternam siue infimam; Generica enim differentia dicitur immediatè de genere subalterno, quatenus illud genus est species subalterna, si quidem ut species, constituitur per differentiam, non ut genus; speciei enim est constare genere & differentia. Specifica verò differentia dicitur de specie infima,

infima, unde utraq; differentia mediante sua specie,
 siue subalternâ, siue infimâ, dicitur de subiectis speciei,
 sub ratione illius speciei. Quia igitur non habent hæ
 differentiæ distinctos formales terminos immediatos
 suæ prædicationis; utraque enim de specie, ut species
 est, prædicatur & sub ratione speciei de subiectis spe-
 ciei, idcirco hæ differentiæ non sunt distincta prædi-
 cabilia: quia sicut in ratione speciei non distinguitur
 essentialiter species subalternâ à specie infima; ita neq;
 prædicatio de specie subalternâ distinguetur essentiali-
 ter à prædicatione de specie infima. Ex quo patet
 in differentia duos illos modos prædicandi de differen-
 tibus specie, & de differentibus numero, non facere
 distincta prædicabilia; quia duo illi modi continentur
 sub vno, quatenus differentia de utrisque sub ratione
 speciei prædicatur, hoc est quatenus continent in se
 speciem: Alioqui genus summum & medium essent
 distincta prædicabilia: quia illud prædicatur de di-
 stinctis genere, hoc verò de differentibus specie. Pro-
 pterea verò negamus esse distincta prædicabilia, quia
 utrumque prædicatur sub eadem ratione formali, hoc
 est, quatenus illa multa sunt distincta specie siue

subalternâ (quæ etiam est genus sub-
 alternum) siue infimâ.



QVÆSTIO IX.

De Proprio.

Proprium requiritur duo.

DE proprio primum illud explicandum est, quodnam proprium sit quantum prædicabile, & quomodo ab accidente, quod est quantum prædicabile, distinguatur. Dico igitur. Ad proprium quod est quantum prædicabile duo requiri. Primò, ut sit extra essentiam rei; alioquin non differret à differentia. Idcirco Aristoteles Topic. cap. 4. definit Proprium, Esse id quod non indicat quid est esse rei, soli autem inest, & conuersim prædicatur. Secundò, ut sit simpliciter, & omni ratione proprium. Quod secundum Porphyrium est id, quod & omni & soli & semper conuenit, quod etiam dicitur Proprium quarto modo; in illud enim omnes modi proprii concurrunt. Secundum Aristotelem verò est id, quod soli inest, & conuersim prædicatur; Quidquid enim est conuertibile cum re, omni, soli, & semper conuenit: Nam si non omni, vel non soli, vel non semper conueniret non conuerteretur; ut patet in tribus prioribus modis proprii.

Discrimine Proprii & Accidentis.

Ex quo infero Proprium distinguui ab Accidente, tanquam Accidentis Proprium à nō Proprio, ita ut quod vel non omni, vel non soli, vel non semper conuenit, ad Accidentis, ut est Quantum prædicabile referendum sit. Id ita esse colligitur ex vltima definitione Accidentis à Porphyrio data; Ait enim Accidentis esse id quod cum non sit genus, nec species, nec differentia, nec Proprium, semper autem est in subiecto subsistens. Vbi ad rationem Accidentis, quod est quantum prædicabile duo requirit, cum ut non sit proprium Accidentis, cum

vt semper in sit subiecto, hoc est vt nunquam extra subiectum existat. Colligitur item ex definitione Proprii tradita ab Aristot. 1. Top. cap. 4. Nam si proprium est illud, quod conuersim prædicatur de re, pertinent ad quintum prædicabile, non propria rei accidentia, vel non omni ratione propria. Non sunt autem omni ratione propria, quæ vel non omni, vel non soli, vel non semper conueniunt: quæ verò omni & soli, & semper conueniunt, sunt omni ratione propria, & conuersim de re dicuntur. Hac igitur doctrina pro fundamento posita explicari faciliè possunt difficultates, circa hæc duo prædicabilia.

Prima difficultas. An omne proprium accidens sit necessarium. Respondeo. Affirmatiuè, quod enim omni & soli & semper inest, non temerè, nec contingenter inest, sed habet suæ inexistentiæ causam necessariam in subiecto; quæ enim non necessariò insunt, contingit illa vel non semper inesse, vel non omni, vel non soli, Quamquam hæc necessitas potest esse duplex: Altera ex parte subiecti, quando subiectum necessariò requirit tale accidens, & habet in se causam propter quam sine tali accidente, esse non possit. Sic homo quia est rationalis, necessariò risibilis est: ignis ex natura sua necessariò est calidus; Altera ex parte accidentis, quando accidens necessariò requirit tale subiectum, vt non possit esse in alio subiecto, nisi in tali, vt esse bipedem, non potest conuenire nisi animali, esse simum, nisi naso. Proprium igitur utroque modo debet esse necessarium, tam ex parte subiecti, quàm ex parte accidentis, quatenus enim omni & semper conuenit, est necessarium ex parte subiecti, quia subiectum non potest esse sine illo: quatenus verò soli illi subiecto

Proprium necessarium conuenit rei.

Necessitas duplex.

Ex parte subiecti.

Ex parte prædicati.

conuenit, est necessarium ex parte accidentis, quia accidens non potest esse sine tali subiecto. sic risibile est necessarium respectu hominis, quia nec homo sine risibili nec risibile sine homine esse potest.

An omne accidens necessarium sit proprium.

Secunda Difficultas. An omne Accidens necessarium sit Proprium? Respondeo. Si sit necessarium utroque modo, tam ex parte subiecti, quàm ex parte prædicati, erit Proprium. Nam quatenus est necessarium ex parte subiecti, conueniet omni & semper, quatenus verò necessarium est ex parte prædicati, conueniet soli; & sic erit proprium quarto modo omni, soli, & semper competens. Si verò sit necessarium, sed non ex utraque parte, sed vel ex parte subiecti tantum, vel tantum ex parte prædicati, non erit accidens proprium, quarti prædicabilis; quia non omni, soli, & semper conueniet, nec conuersim de re dicetur, quod requiritur ad rationem proprii; ut est quartum prædicabile. Quare esse Musicum, vel Grammaticum, est accidens hominis necessarium ex parte prædicati, non tamen est proprium; quia non est necessarium ex parte subiecti: esse verò bipedem est necessarium homini ex parte subiecti; quia tamen non est necessarium ex parte prædicati, non erit proprium quarti prædicabilis.

Ex quo patet primò. Accidens quod est quintum prædicabile, posse esse necessarium, vel ex parte subiecti tantum, vel ex parte prædicati tantum. Accidens verò quarti prædicabilis, debet esse necessarium utroque modo, tam ex parte subiecti, quàm ex parte prædicati. Quod sic probatur: quia illud accidens quod non est utroque modo necessarium, non pertinet ad proprium; quia non conuenit omni, soli, & semper, ut dictum est; Ergo vel ad nullum aliud prædicabile.

dicabile pertinebit, vel pertinere debebit ad quantum prædicabile. Deinde ostendimus accidens à proprio differre tanquam non proprium à proprio accidente. Potest autem non proprium accidens necessario rei inesse, vel ex parte subiecti, vt calor igni necessario inest, cum tamen commune sit illi accidens cum aëre, Lux etiam soli & igni inest cum tamen neutri sit proprium, sed commune: Vel ex parte prædicati, vt si- mum inest naso, Grammaticum homini, quæ non sunt propria accidentia, cum nec omni nec semper insint.

Quod si dicas. Accidens quantum prædicabile, debet posse abesse & adesse præter subiecti corruptionem: quod autem potest abesse à subiecto, non conuenit illi necessario; necessarium enim est, quod non potest non inesse. Respondeo, illam definitionem Accidentis, non intelligi de separatione reali Accidentis à subiecto, sed de separatione per intellectum, vt quæstione sequenti docebimus. Quare potest esse accidens realiter inseparabile à subiecto, & necessario conuenire subiecto, & tamen per intellectum erit separabile, & poterit abesse à subiecto salua subiecti essentia: quia etsi intellectus concipiat subiectum sine illo accidente, non sequetur destructio essentialis subiecti.

Patet secundò. Proprium non distingui in hoc ab Accidente, quod proprium necessario prædicetur, accidens contingenter: nam etiam accidens potest prædicari necessario, vel necessitate subiecti, vel necessitate prædicati. Differunt igitur quod vnum prædicatur vt accidens proprium & conuertibile, aliud verò vt accidens, non proprium, & non conuertibile. Qua-

Accidens potest prædicari necessario.

re omne proprium est accidens necessarium; quintum verò prædicabile est accidens aliquando necessarium, aliquando contingens.

Non omne accidens manans ab essentia subiecti est proprium.

Tertia difficultas. An omne accidens fluens ab essentia subiecti sit proprium; Quibusdam enim id videtur, eo quòd nihil magis sit proprium rei, quàm quod ab eius essentia fluat.

Dicendum tamen est. Omne quidem proprium, manare quodammodo ab essentia subiecti, non tamen quidquid manat, ab essentia subiecti, est proprium conuertibile, cum subiecto. Ratio primi est: quia quod uni soli & semper conuenit, habet aliquam causam in subiecto, ad quam necessariò consequatur. Ratio secundi est: Quia potest aliquod accidens manare à diuersis specie subiectis, quatenus diuersa sunt, vt patet primò inductione. Calor enim & ab essentia ignis oritur, & ab essentia aëris, & ab essentia aliquorum mixtorum: hæc autè omnia non conueniunt in aliqua comuni essentia, à qua fluat calor. Deinde quia emanatio accidentis à subiecto, fit per efficientiam quandam subiecti: atqui idem effectus potest effici à diuersis efficientibus specie, quatenus diuersa sunt, vt calor à calore, & à lumine: Ergo etiam idem accidens potest manare à diuersis specie subiectis, quatenus diuersa sunt: Tale autem accidens non erit proprium, sed commune illis subiectis diuersis.

Prima Responsio refellitur.

Responderi potest, Proprietates esse duplices, alias quæ consequuntur ad rationem aliquam genericam, vt sensitiuum ad rationem animalis; alias quæ consequuntur ad rationem specificam, vt risibile ad rationem hominis: Illæ sunt propriæ generis, hæ propriæ speciei. Quando igitur Proprietas una manat à diuersis specie

Specie subiectis, censenda est ad rationem genericam, communem vtrique subiecto pertinere, & esse proprietates generis, vtrique communis, siue illud genus sit nominatum, siue innominatum, & sic illud accidens manans à subiecto illo generico erit accidens proprium illius generis & conuertibile cum illo. Sed contra. quia probatum est accidentia quædam manare à diuersis subiectis, quæ diuersa sunt, & quibus non est communis aliquis gradus essentialis, à quo emanent. Neque enim ad talem emanationem necessaria est communis essentia, Nam sicut causæ efficientes diuersæ, sine illa conuenientia essentiali, possunt producere eundem effectum specie, ita & diuersa subiecta specie sine illa conuenientia essentiali, possunt ex se producere eandem specie proprietatem. Quæ verò ratio substantiæ est communis igni & aëri, ad quam consequatur calor? Vel soli & igni, vt ad eam consequatur lux? Vel quid est commune calori & lumini, ad quod consequatur vis calefactiua?

Dices. Istas proprietates oriri quidem à rationibus specificis diuersorum subiectorum, sed diuerso modo & secundum diuersum gradum, v. g. lux in gradu valde intenso est solis propria: ab igne verò oritur in gradu minus intenso. Sed contra. Primò: Potest eadem qualitas in gradu æquè intenso oriri à diuersis specie subiectis, vt calor summus ab igne & aëre. Neque dubium est, hæc accidentia consequi ad rationem specificam ignis & aëris. Secundò: Ea accidentia quæ oriuntur à diuersis subiectis in gradu non æquè intenso, secundum omnes suos gradus emanant ab illis subiectis, non solum secundum illum gradum intensum; Ergo adhuc verum erit, idem accidens, quoad gradum re-

*Altera responsio
refellitur.*

missum saltem, posse emanare à diuersis specie subiectis, & sic tale accidens emanans non erit accidens proprium, quoad illos gradus remissos.

Quod si quæras. tale accidens fluens à diuersis specie subiectis, ad quod prædicabile, referendum sit? Respondeo. Si fluat à diuersis subiectis, secundum quod illa subiecta conueniunt in aliquo gradu communieffentiali; tunc eiusmodi accidens erit proprium quarto modo illius gradus essentialis; & ad quartum prædicabile referendum erit: Si verò fluat à diuersis subiectis, qua diuersa sunt, tunc pertinebit ad quintum prædicabile: omne enim accidens quod non est proprium quarto modo, pertinebit ad quintum prædicabile: hoc autem est tale: Ergo.

Quarta difficultas. An proprium possit adesse & abesse præter subiecti corruptionem: videtur enim non posse, cum hæc sit definitio Accidentis, vt possit adesse & abesse præter subiecti corruptionem; alioquin proprium non esset distinctum ab accidente, si ei competit definitio accidentis. Ex altera verò parte Proprium quarto modo videtur id conuenire posse. Nam & re ipsa per Dei potentiam potest auferri à subiecto, & per intellectum potest de eo negari salua subiecti essentia. Verbi gratia, summus calor in igne, si statuatur omni, soli & semper conuenire, potest tam per Dei potentiam quam per intellectum separari ab igne; negato enim calore, intellectus concipit integram ignis essentiam: Quantitas etiam omni materiæ semper & soli conuenit, ab ea tamen in Eucharistia separatur; à quantitate etiam separatur de facto extensio ad locum, quæ est illi propria quarto modo. Denique figura est proprietas quantitatis, quæ

Proprium potest à subiecto separari.

quæ tamen potest ab ea separari, vel re ipsa, vel vt minimum mente. Si enim esset quantitas vndequeque infinita, nullam haberet figuram (repugnat enim infinito finem & terminum habere: figura autem est terminus quantitatis) & tamen in quantitate infinita saluatur essentia quantitatis. Quod si infinita quantitas non sit possibilis; saltem intellectu non repugnat concipere essentiam quantitatis sine figura. Idem etiam probatur ratione. Nam ratio accidentis proprii, consistit in eo solum, quod omni, soli & semper competat: atqui hæc ratio saluatur, siue proprium sit separabile, siue inseparabile à subiecto: Ergo non repugnat proprio posse abesse & adesse præter subiecti corruptionem. Neque obstat quod illa sit definitio accidentis. Nam in illa definitione definitur accidens, quod non sit proprium, & cum non sit proprium, possit adesse & abesse præter subiecti corruptionem, vt in altera definitione Porphyrij expressè dicitur.

Pro solutione notandum est. Proprium esse duplex. *Proprium Physicum.* Physicum & Metaphysicum. Physicum est qualitas realiter distincta à subiecto, omni, soli & semper competens: Metaphysicum verò est non distinctum ab essentia rei, nisi sola connotatione alicuius, vel negationis, vel respectus, vel termini, aut subiecti extrinseci; quomodo passionis entis dicuntur entis proprietates Metaphysicæ, quia dicunt ipsum ens cum aliqua negatione, vel respectu. Vnum, verbi gratia, dicit ens vt indiuisum; verum, dicit ens vt conforme ideæ; Bonum dicit ens, vt conforme appetitui.

Tales

Tales etiam proprietates sunt, quædam essentialia aptitudines rerum, quæ nihil aliud dicunt, quàm essentiam, cum non repugnantia ad aliquid; talis est aptitudo materiæ ad omnes formas recipiendas, quæ nihil aliud est, quàm essentia materiæ cum non repugnantia ad omnes formas.

Proprium physicum potest adesse & abesse.

Dico igitur primò. Proprium Physicum potest adesse & abesse præter subiecti corruptionem, tam realiter per Dei potentiam, quàm per intellectum negantem tale proprium de subiecto, salva essentia subiecti; non tamen idcirco proprium erit accidens quinti prædicabilis: neque ei definitio accidentis competet: Hæc conclusio quoad priorem partem probatur sufficienter in ratione dubitandi: Duo enim ex natura rei distincta Deus potest à se separare; denegando enim alteri suum influxum, fiet ut illud desinat esse altero remanente: Quæ verò Deus re separare potest, intellectus etiam poterit separare mente, salva alterius essentia.

Quoad posteriorem verò partem attinet; quidā distinguunt: Quia proprium Physicum si sumatur secundum suam entitatem Physicam & actualem, sic potest adesse & abesse præter subiecti corruptionem; si verò sumatur secundum suam aptitudinem, sic nō potest abesse præter subiecti corruptionem.

Sed contra. Proprium Physicum ut abstrahit ab illa aptitudine, & sumitur secundum suam entitatem actualem Physicam, est verè proprium, omni, soli, & semper competens: at sub illa ratione abstracta potest abesse præter subiecti corruptionem: Ergo proprium sub ea ratione sub qua est proprium, potest abesse præter subiecti corruptionem; Quomodo igitur definitio accidentis illi non conveniet? Deinde ut minimum, sequetur.

queretur proprio æquè ex natura rei convenire posse abesse præter subiecti corruptionem, sicut convenit accidenti, & sic in hoc, esset eadem natura accidentis & proprii. Ad hæc etiam accidens commune quoad aptitudinem non potest abesse sine subiecti corruptione, ut patet de calore, & luce, respectu ignis, quæ licet sint communia igni cum aliis rebus, & possint actu ab igne separari; tamen quoad aptitudinē non possunt; semper enim ignis est aptus natura sua esse calidus, & lucidus: ergo in hoc par esset ratio accidentis proprii, & communis.

Præterea cum dicitur proprium secundum aptitudinem, vel intelligitur de aptitudine ipsius proprii intrinseca, vel de aptitudine subiecti extrinseca: si primum; sicut proprium quoad entitatem potest abesse, ita & quoad omnem aptitudinem quæ consequitur entitatem; re enim pereunte pereunt & omnes eius aptitudines actuales: si secundum; tunc illa aptitudo subiecti; est distincta proprietate à proprio Physico: Ergo proprium Physicum, ut distinguitur à proprio Metaphysico, semper potest abesse, tum quoad rem, tum quoad aptitudinem.

Dicendum igitur est, Proprium Physicum, quâ Physicum est posse abesse præter subiecti corruptionem; neque tamen idcirco definitio accidentis illi conveniet, quia in definitione accidentis, ante omnia intelligitur, quod cum non sit proprium; possit abesse & adesse præter subiecti corruptionem; Ita enim intelligendum esse Porphyrius expressè docuit, cum definit Accidens, quod non est genus, species, differentia, Proprium, semper autem est in subiecto. Quare etsi pars definitionis Accidentis com-

Definitio accidentis an conveniat proprio.

petat Proprio, quia tamen altera pars non competit, Proprium non erit Accidens quinti prædicabilis.

Proprium Metaphysicum non potest abesse.

Dico secundò. Proprium Metaphysicum quod est proprium quarto modo, non potest abesse à subiecto, nec re per Dei potentiam, nec per intellectum negantem. Explico. Proprium Metaphysicum est illud, quod dicit essentiam cum aliqua cōnotatione: hæc autem cōnotatio, si est necessaria, facit proprium quarto modo, ut patet in passionibus entis, si verò sit contingens, non erit proprium quarto modo, quia non semper conveniet subiecto. Sic informatio non semper convenit Formæ.

Hoc igitur posito, probatur conclusio, nempe proprium Metaphysicum, si sit proprium quarto modo, nō posse abesse. Nam nec potest abesse, ut dicit essentiam, ut per se patet, neque ut dicit cōnotationem, quia hæc consequitur necessariò ad essentiam, & illam negare esset negare essentiam. At in stabis, etiam proprium Physicum fluit ab essentia, & tamen auferri & negari potest, ergo & cōnotatio poterit auferri, quâ ablata auferetur, & proprietas sub ratione proprietatis, quia essentia non habet proprietatis rationem, nisi sub illa cōnotatione. Respondeo. Proprium Physicum auferri posse à subiecto, quia est res distincta, à subiecto; at cōnotatio cum non sit res distincta ab essentia, nec ad hoc ut consequatur aliud quid requirat præter essentiam, non potest auferri manente essentia. Sicut propter eandem causam ratio non potest auferri manente fundamento & termino, quia non est res distincta à fundamento; nec aliud quid requirit ad suam essentiam præter fundamentum & terminum. Similiter, neque privatio, aut negatio consequens necessariò

fariò aliquam naturam potest auferri manente illa natura, vt, v. g. cæcitas auferri non potest manente eadem dispositione reali, nec negatio hinnibilitatis à rationalitate.

Iam verò si quæras, An omnes aptitudines Metaphysicæ sint propriæ suis subiectis; videntur enim aliquæ esse communes, vt aptitudo ad calorem in essentia ignis, & in essentia aëris, & aptitudo ad lucem, in essentia solis, & ignis. Dicendum tamen est, has aptitudines nunquam esse communes, sed semper esse proprias quarto modo suis subiectis: quia sunt essentia ipsorum subiectorum postulantium talia connotata. Quare in distinctis essentiis specie, erunt etiam aptitudines essentielles distinctæ specie, & ex consequenti propria quarto modo ipsis subiectis: verbi gratia; aptitudo essentialis ad calorem, alia est in igne, alia in aëre: quia in igne est essentia ignis, sub ratione propria ignis requirens calorem; in aëre verò est essentia aëris ex se requirens calorem; & sic aptitudo ignis erit propria igni, omni soli, & semper conueniens; aptitudo verò aëris, erit propria aëri omni, soli & semper.

Omnes aptitudines Metaphysicæ, sunt propria quarto modo.

Quinta difficultas. Quis modus prædicandi Proprio, quâ proprium est, conueniat, vt est Quartum prædicabile. Quidam aiunt proprium modum prædicandi quarti prædicabilis, esse prædicari in quale accidentale necessarium; volunt enim proprium in hoc distingui ab accidente; quod accidens prædicetur in quale contingéter, propriū verò in quale necessariū. Sed hæc opinio refellitur; Primò: Quia etiā accidens potest prædicari in quale necessarium, vt in secunda

Modus prædicandi Proprii quæ?

difficultate docuimus. Sic lux prædicatur de igne necessario, & tamen est accidens commune igni cum sole & aliis lucidis. Secundò: Quia in definitione proprii hic modus prædicandi necessario, non exprimitur formaliter: Ergo non pertinet ad rationem formalem proprii, nec ad prædicationem formalem proprii ut Proprium est; Solum enim in definitione Proprii dicitur, quod omni, soli, & semper competat, seu quòd conuertitur de re.

At inquires. Id quod omni, & soli, competit, & quod conuertitur cum re, necessario illi competit. Respondeo, Verum id esse, quia ad naturam Proprii consequitur, ut necessitatio prædicetur: ratio tamen formalis Proprii, non consistit in illa necessitate, sed in illo modo propriè se habèdi respectu subiecti, qui modus est, omni, & soli, & semper competere, & conuerti cum subiecto.

Dico igitur modum prædicandi proprii quarti prædicabilis esse prædicari per modum accidentis proprii, seu accidentis conuertibilis, seu omni, & soli, & semper conuenientis; isque modus formaliter spectatur in prædicatione proprii, & eum indicauit tam Porphyrius, quàm Aristoteles in definitione Proprii. Ille verò modus primæ sententiæ nec in definitione proprii habetur, nec continetur in ratione formali proprii, sed solum consequitur ad rationem formalem proprii, sicut risibilitas consequitur ad rationalitatem; esse enim proprium, non est necessario rei conuenire, sed soli, omni, & semper. Porro in hoc modo prædicandi differt proprium à cæteris prædicabilibus. Nam prima tria non prædicantur per modum accidentis, quantum verò prædicatur per modum accidentis, sed non proprii: quantum verò prædicatur per modum accidentis proprii.

Sexta difficultas. An proprium prius prædicetur de specie, quàm de indiuiduis? Porphyrius hoc loco distinguit Proprium ab accidente, inter alia in hoc; quod primum prius de specie dicatur, tanquam de suo *Proprium primo conuenit speciei, tum indiuiduis.* primo & immediato subiecto, deinde verò ratione speciei de indiuiduis; vt risibile prius de homine dicitur, tum ratione hominis, de hoc & illo homine particulari. Nam proprium, respectu speciei, dicitur proprium, quia omni speciei, soli & semper conuenit, & in specie habet causam adæquatam, ad quam consequitur: Accidens verò primò dicitur de indiuiduis, deinde de specie. v. g. homo dicitur albus, quia hic homo est albus, non verò hic homo dicitur albus, quia homo in communi est albus: Nam si homini ex ratione communi hominis competeret esse album, omni homini esse cōpeteret album: quia omnes homines participant illam communem rationem hominis. Posset tamen dari instantia de accidentibus quibusdam non propriis, fluentibus tamen ab essentia, vt calor & lux fluit ab essentia ignis, & ex consequenti conuenit igni, vt ignis est, non vt hic ignis. neque ideò ignis est calidus, quia hic ignis est calidus, sed potius ideò hic ignis est calidus, quia ignis ex natura sua est calidus. Quare dicendum est, talia accidentia excipi ab illa communi regula. Discrimen verò à Porphyrio allatum in hunc modum accommodari potest: quòd id proprio per se competat, vt speciei primò conueniat, & ratione speciei indiuiduis; accidens autem etsi aliquando primò speciei competere possit, id tamen ei per se primò non competit ex ratione communi accidentis, sed ob specialem rationem talis accidentis; si enim conueniret ex ratione communi accidentis, conueniret omni accidenti.

*Vniuersalitas
proprij.*

Ex dictis patet. Proprium non esse vniuersale respectu speciei, sed duplicialia ratione. Primò respectu subiectorum speciei, ad eum modum quo de differentia dicebamus. Secundò: respectu suorum inferiorum: & quidem ratione secundi habet esse vniuersale simpliciter, hoc est, abstractum à singularibus; ratione verò primi, solum habet esse distinctum prædicabile ab aliis.

QVÆSTIO X.

De Accidente.

*Accidens non
proprium con-
stituit quintū
prædicabile.*

Accidens ut est quintum prædicabile, non comprehendit omne accidens, sed solum accidens non proprium quarto modo, & non conuertibile cum subiecto. Dicitur autem Accidens non proprium, si vel non omni competat, ut homini esse Grammaticum, vel omni, sed non soli, ut esse bipedem; vel omni, soli, sed non semper, ut canescere. Duo itaque sunt hîc habenda ante oculos.

Primum est. Omne accidens non proprium pertinere ad quintum prædicabile. Nam cum non possit pertinere ad quartum; aut ad nullum pertinebit, aut ad quintum prædicabile pertinere necesse est; nullum enim aliud prædicabile est pro accidentibus præter hæc duo.

*In Definitione
Accidentis ob-
seruandum.*

Alterum est. quod in omni definitione accidentis quinti prædicabilis, intelligendum est expressè vel tacitè quod non sit proprium, & quod cum non sit proprium, definitio accidentis illi competat. Patet id primò ex definitione accidentis, tum à Porphyrio,

tum

tum ab Aristotele data. Nam Porphyrius ita definit
 accidens. Quod cum non sit proprium inest autem rei:
 ita ut cum eadem restrictione, alias quoque accidentis
 definitiones velit intelligi. Aristoteles etiam 1. Topic.
 cap. 4. ait: Accidens esse id, quod neque definitio est,
 neque proprium, neque genus, inest autem rei. Secundò:
 Quia ea quæ ponuntur in definitione accidentis, Pro-
 prio etiam possunt competere, v. g. adesse & abesse præ-
 ter subiecti corruptionem; ut præcedenti quæstione
 docuimus. Neque verò alia ratione hæ definitiones
 sunt propriæ quinti prædicabilis, nisi quod intelligun-
 tur cum hac restrictione; ita ut id accidens quod non
 est proprium & potest adesse vel abesse præter subiecti
 corruptionem sit accidens quinti prædicabilis. Dein-
 de in hoc solo differunt quartum & quintum prædi-
 cabile, quòd illud sit accidens proprium, hoc non pro-
 prium: Ergo in definitione quinti prædicabilis semper
 subintelligendum est accidens non proprium.

Sunt autem duæ difficultates de Accidente expli-
 canda. Prima difficultas est, quomodo sit intelligen-
 dum accidens posse abesse & adesse præter subiecti cor-
 ruptionem: Si enim realiter intelligitur accidens posse
 abesse præter subiecti corruptionem; in primis id fal-
 sum est, quod omne accidens possit realiter à subiecto
 abesse; Quædam enim sunt accidentia realiter insepa-
 rabilia, ut nigredo à coruo & Æthiope, & alia quæ ex
 essentia subiectorum fluunt, ut lux à sole & igne. Quod
 si dicas per Dei potentiam separari posse. Contra. Esto
 verum id sit; at in definitione non ponitur id quod con-
 venit rei supernaturaliter, sed quod naturaliter & secun-
 dum eius propriam essentiam illi conuenit: Hæc autem
 sepa-

*Quomodo Ac-
 cidens potest
 abesse.*

Non realiter.

separatio quæ fit per absolutam Dei potentiam, est supernaturalis omninò accidenti. Neque credibile est Porphyrium in definitione accidentis de absoluta Dei potentia cogitasse.

Deinde quædam accidentia sunt, quæ separari quidem realiter à suis subiectis possunt, non tamen præter subiectorum corruptionem: sublatis enim dispositionibus ad conseruationem formæ necessariis rem perire necesse est, vt sublatis accidentibus propriis igni, necesse est ignem perire. Neque alius modus naturalis est res destruendi, nisi per destructionem accidentium priorum. Præterea dantur quædam accidentia, quæ non possunt adesse præter subiecti corruptionem, vt morbus letalis, & Mors; hæc enim cum adsunt corrumpunt subiectum.

Non per intellectum.

Si verò intelligatur accidens posse abesse non realiter, sed per intellectum, id quoque videtur dici non posse. Nam vel id fieret per simplicem abstractionem quâ conciperet intellectus subiectum, non concepto accidente, vel per negationem negando accidens de subiecto: at neutrum dici potest: Non primum; quia sola abstractio, non facit accidens abesse à subiecto, quot enim res abstrahimus, quas tamen idcirco non dicimus abesse à re, à qua abstrahuntur? vt cum abstraho colorem à sapore in pomo, propter abstractionem non dicitur color abesse à pomo: Non secundum; quia talis negatio esset falsa; non enim esset conformis rei; negare enim de coruo nigredinem, cum coruus à parte rei sit niger, falsum est.

Pro solutione notandum est. Duo dici in definitione accidentis, & quòd possit abesse, & quòd talis absentia accadat præter subiecti corruptionem. Vnde de tali

tali absentia est quæstio, quæ fiat sine corruptione subiecti. Tota igitur difficultas ad duo puncta reuocatur. Primum est: An accidens debeat posse abesse realiter, vel tantum per intellectum. Secundum est: quid intelligendum est per corruptionem subiecti, & quomodo accidens præter subiecti corruptionem possit abesse.

Dico igitur Primò. Et si non repugnat naturæ accidentis quinti prædicabilis, posse realiter abesse à subiecto, tamen definitio accidentis à Porphyriò data, non est intelligenda de absentia reali. Prima pars conclusionis probatur: quia omne accidens quinti prædicabilis vel ex parte subiecti, vel ex parte prædicati, non necessario conuenit subiecto: quod autem non necessario conuenit alicui, naturâ suâ est separabile ab illo, & potest ab illo abesse: Ergo omne accidens naturâ suâ potest abesse à subiecto, ita ut quamuis actu non separaretur, naturæ tamen eius talis separatio non repugnat. Maior patet ex præcedenti quæstione. Solum enim accidens proprium quarto modo est necessarium utraque ratione, tam ex parte subiecti, quàm ex parte prædicati: Accidens verò quinti prædicabilis non necessario conuenit, vel ex parte subiecti, quia subiectum non requirit tale accidens, nempe quod soli, sed nõ omni competit. v.g. esse Grammaticum homini; vel ex parte prædicati, si accidens non necessario requirat tale subiectum, ut lux nõ necessario requirit ignem; potest enim esse extra ignem, licet ignis necessario requirat lucem.

Definitio non intelligitur de absentia reali.

Omne accidens est aliquo modo ex natura rei, separabile.

Quidam addunt, non solum non repugnare naturæ accidentis separari à subiecto, sed etiam omne accidens actu separari posse naturaliter à subiecto, saltem secundum aliquem gradum, vel aliquem modum separ-

rationis. Cum enim in quolibet gradu minimo sit tota essentia accidentis, si secundum aliquem gradum accidens est separabile, absolute accidens est separabile. Aiunt ergo omne accidens, etiam quod dicitur inseparabile, habere in subiecto causam aliquam accidentalem, & variabilem: v. g. nigredo in coruo, habet certam mixturem, quæ cum variari possit, ipsa quoque nigredo variari poterit. Vt enim Albertus Magnus docet, si oua coruorum certo modo inficiantur, pullos albos procreabunt; quin etiam de facto in Moschouia dantur corui albi, & passeris, & lepores, & vñsi apud nos etiam corui de facto variantur in nigredine: nam nec omnes sunt æque nigri, neque quouis tempore æqualem habent nigredinem. Aiunt verò accidentia quædam dici inseparabilia; vel quia ex toto non separantur; vel quia difficillimè separantur, eo quod habeant causam fixam in subiecto.

Quæ accidentia naturaliter separantur.

Verum quod hi auctores dicunt de separatione reali omnis accidentis, verum esse potest in accidentibus non fluentibus ab essentia. Nam hæc sola habent causam variabilem in subiecto. Si verò de accidentibus fluentibus ab essentia loquamur, distinguendum est: Nam vel habent contrarium, vt calor & siccitas fluens ab essentia ignis, habet contrarium frigus & humiditatem, tunc talia corrumpi possunt, & ex consequenti possunt abesse à subiectis: vel nullum habent contrarium, vt lux in sole & igne, & hæc nullo modo possunt abesse à subiecto: quia & causam habent inuariabilem in subiecto, & impediri à contrario non possunt. Nostra igitur conclusio intelligitur, non de separatione actuali, sed de non repugnantia naturali ad separationem. Cuius etiam hoc indicium est, quod cum idem accidens inueniatur quoque in alio subiecto, videtur naturam suam posse ab illo abesse.

Secun.

Secunda verò pars conclusionis probatur, Quia ut *Quadam non
separantur sine
reali corruptione
ne subiecti.*
in ratione dubitandi deductum est, et si accidentibus
quinti prædicabilis non repugnet abesse à subiecto rea-
liter: quibusdam tamen repugnat abesse præter subiecti
corruptionem: qualia sunt accidentia à quibus pender
conseruatio subiecti. Nam quod dicitur, per Dei po-
tentiam, salua substantia subiecti, quodlibet accidens
posse separari à subiecto, hoc & supernaturale est, &
ad naturam accidentis quæ definitur non pertinet.

Deinde cum Porphyrius accidens quod definit
posse abesse, diuidat in separabile & in inseparabile, ad-
mittit aliquod accidens re separari posse, aliquod non
posse. Et tamen utrique accidenti conuenit illa defi-
nitio, quod possit abesse præter subiecti corruptionem.
Ergo non est intelligenda de absentia reali: quia talis
absentia accidenti inseparabili non conuenit. Dices.
Accidenti inseparabili conuenit realiter abesse à subie-
cto, non quoad actuale separationem, sed quoad non
repugnantiam. Contra: quia definitio intelligitur de
absentia, quæ possit esse sine subiecti corruptione: at
quibusdam accidentibus repugnat naturaliter posse ab-
esse realiter sine subiecti corruptione. Ergo non de ab-
sentia reali definitio intelligitur.

Dico secundò. In definitione accidentis, cum di-
citur accidens posse abesse præter subiecti corruptio-
nem, intelligendum est de separatione accidentis à
subiecto per intellectum, quæ separatio dicitur fieri
præter subiecti corruptionem, quia fit salua subiecti *De Separatione
per intellectum
intelligenda
Definitio.*
essentia, ita ut propter talem separationem non se-
quatur mutari aut destrui essentiam subiecti. Hunc
sensum definitionis ipsemet Porphyrius docet, cum

eam sic explicat. Potest enim, inquit, intelligi & coruus albus, & Æthiops abiiciens colorem, præter subiecti corruptionem; Hoc enim modo bene explicatur natura accidentis: quod intellectus non solum possit abstrahere quoduis accidens à subiecto, sed etiam negare illud de subiecto, salva essentia subiecti; imò & contrarium accidens potest de subiecto affirmare, neq; tamen ex eo sequetur vlla essentialis subiecti destructio: Potest enim non solum negare nigredinem de coruo, sed etiam affirmare albedinem de eodem, neque tamen ex tali affirmatione & negatione sequetur vlla mutatio aut destructio essentiae corui.

*De corruptione
subiecti quoad
essentiam.*

Pro quo notandum est. Quædam accidentia non posse separari à subiecto sine essentiae subiecti destructione. In hoc genere sunt illæ aptitudines, & habitudines rerum essentielles: v.g. risibilitas, vt dicit intrinsicam hominis habitudinem ad ridendum, est talis proprietas, vt non possit negari de homine, nisi negetur rationalitas. quia homo propter rationalitatem est aptus ad ridendum: Negare igitur aptitudinem ad ridendum, est negare rationalitatem, & est tollere essentiam hominis. Quædam verò accidentia, ita conueniunt subiectis, vt si vel actu auferantur à subiectis, vel per intellectum negentur de subiectis, nulla sequatur destructio essentiae, neque propter talem ablationem vel negationem res illa debet amittere suam essentiam, talia sunt accidentia quinti prædicabilis.

Quod si obiicias. Dantur accidentia quinti prædicabilis, quæ fluunt ab essentia suorum subiectorum: at talia accidentia non possunt negari de subiectis, salva subiectorum essentia: Ergo non omne accidens potest negari de subiecto, salva subiecti essentia. Minor probatur:

batur: quia qui negat effectum de causa, negat causam esse causam, & tollit ab illa rationem & essentiam causæ: Ergo & qui negat de essentia accidentia fluentia ab ipsa, tollit ab ipsa rationem & essentiam causæ. *Accidens fluens ab essentia potest abesse sine corruptione subiecti.* Respondeo. Accidentia fluentia ab essentia si sumantur Physicè, ut dicunt entitatem distinctam à subiecto, possunt negari de subiecto, salva subiecti essentia: quia subiecti essentia non tollitur quòd actu careat illis accidentibus. Nam si per Dei potentiam auferantur à subiecto, integram suam essentiam retinebit subiectum: Si verò sumantur quoad aptitudinem, sic negari non possunt salva subiecti essentia, cum subiectum seipso & sua essentia sit aptum ad talia accidentia. Verum hæc aptitudines ad quartum non ad quintum prædicabile spectant, ut præcedenti quæstione docuimus.

Ex quibus omnibus patet sensum definitionis esse, quod accidens possit abesse à subiecto, siue re ipsa, siue per intellectum, sine subiecti corruptione essentiali. *Sensus definitionis.* Nam si de corruptione quoad existentiam sit sermo, dantur accidentia, quæ non possunt adesse vel abesse à subiecto sine subiecti corruptione quoad existentiam: ut morbus lethalis, vltima dispositio ad formam contrariam; Mors.

Patet etiam solutio argumentorum in ratione dubitandi propositorum, vltimo excepto, in quo dicebatur, negationem accidentis de subiecto esse falsam. Respondetur enim: si absolute tale accidens negaretur de subiecto, & contrarium accidens affirmaretur, esset falsa affirmatio & negatio: quia non esset conformis rei: at quia hæc negatio & affirmatio non fit absolute, sed tantum in ordine ad corruptionem subiecti, idque ex suppositione, idcirco non est falsa. Verum *Negatio accidentis quomodo intelligenda.* Iii 3 enim

enim est, si coruus nō esset niger sed albus, nihil id repugnaret essentiae corui, nec mutaretur idcirco eius essentia. Sæpè enim supponimus aliquid falsi, ut cognoscamus quid, tali falso posito, sequatur, vel non sequatur. Sicut cū Aristoteles quatit: an dato altero mundo, terra huius mundi moueretur ad terram alterius mundi; Item an dato vacuo possit in eo fieri motus leuium vel grauium. Similiter ergo hīc dicimus: si intelligatur accidens abesse à subiecto, non sequi vllam essentiae mutationē, vel destructionem in subiecto, quod verum est, & sic verum etiam erit posse accidens abesse à subiecto, non absolute, sed quod præter subiecti corruptionem possit abesse, seu si abesset, non sequeretur corruptio subiecti quoad essentiam.

Dices. Mors non potest adesse viuenti, sine viuentis corruptione, quoad essentiam. Nam essentia viuentis, consistit in coniunctione animæ & corporis: at mors dissoluit hanc coniunctionem, cū sit priuatio animæ in corpore. Ergo mors destruit essentiam. Respondeo. Essentiam in ratione essentiae destrui, est amittere aliquod prædicatum essentiale, ut si homo non esset rationalis, vel sensitiuus. Quoad existentiam verò destruitur, cū dissoluitur vnio animæ cum corpore, quod fit per mortem; Mors enim non mutat prædicata essentialia hominis, sed facit ea non existere. Porro mors non est accidens aliquod positium, sed priuatiuum in priuatione vitæ consistens, est quæ subiectiue in corpore, seu materia licet toti composito tribuatur denominatiue; à parte enim totum denominari potest; Totus enim homo denominatur mortuus, ratione corporis priuari vitæ; sicut totus denominatur cæcus ratione oculi priuari visu.

Secun-

Mors non destruit essentiam sed existentiam subiecti.

Secunda difficultas. Quis sit modus prædicandi proprius Accidentis ut est quantum Prædicabile. Communiter dici solet. Proprium modum quinti prædicabilis esse, prædicari in quale accidentale contingenter: Quod tamen vniuersè non est verum. Primò quia accidentia multa sunt quinti prædicabilis, quæ non prædicantur in quale, sed aliis modis diuersis. Docet id expressè Porphyrius, agens de differentiis generis & accidentis. Ait enim accidentia prædicari in quale, aliquid est, vel quomodo se habeat vnumquodque. qualis enim est Æthiops? interrogatus, dices, niger: & quomodo se Socrates habeat? dices, quod sedet, vel ambulat. Quibus verbis ostendit Porphyrius, accidentia non solum in quale, sed aliis etiam modis prædicari. Nam qualitas prædicatur in quale, quantitas in quantum, Relatio, actio, passio, situs, vbi, Quando, habere, non in quale, sed aliis modis sibi conuenientibus prædicantur; & tamen non est dubium ista omnia esse accidentia quinti prædicabilis: Si enim quis quærat, qualis est Petrus? non rectè responderetur, est in agro, vel calefit, aut ambulat. Ad hæc stando in doctrina Aristotelis & Porphyrij dubitari non potest, quantum prædicabile complecti omnia accidentia non propria & non conuertibilia cum subiecto: accidens autem non proprium & non conuertibile complectitur non ea solum accidentia, quæ prædicantur in quale, per modum qualitatum, sed etiam quæ aliis modis dicuntur secundum varias formas interrogationum, ad quas non in quale, sed aliis modis conuenientibus responderetur, ut cum dico corpus esse magnum vel paruum, Petrum esse Filium Ioannis, ignem calefacere, domum ardere, Petrum sedere,

Prædicari in quale accidentale contingens non est proprius modus Accidentis.

Non solum in quale prædicantur Accidentia.

dere, esse viginti annorum, esse in agro, &c. hæ enim prædicationes non sunt in quale, sed aliis modis.

Non omne accidens prædicatur contingenter.

Secundò: Falsum etiam est, omne accidens quinti prædicabilis, prædicari contingenter. Dantur enim aliqua accidentia, non propria, sed communia, & ideò ad quintum prædicabile spectantia, quæ tamen sunt necessaria ex parte subiecti, quia fluunt ab eius essentia, ut lux solis & ignis, de quibus quæstione præcedenti actum est.

Modus proprius prædicandi accidentis.

Dicendum igitur est. Modum proprium quinti prædicabilis esse, prædicari per modum accidentis, non proprii seu non conuertibilis; hoc enim formaliter spectatur in quinto prædicabili, quod sit accidens subiecti non proprium, & non conuertibile, & in hoc differt à quarto prædicabili: quod quartum prædicabile sit proprium & conuertibile accidens, quintum non item. Et idem patet ex definitionibus horum duorum prædicabilium. Certum est enim quartum prædicabile complecti sola accidentia propria; reliqua verò omnia non propria pertinere ad quintum prædicabile, cum præter hæc duo, non sit aliud prædicabile præ accidentibus.

At inquires. Modus quinti prædicabilis, quo conuenit subiecto, est positivus, non negativus: at non esse proprium, & non esse conuertibile, sunt negationes: Ergo non constituunt modum proprium quinti prædicabilis.

Respondeo. Quod cum omnis negatio fundetur in aliqua affirmatione, per negationes solemus designare illud positivum, in quo fundetur: quare & per has negationes designatur modus inexistentiæ accidentis positivus, fundans dictas negationes.

Ex

Ex quibus patet, ad modum prædicandi quinti prædicabilis per se non requiri, ut prædicetur in quale, & cōtingenter, sed potest prædicari tam in quale, quam secundum alias formas interrogationum: potest etiam prædicari tam necessario quàm contingenter, ut dictum est.

Porro notanda est hoc loco quædam vsitata accidentis distinctio: Distingui enim solet accidens in *Phy-
sicum* & *Logicum*. *Phy-
sicum* est illud quod Physicè & realiter distinguitur à subiecto, & illi inhaeret, ut albedo in cygno: *Logicum* verò, est omne id quod est extra essentiam rei, & potest abesse & adesse salua rei essentia, siue sit realiter distinctum à re, siue per intellectum, siue sit de genere accidentis, siue de genere substantiæ, dummodo concipiatur non pertinere ad rei essentiam, & esse quid quasi extrinsecum essentiæ. Sic modi & proprietates substantiales dicuntur accidentia Logica, non quòd inhæreant per modum accidentium, sed quòd sint extra conceptum essentiæ, quo etiam modo differentia respectu generis dici potest accidens *Logicum*: quia non pertinet ad essentiam generis. *Phy-
sicum* igitur accidens est essentialiter accidens, cuius esse est inesse; *Logicum* verò est solum respectiue accidens: quia respectu talis subiecti, habet se ut accidens, licet in sua essentia non sit accidens, sed possit esse quid substantiale. Quamuis non negamus idem posse esse & *Phy-
sicum* & *Logicum* accidens, ita ut duplici ratione sit accidens, & *Logicè* & *Physicè*.



QVÆSTIO XI.

De numero prædicabilium.

*Duo vniuersalia
in essendo
ob duplicem
abstractionem.*

Communiter quinque prædicabilia numerantur, qui numerus variis modis impugnari potest. Primò enim videntur esse pauciora. Vniuersalia enim videntur esse tantum duo: Ergo & prædicabilia. Consequentia patet: quia vniuersale & prædicabile conuertuntur: Ergo quot vniuersalia, tot prædicabilia. Esse autem duo tantum vniuersalia probatur: quia vniuersale fit per abstractionem à singularibus, opponitur enim vniuersale singulari: at abstractio à singularibus, est tantum duplex; vna à singularibus specificis, seu solo numero differentibus; quæ abstractio est speciei: altera à singularibus genericis specie differentibus; quæ abstractio est generis. Neque præter has duas abstractions datur vlla alia abstractio à singularibus. Dantur quidem abstractions à subiectis, sed hæ non faciunt naturam vniuersalem in essendo: nam etiam singulare potest abstrahi à subiecto manens singulare: Ergo duo tantum erunt vniuersalia.

*Sola abstractio
à singularibus
facit vniuersa-
le in essendo.*

Secundò: Quia videntur esse plura quàm quinque. Nam hæc quinque; Prædicabilia prædicantur *vel in quid*, *vel quale*: at multa alia sunt quæ neutro dictorum modorum prædicantur, sed habent alios prædicandi modos. V. g. in propter quid, in quis, & quomodo. Si enim quæras, propter quid sit Eclipsis solis? Dicetur, propter interpositionem lunæ inter nos & solem. Quis est iste? Rex, vel consul. Quomodo se habet?

Bene

Bene vel malè. Quid agit? legit, docet, ambulat. Deinde modi substantiales, vt esse subsistens, existens, esse suppositum vel personam, non reuocantur ad hæc quinque: cum nec sint essentielles, nec accidentales.

Tertiò: quia ista diuisio Prædicabilium in quinque, non est per differentias essentielles, sed per accidentales; Differentiæ autem accidentales, sicut variæ esse possunt, ita diuisio per differentias accidentales potest esse varia & multiplex: & æquè potest prædicabile diuidi in quinque, sicut in decem secundum varias considerationes.

Dices. Naturis quidem, vt naturæ sunt, per accidens esse prædicari, hoc vel illo modo; at naturis, vt prædicabiles sunt, hos modos quinque prædicandi esse essentielles. Contra. quia multi sunt alij modi prædicandi, ab his distincti, qui æquè conueniant naturæ prædicabili sicut & isti, vt prædicari in quantum, in quale, in ad aliquid, & aliis modis aliorum prædicamentorum. Ex quo patet. Hanc diuisionem prædicabilium in quinque esse ad libitum factam, nam ex naturæ rei loquendo alia fieri potuit.

Communis tamen & recepta tot sæculis sententia est, quinque tantum esse Prædicabilia, à qua temerè non est recedendum; sunt enim quinque prædicandi modi, ad quos omnes alij sufficienter reuocantur.

Pro cuius pleniori explicatione notandum est primo. Hanc diuisionem sumi partim ex rebus quæ prædicantur, partim ex modis prædicandi. Id enim, quod prædicatur, vel est essenziale, vel accidentale.

Ratio huius numeri.

Essentialia sunt tria, Genus, Species, Differentia; Accidentalialia sunt duo, Proprium accidens, & non proprium: His autem quinque rebus conueniunt quinque modi prædicandi. Generi in quid de speciebus, speciei in quid de indiuiduis; Differentiæ in quale essentialiter; Proprio, modo accidentali conuertibiliter; Accidenti non conuertibiliter. Quod si quæras, quare isti potius modi ex tanto numero modorum delecti sint, ad constituenda, & distinguenda prædicabilia; Responderi potest. Prædicabilia esse inuenta propter scientias, ut per ea dirigamur in scientiis, quoad prædicationes: ex omnibus autem modis prædicandi, isti quinque sunt maximè vsitati, & maximè conducunt ad scientias; in scientiis autem potissimum attenditur, an aliquid prædicetur essentialiter, vel accidentaliter in quid vel in quale. Quare & si potuerunt prædicabilia diuidi secundum alios modos prædicandi, hæc tamen diuisio secundum hos quinque modos fuit maximè accommodata, maximè cum alij modi prædicandi ad hos reuocari possint. Deinde hi quinque modi prædicandi, nascuntur ex naturis quinque illarum rerum, quæ solæ ad prædicandum, adhibentur; naturæ enim generis conuenit prædicari in quid, &c.

*Vniuersale in
essendo & in
prædicando nõ
idem.*

Notandum est secundò: Vniuersale in essendo, & vniuersale in prædicando, partim esse idem, partim non. Sunt idem; quia omne vniuersale in essendo, est etiam vniuersale in prædicando: non sunt autem idem: quia non omne vniuersale in prædicando, est etiam vniuersale in essendo. Nam vniuersale in essendo, constituitur per abstractionē à singularibus, seu per modū essendi non singularem, cum indifferentia ad omnia singularia;

gularia ; Opponitur enim vniuersale in essendo , singulari in essendo. At vniuersale in prædicando constituitur. per modum prædicandi vniuersalem. Vnde vniuersale in essendo, dicitur vniuersale in essendo solum respectu singularium, à quibus est abstractum : vniuersale autem in prædicando, dicitur non solum respectu suorum singularium, sed etiã respectu aliorum, quibus vniuersaliter conuenire potest. Verbi gratia, si accidens abstrahatur à suis singularibus, non solum prædicari potest de suis singularibus, sed etiam de subiectis suorum singularium, in quibus existit. Et tamen non respectu subiectorum est vniuersale in essendo, sed respectu singularium, quia per abstractionem à singularibus formaliter habet esse vniuersale in essendo: cum verò inexistit multis subiectis, fit vniuersale in inexistendo, nõ verò absolute in essendo: nam vniuersale in essendo, est vniuersale habens essentiam communem multis singularibus. Hinc igitur est, quod non sint tot species vniuersalis in essendo, quot in prædicando.

Dico igitur Primò. Vniuersalia in essendo esse duo tantum Genus & Speciem, ad quæ consequuntur quinque modi vniuersaliter prædicandi. Explico. Omnia quinque vniuersalia sunt vniuersalia in essendo, quia sunt naturæ abstractæ à singularibus. Verum non sunt vniuersalia in essendo, quinque modis, sed tantum duobus: vel per modum generis, vel per modum speciei: Verbi gratia, risibile est vniuersale in essendo in quantum est abstractum à suis singularibus ab hoc & illo risibili, quæ abstractio cum sit speciei, vniuersalitas etiam erit speciei. Est verò vniuersale in prædicando, non solum respectu suorum singularium, sed etiam respectu subiectorum, quorum est proprium accidens, & re-

*Vniuersalia in
essendo sunt
duo tantum.*

pectu quorum non est vniuersale in essendo. Probatur ergo conclusio. quia vniuersale in essendo est natura abstracta à singularibus, indifferens ad omnia singularia: atqui non dantur nisi duæ abstractiones à singularibus, vna generis, quæ est abstractio à singularibus differentibus specie, alia speciei, quæ est abstractio à singularibus differentibus solo numero: Ergo non dantur nisi duo vniuersalia in essendo, Genus & Species.

Quare tria reliqua Prædicabilia, Differentia, Proprium & Accidens, sunt quidem vniuersalia in essendo, sed non nisi vt habent abstractionem generis vel speciei; sunt enim respectu suorum singularium vel species vel genera. Posita autem hac vniuersalitate in essendo (quæ est vniuersalitas essentiæ abstractæ communis multis singularibus) conuenit illis alia vniuersalitas in inexistendo, ita vt non solum sint naturæ vniuersales in essentia, sed etiam in inexistencia: quia inexistunt vniuersaliter in subiectis, & ex consequenti, prædicantur vniuersaliter de illis. Verùm hæc vniuersalitas inexistentiæ & prædicationis, non facit formaliter vniuersalia in essendo, sed supponit iam esse facta per abstractionem à singularibus, solum autem facit illa esse vniuersalia in inexistendo, & in prædicando. Patet id, si cogitemus vnum numero accidens existere in pluribus subiectis, non esset vniuersale in essendo, quia esset in se singulare, & modum in se singularem haberet: sed solum esset vniuersale in inexistendo. Similiter igitur cum vniuersale in essendo existit in pluribus subiectis, non propter illam inexistentiā vniuersalem in subiectis est vniuersale in essendo, sed propter abstractionem à suis singularibus specificam, vel genericam.

Accidens singulare commune pluribus subiectis.

Ex

Ex quo patet. Differentiam, Proprium & Accidens esse vniuersalia in essendo, quatenus sunt genera & species, vt verò de suis subiectis prædicantur sunt vniuersalia in inexistendo. Patet etiam quomodo vniuersalia in essendo sint tantum duo, in prædicando verò sint quinque. Modi enim prædicandi, non solum fundantur in modis abstractè & absque singularitate essendi, sed etiam in modis inexistendi in alio vniuersaliter. Etsi igitur duo sint tantum modi essendi abstractè & nõ singulariter; tamẽ præter illos sunt alii tres modi inexistendi in alio vniuersaliter, qui fundant modos prædicandi vniuersaliter.

Vnde patet solutio illius argumenti, Prædicari sequitur ad inesse: sunt quinque modi prædicandi vniuersales: ergo quinque modi essendi vniuersales. Dicimus enim esse quinque modos essendi vniuersales, sed ita, vt duo sint modi essendi in se, abstractè & non singulariter, qui constituunt vniuersale in essendo; tres alii sint modi existendi in alio, qui constituunt tria vniuersalia in inexistendo, omnes autem quinque modi constituunt quinque vniuersalia in prædicando. Et hoc etiam probat prima ratio dubitandi.

Dico secundò. Vniuersalia in prædicando esse quinque: quia quinque sunt modi prædicandi vniuersales, vt dictum est, qui partim fundantur in modis in se essendi, partim in modis in alio inexistendi vniuersaliter.

*Vniuersalia in
prædicando
quinque.*

At obiicies. Aristot. 1. Top. cap. 4. quatuor tantum prædicata ponit. Genus, Definitionem, Proprium, & Accidens: in prædicamentis verò ponit decem genera prædicamentorum: ergo non est maior ratio cur prædicabilia ponantur quinque, quàm vel quatuor, vel decem.

Respon-

Respondeo. Secundum diuersas considerationes diuersas posse fieri definitiones eorum quæ prædicantur. In Top. igitur Aristoteles agit de prædicatis, quæ probantur per Syllogismum Topicum de specie: quare speciem inter prædicata non ponit, cum illam velit esse subiectum. In definitione autem differentiam complexus est.

*Definitio non
est vnum ex
Prædicabili-
bus.*

Quod si quæras. cur definitio inter prædicabilia non ponatur? Respondeo. In prædicabilibus poni solum prædicata incomplexa, definitio autem est quid complexum ex duobus terminis, Genere & Differentia. Quod si instes. Idem significat species quod definitio: at species est vnum prædicabile, ergo & definitio.

*Inter Speciem
& Definitionem
discrimen.*

Respondeo: Speciem esse vnum terminum, & per modum vnius termini significari incomplexè, definitionem autem duos continere terminos, & per modum duorum terminorum significari complexè.

*Prædicamenta
decem.*

Quod verò ad prædicamenta attinet: in his præcipue spectatur diuersitas naturarum generica, & ex consequenti diuersus modus afficiendi & prædicandi, qui ex illa diuersitate reali naturarum sequitur. Vnde secundum diuersitatem naturarum ponuntur decem prædicamenta: At in prædicabilibus primò & præcipue spectatur modus formalis prædicandi, secundum quem quinque prædicabilia statuuntur.

Ad primam rationem dubitandi patet; probat enim primam conclusionem nostram.

Ad secundam. Omnes illos modos decem, quibus Genera prædicamentorum prædicantur, contineri secundum aliam considerationem in quinque modis Prædicabilium. Nam quod dicitur non omne accidens prædicari in quale, id verum est; sed neque nec
adstru-


adstringimus duo vltima prædicabilia accidentis, ad prædicationem in quale, sed ad prædicationem accidentalem, vel non conuertibili modo.

Quod verò ad modos substantiales attinet: eos etiam si sint conuertibiles, ad proprium reducimus, si non conuertibiles ad accidens: licet enim physice non sint accidentia, cum ad genus substantiæ spectent, Logice tamen sunt accidentia, cum sint extra essentiam substantiæ.

Ad Tertiam. Concedimus vltro hanc diuisionem non esse per differentias essentielles, sed per accidentales. Nam & naturæ quæ prædicatur, accidentarium est prædicari: & prædicabili quæ vniuersale est in prædicando, accidentarium est conuertibiliter vel non conuertibiliter prædicari. Nam proprium est conuertibile respectu speciei: est autem vniuersale respectu indiuiduorum. Vnde conuertibilitas respectu vniuersalitatis habet se per accidens, idem patet in accidente.

Quamuis verò hæc diuisio fiat per differentias accidentales, est tamen exacta & sufficiens, vt deductum est.





DISPUTATIO VI.

*De Equiuocis, Analogis, Uni-
uocis.*

QVÆSTIO PRIMA.

De Equiuocis.

*Equiuoca
quid sint.*



Equiuoca definit Aristoteles, quorum nomē commune est, & secundum nomen ratio substantiæ diuersa. Duo igitur sunt de ratione Equiuocorum, & nomen commune, & secundum nomen ratio substantiæ diuersa; si enim sit ratio substantiæ diuersa sine nomine communi, non erit Equiuocatio: ut, Homo, & lapis habent rationem substantiæ diuersam, non tamen sunt Equiuoca: quia non communi nomine significantur. Si verò sit nomen commune, & ratio substantiæ diuersa, sed non secundum nomen illud commune, non erit etiam Equiuocatio: sic homo, & equus, licet communi nomine animalis significantur, & habent rationem substantiæ diuersam (sunt enim specie diuersa) non tamen sunt Equiuoca, quia non habent diuersam rationem substantiæ, ut nomine animalis, significantur, sed ut diuersis nominibus hominis, & equi significantur.

*Equiuocum
nomen cur di-
citur commune.*

Porro nomen Equiuocum est commune, non quod aliquid commune significet, sed quod ipsum sit commune:

mune : quia est impositum nomen commune ad res diuersas significandas. Quare voce canis, verbi gratia, immediatè significatur, canis latrabilis, canis cœlestis, canis marinus; non verò aliquid commune omnibus his canibus?

Quod si dicas audita voce canis, concipi in animo quiddam commune omnibus canibus nempe habens essentiam canis? Respondeo Primò, nomen canis non esse impositum ad conceptum communem significandum, sed ad tres canes particulares. Secundò. Cùm talem conceptum formo, conceptus ille est quidem vnus ex parte intellectus concipientis, sicut & vox vna est ex parte dicentis; non tamen est vnus conceptus ex parte rei significatæ, quia & essentia canis non est vna, sed diuersa in tribus canibus. Quare sicut vox æquiuoca est communis æquiuocè omnibus æquiuocatis, quoad rem significatam, ita & conceptus iste est communis æquiuocè; quia non secundum vnā, sed secundum diuersas rationes illis conuenit. Nam cùm audita voce canis, concipio aliquid in communi significatum voce canis; talis conceptus est solum vocis significantis aliquid, non verò rei alicuius significatæ. Quare sicut vox est communis æquiuocè, ita & talis conceptus vocis erit communis æquiuocè; ac ex consequenti non erit vnus ex parte rei significatæ, sed ex parte rei significantis.

*Canis nomen
ad quid sit
impositum.*

Est autem difficultas Prima. An æquiuoca definiri possint? Ea enim definiuntur, quæ habent vnā essentiam; nam plures essentiæ pluribus definitionibus definiuntur.

*Æquiuoca pos-
sintne definiri?*

niuntur: atqui æquiuoca non significant vnā essentiam, sed multas, Canis v. g. significat marinum, coelestem, terrenum: Ergo non videtur posse definiri. Dicendum tamen est Æquiuocum dupliciter sumi posse: Primò secundum rationem formalem æquiuoci, quæ ratio cum sit vna, potest vna definitione explicari: Secundò vt supponit pro æquiuocatis, v. g. Canis, vt significat coelestem, marinum, terrenum, & sic cum res diuersas significet, vna definitione definiri non potest. Primò igitur modo æquiuocum, cum dicat vnā rationem formalem æquiuoci, eo respectu non est æquiuocum, sed vniuocum, quia æquiuocum rationem formalem æquiuoci, dicit eandem in omnibus nominibus æquiuocis; omnia enim nomina æquiuoca, vniuocè sunt æquiuoca, & eadem ratione se habent ad rationem formalem æquiuoci; licet respectu rerum significatarum æquiuocè, hoc est diuersa ratione se habent; Canis enim & lupo sunt vniuocè æquiuoca; quia ratio formalis æquiuoci eadem ratione illis conuenit, & respectu rerum significatarum habent se æquiuocè: quia secundum diuersam rationem lupo significat animal terrenum, & piscem. Porro alii terminis, alii idem explicant; dicunt enim æquiuocum in actu signato definiri posse non in actu exercito, hoc est, vt significat rationem formalem æquiuocationis, non vt eam exercet in suis significatis.

*Res & Verba
sunt æquiuoca.*

Secunda Difficultas. An res, vel voces sint æquiuocæ? Respondeo. Neque res secundum se, neque voces secundum se, dici æquiuocas, sed res vt voce communi significantur, & voces vt diuersas res significant. Res dicuntur æquiuocè passiuè; quia æqui-

æquiuocè significantur, hoc est secundum idem nomē,
& non secundum eandē rationē: Voces verò dicuntur æ-
quiuocè actiue; quia æquiuocè significant, Logici vocāt,
res, Æquiuoca æquiuocata, voces æquiuoca æquiuocā-
tia. Ratio horū est. Quia eadem res, vt vna voce signifi-
cantur, sunt vniuoca, vt alia æquiuoca. Similiter ca-
dem vox respectu aliquarum rerum esse potest æqui-
uoca: respectu aliarum vniuoca: Ergo non ex solis re-
bus, nec ex solis vocibus oritur æquiuocatio, sed ex re-
bus in ordine ad voces, & ex vocibus in ordine ad res.
V.g. canis marinus, & terrenus, vt voce canis significan-
tur sunt æquiuoca; vt verò significantur voce animalis,
sunt vniuoca. Similiter vox canis, vt significat animal
domesticum, est vniuoca respectu omnium canum do-
mesticorum, vt verò significat coelestem, marinum, &
terrenum canem est æquiuoca.

Tertia difficultas. An dentur conceptus æquiuo-
ci. Videntur enim dari; quia sicut datur vox ex impo-
sitione, diuersa significans, ita datur ratio concepta, res
diuersas significans ex repræsentatione, quatenus res
conceptu repræsentata, diuersa est in vno & in altero.
Sic conceptus essentia, conuenit æquiuocè substantia,
& accidenti: quia essentia substantia, & accidentis
sunt diuersa; substantia enim, vt substantia, est essen-
tia, & accidens, quā accidens est essentia; sicut ergo ra-
tio propria substantia, & ratio propria accidentis sunt
diuersa, ita & essentia eorum sunt diuersa. Porro ad
rationem Æquiuoci, non satis est diuersas res signifi-
care, sed requiritur, vt ista significatio, fiat vno communi
nomine. Quod quidem in voce æquiuoca facile est
explicare: quia vni voci ex impositione conueniunt
multæ significationes, in conceptu verò est aliquanto

Æquiuoci co-
ceptus dentur-
ne?

difficilius; non enim conceptus significat ex impositione, sed ex representatione.

Conceptus potest dici unus dupliciter.

Dupliciter igitur conceptus dici potest unus: vel ex parte concipientis, quia est unus actus intellectus concipientis; vel ex parte rei conceptæ, quia sub vna ratione res concipitur, & representatur; conceptus igitur æquiuocus non satis est, ut sit unus ex parte concipientis: Nam si vno conceptu concipiantur res diuersæ sub diuersis rationibus, talis conceptus non erit æquiuocus; quia respectu obiecti nullo modo est unus, sed multiplex, & continet diuersas rationes conceptas diuersis rebus accommodatas, non sub vna ratione. Et sicut res diuersas diuersis vocibus significare, non est æquiuocè res significare; ut cum hominem, & leonem, hominis & leonis vocibus significamus, ita cum diuersas res sub diuersis rationibus concipimus, non concipimus æquiuocè, quia non vno formaliter conceptu, sed multiplici; concipimus; conceptus enim vnius rei, à conceptu alterius rei ratione & formaliter distinguitur, licet materialiter in re sit idem. Ut igitur conceptus sit æquiuocus, debet esse aliquo modo unus, & sub vna ratione representare multa: Non potest autem esse unus essentialiter, nec vnam rationem essentialiter representare; quia sic esset conceptus vniuocus: debet ergo esse unus secundum quid, propter aliquam imperfectam convenientiam, res diuersas sub vna ratione representans; diuersa enim, quæ diuersa sunt, non possunt sub vna ratione apprehendi. Quod si sub vna ratione apprehenduntur, id fit propter aliquam convenientiam, quam habent inter se; quæ enim inter se conueniunt aliquo

quo modo, possunt sub vna ratione apprehendi. Conceptus igitur æquiocus ex parte rerum conceptarum est, & vnus, & multiplex: multiplex essentialiter, quia diuersas essentias repræsentat; vnus verò secundum quid; quia eas repræsentat secundum conuenientiam imperfectam, quam habent, vel secundum proportionem, inter se; vel secundum attributionem; ad vnum tertium. Sic conceptus essentiar, significat essentiam substantiæ, & accidentis, quæ essentiar, sunt simpliciter diuersæ essentiar, habent tamen conuenientiam in ratione essentiar proportionatam: quia singulæ suo modo sunt essentiar.

Porro vox æquioca potest significare diuersas essentias dupliciter. Primò, expressè sub propriis earum rationibus distinctis, vt vox canis est imposita ad significandas tres essentias canum, sub expressis ipsorum rationibus. Secundò confusè & indeterminatè sine expressione rationum propriarum: sic vox ens significat substantiam, & accidens, sed in confuso, sine expressione propriarum rationum substantiæ & accidentis. Cùm enim concipimus ens, non concipimus, expressè substantiam vel accidens; licet reuera Ens illud non sit nisi substantia vel accidens, & sic confusè in ratione entis concipimus substantiam & accidens. De conceptu igitur æquiocoloquendo, non possumus in illo distinguere duplicem hunc modum æquiocationis, sed tantum vnum, nempe posteriorem, ita vt conceptus æquiocus sit ille, qui in confuso & sub vna ratione confusa, multa repræsentat. Nam si multa concipiatur non in cōfuso, sed expressè sub propriis di-

*Æquioca vox
significat diuer-
sas essentias
dupliciter.*

uerlis

uersis rationibus, non concipientur sub vna ratione, nec vno formaliter conceptu; at ostensum est requiri ad æquiuocationem conceptus, vnum formaliter conceptum, diuersa sub vna ratione representantem.

*Æquiuocus
purè conceptus
non datur, sed
solum per mo-
dum Analogi.*

Dicendum igitur est, non dari conceptum purè æquiuocum, sed solum æquiuocum, per modum Analogi. Quia non datur æquiuocatio nisi respectu vnius formaliter conceptus, & respectu vnius rationis conceptæ: at purè æquiuoca non possunt sub vna ratione concipi ab intellectu, (nisi secundum vocem) quia nullam habent in re conuenientiam inter se, per quam fundent vnam rationem, conceptibilem. Imò neque analogia possunt conuenire in conceptu analogo, nisi cōfusedè concepta. Nam si expressè concipiantur sub suis propriis rationibus, concipientur sub diuersis rationibus, non sub vna: sine vna autem ratione concepta, quæ æquiuocè conueniat multis, non potest esse æquiuocatio.

*Conceptus vniuoci
et analogi
discrimen.*

Ex quo patet discrimen conceptus vniuoci, & analogi. Conceptus enim vniuocus, est conceptus vnius rationis, eodem modo conuenientis multis; conceptus verò Analogus, est conceptus vnius rationis, quæ non eadem essentiali ratione conuenit multis, sed tantum secundum conuenientiam imperfectam, proportionis, vel attributionis; vnde in conceptu analogo est eadem proportio & attributio non eadem ratio significata: in conceptu verò vniuoco, est eadem essentia rationis significata in omnibus. Quanquam nō nego conceptum vocis æquiuocæ esse purè æquiuocum, sed nego conceptum rei æquiuocæ esse posse æquiuocum purè, sed tantum analogum.

Quarta difficultas. An analogæ sint æquiuocæ. *Analogæ sint-
ne æquiuocæ?*
 Respondeo. affirmatiuè: quia diuersas essentias sub
 vno nomine significant. Pro quo noto. Æquiuocæ *Æquiuocæ sunt
duplicia.*
 esse duplicia: quædam res omninò diuersas, & inter se
 nullo modo secundùm illud nomen conuenientes, si-
 gnificant: vt canis, tres illòs canes; & hæc sunt purè
 æquiuocæ: alia verò significant res quidem diuersas,
 quoad essentiam, aliquam tamen conuenientiam inter
 se habentes secundùm illud nomen, & hæc sunt quidem
 essentialiter æquiuocæ, quia diuersas essentias vno no-
 mine significat; non sunt tamen purè æquiuocæ: quia
 significant illas essentias diuersas, cum aliqua conueni-
 entia imperfecta, & sic non cum omnimoda diuersi-
 tate, sed cum aliqua vnitæte, & hæc æquiuocæ dicun-
 tur analogæ. Dicuntur etiam æquiuocæ à consilio, sicut
 illa priora dicuntur æquiuocæ à casu. Nam illa quod
 sint imposita ad diuersas res significandas, casu factum
 est nulla in rebus ipsis existente ratione, vt vno no-
 mine vocarentur; hæc verò ad diuersas res significan-
 das sunt imposita, non omninò temerè, nec casu, sed
 propter conuenientiam in illis rebus existentem, & id-
 eò dicuntur æquiuocæ à consilio, quasi consilio & ratio-
 ne imposita ad significandum.

Porro conuenientia rerum diuersarum essentiali- *Conuenientia
rerum diuersa-
rum essentiali-
ter est duplex.*
 ter, est duplex: vel secundùm proportionem, quia
 nimirum, habent inter se proportionem, vt tali
 nomine significantur; sic substantia & accidens, vt no-
 mine entis significantur, diuersas quidem habent essen-
 tias; tamen cum proportionem quadam essentialium in-
 ter se: quia sicut substantia suo modo habet essentiam
 existentem; ita & accidens suo modo: sic sub nomi-
 ne principij, fons, cor, sol, dicunt diuersas essentias;

M m m

quia

quia alia ratio principij est in singulis, habet tamen proportionem sub tali nomine.

Vel secundò. Secundùm attributionem ad vnum, quando aliqua dicuntur talia, per hoc quod referuntur ad vnum tale, & sic habent conuenientiam in illo vno, cuius respectu dicuntur talia. Sic omnia sana, dicuntur sana per ordinem ad sanitatem animalis, quam vel efficiunt, vt cibus, vel tuentur, vt medicina, vel significant, vt vrina. Hinc ergo duplicia statuuntur analogia: alia proportionis, alia attributionis.

Porro vtraque analogia esse essentialiter Æquiuoca probatur. Primò ex Aristor. 7. Physicor. tex. 31. Vbi ait, quasdam æquiuocationes esse valde distantes, alias autem habentes aliquam similitudinem, quibus verbis analogia intelligit, & ea in secundo genere æquiuocorum ponit.

Secundò, Ratione: quia Ratio propria æquiuoci est, plures essentias vno nomine significare: At analogum est tale. Ergo. Minor patet, quia analogum significat essentiam aliquam & non vnam, (alioqui esset vniuocum) ergo multas. Verbi gratia, Ens significat essentiam, hæc autem essentia nomine entis significata non est vna, (alioqui ens esset vniuocum) sed sunt multe diuersæ essentia, vno nomine essentia significata.

Dices. esse vnam essentiam proportionem vel attributionem. Contra. Quia illud vnum proportionem non est vnum essentia: Ergo est multiplex essentia. Confirmatur. Quia ens significat essentiam substantia & accidentis: at hæc essentia sunt diuersæ non vna: Ergo ens significat diuersas essentias.

Dices,

Dices, Ens non significare essentiam vnā, neque significare essentias multas, sed significare essentiam vnā proportionaliter. Contra. Quia cū ens significat essentiam vnā proportionaliter, duo significat, & essentiam & vnitatem, non essentialiter sed proportionalem, Quare essentia illa significata nomine entis non est vna essentialiter, sed diuersa essentialiter, & tantū proportionaliter vna.

Denique idem patet ex impositione nominis analogi. Nomina enim analogia sunt imposita immediate ad significandas res diuersas in aliquo conuenientes; Nā si quæras, quare fons, v. g. est principium: respondebitur, quia fundit ex se aquam; cor verò, quia procreat, & diffundit spiritus; sol, quia est causa lucis, quæ omnes rationes principij sunt distinctæ: & sic nomen principij est impositum ad distinctas rationes principij significandas.

Quinta difficultas est. Quomodo nomen æquiuocum prædicetur de suis significatis. Respondeo. prædicari de diuersis secundum diuersas significationes. V. g. Canis in alia significatione prædicatur de terreno, in alia de marino, in alia de cœlesti: restringitur autem ad talem vel talem significationem à subiecto de quo affirmatur; prædicatum enim talem suppositionem habet, qualem subiectum requirit. quare non est existimandum æquiuocum secundum omnem suam significationē de singulis suis significatis prædicari, sed accommodatē de singulis secundum eam significationem, quæ illis conuenit. Ad extremū cū analogia sint etiam æquiuoca, eundem quoque cum æquiuocis modum prædicationis habebunt, ita vt secundum

*Æquiuocum
nomen quara-
tione prædicetur
de suis si-
gnificati.*

vnā significationem de vno, aliam de alio prædicentur, Ens v. g. aliud significat cū dicitur de substantia, aliud cū de accidente.

*Æquiuocum
sine vna vox
vel plures?*

Sexta difficultas est. An æquiuocum sit vna vox vel plures. Respondeo Æquiuocum esse vnā vocem ratione soni, multas ratione significationis: quare nec omninō esse vnā vocem nec omninō plures; vnā materialiter; multas formaliter; son⁹ enim est quid materiale in voce, significatio verō est formale; est enim significatio veluti forma, anima est essentia vocis, dans illi tale vel tale esse. Vnde vox æquiuoca cū sit multiplex ratione significationis, simpliciter & absolute est vox multiplex, quia à forma præcipuè sumitur essentia & denominatio rei, solū autem secundum quid erit vna.

QVÆSTIO II.

De Analogia attributionis.

*Analogia attributionis
qua
sint.*

Analogia attributionis sunt illa, quorum nomen est commune, & secundum nomen ratio substantiæ diuersa, ita tamen, vt per ordinē ad vnum dicātur talia, v. g. dicitur animal sanum, medicina sana, color sanus, cibus sanus; ista omnia dicuntur sana diuersa ratione. Animal enim dicitur sanum, quia habet sanitatem, medicina, quia tuetur sanitatem; color quia indicat sanitatem, cibus, quia efficit sanitatem: Verū hæc omnia, licet diuersa ratione sint sana, conueniunt tamen in ordine ad vnā sanitatem animalis; quia vt aliqua ratione referuntur ad illam dicuntur sana, & sic in ratione sani, & sub nomine sani, habent attributionem

nem ad sanitatem animalis; Ex quo pater analogâ attributionis differre à purè æquiuocis, quod purè æquiuoca sunt omninò diuersa, ita vt nec sint vnum, nec referantur ad vnum; analogâ autem ita sunt diuersa, vt conueniant in vno, ad quod referuntur omnia secundùm idem nomen.

Quæri autem potest Primò. An analogâ attributionis dicantur talia intrinsecè, an sola denominatione extrinseca à principali analogato. Quibusdam enim recentioribus videtur esse sola denominatio extrinseca à principali analogato, ita vt omnia, v.g. dicantur sana, à sanitate animalis extrinsecè illa denominante. Nam etsi hi authores, non negent varios respectus intrinsecos analogorum ad principale analogatum; tamen negant illos respectus habere rationem sani, nisi per extrinsecam denominationem à sanitate animalis: tum quia omnia sana, dicuntur sana ab eadem sanitate animalis; at sanitas animalis non est eadem in illis nisi extrinsecâ denominatione: tum quia medicina, non est in se sana, propriâ aliquâ & intrinseca sanitate, sed est sana à sanitate animalis, quâ remotâ nulla sanitas esset in medicina: tum quia respectus ad sanitatem non est sanitas intrinsecè, sed solùm extrinsecè: Denique analogâ non essent talia ab vno, & ad vnum: quia non ab vna aliqua ratione, nec in ordine ad vnam aliquam rationem denominarentur talia, sed à multis rationibus intrinsecis.

Analogâ attributionis vnde sic appellatur.

Aliis tamen id non probatur. Volunt enim analogâ à suis formis intrinsecis denominari talia, quæ tamen formæ intrinsecæ dicunt ordinem ad principale analogatum ad eum modum, quo relatio intrinsecè denominat subiectum, respectu tamen extrinseci termini.

v.g. cibus & medicina, dicitur sana per vim suam intrinsecam, quam habet ad efficiendam sanitatem, ita vt denominatio sani sit intrinseca, respectu tamen extrinseci. Et ratio sumi potest tum ex communi conceptione analogorum: Si enim quis quærat cur cibus vel medicina sit sana, respondebit, quia habet in se vim sanitatem promouendi: tum ex definitione analogorum: Analoga enim sub communi nomine habent essentiarum rationem diuersam; at si extrinseca denominatione à principali analogato dicerentur talia, non haberent rationem essentiarum diuersam, sed vnam, quia ab vna forma extrinseca denominarentur talia: quare non essent analoga sed vniuoca.

Dices: Sanitas non eadem ratione denominatur animal, & medicinam: nam animal denominatur intrinsecè sanum, & extrinsecè medicinam. Contra. Modus intrinsecus & extrinsecus denominandi non mutat essentiam formæ denominantis, quia secundum eandem essentiam denominatur intrinsecè, & extrinsecè, & secundum eandem essentiam forma tribuitur intrinsecò & extrinsecò subiecto. Quare illa diuersitas modi intrinseci & extrinseci non est in essentia, sed solum in modo essentiarum, qui modi non impediunt vniuocationem, sicut neque diuersæ differentiarum specificarum impediunt vniuocationem generis. Ex quibus patet ad argumenta primæ sententiæ: Analoga enim non ob extrinsecam solam denominationem à principali analogato dicuntur talia; hæc enim ad Analogiam non sufficeret, sed ob intrinsecum ordinem, quem habent ad principale analogatum.

Analogia Attributionis requiritur non

Secundò quæri potest. An requiratur ad analogiam attributionis vt id, ad quod attribuuntur analogae, habeat

habeat cum illis nomen commune. Ruuius existimat ^{men commune}
non requiri: quia in analogia attributionis duplex di- ^{cū illis ad qua}
stinguitur analogia: Vna principalis analogati, cum ^{attribuuntur?}
minus principalibus, quomodo animal, & medicina,
sunt analogi in ratione sani, animal enim dicitur sa-
num in se; medicina autem in ordine ad animal, & di-
citur hæc analogia vnius ad alterum: Alia est analogia
minus principalium analogorum inter se. Nam sanum
non eodē modo dicitur de medicina, de colore, de cibo.
Nam medicina dicitur sana vt expulsiua infirmitatis, co-
lor, vt indicatiuus sanitatis, cibus, vt effectiuus sanitatis;
omnia tamen dicuntur sana per attributionem ad vnā
sanitatem, & hæc attributio, multorū dicitur ad vnum.
Cum igitur hæ duæ analogiæ sint distinctæ, possunt ab
inuicem separari. Possunt igitur aliqua sub communi
nomine referri ad tertium, etiam si illud tertium non di-
cat analogiam cum ipsis, eo quod non significetur vno
communi nomine cum ipsis. Sic ait omnia accidentia
dici accidentia per attributionem ad substantiam: & ta-
men substantia non dicit vllam analogiam cum accide-
tibus in ratione accidentis; quia non significatur com-
muni cum ipsis nomine. Adducit Ruuius pro se autho-
ritatem D. Thomæ. Nam prima parte quæst. 13. ad 1. ait
nomen analogum duobus modis significare attributio-
nem, vel vnius ad alterum, vel multorum ad vnum.
Vult igitur vnā attributionem non includi in altera,
nec pendere ab altera, & posse separatim concipi sine al-
tera. Et confirmatur: quia accidentia talem planè dicūt
attributionem ad substantiam in ratione accidentis,
qualem cibus & medicina in ratione sani ad animal, pa-
rum verò facit ad hanc attributionem quod animal eo-
dem nomine sani significetur cum cibo & medicina;

id enim requiritur ad analogiam animalis cum cæteris, non verò ad analogiam cæterorum inter se.

Analogia Attributionis requirit communem naturam nominis.

Dicendum tamen est cum communi sententia requiri ad analogiam attributionis ut id, ad quod alia attribuantur, sit etiam tale: Nam licet ad hoc, ut aliqua sint talia per ordinem ad tertium non sit necesse illud tertium esse tale (omnia enim accidentia, sunt accidentia per ordinem ad substantiam, & tamen substantia non est accidens) tamen ad hoc, ut aliqua sint talia, quia tertium ad quod referuntur est tale, requiritur ut illud tertium sit, & dicatur tale, sic autem est in analogis attributionis: Ea enim dicuntur talia per denominationem quandam à principali tali, ita ut quia referuntur ad illam talem rationem principalis analogati, dicantur talia, ut omnia sana, dicantur sana, in quantum referuntur ad sanitatem animalis. Id ita esse patet; tum ex communi omnium cōceptu de analogis; solus enim Ruuius contrarium conceptum habet: tum quia, quæ dicunt ordinem ad vnum non tale, possunt quidem esse analoga, si diuersos ordines & respectus dicant, sed non erunt analoga attributionis, sed proportionis; Conueniunt enim in vna ratione & proportionem communi habendi se ad illud vnum, quod ad analogiam proportionis spectat, non erit verò analogia attributionis, quia hæc solum spectatur inter principale analogatum & minus principale; quia nimirum principale est per se tale; alia verò per ordinem ad ipsum talia. Quare negandum est Ruuiio duplicem esse analogiam attributionis; est enim tantum vna inter principale tale, & minus principalia talia, communi nomine significata propter ordinem ad ipsum. Nam minus principalia conueniunt quidem inter se in attributione ad tertium, sed ista conuenien-

uenientia est proportionalis, & ad analogiam proportionis, non attributionis formaliter spectans, ad quem etiam modum exponendus est D. Thomas. De ratione enim analogiæ est vt sit nomen idem omnium & secundum idem nomen ratio substantiæ diuersa. Quare principale analogatum debet habere commune nomen cum aliis.

Quæri tertio potest. An in analogis attributionis ratio essentialis, soli principali analogato conueniat, aliis verò aliis modis non essentialibus, secundum varias habitudines ad rationem essentialem, vt patet in sanitate, quæ secundum rationem suam essentialem conuenit animalibus; aliis verò sub aliis rationibus non essentialibus, sed secundum varias habitudines ad sanitatem, quæ est essentialiter sanitas. Quidam igitur id affirmant ea ratione, quia inquiunt, si ratio essentialis aliis quoque analogatis conueniret, non referrentur illa analogata ad principale analogatum, quia quod est tale essentialiter, non est tale per ordinem ad aliud: Nam & principale analogatum ideo non refertur ad aliud, quia est tale essentialiter. Alii tamen concedunt posse rationem essentialem analogi, conuenire, tam principali analogato, quam reliquis cum dependentia tamen à principali. Nam si ratio essentialis nomine analogo significata esset omnino vna, non posset conuenire minus principalibus analogatis, vt bene probat prior sententia, & patet in exemplo sanitatis. Nam si sanitas, quæ est in animali conueniret aliis sanis, illa per se dicerentur sana, sicut & animal per se dicitur sanum, non per attributionem ad aliud sanum: at quia potest esse analogum significans non vnā rationem essentialē, sed multiplicem, idcirco potest præter vnā rationem essentialē,

In Analogia Attributionis ratio essentialis solius principalis analogato, an etiam alijs conueniat?

Nun

quæ

quæ est in principali analogato, alia quoque ratio essentialis minùs principalibus convenire, id quod explicant hi authores exemplo entis. Ens enim dicitur de substantia & accidente essentialiter, quia tam substantia, quàm accidens sunt essentialiter entia; Verùm essentia accidentis est dependens ab essentia substantiæ, & per attributionem ad ipsam dicitur talis; accidens enim est entis ens. Ex quo patet essentiam quidem significatam nomine analogo, quatenus convenit principali analogo, non convenire minùs principalibus, quia est essentia absoluta; & per se talis non per ordinem ad aliud; ac aliæ essentiæ dependentes à substantia significatæ itidem per nomen analogum possunt tribui analogis, minùs principalibus: tunc enim concurrunt duæ analogiæ proportionis, & attributionis, quatenus est analogia proportionis, significantur essentiæ diversæ sub vna proportionione, & sub vno nomine, quatenus verò est analogia attributionis significantur multa talia per ordinem ad aliud tale. Et ita sentit D. Thomas in primo distinct. 19. quæst. 5.

Analogæ Attributionis præter vocem habentne aliquam rationem communem?

Quæri potest quartò. An analogæ attributionis præter vocem habeant aliquam rationem communem. Quidam recentiores affirmant, potest enim nomen analogum concipi & in communi, & in particulari. Si concipiatur in communi & in confuso, sic concipitur sub aliqua ratione communi; nam etiam quæ diversa sunt, si tamen confuse concipiuntur, concipiuntur sub vna quadam ratione. Et patet: quia audito analogo intellectus non format multos conceptus, nec concipit singula analogata: Verbi gratia, audita voce sani, non format conceptum

de

de sanitate animalis, vel medicinæ, sed confusum, quendam conceptum facit de sanitate, abstrahendo à sanitate animalis, & medicinæ. Neque dici potest hunc conceptum esse solius vocis, est enim etiam rei, sed in confuso, concipitur enim res quædam sana, sed indeterminatè, quocunque tandem modo sit sana non descendendo ad rationes particulares talis vel talis sani, sed per modum entis cuiusdam sani quocunque id sit modo. Si verò analogum concipiatur in particulari determinatè, dicunt hi authores non posse analogum concipi vno conceptu, sed pluribus; sano enim formaliter, & sano per attributionem ad sanum formaliter, nihil est commune; analogia enim attributionis non consistit in convenientia in aliquo gradu communi, sed in attributione multorum ad vnum tale. Quidam afferunt aliam eius rei rationem, quia inquirunt, analogia eum non sint merè æquivoca, conueniunt aliquo modo inter se, quæ autem conueniunt inter se, possunt vno communi conceptu concipi. Verùm hæc ratio non concludit. Nam analogia attributionis non conueniunt in vna aliqua ratione communi multis sed in vno termino, ad quem alia referuntur.

Dico igitur primò, in Analogis attributionis ab analogo principali, & minus principalibus nihil commune potest abstrahi. Quia quod non est, abstrahi non potest: at nulla ratio in re est communis talibus analogis, (v. g. sanitati animalis, & medicinæ) Ergo non potest abstrahi ab illis. Vt enim dictum est, talia dicuntur conuenire inter se non in aliquo gradu communi, qui

In Analogia Attributionis ab analogo principali & minus principalibus nihil commune abstrahitur.

de illis dicatur, sed in communi termino ad quem referuntur. Neque dici potest saltem in confuso posse affirmari de illis vnum conceptū & rationem communem, quia talis conceptus nullum est fundamentum in re, cum inter se nullam habeant convenientiam, sed tantum ordinem ad vnum. Quod verò dicitur, audita voce sani, formari à nobis vnum conceptū sani. Respondeo, hunc conceptū non esse vnius rei: quia non concipitur aliqua vna ratio sani nec specifica, nec generica, sed tantum quiddam voce sani significatū, quomodo etiam audita voce æquiuvoca concipimus quiddam voce æquiuvoca significatum, nihil aliud de re concipiendo, nisi quod tali voce significetur.

Ab Analogis minus principalibus abstrahitur communis ratio, spectans ad analogiam proportionis.

Dico Secundò. Ab analogis minus principalibus, potest abstrahi communis ratio, sed ea spectat ad analogiam proportionis, non attributionis: Omnia enim analogia minus principalia conveniunt in hac communi ratione quod referantur ad principale analogatum; convenient autem in hac ratione proportionaliter, quia licet diversis modis referantur ad principale analogatum; conveniunt tamen in hoc, quod suis modis & cum proportionem quadam referantur ad vnum, quæ convenientia est proportionis. Ex quo patet absolute loquendo ab analogis attributionis, quæ attributionis sunt, nihil posse commune abstrahi, quod analogiam attributionis constituat. Nam illud commune quod ab analogis attributionis abstrahi potest, constituit analogiam proportionis, non attributionis.



QVÆSTIO III.

De Analogis proportionis.

DE his Analogis primum illud quæri potest. An sola *proportio sola* proportio sufficiat ad rationem analogiæ consti- *sufficiatne ad* tuendam. Videtur enim proportio non in analogis *rationem ana-* tantum, sed & vniuocis inueniri, quam enim propor- *logiæ constitu-* tionem animal in homine habet ad hominem, eandem habet animal in bruto ad brutum. Porro hæc proportio est vniuoca: quia eadē omnino ratione se habet animal in homine, vt in bruto, ergo sola proportio non sufficit ad constituendam analogiā; alioqui vniuoca essent analogæ. Propter hanc rationem quidam recentiores negarunt proportionem sufficere ad analogiam, nisi sit coniuncta cum attributione ad principale analogatum.

Sed hæc sententia & noua est, & non satis firmâ ratione nititur. Nam etsi proportio eorum quæ vniuocè in aliqua ratione conueniunt non constituat analogiam, tamen proportio eorum, quæ æquiuocè se habent, & secundum diuersas rationes respectu eiusdem vocis constituit analogiam. Duo enim ad analogiam requiruntur, vt & analogæ sint diuersæ, & vt aliquo modo inter se conueniant; Quare non omnis proportio, sed solum illa, quæ inuenitur in rebus diuersam sub vno nomine essentiam habentibus, facit analogiam proportionis. Iam quod dicitur ad analogiam proportionis requiri ordinem & attributionem ad principale analogatum, vt cum principium dicitur proportionaliter de fonte, & de corde; de corde tamen dicitur pro-

ter similitudinem fontis, & propter attributionem ad fontem.

*Inter analogia
Proportionis
dari principale
analogatum est
per accidens.*

Primum respondeo: esto ita res habeat, ut inter analogia proportionis semper inueniatur aliquod principale analogatum, cuius respectu alia dicuntur talia; tamen ad analogiam proportionis hoc per accidens facit: Nam siue respectu alicuius principalis, siue non, proportio illa conueniat, dummodo omnibus conueniat, erit vera analogia proportionis, cum nihil essenziale desit ad analogiam.

Vnde saltem per rationem posset abstrahi analogia proportionis, ab analogia attributionis, & considerari sine analogia attributionis. Deinde analogia proportionis non solum est inter principale, & minus principale, sed etiam inter minus principalia inter se; verè enim minus principalia, inter se proportionaliter conueniunt, etiam si nullum respectum ad aliquod principale dicerent. Potest enim quis vel ignorare, vel non considerare talem relationem ad principale, & tamen intelliget perfecte rationem proportionis analogiæ, quia intelliget conuenientiam diuersarum rationum, sub vno nomine.

Respondeo secundò: Non esse necesse in analogis proportionis semper dari principale analogatum, cuius respectu alia, dicuntur talia. Nam et si id verum sit in analogis Metaphoricis, quæ metaphoricè dicuntur talia, ob similitudinem quam habent cum propriè tali, sicut risus dicitur de homine, & de prato, sed de homine propriè, de prato per similitudinem cum risu hominis; tamen in aliis potest esse proportio analogica, sine attributione ad aliquod principale. Sic quantitas & qualitas habet proportionem in ratione accidentis, sine
vlla

vlla attributione vel vnus ad alterum vel vtriusque ad tertium tale. Nam licet tam quantitas, quàm qualitas sint accidentia per ordinem ad substantiam; hic tamen ordo ad substantiam, non est tanquam ad principale analogatum; principale enim analogatum debet esse tale secundum nomen, qualia sunt minùs principalia, vt paulò antè docuimus, debet etiam dicere analogiam ad minùs principalia analogata, quorum cùm neutrum sit in substantia, vt substantiæ nomine significatur, non poterit dici substantia principale analogatum; nullo enim modo est analogatum; quia nullo modo analogiæ rationem habet.

Queri secundò potest. An analogum proportionis & conceptus eius; significet immediatè multa vel vnum. Suarez primo tomo Metaph. disput. 2. docet analogum immediatè significare vnā rationem & nullo modo multas nec confusè, nec distinctè, illam tamen rationem vult non eadem ratione conuenire multis, quia à similibus, quā similia sunt, potest abstrahi vnus conceptus communis: at analoga proportionis sunt similia secundum proportionem: ergo ab illis potest abstrahi vnus cōmunis conceptus proportionalis. Porro in hoc conceptu nec actu confuso, nec actu distincto includuntur plura, quia in vno, quā vnum est, plura non continentur; repugnat enim vnum esse plura & plura vnum. Potest autem ille cōceptus analogus etsi non significet actu multa, multis applicari, non eadem tamen ratione essentiali, sed tantum eadem secundum proportionem. Et idcirco dicitur analogus secundum proportionem. Patet totum id in Ente, quod nullo modo significat immediatè substantiam & accidens, sed tantum essentiam in communi, quod

*Analogū proportionis significet immediate multa an
verò vnum?*

entis significatum diuersa ratione competit substantiæ & accidenti. Oppositum alij tamen communiter docent, nempe analogum immediatè significare multa essentialiter, sed in confuso & sub vna ratione proportionali. Ita Caiet. Opusc. de Anal. Pererius 2. Physic. cap. 2. Fonseca 4. Metaph. cap. 2. Vasquez prima parte disp. 114. cap. 2. Ruuius hic. Probatur autem. Primò. Quia analogum est essentialiter æquiuocum; At nomē æquiuocum significat immediatè plura diuersæ rationis: Ergo & nomen analogum: solumque in hoc differet ab æquiuoco; quod æquiuocum significat plura diuersæ rationis nullam convenientiam inter se habentia; analogum verò significat illa cum convenientia proportionali.

Secundo: Analogum vel significat vnā rationem essentialē, vel non, si primum erit vniuocum, si non; ergo ratio significata per nomen analogum erit multiplex essentialiter. Dices. significare vnā rationem proportionalem. Contra; illa vna ratio proportionalis, non est vna essentialiter; ergo est multiplex essentialiter: nam ratio illa proportionalis est essentia aliqua proportionaliter se habens in multis. Illa ergo essentia proportionaliter se habens, non est vna essentialiter, ergo est multiplex: quare & analogum significans illam essentiam significabit multas essentias in confuso.

Vt hæc difficultas benè dissoluatur duo sunt explicanda. Alterum, an & quomodo conceptus analogi, proportionis sit præcisus à conceptu analogatorum? Alterum, an vnum vel multa significet?

Quantum ad primum. Præcisum vnum ab alio est vnum non includere aliud. Quare conceptum analogi præ-

præscindi à conceptu analogatorum: est non includere in se conceptum analogatorum. Porro conceptus Analogi est duplex. Formalis & obiectiuus. Conceptus formalis, est ille, quem format in se intellectus de re aliqua, est que illa representatio rei in mente qualiter intellectus eam rem concipit: conceptus verò obiectiuus est obiectum conceptus formalis, est que res ipsa obiecta intellectui sub earatione sub qua representatur per conceptum formalem. Certum est igitur conceptum formalem analogi esse præcisum re ipsa à conceptu formalis analogatorum: quia conceptus analogi & analogatorum sunt duo conceptus realiter inter se distincti, nec vnus includit alterum. Quis enim negat alium esse conceptum formalem entis, alium substantiæ? Nam conceptus entis non representat substantiam sub ratione expressa substantiæ; conceptus verò substantiæ non representat substantiam sub ratione confusa entis: Ergo sicut sunt representationes diuersæ, ita & conceptus formales diuersi, & quidem realiter: quia separari à se inuicem realiter possunt, ita vt existente vno, alius non existat.

Sed tota difficultas, est de conceptu obiectiuo. An nimirum conceptus obiectiuus analogi sit præcisus & distinctus à conceptu obiectiuo analogatorum. Cum enim concipio aliquod analogum, v. g. Ens, concipio aliquod obiectum, in hoc autem obiecto nihil concipio de conceptu substantiæ: Ergo videtur in obiectiuo conceptu analogi non includi conceptus obiectiuus analogati, ac ex consequenti conceptus isti videntur esse à se præcisi, & distincti; cum præcisio conceptuum nihil sit aliud quàm non inclusio vnus conceptus in altero.

Conceptus obiectiuus analogi præscindatur à conceptu obiectiuo analogatorum.

Et ita sentit Suarius. Verum communiter Doctores tenent, non distingui conceptus obiectiuos analogi, & analogati: quia vnus includit alium, & in vtroque conceptu, idem planè obicitur, ita vt nihil obiciatur in vno conceptu, quod non obiciatur in alio. V. g. cum substantia concipitur in ratione entis, huic conceptui nihil aliud respondet in obiecto, nisi substantia sub ratione substantiæ. nam substantia sub ea ratione, sub qua est substantia, est ens, & per eandem rationem substantiæ constituitur, tam in ratione substantiæ, quàm in ratione entis. Nam si quatenus substantia non esset ens, esset non ens, & nihil: Ergo ratio substantiæ est illa, quæ conceptui entis obicitur; ac proinde conceptus obiectiuus entis includit conceptum obiectiuum substantiæ, idemque est obiectum conceptus tam entis, quàm substantiæ. Neque dici potest sub alia ratione formali esse obiectum conceptus entis, sub alia conceptus substantiæ: Nam illa ratio formalis substantiæ, vel est ens, vel non ens: Si est ens; ergo erit obiectum conceptus entis; & sic non erit aliud obiectum conceptus entis, quàm illud ipsum, quod est obiectum conceptus substantiæ: Si verò illa ratio dicitur non esse ens; sequetur esse non ens & nihil. quare nec erit ratio substantiæ, quia ratio substantiæ non est nihil.

At inquires. Conceptus obiectiuus analogi fundat rationem conuenientiæ, conceptus verò obiectiuus analogati non fundat rationem conuenientiæ, sed differentiæ: ergo conceptus isti obiectiuus sunt diuersi formaliter: quia in vno includitur aliqua ratio formalis quæ non includitur in altero. V. g. in ratione entis fundatur conuenientia (non enim substantia in ratione sub-

substantiæ conuenit cum accidente) sed potius fundatur differentia ab accidente.

Quidam recentiores respondent idem sub eadem ratione formaliter posse conuenire simul, & differre. Quæ enim (inquiunt) conueniunt perfectè, in alia ratione conueniunt, in alia differunt; at quæ conueniunt imperfectè, in eadem ratione conueniunt, & differunt, quia in illa eadem ratione nec plenè differunt, nec plenè conueniunt, sed partim conueniunt, partim differunt. Et sic substantia sub ratione substantiæ & conuenit cum accidente in ratione entis, & differt ab accidente in propria ratione substantiæ.

Sed isti non satis cautè loquuntur. Nam concedunt idem secundùm idem fundare duo contradictoria, quod est impossibile. Cum primum principium in philosophia sit, vt contradictoria non possint competere eidem secundùm idem: neque enim dici potest ista esse contradictoria, imperfectè; Nam contradictoria imperfectè dicuntur illa, quæ non secundùm totam suam rationem sunt contradictoria, sed secundùm vnum sunt contradictoria, secundùm aliud non sunt contradictoria: At hîc conuenientia, & non conuenientia secundùm omnem suam rationem sunt contradictoria; totum enim quod affirmat conuenientia, negat non conuenientia: Ergo ista sunt perfectè contradictoria, & ex consequenti non possunt eidem secundùm idem conuenire. Deinde affirmatio, & negatio, perfectè sibi opponuntur, contradictoriè: Cum ergò conuenientia & non conuenientia opponantur, vt affirmatio & negatio; sequitur esse perfecta contradictoria. Nam si dicas istam esse imperfectam affirmationem, quia imperfecta conuen-

nientia affirmatur, & ideò esse imperfectam oppositionem. Contra: illa imperfecta conuenientia perfectè affirmatur, quia secundam totam illam suam rationem imperfectam affirmatur, ita vt nihil sit in illa conuenientia imperfecta, quod non affirmetur; tota enim conuenientia imperfecta affirmatur: Ergo conuenientia illa imperfecta, est affirmatio perfecta, & ex consequenti perfectè opponitur contradictoriè negationi oppositæ.

Deinde vrgeri posset & alio argumento. Nam, quæ habent distinctas definitiones, distinguuntur formaliter: Analogum & Analogatum habent distinctas definitiones: Ergo distinguuntur formaliter: Ergo non secundum eandem rationem formalem conuenit illis conuenire & differre. Maior patet. Quia distinctæ definitiones continēt distinctas rationes formales. Minor etiam manifesta est. Definitio enim entis est distincta à definitione substantiæ.

Alij respondent Analogum & analogatum differre distinctis conceptibus formalibus, non obiectiuis, ita vt, verbi gratia, substantia quatenus concipitur conceptu formali entis, distinguatur à seipsa concepta conceptu formali substantiæ. Hæc autem differentia cum sit tota extrinseca (sumitur enim ex ordine ad conceptus formales qui sunt extrinseci obiecto) non tollit identitatem intrinsecam conceptuum obiectiuorum. Potestq; hoc explicari exemplo definitionis, & definiti: certum enim est definitionem & definitum non differre conceptibus obiectiuis, quia idem continetur in definitione & definito; quia tamen differunt conceptibus formalibus, ideo potest vnum negari de altero: definitio

finis enim formaliter non est definitum, nec definitum formaliter est definitio, licet in re sit vnū & idem. Deinde confusum & distinctum conceptibus obiectiuis non differunt: quia idem secundum idem potest concipi confusè & distinctè; & tamen differunt conceptibus formalibus, ita vt eadem res quatenus subsistat conceptui confuso, differat à se ipsa vt concepta conceptu distincto & expresso. Sed neque hæc responsio tollit difficultatem. Nam licet verum sit Analogum & analogatum differre conceptibus formalibus; tamen argumentum vrget, non solum formalibus, sed etiam obiectiuis differre. Si enim analogum & analogatum solum differrent, vt confusum & distinctum, non differrent conceptibus obiectiuis sed tantum formalibus, quia vt dictum est idem secundum idem potest concipi, & confusè, & distinctè, ex solo modo concipiendo diuerso, quod etiam exemplo definitionis, & definiti patet. Definitio enim idem significat distinctè & expressè, quod definitum significat confusè & inexpressè: At non hac solum ratione differunt analogum, & analogatum, sed etiam ex parte rei, & obiecti ipsius; nam in re ipsa est proportio & similitudo quædam imperfecta analogatorum inter se in ratione analogâ: Ergo ex natura rei & ex natura obiecti includitur in conceptu obiectiuo analogi, aliqua ratio realis, quæ non includitur in conceptu analogati.

Vera igitur responsio est, quam Caietanus affert opusc. de Analogia, eamque sequuntur communiter recentiores. Analogum conceptum obiectiuum non esse quidem distinctum, aut præcisum simpliciter à conceptu analogati, esse tamen distinctum & præcisum secundum quid; quia licet idem essentialiter concipiatur

*Conceptus analogus obiecti-
uus non potest
præcisus &
distingui sim-
pliciter.*

conceptu analogi & analogati, non tamen eadem ratione. Nam ut concipitur conceptu analogi, concipitur illa res sub ea ratione, quæ fundat convenientiam cum aliis analogatis, in conceptu verò analogati, hæc ratio non continetur. Quod igitur non sit præcisus & distinctus simpliciter patet ex ratione allata. Nam ille dicitur conceptus præcisus & distinctus simpliciter, qui simpliciter non includit alium: at conceptus analogi includit simpliciter rationem primam analogati: ergo non est ab ea præcisus & distinctus simpliciter. Minor patet inductione. quia ens in substantia dicitur immediate ipsam substantiam sub ratione substantiæ, quia sub ratione substantiæ est ens: idem patet in aliis analogis.

Secundò Ratione. Quia si non includeret rationem Analogati, esset uniuocum, non analogum. Nam illa ratio analogica eadem ratione conueniret omnibus analogatis, quia in suo conceptu nihil includeret, ex rationibus analogatorum; Hac enim de causa, uniuocum, est uniuocum; quia in suo conceptu communi nil includit de rationibus suorum inferiorum, & ideo eadem ratione omnibus competit.

Dices illam eandem rationem non eadem ratione conuenire, sed prius uni quàm alteri. Respondeo. Si illa ratio communis non sit eadem ex parte sua, non erit una ratio: Si verò sit eadem ex parte sua, & solum ex differentiis per quas contrahitur sit diuersa: talis diuersitas non tollit uniuocationem.

Sed tantum secundum quid.

Quod verò conceptus obiectiuus Analogi sit præcisus, & distinctus, secundum quid, patet. Quia conceptus analogi est conceptus eiusdem quidem rei, sed sub ea ratione, qua fundat convenientiam cum al-

tera;

tera; conceptus verò analogati est conceptus eiusdem rei, sub ea ratione quâ fundat conuenientiam, sed differentiam illius rei cum aliis analogatis. Quatenus ergo est eiusdem rei conceptus, sic est vnus conceptus, quatenus verò est conceptus eiusdem rei, sed sub ea ratione qua fundat conuenientiam, est distinctus conceptus, secundum quid, à conceptu eiusdem rei, sub ea ratione, quâ fundat differentiam: quia ratio quâ fundat conuenientiam, & ratio, quâ fundat differentiam sunt secundum quid diuersæ. Dico esse secundum quid tantum diuersas, quia fundantur in eadem ratione formali. Nam si fundaretur in distinctis rationibus formalibus, etiam si illæ rationes non re sed tantum per intellectum in re distinguerentur, verè essent conceptus obiectiui harum rationum simpliciter distincti. Sic conceptus conuenientiae & differentiae in homine fundatur in duabus distinctis rationibus formalibus, nempe in ratione animalis & rationalis, quæ sunt rationes formales ab intellectu in homine distinctæ, ita vt vna vt sic ab intellectu distincta non sit alia, licet in re extra intellectum vna sit alia. Hic verò ratio conuenientiae & disconuenientiae non fundatur in distinctis rationibus formalibus, sed in eadem ratione formali, quæ vtrumq; habet diuersa ratione; fundat enim & rationem conuenientiae, & differentiae, & ideo isti duo conceptus obiectiui solum differunt secundum quid. At instabis. Ergo idem secundum idem fundabit duo contradictoria. Respondeo. Idem secundum idem, sed non sub eadem ratione fundare duo contradictoria, non est absurdum; satis enim est, quod illud idem induit diuersas rationes, vt illi contradictoria possint competere secundum illas diuersas rationes.

Dices.

*Rationes for-
males quomo-
do sint diuersæ.*

Dices. Illas diuersas rationes, esse diuersas rationes formales, vt patet ex diuersis earum definitionibus. Respondeo. Esse diuersas rationes formales secundum quid in vna ratione formali, simpliciter fundatas, ita vt illæ duæ rationes includant istam tanquā communem, & ideò esse diuersas rationes formales solum secundum quid, non simpliciter. Nam quia rationes istæ formales, in vna fundatur ipsamq; includunt, sunt vnum simpliciter: quia verò differunt aliquo modo; ideò sunt distinctæ secundum quid, quia stante vnitate simpliciter, aliquo modo differunt. Patet hoc in exemplo. Ens dicit substantiam; substantia etiam dicit substantiam: Quia igitur vtrumque dicit substantiam, vtrumque erit idem simpliciter: quia verò ens dicit substantiam sub ea ratione quā conuenit cum accidentibus, seu quatenus proportionem in essendo habet cum accidentibus, substantia verò non sub hac ratione dicit substantiam sed sub alia opposita, ideò differunt solum secundum quid. Quare vniuersè loquendo duæ rationes fundatæ in vna aliqua ratione formali, includentes ipsam, sunt formaliter differentes tantum secundum quid; nam simpliciter sunt vnum; si verò sint fundatæ in distinctis rationibus formalibus, quarum vna non includit alteram, ipsæ quoque sunt differentes, & ita hinc accidit.

*Conuenientia
fundatæ ab a-
nalogo qua sit.*

Quod si quæras quænam sit illa ratio secundum quam analogum fundat conuenientiam cū altero. Respondeo. Conuenientiam illam esse proportionem & similitudinem vnius Analogi cum altero, quare natura vt fundat similitudinem illam & proportionem, fundat conuenientiam; vt verò fundat dissimilitudinem & improportionem, sic fundat differentiam. Potest autem tam conuenientia, quàm differentia fundari in vna ratione

tionem formalem, quando convenientia est imperfecta & non totalis; alioquin convenientia perfecta, & differentia perfecta requirunt distinctas rationes formales in quibus fundantur ut patet in vniuersis.

Ex quibus patet conceptum Analogum duplici ratione distingui & præscindi à conceptu analogati. Primo, ut confusum à distincto & expresso, & sic præscindit ab expressa ratione analogati, non verò ab ipso analogato simpliciter. Secundo, ut fundat rationem convenientiæ. Nam conceptus Analogati fundat rationem differentia. Prior distinctio est per ordinem ad conceptus formales: Nam res dicitur confusè, vel distinctè concipi, quia conceptus eius formalis est confusus vel distinctus. Posterior distinctio est conceptuum obiectiuorum, quia in ipsis obiectis est similitudo & proportio similiter & differentia. Hæc tamen distinctio conceptuum non est simpliciter; quia vnus simpliciter includit alium, sed tantum secundum quid; sicut idem sub vna ratione consideratum distinguitur à seipso sub alia ratione. Patet etiam conceptum analogum idem significare, quod significat conceptus analogati, sed sub diuersa ratione.

Conceptus analogum dupliciter distinguitur & præscinditur à conceptu analogati.

Ad argumentum Suarii Respondeo. A similibus perfectè, potest præscindi simpliciter & perfectè conceptus illius rationis secundum quam sunt similia, sicut quia homines perfectè conueniunt in ratione animalis potest ab illis præscindi perfectè ratio animalis communis: at si sint similia imperfectè, & secundum quid, non potest ab illis perfectè præscindi ratio, in qua sunt similia, quia illa imperfecta similitudo est mixta quodam modo cum dissimilitudine, & fundatur in eadem ratione formali, quæ etiam fundat dissimilitu-

Argumentum Suarii soluitur.

dinem. Deinde quando similitudo & dissimilitudo fundatur in distinctis rationibus formalib⁹, tunc ratio fundandi similitudinem potest præscindi perfectè à ratione fundante dissimilitudinem. at quando fundatur in eadem ratione formali, tunc ratio fundans similitudinem non potest perfectè præscindi à ratione fundante dissimilitudinem; quia est eadem ratio fundans utrumque, & idem à seipso distingui perfectè non potest, sed tantum imperfectè & secundum quid.

*Argumentum
Scoti dissoluitur.*

Ad eundem modum soluitur & illud argumentum Scoti. Conceptus certus distinguitur ab incerto: atqui potest esse conceptus analogi certus, conceptus verò analogati incertus: Ergo hi conceptus sunt ex se distincti; Hoc enim argumentum solum probat in communi distinctionem aliquam horum conceptuum, non verò distinctionem perfectam aut præcisionem simpliciter. Nam etiam potest quis esse certus de definito, quod sit, de definitione verò incertus, quænam sit talis definiti definitio: & tamen conceptus obiectivi definitionis & definiti non sunt distincti, cum idem sit obiectum utriusque conceptus.

Quantum ad secundum, hoc est quoad unitatem conceptus analogi: difficultas est. An conceptus analogus unam aliquam rem significet, an verò multas? Suarius enim consequenter asserit, unam rem immediate significare, & illa mediante multas, quibus illa una ratio non eadem ratione applicatur. Quod enim unam rem significet, patet: quia à similibus abstrahitur per intellectum unus conceptus obiectivus; similia enim quatenus similia sunt, unum: Analogata autem

autem in ratione communi analogia sunt similia: Ergo concipiuntur in illa ratione ut vnum; Quia verò illa ratio non eodem modo applicatur multis; idè est analogia respectu illorum, non vniuoca.

Opposita sententia est communis. Analogum immediate non significare aliquid vnum sed multa, proportionaliter se habentia in aliqua ratione. Ita Authores paulò antè citati. Et probatur primò ex dictis. Nam si conceptus analogus non est præcisus simpliciter à conceptu analogati, sequitur quod sit idem cum ipso, & idem significet, quod analogatum; alioqui si non idem significet, sed aliud, esset præcisus, & extra illum significaret aliud, quod est contra dicta.

Analogum immediate non significat aliquid vnum sed multa.

Secundò: si analogum significat quid vnum præcisum ab analogatis, & illa non includens, sequitur analogum esse vniuocum. Nam illud vnum sub illa ratione præcisa eadem ratione conueniret multis. Nam etsi diuersificaretur in multis; tamen hæc diuersificatio esset, instar vniuoci per adiunctas differentias. Cum enim illas essentialiter non includat, erit extra illas, & per illas instar vniuoci contrahetur ad diuersas species: Neque verò quid amplius est in vniuoco. Nam vniuocum significat immediate vnum, & mediante illo vno multa: atqui analogum etiam immediate significaret vnum, & illo mediante multa. Deinde si analogum mediante vno significaret multa, vel illud vnum, esset verè vnum in multis, vel multiplex: Si vnum; ergo analogum significaret multa instar vniuoci, ut dictum est: Nam etiam vnum mediante vno significat multa: si multiplex; Ergo immediate significaret multa.

Secundò. Quod prædicatur de diuersis, quâ diuersa sunt, non potest dici vnum; rebus enim diuersis quâ diuersæ sunt non conuenit vnitas, sed diuersitas: at analogum prædicatur de rationibus propriis analogatorum quantumuis diuersis: Ergo analogum non significat quid vnum in analogatis sed ipsa analogata diuersa. Minor probatur inductione. Nam ens dicitur de substantia sub ratione propria substantiæ, & de accidente sub ratione propria accidentis: at istæ rationes sunt diuersæ: Ergo ens prædicatur de diuersis quâ diuersa sunt: ergo non est quid vnum in illis, sed multiplicitèr dicitur.

Obiicies Primò. Si analogum significat multa non posset concipi analogum, nisi concipiantur multa: at potest concipi analogum, cum in communi, nullo conceptu analogato: tum conceptu vno, vel aliquib⁹ analogatis, non autem omnibus: Ergo multa non pertinent ad essentielle significatum analogi.

*Analogum quo
sensu dicitur si-
gnificare mul-
ta.*

Respòdeo. Analogum in hoc sensu dicitur significare multa, quod non vnâ habet significationem, sed multas. Hoc verò sensu posito, potest concipi analogum secundum vnâ significationem non concepta alia significatione, licet non possit concipi sine vllius analogati significatione: nam etsi possit concipi nullo analogato expressè conceptu, debet tamen analogatum includi in conceptu analogi, saltem in confuso & indeterminatè; siquidem vt diximus conceptus analogi est idem cum conceptu analogati. Quare non eo sensu Analogum dicitur significare multa, quòd illa expressè & distinctè significet, vel quòd formaliter significet ipsam multitudinem, aut collectionem multorum.

Obiici-

Obiicitur secundò: Si Analogum significaret multa non posset prædicari de aliquo, nisi prædicarentur illa multa de se ipso, quia id prædicatur, quod aliqua voce, vel conceptu significatur; Si ergo voce analogia significantur multa, prædicantur. Respondeo. Etiam æquiucum significat multa, & tamen non prædicatur multa de eodem, sed multa de multis secundum eam significationem, quæ unicuique competit: Ergo similiter prædicatur Analogum cum sit species æquiuci. Vnde cum in argumento dicitur: Id prædicari, quod significatur; verum est, si modus prædicationis respondeat modo significationis: Analogum verò non significat multa in vno, sed multa in multis: Ergo etiam non prædicabit multa de vno, sed multa de multis.

Analogū quare ratione prædicatur multa de eodem.

Obiicitur tertio. Si conceptus analogus multa significat, non erit vnus, sed multiplex, Respondeo. Conceptum analogum esse vnum in multis vnitatis proportionis, non verò vnitatis essentialis. Non enim significat vnā essentiam in multis, sed aliquod proportionaliter se habens in multis. V. g. Ens significat aliquid suo modo existens: iste autem modus existendi alius est in substantia, alius in accidente, proportio tamen in modo essendi est in utroque. Porro vnitatis proportionis est vnitatis secundum quid; vnitatis verò essentialis est vnitatis simpliciter. Quare conceptus vniuocus, quia est vnus vnitatis essentialis, erit vnus simpliciter; analogus verò quia est vnus vnitatis solum proportionis, erit vnus tantum secundum quid. Oppositum tamen quidam sentiunt, nempe analogum posse esse vnum essentialiter, si inæqualiter conueniat analogatis, nempe prius vni posterius alteri: quia enim hanc inæqualitatem ex sua essentia poscit, ut prius vni quam alteri competat; nō

Conceptus analogus quare ratione est vnus cum significet multa?

competet vtrique, & qualiter, nec omnino eadem ratione, quod ad vniuocationem requiritur. & sic rationem essentialem entis volunt prius competere substantiæ quàm accidenti. Sed contra: Quia de essentia vniuoci solum est, vt eadem ratione essentiali competat vniuocatis: hoc enim solum dicitur in definitione vniuocorum, vt sit ratio substantiæ seu essentiæ eadem. Si igitur ratio essentiæ sit eadem etiam si essentia illa prius sit in vno quàm in altero, erit vniuoca. Nam illud prius & posterius, vel sumitur ex differentiis contrahentibus, & talis inæqualitas non officit vniuocationi. Semper enim differentiæ contrahentes genus sunt inæquales in perfectione, & ideo inæqualiter illud contrahunt. Vnde sicut non desinit essentia esse vniuoca, ex hoc quod perfectius existat in vna specie, quàm in altera, etiam si hanc inæqualitatem exposcat ex natura sua: ita neque desinet esse vniuoca ex hoc quod prius sit in vna quàm in alia, etiam si hanc prioritatem exposcat ex natura sua. Vel secundo prius & posterius sumitur ex ipsa essentia, constituta essentialiter per prius & posterius. Et sic non erit vna essentia, sed duæ diuersæ: quia vna essentialiter continebit hoc quod non continet alia.

*Vnitas analoga
sit essentialis
vel accidentalis.*

Quod si quæras. An vnitas analoga sit dicenda essentialis, vel accidentalis. Respondeo. Vnitatem essentialem fundari in essentia, accidentalem verò in aliquo accidente. Quia igitur vnitas analoga non in essentia, sed in proportionem essentiæ fundatur; ideo est dicenda accidentalis, non essentialis. Nam & proportio in qua fundatur est accidentalis; proportio enim est similitudo quædam, similitudo autem est relatio accidentalis secundum omnes, cum possit abesse

& adesse. Ex quo patet, quod esse vnum analogia, non est esse vnum essentialiter, sed tantum vnum proportionem; proportionum enim unitas est analogia.

Quæri etiam potest. An analogum habeat propriè aliquas differentias per quas contrahatur. Respondeo. Non habere propriè, habere tamen aliquo modo. Nam differentia propriè debet esse extra rationem generis, ut saepe docet Arist. Differentia autem Analogi non est extra rationem analogi, cum Analogum prædicetur de illa. Quia tamen Analogum aliquo modo præscindit à differentiis inferiorum, duplici illa ratione in præcedenti quæstione explicata; idcirco aliquo modo habet differentias contrahentes. Nam confusa ratio analogi contrahitur per expressam eiusdem rationem, quæ non inuoluitur vno conceptu. Similiter ratio quæ conuenit cum aliis, contrahitur per rationem quæ differt, ita tamen ut utraque ratio fundetur in eadem ratione formali. & idem dicendum est de speciebus analogis, quæ modo explicato constant genere & differentia. agnoscit verò species analogas Aristoteles 4. Metaphys. tex. 2. Vbi entis species & species specierum speculari, ad Metaphysicum spectare asserit.

Analogum habetne aliquas propriè differentias per quas contrahatur.

Notanda verò sunt duo. Primum est quod cum dupliciter aliquid possit significare multa, vel secundum illam vnam significationem, quomodo hæc vox populus, significat multos homines, vna significatione; vel secundum diuersas significationes, quomodo æquiuocum secundum aliam & aliam significationem, aliud & aliud significat: Analogum non primo,

Aliquid potest significare multa dupliciter.

sed

sed secundo modo multa significat, ita vt Ens, v. g. secundum vnā significationem significet substantiam, secundum aliam significet accedens; & ex consequenti secundum aliam significationem prædicatur de substantia, secundum aliam de accidente. Vnde apparet quod ens etsi multa significat, non tamen multa de vno prædicatur, sed multa de multis, vnum de vno.

Analogum significare rem sub ratione & conuenientia proportionali, quod sensus est.

Alterum est, quod cum dicitur Analogum significare rem sub ratione & conuenientia proportionali, non est sensus analogum esse nomen impositum ad significandam formaliter & expressè illam conuenientiam & proportionem; Nam proportio est quid relatiuum, & respectu alterius dicitur, analogum verò non est necesse esse nomen relatiuum; Ens enim, v. g. est nomen absolutum non relatiuum. Sensus ergo est Analogum significare rem sub ea ratione, qua ei conuenit proportio cum alia re, licet illa proportio non significetur formaliter nomine analogo.

QVÆSTIO IV.

De Vniuocis.

Vniuocū quid?

Vniuoca definit Aristoteles: quorum & nomen commune est, & secundum nomen ratio substantiæ eadem, quæ definitio patet ex definitione æquiuocorum explicata.

Vniuoci ratio qua requiritur.

Ad rationem igitur vniuoci pertinet & vnum nomen, & vna ratio substantiæ. Æquiuocum enim est vnum nomen, sed non vnā rationem substantiæ significat. Analogum est vnum nomen, & vnā rationem signi-

significat, sed vnā secundū quid, non simpliciter., hoc est vnā secundū proportionem, vel attributionem: vniuocum verò est vnum nomen, & vnā simpliciter rationem substantiæ significat. Nomine autem substantiæ intelligit Aristoteles, non substantiam, vt opponitur accidenti sed vt significat essentiam, nam, & in Græco habetur *ἐστία*, quod significat essentiam. Vnde etiam accidentia in abstracto dicuntur vniuocè de suis inferioribus, & significant rationem substantiæ communem, vt color, cū de albedine, & de nigredine dicitur.

Quod si obiicias. Aristotelem negare passim accidentia dici vniuocè de subiecto, sed tantū denominatiuè, vt album de homine, quia dicuntur non essentialiter, sed accidentaliter., requiritque Aristoteles ad vniuocationem vt vniuocum dicat rationem substantiæ ipsius subiecti. Respondeo. Accidentia dupliciter prædicari posse: Primò de suis inferioribus & sic prædicantur in Quid & essentialiter: Secundò de suis subiectis, & sic prædicantur denominatiuè, vt album de homine accidentaliter, non essentialiter. Primo ergo modo non negat Aristoteles accidentia prædicari vniuocè, quia sunt vera genera, & species, respectu suorum inferiorum. Sic color prædicatur de albedine & nigredine, tanquam genus vtriusque. Verū tunc non prædicantur per modum accidentium, sed per modum substantiarum; Secundo vero modo negat prædicari vniuocè; modus enim proprius prædicandi vniuocorum est prædicari essentialiter secundū nomen & rationem substantiæ eandem, vt in definitione dicitur. Quia igitur in prædicatione denominatiua non seruatur nec indicatur hic modus prædicationis essentialis,

Accidentia prædicantur dupliciter.

sed est tantum modus prædicationis accidentalis, idcirco denominatiua ut denominatiua non prædicantur vniuocè, quia non significant rationem substantiæ eius de quo prædicantur. Ratio enim substantiæ non significatur per quale, sed per quid; At inquires denominatiua eadem ratione dicuntur de subiectis, quia non solum secundum idem nomen sed & secundum eandem rationem. Respondeo. dici secundum eandem rationem sed accidentalem, non essentialem subiecto, & ideo non simpliciter esse vniuocam, quia non simpliciter vnam rationem subiecti significant, sed tantum vnam rationem accidentalem; solum ergo secundum quid dici possunt vniuocam; debet enim vniuocum simpliciter, vnam simpliciter rationem subiecti significare, hoc est vnam rationem essentialem non accidentalem. Difficultas autem est. An & quomodo conceptus vniuocus sit vnus.

*Conceptus vniuocus quatuor-
tio est vnus?
Ad vniuoca-
tionem vnitas
realis essentia
non requiritur.*

Et quidem Aristoteles conceptum vniuocum ait esse vnum, quia significat rationem essentia eiusdem, ut patet ex definitione vniuocorum. Vbi noto Primò. Non requiri ad vniuocationem vnitatem realem essentia, sed vnam rationem essentia; & quia ratio essentia est in mente, idcirco & vnitas naturæ vniuocæ est in mente. Nam quod ad vnitatem realem essentia attinet eam esse impossibilem demonstrauimus in disputatione de vniuocantibus; cum essentia rerum à parte rei ita sint diuise ab inuicem, ut non solum vna non sit alia, sed etiam impossibile sit vnam esse alteram. Est igitur vniuocum vnum, vnitatem conceptus tam formalis quàm obiectiui sicut & de vnitatem vniuersalis supra demonstratum est.

Quod

Quod si queras, quomodo conceptus formalis vnus sit vnus. Respondeo. Per representationem vnā rationis essentialis, vbi aduertendum est: aliam esse vnitatem essentialē, aliam vnitatem proportionis essentialis. Analogum significat solum vnitatem essentialē quoad proportionem, vniuocum verò significat vnitatem in ratione ipsa essentialē absolute: vnitas in essentiali est vnitas simpliciter, vnitas verò secundum proportionem, est vnitas secundum quid. Ex quo patet conceptum vniuocum esse simpliciter vnum, quia est vnus secundum rationem essentialis: conceptum verò analogum esse secundum quid vnum, hoc est secundum proportionem, vel attributionem ad vnum.

Vnitatis essentialis & vnitatis proportionis essentialis differentia.

Noto secundò. Ad hoc, vt sit vna ratio essentialis per vniuocum significata, duo requiri: vnum in ordine ad intellectum, vt nimirum sit vna non solum in conceptu confuso, sed etiam in conceptu distincto. Nam etiam ratio analogā in conceptu confuso est vna; tamen si concipiatur distincte, & explicitè, non erit vna, sed multiplex, quia apparebunt in ea expresse rationes analogatorum, quæ procul dubio sunt diuersæ non vna. Verbi gratia, Cum concipio ens in confuso, non apparet in tali conceptu ratio propria substantiæ vel accidentis: at cum distincte & expresse rationem entis concipio in substantia, concipio propriam rationem substantiæ. Nam substantia sub propria ratione substantiæ est ens. Si igitur ratio illa communis sit vna & eadem in multis, nõ solum secundum conceptum confusum, sed etiam secundum conceptum distinctum, erit procul dubio vna vnitate essentialis, non verò solum vnitate proportionis.

Ratio essentialis vna per vniuocum significata duorequisita.

Alterum requiritur in ordine ad inferiora, nimirum, ut ratio illa communis nullo modo includat rationes inferiorum, nec includatur ab illis. Nam si includat illas, non erit una & eiusdem rationis in illis, sed diuersa in diuersis, quia aliam differentiam includet in vno, aliam in alio: & sicut differentiae sunt diuersae, ita & ratio illa communis esset diuersa: Si verò includatur in illis, signum est non esse distinctam ab illis; Propter hanc enim causam ratio analogica non est simpliciter vna, quia non est praecisa à rationibus inferiorum, nam, & includit rationes inferiorum in confuso & includitur ab illis.

Ratio ergo vniuoca debet esse praecisa perfecte à rationibus vniuocatorum, alioqui si non sit praecisa perfecte, erit quoad substantiam eadem cum rationibus inferiorum, ac proinde in diuersis diuersa; quia rationes inferiorum sunt in diuersis diuersae. Dixi debere esse praecisam perfecte. Nam etiam analogica ratio est praecisa imperfecte: quia est praecisa à ratione expressa inferiorum; vniuoca autem debet esse perfecte praecisa, hoc est tam à ratione expressa, quam à ratione confusa suorum inferiorum, ita ut nec expressè nec confusè includat sua inferiora.

*Ratio aliqua
perfectè praecisa
quæ cognoscitur?*

Quod si quæres? Quomodo cognosci potest rationem aliquam esse perfecte praecisam. Respondeo. Ex duobus. Primò, si sit praecisa in conceptu distincto. Nam si concepta distinctè & expressè non inuoluit quidquam ex rationibus inferiorum, est perfecte praecisa ab illis, quia in perfecto suo conceptu illa non includit. Si verò solum sit praecisa in conceptu confuso & imperfecto quomodo analogica sunt praecisa, à suis analogatis, sic non est perfecte praecisa, quia verè illa includit, sed

ob imperfectionem conceptus non apparet ista conclusio. Secundò, si non prædicetur in quid de differentiis inferiorum; hoc enim signum est non includi in illis, nec illas in se includere. Nam quod prædicatur de aliquo in quid, est idem cum illo: Ergo si aliqua ratio communis prædicatur de rationibus inferiorum, erit eadem cum illis, nec distinguetur ab illis simpliciter, nisi fortè secundum quid, quomodo idem à seipso sub alia ratione consideratum distinguitur. Et hæc sint duæ regulæ cognoscendi rationes uniuocas.

Ex quibus intelligitur, quomodo verum sit quod ait Aristoteles, differentiam esse debere extra rationem generis: quia nimirum genus uniuocum debet esse perfectè præcisum à suis differentiis, ut nec illas includat, nec includatur in illis.

Differentiam debere esse extra rationem generis, quæ verum?

Sed quæri potest. An possit aliquid esse commune uniuocè multis speciebus, & non esse genus, Scotus enim & Scotus affirmât, quos plerique sequuntur; Aiunt enim ad uniuocationem sufficere vnam rationem communem præcisam à differentiis, hoc est differentias in suo conceptu formali non inuoluentem. Ad rationem verò generis requiri aiunt, non solum ut ratio illa communis præscindi possit à differentiis, sed etiam ut differentia præscindi possint à ratione illa communi: Fundant verò hanc doctrinam in Aristot. qui 3. Metaph. t. 10. negat ens esse genus, vilius rei, quia nulla res præscindi potest ab ente; aitque impossibile esse, genus de propriis differentiis prædicari, & alibi passim docet, differentias debere esse extra rationem generis. Hanc ob causam Scotus concedit ens esse uniuocum respectu omnium entium non tamen esse genus, quia licet ipsum præscindat à differentiis entium: differentia tamen ab

Potestne esse aliquid commune uniuocè multis speciebus, nec tamen esse genus?

ipso non præscindunt: quia differentia entis, sunt entia, cum fiat extra nihil. Sotus etiam idem concedit de accidente in communi respectu omnium accidentium.

Quod prædicatur uniuocè de speciebus est verum genus illarum specierum.

Dicendum tamen est omne quod uniuocè prædicatur de speciebus esse verum genus illarum specierum: Probatur primò. ex definitione generis, in qua nihil aliud ponitur, nisi quod prædicetur de pluribus differentiis specie in quid: Ergo aut hæc definitio erit insufficientis; aut si est sufficiens, sufficiet ad rationem generis communitas uniuoca secundum prædicationem: Secundò: quia omne uniuocum significat rationem communem; Differentia verò rationem propriam. At sicut commune præscindi potest à proprio, ita proprium à communi: quia sicut commune quâ commune, non est proprium; ita proprium quâ proprium non est commune. ergo, si ratio communis uniuoca præscinditur perfectè à differentia; etiam differentia præscindetur perfectè ab illa ratione communi. Vnde rectè inferri potest, si aliqua differentia non possit præscindi ab aliqua ratione communi, illam rationem non esse uniuocam, nec præscindi perfectè à differentia, sed solum ex confuso modo concipiendi.

Diuisio necesse est ut sit mutua.

Quod ut clarius intelligatur ostendo impossibile esse aliquid diuidi ab altero, quin alterum quoque diuidatur ab illo; ita ut sit necesse diuisionem esse mutua, & utrinq; patet id primò inductione in omni diuisione: non enim potest dari vlla diuisio in rerum natura quæ non sit utrinque: Si enim pars ligni diuidatur à reliquo ligno, necesse est alteram quoque ligni partem diuidi ab illa: Si enim non sit diuisa, erit indiuisa & coniuncta. At quomodo potest esse coniuncta, rei à

se diuisa & sibi non coniuncta? Dices, id esse verum in diuisione reali non rationis. At contra: quod diuisioni, vt diuisio est, conuenit, necesse est conuenire omni diuisioni; quod enim conuenit generi, conuenit omnibus sub ipso contentis: Atqui diuisioni, vt diuisio est in genere, conuenit, vt sit diuisio vtrunque; nihil enim potest esse diuisum à re, à se indiuisa: Ergo id omni diuisioni conuenit, tam in re quàm in mente. Deinde ratio est duplex. Prima: quia relatiuum non potest esse sine suo correlatiuo, cum relatiua sint simul natura: Ergo & relatio diuisionis inter duo diuisa non potest esse nisi vtrunque sit relatio diuisionis: diuisa enim secundum relationem diuisionis sunt correlatiua, quæ est relatio *Æquiparantiæ*: Secundò: quia implicat contradictionem vt aliquid sit diuisum à re, à se indiuisa, vt dictum est, esset enim simul diuisum & indiuisum, diuisum ex suppositione, indiuisum propter indiuisiōnem illius rei ab ipso.

At obiciunt, animal posse præscindi ab homine, non autem hominem ab animali. Respondeo. Animal non præscindi à tota hominis essentia, cum sit pars essentia, sed ab vna tantum parte, essentia hominis, nempe rationalitate: quare sicut animal præscindi potest ab homine secundum rationalitatem tantum considerato: ita & homo secundum rationalitatem tantum consideratus, præscinditur ab animali: quia vt rationalis est non est animal. Secundum verò priorem essentia partem, nec animal ab homine, nec homo ab animali præscindi potest: quia homo secundum vnam essentia partem, est animal. Cum etiam aiunt ens præscindi à substantia & accidente non è contra: dicendum est

est istam præcisionem non esse vniuocam, esse tamen mutuam: nam sicut in conceptu entis non includitur expressè conceptus substantiæ, ita in conceptu proprio substantiæ, non includitur expressè ratio entis, licet impliciter utrumque in utroque includatur. Vnde possum scire aliquid esse ens, nesciens expressè an sit substantia vel accidens: item possum concipere substantiam conceptu proprio nihil expressè cogitando de ente: ita ut conceptus expressus substantiæ non sit expressus conceptus entis & è contra.

Ex quibus patet ad fundamentum primæ sententiæ: de ratione enim vniuoci est, ut sit præcisum utrinque, ita ut si differentia non præscindat ab illo, illud non sit vniuocum.

*Possintne aliqua
esse simul
vnum genere
& analogia.*

Quæri etiam potest, an aliqua possint esse simul vnum genere & analogia, id enim affirmat Aristot. 5. Metaph. 4. 12. quæ sunt, inquit, vnum genere non esse vnum specie, sed posse esse vnum secundum analogiam; & quæ sunt vnū analogia, non omnia genere esse vnum, indicans aliqua esse vnum genere. Quam doctrinam ita declaro. Possunt enim aliqua habere analogiam in specie; convenire verò vniuocè in genere. v. g. Sanitas animalis & sanitas pomi; in ratione sanitatis sunt analogi, ut verò sunt qualitates quædam sunt vniuoca, & sic analogi in illa ratione in qua sunt analogi possunt certo respectu esse vniuoca, quare repugnat quidem analogum quâ analogum formaliter esse vniuocum, cum diuersa sit ratio analogi & vniuoci: non repugnat tamen, id quod est vna ratione analogum alia ratione esse vniuocum, & ex consequenti non repugnat esse aliqua simul vnum analogia & genere.

QVÆSTIO V.

An ens sit uniuocum respectu omnium entium particularium.

HÆc quæstio tractatur hoc loco à nobis, tum propter praxim eorum, quæ de uniuocis & analogis docuimus: tum quia in tota Philosophia huius quæstionis doctrina supponitur. Scotus igitur & Nominales in primo, distinctione tertia, censent ens uniuocè cōuenire omnibus entibus, Deo, & creaturæ, substantiæ, & accidenti. Fundamentum est; Quia omnia entia conueniunt essentialiter in ratione cōmuni entis, differunt in rationibus particularib⁹ & modis entium, nempe quod hoc sit ens dependens, illud independens, hoc per se existens illud in alio existens. Hanc autē conuenientiā esse uniuocam patet; quia in ratione entis in communi nullum est discrimen inter entia, sed solum in rationibus propriis, & specificis entium quod uniuocationi nō repugnat. Nam omne uniuocum habet diuersas differentias, per quas contrahitur, solum autem diuersitas in ipsa ratione communi repugnat uniuocationi. Deinde aiunt, conceptum certum distingui ab incerto; at conceptus entis potest esse certus, incerti verò conceptus particularium entium. Ergo conceptus entis est distinctus & præcisus à conceptibus particularium Entium, & per consequens uniuocus: quia non habet unde diuersificetur; Rationes enim particularium entium cum sint ab eo distinctæ, non faciunt eum in se diuersum. Minor probatur: quia possum esse certus de aliqua re quod sit Ens, & incertus, an illa res sit substantia, vel accidens, ut cum de quantitate dubitatur, an

fit substantia, vel accidens, nemo autem dubitat an sit ens; Ergo. Ex quo inferunt, omnibus rebus mundi dari vnum commune conceptum vniuocum, qui est communis conceptus entis; Inferunt etiam Deo & creaturis dari quid commune vniuocum in genere, licet non possit dari quid commune vniuocum in specie, quia Deus in genere conuenit cum aliis entibus, in specie autem cum nulla re conuenit.

Alii tamen communiter dicunt cum Aristotele, Ens nullo modo esse vniuocum respectu entium particularium, nec significare communem essentiam omnibus entibus, sed immediate significare diuersas essentias, per modum æquiuoci, & secundum vnā significationem conuenire substantiæ, secundum aliam accidenti. Ita docet expressè Aristoteles 4. Metaph. tex. 2. & 7. Metaph. tex. 1. vbi ait. Ens multipliciter dici, & non vnum quid significare, nisi per attributionem ad vnum; quædam enim, inquit, dicuntur entia, quia substantiæ; quædam, quia passionēs substantiæ, quædam quia via ad substantiam & aliis modis, idq; declarat exemplo sani, quod non est dubium esse Analogū, non vniuocum. Cum Aristotele sentiunt omnes Peripatetici, & sanctus Thomas in expositione loci citati, & rationem optimam insinuat Aristoteles. Entia enim non ob eandem, sed ob diuersam rationem dicuntur Entia: Ergo ens non significat vnā rationem vniuocam, sed multas diuersas. Antecedens probatur; Quia aliqua dicuntur entia, quia sunt in se entia, vt substantiæ, aliqua dicuntur entia, quia sunt entis entia, vt accidentia. Neque dici potest per hos diuersos modos entis, res constitui in ratione talis entis, non verò absolutè in ratione entis: Nam substantia, & accidens

ciens non habent aliam rationem entis, nisi talis, & quâ talia sunt, sunt entia.

Dico igitur primò: Ens non esse uniuocum respectu entium particularium. Probatur Primò, ratione Aristotelis adducta. Secundò: Quia si omnia Entia conuenirent uniuocè in ratione Entis, omnia Entia essent unius & eiusdem essentiae, nec ullum esset discrimen essentialiter in rebus. Nam omnes differentiae, quae assignari possunt, essent Entia: atqui quae Entia sunt eiusdem essentiae: Ergo omnes differentiae in rebus essent eiusdem essentiae, & sic periret discrimen essentialiter rerum. Confirmatur. Quia diuersa quâ diuersa sunt, non sunt idem essentialiter, & uniuocè: atqui Entia in rationibus propriis suae essentiae sunt diuersa: Ergo non sunt idem essentialiter & uniuocè in ratione Entis.

Ens non est uniuocum respectu entium particularium

Dices esse idem essentialiter in ratione communi Entis, non in rationibus particularibus. Contra. Quia etiam rationes particulares sunt Entia. (alioqui essent nihil) Ergo si in ratione Entis sunt idem essentialiter, sequitur etiam in rationibus particularibus debere esse idem essentialiter, quod quia absurdum est erit etiam absurdum id ex quo sequitur.

Dices rationes particulares esse Entia identicè non formaliter. Contra: Ergo rationes particulares Entium formaliter acceptae non essent, Entia, aut certè si in sua ratione formali Ens includunt erunt formaliter Entia. Verum quia hanc rationem non omnes admittunt, ideo probo tertio: Quia omne uniuocum dicitur rationem præcisam à differentiis, ut animal dicitur rationem præcisam à rationalitate, & irrationalitate: nam quod non præscindit à differentiis est multiplex, non

vnum, quia in diuersis diuersas differentias includit in suo conceptu formali: at Ens non potest præscindi à suis differentiis, seu rationibus particularibus Entium: Ergo Ens non est vniuocum, respectu Entium particularium. Minor probatur. Quia si Ens præscinderetur à ratione propria substantiæ & accidentis, illa ratio propria substantiæ, & accidentis non esset Ens, ac ex consequenti esset nihil. Præscindit quidem conceptus Entis à substantia & accidente, quoad expressas eorum rationes, simpliciter tamen ab eis non præscindit, quia ea dicit in confuso, licet non expressè: ita vt conceptui Entis in substantia nihil respondeat, nisi ratio propria substantiæ, & in accidente ratio propria accidentis confuse accepta. Quare Aristot. rectè docet 4. Met. tex. 3. quod idem significet homo, & homo Ens: quia nimirum Ens includitur in omnibus rationibus suorum inferiorum. Et 3. Metaph. tex. 10. Ex eo probat, Ens non esse genus, quia de differentiis prædicatur; necesse enim est genus præscindi à differentiis, non prædicari de differentiis.

Conceptus Entis immediate non significat vnam tantum rationem.

Dico secundò Conceptus Entis immediatè significat diuersas rationes singulorum Entium, quatenus suo modo sunt Entia, ac ex consequenti non significat immediatè vnam tantum rationem, vt vult Suarez. Ratio est: quia Ens aliam rationem entis significat in substantia, aliam in accidente. Nam in substantia significat substantiam, in accidente accidens, siquidem substantia, sub ratione substantiæ, & accidens sub ratione accidentis est ens: Deinde illa vna ratio quam dicitur significare Ens vel est vna communis essentia, vel non: si primum; ratio illa erit vniuoca: si secundum; ratio illa multas

multas essentias non vnā significabit. Porro dicitur Ens significare multa, nō quod vna significatione complectatur multa, sed quod habet diuersas significationes, & secundū diuersas significationes, diuersa significet in diuersis.

Dico tertio. Conceptus Entis non est præcisus à propriis rationibus particularium Entium simpliciter, sed tantū secundū quid. Quod non sit præcisus simpliciter, & quoad rem significatam patet: quia res immediatē significata per conceptum Entis non est alia, quā rationes propriæ singulorum Entium. Quod verò secundū quid sit præcisus, patet. Quia conceptus Entis est confusus & fundat rationem conuenientiae: conceptus verò substantiae est distinctus, & fundat rationem differentiae, quare non differunt hi conceptus simpliciter, quia dicunt idem: differunt autem secundū quid, quia dicunt idem sub diuersa ratione. Deinde conceptus confusus, est præcisus à conceptibus expressis & distinctis: at conceptus entis est confusus respectu particularium Entium. Ergo est præcisus à conceptu particularium Entium. quæ præcisio est tantū diuersitas quoad expressionem non quoad substantiā, quia licet significet immediatē particularia Entia, quoad substantiam: tamen nō significat illa expressē sub propriis rationibus, sed confusē. Ex quo patet. Ens simpliciter non abstrahere ab Entibus particularibus, sed tantū ab expressione illorum, quia quoad substantiam illa includit, quoad expressionem verò non includit. Patet etiam Ens non habere inferiora, nisi secundū quid, hoc est quoad expressionem. Nam Entis inferiora simpliciter includuntur in Ente, non verò sunt sub Ente tanquam species ab eo diuersæ.

Ens est analogum respectu entium particularium.

Dico quartò. Ens est Analogum respectu Entium particularium. Ita Aristoteles locis citatis. Et ratio est, duplex enim Analogia Entibus conuenit in ratione Entis: vna attributionis, alia proportionis. Analogia attributionis est duplex: alia accidentium ad substantiam, alia entium creatorum ad Deum. Nam & accidentia dicuntur entia, quatenus sunt entis entia, hoc est quatenus subiiciuntur in substantia, & ab ea habent rationem Entis. Entia creata dicuntur entia, quatenus sunt entia ex Deo & ex participatione primi entis, quod est ens per essentiam, Analogia verò proportionis est inter omnia entia, inter se, quia quodlibet ens habet se proportionaliter in ratione Entis; quodlibet enim est suo modo Ens, & sicut se habet vnum ad suum esse, ita & aliud ad suum, quæ est proportio in ratione entis.

Ratio analogæ essentialis cui nam conueniat?

Dices. Si creaturæ sunt analogicè entia, non erunt essentialiter entia, quia ratio analogæ essentialiter est solum in principali analogato, in aliis verò non est essentialiter, sed tantum est relatio & attributio ad essentialem, ut patet in sanitate, quæ secundum suam essentiam, est tantum in animali, in aliis verò vel effectiuè vel significatiuè. Respondeo. Ratio analogæ essentialis, aliquando est vna tantum, & tunc solum conueniet principali analogato non aliis: aliquando verò est multiplex, & multas essentias diuersas continet, cum dependentia tamen ab essentia principalis analogati, & tunc aliis quoque analogatis conueniet. Hoc verò modo ens, significat tam Dei quàm creaturarum essentiam, sed Dei essentiam significat tanquam principalis analogati, quia omnia alia entia in suis essentiis dependent ab eo, & dicun-

dicuntur entia quatenus participant rationem entis à Deo, semper tamen essentia principalis analogati ipsi soli competit.

Ex quibus patet ad fundamentum Scoti: omnia enim entia conveniunt, in ratione entis, sed alia & alia ratione. Ens enim aliam in vno essentiam significat, aliam in altero, in omnibus tamen eandem, proportionaliter. Porro ens non habet vllas veras differentias, quia illæ differentiae non sunt extra rationem entis, sed tantum extra rationem expressam entis, continenturque in ente quoad substantiam, licet non exprimantur.

*Entia omnia
conveniunt sed
alia atque alia
ratione.*

Ad aliam confirmationem respondeo. Solum probare conceptum certum distingui aliquo modo ab incerto, ad quod sufficit distinctio secundum quid, non verò requiritur distinctio simpliciter: eadem enim res confusè concepta potest esse certa, incerta verò quoad id quod est secundum conceptum distinctum. Sic certus sum de leone, quod sit leo in confuso, quid autem sit leo in conceptu suo definitivo, qui est conceptus distinctus, sum incertus, neque tamen conceptus definitionis & definiti sunt distincti simpliciter; Porro conceptus univocus debet esse distinctus simpliciter à conceptu univocatorum, ita ut

ratio significata nomine univoco, nullo modo includat rationem propriam univocatorum.

¶



*An eadem ratio possit esse uniuoca
& Analoga.*

Quidam affirmant respectu diuersorum eandem rationem esse Analogam & uniuocam. Ita Fonseca 4. Metaphysic. cap. 1. quæst. 1. Sect. 5. Quia licet respectu eiusdem nō possit esse simul quid uniuocum & analogum; uniuocum enim significat vnā essentiam analogum diuersas, tamen respectu diuersorum id non repugnat: Id enim etiam in purè æquiuocis videmus. Nam canis respectu animalium domesticorum est uniuocum, respectu verò aliorum canum, cœlestis, & marini est æquiuocum: Similiter ens respectu substantiarum est uniuocum, quia substantiæ sicut uniuocè conueniunt in ratione substantiæ, ita & in ratione entis inclusa in ratione substantiæ, respectu tamen substantiæ & accidentis est analogum.

Suarius negat 2. Metaph. disp. 21. sect. 2. Quia analogum etsi diuerso respectu possit esse uniuocum, non tamen secundum eandem rationem & impositionem. Nam alia est impositio ad significandam analogiam, alia ad significandam uniuocationem.

Dico primò. Potest esse eadem vox uniuoca, & analoga; sed non secundum eandem significationem. Ratio est. Quia vox uniuoca est imposita ad significandam vnā essentiam in multis: Analoga verò est imposita ad significandas multas diuersas essentias in multis: ergo non secundum eandem significationem erit uniuoca & analoga: quia est uniuoca secundum vnā signi-

Vox eadem potest esse uniuoca & analoga secundum diuersam significationem.

significationem; analoga verò secundum multiplicem significationem. Quare eadem vox materialiter potest esse vniuoca, & analogā, sed non eadem formaliter, quia formalitas vocis attenditur ex significatione, quæ in vniuoco, & analogo cū sit diuersa, erit etiam diuersa formaliter vox vniuoca ab Analogā; Ex quo etiā patet non ex vi eiusdem impositionis vocem esse vniuocā & analogā, sed ex diuersarum impositionum, quia vbi sunt diuersæ significationes, ibi sunt diuersæ impositiones.

Dico 2. Conceptus analogus nō potest sub eadem ratione esse analogus & vniuocus etiam respectu diuersorum. Ratio est. Quia conceptus dicitur analogus propter multas diuersas significatas rationes; vniuocus verò dicitur propter vnā rationem significatā: Atqui eadem ratio non potest esse vna essentialiter, & multiplex essentialiter etiam respectu diuersorum: Ergo nō potest conceptus analogus sub eadem ratione esse vniuocus & analogus, quia non potest res esse secundum eandem rationem vna & multiplex. Nam si est vna, habet vnā differentiam essentialē; si est multiplex, habet non vnā, sed multas differentias essentielles; hæc autem cū sint opposita, in eandem essentialiam cadere non possunt, etiam respectu diuersorum, essentialia enim conueniunt rei absolutē non per respectum ad aliqd. Quare parum refert ad hoc respectus ille diuersus; in iis enim solum habet locum diuersus respectus, quæ respectu aliorū dicuntur talia, non verò quæ absolutē in se sunt talia; Ex quo patet, cū ens dicitur vniuocē de rebus eiusdem speciei, non esse illud ens, quod est analogum: Nam ens quod est analogum, est quid commune, substantiæ, & accidenti, & secundum suam significationem

Conceptus analogus non potest esse analogus, & vniuocus sub eadem ratione etiam respectu diuersorum.

tionem extendens se ad substantiam, & accidens, non verò dicitur de substantiis eiusdem speciei, contrahitur ad vnam significationem, & vnam rationem Entis determinatam, secundum quam Ens non est analogum, sed vniuocum.

*Analogatum
potest esse sub
eadem ratione
analogatum &
vniuocum di-
uerso respectu.*

Dico Tertiò. Analogatum potest esse sub eadem ratione Analogatum, & vniuocum diuerso respectu. Pro quo noto. Aliud est, esse Analogum, aliud Analogatum. Nam Analogum dicit multas rationes in confuso & multas significationes. Analogatum autem dicit vnam rationem determinatam. V.g. Ens vt est Analogum dicit in confuso substantiam, & accidens secundum aliam & aliam significationem; vt verò est analogatū dicit substantiam tantum vel accidens tantum, Quare aliud est querere, an analogū sub eadē ratione sit analogū, & vniuocum, aliud verò, an analogatum possit esse sub eadem ratione Analogatum & vniuocum. Nam ad primam quæstionē respondetur negativè, cum vniuocum significet vnam essentiam, Analogum multas; Ad secundam verò Respondetur affirmatiuè; Analogatum enim vnam essentiam determinate significat sub genere analogo, quæ potest simul esse & vniuoca respectu suorum inferiorum, & analogicè se habēs respectu aliorum analogatorū, quatenus non eadem ratione se habet sub illo nomine analogo, sicut alia analogata. V.g. Ens quod dicitur de substantia vniuocè conuenit iis, quibus vniuocè conuenit ratio substantiæ: at respectu accidentium est ens analogicè, quia alia ratione est ens quàm accidentia. Et hoc solum probat prima sententia, nempe posse esse idem analogatum & vniuocum diuerso respectu,



DISPVATIO VII.

De Prædicamentis in communi.

Prædicamentum est series & dispositio generum ac specierum, sub uno summo genere. Quare prædicamentum non significat summum genus, sed multa genera & species coordinatas sub uno genere summo, ipsum verò summum genus non est Prædicamentum, sed genus Prædicamenti. Porro tractatio Prædicamentorum, ut continent res, propriè ad Metaphysicum spectat. Eius enim proprium munus est considerare Ens & omnes divisiones ac species Entis. Una autem diuisio Entis est in decem summa genera prædicamentorum. Quoad considerationem verò generum & specierum secundum prædicationem, est tractare Logici. Quamquam rudis etiam & imperfecta prædicamentorum, ut res sunt, tractatio, suo modo

*Prædicamentū
quid?*

*Prædicamen-
ta quomodo
spectant ad Lo-
gicam.*

ad Logicum etiam pertinet. Dixi suo modo, hoc est, non per se, sed per accidens. Non per se quidem; quia tractatio rerum est extra rationem formalem Logica qua solum de operationibus intellectus agit: per accidens autem; quia ea tractatio conducit ad finem Logica nempe ad meliorem cognitionem & directionem operationum; ad hoc enim rudis & generalis rerum tractatio plurimum conducit.

QVÆSTIO PRIMA.

*An diuisio Entis in decem summa Genera sit Prima, bona, & sufficiens
Entis diuisio.*



Ria quæruntur: An ea diuisio sit prima: Secundò; An bona: Tertiò: An sufficiens. Quantum ad primum. Illa dicitur prima. Entis diuisio quæ aliam priorem non supponit, sed ipsa potius præsupponitur aliis diuisionibus.

Dico igitur Primò. Diuisionem Entis in decem summa Genera non esse primam diuisionem; quia hæc diuisio supponit aliam priorem; nempe diuisionem Entis in Substantiam & Accidens; nam accidens postea diuiditur in nouem genera.

Dico

Dico Secundò. Neq; diuisionem Entis in substantiam & accidens esse primam; quia hæc etiam diuisio supponit aliam priorem nempe in Ens creatum & increatum, dependens & non dependens, Ens à se & Ens ab alio. Nam cum Ens diuidatur Analogicè in sua membra, prior Analogia est Entis creati cum increato, quam accidentis cum substantia; Prior enim dependentia in genere Entis, est Entis creati à Deo, quam Entium Creatorum inter se.

Dico Tertiò, diuisionem Entis, in Ens creatum, & increatum, seu in Ens à se, & ab alio, dependens & independens, esse primam diuisionem Entis; quia hæc nullam aliam præsupponit, eam verò alia supponunt. Diuisio enim Entis est secundum Analogiam: Analogia autem consistit in dependentia Entium in ratione Entis, à principali Ente. Prima autem dependentia Entium est à Deo, quam deinde sequitur dependentia Entis à substantia.

Quantum ad secundum. Videtur ea diuisio non esse bona; Lex enim diuisionis postulat, vt fiat diuisio in duo membra opposita, quæ deinde subdiuantur. Poterat igitur & debebat Ens diuidi, in substantiam, & accidens; deinde accidens, in absolutum & respectuum: absolutum in intrinsecum, & extrinsecum; intrinsecum in quantum, & quale; extrinsecum, in vbi, quando, sicut habere; respectuum verò, in relatione, actionem, passionem.

Dicendum tamen est. hanc diuisionem esse bonam *Diuisio bona.* ex fine eorum, qui prædicamenta inuenerunt: id enim quod spectarunt primi inuectores prædicamentorum est, vt ad scientias addiscendas oculis obicerent summa rerum omnium genera, & varios modos afficiendi, &

denominandi primam substantiam. Hoc autem omnium optimè præstiterunt, propositis decem summis rerum generibus ad quæ omnes res reuocantur, & omnes modi efficiendi & denominandi primam substantiam, quæ est primum omnium subiectum de quo omnia enuntiantur. In aliis verò diuisionibus non ita explicite proponuntur rerum diuersa genera, & diuersi modi reales efficiendi & denominandi primam substantiam sed valde in generali & in confuso, vt patet in diuisione Entis in substantiam & accidentis. Non enim in hac diuisione explicantur genera accidentium, & modi speciales ipsorum efficiendi & denominandi primam substantiam, sed in confuso solum in accidente includuntur. Quare & si potuerit aliis modis fieri ista diuisio, hic tamè visus est omnium optimus & maximè accommodatus ad dictum finem.

Diuisio, an bimembra?

Quod vero dicitur de diuisione bimembri, ea quidem per se loquendo fieri debet per duas differentias oppositas, si res per se spectetur, non verò si aliquis specialis finis intendatur, ad quem magis sit conueniens, & accommodata in plura, quam in duo membra diuisio. Vti hic accidit, Alii etiam huius rei reddunt rationem, quod ea diuisio fieri debuit in genera vniuoca, prima autem genera vniuoca sunt decem: Nam alia quæ de illis affirmantur sunt Analoga, sed hæc ratio supponit id, quod est valde dubium genera prædicamentorum debere esse vniuoca, de quo infra.

Diuisio sufficienti.

Quantum ad tertium. Hanc diuisionem esse sufficientem inde patet, quod neque plura dari possunt summa rerum genera, neque hæc decem ad pauciora reuocari. Pro quo notandum est. Primò, Ens quod diuidi-

diuiditur in decem summa genera, non esse Ens amplif-
simè acceptum, vt est commune Deo, & creaturis, sed
solùm vt completitur omnia Entia creata, ita vt Ens
creatum sit illud, quod diuiditur in decem summa ge-
nera. Ratio huius sumitur tum ex natura rei, tum ex
fine & intentione eorum qui eam diuisionem fecerunt.
Nam quod ad naturam rei attinet, Ens vt est com-
mune ad creatum, & increatum, non potest diuidi, *Ens creatum
diuiditur in
decem genera.*
in summa decem genera, quæ tam creatum, quàm in-
creatum Ens comprehendant. Nam Ens increatum
non potest contineri sub genere, cum generica illa
determinatio Enti per essentiam repugnet, vt infra
demonstrabimus. Altera etiam ratio sumitur ex fine
eorum, qui prædicamenta inuenerunt. Voluerunt e-
nim imprimis distinguere summa rerum genera, ad
quæ res omnes reuocarentur, & in illis ostendere om-
nes modos reales afficiendi & denominandi primam
substantiam. Deinde non de omni substantia agere
voluerunt, sed solùm de ea, quæ est subiecta acciden-
tibus; cum enim in rebus viderent varias res coniu-
ctas in vnum, nempe cum substantia coniuncta esse
varia accidentia, voluerunt confusionis vitandæ causa,
singula in sua genera distribuere, & in vno genere
posuerunt substantiam subiacentem accidentibus, in
aliis verò nouem varia accidentium genera. Patet
autem hoc manifestè ex definitionibus & proprieta-
tibus substantiæ, quæ non conueniunt nisi substantiæ
accidentibus subiectæ. Nam Aristoteles maximè pro-
prium substantiæ ait esse susceptiuam contrariorum,
quod non nisi substantiæ creatæ, accidentibus subie-
ctæ, competit.

*Non sunt pau-
ciora Prædica-
menta.*

Notandum est secundò. Rationem sufficientiæ hu-
ius diuisionis ex duobus pendere. Primum est quod
summa genera non possunt esse pauciora. Alterum
quod non possunt esse plura. Nam si pauciora statuan-
tur non expriment sufficienter (nisi valde confusè &
genericè) diuersos modos Entium, nec diuersos modos
afficiendi, & denominandi primam substantiam. Est e-
nim prima substantia, primum subiectum omnis præ-
dicationis, & denominationis; in ea enim omnia in-
sunt, & de ea omnia dicuntur. Aliqua ergo afficiunt
& denominant primam substantiam essentialiter, vt
sunt genera, & species substantiarum, quæ continentur
sub vno genere substantiæ; alia verò accidentaliter, &
sic dantur nouem accidentium genera continentia,
nouem modos diuersos afficiendi & denominandi pri-
mam substantiam, nempe in quantum, quale, ad aliud,
vt agentem, vt patientem, vt alicubi, vel aliquando, ex-
istentem, vt depositam secundum situm, & habentem.
Totidem etiam sunt interrogationes de rebus ad quas
omnes responderetur per hæc decem summa genera.
Ex quo etiam patet summa genera non debere esse plu-
ra, cum ad hæc decem omnia commodè reuocentur
quantum ad finem scientiarum addiscendarum requi-
ritur. Deinde ad pauciora contrahi non possunt, quia
non habent supra se alia genera: plura etiam esse ne-
queunt, cum omnia sub decem summis generibus con-
tineantur.

*Cur non sit &
num Prædica-
mentum Acci-
dentis.*

Sed obiicies primò. Cum sit vnum prædicamen-
tum substantiæ, cur accidentium sint nouem? Respon-
deo primò id non esse mirum; magis enim multipli-
cantur accidentia, quàm essentia rerum: Nam essen-
tia existente vna in qualibet re, inueniuntur in ea multa
acciden-

accidentia. Deinde magis in particulari loquendo, hæc ratio potest assignari: Quia in substantia est vnus modus efficiendi & denominandi primam substantiam, nempe in quid, in accidentibus autem est multiplex, & ideo æquum est, vt sit vnum prædicamentum substantiæ, accidentium verò plura.

Quod si dicas. Differentia essentialiter prædicatur de prima substantia, non in Quid, sed in Quale; ergo dantur duo modi distincti denominandi essentialiter primam substantiam, vnus per modum generis, vel speciei, alter per modum differentiæ: Respondeo. Differentiam esse partem essentialem speciei, non essentiam completam, & ideo prædicatur essentialiter, tanquam pars speciei, & eius prædicatio includitur in prædicatione speciei. Et licet possit etiam prædicari per se & sine specie: tamen talis prædicatio non constituit diuersum genus prædicamenti: quia prædicamenta non sunt pro partibus essentialium sed pro essentiis ipsis completis tam substantiarum, quàm accidentium. Quare hæc prædicatio reducitur ad idem genus prædicamenti in quo est essentia completa.

At dices Differentiâ constituitur prædicabile distinctum à genere, & specie: ergo constituitur etiam, distinctum prædicamentum. Respondeo. in prædicabilibus solum spectari distinctos modos prædicandi, & idcirco constitui differentiam distinctum prædicabile à specie; quia, habet modum prædicandi distinctum à specie: At in prædicamentis spectantur essentialia rerum secundum genus distincta: quia igitur differentia non est essentia per se, sed pars essentialis; ideo reducitur ad idem genus prædicamenti cum specie.

Discrimine Prædicabilis & Prædicamenti.

*Substantia in-
creata an spe-
det ad Prædi-
camentum.*

Obiicies secundò. Duo esse prædicamenta substan-
tiæ; vnum substantiæ creatæ, aliud increatæ. Respon-
deò. si substantia increata collocanda esset in aliquo ge-
nere prædicamenti, necessariò collocanda esset sub ge-
nere substantiæ in communi, vt comprehendit tam
creatam, quàm increatam: quia vtraq; substantia con-
ueniret in communi ratione substantiæ, & in eodem
modo afficiendi & denominandi essentialiter, & in-
quid primam substantiam. Deinde substantia increa-
ta ipsa per se non est genus, quia non habet sub se spe-
cies, cum non sint plures substantiæ increatæ: Ergo
ipsa per se non potest constituere genus Prædicamenti;
Genus enim Prædicamenti est summum Genus certæ
coordinationis generum & specierum: non potest au-
tem dici genus coordinationis, vbi nulla sunt genera
inferiora & species. neque dici potest summum Genus
nisi respectu generum vel specierum inferiorum. Dico
igitur substantiam increatam nec in communi cum a-
liis Genere conuenire neque in aliquo peculiari: quia
indeterminatio generica repugnat enti per essentiam,
vt suo loco ostendemus: ac proinde non posse in vilo
Genere Prædicamenti collocari.

Obiicies tertio. Genera accidentium poterant alio
modo distribui, vt vnum esset genus accidentis absolu-
ti, aliud respectiui, & hæc deinde in alia genera subdi-
uiderentur. Respondeo. Ex natura rei loquendo po-
terat quidem talis distributio fieri, ac in ea non fuissent
tam benè expressa varia rerum genera, & varii reales
modi afficiendi & denominandi primam substantiam,
vti in his nouem generibus accidentium exprimuntur.

*Entia rationis
an spectent ad
Prædicamentum.*

Obiicies quarto. Entia rationis & fictitia ad nul-
lum ex his decem generibus pertinent. Respondeo.

Decem

Decem ista genera esse rerum non figmentorum; quia taméque finguntur ad modum Entium realium finguntur; ideò suo modo reuocari possunt ad genera Entium realium, propter quandam similitudinem & imitationem Entium realium; nisi quis malit decem alia genera pro Entibus fictitiis constituere.

Obiicies quintò. Esse causam est quid reale, & tamen ad nullum decem generum pertinet. Respondeo. Causa duo dicit, principium causatiuum, & actionem causandi: ratione primi pertinet ad qualitatis secundam speciem, nempe naturalem potentiam; ratione secundæ ad actionem vel passionem; potest enim esse causalitas tam actiua quam passiuæ. Quod si dicas in aliis causis posse id locum habere, sed non in fine, quia is neque ut est principium causatiuum ad qualitatem spectat, cum non prædicetur in Quale, neque eius causalitas ad actionem vel passionem reducitur; finis enim nihil agit neque patitur. Respondeo. Finis est causa per denominationem extrinsecam, hoc est, non ex eo quod ab eo aliqua operatio procedat, sed quod alia operantur propter ipsum; quæ denominatio extrinseca conuenit fini, quando non est: cum enim est, cessat habere rationem finis, quia non intenditur amplius, quando actu obtinetur. Cum igitur prædicamenta sint pro rebus existentibus, vel iis quæ existere possunt, finis autem in ratione finis non est existens realiter, nam eo ipso quod existit cessat esse finis, idcirco finis ad nullum prædicamenti genus propriè spectat. Neque refert, quod in prædicamentis ponuntur genera & species, quæ abstrahunt à reali existentia: nam etsi ut abstracta sunt per intellectum, non existant realiter, reuera tamen existunt in indiuiduis, vel existere possunt sub illa

ratione. Idem dicendum est de prædicamento effectus. Nam effectus quoad entitatem est in aliquo prædicamento substantiæ, vel accidentis, cum sit vel substantia vel accidens, prout verò efficitur ad prædicamentum passionis reducitur; effici enim est passivè se quodam modo habere respectu agentis.

Obiicies sextò. Prius, posterius, simul, oppositum, non videtur ad aliquod genus prædicamenti reduci. Respondeo. ista formaliter in quadam relatione consistere & ad prædicamentum relationis pertinere, materialiter autem cum sint vel substantia vel accidentia, ad aliquod prædicamentum, vel substantiæ vel accidentis pertinebunt.

*Artificiata in
quo Prædica-
mento?*

Obiicies septimò. de artificiatis, quæ ad nullum genus prædicamenti pertinent, ut arca, scamnum, navis, vestis, domus. Respondeo. artificiata constare rebus diversorum prædicamentorum, & idcirco ratione partium componentium, ad diversa prædicamenta pertinere; ratione verò ipsius compositi artificialis ad nullum spectant prædicamentum; sunt enim Entia per accidens non per se quæ ad nullum prædicamentum per se spectant, quia non sunt per se Entia.

*An Ens infini-
tū sit in Prædi-
camento.*

Obiicies octavò. Ens infinitum non pertinet ad prædicamenta, ut si esset substantia, quantitas, qualitas infinita: quia quod est sub aliquo genere, limitatur ad certam speciem, per certam differentiam. Respondet quidam dupliciter aliquid posse esse infinitum. Primò in essentia ut si numerus daretur infinitus, esset (inquiunt) essentialis perfectio numeri infinita, quia numerus maior, est essentialiter perfectior: ergo maior infinitè esset infinitè secundum essentiā perfectior. Secundò nō in essentia, sed in aliqua ratione accidentaria, ut si quan-
titas

titas esset infinita, nō esset infinita secundum essentiam quantitatis, quia eiusdem esset essentiae cum quantitate finita. maior enim & minor quantitas sunt eiusdem essentiae. Solū ergo esset infinita in accidentaria illa extensione ratione plurium partium. Dicunt igitur infinitum in essentia non posse poni in prädicamento; quia omnia prädicamenta habent essentiam finitam & determinatam, ex determinato genere, & determinata differentia constantem: atqui infinitum in essentia non habet determinatam essentiam; idem enim est esse infinitum & indeterminatum: Ergo. Infinitum verò secundo modo, aiunt poni in prädicamento: quia quoad essentiam convenit cum Ente finito. sic quantitas infinita est eiusdem essentiae cum quantitate finita; ac proinde ad idem genus prädicamenti pertineret: similiter si esset calor infinitus, vel lumen infinitum poneretur in prädicamento Qualitatis, quia esset eiusdem essentiae cum calore & lumine finito. Ita Ruuius in capite de quantitate quaest. decima.

Nobis verò distinguendum videtur. Duplex enim *Infinitum in essentia duplex.* est infinitum in essentia: aliud in certo aliquo genere Entis, ut si daretur qualitas in genere qualitatis secundum essentiam infinita æquivalens infinitis qualitibus specie distinctis, quarum una sit perfectior, altera: aut si daretur aliqua substantia creata infinitis substantiis specie distinctis perfectior: Aliud est infinitum non in aliquo tantum genere, sed in toto genere entis, quod omnem entis perfectionem atque adeò infinitarum specierum perfectionem essentialiter in se continet, qualis est solus Deus. Infinitum igitur in omni genere entis non ponitur in prädicamento, non propter infinitatem præcisè & formaliter, quia infinitas potius iu-

uat ad hoc ut aliquid sit in prædicamento, quam impedit ne sit, quia infinitum in aliquo genere ratione infinitatis habet, ut melius & perfectius participet rationem illius generis infinita quadam perfectione. Quare ex ratione infinitatis præcisè non repugnaret Ens infinitum esse in prædicamento, sed ex peculiari ratione talis infiniti quod est Ens per essentiam de quo infra: Infinitum verò secundum essentiam in certo aliquo genere entis, nec infinitatem, nec ullam aliam eiusmodi causam habet quæ excludatur à prædicamento. Quare & numerus infinitus si ponatur habere essentiam infinitam (de quo nunc non disputo) deberet reponi in eodem prædicamento, in quo numerus finitus, quia solum ad genus numeri pertineret, non ad alia genera aliorum prædicamentorum, nec in sua essentia involueret essentias aliorum prædicamentorum, sed solum essentiam unius generis & prædicamenti. Quod verò dicitur infinitum in essentia non habere determinatam differentiam, si intelligatur per determinatam differentiam, certa aliqua & ab aliis distincta differentia, falsum est: sicut enim habet certum & determinatum esse; ita certam & determinatam differentiam, hoc est, differentiam certi ac determinati generis, & distinctam essentialiter à differentiis aliorum tam infinitorum, quam finitorum Entium. Verbigratia, differentia numeri infiniti esset determinata ad genus numeri, & ad perfectionem essentialem sub genere numeri comprehensam. Si verò dicatur determinata, id est, non omnem perfectionem essentialem illius generis, sed aliquam tantum continens, sic verum est differentiam entis infiniti non esse determinatam, quia non determinatur ad unam perfectionem essentialem illius generis,

neris, sed sine termino omnem perfectionem illius generis continet, & æquiualeat infinitis aliis perfectionibus specificis sub illo genere. Sed hoc non obstat quominus essentia simpliciter sit determinata, quia est determinata ad certum genus entis & distincta ab aliis generibus, licet alio respectu sit indeterminata, ut dictum est.

QVÆSTIO II.

An Accidens sit vniuocum respectu omnium accidentium?

Sotus hic affirmat quem aliqui recentiores sequuntur. Ratio est: Quia ratio accidentis est inesse subiecto; accidentis enim esse est inesse: atqui omnia accidentia conueniunt in vna communi ratione essendi in suo subiecto; eadem enim ratione omnia insunt: ergo accidens est quid commune vniuocum respectu omnium accidentium. Porro quidam ex hoc inferunt, omnia nouem genera accidentium poni in vno prædicamento accidentis, propter conuenientiam vniuocam in ratione Entis. Alij verò ut Sotus & Iauellus id negant sequi; aiunt enim non omne vniuocum esse genus: nam ad genus requiritur præter vniuocationē ut abstrahat perfectè à differentiis & nō contineatur in illis; nec prædicetur, quod accidenti non conuenit; Omnis enim differentia accidentis est accidens. non potest igitur poni genus prædicamenti, sicut neque Ens.

Communis tamen sententia est. Accidens non esse vniuocū respectu omnium accidentiū. Primò. Quia omne vniuocū est extra differentias proprias vniuocatorum, ut animal extra rationale & irrationale; gradus enim communis, & gradus proprius debent esse

vt mi.

ut minimum ratione distincti: at accidens nullas potest habere differentias, extra rationem accidentis; omnes siquidem differentiae quae assignari possunt in accidente, sunt accidentia, & earum esse est inesse: ergo accidens non est uniuocum. Ex quo patet, non solum generis esse id proprium praescindere à differentiis, & esse extra rationem differentiarum, sed omnis uniuoci: omne enim uniuocum dicit gradum communem, gradus autem communis distinguitur ratione ratiocinata à gradu proprio, commune enim non est proprium, ut etiam praecedenti disputatione contra Sotum docuimus.

Secundo: Quia omne uniuocum significat eandem essentiam in suis inferioribus: atqui accidens non eandem, sed diuersas essentias in diuersis accidentibus significat: ergo non est uniuocum respectu omnium accidentium. Minor probatur. Nam quantitas & qualitas, quae diuersa sunt, sunt accidentia: ergo accidens diuersam naturam significat in quantitate & qualitate.

Tertio: Aliqui idem confirmant hoc argumento. Nihil potest esse commune uniuocum absoluto & relatiuo: at accidens est commune absoluto & relatiuo, verbi gratia, quantitati & relationi; ergo non est uniuocum. Maior probatur. Id enim quod est commune uniuocum absoluto & relatiuo, abstrahit ab absoluto & relatiuo; quia genus abstrahit à suis differentiis contrahentibus: at nihil potest abstrahere ab absoluto & relatiuo; quia eo ipso quod abstrahit à relatiuo non est relatiuum; Ens autem non relatiuum, est absolutum, hoc enim absolutum dicimus quod est in se non ad aliud, ergo. Rursum concedit dari medium inter absolutum, & relatiuum nempe

An possit concipiens nec absolute nec relatiuum.

pe quod ab utroque abstrahit. At reuera illud quod ponitur abstractum ab utroque necessario debet esse absolutum. Nihil enim aliud ad conceptum absoluti requiritur, nisi esse in se, & non ad aliud. Quod si dicas, requiri ut non possit contrahi ad esse ad aliud. Contra: id falsum est. Nam qualitas est quid absolutum & tamen contrahi potest secundum ipsos ad esse relatiuum ut patet in scientia, quæ est qualitas quædam relatiuè se habens ad obiectum scibile: Sufficit ergo ad absolutum ut in se essentialiter non sit ad aliud siue per nouam differentiam possit constitui in esse respectiuo, siue non.

Sed obiicitur primò. Ab omnibus substantiis potest abstrahi ratio vniuoca substantiæ; ergo & ab omnibus accidentibus potest abstrahi ratio vniuoca accidentis: sicut enim oēs substantiæ in hoc cōueniunt q, per se existant, ita omnia accidentia conueniūt in hoc q, in vno existant. Nec obstat quod ratio accidentis sit diffusa per entitatem accidentis & per omnes gradus eius tam genericos, quàm específicos: nam etiam ratio substantiæ fusa est per omnem entitatem substantiæ, & omnes eius gradus: nam & partes substantiæ, sunt substantiæ: sicut ergo hoc non obstante ratio substantiæ vniuoca potest abstrahi ab omnibus substantiis; ita poterit ratio abstrahi vniuoca accidentis ab omnibus accidentibus.

Respondeo. Disparem esse rationem substantiæ, & accidentis. Nam in substantia duplicem rationem substantiæ distinguimus: vnā communem omnibus partibus & gradibus substantiæ, quæ est in se esse, & non in alio tanquam in subiecto; aliam specialem, quæ consistit in ratione subsistendi independenter.

*Genus substantia
poteſt eſſe
vniuocum non
accidens.*

ab alio, ita vt ratione eius habeat ſubſtantia ex ſe, non ex alio ſubſiſtere: talem vim ſubſiſtendi in materialibus dicimus eſſe præcipuè à materia, quæ cùm ſit ſubiectum formarum tam ſubſtantialium, quàm accidentalium ipſa ex ſe ſubſiſtit, at ratione illius aliæ ſubſiſtunt. Hæc igitur ratio ſubſtantia non eſt uſa per omnes gradus ſubſtantia; ſed eſt ſpecialis quidam gradus ſubſtantia. In accidente autem non eſt alia ratio accidentis, niſi uſa per totam entitatem accidentis: quia quilibet gradus accidentis eſt accidens. Neque mirum: Nam per ſe, & ex ſe ſubſiſtere, cùm ſit perfectio, non poteſt conferri à quacunque parte, vel modo ſubſtantiali: at inharere ſubiecto eſt imperfectio, quæ non requirit ſpecielem aliquem gradum, ſed æquè afficit totum accidens, & eius omnes partes. Ex quo patet rationem accidentis non poſſe eſſe, niſi analogicam; rationem verò ſubſtantia poſſe dari vniuocam.

*Accidens completum eſt quid
analogum.*

Sed inſtabit aliquis. Accidens poſſe accipi dupliciter. Primò latè, vt eſt quid commune completo & incompleto accidenti: ſecundo ſtrictè, vt dicit ſolum accidens completum habens eſſentiam completam. Priori igitur modo, non eſt vniuocum, quia prædicatur de differentiis, quæ ſunt accidentia incompleta; at poſteriori modo non prædicatur de differentiis & idcirco poteſt eſſe vniuocum. Sed contra. Accidens completum prædicatur formaliter de differentiis completè & inconcreto acceptis. Nam verum eſt dicere. Tale coloratum quatenus eſt tale per differentiam ſpecificam eſt accidens.

Obiicitur ſecundò. Si accidens non eſt vniuocum reſpectu omnium accidentium, erit analogum; at non eſt analogum, ergo vniuocum. Minor probatur. Quia
in

in omni analogia debet assignari principale analogatum, per ordinem, ad quod reliqua dicuntur talia: at in genere accidentis nullum assignatur principale accidens per ordinem ad quod dicantur reliqua talia: Ergo. Respondeo. Analogiam esse duplicem. Proportionis & Attributionis. licet igitur accidentia non habent analogiam attributionis in genere accidentis quia non habent principale analogatum per ordinem ad quod dicantur talia, habent tamen analogiam proportionis, quia quodlibet accidens suo modo est accidens, & habet proportionem quandam cum aliis in ratione accidentis.

Ex quibus patet ad fundamentum primæ sententiæ illa enim convenientia in ratione accidentis, est tanquā proportionalis non essentialis cum in singulis accidentibus sint diuersæ rationes accidentis, ut dictum est.

QVÆSTIO III.

An genera prædicamentorum debeant esse uniuoca.

Quidam censent non requiri ad rationem generis prædicamentalis, ut sit uniuocum, sed satis esse ut sit analogum: tum quia in ultimis sex generibus, hæc uniuocatio vix ostendi potest & colligi videtur ex Vasquez prima parte disput. 195. c. 5. tum quia de ratione generis uniuoci est, ut genus sit extra differentias, & nō prædicetur de differentiis: atqui plurima genera prædicamentorum prædicantur de suis differentiis: ergo non sunt necessariò uniuoca. Minor patet: nam differen-

ferentia substantiarum sunt substantia; differentia quantitatis, quæ est ratio talis partium, est quantitas, quia includit in se rationem partium in communi; differentia etiam qualitatis sunt qualitates, quia faciunt subiectum formaliter tale. Similiter relationis differentia est esse ad talem speciem terminum: atqui ad talem esse terminum, includit in se esse ad terminum. ergo includit rationem genericam relationis. Idem ostendi potest in ultimis sex generibus.

Communis tamen sententia est genera prædicamentorum debere esse uniuoca, quia nisi sint uniuoca nec erunt verè genera nec summa, quia supra se habent alia genera analogia.

Dico primò de ratione veri generis est, ut sit uniuocum. Est sententia Aristotelis multis in locis in quibus Analogia negat esse Genera. Nam 3. Metaph. t. 10. negat ens esse genus, quia non potest præscindi à suis differentiis. Cum igitur de ratione uniuoci sit præscindi à differentiis uniuocatorum, sequitur id quod præscindi non potest à differentiis, nō posse esse uniuocum nec verè genus, tale est omne analogum. Et sanè Aristoteles non negauit ens esse genus analogum, cum id passim agnoscat, & ei species, & specierum species tribuat 4. Metaph. t. 2. Solū ergo ex præcisione probat non esse uniuocum & ex consequenti negat genus analogum esse verum genus. Idem Aristot. distinguit unitatem generis ab unitate analogia in 5. Metaph. t. 12. Alia, inquit, numero, alia specie, alia genere, alia analogia, vnum sunt, ubi etiam aliam definitionem dat vnius generis, aliam vnius analogia. Cum ergo alia sit unitas analogia, alia generis, essentia quoque analogia & essentia generica nō erit eadem: unitas enim est passio entis, quare

Analogum non
est verum ge-
nus.

quare quæ non habent eandem vnitatem, non habent eandem essentiam. Et cum vnitas generis analogi sit analogæ, vnitas veri generis non erit analogæ sed vniuoca.

Idem probatur ratione, quia de ratione veri generis est vt differentia sit extra rationem generis & genus sit extra rationem differentia. At hæc præcisio rationum est solum generis vniuoci. Nam analogum caret hac præcisione. ergo solum genus vniuocum est verè genus. Deinde de ratione generis est vt sit vnum commune multis speciebus, vt patet ex definitione generis. At analogum non est verè vnum sed tantum vniuocum quia vniuocum præscindit à differentiis, quæ diuidunt genus in multa; & ideo est vnum & indiuisum, quia nõ habet in se causam diuisionis. Analogum verò includit differentias in confuso; vnde non est verè vnum: quia per differentias est multiplex, & diuisum in multa. & ex consequenti non est verum Genus.

Dico secundò, genera prædicamentorum debere esse vniuoca. Primò, quia non essent verè genera; cum de ratione veri generis sit esse vniuocum. Atqui ab Aristotele & Porphyrio dicuntur absolutè genera: analogæ autem negantur esse absolutè genera, vt de ente probat Arist. 3. Metaph. t. 10.

Genera Prædicamentorum esse vniuoca.

Secundò, nec essent summa genera, quia haberent supra se genus analogum; nempe ens vel accidens. Dices posse vocari summa non absolutè sed in tali modo afficiendi & denominandi primam substantiam nempe per modum qualitatis, quantitatis, &c. Contra, hoc non est esse summa absolutè & simpliciter. Cum tamè absolutè dicantur summa, & inter ea genera quæ rebus

conueniunt esse summa: genera autem quæ rebus conueniunt sunt præcipuè vniuoca, quare in ordine generum vniuocorum sunt summa. Deinde ens & accidens habent superiores modos afficiendi & denominandi primam substantiam, quam qualitas aut quantitas nempe per modum entis & accidentis, ergo neq; in genere modis afficiendi & denominandi essent summa.

Deniq; nisi genera prædicamentorum sint vniuoca, non erunt plura sed vnum, quia vnum est summum genus analogum omnium rerum, nempe ens.

Dices secundum intentionem quidem eorum qui prædicamenta inuenerunt, genera prædicamentorum debere esse vniuoca: at spectata rei natura, minimè: quia videmus in plerisq; genus prædicari de differentiis quod tollit omnem vniuocationem.

Respondeo. Secundum omnes prima quatuor summa genera esse vera genera & ex consequenti vniuoca, neque de iis rationaliter dubitari potest. Nam quod obiicitur differentiam qualitatis esse qualitatem: Respondendum est, propriè loquendo non esse qualitatem, sed rationem formalem qualitatis & facere tale vel tale subiectum non quia sit qualitas, sed quia est ratio formalis constitutiua qualitatis, sicut & rationalitas non est propriè homo, sed ratio formalis propria hominis seu id quo homo est homo, Quæ distinctio aliis quoq; generibus & differentiis prædicamentorum applicari potest. Talitas enim rei formaliter, non est res: differentia verò generum prædicamentorum sunt talitates quædam generum non igitur formaliter sunt ipsa genera.

*Differentia
Qualitatis non
est Qualitas
sed ratio Qua-
litatis.*

*Alia Respon-
sio.*

Alii respondent, qualitatem posse sumi duplici-

ter.

ter. Primò. Vniuersalissimè pro eo quod quocunq;
modo est qualitas, siue vt pars constitutiuā qualitatis
siue vt qualitas constituta completè in ratione qualita-
tis; & sic abstrahit à qualitate completa & incompleta,
& prædicatur de vtraq; verum hoc modo qualitas non
est summum genus prædicamenti; quia nō dicit vnā
rationem qualitatis, nisi analogicè. Et in hoc sensu qua-
litas prædicatur de differentiis. Secundò. Sumitur so-
lum pro qualitate completa, quomodo qualitas non
prædicatur de differentiis quæ sunt qualitates incom-
pletæ: dicuntur enim qualitates, quia sunt partes con-
stitutiuæ qualitatis. Hoc ergo modo, qualitas est ge-
nus vniuocum, & summum genus prædicamenti & nō
prædicatur de differentiis.

Quod si dicas etiam ens completè acceptum non
prædicatur de differentiis, similiter & accidens, neq;
tamen inde sequitur esse genus vniuocum. Respondeo
requiri quidem ad genus vniuocum, vt non prædicetur
de differentiis, sed hoc solum non sufficere. Nam præ-
terea necesse est vt secundum vnā & eandem ratio-
nem conueniat speciebus, quod non est in ente & acci-
dente. Dicitur porro qualitas completa, quæ non est
pars qualitatis sed per modum totius qualitatis consti-
tutæ ex suis partibus concipitur, siue concipiatur speci-
ficè & actu secundum omnes partes ipsam constituen-
tes, siue genericè per modum tamen totius, vt alibi ex-
plicatum est.

Iam verò licet de primis quatuor summis generi-
bus, certum sit esse illa vera & vniuoca genera: tamen
de vltimis sex multi viri docti dubitant siue q, non sint
vniuoca siue quod non sint in rigore genera vera: quia
cōtrahuntur per differētiās accidentales nō essentielles.

*Sed vltima
summa genera
an sint in rigo-
re vera genera.*

De ratione enim veri generis est vt faciat cum differentia vnā essentiam simpliciter non vnā accidentaliter; ac proinde vt contrahatur per differentias essentialē aptas ad constituendam vnā essentiam, non verò per accidentales: hæ enim non faciunt vnum per se, sed per accidens. Tales verò differentię videntur esse in vltimis predicamentis. Nam in Vbi differentię assignantur sursum, deorsum, vel alię quę sumuntur, à differentiis accidentalibus loci, vt esse in foro, in templo; loco enim est accidentale esse forum vel templum. Vbi etiam dicit solum locum vel esse in loco non verò differentias accidentales loci, vnde sublati talibus differentiis, non aufertur Vbi sed manet idem.

Similiter differentię, Quando, sunt heri: hodie; quę sunt differentię merè accidentales, desumptę à prioritate & posterioritate temporis, quę temporibus conueniunt per accidens: quia idem tempus essentialiter, dicitur prius & posterius accidentaliter respectu temporum antecedentium & consequentium. Sicut ergo, accidentale est tēpori hodierno, quod illud antecedant & sequantur alia tempora, nam licet nulla antecedent, nulla sequerentur, esset idem tempus: ita per accidens est existenti in tempore, existere in priori vel posteriori tempore. Quo argumento Aristoteles in Predicamentis probauit magnum & paruum non esse differentias essentialē quantitatis: quia eadem quantitas dicitur diuerso respectu magna & parua, & sine talibus respectibus est quantitas.

Idem ostenditur de differentiis situs quę sunt esse antrorsum, & retrorsum, iacere, stare, sedere quę sunt diuersi respectus partium in loco: respectus autem sunt quid accidentale. Habere etiam est denominatio quędam

dam à rebus habitis, quæ circa corpus sunt, ad circum-
positionem autem per accidens est, quod corpus circū-
positum sit talis, vel talis naturæ aut proprietatis: nam
circumpositio formaliter fit per quantitatem corporis
circumpositi ad quantitatem corporis, cui fit circum-
positio: Ad quantitatem autem circumpositionem per
accidens est quod hæc quantitates sint talis vel talis sub-
iecti: Vnde solum accidentaliter fit alia vel alia circum-
positio ex diuersa qualitate corporum circumposito-
rum.

Ex quibus patere aiunt vltima genera prædicamen-
torum non esse genera essentialia sed accidentalia;
quia cum differentiis non faciunt vnā essentiā per
se, sed tantum vnā per accidens. Quod etiam ad a-
ctionem & passionem extendi volunt: hæc enim di-
cunt effectum cum relatione ad agens vel ad passum,
quæ relationes sunt differentiæ accidentales effectus.
Dicunt tamen hi Autores illam compositionem ex ge-
nere & differentiā accidentali sufficere ad rationem præ-
dicamenti; vel quia ista à nobis concipiuntur per mo-
dum generis & differentiæ essentialis & tanquā vnum
quid essentialē: prædicamenta enim sunt instituta pro
rebus vt à nobis communiter concipiuntur: vel quia in
ordine ad scientias, sufficit talis species, quæ ita sit vna
vt fundet passiones demonstrabiles vti apparet in spe-
ciebus numerorum, de quibus Arithmetica; numeri e-
nim vt sunt in re non sunt vnum essentialiter sed tan-
tum vt à nobis sub vna ratione concipiuntur quæ fun-
det passiones de numeris demonstrabiles. Verum de
hac re quid sit sentiendum patebit ex singulorum præ-
dicamentorum tractatione. Ex quibus patet ad argu-
menta primæ sententiæ,

QVÆSTIO IV.

An necesse sit prædicamenta distingui ad inuicem ex natura rei.

Quidam affirmant: quia ita distinguuntur, ut vnum non sit aliud dicunturq; primò diuersa.

Dicendum tamen est cum communiori sententia id minimè esse necessarium, sed satis esse ut distinguantur ratione ratiocinatâ, etiamsi à parte rei nullo modo differant. Ratio est: Quia ad distinguenda prædicamenta sufficit distinctio rationum formalium: Nam hæc distinctio sufficit, ut vnum dicatur non esse aliud; atqui distinctio rationum formalium potest esse per solum intellectum distinctis conceptibus & rationibus eandem rem concipientem: Ergo non requiritur distinctio ex natura rei confirmatur. Quia prædicamenta distinguuntur per distinctos modos denominandi & efficiendi primam substantiam: atqui distinctæ rationes formales ferunt secum distinctos modos denominandi & efficiendi primam substantiam: Rationes enim formales etiamsi ex natura rei non distinguantur, sed tantum per intellectum habent tamen vim sufficientem ad efficiendam diuersis modis & denominandam primam substantiam: non enim propter solam distinctionem, sed propter naturam rationum formalium efficiunt & denominant. Non nego tamen aliqua prædicamenta distingui ex natura rei, sed id provenit non ex ratione communi omnibus prædicamentis, sed ex speciali & propria quorundam. Sic dicimus: Quantitatem à substantia necessariò distingui propter specialem eius rationem, quia nimirum est accidens inherens subiecto. Quod enim alicui inhaeret, necesse est ab ipso distin-

stingui, idem enim, quatenus idem in hærere sibi nõ potest; Sic ea quæ separari à se possunt, dicimus ex natura rei distingui, propter speciales illorũ essendi modos, quos ex separabilitate cognoscimus. Vniuersè autem non affirmamus, ex eo solùm quod aliqua in diuerso prædicamento ponuntur, esse ex natura rei distincta. Hinc aliquid actionem, & passionẽ non nisi ratione distinguunt similiter relationem à fundamento.

Ad fundamentum primæ sententiæ Respondeo. Summa genera in nullo vnuocè conueniunt & sunt primò diuersa tamen ad hoc non requiritur distinctio eorum realis, sed sufficit distinctio rationum formalium per intellectum: Sic rationale & sensitiuum sunt primò diuersa, & tamen non nisi ratione distinguuntur.

Dicitur autem primò aliquid differre, vel diuersum esse, quando non mediatè ratione alicuius in se contenti differt, sed immediatè ratione sui totius. sic homo non primò differt à bruto: sed ratione rationalis, quod primò differt ab irrationali & illius respectu homo. Quæ igitur primò differunt, non habent vllam conuenientiam vniuocam inter se, sed vnum totaliter non est aliud.

QVÆSTIO V.

Quanam ponantur in prædicamentis.

Quædam pertinent ad prædicamenta per se, quædam reduciuè, quædam nullo modo. Per se pertinent, quæ sunt in recta linea prædicamentali sub summo genere constituta. Hæc autem sunt species tam subalternæ quam infimæ.

Quod si quæras. An indiuidua per se ponantur in prædi-

prædicamento, videntur enim & ipsa esse in rectâ lineâ prædicamenti, & genus prædicamenti æquè de illis dicitur in Quid, sicut & de speciebus: ergo æquè ac species poni debent per se in prædicamento.

*Individua non
poni per se in
Prædicamento,
quidam censent.*

Quidam tamen oppositum tenent Individua non poni per se in prædicamento; Ea enim quæ ponuntur per se in prædicamento sunt essentia rerum: propter essentias enim rerum distinguendas & ordinandas in lineâ prædicamentali sunt inuenta prædicamenta: atqui individua non dicunt aliam rationem essentia à specie distinctam, sed tantum dicunt essentiam hanc & individua: ergo non ponuntur per se in Prædicamento. Hinc est quod prædicamentum definitur, esse coordinatio generum & specierum sub aliquo summo genere, Individua igitur solum sunt bases huius coordinationis, non verò ad ipsam coordinationem formaliter pertinent. Nam quod genus prædicamenti de illis dicatur in quid, id illis conuenit non ratione sui, sed ratione speciei, quia habent in se essentiam speciei. Deinde Prædicamentum est coordinatio eorum, quæ prædicantur, Individua autem non prædicantur sed subiiciuntur, non igitur individua pertinent per se ad prædicamentum. Quod si dicas etiam individuum prædicari de vno. Respondeo. Hanc prædicationem non esse prædicamentalem; in prædicamentali enim coordinatione solum spectatur prædicatio superioris de inferiore, non eiusdem de seipso, ut patet ex lineâ prædicamentali. Rursum si quæras. An individua saltem ut basis prædicamenti pertineant per se ad prædicamenta. Respondent. Non pertinere per se, quia pertinere ut basim aliorum est pertinere propter aliud: non propter se: per se autem pertinere, est pertinere ratione sui non ratione alterius.

Quod

Quod si instes. Ergo pertinebunt per accidens. Respondeo. Per accidens dupliciter dicitur. Primò, vt significat esse non ratione sui, sed ratione alterius: secundo modo vt significat contingenter & non necessariò. Priori ergo modo indiuidua sunt per accidens in prædicamento, posteriori verò per se.

Nobis magis probatur prior sententia, nempe indiuidua per se poni in prædicamento. Est enim prædicamentum ordo prædicabilium & subiicibilium, indiuidua autem sunt maximè subiicibilia. *Sententia Aristhorii.*

Reductiuè verò ponuntur in prædicamento ea, quæ sunt aliquid, eorum, quæ per se ponuntur in prædicamento, vt sunt gradus generum, & specierum, ex quibus genera & species constant, similiter partes, modi, & similia. *Partes reductiuè ponuntur in prædicamento.*

Primò igitur. partes substantiæ, ponuntur reductiuè in prædicamento substantiæ siuè sint partes Physicæ, vt materia, & forma, siue Metaphysicæ vt gradus genericus, & specificus; siue integrantes, vt caput, pes: quia enim partes non subsistunt nisi in toto, ideo non nisi vt sunt partes totius in prædicamento ponuntur, vna cum toto, & ratione totius.

Quod si dicas. Genus æquè ac differentiam constituisse speciem: ergo æquè vtrumque reductiuè ponetur in Prædicamento. Respondeo. disparē esse rationem generis & differentiæ. Nam differentia non, solum est pars essentialis speciei, sed etiam per modum partis significatur. Verbi gratia rationale significat rationalitatem, vt adiacentiam homini per modum qualitatis essentialis: at genus dicit quidem illum gradum qui est pars essentialis, tamen significat illum non per modum partis, sed per modum totius potentialis qualitatis. *Genus per se ponitur non differentia.*

tenus est id totum potentia quod species est actu: quare genus per se ponitur in prædicamento, non verò differentia; ratione enim huius diuersi modi significandi genus subalternum recipit prædicationem, in quid summi generis prædicamentalis, differentia verò non recipit.

At inquires. Etiam differentia materialiter significat suum subiectum, hoc est, speciem, sicut & omne accidens in concreto acceptum: ergo etiam differentia totum significat. Respondeo. Tam differentiam, quàm accidens significare formam per modum formæ & solum connotare & consignificare subiectum, quasi extrinsecè, tanquam subiectum sui significati, non tanquam rem significatam.

*Modi ponuntur
reductiue.*

Secundo ponuntur reductiue modi illi qui pertinent aliquo modo ad constitutionem illius rei. Duplices enim modi considerari possunt, aliqui constituunt rem in illo eodem genere, aliqui in diuerso genere. Verbi gratia modi substantiæ, vt existentia, substantia, constituunt substantiam in esse substantiali, accidentia verò constituunt eam in esse accidentali extra genus substantiæ. Vt igitur modus reductiue ponatur in prædicamento, non satis est, vt quacunque ratione constituat rem illius prædicamenti, sed requiritur vt constituat rem in illo eodem genere. Quare soli modi eiusdem generis reductiue ponuntur in eodem prædicamento, quia hi modi participant aliquo modo genus illius prædicamenti, modi verò diuersi generis non ponuntur reductiue, quia non participant genus illius prædicamenti, sed pertinent per se ad alia prædicamenta, alioqui omnia accidentia, cum sint mo-

*Si sint eiusdem
generis.*

di qui-

aliquidam substantiæ ponerentur reductiue in genere prædicamenti substantiæ.

Quædam verò sunt, quæ nullo modo ponuntur in prædicamentis, nec per se nec reductiue. Talia sunt in primis, Entia rationis, & fictitia, quia genera prædicamentorum sunt rerum genera, entia autem rationis, & fictitia non sunt res, sed finguntur esse res, & idcirco verè non sunt in prædicamento, sed finguntur esse.

*Entia rationis
non reductiue
quidem ponun-
tur propriè lo-
quendo.*

Dices poni. Saltem reductiue? Respondeo. Ne reductiue quidem propriè: quia quod propriè reduci-
tur ad genus aliquod rerum, debet esse propriè res, si autem est impropriè, res, impropriè quoque reduce-
tur, hoc est, metaphoricè similitudinariè. Et hoc sen-
su supra diximus entia rationis impropriè reduci pos-
se ad prædicamenta.

At inquires similitudo rei reducitur ad rem: hæc autem entia sunt similia aliquo modo veris & realibus entibus: ergo. Respondeo. Similitudo rei vera reducitur ad rem quia verè participat aliquo modo ratio-
nem illius rei: at similitudo ficta & impropria non est vera participatio, quare nullo modo potest reduci ad prædicamentum rei veræ. Vnde aliqui censent pro en-
tibus rationis constituenda potius esse noua prædicamenta entium rationis, & quia entia rationis in omni-
bus decem generibus fingi possunt; est enim substan-
tia ficta, & qualitas ficta, quantitas, relatio; ideo decem fingi possunt prædicamenta pro entibus fictitiis. Verùm sicut entia ista non sunt verè entia, ita & prædicamenta talibus entibus constantia non essent vera prædicamen-
ta, sed similitudinaria duntaxat.

*An decem præ-
dicamenta En-
tium rationis.*

Nega-

*Negationes per
accidens ponū-
tur in Prad.*

*Negatio ens
negatum.*

Negationes etiam reales, quidam putant poni posse in prædicamento rei, cuius sunt negationes, quia negatio nihil aliud est, quam ens negatum. Verum dicendum est negationes non reduci per se, sed per accidens, quia sunt aliquid eius quod ponitur per se in prædicamento. Nam illud reducitur per se quod aliquo modo participat rationem illius generis, licet imperfectè: at negatio nullo modo participat rationem generis vllius prædicamenti; genera enim prædicamentorum sunt entium, negatio autem est non ens: ac ex consequenti est quid oppositum generi prædicamenti. Nam quod dicitur negationem esse ens negatum, hoc aliis & magis propriis verbis dicitur, non esse ens; ens enim est ens affirmatum non negatum, & negatum ens, est non ens. Vnde noua etiam ratio sumi potest. Quod enim opponitur alicui non reducitur ad illud: non ens autem opponitur enti contradictoriè: non igitur reducitur ad genus entis; Quod enim opponitur alicui, excludit illud; quod autem reducitur debet esse aliquo modo affine & simile illi ad quod reducitur; propter affinitatem enim illam & similitudinem reducitur. Præterea si negatio reduceretur ad genus prædicamenti, maiore ratione accidentia omnia reducerentur ad substantiam, quia maiorem affinitatem habent accidentia cum substantia, quam non ens cum ente. Si igitur accidentia non reducuntur ad genus substantiæ, quia nullo modo participant rationem genericam substantiæ: multo minus reduci poterunt non entia. Quod si reducuntur, per accidens merè reducuntur, quia sunt quid eorum, quæ pertinent ad prædicamenta: quo etiam modo omnia accidentia possent reduci per accidens ad substantiam, quatenus sunt quid substantiæ, per se autem ad alia præ-

prædicamenta spectant. Neque repugnat idem poni per se in vno prædicamento, reductiue in alio, quando illa reductio est merè per accidens.

Dubitatur etiam de entibus artificiatibus, an poni possint in prædicamento. Et quidem ratione partium ex quibus componuntur, non est dubium posse in diuersis prædicamentis poni; componuntur enim ex rebus diuersorum prædicamentorum, vt scamnum ex ligno, & tali figura; vt verò sunt quædam Tota & artificiatæ compositæ, sic in nullo prædicamento ponuntur. Totum enim artificiatum non est vna aliqua essentia, sed plures essentiæ, simul coniunctæ, simulque sunt vnum per accidens, in prædicamentis autem non reponuntur entia per accidens, quia singula prædicamenta sunt pro singulis essentiis, & distinctæ genere essentiæ sunt in distinctis generibus prædicamentorum.

*Artificiatæ non
ponuntur in
prædic.*

Quod si quæras? quomodo possit cognosci aliquod ens per se, & distingui ab ente per accidens? Respondeo. Vt aliqua sint vnum ens per se, duo inter cætera requiruntur. Primò vtambo sint vnus generis: Nam ex rebus diuersorum generum, non fit vnum per se, sed per accidens, vt ex substantia, & accidente, ex qualitate & quantitate.

*Quid sit vnum
per se.*

Secundò- Vt sint duo Entia incompleta; nam ex duobus completis, tam in diuerso, quàm in eodem genere, non efficitur vnum per se, sed per accidens: quia, duo completa perfectè à se distinguuntur essentialiter, & perfectè sunt duo, non vnum; ex duobus autem incompletis & imperfectis potest esse vnum perfectum & completum. Sic ex materia & forma, fit vna completa substantia: ex ligno autem & lapide, neque ex cumulo

Yyy

lapi-

Artificiata significant per modum substantia,

lapidum fit vna substantia quia sunt perfecta entia & perfecte à se distincta. Quare & artificciata cum constant rebus diuersorum prædicamentorum perfectis in suo genere, nõ sunt entia per se, sed per accidens; ac ex consequenti non ponuntur in prædicamentis. Differunt autem artificciata ab aliis compositis per accidens præsertim à denominatiuis; denominatiua enim formaliter significant formam materialiter subiectam. Verbi gratia, albū formaliter significat albedinem, materialiter subiectum albedinis; at artificciata vtrumque membrum compositionis formaliter significat ad modum substantiæ compositæ ex materia & forma. Cum enim quis dicit, se emisse vestem, vel nauem, non dicit se emisse formam tantum vestis & navis, sed vtrumque & formam & materiam. Vnde & Aristoteles in Primo Physicorum principia compositi substantialis inuestigat, ex proportionem artificiatorum, quia artificciata significant materiam & formam per modum substantiarum, & concipiuntur tanquam substantiæ quædam.

At obiicies si fiat verum aurum arte Chimica, erit illud aurum artificiale; quia arte factum; & tamen erit vna essentia, quia eiusdem speciei cum auro naturali, & in eodem prædicamento reponetur in quo aurum naturale; ergo aliqua saltem artificciata sunt vnum per se, & reponuntur in prædicamento. Respondeo. Aurum Chemicum tam quoad substantiam, quàm quoad compositionem omnem substantialem esse naturale, non artificiale. Nam & substantia est eiusdem rationis cum substantia auri naturalis, & principia componentia substantiam sunt naturalia, & compositio ipsa substantialis est naturalis, quia est vnio actus & potentiæ naturalis, solum

solum igitur dicitur aurum artificiale ratione præparationum, & dispositionum antecedentium; modi enim illi præparandi materiam, & inducendi dispositiones ad aurum producendum, sunt ab arte excogitati & distincti à modis naturalibus, quibus aurum produci solet à natura. Quocirca aurum Chemicum quâ naturale, non quâ artificiale ponitur in prædicamento.

Dices. etiam in scamno forma illa scamni est accidens naturale & Physicum & Physicè coniungitur ligno; & tamen illa coniunctio dicitur artificialis. Respondeo. Formam scamni naturalem esse quoad entitatem, quoad coniunctionem verò partim esse naturalem, partim artificiatam, coniunctio enim illa est naturalis, cum quoad res coniunctas, cum quoad essentiam ipsam coniunctionis, quæ est quid Physicum & naturale: est verò artificiatam, quoad principium directivum; ars enim adinvenit talem coniunctionem ligni cum tali forma, & talem formam imposuit ligno. Circa formam verò auri nihil simile facit ars, sed solum circa dispositiones accidentales, quibus positus naturaliter absque alia arte consequitur forma auri.

Ex dictis etiam patet Entia per accidens non poni in prædicamento quia non habent unam essentiam. Componuntur enim vel ex rebus distinctorum prædicamentorum, ut homo albus, vel ex rebus eiusdem prædicamenti, sed completis & perfectis & ex consequenti perfectè à se distinctis, ut cumulus lapidum. Sola igitur Entia per se quæ dicunt unam essentiam siue simplicem siue compositam ex duabus incompletis eiusdem generis (ut ex materia & forma fit una substantia) ponuntur in prædicamento.

Entia per accidens, non ponuntur in Prædicamento.

QVÆSTIO VI.

An res debeant poni in predicamentis in concreto vel abstracto.

Supponendum est abstractum & concretum eandem essentiam significare, sed diuerso modo. Nam abstractum significat essentiam per modum formæ ut humanitas; concretum verò per modum habentis formam, ut homo, Homo enim est id quod habet humanitatem.

Sunt autem concreta duplicia: alia substantiæ, ut homo, alia accidentis, ut album. Concreta etiam accidentis sunt duplicia: alia quæ significant accedens existens in subiecto ut album; alia quæ significant accedens existens in se per modum substantiæ, ut albedo quibus duobus generibus concretorum respondent duplicia abstracta. Nam abstractum albi, verbi gratia est albedo: abstractum albedinis, est albedinitas seu ratio albedinis. Quæritur ergo an modo abstracto vel concreto respondentur in predicamentis.

Substantia ponuntur in concreto nō in abstracto.

Dico primò. Substantiæ debent poni in predicamento in concreto. Primò. Quia in predicamentis res ponuntur per modum generum & specierum: at genera & species sunt concreta habentque sua abstracta; abstractum enim hominis est humanitas, animalis, animalitas: ergo in substantia res debent poni in concreto significatæ.

Secundò probatur. Quia res debent poni in predicamento perfecto modo sibi conuenienti: at essentia in concreto habet perfectum modum essendi; significatur enim ut, Quod: in abstracto verò incompletum, quia

quia significatur ut Quo: Ergo debent poni in concreto non in abstracto.

Tertiò. Pars non ponitur per se in prædicamento, sed totum, & ratione totius, pars: at abstractum est pars quædam concreti: ergo non abstracta, sed concreta per se ponuntur in prædicamentis. Minor patet. Quia, concretum est habens essentiam abstractum autem dicit solam essentiam, unde est quasi pars quædam, & veluti forma concreti, humanitas, hominis, concretum verò est quasi quoddam totum, constans essentia & substantia.

Dico secundò. Accidentia ponuntur per se in prædicamento in abstracto non in concreto. Ratio est. Quia res ponuntur in prædicamentis per modum generum, vel specierum: at abstracta accidentium sunt genera & species, non autem concreta: ergo abstracta accidentium non concreta ponuntur per se in prædicamentis. Maior patet. Quia prædicamenta sunt coordinationes generum & specierum sub vno summo genere, ergo sola genera & species ponuntur in prædicamentis. Minor probatur. Quia abstracta accidentium significant quidem formam, sed per modum substantiæ, seu ut in se existentem, ut color, albedo, unde quamvis non sint concreta ratione subiecti, quia non significant formam cum subiecto, ut album; sunt tamen concreta ratione formæ, quia significant formam existentem in se, & habent suum abstractum sicut genera & species substantiarum, abstractum enim albedinis est ratio albedinis seu albedinitas. Ex quo sequitur concreta accidentium seu accidentia denominatiue accepta ut album, coloratum, non esse per se in prædicamento. Primò: Quia non significantur per modum generum & specierum

in se subsistentium, sed per modum adiacentium subie-
ctis: modus enim generis & speciei est modus rei in se
existentis, & ratione cuius prædicatur in Quid; non
prædicaretur enim in quid nisi significaretur ut quid in
se existens. Concretum autem accidentis nō significat
quid in se existens sed quid adiacens alteri. Vnde prin-
cipaliter & ut Quod, significat subiectum: accidens au-
tem formaliter & ut Quo. Secundo. Quia concreta ac-
cidentis sunt entia per accidens composita ex subiecto
& accidente, album, verbi gratia, est res affecta albedine:
at entia per accidens non ponuntur in prædicamentis:
ergo nec concreta accidentium. Quanquam si concreta
accidentium sumantur formaliter cum reduplicatione,
ut si dicamus album, quatenus album, tunc ratione hu-
ius reduplicationis idem significant, quod abstracta, &
pro abstractis sumuntur, & sic possunt poni per se in
prædicamentis. Cum enim dicimus album, quatenus
album, accipimus album præcisè secundum albedinem.
Et in hoc sensu dicimus coloratum esse genus respectu
albi & nigri, & album & nigrum esse species colo-
rati; sumuntur enim concreta formaliter
ut supponunt pro abstractis.

*Concreta acci-
dentium sumun-
tur pro abstra-
ctis.*



DISPUTATIO VIII.

De Substantia.

QVÆSTIO PRIMA.

Quid sit Substantia in communi.

Substantia, quæ ab Aristotele *ὕλη*, id est essentia, simpliciter dicitur, definiri potest dupliciter: negatiuè & positiuè. Negatiuè quidem, per negationem accidentis, seu modi existendi accidentalis. Id enim quod est, & non est accidens, necesse est, vt sit substantia, & quod non existit modo accidentis, necesse est vt existat modo substantiæ; inter substantiam enim & accidens in re non datur medium; non potest enim res aliqua esse in mundo, quæ non sit vel substantia vel accidens. Quod si dicas: Ens, Vnum, Verum, Bonum, non dicere determinatè substantiam, aut accidens, cùm de vtroq; indifferenter dicantur. Respondeo, ista abstrahere ab vtroq; sed in mente non in re. Deinde cùm sint Analoga, & multiplicem significationem habentia, secundum diuersas significationes dicunt nunc substantiam, nunc accidens, in confuso tamen & inexpressè, ita vt propter hunc imperfectum & confusum modum concipiendi, non concipiantur sub determinata ratione substantiæ vel accidentis, licet reuera si distinctè conciperetur, necessariò conciperentur sub ratione substantiæ aut accidentis.

Definitur substantia negatiuè.

Inter substantiam & accidens non datur medium.

tis,

tis, vt disp. 6. docuimus. Quare ista abstrahunt solum secundum quid, à ratione substantiæ & accidentis, hoc est ab expressa ratione substantiæ & accidentis, non abstrahunt autem à confusa.

Neq; etiam refert quòd substantia non sit quid negatiuum, & idcirco nō debeat per negationem definiri. Non enim definitur per negationem, tanquam per aliquid essenziale, sed tanquam per id quod indicat eius essentiam; Omnis enim negatio sequitur ex aliqua affirmatione. Quare & negatio accidentis, aut modi accidentalis, sequitur ex essentia substantiæ; id enim quod habet talem essentiam, ratione cuius non est accidens, nec modo accidentali existit, est verè & essentialiter substantia.

Definitur ergo substantia negatiuè, esse Ens non existens in alio tanquam in subiecto: Non satis enim est, ad rationem substantiæ, non esse in alio, sed requiritur vt non sit in alio tanquam in subiecto. Nam etiam partes substantiæ, & modi substantiales, sunt in substantia; quia tamen non sunt in substantia tanquam in subiecto, idcirco propter hoc non amittunt rationem substantiæ: Sic etiam humana Christi natura existit in Verbo, non tamen vt in subiecto, ita vt non repugnet substantiæ esse in alio, sed solum repugnet esse in alio, tanquam in subiecto.

*Quid sit esse
in subiecto.*

Quid sit autem esse in subiecto, definit Aristoteles in Antepredicamentis Cap. 2. In subiecto esse dico, quod cum in aliquo sit, non sicut quædam pars, impossibile est esse sine eo in quo est. Tria igitur requiruntur ad hoc, vt aliquid dicatur esse in subiecto. Primum vt sit in alio. Deinde vt non sit pars; id enim quod est in subiecto, est extra substantiam subiecti, & quid extrinse-

extrinsecum illi; si verò sit pars, non erit quid extrinsecum subiecto, neque extra substantiam subiecti, sed potius erit ipsum subiectum; constituet enim subiectum in suo esse substantiali, vel absolute, vel quoad esse completum: pars enim est substantia sui totius. Ex quo patet formam substantialem, partes integrantes, & modos substantiales, ut existentiam & subsistentiam non esse in subiecto: quia constituunt substantiam in esse completo, & sunt partes substantiae quam constituunt; de ratione autem eius, quod est in subiecto, est, ut non constituat subiectum, per modum partis, sed ut penitus sit extra substantiam subiecti. Quod si dicas, Forma non constituit materiam in esse materiae, cum sit extra essentiam materiae: Ergo potest dici esse in materia, ut in subiecto. Respondeo: esse materiae substantiale est duplex, incompletum, & completum: Forma igitur licet non constituat materiam in esse materiae incompleto, constituit tamen in esse completo; perficit enim essentiam materiae imperfectam, & perducit eam ad suum esse substantiale perfectum. Tertiò requiritur, ut impossibile sit esse sine eo in quo est; nam potest esse aliquid in alio, & non ut pars illius, quia tamen potest esse sine illo in quo est, non erit in illo ut in subiecto. Sic corpus est in loco non ut pars, quia tamen potest esse sine loco, idcirco non est in illo tanquam in subiecto: Capilli etiam sunt in homine, non ut pars, quia tamen possibile est esse illos sine homine, idcirco non sunt in homine, tanquam in subiecto.

Ex quo patet sola accidentia propriè dicta esse in subiecto. Dico propriè dicta, quæ sunt ex natura rei distincta à subiecto, & illi inhaerent: sola igitur talia.

Forma substantialis non est in subiecto.

Sola accidentia sunt in subiecto.

accidentia sunt in subiecto; quia sola sunt in substantia, non per modum partis; non constituunt enim substantiam in ratione substantiæ vlllo modo, cum sint extra genus substantiæ, neq; substantia est formaliter substantia propter accidens: denique ita insunt substantiæ, vt sine substantia esse non possint. Quædam vero sunt accidentia improprie dicta, quæ ex natura rei non distinguuntur à subiecto, sed sola ratione concipiuntur distincta per modum accidentium, quatenus accidens dicitur esse id quod est extra essentiam. Tales sunt proprietates substantiales intrinsecæ substantiis. Hæc igitur sicut non sunt propria accidentia, ita non proprie insunt subiecto, sed concipiuntur inesse per actionem intellectus distinguentis vnum ab altero.

Substantia definitur per proprietates.

Secundò definiri potest substantia positivè, per proprietates subsistendi per se, & substandi aliis: per has enim proprietates indicatur essentia substantiæ, quæ est fundamentum, & ratio talium proprietatum.

Substantia est ens per se existens.

Primò ergo definitur substantia per proprietatem per se existendi: est ens per se existens. Dupliciter autem dicitur aliquid per se existere: vel quia in se non in alio existit, vt in subiecto, hoc est, nulli subiecto nititur: vel quia independenter ab alio existit; dependere enim ab alio, est per aliud non per se existere.

Dupliciter per se existit.

Primò modo omnis substantia, tam creata, quam increata, per se existit: quia ita in seipso existit, vt nulli subiecto nitatur; quo etiam sensu partes substantiales, & modi per se existunt. Nam etsi possit substantia existere in alio, tamen non potest esse in alio, vt in subiecto. Nam hic modus essendi tollit penitus rationem substantialem, quia proprie conuenit ei rei, quæ est extra genus

Substantia non repugnat existere in alio.

genus substantiæ, & nullo modo constitutionem substantiæ spectat: Ac verò alii modi essendi in alio non tollunt rationem essendi substantialem, cum sint modi essendi earum rerum quæ constituunt essentiam per modum partis.

Secundo verò modo. Sola substantia Divina per se existit; quia non solum non dependet ab aliquo subiecto, sed etiam ab omni alio principio; qui est perfectissimus modus substantialiter, id est per se existendi, absq; omni dependentia in esse substantiali.

Divina substantia perfectissima per se existit

Omnes verò substantiæ creatæ in hoc deficient à ratione substantiæ, quòd licet non dependeant ab ullo subiecto (in quo distinguuntur ab accidentibus) dependent tamen in existendo à DEO tanquam à prima causa effectiva: dependent etiam in complemento substantiali, ab aliis partibus essentialibus complementibus, quomodo forma à materia & materia à forma in esse substantiali Completo, à se dependent, ita ut una non sit essentialiter Completa sine alia.

Porro ad rationem substantiæ in communi non requiritur uterq; modus per se existendi: nam substantiæ creatæ sunt essentialiter substantiæ, propter primum solum modum per se existendi; hic enim modus sicut distinguit illas sufficienter ab accidente, ita sufficienter illas constituit in esse substantiæ: quod enim non est accidens, necesse est ut sit substantia.

Secundus verò modus, per se subsistendi, dicitur quidem essentialem rationem substantiæ, ea tamen ratio substantiæ non est communis omnibus substantiis, sed peculiaris, & propria substantiæ divinæ. Et verò si independentia à subiecto pertinet ad rationem substan-

riæ, multo magis independentia ab efficiente, qualis est in Deo. Hæc enim independentia, est multò maior & nobilior quàm illa: cumq; hæ duæ rationes substantiæ sint essentialiter distinctæ, quia distinctas independentias substantiales dicunt, sequitur substantiam creatam & substantiam increatam non conuenire Vniucè in ratione substantiæ, vt infra dicemus, sed diuersas essentialiter rationes substantiæ habere.

*Substantia est
quæ omnibus
substat.*

Altero verò modo, definitur substantia, per alteram proprietatem, nempe substandi, esse id quod omnibus substat: quomodo primam substantiam Aristoteles dicit esse maximè substantiam quia omnibus substat, omnibus inquam, tam secundis substantiis, quàm accidentibus: nam in prima substantia, tanquam in fundamento subsistunt, & secundæ substantiæ, & accidentia omnia; quia vt ait idem Aristoteles sublatis primis substantiis impossibile est aliorum aliquid esse; si enim indiuiduæ substantiæ tollantur, neq; genera substantiarum erunt, neq; species, neq; accidentia vlla in rerum natura.

*Dari aliquam
substantiam
demonstratur.*

Porro necesse esse dari talem substantiam, quæ omnibus substat, hac rationi conuinci potest. Ea enim quæ in alio existunt, necesse est, vt innitantur alicui, quod per se & non in alio existat. Nam si illud etiam in alio existet, & illud aliud in alio, dabitur processus in infinitum. Cum verò id quod in alio existit, non possit existere, nisi existat id, in quo ipsum existere debet, si illud etiam in alio existit, in infinitum, nunquam peruenietur ad aliquod primum, ratione cuius omnia in alio existentia existant, ac ex consequenti nihil in alio existere poterit; tota enim vniuersitas existet.

istentium in alio per se existere non potest, sed ratione eius in quo existit; ergo si non detur aliquod per se non in alio existens, nihil esse poterit existens in alio. Quocirca necesse est dari aliquid existens per se, quod sit substratum instar fundamenti omnibus iis quæ existunt in alio. Cum verò accidentia sint illa, quæ existunt in alio, necesse est præter accidentia dari substantiam cui tanquam subiecto & fundamento innitantur. omnia accidentia. Porro hæc definitio substantiæ per proprietatem substandi, non est definitio omnis substantiæ, sed solum substantiæ creatæ, quæ sola accidentibus subiicitur: nam diuina substantia nullis subiaceret accidentibus.

QVÆSTIO II.

*An ratio substantiæ Deo & creaturis
conueniat vniuocè.*

Affirmant Nominales. Quia ratio subsistendi per se, æquè Deo & creaturis competit, eundem enim conceptum formamus in mente de subsistentia Dei & creaturarum, qui conceptus non magis Deo, quàm creaturis competit. Neque verò refert quòd ratio substantiæ in Deo sit omnino independens, in creaturis dependens. Nam in vtrisque est independens à subiecto, quod sufficit ad rationem substantiæ in communi. Quòd verò Deus habeat aliam maiorem independentiam, id non facit, quo minus in priori independentia conueniat vniuocè cum creaturis. Neque enim obstat, quod Diuina substantia, hac ratione æquaretur creaturis. Nam hoc est solum æquari in ratione communi

generica, cum alioqui specificam suam rationem diuersissimam habeat, absurdumque est creaturas conuenire cum Deo in aliqua ratione specifica, non est autem absurdum conuenire in generica.

Communis tamen sententia negat aliquid posse esse commune vniuersum Deo & creaturis. Probatur primò. Quia alia est ratio substantiæ in Deo, alia in creaturis. Nam in Deo omnis gradus substantiæ, qui fingi potest, est ex se independens, cum sit ens per essentiam: in creaturis verò omnis gradus substantiæ est dependens essentialiter à Deo: gradus autem dependens, & independens non sunt vnius essentiæ & rationis. Nam quòd dicitur vtramque substantiam esse independentem à subiecto, id verum quidem est, sed neque in Deo gradus substantiæ independentis ab efficiente, est distinctus à gradu substantiæ independentis ab efficiente, sed est vnus & idem gradus substantiæ, duplicem illam rationem independentiæ fundans, solumque distinguitur secundum quid respectu terminorum, cum tamen vtrobiue idem gradus substantiæ includatur. Similiter non est cogitandum esse duos quasi substantiæ gradus in substantia creatâ, alterum qui fundet independentiam à subiecto, alterum qui fundet dependentiam substantiæ creatæ à Deo, sed eundem esse naturæ gradum qui vtramque rationem fundat, & sub vtraque ratione concipitur. Nam substantia creatâ per illum naturæ gradum, per quem est independens à subiecto, est dependens à Deo effectiue. Cum igitur substantiæ gradus in creaturis sit essentialiter dependens, in Deo verò sit essentialiter independens, non erunt isti gradus eiusdem rationis vniuersi.

Neque

Neque dici potest dependentiam & independentiam, esse quid superadditum substantiæ; sunt enim ipsa essentia substantiæ, fundans relationem dependentiæ, & negationem dependentiæ; si enim dicas esse accidens, cum omne accidens possit Deus separare à subiecto, posset quoque separare dependentiam, seu rationem dependendi à substantia creata, & sic substantia creata esset independens à Deo, quia non haberet dependentiam, quam supponimus separatam ab illa. Necessè est igitur dicere, quamlibet rem sua essentia esse dependentem, vel independentem: neque dependentiam aut independentiam esse accidentia, quia non fundantur in aliquo accidente separabili à re, sed in ipsa essentia immediatè. Licet si dependentia sumatur pro relatione, sit accidens essentiæ. Vt docet Ferar. 2. Con. Gent. cap. 18.

*Dependentia
& independentia
sunt quædam
essentiale.*

Potest idem argumentum alio quoque modo formari. Nam cum gradus substantiæ sit ille, qui fundat per se existentiam, in Deo verò gradus substantiæ fundat duplicem per se existentiam (Deus enim ideo per se existit, quia nec in alio, nec ab alio) in creaturis autem solum fundat vnam per se existentiam; Creaturæ enim ideo solum per se existunt, quia non in alio, non verò quia non ab alio; hinc fit, ut gradus substantiæ diuersæ rationis sit in Deo & in creaturis, cum diuersam per se existentiam funder.

Secundò probatur. Quia ubi est analogia, ibi non est vniuocatio: at in ratione substantiæ est analogia inter Deum & creaturam: Ergo in ratione substantiæ non est vniuocatio. Minor probatur.

*Analogia inter
Deum & crea-
turas in ratio-
ne substantiæ*

Quia

Quia creaturæ, in ratione substantiæ essentialiter dependent à Deo, & dicuntur substantiæ per participationem diuinæ substantiæ, quæ est analogia attributionis.

Dices. Omnis effectus dependet à sua causa, vt ignis ab igne, calor à calore, & tamen nulla est analogia inter causam & effectum vniuocum, imò est perfectæ vniuocatio: ignis enim produciens, est eiusdem rationis cum igne producto. Ergo ex dependentia creaturarum à Deo non potest inferri analogia.

*Dependentia
rerum creatarum
à Deo
quomodo essen-
tialis.*

Respondeo. Ignis dependentiam ab igne producente, non esse essentialem seu fundatam in essentia, sed accidentalem: accidit enim igni produci ab igne, potuit enim produci nō ab igne, sed ab alia causa: at dependentia rei creatæ à Deo, non est accidentalis, sed essentialis. Non enim contingens est creaturæ fieri à Deo, sed essentialiter postulat à Deo fieri: quia Diuinæ substantiæ participatione existit. Et sicut non est possibile, vt aliqua res creata non sit dependens à Deo, ita non est possibile, vt non fiat à Deo. Neq; Deus potest conferre vlli causæ secundæ potestatem talem causandi, vt possit producere effectum independentem à Deo, & talem ad quem Deus non debeat concurrere; hoc enim esset Deum priuari potestate in rem creatam. Nam si res creata non dependeret nec produceretur à Deo, Deus in illam non haberet potestatem; Dei enim potestas consistit in dependentia effectiua rerum ab eo; subtrahendo enim, vel ponendo suum influxum effectiuum, Deus facit de rebus quod vult, producendo illas, vel destruendo. Vnde etiam sequeretur, Deum non esse omnipotentem, nec posse rem illam creatam, vt pote à se independentem destruere; non enim Deus habet alium modum destruendi res creatas nisi subtrahendo

*Nō potest crea-
tura esse inde-
pendens à Deo.*

hendo suum influxum effectiuum; hunc autem modum non haberet, si res creata esset effectiue independens à Deo.

Porro cum dico effectus à causis secundis non dependere essentialiter, non nego dependere in essentia, sed solum nego dependere essentialiter, hoc est, ex vi essentia & necessariò. Nam dependentia effectus à causis secundis vt terminatur ad causas secundas, potest suppleri à Deo, dependentia verò à Deo, non potest suppleri ab vlla causa. Ex quo patet ex dependentia substantiarum creaturarum à Deo, in ratione substantia, rectè inferri analogiam in ratione substantia, non verò ex dependentia ipsarum à causis secundis.

Effectus à causis secundis non dependent essentialiter.

Ad fundamentum primæ sententiæ patet ex dictis. Nullus enim gradus substantia, qui est in creaturis, est eiusdem rationis in Deo, quia in creaturis est essentialiter dependens, in Deo independens. Nam ille gradus in creaturis dependens in Deo independens, est formaliter gradus substantia. Vnde conceptus ille communis de substantia Dei & creaturarum, est solum communis analogicè & in confuso: si tamen distinctè, & expressè, explicetur, non respondebit illi quid commune, sed duo diuersi gradus substantiales cum diuersa ratione substantia.

Quòd verò dicitur de communi gradu substantia independentis à subiecto, dicimus hunc gradum in creaturis esse formaliter illum gradum substantia dependentis essentialiter à Deo; substantia enim secundum illum gradum & à subiecto non dependet, & à Deo dependet, talis autem gradus substantia qui sit essentialiter dependens non inuenitur in Deo. Qua-

Aaaa re ne-

ne necesse est dicere illum gradum substantiæ, non esse communem vniucè creaturis & Deo. Similiter, gradus substantiæ independentis à subiecto, & gradus substantiæ independentis ab efficiente non sunt in Deo distincti gradus simpliciter, sed vnus & idem gradus, vtramque rationem fundans, ita, vt non in essentia, sed solum in diuersis respectibus, quos fundat distingatur. Sicut idem in ordine ad diuersa conceptum: Ad vniucationem autem requiritur præcisio graduum simpliciter, non tantum secundum quid, vt supra disp. 6. docuimus.

QVÆSTIO III.

An ratio substantiæ sit communis Vniucè omnibus substantiis creatis.

Ratio dubitandi ex; Quia est vna parte, videntur omnes substantiæ creatæ conuenire inter se vniucè in modo per se existendi, seu in modo existendi independenti à subiecto, cum id non magis vni quàm alteri competat. Ex altera verò parte, videtur ratio substantiæ, in rebus creatis esse fusa per omnes gradus genericos & específicos substantiales; omnes enim dicti gradus sunt essentialiter substantia. Vnde duplici ratione sequitur, rationem substantiæ non esse his gradibus vniucam. Primò. Quia genus vniucum non prædicatur de differentiis: ac substantia prædicatur de omnibus gradibus substanti-
tiali-

trialibus, & de omnibus differentiis illorum: Ergo. Secundo. Quia rebus diuersis quâ diuersæ sunt, nihil potest esse commune vniuocum: at gradus substantiæ sunt inter se diuersi: Ergo nihil est commune vniuocum. Dices. esse diuersos in vno, conuenientes in alio. Contra. Quia isti gradus quâ diuersi sunt, sunt substantiales: Ergo illis quâ diuersi sunt, ratio substantiæ competit: ergo non vniuocè; quia diuersis quâ diuersa sunt, nihil est commune vniuocum.

Pro solutione notandum substantiam posse accipi dupliciter. Primò, latè, pro omni eo, quod substantialiter existit quocunque modo existat; substantialiter autem existere est independenter à subiecto existere, seu non dependere in existentia ab illo subiecto, quomodo tam partes substantiales, quam etiam modi dicuntur substantiæ. Secundò, strictè, pro eo quod perfectè per se existit, non solum independenter à subiecto, sed etiam independenter ab omni alio complente rationem subsistendi, quomodo formæ, & modi substantiales, non sunt substantiæ; quia per se non perfectè existunt, nisi coniungantur cum materia; forma enim substantialis sine materia non potest per se existere, materia verò quia in ratione subsistendi est independentes à forma, habet illam perfectam rationem subsistendi, ratione cuius dicitur substantia strictè; potest enim etiam si non compleatur per formam, per se sufficienter existere, vt docetur. Primo Physicorum.

*Substantia seu
mitur latè &
strictè.*

og Dico igitur Primò: Substantia latè sumpta non est communis vniuocè rebus creatis. Probatur primò rationibus allatis in ratione dubitandi. Secundò. Quia vniuocum dicit vnā & eandem rationem in multis: at substantia dicit diuersas rationes substantiæ in diuersis: diuersæ enim substantiæ, quæ diuersæ, sunt substantiæ: Ergo substantia non est quid vniuocum respectu illarum. Tertiò. Alioqui sequeretur omnes substantias esse eiusdem essentia. Nam vniuoca, quæ vniuoca, sunt eiusdem essentia: at substantiæ secundum omnes suos gradus genericos & específicos sunt substantiæ: ergo si ratio substantiæ sit vniuoca, essent secundum suos gradus genericos & específicos eiusdem essentia.

Ratio substantiæ vniuoca omnib. creatis.

da Dico secundò. Probabile est, substantiam stricte acceptam conuenire vniuocè omnibus substantiis creatis, tam spiritualibus, quam corporeis: Quia omnes substantiæ creatæ in hac perfectione substantiali conueniunt, quòd per se perfecte existant, sine dependentia, tam ab omni subiecto, quàm ab omni alio complente rationem substantiæ: estque hæc perfectio substantiæ, specialis quidam gradus in substantia, qui non conuenit omnibus gradibus & partibus. Nam non omnes gradus & partes habent hanc perfectionem substantiæ, vt possint sine alio per se existere; forma enim, Verbi gratia, non potest existere sine materia. Porro hic gradus perfecte subsistendi in corporeis, sumitur præcipue à materia, in spiritualibus à gradu intellectiuo; gradus enim intellectiuus est ex se sufficiens ad subsistendum

stendum sine omni subiecto, & omni alio completo, ut
pater in anima rationali, quæ ratione gradus intellectui
per se sufficienter existit, sine omni dependentia tam à
subiecto, quàm ab omni alio completo & requisito
ad subsistendum.

Quod si obiicias. Iste gradus substantiæ Vniuocus,
non esset spiritualis nec corporeus, sed abstrahens ab v-
troq; hoc autem est absurdum, Cum non possit dari a-
liqua res, quæ non sit essentialiter spiritualis vel corpo-
rea. Respondetur, hunc gradum ex sua ratione for-
mali, nec esse spiritualem, nec corporeum; tamen in
spiritualibus esse spiritualem, in corporeis corporeum,
non formaliter, sed identicè, quia identificatur Entitati
spirituali, vel corporeæ; sicut animal in homine est ra-
tionale identicè non formaliter, in bruto, irrationale,
ratione differentiarum contrahentium cum quibus i-
dentificatur.

*Ratio substan-
tia abstrahit à
spiritualis & cor-
poreo.*

Obiicies secundò. Gradus iste substantiæ, vel est
simplex, vel compositus; si simplex, non conuenit re-
bus materialibus, quæ sunt compositæ; si compositus,
non conuenit rebus spiritualibus, quæ sunt simplices.
Respondet Fonseca: ex se nec esse simplicem nec com-
positum, sed indifferentem ad vtrumq; sicut qualitas
ex se nec est diuisibilis, nec indiuisibilis, sed indifferens
ad vtrumq; nam in diuisibilibus est diuisibilis, in indi-
uisibilibus indiuisibilis.

*Item à simplicibus
& compositis.*

Quod si intes, inter compositum & simplex non
datur medium: nam eo ipso quòd aliquid non est com-
positum, est simplex: quia non est Conflatum ex mul-
tis. Similiter eo ipso quòd aliquid non est simplex, ne-
cessariò est compositum. Et sicut inter vnum & multa

*Inter simplex
& compositum
non datur me-
dium in re non
in mente.*

non datur medium, ita nec inter simplex & compositum, quia simplex est vnum, compositum verò multa. Respondeo, inter ista in re non datur medium: quia à parte rei necesse est rem aut esse simplicem aut compositam: in intellectu tamen datur medium, quia intellectus potest abstrahere ab utroq;: datur enim talis ratio quæ æquè saluatur cum simplicitate, sicut cum compositione. Deinde etiam inter contradictoria non datur medium in re, & tamen intellectus potest abstrahere ab utroq; contradictoriorum, vt in Disputat. 3. dictum est. Ad hæc natura in Petro & Paulo est diuisa, & multiplex, & tamen per intellectum abstrahentem fit indiuisa & vna: pari ergo ratione non repugnabit eidem naturæ esse simplicem & compositam.

Oppositum tamen aliqui sentiunt, nempe gradum substantiæ non conuenire vniuocè spiritualibus & corporeis: nam in corporeis inquiunt, sumitur ratio substantiæ à materia, in spiritualibus à gradu intellectiuo: substantiæ enim spirituales, quia intellectuales sunt, per se subsistunt, & independenter à subiecto: Corporeæ verò à materia & forma, suam subsistentiam accipiunt. Cùm igitur materiæ, nihil sit commune vniuocum cū esse intellectiuo; consequens est, neq; rationem substantiæ esse communem vniuocè: omnes enim gradus in materia, sunt materiales, in rebus spiritualibus, spirituales. Dicunt igitur omnes quidem substantias materiales conuenire inter se vniuocè in ratione substantiæ, quia conueniunt in materia, à qua præcipuè sumitur ratio per se subsistendi. Substantias etiam spirituales conuenire inter se vniuocè, in ratione substantiæ, quia conueniunt vniuocè in gradu intellectiuo, à quo sumitur ratio per se subsistendi: tamen substantias materia-

les

les cum spiritualibus negant conuenire vniuocè, eo quod non sit possibile dari aliquam naturam ex se, nec materialem nec immaterialem, nec spiritualement nec corpoream, cum hæc resoluatur in contradictoria. Nam quod dicitur, naturam illam esse materialem identicè non formaliter, id aiunt non sufficere: nam in re ponitur gradus formaliter: ergo eius ratio formalis debet esse intrinsecè, & ex seipsa, vel materialis vel immaterialis, non solum ex identitate cum altero.

Verum ista non conuincunt: nam non repugnat *Reincitur opposita sententia.* ens materiale & spirituale habere aliquid commune, conueniunt enim in ratione per se subsistendi: Neq; repugnat dari rationem aliquam, quæ ex sua formali ratione nec sit materialis nec immaterialis, sed æquè in utroq; saluetur; licet repugnet à parte rei dari, quin sit vel materialis identicè vel spiritualis: Nam simili ratione repugnat dari animal à parte rei, quod nec sit rationale, nec irrationale: & tamen animal ut animal ex sua ratione formali nec est rationale nec irrationale; sed indifferens ad utrumque. Neq; necesse est omnes gradus in materia esse materiales formaliter, hoc est, ex ratione sua formali: sed satis est, quod sint materiales identicè, hoc est, per identitatem cum differentia propria materiae.

QVÆSTIO IV.

An Deus sit in predicamento.

DVpliciter possumus de Prædicamentis loqui, vel ut sunt à primis Inuentoribus instituta, vel absolute specta-

spectatâ naturâ rerum. Item dupliciter potest poni aliquid in prædicamento, vel directè, & per se, tanquam species vel indiuiduum illius generis; vel reduciuè & per accidens, sicut punctum ponitur in quantitate, tanquam principium quantitatis, non tanquam quantitas. His ergo suppositis.

*Deus non est
substantia Præ-
dicamentalis.*

Dico primò, si loquamur de prædicamentis secundum eam rationem, qua nobis descripta sunt & tradita à primis inuentoribus DEVS non ponitur in prædicamento. Nam si poneretur, in substantia poneretur. At substantiam definit Aristot. à substando, præcipuamque eius proprietatem assignat, vt eadem numero manens sit contrariorum susceptiua. Deus autem non est talis substantia, quæ substat accidentibus, & contraria recipiat: Deus igitur non erit in Prædicamento substantiæ descriptæ ab Arist. Nec mirum: nam primi illi Philosophi solùm vel præcipuè rerum sensibilem, scientiam quæsièrunt, & ad res sensibiles cognoscendas & inter se distinguendas summa decem genera adinuerunt: rerum verò spiritualium vix vllam, vel saltem exiguam notitiam habuerunt. Vnde Prædicamenta secundum eam rationem, quam habent in rebus sensibilibus, descripserunt.

Deū nullo modo esse in Prædicamento substantiæ.

Dico secundò, ex natura rei loquendo de Prædicamentis, Deum nullo modo esse in Prædicamento substantiæ. Ita communiter Theologicum S. Thoma in prima parte quæst. 3. art. 5. Ratio à priori sumitur ex natura generis: Ratio enim generica, est ex se indifferens & indeterminata ad rationes specificas, alioqui si esset ex se determinata ad vnam, non posset contrahi per alteram. At talis indeterminatio & indifferentia repugnat Deo: ergo ratio generis repugnat Deo, & ex

Ratio à priori siquidem ratio generis repugnat Deo.

confe-

consequenti Deus non potest esse sub genere substantiæ. Minor probatur: quia cùm Deus sit ens per essentiam, seu ex se ens, non ab alio ens: omnis ratio in Deo ex se erit determinata ad omnes alias perfectiones Diuinas: ac proinde nõ erit indeterminata & indifferens. De ratione enim entis per essentiam est, vt sit ex seipso ens, & ex seipso vendicet sibi omnem perfectionem entis: nam si non ex seipso, ergo ab alio, & sic erit ens ab alio, non ens per essentiam. Si etiam ratio aliqua in Deo non sit ex se determinata ad omnes alias perfectiones; deberet ab alio determinari ad illas: quod enim ex se non est determinatum ad aliquid, eget alio determinante: determinari autem ab alio, directe repugnat enti per essentiam.

*Repugnat Deo
omni ratio ex
se indetermina-
tam.*

*Deus Ens per
essentiam.*

In quo apparet diuersitas, inter perfectiones creatas & increatas: nam perfectiones creatæ, etiam si in re identificentur inter se, tamen hanc identificationem non habent ex se, seu ex ratione sua formali. Animal enim, vt animal, non est necesse esse rationale, sed quantum est ex se, æquè potest esse rationale, sicut irrationale. Vnde si debet esse rationale, ab alio debet effici rationale, & ideo non est ens per essentiam, sed ens ab alio. Nõ ita est in Deo, quia omnis ratio & perfectio increata ex se non ab alio est, id quod est; ac proinde essentialiter est determinata ad alias omnes rationes & perfectiones, idque habet ex propria ratione entis per essentiam. In hoc enim differt ens per essentiam ab ente per participationem, quodd illud sit ex se ens, & ex sua ratione formali entis, determinatum est, ad id totum quod est; hoc verò ex se non habet talem determinationem, sed ab alio determinatur.

*Discrimen in-
ter perfectiones
creatas & de-
uinas.*

Ex hoc autem sequitur, non posse in Deo praescindi rationem aliquam ex se indeterminatam, & indifferentem ad alias rationes, cum talis indeterminatio repugnet rationi entis per essentiam; ac proinde repugnat in Deo concipi rationem aliquam verè genericam: si quidem ratio generica non potest esse sine indeterminatione.

*In Deo non est
fundamentum
conceptus inde-
terminati.*

Nam si dicas, hanc indifferentiam oriri ex abstractione intellectus, quæ Deo nihil aufert, sicut neq; confert. Respondeo. Oriri quidem ex abstractione sed cum fundamento in re, quia nimirum in re, natura est talis conditionis, quæ ex ratione sua formali, non est determinata ad vnum, & ideo potest indeterminatè concipi. In Deo verò non est tale fundamentum concipiendi, cum omnis ratio in Deo sit ex se, & essentialiter determinata ad omnes alias perfectiones Diuinas: Vnde non potest cum fundamento in Deo concipi, vt indeterminata & indifferens. Quod etiam confirmatur à simili: quia ex sententia omnium Theologorum, existentia & singularitas, est de essentia naturæ Diuinæ, non verò est de essentia naturæ creatæ, licet illi identificetur. Cuius non alia est ratio, nisi quòd natura Diuina est ens per essentiam, ac proinde ex sua ratione essentiali determinata ad omnes perfectiones Diuinas, ita vt quælibet ratio in Deo sit essentialiter omnis, & omnes sint essentialiter quælibet, & vna de essentia omnium, & omnes de essentia vnius, quare & existentia & singularitas, erit de essentia singularium perfectionum Diuinarum. In creatis verò talis determinatio vnius ad aliam non inuenitur, fit enim ea determinatio effectiue ab alio, cum rationes ex se non sint de sua essentia.

*Singularitas
de essentia so-
lus Dei.*

Ex hac

Ex hac ratione formari alia possunt & explicari. Nam de ratione generis est, ut sit quid ex se potentiale & perfectibile: At esse quid potentiale & perfectibile Deo repugnat: ergo repugnat & ratio generis. Maior probatur, quia quod est ex se indeterminatum, & indifferens est ex se potentiale: quia potest actuari per id, ad quod est indeterminatum. est etiam ex se perfectibile, quia cum sit indeterminatum perficitur per differentiam determinantem. Dices hanc potentialitatem & perfectibilitatem esse solum in conceptu non in re; nam in re perfectio divina est actualis & perfecta, ut verò præscinditur vna ab alia, sic potentialis & perfectibilis. Respondeo esse quidem formaliter in conceptu, sed fundamentaliter in re, ut paulò ante dictum est, & quia repugnat Deo habere in se fundamentum talis conceptus, idè absolute talis conceptus repugnat Deo.

*Repugnat Deo
omnis ratio po-
tentialis &
perfectibilis.*

Ex hac etiam ratione explicari possunt alia, quæ ab Autoribus afferuntur ad probandum Deum non esse in Prædicamento.

*Defenduntur
rationes alio-
rum Autho-
rum.*

Prima est. Quia sequeretur Deum componi ex genere & differentia, quod repugnat simplicitati divinæ. Hanc rationem conatur solvere Gregorius in primo distinct. 8. quæst. 3. dicens compositionem realem ex pluribus ex natura rei distinctis, repugnare simplicitati Divinæ; non verò compositionem per intellectum. Deum enim simplicem, potest intellectus composité concipere, concipiendo illum inadæquatis ac proinde pluribus conceptibus, licet enim adæquatus Dei conceptus, sit vnus, inadæquari tamen sunt plures. Talis autem compositio est ex genere & differentia. Verum hæc solutio non valet.

Prima ratio.

*Compositio ex
Genere & Dif-
ferentia Deo
repugnat.*

Nam licet, compositio per intellectum non tollat simplicitatem Diuinam, tamen compositio ex genere & differentia est talis compositio, quæ habet fundamentum in re, & supponit naturam ex sua ratione formali concepitibilem, tanquam indeterminatam & potentialem ad aliam. Cum igitur Deo repugnet fundare tales conceptus, repugnabit etiam fundare talem compositionem, quæ conficitur ex talibus conceptibus.

Secunda.

Secunda est. Omne genus est pars speciei: At Deus non habet partes: ergo neq; potest habere genus. Respondet Gregorius, repugnare quidem Deo, habere partes reales, & ex natura rei distinguibiles, non verò, si sint distinctæ per solum conceptum: conceptus enim nostri non mutant Dei simplicitatem. Verum hæc responsio non valet: Nam repugnat Deo fundare rationem partium. de ratione enim partium est, ut vna ex ratione sua formali non includat alteram: At perfectiones Diuinæ ex ratione formali sunt tales, ut vna essentialiter includat alteram, & vna sit de conceptu formali alterius; quod oritur ex ratione entis per essentiam: ergo fundare rationem partium in intellectu repugnat Deo.

*Repugnat Deo
fundare ratio-
nem partium.*

Tertia.

Tertia est. Sequeretur existentiam non esse de essentia Diuinæ naturæ: nam genus & species abstrahunt ab essentia. Respondent, non repugnare per rationem abstrahi essentiam ab existentia, sed hæc responsio non valet. Nam in rebus creatis in quibus essentia est nō ex se, & ratione sua formali existens, potest essentia abstrahi ab existentia, non tamen in Deo; quia Deus est eas per essentiam, & ex sua essentia existens: quare existentia est de ratione essentiæ ipsius, neq; fundare potest hanc

*Essentia Diui-
na ab existen-
tia non potest
abstrahi cum
fundamento
in Deo.*

hanc abstractionem. nihil enim potest abstrahi à suis essentialibus. At de essentia cuiuscunque perfectionis Divinæ est existentia: ergo perfectio Divina non habet in se fundamentum, vt possit concipi sine existentia, nisi per analogiam ad creaturas, & cum fundamento in creaturis, non in Deo, vt docent Theologi.

Quarta est. Ratio generica est indeterminata ad rationes específicas; At ratio substantiæ in Deo, non est indeterminata ad finitam & infinitam, cum sit essentialiter infinita, & repugnat aliquid in Deo, non esse infinitum: Ergo non datur in Deo ratio generica. Respondent. Repugnare quidem dari aliquam rationem in Deo à parte rei, quæ non sit infinita per identitatem, cum omnibus perfectionibus divinis, non repugnare autem abstrahi, talem rationem per intellectum, quæ nec sit finita nec infinita: quia solum hoc est considerare eam rationem, nec vt finitam nec infinitam. Sed contra: Omnis ratio in Deo est ex se, & essentialiter infinita; ergo non potest abstrahi ab infinitate, cum fundamento in re: quia nihil potest abstrahi à suis essentialibus: Vnde talis abstractio esset ficta & sine fundamento in re: neque conveniret perfectioni Divinæ.

Quarta.

Perfectio divina non potest (cum fundamento in Deo) abstrahi ab infinitate.

Quinta. Quod est sub aliquo genere, clauditur intra illud genus, ita vt non sit extra illud: Deus autem, nullo genere claudipotest, cum extendat se ad omnia genera. Verum hæc ratio non videtur concludere. Tum quia Deus reuera ita continetur intra rationem substantiæ, vt extra rationem substantiæ nullo modo se extendat: nullo. n. modo subiicitur accidentibus: cum accidentia in Deo substantialiter contineantur & eminenter. Tum quia contineri sub tali genere, quod in-

Quinta.

nititas & omnes perfectiones entis complectitur, nullam dicit imperfectionem, quod enim sub tali genere continetur, nihil ei deest ad perfectionem. Dicendum tamen est, hanc rationem esse bonam: Nam si Deus continetur sub aliquo vero genere, illud genus, ex ratione sua formali non esset infinitum, sed indifferens ad finitum & infinitum, id enim postulat natura generis. Unde cum contraheretur ad infinitum, contraheretur ad unam tantum partem perfectionis illi generi debitam, & non haberet omnem perfectionem sibi convenientem; quia non haberet perfectiones finitas, per quas est perfectibile ex ratione propria generis. Et licet in infinitate continerentur omnes perfectiones finitæ, tamen illud genus esset capax perfectionum finitarum, non solum ut eminenter continentur in alia perfectione; sed etiam ut sunt in seipsis formaliter. Unde verè ratio illa generica si esset in Deo, non esset omnimodè perfecta, omnia perfectione qua perfici potest: quod quia absurdum est, idcirco etiam absurdum est admittere in Deo rationem aliquam verè genericam. Nam si hæc ratio esset substantiæ in communi, talis ratio est perfectibilis tam substantialiter quàm accidentaliter. in Deo autem non haberet omnem perfectionem, nec substantialem finitam, nec accidentalem, quæ ex substantiali finita consequitur, & sic Deus, non esset in omni genere perfectus.

Sexta.

Sexta. Infinitum non potest esse sub genere, quia quia infinitum est, comprehendit omnia, ac proinde & ipsum genus; cum ergo de ratione veri generis sit non contineri in differentia, non poterit in finito.

finito assignari verum genus. Quod si dicas Infinitum in quantitate & qualitate, contineri sub vero genere quantitatis vel qualitatis; ergo & infinitum in genere entis posset contineri sub vero genere substantiae. Respondeo esse magnum discrimen. Nam infinitum in certo aliquo genere, non comprehendit omnia. Vnde non est necesse genus contineri in eius differentia. At infinitum simpliciter in genere entis, continet omnem rationem entis, ac proinde & rationem illam genericam. Vnde si differentiam haberet infinitam, in ea contineretur genus, quod est contra rationem veri generis. Deinde Deus non est quomocunque infinitus, sed ex se, & per essentiam infinitus. Vnde omnis ratio in Deo esset ex sua essentia infinita, & determinata essentialiter ad infinitatem, ac proinde non posset præscindi cum fundamento ab infinitate; quod requiritur ad rationem genericam. Dices. Infinitatem potius facere, ut Deus infinite perfectius participet rationem substantiae: ergo propter infinitatem non excluditur à genere substantiae, sed potius includitur; quia quod perfectius participat rationem alicuius generis, magis pertinet ad illud genus, quam illud quod minus perfectè.

Deus est per essentiam infinitus.

Respondeo. Propter infinitatem non excludi Deum à ratione substantiae, quia perfectissimè & infinite illam habet, sed excludi à generica, & ex ratione sua formali præcisa à rationibus particularibus substantiae: talis enim præcisio destruit rationem entis per essentiam, ut dictum est.

Septima

Septima.

*Prædicamenta
dicunt rationes
contradistinctas.*

Septima ratio afferri solet. Prædicamenta dicunt rationes contra distinctas, ac proinde limitatas, ita ut una non includat alteram, verbi gratia, substantia, non includat quantitatem, & qualitatem. At Deus omnium Prædicamentorum perfectiones in se continet: ergo non potest poni in vilo Prædicamento peculiari. Verùm hæc ratio non videtur concludere. Nam Prædicamenta dicunt rationes contradistinctas, si secundum suas rationes formales sumantur: non verò ut eminenter, in aliqua re superiori continentur: Verbi gratia, quantitas, si sumatur formaliter, ut accidens quoddam habens partes extra partes, dicit perfectionem contradistinctam substantiæ. At si sumatur, ut eminenter continetur in substantia, non distinguitur à substantia: verùm sic non constituit genus Prædicamenti quantitatis, sed solum ut sumitur formaliter. Deus igitur etsi contineat omnem perfectionem aliorum Prædicamentorum eminenter, quia tamen non continet formaliter, sub rationibus accidentalibus ipsorum, ideo relinquit locum aliis Prædicamentis, & suam perfectionem substantialem habet contradistinctam, rationibus accidentalibus aliorum Prædicamentorum: ita ut hæc contentia non impediatur, quominus posset Deus esse in peculiari Prædicamento ab aliis distincto, si hoc aliundè non repugnaret. Ut igitur hæc ratio concludatur, reducenda est ad quintam rationem.

At obiicitur Primò. Substantia prædicatur de Deo in quid, Ergo Deus est verè sub genere substantiæ. Respondeo rationem illam substantiæ non esse verè genericam, ac proinde non prædicamentalem, cum de essentia rationis genericæ sit indeterminatio, quæ repugnat substantiæ Diuinæ, quæ est ex se, & essentialiter determinata ad perfectionem Diuinam: nec vilo modo est.

do est indeterminata ad ipsam & non ipsam. Quod etiam ex eo patet; quia si animal, Verbi gratia, esset ex se, & ex ratione sua formali, determinatum ad rationale, non posset esse genus ad rationale & irrationale, quia non posset esse nisi rationale. Similiter secundum Divum Thomam natura specifica Angelica, quia est ex se determinata ad hoc numero individuum, non potest esse in pluribus individuis, ac proinde non est verè species & uniuersale, hoc est, cum fundamento in re.

Obiicitur secundo. ratio substantiæ in creaturis est ex se indeterminata ad finitam & infinitam; at substantia infinita simpliciter, est Diuina: ergo datur ratio substantiæ verè generica, quæ prædicatur de substantia Diuina. Respondeo. Deum non esse substantiam quocunque modo infinitam, sed ex se & per essentiam infinitam. Ratio verò substantiæ quæ est in creaturis indeterminata ad esse finitum & infinitum, non est indeterminata ad esse per essentiam infinitam. Non esset igitur talis substantia Diuina, sed infra Diuinam: quia solum esset per identitatem cum infinitis perfectionibus infinita, sicut animal per identitatem cum rationali est rationale. Non esset autem ex se & ratione sua formali infinita: quia alioqui non esset indeterminata ad finitam & infinitam, sed esset essentialiter determinata ad infinitam tantum. Accedit quòd vel est possibile creaturam esse infinitam in genere substantiæ, vel impossibile, si impossibile: ergo indeterminatio ad illam est impossibilis, & non conuenit substantiæ. Si verò sic possibilis, illa substantia non esset diuina, sed creata: quia non esset talis per essentiam, sed ab alio. Ex quo patet, quòd illa ratio substantiæ indetermi-

Aliquid est ex se aliquid ab alio infinitum.

nata non pertinet ad Deum. Non nego tamen rationem substantiæ esse communem Deo, & creaturis analogicè sicut & ratio entis eodem modo est communis: nego autem vniuocè.

Non esse statuenda noua Prædicamenta pro Deo.

Ex dictis infero. Deum non solum non esse in aliquo Prædicamento communi cum rebus creatis; sed neque in proprio & peculiari, vt quidam voluerunt, dicentes distincta quædam Prædicamenta esse constituenda pro Deo, in quibus sit substantia Diuina, quantitas, qualitas, relatio, actio, Vbi, Quando Diuinum, cum hæc omnia sint diuersæ & longè differentis rationis in Deo, quàm in creaturis. Nam rationes nostræ conuincunt Deum non posse esse sub vilo vero genere, siue illud statuatur commune cum creaturis, siue non. Deinde implicatur in adiecto, cum dicitur esse genus, & non esse commune cum creaturis: De ratione enim veri generis est, vt sit indeterminatum, & commune ad multa. Si autem soli Deo competat, non erit indeterminatum ad multa, ac proinde non erit verum genus.

Deus non re-ducitur ad prædicamenta.

Dico Tercio. ne reductiuè quidem Deum poni in Prædicamento substantiæ, tanquam principium illius. Ita Diuus Thomas supra, cuius ratio est; Id enim solum ponitur reductiuè in prædicamento, quod ita ad illud Prædicamentum pertinet, vt extra illud non sit; hanc enim ob causam Transcendentia non ponuntur in certo Prædicamento: quia vagantur per omnia. Punctum verò ponitur reductiuè in quantitate,

tate, quia est principium linear, & ad genus tantum quantitatis pertinet. At Deus est principium omnium Prædicamentorum: ergo non potest poni reduciue in villo Prædicamento. Deinde quod aliquid reducatur ad aliud, id ex eo prouenit, quod in illo genere est quid imperfectum: non enim perfecta ad imperfecta reducuntur: sed è contra imperfecta ad perfecta. Verbi gratia, partes ad totum, & modus ad rem cuius est modus. Deus autem non est quid imperfectum in villo genere: ergo non potest ad vllum genus reduci: sed potius omnia Prædicamenta reducenda sunt ad Deum, tanquam ad suum principale analogatum, in genere entis.

Addi potest & alia ratio Logica ad probandum Deum non posse poni in Prædicamento substantia, qua nonnulli Recentiores vtuntur: quia nimirum natura Diuina non est vniuersalis nec per modum generis, nec per modum speciei: Prædicamenta autem sunt coordinationes generum & specierum. Nam quod Deus non sit species, patet quia species est natura communis multis indiuiduis. At natura Diuina est determinata, ad vnum tantum indiuiduum: ergo non potest esse species. Deinde species est natura abstracta ab indiuiduis; at natura Diuina cum sit essentialiter singularis, non potest abstrahi à sua ratione indiuiduali: ergo non potest effici species. Dices vniuersalitatem non esse de ratione naturæ specificæ, neque vt natura est, neque vt prædicabilis est, quia æquè prædicatur de vno indiuiduo sicut de multis.

*Logica ratio, q
Deus non sit in
Prædicamēto.*

Respondeo, vniuersalitatem non esse de ratione naturæ, vt natura est, neque de ratione naturæ, vt prædicabilis est; sed esse de ratione naturæ vt species est: quia ex hoc formaliter dicitur species: quia prædicatur de multis numero differentibus in quid, vt patet ex definitione speciei. Dices. Species est prædicabilis & subiicibilis, & sub vtraque ratione dicitur species. ergo natura Diuina saltem vt subiicibilis est generi, & vt constat genere ac differentia posset dici species. Respondeo. Ad rationem speciei subiicibilis non satis est subiici generi quocunque modo, sed requiritur vt subiiciatur tanquam species: hoc est tanquam natura communis multis. Nam etsi individua subiiciuntur generi: quia tamen subiiciuntur, vt naturæ singulares non vt naturæ communes, ideo non subiiciuntur vt species, neque propter hanc subiectionem habent rationem speciei. Ex quo etiam sequitur naturam Diuinam non habere genus: genus enim non nisi respectu specierum dicitur genus: At natura Diuina non est species, ergo nullum habet verum genus. Sequitur etiam Deum non posse poni in Prædicamento substantiæ tanquam Individuum: quia nec est Individuum genericum nec specificum, qualia solum Individua in Prædicamento ponuntur.

Sed quares. An saltem diuina attributa sint in eodem genere prædicamenti, cum perfectionibus creatis. Verbi gratia, Sapientia diuina, intellectus, voluntas: ista enim conuenire videntur in ratione communi vniuoca cum sapientia, intellectu, voluntate creatis.

ra. Respondeo. Non esse, propter easdem rationes: nam neq; conueniunt vniuocè in ratione communi, cum rebus creatis, neq; in modo prædicandi. Quòd non sit communis ratio vniuoca probatur. Quia sub-
Substantia & accidenti nihil est commune vniuocum.
stantiæ & accidenti nihil est commune vniuocum; quidquid enim est in substantia, substantia est, & in accidente quidquid est, accidentale est; neq; datur aliquis gradus naturæ, qui nec sit substantia, nec accidens. Cum igitur attributa diuina sint substantiæ, secundum omnes suos gradus, creata verò attributa, sint accidentia, secundum omnes suos gradus, non datur ratio communis, vniuoca istis attributis. Quod si dicas: Ratio formalis sapientiæ, potest abstrahi à substantia & accidente, cum possit esse substantia & accidens. Respondeo. Ex tali abstractione non inferri vniuocationem. Nam etiam simili modo ens abstrahit à substantia & accidente, neq; tamen propterea est quid commune vniuocum; solum enim infertur ex abstractione perfecta, ita vt nullo modo vnum includatur in alio: qualis abstractio non inuenitur in ente respectu substantiæ & accidentis, neq; in sapientia respectu sapientiæ substantialis & accidentalis.

Quòd verò non conueniant in modo prædicandi, pater: quia vna est prædicatio substantialis, alia accidentalis. Nam cum dico, Deum esse sapientem, prædicatio secundum rem est substantialis; quia in re sapientia Dei est substantia eius. Et licet forma sit denominatiua: tamen ea forma Deo propriè non conuenit, nec enim propriè Deus dici potest denominatiuè sapiens, nisi cum hac adiectione intelligatur, nempe abstractis om-
Diuina attributa prædicantur substantia- liter.
Cccc 3 nibus

in rebus imperfectionibus, ac ex consequenti abstracta imperfectione accidentali.

Quare cum Deus dicitur sapiens, sensus est, est sua sapientia, ita ut solum voce sit ea prædicatio accidentalis; re autem substantialis, in rebus verò creatis, prædicatio sapientiæ est accidentalis; quia sapientia creata est accidens, & modo accidentali conuenit. Ex quo patet sapientiam creatam & increatam, in modo prædicandi non conuenire.

*Ad Relationes
diuinas ponan-
tur in Prædi-
camento Rela-
tionis.*

Similiter si quis obiciat, Relationes diuinas poni in prædicamento Relationis; si quidem in ratione generica relationis conueniunt cum relationibus creatis. Respondeo non poni propter easdem rationes: quia, ut dictum est substantiæ & accidenti nihil potest esse commune vniucum: at diuinæ relationes sunt substantiæ non solum identicè, sed & formaliter, creata verò sunt accidentia: ergo non conueniunt vniucè in ratione communi. Non etiam conueniunt in modo prædicandi; quia creata prædicantur accidentaliter, diuina substantialiter: At quæ non conueniunt in eodem modo afficiendi & denominandi primam substantiam, non ponuntur in eodem prædicamento: Ergo nec relationes Diuinæ. Adhæc relatio diuina est ens per essentiam, enti autem per essentiam repugnat indeterminatio generica, ergo & Relationi diuinæ repugnat esse sub aliquo verò genere. quæ ratio vniuersaliter probat de aliis quoque diuinis attributis & perfectionibus.

*Ratio vniuer-
salis præ omni-
bus attributis
diuinis.*



QVÆSTIO V.

An substantia incorruptibiles, ut cali, & Angeli sint in prædicamento.

Difficultatem parit textus Aristotelis 10. Metaphysicæ ultimo, ubi ait corruptibile & incorruptibile differre genere: ex quo sequitur, substantias corruptibiles & incorruptibiles, non esse in eodem genere prædicamenti. Nam si sint in eodem prædicamento, non different genere. Angeli etiam secundum Aristotelem sunt actus puri, & expertes potentiae 3. Metaph. 16. 9. Metaph. 17. 12. Metaph. 30. Non igitur sunt compositi ex genere & differentia: genus enim est potentia, differentia actus.

Dico primò. Secundum Aristotelem incorruptibiles substantiæ non sunt in prædicamento. Ita Averroes 10. Metaph. ultimo. Gandauensis, Niphus, & plerique Recentiores. Ratio est. Quia secundum Aristotelem, corruptibile, & incorruptibile differunt genere. Quid sit autem differre genere apud Aristotelem, patet ibidem, ex textu 12. decimi Metaph. ubi definit quid sit differre genere. Genere inquit differunt, quorum non est communis materia, neque mutua generatio, utpote, quorum alia prædicationis figura est: specie autem differunt, quorum idem genus. dicitur autem genus, quo ambo quæ differunt secundum substantiam idem dicuntur. hæc Aristoteles. Ex quibus tale conficitur argumentum: Secundum Aristotelem, illæ substantiæ differunt genere, quæ differunt materia, illa verò quæ materia differunt, differunt & genere prædicamenti: Ergo quæ differunt genere, differunt genere prædicamenti: Minor assertitur ab Aristotele tum textu 10. tum textu 24. decimi Metaph. ubi ait Aristoteles; in eadem coordinatione

*Quid sit apud
Aristotelem
differre gene-
re.*

tione prædicamenti esse omnia contraria, quæcunq; non genere differunt, indicans omnia quæ genere differunt, non esse in eadem coordinatione prædicamenti. Genus enim supremum secundum Aristotelem sumitur à materia, differentia specifica à forma. Itaque secundum Aristotelem conueniunt, vel differunt genere, quæ conueniunt, vel differunt materia. Cum igitur substantiæ corruptibiles & incorruptibiles differant materia, nam vel sunt materiæ prorsus expertes, vt Angeli, vel non habent communem materiam cum corruptibilibus vt cali, hinc fit vt differant genere Prædicamenti. Idem patet ex ratione Aristotelis textu 26. qua probat corruptibile & incorruptibile differre genere: quia corruptibile & incorruptibile differunt substantia: at si essent idem genere, essent idem substantia: ergo non sunt idem genere. Maiorem probat: quia corruptibilitas & incorruptibilitas, non est accidens aliquod essentiæ rei, vel ab essentiæ rei profluens: non enim per accidens res dicitur corruptibilis, sed necessario & essentialiter, hoc est suam essentia: Quare necesse est corruptibile & incorruptibile diuersam omnino habere essentiam, ac ex consequenti non conuenire in vna essentia generis.

Ex quibus refelluntur duæ expositiones verborum Aristotelis. Prima est dicentium, loqui Aristotelem de genere Physico, id est de materia, non de genere prædicamenti; clarum enim est apud Aristotelem illa quæ differunt genere Physico, differre quoq; genere prædicamenti, vt ex duplici textu citato manifestum est. Cuius rei hæc ratio reddi potest. Quia materia est summum quid in rebus materialibus in quo conuenire possunt. Nam etiam si in formis differant, tamen in materia

teria conueniunt: at si nec in materia conueniunt, simpliciter in nullo conueniunt, ac ex consequenti summo genere differunt.

Secunda. Est Toleti, differre genere, idem significare hoc loco quod differre specie; species enim subalterna dicitur quoq; genus.

At contra. Primò ostensum est quid sit apud Aristotelem differre genere: Quia enim materia summum quid est in substantia, ea quæ materia differunt, summo genere differunt. Secundò in fine textus vigesimi sexti ait Aristoteles; quæ genere diuersa sunt, plus distare, quàm quæ specie; non ergo pro eodem ista vsurpat. Tertiò, in textu vigesimo quarto ait; contraria quæ non genere differunt, esse in eadem coordinatione prædicamenti; ergo vult contraria quæ genere differunt, non esse in eadem coordinatione prædicamenti, ac ex consequenti vult differre non solum specie, sed etiam genere prædicamenti.

Porro propositionem hanc, corruptibile & incorruptibile differre genere, adducit Aristoteles contra Platonem, qui Ideam hominis ponebat incorruptibilem, & tamen esse essentialiter idem cum homine corruptibili. Contra quod opponit hoc principium vniuersale: Corruptibile & incorruptibile differunt genere, vnde patet ex subiecta materia, non de omni re corruptibili & incorruptibili, sed solum de substantiis accipiendum esse axioma. At neq; de quibuscunq; substantiis, sed tantum de completis accipi debet: nam solæ substantiæ completæ sunt corruptibiles, propter materiam, ex qua sunt compositæ. hæ etiam solæ sunt per se in linea & coordinatione prædicamenti.

Idem Aristoteles corruptibile & incorruptibile differre genere, exponitur.

Quare si quis obiiciat materiam esse incorruptibilem, formam corruptibilem, & tamen sunt in eodem genere

prædicamenti. Respondendum est Aristotelem loqui de substantiis completis, quæ solæ ponuntur per se sub genere prædicamenti, non de incompletis, qualis est materia & forma.

Si etiam obijcias, idem genus ratione diuersarum differentiarum, posse esse corruptibile & incorruptibile: vt patet in anima rationali, in qua sensitiuum redditur incorruptibile per identitatem cum rationali, cum tamen in anima bruti sit corruptibile.

Respondendum itidem est, Aristotelem loqui de substantiis completis, quæ non possunt esse diuerso respectu corruptibiles & incorruptibiles, sed necessario sunt vel corruptibiles propter materiam, vel incorruptibiles, propter immaterialitatem, seu propter carentiam materiæ, quæ est principium corruptionis, & sic differendo materia, different totis essentiis atq; adeo genere prædicamenti.

*Secundum Aristotelem quid
dicendum de
Prædicamento
substantiarum
incorruptibili-
um.*

Dices. Vbi ergo collocabuntur secundum Aristotelem substantiæ incorruptibiles. Respondeo vel non collocari in vilo prædicamento, quia prædicamēta sunt pro rebus corruptibilibus & in gratiam rerum corruptibilium cognoscendarum inuenta: vel collocari in alio prædicamento, quod sit pro solis substantiis corruptibilibus, de quo tamen inuentores prædicamentorum non egerunt: Vel deniq; propter similitudinem collocari in eodem prædicamento, sed non in eadem coordinatione prædicamēti, ita vt duæ sint coordinationes prædicamenti substantiæ, quæ in nullo genere vniuoco conueniant, ad vnum tamen genus prædicamenti referantur, propter communem genere modum afficiendi & denominandi primam substantiam. Quanquam nihil hac de re determinauit Aristoteles, neq; quid sentiret exposuit.

Dico

Dico secundò. Secundum veritatem substantiæ incorruptibiles, sunt in prædicamento substantiæ. Ratio est. Quia substantia prædicamentalis est illa quæ substantiæ accidentibus; hanc enim maxime propriam proprietatem substantiæ assignat Aristoteles, quod sit susceptiva contrariorum; atqui substantiæ incorruptibiles substantiæ accidentibus, & suscipiunt contrarium: Ergo sunt substantiæ Prædicamentales. Præterea tam oali, quam Angeli, verè sunt compositi ex genere & differentia, ex gradu communi & proprio: ergo verè sunt sub genere prædicamenti. Nam compositio ex genere & differentia cum sit Metaphysica, & per solam rationem cum fundamento in re, non repugnat Physicæ illorū simplicitati. Nam verè à parte rei essent substantiæ simplices, secundum Aristotelem, & solùm per intellectum eas concipientem, sub duplici conceptu, essent compositæ.

*Cali & Angeli
sunt in Prædicamento sub-
stantiæ.*

At obiici potest primò. Secundum doctrinam Aristotelis 8. Metaph. quam sequitur S. Thomas 2. contra gentes cap. 95. & Ferar. ibidem, genus sumitur à materia, differentia à forma. Cum ergo Angelicum substantiis materialibus non conveniant in materia, sequitur etiam in genere non convenire; ac ex consequenti non posse reponi sub eodem prædicamenti genere.

Respondeo. Et si quidam negant Aristotelem docere genus sumi à materia, sed solùm habere se ut materiam, respectu eius, cuius est genus, quia sicut materia determinatur per formam, & constituitur in certa specie, ita genus determinatur per differentiam, aut certam speciem: nihilominus clariora sunt verba Aristotelis, quàm ut hanc expositionem patiantur, cum 10. Metaph. textu 12. definiens quæ sunt illa, quæ differunt genere ait esse illa, quorum materia non est com-

*Genus sumitur
à Materia.*

munis, & ne dubitemus loqui de materia transmutationis, addit, & inter quæ non est mutua transmutatio. Et sanè passim pro eodem habet, differre genere, & differre materia. Et ratio sumi potest ex eodem textu 12. Nam ibidem ait genus esse id, quo ambo quæ differunt secundum substantiam, idem dicuntur, seu id in quo conueniunt, species essentialiter distinctæ: atqui res habentes distinctas formas, in materia conueniunt; meritò itaq; à materia ait desumi rationem generis. Non quidem quod non possit etiam à forma desumi aliquod genus medium; habet enim etiam forma gradus quosdam communes multis speciebus, à quibus desumi potest ratio generica, sed quòd genus summum desumatur à materia; summum enim in quo res conueniunt est à materia: quare & summum genus in quo species conueniunt erit à materia. Verùm cum ait Aristoteles, genus desumi à materia, neq; de omni genere id intelligit, neq; de omnibus omnino substantiis, sed solum de genere substantiarum materialium; in his enim genus desumitur à materia, ex quo tamen non sequitur, in substantiis immaterialibus, aut non dari genus, aut à materia sumendum esse, sed cum in iis non sit materia, debere desumi summum genus ab eo naturæ gradu, qui sit materiæ quàm simillimus, hoc est maximè indeterminatus & communis.

Obiicies secundò. Saltem, si vera est doctrina Aristotelis quod quæ differunt materia, genere quoq; prædicamenti differunt, sequitur Angelos non conuenire cum rebus materialibus in vno genere prædicamenti. eo quòd non conueniunt in materia, simpliciter enim carent materia.

Quidam

Quidam negant doctrinam Aristotelis de genere Logico veram esse, nec eo sensu ab Aristotele intellectam: at dubitari non potest de mente Aristotelis, cum t. 12. de genere Logico loquatur, quod ibidem definit esse id, in quo ea quæ essentialiter differunt, conueniunt; & differre ait genere, quæ differunt prædicationis figuram, hoc est, prædicamento. Nam quod quidam verba Aristotelis ita interpretantur, ut voluerit dicere, ea, quæ materia differunt, similiter differre, ut ea, quæ prædicationis figura differunt, ea interpretatio minimè quadrat illi loco, quia t. 24. clarè se explicat Aristoteles, quòd ea quæ genere seu materia differunt, non sint in eadem coordinatione prædicamenti: ergo & in tex. 12. hoc idem dicere voluit, nempe ea quæ genere seu materia differunt, non habere eandem, sed diuersam prædicationis figuram.

Dicendum igitur est, doctrinam Aristotelis esse, Ea quæ materia differunt, genere quoque Logico differre, ita ut materiale & immateriale non conueniant vniuocè in aliquo genere, ut supra ostendimus. Porro cum ea quæ vniuocè non conueniunt in aliquo genere, debeant necessariò ad diuersum genus prædicamèti spectare, sequitur secundum Aristotelem plura esse ponenda prædicamenta substantiæ, vnum pro materialibus, aliud pro immaterialibus, cum vtraque secundum Arist. in genere vniuoco nò conueniant. Ex altera verò parte Aristoteles plura prædicamenta nunquam admisit. Quare uti concedendum est id sequi ex hac doctrina, ita quid Aristoteles ea de re senserit, non constare. Nam quod quidam dicunt satis esse ut substantiæ immateriales, reducantur ad genus substantiæ materialis,

lis, tanquam principia & causæ ipsarum, id nequaquam satis est: tum quia substantiæ immateriales, non solum ut principia, sed etiam ut species debent reponi in prædicamento: tum quia non minus hæc ad illas, quàm illæ ad istas reduci deberent, cum utraq; gauderent suo genere substantiæ, & præterea spirituales substantiæ cum sint magis principales, ut potè à quibus dependent substantiæ, materiales potius istæ ad illas reuocari debeant, non illæ ad has. Secundum veritatem tamen, Intelligentiæ cum materialibus, conveniunt uniuocè in eodem genere Prædicamenti, ut dictum est.

Obiicies Tertiò. Aristotelem sapè, cum exempla substantiæ prædicamentalis adducit, enumerare inter alia, cælum quoque & intelligentias ut 6. Metaph. t. 5. 8. Met. t. 1. 12. Met. t. 5. 7. Met. t. 4. Ergo ex sententia Aristotelis, cœli & intelligentiæ sunt in prædicamento, & quidem ut species; quia inter alias species prædicamenti substantiæ, istas etiam numerat. Respondeo. Aristot. in exemplis dandis sapè vulgarem opinionem sequi. Deinde secundum Aristotelem incorruptibiles substantias, ut cælum, & intelligentias esse quidem substantias, sed non in eodem genere substantiæ, cum corruptibilibus substantiis.

QVÆSTIO VI.

Quòdnam sit supremum genus prædicamenti substantiæ.

Huius quæstionis solutio colligenda est ex præcedentibus

tribus quaestionibus; neque enim genus praedicamenti potest esse substantia, in ea amplitudine, quae continet finitam & infinitam. nam substantia infinita non pertinet ad praedicamentum. Neque etiam substantia finita, ut continet completam & incompletam, est genus praedicamenti. Nam substantia incompleta, cum sint partes non ponuntur per se in praedicamento; solum igitur substantia finita completa, ut est genus ad substantias tam corruptibiles quam incorruptibiles, corporeas & spirituales, est gen^o praedicamenti; in linea enim praedicamenti, non ponuntur nisi genera & species completae. Est autem difficultas, quomodo substantia completa sit genus; substantia enim non completur in essentia, nisi per differentiam specificam. At genus abstrahit à differentia specificis. ergo & à complemento. Confirmatur, quia substantia non potest dici completa, nisi ad sint omnia ipsam complementa in ratione substantiae alioqui daretur effectus formalis sine forma; at haec complementa non sunt in genere, sed in specie: ergo substantia in genere non potest dici completa.

Respondeo. Substantiam dici completam, quia significatur per modum totius. neque enim dubium est totum esse quid completum: ergo & quod significatur per modum totius, significatur ut completum quid. Porro totum substantiale est duplex, aliud actuale quod habet partes essentielles actu. quale totum est species quae dicit genus & differentiam actu: aliud est potentiale, quod dicit totam essentiam, sed secundum aliquid actu, secundum aliquid potentia. Tale est genus

Genus quomodo sit quid completum.

Nam ex modo significandi, genus significat totam essentiam speciei, sed vnam rationem actu, aliam potentia. Verbi gratia, Animal significat totum id, quod est animal, quare & hominem & brutum, sed in potentia, nam animal est homo & brutum in potentia, vnde significat totum hominem, sed secundum rationem sensitivam actu, secundum rationalitatem verò in potentia. Ex quo patet ad rationem dubitandi, substantia enim non est completa, sine differentia specifica, verum differentiam dicit species actu, genus verò dicit, solum in potentia, vt dictum est.

QVÆSTIO VII.

De diuisione substantia, in primam & secundam.

*Cur indiuidua
dicantur prima
substantia.*

Primam substantiam, seu essentiam Aristoteles vult esse Indiuidua; secundum genera & species. Vbi primò occurrit difficultas, cur Indiuidua dicantur primæ substantiæ, potius quam genera & species. Nam si rationem substantiæ essentialem spectemus, ea primò competit speciebus, & ratione specierum indiuiduis, cum tota essentia indiuiduorum, in specie contineatur: Ergo species potius dicenda esset, prima substantia, quàm indiuidua. Si verò spectemus proprietates; hæ etiam cùm sequantur essentiam, prius conueniant speciei, quàm indiuiduis.

Dicendum tamen est, in hac diuisione considerari ab Aristotele substantiam, quoad proprietatem substandi, vt per eam proprietatem tanquam magis notam, essentia substantiæ intelligatur. Quia igitur indi-

diuidua in substando sunt prima; nihil enim sub stare potest, nisi existat, ac proinde nisi sit indiuiduum & singulare, species verò & genera, non nisi quatenus in indiuiduis existunt, substant, idcirco indiuidua dicuntur primæ substantiæ, in substando, species verò & genera, eo respectu sunt secundæ substantiæ.

Dices. Accidentia generica primò conueniunt generi, & specifica speciei, vt esse sensitiuum, primò conuenit animali, esse risibile primò conuenit homini: Ergo genera & species sunt primæ substantiæ in substando, respectu suorum accidentium. Respondeo. Accidentia generica & specifica, etsi primò conueniant generi & speciei, quoad essentiam, tamen genus & species non substant actu istis accidentibus, nisi quatenus in indiuiduis existunt; non enim habent rationem subiecti respectu suorum accidentium nisi existant, non existunt autem nisi in indiuiduis. Quare indiuidua sunt prima in substando actu. nam ipsa per se actu substant, genera verò & species substant actu ratione indiuiduorum. Nam si loquamur non de actu substandi, sed de ratione essentiali substandi: sic sub stare primò conuenit speciei, tanquam rationi essentiali substandi. Vnde cum dicimus indiuidua per se primò sub stare, in indiuiduis includimus secundas substantias; secundæ enim substantiæ sunt essentiæ indiuiduorum, & indiuidua, non nisi per suam essentiam sub stare possunt. Dicimus autem secundis substantiis secundariò conuenire proprietatem actu substandi, quia non vt sunt abstractæ ab indiuiduis actu substant, sed vt in indiuiduis existunt, ita vt ob existentiam suam indiuidualem actu subsistent: ob rationem verò specificam, sub stare duntaxat possunt.

*An indiuidua
primò substant.*

Ecce

Sed

Sed obiicies. Ex eo sequi, rationem substandi conuenire Analogicè primæ & secundæ substantiæ; quia secundæ conuenit, ratione primæ: at hoc dici non potest; quia quando eadem forma conuenit duobus, non conuenit illis analogicè, sed vniuocè, cum eadem essentialiter sit in utroque: at qui idem substare conuenit primæ & secundæ substantiæ; si quidem eodem actu substandi quo substat prima substantia, substat & secunda, quatenus in prima existit: ergo substare non conuenit vtrique analogicè.

Substare conuenit vniuocè primæ & secundæ substantiæ.

Respondeo. Substare primò conuenire primæ substantiæ, secundò secundæ, vtrique tamen vniuocè non analogicè. De ratione enim Analogi est, vt conueniat Analogatis, sub diuersa ratione essentiali, sicut de ratione vniuoci est vt conueniat sub eadem ratione essentiali: atqui substare, eadem planè ratione conuenit primæ & secundæ substantiæ: ergo conuenit vniuocè non analogicè; non enim alius actus substandi est, quo substat secunda substantia, alius quo prima. Neque verò obstat vniuocationi quod ratio substandi prius competat primæ quam secundæ substantiæ: quia in vniuoco potest esse inæqualitas, in modo aliquo essendi, licet in essentia formæ debeat esse æqualitas: sic animal nobiliori & potiori ratione conuenit homini, quàm bruto, & tamen vtrique eadem ratione essentiali competit.

Ex quibus patet ad rationem dubitandi. Et si enim si in essentia substantiæ fiat comparatio, genera & species possint dici primæ substantiæ, indiuidua secundæ; quia ex participatione specierum indiuidua sunt substantiæ; tamen si consideretur actus substandi, indiuidua dicenda sunt primæ substantiæ, genera & species

cies secundæ, quia genera & species non nisi vt in indiuiduis existunt, substant, substant enim supponit existentiam, existentia autem naturam indiuiduatam.

Secundò dubitatur, qualis sit ista diuissio substantiæ in primam & secundam. Cum enim varia sint diuisionum genera, nempe generis in species, Analogi in Analogata, subiecti in Accidentia, accidentis in accidentia, totius in partes, meritò quæritur ad quod genus diuisionis hæc diuissio pertinere debeat. Varij enim variè de hac sentiunt & loquuntur.

Qualis sit diuissio in primam & secundam substantiarum.

Dico igitur primo, hanc diuisionem, non esse generis in species. Propter duo. Primò. Quia genus substantiæ, est vnum membrum huius diuisionis; secunda enim substantia continet omnia genera & species, ac ex consequenti ipsum genus generalissimum: Ergo genus substantiæ, non est id quod hic diuiditur, sed id in quod fit diuissio.

Non est diuissio generis in species.

Secundò. Quia si hæc diuissio esset generis in species, indiuidua essent species substantiæ, & summum genus substantiæ esset species substantiæ: quod tamen dici non posse per se manifestum est. Cum nec summum genus habeat supra se aliud genus, cuius sit species, nec indiuidua possint dici species.

Dico secundò. Hanc diuisionem non esse Analogi in Analogata, vti communiter à recentioribus asseritur. Quia hic diuiditur substantia sub ratione substandi considerata: at substant, vniocè non analogicè conuenit vtrique substantiæ. vt ostensum est. Ergo.

Neque Analogi in Analogata.

*Neque totius in
partes.*

Dico Tertiò, hanc diuisionem non esse totius in partes: Quia totum non prædicatur in quid de partibus; pars enim non est totum: at hæc substantia quæ diuiditur, prædicatur in quid de prima & secunda. Ergo:

*Est diuisio sub-
iecti in acci-
dentia.*

Dico quartò. Diuidi in hac diuisione substantiam, quatenus substat in priorem in substando, & posteriorem in substando. Quia igitur prius & posterius substat, sunt accidentia quædam rei substantis; prius enim & posterius dicunt ordinem accidentalem in substando, idcirco hæc diuisio dici potest vel subiecti in accidentia, vel accidentis in accidentia; substat enim proprietas quædam est substantiæ, in qua prius & posterius spectantur, vt accidentales quædam differentia.

*Non est diuisio
in vniuersalem
& singularem.*

Ex quo etiam patet diuisionem hanc substantiæ, non esse in vniuersalem & particularem, vt quidam existimant; non enim hic consideratur substantia, vt vniuersalis vel particularis, sed vt est prima in substando, vel secunda in substando: Alioqui hoc modo liceret diuidere, Quantitatem, Qualitatem, relationem in primam & secundam, sicut licet diuidere in vniuersalem & particularem.

Adde quod Aristoteles reddens rationem quare prima substantia sit magis substantia, quam secunda, non meminit vniuersalitatis & particularitatis, sed solum substandi: Ergo illa ratio est impertinens ad hanc denominationem.



QVÆSTIO VIII.

De proprietatibus Substantie.

SEx proprietates Substantiæ assignat Aristoteles, cir- *Prima proprie-*
 ca quas aliqua adnotanda sunt. Prima proprietas *tas.*
 est, non esse in subiecto. Omnis enim substantia, vel
 absolutè in alio non existit, vel si existit, non existit tan-
 quam in subiecto. Quod enim est in subiecto, existit,
 ut quid extrinsecum subiecto, non constituens illud in
 esse substantiali: pars verò substantialis, ita existit in a-
 lia, ut constituat illam in esse substantiæ completæ, quo-
 circa non existit in illa ut in subiecto; sic formæ substan-
 tiales, & modi sunt quidem in substantia, sed non tanq̃
 in subiecto; non enim solum de ratione subiecti est, ut
 sustentet aliud, sed ut sustentet tanquã quid extraneum,
 ita ut per illud, quod sustentat non constituatur in esse,
 sic accidentia non constituunt subiectum in esse substan-
 tiali, & sunt illi merè extrinseca, dant enim illi esse di-
 versis generis. Forma verò substantialis licet non consti-
 tuat materiam in esse materiæ, constituit tamen ipsam
 in esse substantiali completo. Sic etiam natura huma-
 na est in Verbo non tanquam in subiecto, quia consti-
 tuit Verbum in esse substantiali hominis.

Porro addit Aristoteles primas substantias nec esse *Quomodo sub-*
 in subiecto, nec dici de subiecto, secundas verò non esse *stantia secun-*
 in subiecto, dici tamen de subiecto. Circa quam doctri- *da dicantur de*
 nam sunt aliquæ difficultates: Videtur enim si substan- *subiecto & non*
 tia secunda, dicatur de subiecto, esse quoq; in subiecto, *sint in subiecto,*
 aut si non est in subiecto, neq; dici posse de subiecto.
 Prius enim est esse, quam dici, & esse in aliquo, quam
 dici de aliquo; verumq; est illud pronunciatum logicū,

prædicari sequitur ad esse, ideoq; aliquid dicitur de alio quia inest illi.

Deinde ex omnium sententia, secundæ substantiæ sunt in primis. Genera enim & species non sunt extra indiuidua, sed in Indiuiduis, & superiora sunt in inferioribus, Genus in specie, species in indiuiduo. Non solum autem secundas substantias esse in primis, sed esse tanquam in subiecto probatur, quia substantiæ primæ, sunt subiecta secundarum, quippe secundæ dicuntur de primis, tanquam de subiecto, inferiora enim subiiciuntur superiorib⁹. ergo secundæ quemadmodum dicuntur de primis tanquam de subiectis, ita sunt in primis tanquam in subiectis.

Tertiò non satis constat, quid sit nomine subiecti intelligendum, cum ait Aristoteles dici aliquid de subiecto. Nam si verum est, quod communiter dicunt, Interpretes, nomine subiecti intelligendam esse naturam inferiorem, sequetur differentias non dici de subiecto. Verbi gratia, rationale de homine, quia homo non est quid inferius rationali, quod tamen affirmat Aristoteles hoc loco: At enim bipes, & gressibile de subiecto quidem, quodam homine dici, in subiecto verò, non esse, & vniuersè docet, de quocunq; differentia dicitur, de eo quoq; rationem differentiæ prædicari, vt gressibile de homine, idem patet in Antepædic. cap. 2.

Quarto non rectè videtur definitum dici de subiecto, vt idem sit, quod secundum nomen & rationem, seu essentialiter dici de aliquo: non solum enim quæ essentialiter, sed etiam quæ accidentaliter conveniunt alicui, verè dicuntur de illo: dici enim, sequitur ad esse,

at acci-

at accidentia verè sunt in subiecto, ergò verè dicuntur de subiecto. Nam quod Aristoteles ait accidentia dici tantum secundum nomen, non secundum rationem, id videtur falsum: nomina enim accidentium, cum nō sint nomina inania, significant aliquam rationem realem & veram, eamq; dicunt de subiecto. Non igitur, solum nomen accidentis prædicatur, sed & ratio. Id enim, quod nomina accidentium significant, prædicant de subiecto.

Quinto videtur prima substantia dici de subiecto. Prima enim substantia, est substantia individua. At vna numero substantia individua dicitur de pluribus personis, vt patet in Deo. ergo prima substantia dicitur de subiecto. Nam dici de subiecto secundum Aristot. est dici secundum nomen & rationem, seu essentialiter. Deus autem de tribus personis dicitur secundum nomē & rationem, atq; adeò essentialiter. ergo dicitur de illis tanquam de subiecto. Neq; obstat quod personæ non sunt quid inferius Deo. nam & differentiæ dicuntur de specie, tanquam de subiecto, & tamen species non est inferior differentiis.

Ad primam difficultatem Respondeo. non est necesse id, quod dicitur de subiecto, esse in subiecto, sed satis est, quod sit id, quod ipsum subiectum: Id autem quod est ipsum subiectum, non est propriè in subiecto; id enim propriè dicitur esse in subiecto, quod est quid distinctum à subiecto, & supponit illud in suo esse constitutum. Talia sunt sola accidentia. Hæc enim sunt extra essentiam, subiecti, illiq; adherent. Cum verò instatur. Dici sequitur ad esse, id verum est, sed aliud est esse, aliud inesse; essentialia ergo dicuntur de subiecto, quia sunt ipsum subiectum, non quia sunt in subiecto.

Ad

Primæ substantiæ an sint subiectum secundarum.

Ad secundam Genera & species non sunt propriè loquendo in indiuiduis, sed sunt id quod ipsa indiuidua: dicuntur enim in quid de indiuiduis, aliud verò est, esse in aliquo, aliud esse illud. Ex quo patet, quod licet indiuidua & primæ substantiæ sint subiectum secundarum; non tamen sunt subiectum inhesionis, in quo existant secundæ substantiæ: Sunt enim idem, quod secundæ substantiæ; sed solum sunt subiectum per rationem distinguentem illa inter se & vniuentem. Huius autem subiectionis fundamentum est in re, quia in re est fundamentum ad distinguendam naturam superiorem & inferiorem. Ex quo patet Genera & species non nisi; per intellectum distinguentem illa ab indiuiduis, esse in indiuiduis; in re enim sunt idem quod indiuidua. Quamuis autem indiuidua sint respectu Generum & specierum subiecta: non sunt tamen subiecta inhesionis sed identitatis essentialis. Quocirca non sunt in indiuiduis tanquam in subiecto. Esse enim in subiecto, propriè & simpliciter, est existere realiter in aliquo tanquam in subiecto inhesionis.

Differentia dicitur de specie tanquam de subiecto.

Ad Tertiam. Communiter Interpretes nomine subiecti intelligunt naturam inferiorem, & verè subiectam siue hæc subiecto sit in ordine ad naturam superiorem, quomodo indiuidua subiiciuntur speciei, & species generi, siue sit in ordine, ad id quod verè insit naturæ, quomodo species subiicitur differentiæ & totum parti. Neque valet quorundam instantia secundum Aristotelem, differentias solum de indiuiduis speciei dici tanquam de subiecto, non verò de specie. Nam expressè Aristoteles exemplum dat, non solum indiuidui, sed etiam speciei. Vult enim gressibile dici non solum de quodam homine, sed etiam de homine. Deinde cum secundum Aristote-

Aristotelem dici de subiecto, sit dici secundum nomen & rationem, ut hic etiam expressè docet Aristoteles, consequens est differentiam etiam de specie dici tanquam de subiecto.

Ad quartam Respondeo, secundum Aristot. id solum dicitur absolute de subiecto, quod de eo dicitur essentialiter, seu quod ita dicitur, ut significet quid sit subiectum in sua essentia. sicut enim subiectum, simpliciter est id, quod est per suam essentiam, secundum quid autem est per accidentia: ita simpliciter id solum dicitur de subiecto, quod eius essentiam dicit; accidentia verò, quia non dicunt quid sit subiectum secundum essentiam, non dicuntur simpliciter de subiecto. Quod autem ait Aristoteles accidentia secundum nomen, & non secundum rationem dici, id ita accipiendum est, non quod solum nomen accidentium prædicetur sine re, sed quod non prædicetur secundum rationem, hoc est ita, ut dicant ipsam essentiam & rationem subiecti. Quare albedo denominat solum hominem album, sed non dicit, quæ sit ratio hominis, & ideo non dicitur de subiecto, quia non dicit quid sit ipsum subiectum: aliud est enim esse hominis, aliud esse albi. Quare cum in obiectione dicitur, accidens cum verè insit subiecto, verè quoque dici de subiecto, concedendum est secundum quid, non simpliciter: quia secundum nomen, non secundum rationem: id enim simpliciter dicitur de subiecto, quod secundum rationem dicitur de illo, explicando quid sit subiectum. Accidentia verò non simpliciter dicuntur de subiecto ut subiectum est, sed ut est, vel quantum, vel quale, vel alio modo.

Quid sit dici de subiecto.

Accidens non dicitur de subiecto.

circa ea, quæ ipsi adueniunt, se habet, & licet suam rationem prædicant, non tamen ut ratio est.

Ad quintam. Cum natura Individua prædicatur de persona, non prædicatur de aliqua subiecta natura, sed de seipsa, subsistente personaliter. Subsistentia enim non constituit naturam, nec dat illi esse naturæ, sed solum dat illi subsistere: Quocirca ex prædicatione naturæ de persona inferri non potest, individuum prædicari de subiecto. Quod etiã ex eo patet, quia subiecta natura, debet esse distincta natura ab eo, cui subiicitur; nihil enim potest subiici sibi ipsi. Vnde & species quia subiicitur generi est à genere distincta per differentiam specificam, & individuum quia subiicitur speciei est ab illa distinctum per differentiam numericam. Cum igitur natura subsistens personaliter, non sit distincta in ratione naturæ à natura individua, non potest dici subiecta naturæ individuali. Ac proinde nec persona est verè natura subiecta naturæ individuali, nec individuum de ea prædicatur tanquam de subiecto.

Secunda Proprietas.

Secunda proprietas est. Vniuocè prædicari de primis. Hæc proprietas soli secundæ substantiæ convenit: hæc enim sola vniuocè, hoc est secundum nomen & rationem de prima prædicatur.

Quod si dicas: etiam accidentia prædicari de prima substantia secundum nomen & rationem. Respondeo. prædicari quidem secundum rationem suam, sed non secundum rationem subiecti, quia ratio accidentium, non est ratio subiecti, solum igitur id quod ita prædicatur de subiecto, ut eius ratio sit ratio subiecti,

iecti, prædicatur vniuocè simpliciter, accidentia verò prædicantur denominatiuè, non absolutè vniuocè.

Tertia, proprietas est. Hoc aliquid significare, id est significare vnum numero existens: Hæc proprietas soli primæ substantiæ competit. Nam secunda videtur significare hoc aliquid quoad vocem, reuera tamen significat id quod est commune multis. Magis autem, significat quale quid, quam hoc aliquid: quia quale dicit determinationem entis, genera autem & species determinant essentiam ad tale esse, & ideo sunt qualitates essentiales substantiæ. Quod si dicas. Si genera & species significant quale quid; ergo prædicantur in, quale quid. Respondeo. Licet res, quam significant, sit quale quid, seu qualitas essentialis, modus tamen significandi generis & speciei non est per modum qualitatis adiacentis subiecto, sed per modum per se existentis. Nam & ipsæ qualitates si concipiuntur per modum qualitatum inexistentium, subiectis; prædicantur in quale de subiectis, si verò concipiuntur per modum per se existentium prædicantur in quid, de suis inferioribus, non in quale, vt albedo est color. Tantum valet ad prædicandum modus significandi.

Dices, etiam accidentia significant hoc aliquid, quia significant quid determinatum. Respondeo. Accidentia si sumantur in abstracto, non significant hoc aliquid, quia in abstracto non existunt; si verò sumantur in concreto, formaliter significant quale aliquid, materialiter verò significant hoc aliquid, nempe subiectum quod est hoc aliquid.

4.

Quarta proprietas est. Substantiæ nihil esse contrarium. Contraria enim versantur circa idem subiectum à quo se expellunt: at substantiæ non sunt in subiecto, non igitur sunt contrariæ. Quæ ratio concludit de substantiis completis; hæ enim nullo modo sunt in alio. Atinques, ignis & aqua se mutuò tollunt: ergo sunt contraria. Respondeo, esse contraria ratione qualitatum, non ratione substantiarum. Nam licet ipsæ substantiæ se mutuò perimant, tamen ista peremptio substantiarum, non prouenit ex contrarietate ipsarum, sed ex dependentia ab accidentibus, quæ si tollantur, tolli necesse est substantiam. Id ita esse, patet ex eo, quod quædam substantiæ pereunt solum ob destructionem dispositionum necessariarum, nulla existente substantia contraria, ut cum deficiente calore naturali, moritur viuens: quædam verò substantiæ pereunt, actione substantiæ nullo modo aduersæ & contrariæ, sed a micæ potius; ut cum quædam actione solis viuificantis, & cōseruantis omnia corrumpuntur. Quin etiam cum vna substantia succedit in locum alterius (quæ videtur in speciem contrarietas) ut cum ex ligno fit ignis, illa successio non fit per exclusionem, vel oppositionem substantiarum, sed solum per exclusionem accidentium, à quibus prior forma dependebat in cōseruari, & per inductionem nouorum accidentium ex quibus noua forma consequitur. Cuius etiā rei hoc argumētum est, quod quælibet forma cuilibet formæ potest succedere in eadē materia, dummodò habeat ibi suas necessarias dispositiones; & tamen non quælibet forma cuilibet est contraria; Vnum enim vni est contrarium. Deinde ista successio accidit etiam in formis subordinatis, quæ nullo modo sunt contrariæ, ut in forma seminis & viu-

tis,

tis, cum ex semine sit viuens, vel ex elementis mixtum. Non igitur ista successio referenda est in oppositionem formarum substantialium, sed in dependētiā earum ab accidentibus & dispositionibus; Destructis enim dispositionibus formæ præcedentis, necesse est illam perire, & inductis dispositionibus nouæ formæ, necesse est nouam formam succedere. Quocirca vt formæ sint contrariæ, non satis est, vt sibi succedant in eodem subiecto, neque vt se ab eodem subiecto excludant per accidens ob defectum dispositionum, sed requiritur vt se excludant per se propter formalem oppositionem substantiale; sicut calor per se excludit frigus propter suam entitatiuam oppositionem.

Sed obiices primò. Aristoteles 1. Physic. statuit principia rerum naturalium contraria. Respondeo. ista principia contraria esse formam & priuationem, quæ non sunt contraria positivè (vti hîc de contrariis loquimur) sed priuatiuè vt non ens enti dicitur contrarium. Quod si de contrariis positivis intelligatur: dicendum est: formas substantiales esse contrarias, ratione dispositionum, qualis contrarietas sufficit ad transmutationem, de qua ibi loquitur Aristoteles.

Obiices secundò. ex 10. Metaph. Omne genus diuiditur per contrarias differentias, contraria enim sunt, quæ sub eodem genere maximè distant: ergo & sub genere substantiæ differentiæ maximè distantes erunt contrariæ.

Respondeo. Ista contrarietas differentiarum si sit solum negatiua, inuenitur etiam in genere substantiæ, vt cum substantia diuiditur in corruptibilem, & in incorruptibilem, corruptibilis in viuentem & non viuētem, animal in rationale & irrationale: si verò sit positiua,

riua, non in omni genere inuenitur propriè sed tantum in genere qualitatis, vt inter calorem & frigus, albedinem & nigredinem. Illa verò quæ inuenitur in omni genere non constituit Physicam, sed tantum Metaphysicam contrarietatem: Nam Physica sumitur respectu eiusdem subiecti, Metaphysica verò respectu generis à quo oppositæ differentiæ eo sensu se excludunt, quia non possunt simul in eodem eadem conuenire.

Obiicies tertio. Ex effectibus colligimus naturam causarum, & ex accidentibus naturam substantiarum: atqui multæ substantiæ habent effectus contrarios, & accidentia contraria: Ergo & naturas contrarias.

Respondeo. Non posse ex effectibus contrariis colligi contrarietatem causarum: quia ab eadem causâ contrarii effectus prouenire possunt, V. G. ab eadem voluntate, actus volendi & nolendi; ab eodem intellectu, actus affirmandi & negandi; ab eadem primâ causâ omnes effectus contrarii: quamuis enim si causâ sint vniocæ possint ex contrariis effectibus inferri contrariæ causæ, vt cum calor est causâ caloris, frigus frigoris; tamen si causæ sint æquiuocæ, hoc est diuersæ naturæ ab effectibus, non potest id colligi, quia tales causæ non commensurantur suis effectibus, sed illos excedunt. Vnde fit vt quamuis effectus, in naturis limitatis sint inter se contrarij, tamen vt virtute continentur in sua causâ non sunt contrarii, sed vnum, quia perdunt suam limitationem, sub qua erant contrarii, vt fiant vna perfectio illimitata. Hinc lumen non est contrarium frigori, & si producat effectum frigori contrarium, nempe calorem, quia est causâ

causa caloris æquiuoca, potestque simul cum frigore lumen in eodem subiecto manere. Simili modo ex contrarietate accidentium, non possumus colligere contrarietatem substantiarum; quia substantiæ sunt causæ æquiuocæ accidentium. Quare quod quidam aiunt, substantias esse contrarias virtualiter, Si intelligant esse contrarias in effectibus, quos continent virtualiter, verum dicunt; sed hoc nihil aliud est, quam effectus habere contrarios. Si verò velint propter hanc continentiam virtuales contrariorum, esse etiam in se, & in entitate sua contrarias, falsum est: Nam virtualis illa continentia contrariorum, nullam inducit contrarietatem in ipsis causis continentibus, vt patet in lumine & frigore, quæ produciunt contrarios effectus, ipsa verò in se non sunt contraria.

Quinta proprietas Substantiæ est, non suscipere magis & minus: Patet inductione: Quia vnus homo non est magis homo quam alter. Non est autem facile asserere veram causam, propter quam aliqua recipiant magis & minus, aliqua non. Potest tamen sic res tota explicari. Id suscipit magis & minus, quod participat aliquam rationem, vel formam non secundum totam eius perfectionem; sed secundum maiorem, vel minorem, vt aqua cum sit magis calida, recipit calorem secundum maiorem eius perfectionem. Ea verò non recipiunt magis & minus, quæ habent aliquam formam in indiuisibili consistentem, & quæ non potest participari diuisibilitate secundum maiorem vel minorem perfectionem, sed tota simul. Talis perfectio est substantiæ:

dicic

dicit enim substantia essentiam per se existentem: at essentia sub ratione essentiae, non potest nisi indiuisibiliter haberi, & tota simul; Commune enim est axioma Philosophorū, essentias rerum cōsistere in indiuisibili, esseque sicut numeros, qui omni additione & subtractione unitatis, mutantur essentialiter. Constituitur, n. essentia in ratione essentiae per gen⁹ & differentiā. Si igitur vel genus vel differentiā subtrahas, tolletur essentia, si verò addas nouā differentiā ad essentiā, erit alia essentia. Cū igitur substantia significetur per modum essentiae, per se stantis, essentia autem consistit in indiuisibili, hinc fit, vt substantia non recipiat magis & minus. Quod adeò verum est, vt ne accidentia quidem, quae magis vel minus recipere possunt in subiecto, secundum maiorem vel minorem suam perfectionem, si tamen significantur per modum essentiae per se stantis, non recipiant magis vel minus. Nam album, V. G. dicimus magis vel minus album, quia potest subiectum habere maiorem vel minorem perfectionem albedinis: at albedinem non dicimus esse magis vel minus albedinem, quia significatur per modum essentiae, per se stantis; omnis autem essentia consistit in indiuisibili, ita vt ei nihil addi vel detrahi essentiale possit.

Dices. albedo potest esse maior vel minor: Ergo non consistit in indiuisibili, & potest maior albedo dici magis albedo, minor minus. Respondeo albedinem secundum essentiam consistere in indiuisibili; quia nihil essentiale ei addi, vel subtrahi potest. & ideo essentialiter non recipit magis & minus: & quia nomine abstracto significatur essentialiter, ideo vt tali nomine significatur non recipit magis & minus. Quoad partes tam intensiuas quàm extensiuas, est diuisibilis: neque
tamen

tamen propter has partes dicetur magis albedo: quia ut significatur nomine albedinis significatur per modum essentia per se stantis, & esse magis albedinem esse secundum essentiam albedinis esse maiorem; cum tamen non maior sit essentia albedinis, in magna, quam in parua albedine, quia in vtraque essentia definitur, genere & differentiâ.

Ex quo patet magis & minus dici solum respectu alicuius subiecti participantis aliquam formam secundum maiorem vel minorem eius perfectionem, ita ut & subiectum dicatur magistale, quia maiorem formæ perfectionem participat, & forma dicatur, magis inesse subiecto, quatenus maiori sua perfectione inest, in se autem forma non dicitur magis forma, sed solum respectu subiecti à quo magis vel minus participatur.

Duo autem sunt notanda, aliud esse maius vel minus, aliud magis vel minus. Maius enim & minus spectatur secundum extensionem quandam formæ & plures partes, quas habet in diuersis partibus subiecti: Magis autem vel minus sumitur secundum maiorem vel minorem perfectionem formæ, participatam in eodem subiecto, vel in eadem eius parte. Quare forma in seipsa habens plures partes vel pauciores non dicitur magis vel minus forma, sed maior vel minor forma, prout verò illas partes plures, vel pauciores habet in eadem parte subiecti, est ratio subiecto ut dicatur magis vel minus tale: Prout verò illas plures partes habet in distinctis partibus subiecti facit subiectum maius tale, non magis tale. Quare cum homo crescit & augetur, non fit magis homo, sed maior homo, quia

hoc incrementum fit per additionem nouarum partium subiecti: aqua verò cùm in eadem parte subiecti crescit in calore, dicitur magis calida.

Alterum est. Substantiam quidem quatenus substantia est, hoc est, quatenus est essentia quadam perse stans, non recipere magis & minus, vt dictum est. Verùm si consideretur in ordine ad aliquam proprietatem, quam magis vel minus participat, potest dici recipere magis vel minus. Sic Aristoteles primam substantiam ait esse magis substantiam, quàm secundam, & inter secundas, speciem magis esse substantiam, quàm genus: non quidem in essentia substantiæ, sed in substando; Est enim magis substans prima essentia quàm secunda; nam secunda ratione primæ substat, prima verò per se & ratione sui. Quod si dicas, species abstractas substat generi & proprietatibus specificis. Respondeo. Hunc actum substandi non esse realem, sed conceptum ab intellectu, realiter, autem species non substat generi, nisi existens in indiuiduis.

6. Sexta proprietas, eaque maximè propria substantiæ est, vt vna numero manens sit contrariorum susceptiua. Vbi duo quæri possunt: Primò. An hæc proprietas soli primæ substantiæ competat, vel etiam secundæ; si enim solùm dixisset Aristoteles. Substantiam esse susceptiuam contrariorum, facilè id accommodarem etiam secundis substantiis, quæ ratione primarum dicuntur recipere contraria: quæ enim contraria prædicantur de primis substantiis, possunt etiam prædicari de secundis ratione primarum, vt quia Petrus potest esse calidus vel frigidus, homo quo-

que

que dicitur calidus vel frigidus. At quia addit Aristoteles; [Cum vna numero sit] id verò facit difficultatem. Videtur enim Aristoteles requirere vnitatem numericam in substantia, adhuc ut sit susceptiva contrariorum: Vnitas autem numerica, nullo modo conuenit secundis substantiis, sed tantum primis; secundæ enim substantiæ sunt genera & species: genera autem & species constituuntur per abstractionem, à singularibus, & ab vnitate numerica, & habent vnitatem communem multis, quæ est opposita vnitati numericæ: ergo impossibile est vnitatem numericam, transferri vllomodo ad secundas substantias; secundæ enim substantiæ, eo ipso, quod induunt vnitatem numericam, desinunt esse genera & species. Caietanus agit, Albertus, Simplicius, aiunt hanc proprietatem accommodari secundis substantiis, ratione primarum; quia quatenus existunt in primis substantiis, recipiunt contraria, ut autem existunt in primis substantiis sunt vnum numero, quare tunc non considerantur, ut abstracta à singularibus, sed solum secundum quod existunt in singularibus.

Secundò quæri potest: An omnibus primis substantiis id conueniat. Nam de cœlis, & Angelis id videtur dubium. Dicendum tamen est etiam cœlos suo modo contraria recipere suæ naturæ conuenientia. Nam si cœlum constet materia eiusdem rationis, cum materia sublunarium, potest quoque recipere eadem contraria, quæ materia sublunaris recipit: si verò cœli habeant materiam diuersæ rationis à materia sublunari, possunt saltem contraria priuatiua recipere, ut lumen, & priuationem luminis: possunt etiam habere motus contrarios, ab oriente & in oriente. Angeli

verò non habent quidem accidentia contraria corruptiua suæ substantiæ, habent tamen actus contrarios volendi & nolendi, & motus locales contrarios, & contraria priuatiua quæ non minus indicant veram rationem substantiæ, quàm contraria positiua.

Tertiò, queri potest. An soli substantiæ, id competat. Videtur enim etiam accidenti competere: tum quia quantitas recipit ea omnia contraria, quæ materia recipit; mediante enim quantitate omnia accidentia recipiuntur in materia: tum quia oratio est accidens, & tamen eadem numero manens, ex vera fit falsa, mutato obiecto: tum quia potentiæ animæ sunt accidentia, & tamen contraria recipiunt, actus volendi & nolendi, affirmandi & negandi.

Dicendum tamen est. Soli substantiæ conuenire hanc proprietatem. Quia recipere contraria, per modum subiecti, solius est substantiæ; accidentia enim non per modum subiecti recipiunt contraria; sed aliis modis: sic quantitas & potentiæ animæ recipiunt contraria, tanquam media quædam interposita, non autem vt subiectum. Quod verò ad orationem attinet, ea propriè non recipit veritatem & falsitatem; non enim per alicuius rei in se receptionem, sed per solam obiecti extrinseci mutationem, dicitur vera vel falsa. Vnde sine vlla sui mutatione intrinseca fit ex vera falsa, & ex falsa vera.

At dices. Aristotelem absolutè tribuere hanc proprietatem substantiæ, nulla facta mentione subiecti; neque cùm soluit obiectionem de oratione suscipiente verum vel falsum, recurrit ad rationem subiecti, sed solum ait, orationem non verè recipere veritatem

& falsitatem, quia absq; vlla sui mutatione. Respon-
deo, non fuisse opus adicere vocem subiecti, cū ea
satis contineatur in voce suscipiendi, quid enim pro-
priè suscipit formam nisi subiectum? deinde cū de
substantia loquitur, intelligit de ea susceptione quæ
substantiæ competit, modus autem suscipiendi pro-
prius est substantiæ, suscipere per modū subiecti. Non
soluit autem obiectionem de oratione, negando quòd
oratio sit subiectum, sed negando quòd verè aliquid re-
cipiat; voluit enim ostendere, illa etiam alia via, & ex
illo alio capite, dictam proprietatem orationi non con-
uenire. Quanquam cum probat orationem non esse
verè susceptiuam, eo ipso probat non esse sub-
iectum, cū subiecti proprium sit
esse susceptiuum.

¶ (o) ¶





DISPUTATIO IX.

De Quantitate.

*De quantitate hoc loco tractabimus ea solùm
quæ ad species quantitatis & summum ge-
nus predicamenti cognoscendum pertinet,
reliqua reseruando ad Physicam.*

QVÆSTIO PRIMA.

*An sola quantitas molis sit verè & pro-
priè quantitas.*

*Quantitas molis
quæ dicatur.*



Quantitas molis seu magnitudinis, ea dici-
tur, quæ in corporibus inuenitur, longitu-
dine, latitudine, profunditate constans.
hec enim molem corpoream constituunt:
videtur igitur non sola quantitas molis esse verè & pro-
priè quantitas.

Primò. Quia datur etiam quantitas perfectionis,
virtutis, intensiōis, valoris, ponderis, & aliarum simi-
lium rerum. Dicimus enim & perfectionem magnam,
& virtutem magnam, & calorem intensum magnum;
item valorem magnum, magnum pondus. Neq; verò
aliquid essentialē deest his quantitatibus ad rationem
veræ quantitatis. Nam & ratio essentialis quantitatis,
quæ est ratio partium, & omnes quætitatis proprietates,

his

his quantitatibus verè competunt; alioqui si hæ quantitates non conuenirent in vna generica ratione quantitatis, cum quantitate molis, essent statuenda duo prædicamenta quantitatis, alterum pro quantitate molis; alterum pro aliis quantitatibus.

Secundò. Dantur quantitates successiuæ, qualis est quantitas motus, & temporis, quas esse verè quantitates ex eo patet quòd sint continuæ, & habent partes communi termino copulatas, sicut & in magnitudinibus videmus, eo solùm discrimine quòd magnitudo est quantitas continua permanens, hæ verò sunt successiuæ.

Tertiò. Quantitas etiam discreta, vt numerus, est vera quantitas. Si enim magnitudo est quantitas, cur non multitudo? & quidem ratio quantitatis in multitudine partium consistens est distincta à ratione quantitatis consistentis in ratione partium continuatarum. Neque enim dubium est, aliam quantitatem esse duarum linearum, aliam verò vnius lineæ continuæ decem diuisis æqualem: vnde & diuersæ fiunt interrogationes ac responsiones de quantitate continua, ac discreta. Vt cum dicimus, quanta est linea? & quot sint lineæ? ad primam respondetur per quantitatem continuam, ad secundam per discretam.

Dicendum tamen est. Solam quantitatem molis esse verè & propriè quantitatem. tum quia sola quantitas molis, est accidens peculiare, cuius tota essentia non est alia, quàm essentia quantitatis. Aliæ enim quantitates non distinguuntur realiter à re quanta, sed sunt idem cum essentiis earum rerum quarum dicuntur quantitates. tum quia per ordinem ad quantitatem molis, omnes aliæ quantitates dicuntur quantitates, siue quod similitudinem habeant cum quantitate molis, siue quòd ordi-

Quantitas molis sola est verè & propriè quantitas.

ordinem dicant ad ipsam in ratione quantitatis, & propter talem ordinem participant rationem quantitatis.

Propter similitudinem dicuntur quantitates; quantitas perfectionis, quantitas virtutis, intensiōis, valoris, & similia. In his enim est similitudo quædam quantitatis, quæ in eo est posita, quod sicut quantitas molis dicit extensionem quandam partium extra partes, ita & dictæ quantitates suo modo quandam extensionem partium habent.

Partes sumuntur dupliciter, & faciunt totum, & faciunt totum extensum.

Quod si dicas has quantitates habere veras partes; ergo & veram rationem quantitatis. Respondeo. Partes dupliciter sumi posse. Primò. vt faciunt totum. Secundò. vt faciunt totum extensum. Primo modo sunt partes in omni toto, etiam non quantitativo. Nam totum substantiale constans materia & forma habet partes, etiam abstractum ab omni quantitate: similiter totum essentialē ex genere & differentia constitutum, totum intensiū ex gradibus qualitatis constans. At partes secundo modo acceptæ hoc est partes facientes extensionem, propriè inveniuntur in sola quantitate molis, in aliis verò impropriè & metaphoricè. Nam sola quantitas molis habet partes extra partes, ita vt vna non penetret alteram, sed sit extra alteram & extra locum alterius: in aliis verò partes, extra partes propriè non inveniuntur nisi secundum quandam proportionem, & similitudinem. Sunt enim simpliciter partes intra partes, ac proinde non est in illis vera extensio nisi secundū similitudinem & comparisonem cum quantitate corporea.

Quantitas successiva quomodo sit quantitas.

Propter ordinem autem ad quantitatem molis dicitur quantitas, Quantitas successiva. Quantitas successiva vt est Motus & Tempus non habet rationem quantitatis.

titatis nisi per ordinem & respectum ad quantitatem spatii molis, & coëxistentiam, ac coëxtensionem quandam cū spatio. Hanc enim ob causam Aristoteles motum & tempus dicit esse quanta per accidens. Motus enim est quantus per ordinem ad spatium: nam quatenus mobile habet se diuisibiliter in spatio nunc in hac nunc in illa parte spatii, dicitur motus esse quantus; & maior vel minor, quatenus in maiori vel minori spatio conficitur.

Tempus etiam cum sit duratio, & ipsa quantitas motus, & idem cum motu sumit suam quantitatem, eodem modo quo motus hoc est à successione mobilis in alia & alia parte spatii, ac proinde per ordinem & respectum ad spatium.

At inquires, successiva sunt essentialiter continua. Ergo essentialiter quanta. Respondeo. Sicut sunt quanta per accidens, ex quantitate spatii, ita sunt quanta per accidens ex continuatione spatii.

Dices, hac ratione motus non esset intrinsecè quantus, sed per denominationem extrinsecam à quantitate spatii. Respondeo. Motus cū intrinsecè respiciat spatium, & per ordinem ad spatiū, seu ex modo se habendi in spatio habeat suam essentiam, mirum non est per ordinem ad spatium habere suam quantitatem: siue quòd quantitas spatii extrinsecè denominet motum: siue quòd quantitas intrinseca motus dicatur, respectu quantitatis spatii: & partes mobiles vt se habent successive in alia & alia parte spatii sint motus, de quo suo loco.

Motus quare ratione sit intrinsecè quantus.

Quod attinet ad quantitatem discretam dico. Eatenus esse veram & propriam quantitatem, quatenus continet in se Quantitatem molis. Explico. In quantitate discreta duo considerari possunt. Primò ratio for-

Quantitas discreta an vera quantitas.

H h h h

malis

malis multitudinis seu numeri. quæ est collectio certa unitatum. Secundo. quod illa multitudo & numerus sit in rebus quantis. Ratione primi. Quantitas discreta non habet veram rationem Quantitatis. tum quia multitudo & numerus secundum rationem suam formalem inuenitur in rebus spiritualibus, in quibus non est vera quantitas. tum quia vera quantitas consistit in ratione partium extra partes. At partes numeri ex sua propria ratione non sunt extra partes. Equè enim numeri ratio saluatur, si unitates quæ sunt partes numeri sint intra se sicut si sint extra se. v. g. centenarius Angelorum æquè saluatur si Angeli sint intra idem spacium, sicut si extra. Vnde numerus ex ratione sua formali & propria non requirit partes extra partes, nec unitates tales, quarum una sit extra aliam, ac proinde ex ratione sua formali non est vera & propria quantitas, neque prædicamentalis sed transcendentalis vt infra dicetur.

Ratione verò secundi, quantitas discreta est vera quantitas: quia habet partes extra partes. Verum quia id totum prouenit à quantitate molis qua sunt affectæ partes numeri seu quantitatis discretæ, idcirco quantitas discreta non nisi vt continetur in se quantitatem molis habet veram rationem Quantitatis. Et quia quantitas molis pertinet ad illam materialiter, idcirco materialiter tantum est vera Quantitas. Id verò quod formaliter dicit quantitas discreta supra quantitatem molis est collectio unitatum quæ ratio est ex se transcendentalis. Conuenit enim æquè rebus corporeis & spiritualibus, substantiis & accidentibus: item æquè iis quæ verè quantæ sunt; sicut iis quæ non sunt verè quantæ. In Angelis enim verè inuenitur multitudo & numerus, in quibus tamen nemo dixerit esse veram quantitatem. Spirituali-

ritualibus enim non inest vera quantitas. Vnde ex ratione sua formali habet quidem quantitas discreta rationem aliquam quantitatis (multitudo enim & numerus dicitur maior vel minor quæ proprietates quantitatis) tamen ea quantitas nec est vera quantitas, quia non dicit partes extra partes, nec est prædicamentalis sed transcendentalis, cum inueniatur in omnibus prædicamentorum generibus, ut infra docebitur. Vnde etiam sequitur: quantitatem discretam differre à quantitate continua solum accidentali differentia. Sicut quantitas diuisa à seipsa indiuisa differt. Quantitas enim discreta est diuisa; continua indiuisa. Et ex hac differentia accidentali provenit omnis diuersitas, quæ est inter quantitatem discretam & continuam. Et hoc verum est ex natura rei loquendo de quantitate discreta. Nam si loquamur de ea ut concipitur à nobis, aliud est dicendum, de quo infra erit peculiaris quæstio.

QVÆSTIO II.

De quantitate magnitudinis in quonam eius essentia consistat.

IN quantitate magnitudinis multa considerari possunt: ratio partium extra partes, extensio in loco, diuisibilitas, mensurabilitas, impenetrabilitas, continuitas. Quæritur igitur in quo potissimum ratio quantitatis consistat; non enim hæc omnia ad essentiam quantitatis æquè pertinent. Quidam igitur quantitatis essentiam dicunt esse diuisibilitatem, alii mensurabilitatem, alii extensionem, alii rationem partium extra partes: quæ sententia communior est & vera. Essentia enim est id quod est primum in re & causa cæterorum, talis est in

*Quantitatis
essentia est ratio
partium extra
partes.*

quantitate ratio partium extra partes. Nam alia omnia quæ conueniunt quantitati supponunt rationem partium tanquam fundamentum & causam, ipsa verò ratio partium extra partes; nullam aliam priorem rationem supponit, in qua fundetur & ex qua proueniat: quia enim quantitas habet partes extra partes, ideo in eas diuidi potest, & secundum eas mensurari, & ad alia mensuranda adhiberi, non verò è conuerso, quia diuidi & mensurari potest, ideo habet partes: prius enim est habere partes, quàm in eas diuidi. Impenetrabilitas etiam partium supponit partes extra partes: prius enim sunt partes, quoad substantiam, quàm conueniat penetrari non posse, ita vt penetrabilitas sit proprietas quædam partium extra partes. Continuitas etiam est vnio quædam ac vinculum partium quantitatis. Omnis autem vnio supponit partes; quia vniri debent, quare & continuitas supponit partes extra partes, & solum dicit modum quædam earum seu vnionem. Denique extensio in ordine ad locum non est prima ratio quantitatis: supponit enim quantitatem in se extensam, & habentem in se ipsa partes extra partes. Prius enim est esse in se extensum, quàm coëxtendi loco; cum illa ipsa extensio, quares in se extensa est, applicetur loco. Quocirca ea quæ nullam in se extensionem habent non sunt etiam extensa in loco: quodd si locum occupant, inextensa occupant, & indiuisibiliter, ita vt sint tota in toto, & tota in singulis loci partibus: quomodo Angelus est in loco & anima rationalis in corpore. Vt ergo aliqua sint extensa in loco, debent esse prius extensa in se per partes extra partes.

*Quantitatem
essentialiter
habere partes
extra partes.*

Verum obijciunt primò. Cū dicitur essentiā quantitatis esse partes extra partes, vel intelligunt partes esse extra partes entitatiuè, vt vna nō sit alia, vel quātitatiuè, vt vna sit extra locum alterius; Si primū, hoc est comune omni Tori.

In

In omni. n. Toto vna pars non est alia alioqui totum nõ
 esset cõpositum ex plurib⁹, sed esset vnũ quid simplex.
 Cũ ergo omne Totũ habeat partes extra partes enti-
 tatiuè, sequeretur omne Totũ esse quantitatiũ, q. ta-
 men falsum est in Toto substantiali, & in Toto intensi-
 uo. Si secundũ, non potest explicari, quomodo
 in quantitate sint partes extra partes. Nam si dicantur
 esse extra partes loci, iam ostensum est non eam esse
 primam rationem quantitatis: abstrahendo verò à lo-
 co, vix potest concipi quomodo partes sint extra partes,
 in quantitate. Respondeo. Modus proprius, quo pars
 quantitatis est extra aliam partem, est ita esse extra a-
 liam, vt naturaliter sit extra locum alterius, & non pos-
 sit ab alia penetrari in eodem loco: non quòd extensio
 partium in loco sit essentia quantitatis, sed quod ea ex-
 tensio indicet essentialem extensionem quantitatis.
 Nam vt dictum est extensio in loco supponit extensio-
 nem partium in ipsa quantitate. Per suas enim partes
 in se extensas quantitas debet coextendi partibus loci.
 Vnde fit si extensio partium in loco separatur à quanti-
 tate (vti de facto separatur à quantitate corporis Christi
 in Eucharistia) quantitas habebit partes extra partes in
 seipsa per quas potest coextendi partibus loci, etiam si
 de facto non coextendatur, eruntque partes illæ quan-
 titatis certo quodam ordine & continuatione inter se
 dispositæ, vt vna pars continuetur vni non alteri, caput
 collo, collum pectori, & ratione huius ordinis vna est
 extra aliam.

Obiicitur secundò. Substantia sine quantitate ha-
 bet partes extra partes extensas in loco substantialiter.
 Ergo partes extra partes non sunt essentia quantitatis.
 Essentia enim quantitatis nõ potest esse sine quãtitate:

at partes extra partes sunt in substantia sine quantitate. Ergo non sunt essentia quantitatis. Probatur minor. Primò. Quia cum substantia affecta quantitate est in loco, non solum partes quantitatis sunt extensæ in loco quantitativè, sed etiam partes substantiæ sunt extensæ substantialiter, ita ut duæ res sint sibi extensæ, & substantia, & quantitas, & una extensio non est altera. nam extensio substantialis est idem cum substantia, extensio verò quantitatis est idem cum quantitate.

Secundò. Si per Dei potentiam auferatur quantitas à materia, manebunt omnes materiæ partes quæ responderunt partibus quantitatis, manebunt autem in eodem loco, & eodem modo substantialiter extensæ ut ante. quod ex eo probatur: Quia nullam habent vim, qua moveantur ad alium locum & priorem locum deserant; si enim in instanti abstrahatur quantitas à materia, necesse esset partes materiæ moveri, vel in instanti vel in tempore: si in instanti, hoc est impossibile; quia in vno instanti vna pars impleret totum spatium per quod moveretur, & simul esset in toto spatio: si in tempore; ergo aliquo saltem tempore esset illa materia extensa in loco sine quantitate, nempe antequam conflueret ad punctum indivisibile. Ad hæc non esset maior ratio ut ad hoc potius, quàm ad aliud punctum moverentur partes materiæ. Nam ex natura rei loquendo æquè in vno ac in alio puncto possunt omnes partes colligi; quare ut ad aliquod punctum determinatum confluerent, opus esset aliqua determinatione extrinseca: nam quod est ex se indifferens ad omnem terminum aut nō movebitur ex se, aut si movebitur ad oēs terminos æquè movebitur, cū non sit maior ratio ut ad vñ potius quàm ad aliud moveatur. Si igitur ad hunc motum Dei determinatio necessaria esse dicatur, ea determinatio cū liberè à Deo fiat, potest non fieri,

fi aut nō fiat, partes materiæ in tali casu nō mouebūtur, neq; confluent ad vnum punctū, & sic manebunt in eodem loco extensæ substantialiter sine quantitate.

Ad hoc argumentum. Respondent quidam recentiores, materiā sine quātitate habere partes extra partes entitatiuē nō quātitatiuē; partes enim quantitatiuē natura sua sūt impenetrabiles, entitatiuē verò sūt penetrabiles, & sic distinctę essentialiter à partib. quantitatiuis.

Verū hæc responsio non satisfacit. Nam partes materiæ secundū istam respōsionem, non solum sunt entitatiuæ, sed etiā quantitatiuæ: quia non solum secundū entitatem vna non est alia, sed etiā secundū extensionem; vnius enim extensio est extra extensionem alterius. Quod verò dicitur istam extensionē non esse quantitatiuā quia non est impenetrabilis: refellendum est; illa. n. extensio est eiusdē planē rationis cum extensione quantitatē, ita vt quantitas non aliā extensionem materiæ conferat, nec aliter extensas faciat materiæ partes, quā vt ab istis ponūtur extensæ sine quantitate; Essent. n. extensæ partes materiæ tā in toto quā in loco. Quare si impenetrabilitas sequitur ad extensionē quantitatē, procul dubio nō aliā, aut alterius cuiuspiā ratiois extensionē sequetur, quā ad talē extensionē, qualis ab istis ponitur sine quātitate; illa. n. extensio ad q̄ sequitur impenetrabilitas, in ratione extēsiōis nullo modo differt ab extensione illa entitatiua materiē, vnde etiā sequitur si ad extēsiōē sequitur impenetrabilitas, necesse est vt sequatur æquē ad extensionem quantitatē quā ad extensionē illam entitatiuā materiæ, & sic materia sua extensione entitatiua deberet esse impenetrabilis.

Deinde ista extēsiō entitatiua materiē, cū sit accidēs materiæ potest p. Dei potentiā auferri à materia sicut & quātitas: si igit De⁹ hæc extēsiōē entitatiuā auferat à materia in instāti, vel manebūt partes materiē in eodē loco

Non dari extēsiōē sine quātitate.

ut ante vel non: si manebunt; Ergo sine extensione entitativa erunt extensæ, quod implicat: si non manebunt, ergo idem dici poterat de quantitate quod ablata quantitate non maneat partes materiæ extensæ.

*Materia absque
quantitate ha-
bet partes enti-
tativas non ex-
tensas.*

Dicendum igitur est. Materiam absque quantitate habere quidē partes entitativas, sed non extensas: quia extensio partium tam in toto quàm in loco est effectus formalis quantitatis; at effectus formalis non potest esse sine forma: ergo nec illa extensio partium potest esse sine quantitate; quantitas enim suam et extensionem afficiendo materiam facit illam esse extensam.

Dices. Non omnem extensionem, sed solum impenetrabilem esse effectum quantitatis. Contra quia extensio penetrabilis, quam isti ponunt, & extensio impenetrabilis, sunt eiusdem rationis in ratione extensionis; ergo vel ad utramque sequitur impenetrabilitas, vel ad neutram; ponitur enim impenetrabilitas sequi ut proprietatem ad essentiam extensionis.

*Partes materia
ablatæ quanti-
tate non sunt ex-
tensas.*

Ad objectionem igitur respondeo. negando partes materiæ ablatæ quantitate futuras extensas, sed eo ipso futuras inextensas & indivisibiles in ordine ad locum, quod vno ex duobus modis fieri potest secundum diversas hac de re opiniones.

Primò ut eo ipso reddatur materia indivisibilis instar puncti, id quod non fieret per motum localem, ut bene probat obiectio, sed per abstractionem rationis formalis, per quam materia erat extensa & divisibilis, sicut cum anima desinit informare corpus, desinit in momento coexistere toti corpori absque ullo motu, solum per subtractionem rationis formalis, per quam coexistebat corpori; sublata enim ratione formali extensionis, necesse est auferi extensionem, sicut sublata albedine, necesse est auferri album. Se-

Secundò, vt materia maneat in toto illo loco, sed indiuisibiliter. & inextensè tota in toto, & tota in qualibet parte, per modum rerum spiritualium. Porro in primo casu, quo materia redigitur ad punctum, pertinebit ad Deum determinare punctum, in qua materia tota consistere debeat. Nam abstrahi quantitas à materia non potest nisi materia maneat inextensa & indiuisibilis: ergo aut quantitas nunquam à materia auferetur, vt ij dicunt, qui negant quãtatem re distingui à substantia; aut si auferatur, eo ipso debet determinari ad aliquod punctum indiuisibile; quia enim ista duo ex natura rei sunt necessariò cõnexa, priuari quantitate, & reddi indiuisibilem, ideo non potest à Deo auferri quãtitas, nisi determinetur punctum, in quo tota materia consistat indiuisibilis, cùm ex se sit indifferens ad omne punctum.

Obiicitur tertio. Quod est totum in qualibet parte non habet partes extra partes: sed essentia quantitatis est tota in qualibet parte: Ergo essentia quantitatis non potest habere partes extra partes: Maior patet exemplo animæ quæ cùm sit indiuisibilis, tota existit in singulis partib⁹ corporis, & Angelus totus existit in singulis partibus loci. Minor probatur. Quia singulis partibus quantitatis conuenit tota essentia & definitio quantitatis, singulæ enim partes quantitatis sunt quantitas.

Respondeo. Quod est totum in singulis partibus tota sua reali entitate, illud est indiuisibile, & non habet partes, vt patet in anima, & Angelo: at quod est totum, in singulis partibus solum per conceptum & rationem, illud non est necesse esse indiuisibile realiter. Quantitas igitur non est tota in singulis partibus reali sua entitate, & ideo non est indiuisibilis realiter; alia e-

*Totum tantum
existens in sin-
gulis partibus
tota sua reali
entitate est in-
diuisibile, nec
partes habet.*

nim est realitas quantitatis in vna parte, alia in alia, solum verò est tota in singulis partibus, secundum conceptum communem essentiae, qui per rationem aequè conuenit omnibus & singulis partibus.

Obiicitur quartò. Si habere partes extra partes esset essentia quantitatis, darentur aliquæ partes quæ essent essentialiter quantitatis: ac nullæ dantur quæ sint essentialiter: Ergo habere partes non est de essentia quantitatis. Minor probatur. Quia quæcunq; pars assignatur potest auferri à quantitate; ergo erit accidentaliter quantitatis. Accidens enim est quod potest adesse; & abesse præter subiecti corruptionem. Dices ablata illa parte desinet quantitas esse tanta vt ante, & sic pars illa non potest abesse sine aliqua quantitatis destructione. Contra, Licet in talicasu quantitas non maneat tanta, manet tamen essentialiter quantitas; Ergo pars illa non spectabat ad essentiam quantitatis, sed tantum ad integritatem, & ex consequenti erat solum pars integralis non essentialis.

*Pars ablata
quomodo sit
accidentalis &
essentialis vel
qua quantitati.*

Respondeo. Partem ablatam esse quidem accidentalem reliquæ quantitati à qua aufertur, esse tamen essentialem ei quantitati quam intrinsecè seipsa constituit: Illa enim quantitas quæ est intrinsecè in illa parte ablata non potest manere destructa illa parte; pars enim illa quantitatis, essentialiter est quantitas, & quantitas in illa parte existens, quantitate illius partis est talis.



QVÆ-

QVÆSTIO III.

An numerus sit ens reale vel rationis.

DE numero qui est quantitas discreta multa quæri possunt, quæ cum alibi non soleant explicari, hic explicanda sunt, ut ita pateat quomodo numerus sit species quantitatis.

Primo igitur quæritur. An numerus sit ens reale vel rationis? Esse realem existimat Soncinnas, 10. Metaphysic. Quæst. 18. Iauellus 8. Metaph. quæst. 9. Heruæus quodlibeto 3. quæst. 9. Ratio est quia numerus est id, quo res sunt tot vel tot. Ad quæstionem enim Quot sunt? responderetur per numerum. Quot sunt planetae? Septem. Quot oculi? duo. Atqui res sunt tot quot sunt, nullo cogitante intellectu. Ergo numerus totus est à parte rei, nullo modo pendens ab intellectu. Minor patet 1. Quia non ideo sunt res tot à parte rei, quia tot numerantur ab intellectu; sed potius ideo tot numerantur ab intellectu, quia tot sunt à parte rei: inuenit. n. intellectus à parte rei res tot; & ideo non potest numerare nec plures nec pauciores. 2. Quia res esse tot, nihil aliud est quàm esse omnes quæ sunt, nō plures nec pauciores. At à partē rei sunt nec plures nec pauciores: Ergo à parte rei sunt tot: neq; enim intellectus facit illas non esse plures nec pauciores.

Cōmunis tamen sentētia cum Aristotele in 4. Phy-
sic. tex. 131. tenet numerum in sua ratione formali, ac
proinde in esse numeri pendere ab anima: ait enim: si
impossibile sit numeratum esse, impossibile quoque
est numerabile aliquid esse: quare neque possibile est
numerum esse: numerus enim est aut numeratum, aut
Numerus in
sua ratione for-
malis & in esse
numeri pendet
ab anima.

ipsum numerabile. Ex quibus verbis necessario concluditur, numerum formaliter per numerationem constitui, vel in ordine ad numerationem: numerum quidem numeratum per numerationem actualē, numerū verò numerabilem per numerationem potentialem. Alioqui si non per numerationem constituitur numerus in ratione formali numeri falsa erit ratio Aristotelis. Quod si impossibile sit numeratum esse, impossibile quoque esse ut sit numerus: Sicut enim color, quia in ratione coloris non pendet à visu; esset, etiamsi visus non esset possibilis; in ratione tamen visibilis quia pendet à visu; non dicitur visibilis, nisi in ordine ad visum, & si visus non esset, neque visibile esset: ita & numerus, ut multitudo quædam est, non pendet ab anima numerante; quia multitudo, est multitudo etiamsi non numeretur, nec numerari possit: tamen ut illa multitudo est numerus, pendet ab anima numerante; propter numerationem enim dicitur numerus. & si non esset possibile numerans, non esset etiam possibilis numerus.

Idem probatur Ratione. Numerus enim est multitudo unitatum ordinata secundum rationem primi, secundi, tertij, &c. Atqui multitudo non est hoc modo ordinata à parte rei, sed solum per intellectū. Ergo numerus non est numerus nisi per intellectū. Maior patet: quia multitudo nisi sit illo modo ordinata, non est in vlla specie numeri: omnis enim numerus vel est binarius, vel est ternarius, &c. qui omnes numeri constituuntur in ratione numeri, per secundam, tertiam, vel quamvis aliam ultimarum unitatem: At quod non est in vlla specie numeri, neque numerus est: à quo enim remouentur omnes species, remouetur & genus: Ergo multitudo sine ordine unitatum non est numerus.

Quod

*Numerus sine
ordine unitatū
non est numerus.*

Quod verò ordo ille vnitatum non sit à parte rei si- *Ordo vnitatum*
 ne intellectu. Probatur 1. Quia nulla vnitas est magis *non est sine*
 prima quàm secunda, vel tertia, sed æquè potest statui *intellectu.*
 prima sicut vltima. Cum ergo à parte rei non sint de- *I.*
 terminatæ vnitates ad talem ordinem, necesse est vt
 determinentur ab intellectu numerante: Ex numeratione enim hæc statuitur prima, illa vltima ad placitum numerantis'. 2. Quia alioqui darentur infiniti actu numeri in rerum natura. Nam sumo decem vnitates, *2.*
 in hoc denario inueniuntur etiam duo quinarium, qui cū *Infiniti actu*
 denario faciunt ternarium, ternarius rursus cum duobus quinariis & denario faciunt quaternarium; & sic in *numeri.*
 infinitum procedendo, posito vno denario poni necesse esset infinitos numeros ex denario actu consequentes, quod absurdum non sequitur, si dicatur numeros fieri ab intellectu successiuè; sic enim possunt plures & plures in infinitum fieri; nunquam tamen fiunt actu infiniti. At si ex natura à parte rei oriuntur, necesse est simul infinitos actu oriri, & quidem specie distinctos.

Tertiò. Sequeretur vnum tantum numerum esse rerum omnium. Numerus enim per se oritur ex diuisione quantitatis; ergo tantus erit numerus, quanta diuisio quantitatis, & sic omnium rerum quantarum vnus erit numerus formaliter, solumq; materialiter effectus multiplex, quoad res subiectas quantitati, quod est per accidens numero, qui per se quantitatem respicit. Quod si numerus fiat ab intellectu ordinante vnitates: tunc tantus, & talis erit numerus, quantum & qualem intellectus numerando constituerit, statuendo hanc primam, illam vltimam vnitatem; & sic alius erit numerus leonum, alius hominum, item alius hominū in templo, alius in foro. *3.*
Vnus tantusque numerus esset in mundo.

*Numerus tria
complectitur.*

Notandum igitur est, in numero tria considerari.
1. multitudinem vnitatum. 2. determinationem vni-
tatum ad tot, non plures nec pauciores, absq; vllò ordi-
ne in vnitatibus, vt si in foro sint tot homines quot sunt,
nullo numero illorum inito. Tertiò ordinationem,
vnitatum secundum rationem primi, secundi, terti.
Qui ordo vnitatum specificatur ab vltima vnitare: ta-
lis enim species numerus dicitur, qualis fuerit vltima v-
nitas, verbi gratia, à septima vnitare denominatur nu-
merus septenarius, à decima denarius.

*Numerus se-
cundum quid
pendeat ab a-
nima & non.*

Numerus igitur quoad multitudinem vnitatum,
non pendet ab anima, sed oritur realiter ex diuisione
quantitatis; Diuisio enim realis terminatur ad multa
realiter, idemq; est esse multa, & diuisa.

*Vnitates sunt
tot, quot sunt,
sine intellectu.*

Secundò, Quoad determinationem vnitatum, ad
esse tot, quot sunt; numerus non pendet ab anima. Esse
enim tot vnitates, est esse non plures nec pauciores; at-
qui à parte rei, vnitates omnes & singulæ sunt in seipsis,
nec plures nec pauciores. Ergo à parte rei sunt deter-
minatæ, ad esse tot secundum multitudinem. Et sicut
magnitudo dicitur realiter tanta, vt non sit maior nec
minor, idq; seipsa quatenus vltcrius nō extenditur, qui
est terminus negatiuus quantitatis; ita & multitudo est
tanta realiter, ipsis suis vnitatibus, quatenus non sunt
plures nec pauciores; sic enim sunt tot per negationem
vltioris extensionis, qui est terminus negatiuus. Quæ
quidem negatio vltioris extensionis, non conuenit
numero ratione ordinis; quia conuenit ante omnem
ordinem vnitatum, & ante omnem terminum ordinis,
qui terminus sumitur ab vltima vnitare in ordine. Imo
sine vllò ordine, tam antecedente quàm consequente,
vnitates sunt tot, quot sunt, per negationem plurium, &
pauciorum.

Porro

Porro multitudo determinata ad tot vnitates, non erit formaliter numerus, nisi accedat ordo vnitatum: quia omnis numerus denominatur talis vel talis ab vltima vnitare, verbi gratia, à sexta senarius, à septima septenarius; at vnitatis non dicitur sexta nisi quia in ordine est sexta, & respectu aliarum quinque vnitatum, ad quas accedit. Vnde multitudo non ordinata, est solum numerus materialiter, quia est materia tanti, vel tanti numeri, ipsa verò secundum se est tanta negatiue; quia non est plurium, nec pauciorum vnitatum: non autem est tanta secundum numerum.

Tertiò igitur quoad ordinem vnitatum, in quo consistit vltimata ratio numeri, numerus pendet ab anima numerante, ob rationes dictas.

At inquires. Potest dari à parte rei ordo aliquarum rerum citra omnem operationem intellectus ita, vt ab intellectu mutari non possit, vt cum vnum oritur ex alio, & aliud ex illo quod accidit inter passionem, quarum vna oritur ex alia, vt risibile ex admiratiuo, admiratiuum, ex discursiuo, discursiuum ex rationali oritur certo quodam ordine. Similis ordo est inter causam & effectum: hic enim ordo est realis, cum vnum realiter sit prius altero, nec hunc ordinem mutare potest intellectus; non enim potest facere effectum sua causa priorem, nec causam suo effectui posteriorem; & sic sequetur dari numerum aliquem realem.

Respondeo. Dari quidem aliquem ordinem realem, verum hic ordo per accidens spectat ad numerum: ordo enim numeri oritur ex numeratione, cum vide-

Ordo potest dari realis, sed qui ad numerum spectat per accidens.

licet

licet in numerando aliquid primum, aliquid secundum, vel tertium dicitur ad quod impertinens est ordo causalitatis: æquè enim numerus binarius est, si constet causa & effectu, sicut si constet duabus causis, & duobus effectibus. Item æquè binarius est, si causa in numerando sit prima, sicut si sit secunda: Quamvis enim in causalitate deberet esse prior effectu, tamen in ordine ad numerationem, æquè potest esse prima, sicut secunda, cum alia sit primitas numerationis, alia causalitatis, & una potest esse sine alia.

*Numerus potest-
ne affingi maior
rebus ab ani-
ma; siquidem
ab ea pendet?*

Obiicies secundò. Si numerus pendet ab anima posset ab anima affingi rebus numerus maior, vel minor ad placitum; essent etiam plures earundem rerum numeri, si à pluribus numerentur: vt si centenarius ouium numeretur à tribus, essent tres cetenarii ouium, & oues triplo plures, quàm sint.

Respondeo. Si numerus tam quoad formale, quàm quoad materiale penderet ab anima, sequerentur ea absurda: At quia quoad materiale, hoc est quoad multitudinem vnitatum non pendet ab anima, sed tantum quoad ordinem, ordo autem non potest esse maior, nisi secundum multitudinem vnitatum; idcirco sicut anima non potest facere plures vnitates quàm sint, ita nec maiorem numerum. Similiter plures numerantes quia non faciunt plures vnitates, ideo non faciunt plures numeros simpliciter. Licet enim numeri numerantes sint plures, numerus tamen numeratus est vnus, & est simile exemplum in artificialibus: hæc enim etsi pendent ab artifice, quoad formam, non tamen pendent quoad materiam: & ideo non ex quolibet ligno fit ab artifice Mercurius.

Obiicies

Obiicies Tertiò. Numerus nihil aliud est nisi tot unitates, unde quãdo de numero quærimus, quærimus quot sint. At à parte rei sunt tot unitates: Ergo à parte rei citra operationem animæ, est numerus. Respon-
deo. Dupliciter unitates dicuntur tot, vel per negationem plurium & pauciorum, & hoc modo sunt tot à parte rei; vel tot secundum ordinem numeri, & hoc modo non sunt tot à parte rei sed ab anima numerante. Unde rectè distingui potest Tot multitudinis, & Tot numeri: dicuntur autem tot numeri, quæ sunt tot secundum aliquam speciem numeri. Verbi gratia, sex aut decem: ea enim tot dicuntur à sexta, vel decima in ordine unitatũ.

Unitates dicuntur dupliciter Tot.

His igitur positis. Dico primo. Numerum in ratione numeri pendere ab anima, uti probatum est.

Numerum in ratione numeri pendet ab anima.

Dico secundò. Numerum secundum completum esse tantum pendere ab anima. quia multa sunt in numero quæ sunt à parte rei, & non pendent ab anima, ut multitudo, & determinatio unitatum: solùm ergo in complemento quodam numerus pendet ab anima. Hoc autem complementum potest assignari duplex: vnum est Ordo primæ, secundæ, tertiæ, unitatis: Aliud est unitas numeri; nam cùm numerus sit multitudo unitatum, est vnum per accidens, non vnum per se. Ut ergo efficiatur vnũ per se; pendet ab anima, concipiente numerũ vnum per modum actus & potentiz, materiæ & formæ. Nam sicut res à forma habent suum esse, suam denominationem, & unitatem; ita numerus ab vltima unitate tanquam à forma concipitur habere suum esse, denominationem & unitatem, de quo infra.

Numerum in duobus ab anima pendet.

Quod si quæras, an numerus in suo esse formali dicendus sit pendere ab anima. Resp. Affirmatiuè, quia

Numerus in suo esse formali pendet ab anima.

Kkk

ratio

ratio formalis numeri sumitur ex vltima vnitae, sexta v.g. vel decima. At vnitatem esse sextam vel decimam, est ab intellectu numerante: ergo numerus secundum esse formale numeri pendet ab anima. Idem patet ex speciebus numeri, ternario vel denario; Hæ enim ex vltima vnitae sumuntur & denominantur, & vt variæ fuerint vnitates vltimæ, ita variæ erunt numerorum species.

*Numerus etsi
pendeat ab a-
nima, non ta-
men est ens ra-
tionis.*

Dico tertio. Numerus etsi pendeat ab anima in suo esse completo, non tamen simpliciter est ens rationis; quia nō quoad omnia, sed quoad aliquid à ratione pendet, & quamuis habeat aliquid in sua essentia, siue formaliter, siue per modum connotati, quod sit ens ratio- nis; non tamen simpliciter est ens rationis. Nam à si- mili, natura vniuersalis pendet ab anima in sua essentia- li vnitae, & aptitudine ad multa, non tamen simplici- ter dicitur ens rationis; Id enim simpliciter dicitur ens rationis, quod tam materialiter, quàm formaliter, est ens rationis. quod autem formaliter tantum est ens rationis, idq; secundum aliquid in ratione formali cō- tentum, dicitur secundum quid ens rationis, multo ve- rò magis si connotet solum non verò dicat in recto il- lud ens rationis, licet sine ente rationis connotato non existat illa ratio formalis; sicut similitas non est similitas sine connotatione nasi.

*Numerus etsi
pendeat ab ani-
ma esse realem
quidam dicunt.*

Circa hanc conclusionem, quidam recentiores sen- tiunt numerum etsi formaliter pendeat ab anima, non esse tamen vllō modo, nec secundum quid ens ratio- nis; sed omnimodè ens reale. Ratio est: quia nume- rus constituitur in ratione formali numeri per numera- tionem, hoc est per denominationem extrinsecam ab actu numerandi. At numeratio est realis: ergo & deno- mina-

minatio unitatum à numeratione erit realis, & ex consequenti numerus in esse numeri, erit omnimodè realis.

Verùm id facile refellitur: Hoc enim modo omnia entia rationis essent realia, quia concipiuntur reali conceptione. Dupliciter ergo dicitur aliquid realiter concipi, vel quia reali actu concipitur, vel quia sub reali ratione concipitur. Ad hoc igitur ut aliquid sit simpliciter reale, non satis est, quod reali conceptione concipiat, sed opus est ut sub reali ratione concipiat: sicut cum concipio hominē rationabilem, vel risibilem, concipio sub ratione reali, quæ à parte rei existit. Cum verò concipio naturam vniuersalem, concipio sub ea ratione quæ in re non existit, sed tantum in intellectu, & ideo concipio in ea, aliquid quod sit ens rationis. Hoc ergo modo numerus concipitur, & numeratur ab intellectu, nempe sub illa ratione ordinis, quæ illi non conuenit nisi per intellectum, & est ens rationis.

Refellitur.

Realiter concipitur aliquid dicitur dupliciter.

Numerus concipitur sub relatione rationis.

At obicies primò. Obiectum Arithmetica quæ est scientia realis, est reale formaliter: at numerus est obiectum Arithmetica; ergo erit secundum suam rationem formalem quid reale, & nullo modo rationis. Nam si dicas posse esse scientiam realem de obiecto non reali, nempe de ente rationis, qualis scientia est Logica. Contra: Scientia denominatur realis ab obiecto: quia est de obiecto sub ratione reali: totum enim suum esse, & specificationem habet ab obiecto. Logica verò quatenus est de ente rationis, est scientia non realis, sed rationalis: quia est circa ea quæ non in re, sed in ratione existunt.

*Numerus est
obiectum reale
Arithmetica
sub ratione
reale.*

Resp. Numerus esse subiectum reale Arithmeticae sub ratione reali quantitatis; Numerus enim ut est multitudo unitatum quantarum, est quantitas realis: Et licet hæc quantitas numeri quoad aliquid pendeat ab intellectu, nempe quoad ordinem, & quoad unitatem quantitatis; quod enim sit vna quantitas hoc habet ab intellectu, cum in re multæ unitates sint multæ quantitates: tamen hæc dependentia ab intellectu non impedit, quominus numerus sit obiectum scientiæ realis. Nam etiam scientiarum realium obiectum est vniuersale (scientia enim est de vniuersalibus,) vniuersale autem tam quo ad suam unitatem, quam quoad vniuersalitatem pendet ab intellectu: Naturæ enim à parte rei sunt multæ, & fiunt vna natura per intellectum per quem etiam habet illa natura ordinem ad multa. Satis ergo est obiectum scientiæ esse reale fundamentaliter, & secundum id quod dicit fundametaliter, considerari. Quid si dicas etiam ens rationis esse reale fundamentaliter; neq; tamen esse obiectum scientiæ realis. Resp. Obiectum scientiæ realis est illud ipsum fundamentum entis rationis, & licet compleatur in esse obiectiuo per ens rationis, simpliciter tamen est obiectum reale, ea realitate, quæ ad scientias requiritur: ens verò rationis cum dicitur obiectum, statuitur obiectum solum secundum esse suum formale, & ideo non est obiectum reale.

*Numerus qua
ratione sensu
percipiatur.*

Obiicies secundò. id quod sensu percipitur, est ens reale, at numerus sensu percipitur. Est enim sensibile per se ex 2. de anima c. 6. ergo est ens reale non rationis. Nam ens rationis sentiri non potest. R. Numerum sensu percipi ut est multitudo unitatum sensibilem, nõ ut est constituta per ordinem unitatũ quæ est ratio formalis

malis numeri. Quis enim dicat Brutum percipere senarium vel denarium formaliter? solum enim percipit unitates multas & discretas non reducendo illos ad speciem aliquam numeri, neque numerando; hoc enim est proprium hominis.

QVÆSTIO IV.

An numerus sit unum per se, vel unum per aggregationem.

Affirmat S. Thomas prima parte. quæst. 11. artic. 1. *Sententia pri.*
 & 2. Capreolus in 1. distinct. 24. ubi etiam Argen-
 tina & Scotus (quanquam Scotus dubius est) Socinas,
 Iauellus, Heruzus supra citati. Caietanus, & Sotus in
 Logica. Licet enim in numero sint materialiter mul-
 tæ unitates diuisæ ab inuicem; formaliter tamen ut ad
 rationem numeri binarij, vel ternarij pertinent, sunt
 unum per se & una essentia constituta per ultimam uni-
 tatem tanquam per formam, dantem esse, & denomi-
 nationem toti numero. Probatur primo ex Aristot. qui
 8. Metaph. t. 10. essentias rerum comparat numeris, do-
 cetque essentias esse uti numeros. *Essentia 1. 2. tri
 numeri.* Ut enim numeri omni additione vel deductione unitatis ultimæ mutantur in essentia numeri; ita & essentiæ, additione vel deductione differentiarum mutantur essentialiter. Hæc comparatio inepta esset, si numeri non habent veram, & vnam essentiam: quomodo enim aliarum essentiarum exemplar esse possent si essentiam vnā non haberent?

Secundò ratione à priori, Ex materia enim & for-

ma fit vnum per se: atqui in numero vltima vnitas est forma aliarum vnitatum in ordine ad esse numeri; per eam enim denominatur & constituitur numerus in certa specie, nempe ternarij, senarij, &c. Ergo numerus est vnum per se. Hinc Aristoteles 5. Metaph. t. 19. ait, sex non esse bis tria, sed semel sex, ostendens à sexta vnitatem sumi formam & speciem senarij.

*Sex non sunt
bis tria.*

Tertiò de ente per accidens non datur scientia. At de numero datur scientia Arithmetica, Ergo numerus non est ens per accidens, sed per se habens vnam essentiam.

*Scientia se-
cunda.*

Negant numerum esse vnum per se, sed tantum vnum per collectionem, & ordinem sicut exercitus. Albertus 8. Metaphysic. tex. 1. 6. 8. Gregorius & Ocham in 1. distincti. 24. Fonseca 5. Metaph. cap. 13. quæst. 4. Probant autem primò ex Aristotele. Nam 10. Met. t. 4. numerum ait esse pluralitatem vnitatum, & t. 2. ibidem esse multa vna, & 8. Met. t. 10. Numerus inquit, aut nō est vnus, sicut congeries: aut si est, dicendum erit, quid sit illud, quo numerus est vnus: ac si diceret non potest assignari per quid numerus sit vnus. Denique 1. Met. 40. cur inquit, vnum sit numerus collectus? Ac si diceret non est causa propter quam numerus sit vnus.

Secundò ratione: Nam numerus vel statuitur vna simplex entitas, vel composita ex pluribus. Si primùm, peto, in quo subiecto erit hæc simplex entitas. V. G. binarij, an in vtraq; vnitatem, an in altera? nō in vtraq; quia idem numero accidens non potest esse in distinctis numero subiectis: non in altera; quia non est maior ratio quòd sit in vna quàm in altera. Deinde si sit in vna, illa erit manens vna binarius: quia in se habet formā binarij: à qua binarius, dicitur binarius. Si verò numerus dicatur

vna

Vna entitas composita, ex multis vnitatibus inter se ordinatis: hoc etiam dici non potest. Nam multa entia simpliciter non fiunt vnum per se propter solum ordinem & respectum extrinsecum, sed tantum vnum per accidens. Alioqui exercitus habens vnitatem ordinis, esset vnum per se, & omnes res in mundo, cum sint inter se ordinatae, essent vnum per se, & vna essentia.

Media sententia est, numerum spectata rei natura, non esse vnum per se; sed tantum vnum vnitatem ordinis, ut secunda sententia dicebat, ut verò à nobis concipitur, esse vnum per se in intellectu. Hanc sequitur Suarez in Metaph. disp. 41. & Fonseca supra.

Pro quo notandum est ut ex duobus entibus fiat vnum per se seu vna essentia, Requiritur 1. ut illa duo sint vnius generis. Nam ex rebus diuersorum generum non fit vnum per se, ut ex substantia, & ex accidente; Item ex quantitate, & qualitate. 2. ut sint res illae incomplete in essentia sub illo genere. Sic enim ex duabus incomplete essentis, fit vna essentia completa, & ex materia, & forma fit vnum compositum substantiale. Quod si sint entia completa & perfecta, non fiunt vnum per se, cum completè, & perfectè distinguantur; sic duo homines non sunt vnus homo, nec exercitus hominum est vnum per se. 3. Ut illa entia incompleta habeant se ut actus, & potentia: nam propterea ex duabus formis substantialibus incomplete non fit vnus ens per se, quia non habent se ad inuicem ut actus & potentia substantialis: neque sibi substantialiter subordinantur. ex materia verò & forma fit vna substantia, quia habent se ut potentia & actus; ex actu enim & potentia fit vnum per se. 4. Ut sint sibi realiter unita. Nam si sint à se diuisa, & distantia, non erit ex illis vna res & essentia.

Sententia media.

Ad id quod ex duobus entibus fit vnum per se qua requiratur?

1.

Sint res vnius generis.

2.

Incompleta.

3.

Sint se actus & potentia.

4.

Realiter sibi unita.

Sic

Sic ex corpore & anima separata non constituitur vnus homo, nec vna res quamuis alia omnia requisita, ad essentiam constituendam non desint. Sic duæ aquæ diuisæ & separatæ, non sunt vna aqua, donec in vnum coeant, & ratio est quia vnitas est indiuisio entis: ergo quæ sunt diuisa, quamdiu sunt diuisa non possunt dici vnum.

*Numerus non
est vnum per se
à parte rei.*

*Non ex omni
actu & poten-
tia fit vnum
per se.*

*De sunt nume-
ro ad vnitatem
per se.*

1.

2.

3.

4.

Ex his ergo patet numerum non esse vnum per se: quia constat vnitatibus diuisis secundum quantitatem, & completis in genere quantitatis, neque obstat quod vnitates primæ ad vltimam habeant se vt potentia ad actum: non enim semper ex potentia & actu fit vnum per se: alioquin ex substantia & accidente fieret vnum per se: sed requiruntur etiam aliæ supra dictæ conditiones præcipuè vt actus & potentia sint vnius generis, & vniti inter se. Quocirca in numero etiam si sit actus & potentia, non tamen fit vnum per se: quia desunt aliæ conditiones vnitatis per se. Nam 1. vnitates in numero sunt actu à se diuisæ, eamq; diuisionem numerus essentialiter requirit, ita vt si desit diuisio, non sit formaliter numerus. 2. Hæc potentia vnitatum ad vltimam vnitatem est tantum potentia ad aliquid accidentale vnitatibus; hoc est, ad ordinem. Ordo autem non facit res, quarum est ordo, vnas essentialiter, sed tantum accidentaliter, vt patet in exercitu. 3. Ex duob. entibus cōpletis, quantumvis ordinentur ad inuicem, vt potentia & actus, non fit vnū per se, in entibus enim completis est cōpleta distinctio; ac proinde non potest esse vnitas: Porro multa quanta ex quibus constat numerus, sunt entia cōpleta in genere quantitatis: non potest igitur ex illis esse vnum per se in genere quantitatis. 4. Hæc potentia est ad actum per solam rationem existentem; ex ente autem reali & rationis

tionis non fit vnum per se: Ergo neque ex vnitatibus & ordine fiet vnum per se. Maxime cum tam ordo quam vnitates sint species completæ in suo genere, ex duabus autem speciebus non fit vna species vt sæpe inculcat Aristoteles.

Quod si dicas vnitates numeri esse multas in se; inesse tamen numeri formali esse vnum: hoc dici non potest: quia illa vnitas quæ aduenit entibus completis in suo esse, est accidentalis: quod enim enti aduenit in actu est accidens: hæc verò vnitas sumitur ab ea re quæ aduenit enti in actu, nempe ab ordine qui aduenit vnitatibus in actu completo constitutis: Ergo vnitas numeri est accidentalis vnitatibus: alioqui hoc modo, omnia entia per accidens possent dici vnum.

*Quod aduenit
Enti completo
est accidentale.*

Dico igitur. 1. Cum secunda sententia numerum spectata rei natura non esse vnū per se, nec vnam essentiam vt patet ex dictis. Quod si quæras an sit dicendus vnus per aggregationem. R. Esse quidem vnum per accidens; quia est vnum per rationē accidentalem vnitatibus, hoc est, per ordinem: non esse tamen vnum per aggregationem: quia vnum per aggregationem non habet vnitatem specialem à qua dicatur vnum, sed tantum dicit nudam collectionem plurium, vt cumulus lapidum. At in numero est quidem collectio plurium vnitatum, sed habentium specialem ordinem ad vltimam vnitatem, à qua denominatur vnus numerus, vnde non sunt vnum merè per aggregationem, sed per ordinem ad vnum maxime cum illud vnum habeat se per modum Formæ.

*Numerus non
est vnum per
se.*

*Numerus siue
dicendo vnum
per aggregatio-
nem.*

Dico secundò. Numerum vt à nobis concipi potest, & communiter concipitur, esse vnum per se, vt dicebat prima sententia; quia etsi reuera, & à parte rei, se.

*Numerus vt à
nobis concipitur
est vnum per
se.*

non constet potentia & actu essentiali (hic enim non est nisi inter entia incompleta & sibi unita) tamen à nobis concipi potest (& quidem cū fundamento in re) per modum potentia & actus essentialis; ac proinde utrumque per se & una essentia; dante illi hanc unitatem intellectū. Id quod declarari potest exemplo naturæ vniuersalis, quæ ex natura rei non est una essentia, sed plures & diuisæ: intellectus tamen abstrahendo illam à differentiis facit esse vnā & indiuisā essentiam, habet enim huius unitatis fundamentum in re. Quod igitur abstractio facit in natura vniuersali, hoc facit in numero consideratio actus & potentia: sicut enim abstractio facit naturam vnā ita actus & potentia facit vnā essentiam.

*Declaratur ex-
emplo.*

Dices hanc unitatem actus & potentia esse entium completorum, & diuisorum, ac proinde non esse unitatem essentialē. R. Materialiter quidem illa entia sunt completa, & diuisa: formaliter tamen & ut in esse numeri, considerantur per modum entium incompletorum, & indiuisorum in genere numeri. Habet verò intellectus huiusmodi conceptus fundamentum in re; quia ratio quantitatis quæ est in unitatibus, est apta nata concipi tanquam vna essentia; cū eadem quantitas quæ est indiuisa fiat diuisa; & rursus ex diuisa, fiat indiuisa. Vnde addita ratione potentia & actus quantitati diuisæ potest illam concipere ut vnā essentialiter propter rationem potentia & actus, licet quoad terminos quantitatuos sit diuisa & multiplex.

Dices. hac ratione omne aggregatum per accidens faceret intellectus vnum essentialiter considerando in illo

illo rationem potentiae & actus. R. Minimè, quia non in omni aggregato ea quæ aggregantur habent fundamentum, ut sint & efficiantur vna essentia, nec fundant rationem potentiae & actus eo modo quo vnitates in numero: duo enim quanta ablati solum terminis quantitatis, fiunt vna quantitas & vna essentia. Vnde in illis maius est fundamentum, ut stante diuisione, possint concipi, ut vna essentia propter rationem potentiae & actus. Ex quibus patet ad argumenta primæ sententiæ. Probant enim numerum à nobis concipi posse ut vnum essentialiter non verò talem esse spectata rei natura.

Ex hac quæstione soluitur alia. An numeri differant ab inuicem specie. Videntur enim differre solum secundum maius & minus: nam ternarius est vna maior unitate binario, quaternarius ternario: maius autem & minus sicut in quantitate continua non variant speciem ita & in discreta: & ita sentit Iandunus². Metaphysic. quæst. 3. Communis tamen sententia est differre specie: quia differunt vltima unitate sexta, verbi gratia, vel septima, vel nona, quæ secundum ordinem differunt specie; senarius enim specificatur à sexta unitate, septenarius à septima, nouenarius à nona; & licet in ratione unitatis non differant specie, differunt tamen in ratione sextæ, septimæ, nonæ unitatis. Denique cum binario additur tertia unitas: binarius non fit maior binarius, sed desinit esse binarius, & acquirit nouum esse nempe ternarij. Porro cum aliquid fit maius non amittit priorem quantitatem, sed acquirit tantum nouam partem similem; ac hic binarius addita unitate perit, & transit in speciem ternarij. Vnde patet numerum in ratione multitudinis non differre nisi

Numeri differant ab inuicem specie?

secundum maius & minus: quia addita vnitate eiusdem rationis cum aliis vnitatibus, fit tantum maior multitudo vnitarum, ac in ratione numeri differt specie: quia additur vnitas specie distincta. Ex quo patet ad fundamentum Ianduni. Ternarius enim non solum maior est binario ob plures vnitates, sed etiam specie ab eo distinguitur per tertiam vnitatem: quæ vt tertia distinguitur specie ordinis à secunda. An verò hæ species sint accidentales vnitatibus vel essentielles, eodem modo distinguendum est, sicut paulò ante distinximus, de numero ex natura rei & vt concipitur à nobis.

QVÆSTIO V.

An numerus sit vera species quantitatis.

*Nō esse veram
speciem probatur.*

- Q** Vi negant numerum esse vnum per se, negant consequenter esse veram speciem quantitatis: Primò:
1. Quia species quantitatis est quantitas: numerus autem cum sit multitudo quantitatum, non est quantitas, sed quantitates. & sicut cumulus lapidum non est species substantiæ, cum non sit substantia, sed multitudo substantiarum, ita & numerus quantorum.
 2. quantitas formaliter est quid reale: Ergo & species habet reales: generis enim realis species & differentiæ debet esse reales, ac numerorum species constituuntur, & distinguuntur per ordinem qui est ens rationis; ergo
 3. non possunt esse species quantitatis realis. 3. numeri constituuntur in specie numeri per ordinem vnitarum.

Ac

At ordo est quid accidentale rebus quantis; ergo per eum res quantæ non distinguuntur, nisi accidentaliter seu specie accidentali non essentiali; species enim accidentalis fundatur in accidente, essentialis in essentia.

4. Numerus ex ratione sua formali est quid transcendens, & non magis spectans ad quantitatem quàm ad alia prædicamenta, sicut & veritates ex quibus constituitur sunt quid transcendens; quia non determinantur ad certum prædicamentigenus: At repugnat transcendens speciem esse generis prædicamentalis; species enim prædicamentalis est determinata ad illud prædicamentum. ergo numerus non potest esse species quantitatis.

Alii distinguunt numerum in transcendentalem, *Esse speciem accidentalem.* & prædicamentalem; illumq; non esse speciem quantitatis; quia non habet partes quantas, cùm fundetur in quocunq; ente extra quantitatem; (datur enim numerus quantitatum, qualitatum, relationum) hunc verò esse speciem quantitatis: quia constat partibus quantis. Verùm aliqui dicunt esse speciem accidentalem, hoc est accidentali differetia distinctam à quantitate continua. numerus enim sola diuisione & ordine partium quantarum differt à quantitate continua. Diuisio autem & ordo est accidens quoddam rerum quantarum, quod potest adesse & abesse, præter subiecti corruptionem.

Alii verò concedunt esse veram, & essentialem speciem quantitatis, siue ex natura rei vt Thomistæ, siue in intellectu, vt alii. *Esse veram & essentialem speciem.*

Porro Aristoteles videtur omnino esse huius sententiæ, nempe quòd numerus sit vera species quantitatis: nam & hic, & in 5. Metaph. diuidit quantitatem in magnitudinem & multitudinem, in continuam & discretam, & alias quidem species, quæ in speciem viden-

tur esse quantitates reiicit eo quòd deficient à vera ratione quantitatis; vel quia sunt quanta per accidens; ut est tempus & motus, Numerum verò & discretam quantitatem constanter asserit esse speciem quantitatis. Vnde non potest dici in hac re vulgarem opinionem secutus, cùm vulgarem opinionem de motu, & tempore reiiciat: de numero verò sequatur, vnde còmunis sententia Peripateticorum est numerum esse veram quantitatis speciem Aristoteli.

Numerus transcendentalis non est vera species quantitatis.

Dico igitur primo numerum transcendētalem nō esse veram speciem quantitatis. Ratio est. Quia de essentia quantitatis est habere partes extra partes: Ac numerus transcendentalis, non habet partes extra partes: ergo non est vera quantitas. Habet quidem numerus transcendentalis unitates tanquam partes, sed istae partes, ut ad numerum spectant non sunt partes extra partes. Tum quia aequè constituunt numerum, si sint partes intra partes, sicut si sint extra partes; aequè enim sunt multae utrouis modo sumantur. Tum quia partes sunt extra partes, formaliter per extensionem; (hic enim est formalis effectus extensionis.) At numerus transcendentalis, ut talis non habet partes extensas, & quantas: ergo.

Numerus cur dicitur esse pradicamentalis vel transcendentalis.

Pro maiori autē explicatione quaeritur primo, cur numerus dicatur pradicamentalis vel transcendentalis: Nam si dicatur pradicamentalis, quia ad pradicamentum quantitatis spectat, ea causa non est sufficiens: quia numerus aequè spectat ad quantitatem: sicut ad qualitatem, substantiam, & alia genera: quia in omnibus his ratio formalis numeri inuenitur, ita ut per accidens sit numero esse in quantitate vel qualitate, &c. Deinde si numerus qui est in quantitate spectat ad pradicamentum quantitatis

titatis & ideo dicitur prædicamentalis, pari ratione numerus qualitatum erit prædicamentalis ad prædicamentum qualitatis spectans, & sic omnes numeri erunt prædicamentales, & nullus transcendentalis. sicut enim unitates ex quibus constituitur sunt certorum prædicamentorum, ita & numerus ex ipsis constitutus.

Adhæc si transcendentalis dicatur, qui vagatur per omnia vel pleraque prædicamenta; Solus numerus in abstracto erit transcendentalis; quia hic vagatur per omnia prædicamenta. v. g. binarius vel ternarius in abstracto. Numerus verò applicatus certæ materiæ particulari. V. g. substantiæ, quantitati, qualitati, non poterit dici transcendentalis: quia numerus substantiarum nō vagatur per alia prædicamenta, sed in sola substantia inuenitur, similiter & numerus quantitatum, qualitatum, relationum. Vnde hi omnes numeri erunt æquè prædicamentales non transcendentales. Cur enim numerus quantitativus potius dicatur prædicamentalis, & spectans ad quantitatem & non alii numeri substantiarum & qualitatum, qui etiam spectant ad substantiam, & qualitatem?

Respondeo. Quod sicut quantitas alia est prædicamentalis & vera quantitas; alia transcendentalis, quæ solum similitudinem quandam habet quantitatis, & in omni ente inueniuntur, qualis est quantitas perfectionis, valoris, durationis, & aliæ similes: ita & numerus, quia ex ratione sua formali dicitur quantitatem quandam unitatum secundum multitudinem, maiorem & minorem, distinguitur in prædicamentalem, qui constituitur ex partibus seu unitatibus verè quantis, & transcendentalem, qui non habet in se veram sed tantum similitudinariam quantitatem. Ita ut prædicamentalis dicatur à vera & prædicamentali quantitate; transcendentalis

*Quantitas Prædicamentalis
& Transcendentalis.*

*Numerus Prædicamentalis
& Transcendentalis.*

vero

vero à similitudinaria & transcendentali quantitate. Sicut enim quantitas perfectionis, durationis, intensio- nis, virtutis, est quantitas transcendentalis & impropria; ita & quantitas multitudinis, vt multitudo est. sola verò multitudo rerum quantarum est verè quanta, propter partes extra partes, & ideo ad genus veræ quantitatis prædicamentalis spectat.

Numerus & numerus dicitur quantitas vnitatum.

Non est autem dubium, Numerum vt numerum, seu vt est multitudo vnitatum dicere quantitatem quā- dam vnitatum; Ad quæstionem enim Quot sunt? Re- spondetur per numerum; & maior, vel minor quanti- tas vnitatum, numero definitur. Est etiam omnis nu- merus diuisibilis, mensurabilis, æqualis, vel inæqualis, quæ omnes proprietates sunt quantitatis. Dices. Ad rationem formalem numeri per accidens se habet quā- titas; numerus enim formaliter constituitur per ordi- nem vnitatum, ordo autem in sua ratione formali non dicit quantitatem, sed relationem. Resp. Numerus formaliter non est solus ordo vnitatum, sed multitudo ordinata. Licet ergo ratione ordinis non includat quan- titatem, includit tamen ratione multitudinis: multitu- do enim qua multitudo, est quantitas quædam vnita- tum, ex quo patet responsio ad rationem dubitandi.

Quantitas nu- meri transcen- dentalis distin- guaturné esse- ntialiter à quan- titate prædica- mentali.

Queritur secundo. An quantitas numeri tran- scendentalis, sit distincta essentialiter à quantitate præ- dicamentali. Resp. Distingui sicut similitudinarium & verum. Nam prædicamentalis est vera quantitas cum veris partibus extra partes: transcendentalis autem est similitudinaria quædam quantitas, habens partes non verè sed similitudinariè extra partes, & quæ faciunt ma- ius secundum pluralitatem non secundum veram ex- tensionem. Sunt etiam extra alias entitatiuè potius, quàm

quàm quantitatiuè. Esse autem entitatiuè partem extra aliam, est non esse aliam; non esse autem aliam non dicit veram aliquam extensionem. Deinde, quantitas transcendentalis habet partes diuersæ rationis; à partibus quantitatæ prædicamentalis: nam hæ sunt extensæ, illæ non, sed sæpe sunt indiuisibiles; vt in numero rerum spiritualium: ex diuersis autem partibus extra partes, diuersa quantitas constituitur.

Quæritur tertio. An numerus transcendentalis sit propriè numerus. negat enim S. Thomas prima parte quæst. 3. artic. 3. & in prima distinct. 24. quæst. 1. Vbi Capreolus & Ægydius, item Soncinas 1. Met. quæst. 3. Iauellus 8. Metaph. quæst. 11. quia Aristoteles docet numerum oriri ex diuisione continui 3. Physic. t. 6. & 7. & pro eodem accipit differre numero & secundum quantitatem differre 3. Metaph. t. 11. & alibi. In secundo etiam de anima c. 6. ait numerum esse sensibile commune. item docet quantitatem & numerum abstrahere à materia solum ratione. Quæ omnia indicant numerum inueniri solum in rebus quantis: Adhæc numerus est quantitas: at quantitas non est propriè extra res materiales: ergo nec numerus.

Affirmant tamen alii in prima distinct. 24. Gabriel, Ochan, Gregorius, Maior, Aureolus, & Marsilius in primo quæst. 27. art. 1. quia cum numerus sit collectio unitatum: unitates autem propriè non solum sint in rebus quantis, sed etiam in aliis entibus: necesse est numerum quoque esse non solum in rebus quantas, extra res quantas in aliis entibus. Neque obstat quod numerus sit primò inuentus in rebus quantis. Nam satis est quod dicat rationem talem quæ propriè tribui possit rebus etiam non quantis, sicut & aliæ perfectiones primò sunt deprehensæ in

Numerus transcendentalis sit propriè numerus.

Numerus propriè inuenitur in rebus non quantis.

sa in rebus sensibilibus, ut sapientia, bonitas: quia tan-
dicunt rationem formalem quæ ex se abstrahit à sensi-
bilibus, & insensibilibus, ideo propriè tribuuntur etiam
rebus insensibilibus. Aristoteles verò de numero corpo-
rum loquens, ait eum oriri ex diuisione continui, & esse
sensibile commune, & abstrahere à materia solum ra-
tione. Quanquam si de quantitate numeri loquamur,
solum prædicamentalis numerus est propriè quantus,
transcendentalis impropriè, uterq; tamen est propriè
numerus, quatenus numerus dicit collectionem uni-
tatum.

Ex quibus patet numerum dici transcendentalem,
tum ratione quantitatis, quia dicit quantitatem tran-
scendentalem, quæ consequitur quodcunq; ens, & ab
eo non distinguitur ex natura rei: tum secundum ratio-
nem suam formalem secundum quam abstrahit à rebus
quantis, & non quantis, sic enim nullo certo generi præ-
dicamenti assignari potest.

*Numerus præ-
dicamentalis
est vera species
quantitatis.*

Dico secundò. Numerus prædicamentalis est vera
species quantitatis; quia constat ex partibus verè quan-
tis, & ab intellectu potest concipi per modum vnius, ut
præcedenti quæstione explicatum est.

*Sed accidenta-
lis non essen-
tialis.*

Quod si quæras an sit species distincta essentialiter
à quantitate continua; ad id respondendum est secun-
dum distinctionem in præcedenti quæstione datam:
spectata enim rei natura, solum differt accidentaliter,
seu differentia accidentali, nempe diuisione & ordine;
Vtraq; autem hæc differentia est accidentalis essentiæ
quantitatis; potest enim adesse & abesse non mutata
essentialiter quantitate. Nam quòd dicitur numeros
differre specie, per ultimam unitatem. Respondeo.
Differre specie ordinis, non specie quantitatis. Alia e-
nim

nim est speices ordinis alia quantitatis, cūm ordo sit relatio, quantitas ens⁹ absolutum; nec ordo adueniens⁹ quantitati facit eam habere diuersas partes extra partes, quam habeat sine illo ordine. Est etiam ordo ille accidens quoddam quantitatis, & quidem completum in sua specie relatiua. Vnde non potest esse differentia essentialis quantitatis⁹.

Ad hæc, quæcunq; de quantitate numeri dicuntur, bene & sufficienter explicantur per additam differentiam accidentalem, nempe diuisionem & ordinem, nulla alia differentia essentiali intellecta. Nam cūm dicitur numerum facere, vt res sint tot vel tot, quæ est distincta quantitas à longitudine, latitudine, & profunditate. Respondetur, propter diuisionem in quãtitate, res esse tot vel tot, & prout fuerunt plures vel pauciores diuisiones, eo maior, vel minor erit numerus. Cūm etiã dicitur numerum esse diuisibilem, mensurabile, æquale vel inæquale, hæc omnia saluantur per solam diuisionē accidentalem; secundū enim plures vel pauciores diuisiones, numeri erunt æquales, vel inæquales, commensurabiles vel non commensurabiles. Quod si in multitudine cernitur quantitatis ratio distincta à magnitudine, ea est transcendentalis & impropria quippe quæ rebus etiam non quantis competat formaliter. Quoad quantitatem verò propriè dictam non distinguitur, numerus à quantitate prædicamentali nisi accidentaliter; ea enim quãtitas numeri in eo consistit quòd numerus constat ex partibus verè quantis, quãtitate molis, ablata igitur quantitate molis non erit vlla vera ratio quãtitaris. nisi ea quæ ex ratione numeri in communi oritur: quæ est transcendentalis & inuenitur in non quantis.

*Quantitatis ef-
fentia qua sit.*

Pro quo notandum est, essentiam quantitatis esse rationem partium extra partes. Hanc verò rationem partium esse diuersam in quantitate continua & discreta, inde patet quòd partes continuæ sint partes suis extensionibus partialibus in ordine ad vnā extensionem totalem constituendam; nempe vnā magnitudinem, longitudinem, latitudinem, profunditatem; Partes verò discretæ non sunt partes vnius totalis magnitudinis, & considerantur formaliter, non sub ratione extensionum, sed sub ratione vnitatum distinctarum; vt enim sunt multa vna, componunt vnā multitudinem. Id ita esse patet primo ex eo, quòd quantitas multitudinis est etiam ibi, vbi nullæ partes sunt extensæ vt in Angelis & in rebus spiritualibus; ergo per accidens facit extensio partium ad rationem multitudinis. Secundo quòd possunt esse plures partes multitudinis, & pauciores extensionis, ita vt multitudo sit maior, extensio minor & è contra. Nam duo ligna palmaria paucas partes multitudinis habet, nempe duas, & tamē hæc duas suis partialibus extensionib⁹ faciunt maiorem extensionem quā decem partes magnitudinis vnius digiti. Quocirca alia est ratio partium & quātitatis in multitudine, alia in magnitudine. Tertio, quia maius & minus nō dicuntur nisi ratione quantitatis: Cū ergo manente eadem quantitate quoad magnitudinem, sic maior quātitas quoad multitudinem, euidentis est diuersam rationem quantitatis & partium esse in magnitudine & multitudine. Verū quāuis hæc diuersitas in ratione quātitatis negari nō debeat, ista tamen quātitas diuersa, quæ in numero cernitur, est quantitas numeri transcendētis: quia conuenit numero vt abstrahit à vera quantitate,

titate & conuenit rebus etiam nō quantis, & est propriē quātitas multitudinis in communi. Quatenus verò numerus cōsideratur secundū quantitatem veram & secundū partes verē extra partes, sic non differt nisi accidentaliter à quantitate continua. Partes enim quantæ numeri, non differunt à quantitate continua nisi diuisione sola. Vnde si vniantur, & per vnionem aufertur diuisio, erunt vna quantitas continua.

Iam si spectetur numerus non ex natura rei, sed vt concipitur à nobis, sic est species essentialiter distincta; à quantitate continua, quia concipitur essentialiter cōstituta per vltimam vnitatem tanquam per formam, & actum essentialē aliarum vnitatum. cuius conceptus est fundamentum in ipsa natura partium, quæ talis est vt sit vnibilis in vnā essentialē, siue realiter per vnionem realem, & continuationem partium, siue per considerationem intellectus comparantis vnitates inter se per modum actus & potentiae.

Numerus q̄ concipitur à nobis est species essentialis quātitatis.

Ex quibus patet ad primum primæ sententiæ, numerus enim vt concipitur à nobis est vna essentialis & vna quantitas, vt verò est à parte rei, sunt multæ res quantæ.

Numerus quo modo vna essentialis.

Ad secundum. Respondeo. numerus vt dicit quantitatem, est quid reale, nec constituitur per ens rationis; est enim quantus vt est multitudo vnitatum. Multitudo autem in ratione multitudinis non pendet ab anima. Verū tamen est vt illa multitudo sit vnum, pendet ab anima; sicut & naturæ particulares; vt sint vna natura vniuersalis, dependent ab anima: hoc tamen sicut non tollit realitatem naturæ vniuersalis, ita nec numeri.

Numerus quā ratione est vnum reale.

Ad tertium. In ratione quantitatis numerus non constituitur per ordinem & ens rationis, sed per partes quantas.

Numerus per quid constituitur in ratione quantitatis.

Ad quartum. Numerus præter quantitatem transcendentelem, quæ ex ratione formali ipsius oritur ut abstrahit à rebus quantis & non quantis, habet aliam prædicamentalem, secundum quam est vera species prædicamenti quantitatis quatenus nimirum constat ex partibus vere quantis.

At obijcies. Diuisa qua diuisa non possunt concipi indiuisa; cum igitur de ratione numeri sit habere unitates diuisas (alioquin non essent multe) sequetur eas non posse concipi indiuisas, nec tanquam vnum essentiale.

*Diuisa possunt
concipi & indiuisa.*

Resp. Quæ sunt diuisa vno modo, posse concipi ut indiuisa alio modo, non enim vnus modus est indiuisiōis; quare unitates numeri etsi diuisæ sint secundum terminos quantitatuos, quam diuisiōem perdunt per continuationem quantitatuam, ita ut indiuisiō continuationis opponatur formaliter huic diuisiōi; tamen per conceptum intellectus fiunt indiuisæ per modum actus & potentia, quatenus vltima unitas intelligatur aliis aduenire & vniri sicut actus potentia, & sic fiunt vnum essentiale, eo modo quo ex forma & materia fit vnum.

*Numerum potest
mere per se &
essentialiter &
num, quando
sit necessitas?*

Sed quæres Primò quæ sit necessitas ponendi numerum, per se & essentialiter vnum, cum ad rationem numeri sufficiat diuisiō illa accidentalis unitatum & ordo. Resp. Esse necessitatem duplicem. Primò. Propter authoritatem Aristotelis & Peripateticorum, qui semper loquuntur de numero tanquam de vera & essentiali specie. Regula autem est, loquendum esse cum multis, sentiendum cum paucis. Secundò propter scientiam; Arithmetica enim demonstrat de numero passionem ipsius, de ratione autem obiecti scibilis, est ut sit vnum per se & vna essentia fundans passionem demonstrabiles; non enim potest esse scientia de ente per accidens.

cidens. Denique habet quiddam peculiare numerus, ut possit concipi ab intellectu per modum vnius essentialis, ut dictum est.

Quæres secundò. An numerus tanta perfectione sit vnus essentialiter sicut alia species entium naturalium. *Numerus sicut vnus essentialiter, sicut alia species entium naturalium?*

Resp. Nequaquam, propter duo. Primò: quia alie res habent suas differentias essentielles à parte rei, numerus autem à parte rei habet differentiam accidentalem, quæ per solum intellectum concipitur ad modum differentie essentialis. Secundò in aliis rebus differentia essentialis sumitur à forma incompleta, in numero autem sumitur à forma completa, nempe ab vnitatem ultimam quæ est quid completum; Ex quo sequitur species rerum naturalium maiori ratione esse vnum essentialiter, propter vnâ essentialiam à parte rei, quàm numerus cuius essentia solum per intellectum est vna.

Quæres tertio. An de essentia numeri sit esse numeratum actu. Resp. Negatiuè, solum enim est de essentia numeri, ut sit numerabilis; nam per hoc quod vnitates sunt numerabiles, intelliguntur habere numeri essentiam, & cum actu numeratur, non fit, sed inuenitur, & cognoscitur numerus; Quod potest explicari à simili, exemplo quantitatis, de cuius ratione est habere partes extra partes, quæ non sint actu, sed potentia, partes, & quæ non sint diuisæ, sed diuisibiles. Similiter & visibile constituitur in ratione visibilis per potentiam non actum. Et Ratio est: quia ante numerationem actuaalem per solam numerabilitatem habent vnitates omnia essentialia numeri, nempe tam diuisionem ab inuicem, quàm ordinem.

Dices hunc ordinem potentialem non esse actu. *Ordo potentialis sicut actu?*
Resp. Quod sicut visibile est actu visibile per ordinem, poten-

potentialem ad visum, ita numerus est actu numerus per numerabilitatem potentialem. Nam licet numerabilitas respectu numerationis sit quid potentiale, respectu tamen numeri, quem constituit in suo actu est quid actuale: est enim actus essentialis numeri.

QVÆSTIO VI.

An oratio sit species Quantitatis.

*Oratio sitne
species quanti-
tatis.*

ESSe speciem suadet autoritas Aristotelis, & dissuadet eiusdem autoritas in alio loco. Nam in 5. Metaphys. eam inter species quantitatis non numerat. Dissuadet & ratio manifesta. Nam oratio ut est numerus syllabarum, non distinguitur à numero, ut verò est numerus syllabarum durantium brevi vel longo tempore, sic non differt à numero & tempore simul: Denique ut est numerus syllabarum proportionem temporis certam inter se habentium (quæ est germana orationis hoc loco consideratio) ut cum in dactylo prima syllaba longiori duplo tempore profertur quàm secunda & tertia, sic oratio est aggregatum quid ex numero, tempore, & relatione proportionis. Ex quo patet orationem non esse speciem quantitatis ab aliis distinctam, sed aggregationem quandam ex aliis quantitativibus. Aristoteles verò hoc loco orationem posuit inter species quantitatis, vulgarem ea de re opinionem secutus.



QVÆ-

Q V Æ S T I O VII.

An motus sit species quantitatis.

Arist. hic motum numerat inter species quantitatis, quia est quantus & diuisibilis. in 5. verò Met. eundem reiicit, quia est quantus per accidens.

Dico primò. Propria motus quantitas est successio. *Motus quantitat. est successio.* Probatur, quia quantitas est ratio partium extra partes; at successio formalis, dicit partes extra partes, quia dicit partes post partes: Ergo successio formalis est quantitas. Quia verò motus non est ens permanens, sed successiuum, ideo & eius quantitas non est nisi successiua, & in successione partium consistit.

Dico secundò. Motum non esse veram speciem. *Motus non est vera species quantitatis.* quantitatis, quia est quantitas per accidens, vt docet Aristoteles 5. Metaph. capite de quantitate, vbi ait tempus & motum esse per accidens; Motus enim non est quantus nisi à quantitate spatij, per quod mobile diuisibiliter percurrit. Quæ res videtur habere difficultatem. *Quo sensu motus per accidens quantus.* Nam si motus ideo dicitur quantus per accidens, quia est quantus per aliud, hoc non obstat quominus sit verè quantus & ea quantitate, quæ sit vera de prædicamento quantitatis. Nam etiam substantia est hoc modo quantita per accidens quia per aliud. Quantitas enim est aliud quid à substantia, Hoc autem non obstante, substantia, est verè & vera quantitate quantita, & eius quantitas est in prædicamento quantitatis. Deinde etsi motus sit quantus per ordinem ad quantitatem spatij, tamen alia est quantitas spatij alia est motus; illa enim permanens est, hæc successiua; illa in spatio subiectiuè, hæc in mobili, vnde nihil impedit quominus motus ratione
 Nnnn huius

huius distinctæ quantitatis quam habet, sit per se quantus: nam quamvis hæc quantitas oriatur ab illa, tamen utraque est vera quantitas spatij quia spacium est vacuum & nihil, & tamen motus ille est quantus.

*Quantitas Ge-
ra non est re-
spectuè quan-
titatis.*

Nihilominus vera est ratio Aristot. Quantitas enim non est quantitas ob respectum ad alterum, sed in se & absolute est quantitas. quod probat Aristot. in Prædicam. capite de quantitate ostendens paruum & magnum non esse quantitates formales, sed ad aliquid quod nihil inquit est per se ipsum magnum & paruum, sed eo quod ad alterum refertur. Nam si per se esset magnum diceretur semper magnum, atqui respectu rationis dicitur paruum, ergo non per se, sed ad aliquid dicitur magnum, quia igitur motus respectu spatij dicitur quantus ideo non per se, sed per accidens dicitur quantus.

Quare ad primam rationem in contrarium. Respondeo. Substantiam esse verè quantam quia est vera quantitate quanta; ac motus non est verè quantus formali quantitate spatij, quantitas enim motus est successiva, & in mobili existens, solumque per ordinem ad quantitatem spatij intelligitur quantitas, ita ut per respectum ad veram quantitatem sit, & dicatur quantitas.

Ad secundum concedo aliam esse quantitatem motus aliam spatij, sed quia hæc quantitas sumitur ex respectu quodam ad spatij quantitatem ideo non est vera, sed analogia quantitas.

Ad tertium. Non esse necesse ad quantitatem motus vniuersè loquendo, ut respiciat aliquid verè quantum

tum

rum, sed satis est ut respiciat aliquid, quod fundet successionem: quare & in alteratione terminus fundat successionem, quia ex natura rei requirit, ut diuisibiliter, & successiue acquiratur.

Quod verò attinet ad motum Angeli in vacuo: Dico motum in vacuo fieri non posse secundum Aristotelem, quia vacuum nihil est: quocirca nec per motum acquiri potest: Vnde non potest fundare successionem in motu: quia quod nihil est, nihil fundare potest, de quo in Physica.

Motus Angeli in vacuo.

Sed quæres si motus non est in prædicamento quantitatis in quonam erit prædicamento? Nam cum sit peculiare quoddam genus entis videlicet deberet poni in aliquo prædicamento: non videtur autem ad vllum ex loco pertinere, qui dicit rationem formalem distinctam ab omnibus.

Responderi solet communiter. Motum non poni per se in prædicamento, quod ex sua ratione formali dicat imperfectam rationem entis. dicit enim viam ad esse: Via autem ad esse est esse imperfectum. Porro prædicamenta sunt instituta pro entibus: quæ dicunt perfectam in suo genere rationem entis. Alia verò est ratio de actione & passione quæ hanc imperfectiorem in sua ratione formali non dicunt. Nam actio solum dicit esse ab alio, quod sine vlla imperfectione intelligi potest. Vnde & Deo tribuitur. Personæ enim diuinæ sunt ab alio sine vlla imperfectione essendi. Passio etiam dicit solam receptionem formæ ab agente, siue illa receptio sit formæ perfectæ siue imperfectæ.

Motus ponatur in aliquo prædicamento?

*Motus sine ens
imperfectum.*

Verum hæc responsio continet aliquid nimis difficile, motum esse ens imperfectum eo quod res in motu sit imperfecta; id enim videtur falsum. Nam res æquè perfectè habet esse tunc cum sit sicut cum facta est, si ista proportionaliter accipiantur, hoc est, ut vnum responderet alteri. Nam si motus sit instantaneus, ut plerique opinatur, res tam in fieri quàm in facto esse est tota simul, ac proinde totam suam perfectionem habet in eo instanti; nec plus illi perfectionis accedit post illud instans, nec plus aliquid habet in facto esse, quàm in fieri: alioqui cum fieri & factum esse sit in eodem instanti, sequeretur rem esse in eodem instanti perfectā & imperfectā quæ sunt contradictoria. Si verò motus sit diuisibilis, & in tempore, eadem quoque erit ratio. Nam prima pars caloris quæ respondet primæ parti motus æquè est perfectæ in fieri atque in facto esse: quid enim caloris habet in facto esse, id ipsum habet in fieri. Et calefactio ut vnum tantundem habet de perfectione caloris, quantum calor ut vnum: Ergo si calor ut vnum ponitur per se in prædicamento, ponitur etiam calefactio ut vnum; cum utrumque eandem perfectionem dicat.

Nam si dicas in fieri existere imperfectè, in facto verò esse perfectè. Contra: quia in fieri eandem totam perfectionem & quantitatem caloris habet, quam habet in facto esse: Ergo æquè perfectè existit. Perfectum enim est cui nihil deest; ac calori in fieri nihil deest, ad essentiam & quantitatem caloris requisitum, ergo perfectè existit.

Quod si dicas rem cum concipitur in motu, concipi in via ad esse, ac proinde secundum esse nondum habitum. Resp. Pari ratione etiam dici posse actionem & passio-

passionem esse entia imperfecta; quia res cum est sub actione & passione nondum intelligitur esse in termino sed in fieri. Si igitur hoc non obstante actio non est ens imperfectum ex suo genere: neq; motus erit imperfectus, eo sensu quo isti volunt. Deinde dico rem in motu concipi esse in via respectu vltioris termini v. g. Calefactio vnus gradus; est via ad gradus sequentes, non verò respectu immediati termini, quia calefactio vt vnū est simul cum calore vt vnum. Illa etiam prioritas viae respectu termini immediati, est inducta per rationem abstrahentem motum, à perfectione termini, in re autem motus coniunctus est semper cum termino suo immediato, neq; per absolutam Dei potentiam poni potest absq; illo.

Altera igitur responsio est motum accipi posse dupliciter. 1. in genere vt abstrahit ab actione & passione. 2. in specie vt est actus motiui, aut mobilis, actiui, aut passiui, quomodo motum definit Aristot. in 3. Phys. t. 33. Primo modo motus in nullo est prædicamentum, quia est quid transcendens & Analogum: sicut enim accidens quod est quid transcendens. ac analogum ad genera accidentium, non ponitur in vlllo prædicamento; ita & motus; est enim motus quid superius actione & passione, ac proinde quid transcendens genera prædicamentorum. Secundo verò modo ponitur in prædicamento actionis & passionis. Motus enim vt in agente est actio vt in passione est passio. In communi verò distinguitur quidem ab vtroque, sed sicut genus Analogum à suis speciebus, motus enim vt est ab agente est actio, vt in passio est passio. Quare sicut genus Analogum à suis speciebus distinguitur. ita motus ab Actione & Passione. Genera auté Analogica non ponuntur in prædicamento.

Motus accipitur dupliciter.

Respondetur ad difficultatem.

*Motus habet-
né diuersam
definitionem
ab actione &
passione.*

At inquires. Motus habet diuersam definitionem ab actione & passione. Respondeo. Si sumatur in genere, habet diuersam definitionem, definitur enim motus in genere actus entis in potentia quatenus in potentia: At ens in potentia specificè acceptum, est vel in potentia actiua, vel in potentia passiua; ergo & motus in specie acceptus non est actus nisi vel passiui vel actiui: quatenus est actus actiui est actio, quatenus est actus passiui est passio. Quare motus in specie non est nisi actio vel passio formaliter. & sic Aristoteles 3. Phys. tex. 33. definiens motum in specie ait esse actum actiui vel passiui, quatenus actiuum vel passiuum est.

QVÆSTIO VIII.

An tempus sit vera species quantitatatis.

Tempus est formaliter quantum propter successionem.

Dico primò, tempus esse quantum formaliter propter successionem: quia partes temporis non sunt permanentes, nec simul, sed successiuæ, & propter successionem vna est extra alteram, ad eum modum quo de quantitate motus diximus.

Motus & tempus eadem est quantitas.

Dico secundò. Eandem quantitatem esse motus & temporis, quia vtriusq; quantitas est successio, & eadem successio est motus, & temporis, ergo & eadem quantitas.

Tempus est ipsa quantitas motus.

Dico terciò. Tempus est ipsa quantitas motus. Ratio est: quia successio, est propria quantitas motus; ac tempus formaliter est successio partium priorum & posteriorum, vt patet ex ipsius definitione: Ergo tempus est quantitas motus. de quo plura in physica, intellecto enim

enim priori & posteriori in motu, intelligitur tempus, prius autem & posterius in motu est successio partium antecedentium & consequentium.

Dico quartò. Tempus est quantum per accidens, quia est quantum ratione motus seu quatenus est idem cum motu: at motus est quantus per accidens, quia per respectum ad spatium vel terminum: Ergo & tempus.

Tempus est quantum per accidens.

Dico quintò. Tempus non esse veram speciem quantitatis; quia tempus est quantum per accidens v^l dictum est. hoc est non quantitate aliqua absoluta, hoc est quæ sit per se & essentialiter quantitas; sed respectiva, & Analogica, quæ per respectum ad aliud sumitur, vt præcedenti quæstione dictum est.

Tempus non est vera species quantitatis.

QVÆSTIO IX.

An locus sit species quantitatis distincta à superficie.

Locus definitur ab Aristotele esse superficies corporis continentis immobilis, Quare vt superficies habeat rationem loci, duo requiruntur, vt sit continens & immobilis, Videtur igitur locus in ratione quantitatis distingui à superficie simplici; quantitas enim continens est distincta, à non continēte, dicit enim adæquationem quātitatis, & diuisibilitatem secundum diuisionem alterius, qui modus videtur esse distinctus modus quantitatis, & intra rationem quantitatis.

Locus quid sit.

Dicendum tamen est, locum in ratione quantitatis, non differre à superficie. Nam quidquid locus addit ad superficiem, est accidentale superficiei, siue sit

Locus in ratione quantitatis non differt à superficie.

conti-

continentia, siue immobilitas: accidens enim est quod potest adesse & abesse, præter subiecti corruptionem: atqui eadē superficies ex continenti, fit non continens, ex immobili mobilis, salua tota sua quantitate. ergo tam continentia, quàm immobilitas sunt accidentia superficiei, neq; ex consequenti illam variant essentialiter in ratione quantitatis. Quod verò de adæquatione dicitur, nihil concludit. Omnis enim superficies est adæquata alteri superficiei sibi æquali, vt sicut superficies continens est adæquata contentæ, ita & contenta est adæquata continenti. Quare si propter adæquationem locus est distincta species à superficie etiam superficies locati esset distincta species à superficie simplici. Imò cum sine continentia possit esse adæquatio, vt in duobus planis sibi perfectè adæquatis, plures adhuc ponédæ essent quãtitatis species. Ex quo pater locum nō esse quid vnū, sed aggregatum ex superficie, continentia, & immobilitate. Quare si sumatur vt aggregatum ex his tribus, non potest poni in prædicamento, cum non sit vnum ens sed multa; si verò sumatur vt superficies, tunc ponetur in quantitate, non vt locus, sed vt superficies. *Differt autem locus à superficie accidentaliter; additis enim duobus accidētibus continentia & immobilitate superficies fit locus. Ponitur autem locus formaliter acceptus cum illis duabus conditionibus in prædicamento vbi, tanquam id per ordinem ad quod, vbi dicitur vbi; vbi enim est esse in loco.*

Loci & superficies differētia.



QVÆSTIO X.

Quot nam sint species quantitatis.

Solutio huius quæstionis colligitur ex præcedentibus; diuiditur enim quætitas in continuam & discretam, in successiuam & permanentem.

Dico igitur primò. Quantitas duas solùm habet species, magnitudinem & multitudinem. Illa est continua, hæc discreta. Patet ex dictis & ex Aristotele in 3. Metaph. ubi has duas species tantùm numerat.

*Quantitatis
tantum sunt
duæ species.*

Non pono autem species quantitatis continuam & discretam, sed magnitudinem & multitudinem; quia non omnis quantitas continua est per se species quantitatis; tempus enim & motus sunt continua, non tamen sunt species quantitatis; quia sunt quanta per accidens, ut dictum est.

Dico secundò. tres esse species magnitudinis distinctas, longitudinem, latitudinem, profunditatem, propter diuersam rationem partium. Neq; enim hæc diuersitas partium, quæ in his tribus cernitur est accidentalit, neq; sumitur ex aliqua proprietate accidentali, sed est essentialis quia est diuersitas in ipsa ratione partium, quæ est ratio essentialis quantitatis; alia enim est ratio partium in longitudine, nempe partium diuisibilium, secundùm longitudinem, & indiuisibilium secundùm latitudinem & profunditatem; alia in latitudine, nempe partium diuisibilium secundùm latitudinem, indiuisibilium secundùm profunditatem; alia in profunditate, nempe partium diuisibilium secundùm profunditatem. Confirmatur. Quia hæc quætitates ita sunt à se distinctæ, ut vna negetur formaliter de altera; lon-

*Magnitudinis
sunt tres par-
tes distinctæ.*

gītudo enī quā longitudo, non est latitudo, nec latitudo, quā latitudo est longitudo, aut profunditas, neque profunditas quā profunditas est latitudo, vel longitudo. Et licet hę quantitates fortē in re sint idem, formaliter tamen vna non est altera.

Paruum quomodo negatur de magno, nec differunt specie.

Quod si dicas, etiam paruum negatur de magno, & tamen non differunt specie. Respondeo. Paruum negari de magno propter respectum accidentalem, quem addit quantitati: at longitudo negatur de latitudine secundum se, vt est abstracta ab omnibus differentiis, & modis accidentalibus; quod argumēto est negari essentialiter. & sub ratione purę quantitatis.

Longitudo & latitudo quæ ratione differunt essentialiter.

Obiicitur primò. Eadem quantitas secundum eadem partes est longa, lata, profunda: ergo in ratione formali partium non differunt essentialiter hę quantitates, sed solum in modo. Respondeo. Longitudo, & latitudo possunt accipi dupliciter. Primò essentialiter, vt dicunt vnā tantum dimensionem, vel in longum vel in latum: Secundò comparatiuè cum corpore dicitur extensum in longitudinem vel latitudinem, vt quando latitudo vel profunditas accipitur in longum vel latum. Primo igitur modo differunt essentialiter; alię enim partes sunt longitudinis, alię latitudinis; secundo verò modo non differunt essentialiter & in ratione partium; Quia eadem partes secundum longitudinem, & latitudinem considerantur diuerso respectu.

Profunditas includitur in

Obiicitur secundò. Vna species non includitur in alia formaliter; species enim sub rationibus specificis distinguuntur formaliter non vniuntur: at profunditas includit longitudinem & latitudinem; est enim longa & lata: ergo hę quantitates non distinguuntur specie. Respondeo. Si quantitates sumantur essentialiter pro

vna

vna sola dimensione, sic vna non includitur in altera; *se longitudinē*
 si verò sumantur non essentialiter, sed secundum quen- *& latitudinē.*
 dam modum & similitudinem alterius dimensionis, sic
 vna includitur in altera; latitudo enim potest sumi vt
 porrigitur in longū, & profunditas vt porrigitur in lon-
 gum & latum; sed illa longitudo & latitudo non est vna
 dimensio. Nam longitudo vt est vna dimensio est quā-
 titas expers latitudinis & profunditatis; latitudo verò est
 quantitas expers profunditatis.

Dico Tertiò. Multitudo nisi determinetur ad nu- *Multitudo qua*
 merum non habet plures species essentialiter distinctas: *ratione nō ha-*
 quia consistit in collectione vnitatum, quæ collectio est *bet plures spe-*
 eadem formaliter in quibuscunq; vnitatibus considere- *cies essentiali-*
 tur, & solum differt secundum maius & minus. Cum *ter distinctas.*
 verò determinatur ad rationem numeri, habet ratione
 numeri varias species. Vltimæ enim vnitates in
 numeris constituunt varias numerorum
 species, vt dictum est.





DISPUTATIO X.

De Relatione.

QVÆSTIO PRIMA.

An relatio sit ens reale.

REferri, est habere se aliquo modo ad aliud. Ille igitur modus habendi se ad aliud, an sit aliquid reale, meritò dubitatur. Quod si sit reale, an sit quid intrinsecum rei relatæ, vel mera extrinseca denominatio à termino? Quod si sit quid intrinsecum, an sit ex natura rei distinctum à fundamento, an sola ratione? quod si sola ratione, an distinguatur perfectè ut noua essentia nihil includens de essentia fundamenti, an ut eadem essentia alio modo concepta? quæ omnia sunt diligenter examinanda: ex iis enim plena cognitio essentiæ relationis dependet.

Quod igitur ad realitatem relationū attinet, sunt tres sententiæ. Prima sententia asserit, relationem ex se nec esse realem nec rationis, sed abstrahere ab utroq; cum sit ad utrumque indifferens. Ita Caietanus, Capreolus, Soncinas, & nonnulli Thomistæ. Probatur. Quia si relatio ex se esset realis, non posset esse vlla relatio rationis; & è conuerso, si ex se esset rationis, non posset dari vlla relatio realis: ergo cum dentur relationes aliquæ reales, aliquæ rationis, relatio ex sua ratione non magis est realis,

lis, quàm rationis, sed ad vtrumque est indifferens; dicit enim relatio solum esse Ad, esse verò Ad, æquè invenitur in relationibus realibus & rationis. Docent autem hi Authores illud esse Ad, fieri reale per esse In, quatenus realiter in aliquo inhæret, vel est alicui realiter idem.

Sed hæc sententia meritò ab aliis refellitur, Primò: Quia in relatione reali nullus potest cogitari naturæ gradus, qui nō sit realis; omnes enim gradus relationis realis, realiter existunt, & realiter conveniunt subiecto: ergo omnes sunt reales. Nam si datur aliquis ex se non realis, ille neque realiter existet, neque realiter conveniet subiecto; quomodo enim id quod non est reale realiter existit, aut convenit alicui; neque enim realitas est quid superadditum enti, sed est ipsa entis essentia, extra suas causas existendo. Existit autem ens extra suas causas, immediatè sua essentia, quare suamet essentia est res. Secundò. Deinde quod dicitur esse Ad fieri reale per esse In, id quoque falsum est: cum quia relatio nō solum realiter convenit subiecto, sed etiam realiter refert subiectum ad terminum, & facit vt subiectum habeat se realiter ad terminum: ergo non solum respectu subiecti est realis, sed etiam respectu termini: cum quia esse Ad, & esse In, non sunt duo distincti gradus, sed duo respectus eiusdem gradus. Nam illa res quæ est ad terminum, est etiam in subiecto, imò ipsum Ad, est etiam In, quia inexistit subiecto, & illud esse In, est etiam Ad, quia subiectum per hoc quod est in ipso, refertur ad aliud, non verò per hoc quod non est in ipso: ergo idem omnino naturæ gradus est & inexistens subiecto, & referens subiectum ad terminum, quod est eundem gradum fundare duos respectus ad subiectum & ad terminum, ita vt

idem gradus diuerso respectu dicatur Ad & In; respectu termini Ad, respectu subiecti In.

*Relatio non di-
citur vniuocē
de relatione re-
alis & rationis.*

Ex quo infero. Relationem non esse quid vniuocum ad relationem realem & rationis. Primò: Quia nullum vniuocū dicitur de differentiis vniuocatorū: at relatio dicitur de differentiis relationis realis & rationis: Ergo non est quid vniuocū. Minor patet: quia specificadifferētia vtriusq; relationis est Ad reale, & Ad rationis: at de vtroque esse Ad, dicitur relatio: Ergo. Secundò. Vniuocum est quid præter vniuocata abstrahens à differentiis vniuocatorum: at relatio non abstrahit à reali & rationis. Nam oēs gradus relationis realis sunt reales. Dices non esse reales formaliter, sed identicè. Contra: Reale dicitur quod est extra suas causas: at quilibet gradus seipso formaliter est extra suas causas: ergo seipso est realis formaliter, non solum identicè.

Porro ad rationē oppositæ sententiæ facilè respondetur. Primò. illud argumentum fieri posse, de quolibet analogo, verbi gratia, quod ens ex se nec sit substantia nec accidens: sicut ergo in aliis analogis non valet, ita nec in relatione quæ dicitur analogicè de reali & rationis. Secundò respondeo. Relationem sicut & omne analogum non significare vnā naturam, sed diuersas secundum aliam & aliam significationem. Quare vt significat secundum vnā significationem relationem realem, relatio ex se est realis; vt verò secundum aliam significationem significat relationem rationis, relatio ex se est rationis, nec vllō modo potest esse realis, sicut neque ea quæ realis est potest esse vllō modo rationis. Solum igitur in conceptu confuso &

*Relatio in con-
ceptu tantum
confuso abstra-
hit à reali &*

imperfecto relatio abstrahit à reali & rationis: in conceptu verò distincto & determinato, non datur vlla

rela-

relatio, quæ non sit ex se vel realis vel rationis. Vnde ratio in cōca
 de veriùs dicetur relationem, vt relatio est, ex se esse, *ptu autem di-*
 & realem & rationis, secundum diuersas significatio- *flucto, semper*
 nes, quàm ex se nec esse realem nec rationis. Nam et si *est aut realis.*
 genus vniuocum abstrahat à differentiis, tamen genus *abstractionis*
 analogum non abstrahit, sed illas immediatè includit
 secundum diuersas significationes.

Secunda sententia asserit, Relationem prædica-
 mentalem formaliter esse relationem rationis, solum-
 quæ fundamentaliter esse realem. Probatur primò.
 si relatio formaliter esset aliquid reale, non posset ad-
 uenire rei sine reali mutatione: atqui Aristoteles 5.
Physic. t. 10. ait relationem aduenire rei sine vlla ipsius
 mutatione, per alicuius rei extrinsecæ mutationem:
 ergo non est quid reale formaliter. Confirmatur.
 Quia incredibile est vna formica producta de nouo,
 totum mundum mutari nouis realibus accidentibus
 acquisitis; omnes enim aliæ res incipiunt habere rela-
 tionem ad illam rem productam, distantia, similitu-
 dinis, &c. Si ergo hæ relationes sunt reales, totus
 mundus realiter mutatur ad vnius formicæ produ-
 ctionem.

Secundò probatur. Si relatio esset ens reale, data
 vna relatione, sequeretur dari infinitas actû: quod
 cùm absurdum sit, erit quoque absurdum id ex quo
 sequitur. Probatur ergo sequela. Si enim duo alba,
 quia conueniunt in vna essentia albedinis, sunt sibi si-
 milia duabus similitudinibus realibus; etiam illæ simi-
 litudines alborum, quia conueniunt in vna essen-
 tia similitudinis, erunt sibi similes duabus similitu-
 dinibus similitudinum; & rursum hæ similitudines
 simi-

similitudinum, quia pariter conveniunt in vna essentia, erunt sibi similes, & sic in infinitum.

Dices esse infinitas potentia. Contra. quia posita prima similitudine, omnes aliae ponuntur actu, cum vna necessario sequatur ex alia: ergo si sunt infinitae sunt actu infinitae. Quod si dicas: alba esse similia similitudinibus, ipsas vero similitudines esse sibi similes seipsis, non aliis similitudinibus. Contra primò: sicut alba non sunt similia seipsis, sed additis similitudinibus, ita & similitudines non possunt esse sibi similes seipsis, aut si sunt similes seipsis, etiam alba erunt similia seipsis; quia utrobique est eadem causa sufficiens ad causandam distinctam similitudinem, nempe vnitas & convenientia in natura: Ergo vel utrobique causabitur distincta similitudo, vel in neutro. Secundò. Quia illae primae similitudines sunt alborum similitudines, hoc est, in albedine similitudines: similitudines autè posteriores sunt similitudines similitudinum, non alborum; quia non in essentia albedinis, sed in essentia similitudinis sunt similitudines: non igitur potest dici eandem esse similitudinem similitudinum cum similitudine alborum.

Probatur terciò. Quia relatio nihil aliud est, quam comparatio quædam duorum inter se: at hæc comparatio fit formaliter ab intellectu cum fundamento in re: ergo relatio formaliter est ens rationis; posito enim fundamento in re, & intellectu comparante vnam rem cum altera, sufficienter saluatur tota ratio relationis; sicut & ratio numeri simili modo sufficienter saluatur, per actionem intellectus numerantis, cum fundamento in re.

Probatur quartò. Quia in Deo non sunt relationes reales ad creaturam, sed rationis, vt relatio Domini & Crea-

Creatoris: si igitur sufficienter intelligamus Deum referri ad creaturas per relationem rationis, etiam creaturæ eadem ratione referri sufficienter poterunt.

Tertia sententia est communis, relationem prædicamentalem formaliter esse ens reale. Nam in primis constat aliquas relationes esse reales, ut sunt relationes diuinæ, & relationes quæ dicuntur essentialles, siue quod ad essentiam pertineant, siue quod ab essentia oriantur, ut est relatio scientiæ ad scibile, & relatio potentiarum ad suos actus & obiecta. Ex quo colligere licet, quod si in aliquibus ratio formalis relationis est realis, in aliis quoque non repugnare eandem rationem esse formaliter realem: quod tunc accidit quando omnia quæ ad ipsam causandam requiruntur sunt realia, hoc est, quando & subiectum & fundamentum & terminus erunt realia: Omnis enim effectus qui ex natura sua est realis, positis omnibus causis ad esse eius requisitis erit realis: Atqui relatio est natura sua apta esse realis: ergo positis omnibus causis requisitis, erit verè realis. Secundò. Quod est ante omnem conceptionem intellectus, est reale: atqui relationes rerum sunt ante omnem conceptionem intellectus: ergo sunt verè reales. Minor patet inductione: duo enim alba ante omnem conceptionem sunt similia: quia similitudo alborum nihil aliud est quàm vnum esse tale quale aliud est. Ad hæc album non ideo est tale, quia concipitur, sed quia verè est tale: imò ideo concipitur tale, quia est tale, non è conuerso, ideo est tale, quia concipitur tale. Deinde si nullus intellectus esset possibilis, adhuc duo alba essent similia; quia vnum esset tale quale aliud.

Relatio Prædicamentalis est ens reale.

Dices. Illa alba à parterei sunt similia fundamentaliter tantum, quia habent fundamentum ut concipiuntur ab intellectu similia; sicut multæ unitates in intellectu habent fundamentum, ut numerari possint ab intellectu. Respondeo. Disparem esse rationem relationis & numeri. Nam multæ unitates à parte rei non habent in se sufficientem & determinatam causam, ut constituentur in aliqua determinata specie numeri, cum sint ad omnem numeri speciem indifferentes; unaquæque enim unitas, non magis est prima quam secunda: Hinc igitur fit, ut relinquatur potestas intellectui determinandi unitates ad hanc vel illam speciem numeri. At verò relatio habet à parte rei causam sui esse determinatam & sufficientem: quare non eget opera intellectus, ad suum esse ut realiter est à suis causis. Quocirca eo planè modo intellectus concipit relationem posito fundamento, quemadmodum concipit quemlibet effectum posita ipsius causa reali; sua enim conceptione non facit effectum illum esse, sed solum concipit esse à causa sua realiter. Probatur tertio. Ens reale est illud quod est extra causas reales: atqui relationis omnes causæ sunt reales, subiectum, fundamentum, terminus: ergo & relatio cum fuerit extra suas causas erit verè realis; causæ enim dictæ, sunt causæ adæquatæ relationis, ut per se manifestum est.

Restat ut solvantur argumenta secundæ sententiæ. Ad primum respondeo. Si relatio esset accidens ex natura rei distinctum à fundamento, non posset aduenire rei, sine ipsius mutatione reali; omnis enim forma realis, de nouo adueniens subiecto, mutat subiectum, & facit ex non tali tale: si ergo relatio sit forma

ma realis denouo adueniens subiecto mutabit realiter subiectum. Neque refert quòd hæc forma sit relatiua; nam etiam forma relatiua est res inexistens subiecto, & mutat subiectum de non esse tali relatiuo ad esse tale relatiuum.

Quidam respondent Aristotelem solùm negare, quòd relatio acquiratur per mutationem per se & ratione sui intentam à natura, non verò negare quòd acquiratur per mutationem consequentem ad fundamentum. Sed contra. Primùm qui ita respondent, non satisfaciunt Aristoteli. Is enim dum probat ad relationem non esse motum, non in eo vim facit, quòd relatio per se vel per accidens acquiratur, alioquin hoc *expressè* dixisset, sed in eo quòd acquiritur relatio altero mutato, ipso verò subiecto nullam mutationem patiente: at si relatio consequenter adueniret subiecto cum eius mutatione, non dixisset nullam mutationem subire subiectum, sed subire aliquam licet non per se, sed per accidens; absurdum enim est dicere, Aristotelem tacuisse id in quo totum pondus argumenti erat positum. Neque etiam satisfaciunt rationi: quia incredibile prorsus est totum mundum nouis realibus accidentibus mutari, producta de nouo vna formica, etiam si illa accidentia ponantur relatiua, & consequentia ad aliud.

Deinde etsi relatio consequatur fundamentum, id non impedit, quo minus verè mutationem adferat subiecto, eo prorsus modo, sicut si per se fuisset producta. Nam si per se produceretur, non afferret maiorem mutationem subiecto, quàm nunc affert, cùm consequitur fundamentum. Sicut aqua non minus mutatur, cùm seipsam reducit consecutiue ad pristinum frigus.

per emanationem quandam frigoris ab essentia aquæ, quàm si frigus produceretur in aqua ab aliquo agente frigido: frigus enim non ideo mutat aquam, quia hoc vel illo modo producitur, ab hoc aut illo agente, sed quia est noua forma adueniens aquæ; ad hoc autem per accidens se habet, quòd per se aut consecutiue producat.

Quomodo relatio adueniens subiecto, non mutat illud.

Dicendum igitur est ad argumentum: relationem ideo aduenire sine mutatione subiecto, quia non est res distincta à fundamento: eadem enim forma in se non mutata, propter solum diuersum respectum, alio & alio modo denominare potest; si enim albedo sumatur absolutè, denominat subiectum album, eadem verò albedo respectu alterius albi denominat simile vel dissimile, sublato verò termino, desinit sine vlla sui mutatione, propter solam mutationem termini, denominare subiectum simile: quæ enim respectu aluerius dicuntur talia, ea sine vlla sui mutatione per solam mutationem alterius dicuntur vel non dicuntur talia: sic idem dicitur magnum vel paruum respectu diuersorum, sine vlla sui mutatione, per solam mutationem alterius.

Licet relatio sit ens reale, nõ sequitur tamẽ, si data & nã relatione debeãt dari alia infusa.

Ad secundum argumentum difficilior est responsio, & in ea sententia quæ tenet relationes esse res distinctas à fundamento planè impossibilis Est igitur triplex modus respondendi. Primus est non multiplicari relationes relationum; quia relatio seipsa non per aliam relationem refertur. In omni enim genere, id quo aliquid est tale, seipso non per aliquid aliud est tale: verbi gratia, paries quia est albus albedine, albedo ipsa non est alba alia albedine, neque quantitas est quanta alia quantitate à se distincta, neque actio

actio aut passio est talis per aliam actionem & passionem. Cum igitur relatio sit id, quo alia referuntur, ipsa seipsa non per aliam relationem refertur. Ita Caietanum cum D. Thoma prima parte quaest. 42. art. 2. Ferrariens. 4. contragentes, cap. 110. Soncinas 5. Metaph. quaest. 29. Quare secundum hanc sententiam duo alba referuntur ad se per similitudines à se distinctas, ipsae verò similitudines referuntur ad se non per alias similitudines sed seipsis.

Sed hæc sententia refellitur primò. Quia illæ relationes sunt distinctæ, quæ habent distincta fundamenta ac distinctos terminos; non enim aliunde sumitur distinctio relationum, nisi ex distinctis fundamentis, & distinctis terminis: atqui relatio relationum, habet distinctum fundamentum, & distinctum terminum, à relatione absolutorum: ergo est distincta relatio à relatione absolutorum. Minor probatur. Quia in relatione absolutorum, tam fundamentum quàm terminus sunt quid absolutum, in relatione verò relationum, utrumque est quid relatiuum: ergo hæc duæ relationes habent fundamenta & terminos essentialiter distinctos. verbi gratia, similitudo alborum pro fundamento habet albedinem, pro termino aliud album; similitudo verò similitudinum pro fundamento habet relationem similitudinis, pro termino verò oppositam relationem similitudinis: sicut enim duo alba in essentia albedinis sunt similia, ita duæ similitudines in essentia similitudinis sunt similes.

Secundò. Idem in ordine ad diuersa potest esse & Quo & Quod, quare & relatio absolutorum, licet sit ut quo respectu absolutorum, quia per illam formaliter absoluta referuntur, tamen illa ipsa relatio; ut in ratio-

ne relationis conuenit cum opposita relatione, sic habet se vt quod, & refertur vt quod ad aliam, cum qua conuenit in essentia relatiua: verè enim ita ad se referuntur hę relationes ad inuicem, sicut referuntur duo alba, quatenus conueniunt in essentia albedinis. Ex quo patet relationem vt habet quo, seu vt est id, quo absoluta referuntur, non referri distincta relatione ad album sed seipsa; neq; enim habet distinctum fundamentum & terminum à fundamēto & termino absoluto: at vt habet rationem quod, sic & fundamētum & terminū relationis habet distinctum; ac ex consequenti non seipsa sed per aliam relationem refertur. verbi gratia, similitudo alborum, seipsa est similitudo alborum, quia seipsa fundatur in albedine, & terminatur ad albedinem, & *sub* hac ratione est id quo duo alba referuntur ad se: at verò similitudo alborum, non est seipsa similitudo similitudinum: nam similitudo alborum fundatur in albedine, & terminatur ad albedinem; similitudo verò similitudinum fundatur non in albedine sed in similitudine, & terminatur non ad albedinem sed ad similitudinem; vnde similitudo alborum, vt *substat* similitudini similitudinum, habet se vt quod, non vt quo. Quocirca illa propositio, Id quo aliquid est tale, seipso non per aliud est tale, intelligenda est formaliter, respectu eorum, respectu quorum habet rationem quo. Verbi gratia, similitudo alborum vt est quo alborum, seipsa & non per aliam relationem refertur ad alba; quia est ipsa relatio alborum, cum hoc tamen stat, quòd relatio albi comparata cum alia relatione albi, per aliam distinctam relationē referatur ad oppositam relationē.

Ex quo etiam patet, esse magnum discrimen inter exempla allata & relationem: Nam albedo (verbi gratia) non habet in se fundamentum, vt sit alba alia albedine.

dine, nec quantitas vt sit quanta alia quantitate, vnde rectè dicimus albedinem non esse albam per aliam albedinem, nec quantitatem esse quantam per aliam quantitatem, sed seipsa. At similitudo habet in se fundamentum nouæ similitudinis. Nam similitudo quæ erat similitudo solùm in albedine fundare potest similitudinem in similitudine; quocirca per aliam similitudinem est similis in similitudine distinctam à similitudine in albedine. Et hæ rationes probant vniuersaliter de omni relatione, nempe quòd omnis relatio relationum sit distincta in genere relationis à relatione absolutorum; quia habent distincta fundamenta & terminos, quod est contra Suarium & Ruuium concedentes id de quibusdam tantùm relationibus non de omnibus; omnium enim in hoc est par ratio: omnes enim relationes relationum habent distincta fundamenta & terminos à fundamentis & terminis in relationibus absolutorum.

Relatio relationum differt in genere relationis à relatione absolutorum.

Secundus modus respòdendi est, quem etiam probabilem reputat Suar. in sua Metaph. concedendo relationes multiplicari in infinitum in eodem subiecto, ita tamen vt non sint infinitæ actu sed potentia. Nam quòd multiplicentur patet, quia habent distincta fundamenta & terminos. Quòd verò sint infinitæ patet: quia infinita fundamenta & termini illorum assignantur. Quòd verò non sint infinitæ actu probatur: quia non sunt actu à se distinctæ; nulla enim relatio distinguitur ex natura rei à suo fundamento, vt quæstione tertia demonstrabimus: at hîc vna relatio fundatur in altera: ergo vna ab altera ex natura rei non distinguitur, ac ex consequenti non existit multitudo relationum actu infinita; non potest enim esse multitudo actu infinita sine actuali distinctione vnitatum. Neque verò in.

in hoc est vlla maior difficultas, quàm quæ est in continuo, cuius partes etsi sint actu quoad entitatem, sunt tamen potentia infinitæ quoad diuisionem, & eadem argumenta quæ fiunt contra vnum, fieri possunt contra alterum. Quòd verò illud non sit absurdum in relationibus concedere, patet à simili in numeris. Nam etiam in numeris simile quid inuenimus; positis enim duobus numeris, necesse est simul poni infinitos numeros: v. g. datis binariis duobus, eo ipso datur ternarius numerorum confectus ex duobus illis binariis, & binario binariorum, & dato dicto ternario, dabitur quaternarius confectus ex tribus binariis, & quarto ternario trium binariorum, & sic in infinitum. Hoc enim argumentum aliter solui non potest, nisi concedendo infinitum in potentia in numeris. Nam licet omnes illi numeri sint actu, quoad entitatem, non sunt tamen distincti actu à primis illis duobus binariis. Hoc igitur idem & de relationibus dici potest & debet.

Quod si obiiciatur primò. Ad infinitatem actu non requiritur actualis diuisio. Nam si sit quantitas actu infinita, etiam si habeat partes actu à se non diuisas sed continuas, erit verè actu infinita. Ergo & sic erunt infinitæ relationes actu, etiam si non sint actu à se distinctæ. Respondeo, disparem esse rationem de quantitate continua, & discreta. Nam quantitas continua si est infinita, absq; diuisione partium est infinita, per infinitam continuationem partium, non per diuisionem: quantitas verò discreta, cùm consistat in multitudine & diuisione partium, non potest esse infinita, nisi habeat partes infinitas diuisas. Cùm igitur relationes statuuntur infinitæ secundū multitudinem, non poterūt dici infinitæ actu, nisi sint distinctæ actu; non enim ex omnibus illis relationibus

tionibus conficitur vna relatio infinita, sed illa realitas in infinitas secundum multitudinem relationes est diuisibilis.

Obiici etiam potest authoritas Aristotelis, qui in secundo Metaph. probat non dari progressum in infinitum in rebus subordinatis, quarum vna pendet ab altera; Cum enim vnum pendet ab altero in infinitum, infinitum autem pertransiri non potest, nunquam res illa existeret, quia pendet ab infinitis, quæ pertransiri nõ possunt. Sed respondetur, id verum esse in iis quæ verè sunt sibi subordinata, vt cum posteriora pendet à prioribus, & nisi ponantur priora non ponuntur posteriora: at in hoc infinito in potentia nõ est talis dependentia & subordinatio, sed potius contrario modo fit. Nam à primo inchoatur & proceditur ad sequentia in infinitum. Et sicut assignata aliqua parte in continuo, ex ea fiunt aliæ & aliæ partes per diuisionem in infinitum, ita & in relationibus, posita prima relatione, ponuntur aliæ in infinitum: contra quod non pugnat ratio Aristotelis.

Verum neque hic modus respondendi satisfacit. Primò. Propter authoritatem Aristotelis 2. Metaph. cap. 2. vbi ex professo probat non posse dari processum in infinitum in causis, idque demonstrat in omni genere causarum. Ex hoc autem manifestè sequitur non posse dari processum in infinitum in relationibus; quia vna relatio causatur ex altera. Nam posterior fundatur in priore; vnde etiam necesse esset assignare relationem, quæ causaret infinitas actu relationes, & aliam, quæ causaretur & penderet ab infinitis relationibus; siquidem ita sunt inter se dispositæ, vt secunda supponat primam, tertia secundam; si ergo sit processus in infinitum, & omnes illæ relationes sint à parte rei, necesse est dari vnam relationem supponentem omnes, & pen-

dentem ab omnibus; quod est dari processum in infinitum in causis contra Aristotelem. Idem Aristoteles 5. Metaph. tex. 25. probat Habitum non haberi, in infinitum enim (inquit) procederetur. Ergo talem processum in infinitum, pro absurdo habet Aristoteles.

Secundò. Non satisfacit hic modus propter rationem manifestam: Si enim hæ relationes statuuntur finitæ, vel omnes erunt à parte rei, vel non: Secundum dici non potest; quia argumentū urget, quòd qua ratione datur prima relatio, eadem ratione debent dari omnes aliæ; cùm ergo omnes sint infinitæ, sequitur infinitas esse relationes à parte rei, eo actu, quo actu datur prima relatio. Si verò dicatur primum, tunc sequitur has relationes non esse infinitas propter duo. Primò, quia omnis multitudo finita versus vnā partem, est etiam finita versus alteram; siquidem tanta est via Thebis Athenas, quanta Athenis Thebas, nec plures continet vnitates, si sumatur versus vnā partem, sicut si sumatur versus alteram; iisdem enim vnitatibus & hic & ibi constat. Cùm ergo in hac multitudine relationum assignemus primam, quā alia nō est prior, sequitur multitudinem relationum ex hac parte non esse infinitam, quia postq̃ fuerit peruētum ad primam, illa erit vltima & dabitur finis multitudinis: At si ex vna parte non est infinita, non erit etiam infinita ex altera parte, cùm sit eadem multitudo, & tanta ex vna parte quanta ex altera: Ergo nullo modo erit infinita. Secundò, quia cùm hæ relationes sint ita dispositæ, vt secunda supponat primam, & tertia secundam, si in iis sit processus in infinitum, & omnes dentur à parte rei, sequitur dari vnā post omnes: hæc autē erit vltima & finem imponet toti illi multitudini, quod repugnat rationi infiniti: non igitur istæ relationes possunt dici infinitæ. Nam quòd

dicitur

dicatur de numerorum infinitate, soluitur in hunc modum, negando numeros illos in re esse infinitos. quod ita ostendit. Ad multitudinem realem requiruntur plures unitates diuise: nam si sint indiuisæ, erit unitas non multitudo; sic partes in continuo quia sunt indiuisæ, sunt vnum continuum non multa. Cum igitur isti numeri nō sint diuisi ab inuicem; non faciunt realem multitudinem, nec erunt à parte rei multi numeri. Nam etsi primi duo binarii sint à se realiter diuisi, tamen tertius binarius, qui est binarius binariorum, nō est re diuersus ab illis duobus, sed idem re cum illis; siquidem numerus est idem re cū suis unitatibus: ergo & binarius binariorum erit idem re cum illis duobus binariis, quia ad illos comparatur tanq̃ ad unitates ex quibus constat. Quocirca ex isto binario & aliis duobus, non erunt à parte rei tres numeri, sed solum per intellectum erunt tres. Et licet nō negemus tertium binarium esse realem binariū, quia habet reales duas unitates ex quibus constat; negamus tamē illum facere numerū realem cū aliis duobus, quia non est ab illis re distinctus, solumq̃; primi duo binarii, sunt re diuersi, tertius verò tantum per rationem. ex quo manifestū est nō procedi in infinitū in multitudine reali numerorū. Addo quod cū numerus in sua ratione formali, seu quoad ordinem unitatū, pendeat ab anima, nō ponētur numeri actu infiniti, sed solum successiue in infinitum poni possunt ab anima numerante.

Tertio. Sequeretur infinitum actu posse dari contra Aristotelem, & omnes Peripateticos. Nam licet aliqui per Dei potentiam dari posse concedāt, negant tamen omnes dari naturaliter. Quod igitur sequeretur dari infinitum actu, sic probō: Nam aut relationes istæ distinguuntur ex natura rei à fundamento, & ex consequenti ab inuicem, aut non distinguuntur nisi ratione.

Non dantur
numeri actu
infiniti.

Si primum; erit multitudo relationum actu infinitarum: prima enim relatione posita, ponuntur reliquæ omnes actu quæ sunt infinitæ. Si secundum; dabitur relatio infinita actu, constans infinitis relationibus. Sicut enim si daretur quantitas continua actu infinita, constaret partibus non actu distinctis sed potentia, & tamen esset infinita actu, quia tantam extensionem haberet quantum partes actu infinitæ & ab inuicem distinctæ: ita et si relationes istæ non essent distinctæ actu à parte rei, quia tamen sunt tot, quot essent si distinguerentur actu, daretur infinitum actu in genere Relationis, & infinita quædam esset relatio identificata infinitis relationibus ad infinitos terminos.

Tertius modus respondendi est. Relationem non habere ullam realitatem à fundamento distinctam; aduenit enim fundamento nulla ei addita re, vel modo, & absq; omni mutatione, ut patebit quæstione 3. Quocirca ex seipsa non habet unde fundet relationem realem. Fundamentum enim reale, debet esse res aliqua: quæ sit immutativa subiecti, & si debeat esse per se fundamentum, debet esse per se ipsum res aliqua. Cum igitur Relatio per seipsam non sit res aliqua à fundamento distincta, sed est fundamentum ipsum respectu termini, seu cum connotatione termini, ideo non est sufficiens ut per seipsam fundet realem relationem ob defectum realitatis propriæ. Quare omnes illæ relationes, quæ concipiuntur fundari in relatione, sunt relationes rationis. concipiendo enim intellectus relationem tanquam rem aliquam per se, fundat in ea alias relationes. Fateor hunc etiam modum esse difficilem. Nam si Relatio habet suum proprium esse relativum, idque reale, cur ergo secundum hoc esse non possit fundare realem relationem.

relationem? Nam sicut ratione huius esse (quale quale sit) refert realiter subiectum ad terminum, ita etiam potest esse reale fundamentum. Dicitur tamen potest, Relationem habere quidem suum esse proprium relationum, sed realitatem huius esse non esse aliam quam realitatem fundamenti: eadem enim realitas ut sumitur respectu termini est relatio, ut verò sumitur secundum se est quid absolutum. Cum igitur relatio nullam nouam realitatem superaddat (propter quam causam sine ulla reali mutatione rebus aduenit) ideo non potest esse reale fundamentum, ut relatio est, quia ut relatio est nullam rem nouam ponit in subiecto. Adhuc, fateor à posteriori euidenter probari, relationem non posse fundare aliam relationem, propter progressum in infinitum: idque confirmari etiam exemplo diuinarum relationum, quæ nullas reales relationes ad se inuicem fundant, qualis esset relatio diuersitatis vel dissimilitudinis, item æqualitatis, & aliarum similes. A priori tamen id demonstrare difficillimum. Nihilominus quamdiu doctiores aliam meliorem rationem non attulerint, illa quam attulimus tolerari & defendi potest. Nam quod quidam adferunt, Fundamentum relationis debere esse vnā quandam rem, ut ei possit identificari relatio in eo fundata: quia verò relatio non est hoc modo vnā res, cum constet fundamento & termino, ideo fieri non posse ut relatio sit fundamentum alterius relationis. deberet enim, inquiunt, illa relatio identificari simul duabus rebus distinctis; quod est impossibile. Hæc inquam ratio non concludit. Nam & falsum est relationem esse quid conflatum ex fundamento & termino: & necesse non est ad hoc ut aliquid identificetur relationi identificari eius termino. Fundamen-

Realitas relationis est realitas fundamenti.

tum enim identificatur sue relationi quam fundat, & tamen nō identificatur termino: tota etiam ratio relationis est intrinsecè in fundamento; cum tamen terminus sit extra fundamentum. Et hæc de secundo argumento secundæ sententiæ.

Iam ad tertium argumentum eiusdem sententiæ respondeo. Relationem esse quidem comparationem quandam duorum inter se, verum hanc comparationem non fieri necessario ab intellectu, sed esse ex natura rei; nam sublato omni intellectu duo alba habent in se vnde sint sibi similia, & duo quanta vnde sint sibi æqualia vel inæqualia; habent enim sufficientem causam talis comparationis.

Ad quartum respondent Nominales: si relationem nullam rem nouam ponat in fundamento, nullum absurdum est cōcedere in Deo tales relationes reales ad creaturam, vt etiam Suárez concedit; consequenter dici debere in sententiâ Nominalium quia ex tali relatione non sequitur in Deo vlla mutatio aut accidens verum inherens Deo, cum sine vlla mutatione ei adueniat, nec aliud quidquam connotationem termini addat: de quo Suar. disp. 47. sect. 1. §. n. 21. vbi etiam ait sententiâ Nominalium non esse vlla censura dignam.

*An possit esse
in Deo. relatio
realis ad crea-
turam.*

Verum dicendum est, ex tali relatione non sequi quidem compositionem aut mutationem in Deo: sequi tamen aliud absurdum, nempe Deum dependere in aliqua sua perfectione, seu in aliqua sua intrinseca relatione à creatura. Relatio enim est quid intrinsecum & dependens essentialiter in suo esse à termino. Hæc autem dependentia Enti per essentiâ repugnat, q. ex se est; id q. est, non ex creaturæ coexistentia aliqua. Et sicut repugnat Deum aut aliquâ eius perfectionem ideo esse quia

quia creatura est, sed è contra, ideo omnis creatura est, quia Deus est: ita repugnat relationem realem ad creaturam esse in Deo, quia esset ob coëxistentiam termini creati, & ab eo dependeret.

Q V Æ S T I O II.

An Relatio sit quid intrinsecum rei relatæ, an verò sit extrinseca denominatio.

Cùm constet relationem esse ens reale, meritò quaeritur, An hoc ens reale sit intrinsecum rei relatæ vel extrinseca denominatio. de qua re sunt tres sententiæ.

Prima sententia tenet esse meram denominationem extrinsecam à termino: album enim esse simile alteri nihil aliud est, quam habere alterum album tale quale ipsum est. Fundamentum huius sententiæ est: Quia relatio aduenit rei sine vlla ipsius mutatione, vt cum Aristotele in 5. Physic. omnes docent; neque enim album per hoc quod sit alteri albo simile vllò modo mutatur: pariratione cùm cessat esse simile: Ergo signum est relationem nihil intrinsecum ponere in re relatæ; alioqui per receptionem noui entis realis res relatæ mutaretur. Deinde omni alio ablato, & solum posito fundamento & termino, intelligitur relatio. Ergo relatio nihil addit intrinsecum fundamento; positis enim duobus albis, & ablata omni alia re, adhuc illa duo alba erunt similia sibi; quia vnum erit tale quale aliud. si igitur relatio nihil intrinsecum addit fundamento, necesse

necesse est vt per extrinsecam denominationem à termino constitutatur; siquidem posito solo termino ponitur relatio in re relata, ablato verò termino tollitur; quod signum est relationem esse denominationem à termino. Porro hæc sententia tribuitur Durando in primo distinct. 30. qui tamen non tenet hanc sententiam, sed secundam, de qua iam etiam sequitur dicendum.

Secunda igitur sententia vult relationem partim esse intrinsecam partim extrinsecam rei relatæ: denominatio enim relatiua non sumitur ab vnare, sed à pluribus sibi coëxistentibus, hoc est, tam à fundamento quàm à termino: album enim, verbi gratia, esse simile, non est solum ipsum esse album, sed & aliud album esse tale, quale ipsum; & sic ab utroque albo sumitur denominatio relatiua similitudinis; omnis enim relatio sumitur ex consortio & coëxistentia duarum rerum sub certa ratione acceptarum. Hæc sententia expressè est Durandi loco citato. Et ratio est: Quia relatio non minùs denominatur à fundamento, quàm à termino: nam neutrum per se sufficit ad constituendam relationem, & vtrumque æquè requiritur: Ergo denominatio relatiua partim est intrinseca rei relatæ ratione fundamenti, partim extrinseca ratione termini. Hinc verò intelliguntur duo: Primum: quomodo relatio adueniat rei relatæ sine vlla mutatione, nimirum quia denominatio relatiua sumitur non à solo fundamento, sed & à termino: Cùm ergo terminus de nouo aduenit rei, non immutat rem; est enim quid extrinsecum rei relatæ, quare & denominatio relatiua, quatenus pendet à termino, sine vlla mutatione aduenit rei relatæ. Secundum: quomodo relatio non fa-
ciat

etiam compositionem cum re relata; accedit enim rei relatae per denominationem extrinsecam à termino, quod fit sine vlla compositione cum re relata.

Tertia sententia asserit relationem esse quid intrinsecum rei relatae, in ordine tamen ad extrinsecum. quae sententia est communis. Tota enim relatio est in re relata, quia verò refert rem ad terminum extrinsecum, ideo est intrinseca in ordine ad extrinsecum.

Dico igitur Primò. Relationem non esse meram denominationem extrinsecam à termino. Primò. Quia esse, verbi gratia, album simile alteri, non est solum habere aliud tale quale ipsum, sed est ipsum intrinsecè esse tale, quale aliud. Nam habere aliud tale quale ipsum, est habere aliud sibi simile; non verò est ipsum esse alteri simile. Similiter esse patrem non est solum habere filium à se genitum, sed est esse cum à quo filius est genitus; licet enim ista in re coincident, tamen non eadem ratione significantur, & differunt ratione: Non igitur ad relationem constituendam satis est habere terminum, sed requiritur intrinseca habitudo rei relatae ad terminum.

*Cur relatio nō
possit esse mera
denominatio
extrinseca à
termino.*

Secundò probatur: quia denominatio extrinseca non est relatiua, sed absoluta, ut patet inductione. Nam esse vestitum vel locatum non sunt relationes, sed absolutae denominationes à veste & loco; propria enim ratio relationis est esse ad aliud, non verò ab alio affici vel denominari: quare si relatio non sit aliud nisi denominatio extrinseca à termino, ruet tota ratio relationis, quia denominatio à forma absoluta non est relatiua, sed absoluta. Neque verò argumenta primae sententiae concludunt relationem non esse quid intrinsecum, sed solum non addere rem nouam intrinsecam distinctam à

fundamento, quod verissimum est, ut ex sequenti questione patebit.

Dico secundò. Relationem non esse partim intrinsecam partim extrinsecam rei relatæ, sed totam esse intrinsecam. Probatur primò à quibusdam: Quia non esset relatio vnum ens, sed multa, constaretque ex duobus rebus vna intrinseca altera extrinseca, quod est contra communem conceptum de relatione, & contra Aristotelem, qui relationem vnum genus prædicamenti constituit; genera autem prædicamentorum non sunt aggregata ex multis entibus, sed dicunt vnum genus entis. Secundò. Relatio nihil aliud esset nisi duo absoluta Fundamentũ & Terminus, si ex his duobus solum constaret ex vno intrinsecè & alio extrinsecè, & sic periret vnum genus prædicamenti: neque relatio esset genus aliquod distinctum ab aliis generibus absolutis simul sumptis.

*Ratio A priori
propter quam
relatio tota de-
beat esse intrin-
seca rei relatæ,
quamuis ter-
minũ respiciat
extrinsecum.*

*An relatio ni-
hil sit præter
fundamentũ
& terminum.*

Tertiò probatur à priori: Quia ratio relationis est esse ad aliud: at esse ad aliud est intrinsecũ rei relatæ: Ergo tota ratio formalis relationis est intrinseca rei relatæ; neque enim relatio cõponitur ex termino, sed ex habitudine & ordine ad terminum: quamuis autẽ terminus sit extrinsecus, habitudo tamen est quid intrinsecum rei relatæ seu rei habentis se ad terminum. Quare cùm dicitur relationem nihil esse præter fundamentum & terminum, verum id est si ita intelligatur, quòd relatio nullam rem nouam addat ad fundamentum & terminum. Cum hoc tamen stat, quòd relatio non dicat nisi fundamentum ut se habet intrinsecè ad terminum: albedo enim, verbi gratia, dupliciter potest denominare subiectum, primò ut albedo est in seipsa, & sic denominat subiectum album; secundò ut est talis qua-
lis

his alia, & sic denominat subiectum simile alteri: prima denominatio est absoluta, secunda respectiua; vtraque verò sumitur ab eadem albedine diuerso modo considerata, nimirum absolute & respectiue; in se enim est albedo, respectu verò alterius albedinis est albedo similis.

Dico tertio. Relatio est quid intrinsecum rei relatae, in ordine tamen ad extrinsecum: quia est habitudo intrinseca ad extrinsecum terminum. Hæc Conclusio patet ex præcedentibus. Ex quibus patet an relatio sit ens quoddam simplex vel compositum: triplex enim compositio potest cogitari in relatione. Prima est ex fundamento & termino vt dicebat secunda sententia: sed hæc compositio non datur; relatio enim non componitur ex termino, sed solum constituitur ex habitudine fundamenti ad terminum. Secunda compositio potest cogitari ex fundamento & connotatione termini. Verum neque hæc compositio admitti potest in relatione. Nam connotatio illa termini non est res distincta à fundamento; non enim fundamentum per aliquod adiunctum connotat terminum, sed seipso & sua essentia respectu termini accepta, estque connotatio ista, secundum id quod dicit in fundamento, essentialis fundamento, licet ratione termini connotati sit accidentalis; ipsa enim essentia fundamenti se ipsa est connotans, id verò quod connotatur est terminus extrinsecus. Et simile quid est in omni forma informante subiectum; albedini enim essentialis est facere album, quantum est ex parte principij formalis; quia seipsa & suamet essentia facit album, est enim albedo ratio formalis & essentialis albi; & tamen ex parte subiecti accidentale est albedini facere album, quia accidentale est coniungi albedinem subiecto.

*An relatio sit
ens simplex vel
compositum.*



Pari ergo ratione, fundamēto essentialē est habere se ad terminum, quantū est ex parte principij formalis habitudinis, quia album nō alia, sed suamet essentia habet se ad aliud album; siquidem suamet essentia est tale quale aliud: verū quia ad istam habitudinem præter essentiam albedinis requiritur coëxistentia termini, eaque coëxistentia est accidentalis albo, ideo & habitudo ex parte termini est accidentalis albo, & ex consequenti est simpliciter accidentalis, cū sine coëxistentia termini non sit simpliciter. Tertia compositio in relatione potest cogitari ex partibus quasi integrantes: Cū enim relatio re non differat a fundamento, necesse est ut si fundamentum sit conflatum ex multis quasi partibus, etiam relatio in illo fundata sit conflata ex multis partibus. Id verò apparet in relationibus numerorum: numeri enim referuntur ad inuicem relatione dupli, tripli, decupli: atqui hæ relationes non sunt res simplices: sunt enim idem cum numero, numerus autem non est res simplex, sed constans multis vnitatibus; quare & dictæ relationes erunt idem quod multæ vnitates, vna proportionē se habentes: si enim relatio dupli, verbi gratia, dicatur esse res simplex, quæro vbi existat hæ relatio? num in singulis vnitatibus tota? num secundum aliquid in vna vnitare, secundum aliud in altera? Primum dici non potest; quia sic singulæ vnitates essent duplæ, propter relationem dupli quam haberent: Secundum verò si dicatur, iam relatio nō erit res simplex, sed conflata ex multis quasi partibus, sicut vna domus ex multis lignis & lapidibus. Verū hæ relationes numerorum fortē non sunt reales (nisi fundamentaliter) vix enim possunt intelligi istæ partes integrantes relationem.

nem.

QVÆ

QVÆSTIO III.

An relatio sit res distincta à fundamento?

CUm constet relationem esse quid intrinsecum rei relatæ, inquirendum est an sit eadem res cum fundamento, vel res à fundamento distincta ex natura rei. Porro distinctionem ex natura rei à posteriori colligimus ex separatione vnius ab altero, quando nimirum vnum potest existere sine altero: si enim vtrumq; possit sine altero existere, erit perfecta distinctio realis: sic forma & materia distinguuntur, quia vtrumque sine altero potest per Dei potentiam existere; si verò ex vna parte tantum possit esse separatio non ex altera, ita vt vnum possit existere sine altero, alterum verò non possit sine illo, talis distinctio est quidem ex natura rei, sed non perfecta; quia non mutua: & dicitur communiter distinctio formalis vel modalis, prior verò simpliciter & absolutè dicitur realis. Sic figura dicitur distingui à quantitate: quia quantitas potest esse sine figura, figura verò non potest esse sine quantitate; siquidem figura essentialiter dicit quantitatem tali modo dispositam.

Vnde cognoscatur distinctio vnius ab altero ex natura rei.

Prima igitur sententia tenet relationem esse accidens quoddam fundamento superadditum, & ex natura rei à fundamento distinctum siue realiter, siue formaliter vel modaliter. Huius autem accidentis essentia consistit in puro respectu & habitudine ad terminum, qui respectus cum pendeat à fundamento & termino, ponitur posito fundamento & termino, aufertur verò altero horum ablato. Hæc sententia est Caietani prima parte quæst. 28. art. 2. Capreoli in primo distin. 13. q. 1.

Ferrarien. 4. cont. gent. cap. 14. Konse. 5. Metaph. cap. 15. quæst. 2. Rurii hîc quæst. 13. quanquam quidam volunt distingui realiter, aliqui formaliter, alii modaliter. Suadetur autem hæc sententia his præcipuè argumentis.

Primum & præcipuum argumentum sumitur ex separabilitate relationis à fundamento. Nam quando vnum potest existere non existente altero, illa duo necesse est ex natura rei distingui; alioqui sequeretur idem secundum idem esse simul & non esse, quæ sunt contradictoria: atqui existente fundamento non existit relatio: Ergo ista duo ex natura rei distinguuntur. Minor probatur: Nam si existat vnicum tantum album in mundo, non existet similitudo, quia non datur aliud album, cui possit esse simile, producto verò alio albo, statim incipit similitudo in priori albo.

Confirmatur primò. Quia vel in priori albo erat tota essentia relationis, cum omnibus suis gradibus genericis & specificis, vel non erat: si primum: ergo referebat illud album ad terminum; impossibile enim est, relationem esse in aliquo, & non referre; effectus enim formalis relationis est referre. sicut impossibile est albedinem esse in aliquo, quin faciat illud album. Si secundum: ergo relatio est alia quædam res à fundamento distincta, quæ non existat tunc, cum fundamentum existit. Idem ostendi potest de corruptione relationis. Nam destructo termino, vel desinit esse relatio, vel non: Si primum: ergo relatio est res distincta à fundamento; quia relatio quoad totum suum esse reale desinit, fundamentum verò non desinit: Si secundum: ergo relatio illa referet subiectum ad terminum, sicut & ante referebat; impossibile enim est esse relationem in aliquo, & non.

& non referre, cū hęc sit eius essentia. Quod si dicas relationem esse quidem, sed non referre, propter defectū termini. Contra: quia deficiente termino, si manet essentia relationis, debet necessariò referre: si non manet; ergo aliquid reale intrinsecum decessit rei relatæ, ac ex consequenti illud est res aliqua distincta à fundamento.

Confirmatur secundò. Nam ratio formalis relationis est esse ad aliud, estque hęc ratio intrinseca rei relatæ: vel igitur istud esse ad intrinsecum existit, non existente termino, vel non existit: Si existit; ergo refert: si non existit; ergo aliquid reale intrinsecum desit esse. Deinde cū relatio accedat & recedat manente eodem fundamento, peto, illud quod accedit & recedit, an sit aliquod accidens, vel substantia? non substantia, vt patet; ergo accidens; ergo aliquid reale accidens accessit vel recessit, ac ex consequenti est accidens distinctum à fundamento.

Secundum argumentum est. Eadem res secundum idem non potest simul intendi & remitti; sunt enim isti duo motus contrarii: atqui cū intenditur fundamentum, remittitur relatio, & è conuerso: Non sunt igitur eadem res fundamentum & relatio. Minor probatur. Nam si sint duo æquè alba, & in vno intendatur albedo, per talem intensiōem minuitur similitudo ad alterum album; fit enim alteri albo dissimile in gradu.

Tertium argumentum. Si relatio non distinguitur ex natura rei à fundamēto, sequitur relationes in eodem fundamento fundatas, non distingui inter se ex natura rei; quæ enim sunt idem vni tertio, sunt eadem inter se: atqui hoc est falsum: nam in eodem fundamento possunt fundari relationes contrariæ, relationes autem contrariæ non possunt esse idem inter se; idem enim album est & simile albo, & dissimile nigro; & vtraque hęc relatio

latio tam similitudinis, quàm dissimilitudinis, in eodem fundamunto fundatur.

Secunda sententia est opposita, relationem à fundamento nullo modo ex natura rei distingui, sed solà ratione. Ita Alensis 5. Metaph. in textum 20. Ægidius in primo distin. 26. quæst. 4. Argentina in 2. distin. 20. quæst. 1. Achillinus de distinctionibus cap. 26. Herueus in primo distin. 13. quæst. 1. art. 1. Iauellus 5. Metaph. quæst. 22. Soncinas 5. Metaph. quæst. 28. Siluester in conflato quæst. 28. & in cap. ad aliquid quæst. 2. Sotus hîc quæstio. 2. Rubio in primo dist. 25. Concl. 1. Zumel. in 1. parte quæst. 28. art. 2. dubio 6. Canariensis ibidem disput. 3. quæst. 2. Petrus Niger in clypeo quæst. 34. Albert. hîc quæst. 1. Zimara in tabula ver. Relatio, vbi etiam eandem sententiam tribuit Auerroi in pluribus locis. Burleus 8. Physic. in tex. 9. & in cap. ad aliqd. Ariminen. in primo dist. 28. Valentia in 1. par. disput. 2. quæst. 3. pun. 1. Suarez in Metaph. disp. 47. de relatione. & videtur D. Thomæ opusc. 48. cap. 2. vbi ait, similitudinem Sortis nō esse aliquam rem in Sorte aliam ab ipsa albedine, sed solum esse ipsam albedinem, vt se habet ad albedinem Platonis vt terminum. Idem deducit Sotus, Soncinas, Iauellus ex opusculo dicto & quæst. 7. de potentia art. 8. & 3. Physic. lect. 3. Eadem est sententia D. Anselmi in Monologio, qui ex eo probat Deo posse aduenire relationes ex tempore, quod relatio rebus adueniat sine vlla ipsarum mutatione, vt bene declarat Suarez supra sect. 15.

Fundamentum huius sententiæ est duplex. Primum est: quod relatio aduenit fundamento, sine vlla ipsius reali mutatione: Alterum est: quod posito fundamento & termino, & nulla re alia addita, sufficienter intelligitur relatio.

Quan-

Quantum ad primum argumētum: id est ipsius Aristotelis 5. *Physic. tex. 1.* ubi probat ad relationem non esse motum; Omnis enim motus fit per mutationem subiecti, relatio verò sine vlla subiecti mutatione acquiritur, per hoc solum quòd aliquid aliud mutatum est; vt si producat^{ur} nouum album in India, ego fierem illi albo similis, sine vlla mei mutatione, & sine vlla rei alius acquisitione: quod euident^{er} est argumentum, relationem non esse rem superadditam fundamento, sed ipsum fundamentum vt se habet ad terminum. Neque verò potest exponi Aristoteles, quòd solum neget relationem acquiri per mutationem per se, non autem negare mutationem per accidens, quæ fit consecutiue ad aliud: nam Aristoteles expressè ait, subiectum acquire relationem, non per sui, sed per alterius mutationem: nullam ergo mutationem relationi concedit, neq; per se, neq; per accidens, sed totam mutationem ait esse in termino. Neq; in hoc vim sui argumenti ponit, quòd relatio per accidens acquiratur, sed quòd per mutationem extrinseci termini acquiratur, sine vlla subiecti mutatione, solumq; mutationem ostendit in termino, non in ipsa relatione.

Eandem rationem vrget S. Thomas opusculo citato. Si enim similitudo adderet aliquam rem super albedinem, nullo modo posset aliquis fieri alteri similis sine sui mutatione: At si aliquis, inquit, in India modò fieret albus, fierem illi similis nulla facta mei mutatione: Ergo. Deinde absurdum vel saltem incredibile videtur, ad motum vnus muscæ, vel formicæ, totum mundum mutari realiter, nouis realitatibus distantia, vel propinquitatis acquisitis, vel antiquis deperditis. Denique nulla re de nouo addita, nulla que facta reali mutatione

in subiecto, sufficienter intelligitur relatio subiecti ad terminum: Ergo. Nam album nulla alia re addita, est verè tale album, quale aliud, ac ex consequenti est simile alteri albo, absq; alia mutatione subiecti.

Quidam vrgent idem argumētum ex eo, quòd impossibilis sit modus producendi, & corrumpendi talem relationem, quæ sit res distincta à fundamento: Nam si de productione loquamur; talis relatio vel produceretur à fundamento, vel à termino. Non à termino; quia nullum agens potest agere ex quacunq; distantia: ac termino in quacunq; distantia posito, sequitur relatio: non igitur relatio talis à termino producitur. Deinde posito albo extra mundum in vacuo, erit album illud simile aliis albis, & alia ipsi, cùm tamen per vacuum nulla possit esse actio. Non potest etiam produci à fundamento per emanationem & resultantiam quandam: tum quia talis productio esset per se, non per accidens, sicut cùm aqua reducit se ad pristinum frigus, talis reductio etsi fiat per emanationem, est verè productio per se frigoris: tum quia si fundamētum est causa adæquata, & sufficiens ad producendum relationem, produceret relationem etiam termino non existente; causa enim sufficiente applicata subiecto apto, sequitur necessariò actio. Simili ratione ostendunt, non posse assignari causam corruptentem talem relationem: Pereunte enim termino, à quo corrumpitur relatio? Num à seipsa? At nihil seipsum destruit, esset enim simul & nō esset: esset, quia nisi esset, non posset se destruere, cùm à non ente nulla procedere possit actio: non esset, quia destrueret. Num à contrario? At nullum tale apparet. Num à termino? At sicut non producitur à termino, ita nec corrumpitur ob defectum termini. Num à fundamento?

At

At qua actione? num positiva? at nihil positivum tunc producitur à fundamēto, quod corrumpat relationem. Num actione negativa & subtractione influxus? at relatio semel producta non pendet in conservari ab agente: quod si demus pendere in conservari à fundamēto; tamen quæ causa est, quod fundamentum non subtrahit suum influxum nisi pereunte termino? Nam neq; relatio pendet in illo genere causæ à termino, neq; fundamentum scire potest, an & quando pereat terminus, in tanta præsertim distantia positus, ut in gratiam eius subtrahat influxum.

Verum hæ rationes ex modo productionis & corruptionis ductæ, non videntur omnino concludere: *Quomodo relatio in sua essentialiter pendet à termino & fundamento.* dici enim posset relationem non pendere à termino, tantum à causa producente, & dante illi existentiam; sed pendere essentialiter, quia essentialiter illum respicit, & respectu termini dicitur relatio, neq; potest sine illo habere suam essentialitatem. Pendet autem relatio essentialiter à termino, non solum in abstracto accepto, sed etiam ut sibi coëxistente; unde fit ut essentialiter requirat coëxistentiam termini, & sine ea nec produci nec conservari possit. Similiratione dici potest, fundamentum producere relationem per emanationem quandam: quod autem hæc emanatio non fiat nisi existente termino, id non accidit ex insufficientia fundamenti, sed ex dependentia essentiali relationis à termino coëxistente. Non est autem necesse explorare, an terminus existat: nam ad hoc sufficit essentialis illa determinatio relationis ad terminum, ita ut poni non possit, nisi posito termino. Exemplum manifestum est in Magnete, qui natura determinatus est ad dirigendum ferrum ad polum, seu ad stellam polarem, etiam si tanto intervallo distet;

quodsi non esset stella polaris, vel transferretur in aliam cæli partem, motus quoq; Magneticus stellam sequeretur sine vlla cognitione, per solum naturæ ductum: quo etiam modo heliotropion sequitur solem. Ex quo etiam patet, quomodo deficiente termino deficiat relatio; nimirum quia deest id, sine quo essentia relationis consistere non potest: sicut enim albedo non potest dare esse album, nisi habeat subiectum quod recipiat albedinem, ita neque potest facere simile, nisi adsit aliud album, cui subiectum debeat esse simile.

Secunda Ratio.

Quantum ad secundum argumentum, illud evidenter concludit. Si enim posito fundamento & termino, & nulla alia re addita, sufficienter intelligitur relatio, necessario sequitur, relationem non esse rem superadditam fundamento, nec ab eo ex natura rei distinctam. Sint enim verbi causa duo alba, procul dubio Deus potest ab illis separare omnem aliam rem ab albedine distinctam, aut nolle concurrere ad rem aliam ab albedine distinctam. Nam illa res cum pendeat à concursu Dei libero, potest Deus illi rei concursum suum denegare, quo sublato, res quoq; illa non existet. In hoc igitur casu, illa duo alba essent æquè sibi similia, sicut ante: ergo nulla re addita albedini, sufficienter album est simile albo, & tali planè modo simile, sicut fingitur simile, addita realitate relationis; quia esset tale album, quale alterum, siue addatur nova realitas relationis, siue nō. Quod verò respondet Ruuius in tali casu illa alba non fore similia formaliter, sed tantum fundamentaliter, id non est probabile: quia in tali casu vnum album esset tale, quale aliud, hoc est talis essentiae; ergo esset formaliter simile alteri albo; nihil enim aliud est esse formaliter alteri simile, quàm esse tale, quale aliud.

Addunt

Addunt quidam. Si relatio esset res distincta à fundamento, posset conseruari sine fundamento; res enim distinctæ pendent à distinctis concursib. diuinis; distincti autem concursus diuini ita se habent, vt possit vnus subtrahi non subtracto alio. Dato igitur casu, sequeretur hoc absurdum, quod aliquid esset simile albo sine albedine, hoc est, sine fundamento similitudinis. Hoc tamen argumentum non vrget: dici enim posset, propter dependentiam essentialem relationis tam à fundamento, quàm à termino, non posse conseruari relationem absque fundamento & termino: similitudo enim, verbi gratia, dicit conuenientiam alborum in albedine. Simili ratione neque figura potest conseruari sine quantitate, licet censeatur esse ex natura rei à quantitate distincta.

Pro solutione argumentorum notandum est: denominationē esse duplicem: absolutam, & respectiuā; *Vna & eadem forma denominare potest absolute & respectiue.* illa sumitur à forma absoluta secundū se, hæc verò sumitur à forma absoluta, nō vt est talis in se, sed vt est talis respectu alterius. Vnde sequitur eandem formam denominare posse absolute & respectiue diuersa ratione: quia vt est in se talis denominat absolute, vt verò est respectu alterius talis denominat respectiue. Quomodo autem nulla readueniente, eadem forma quæ denominabat absolute, incipiat denominare respectiue, facile intelligitur, si quis concipiat formam secundum idem esse, & talem in se, & talem respectu alterius: eadem enim quantitas secundum eandem rationem quantitatis, & in se est tanta, & respectu alterius maior vel minor, siue villo augmento & diminutione quantitatis. Medij etiam colores in se sunt vna essentia, & tamen respectu diuersorum extremorum, habent rationem albi

& nigri. Nam color viridis respectu albi, habet rationem nigri, respectu nigri, habet rationem albi, idque absque vlla re de nouo sibi addita, & secundum eandem rationem coloris viridis. Pari ergo ratione albedo, vt in se est talis essentia denominat rem albam, vt verò est talis, vel talis, respectu alterius, denominat rem similem vel dissimilem. Porro fundatur similitudo in albedine, non absolutè, vt albedo est, sed vt est vna albedo cum altera, ita vt ad relationem requiratur non solum terminus ad quem, sed etiam fundamentum sub certa ratione fundandi acceptum: eadem enim albedo vt diuersa à nigredine, fundat relationem dissimilitudinis, vt verò est vna cum albedine, fundat relationem similitudinis. Quare fundamentum nulla re alia addita, sed solum respectu termini, seu cum connotatione termini acceptum, incipit esse relatum, & sublato termino, nulla re in se deperdita, desinit esse relatum, quia caret termino cuius respectu est & dicitur relatio.

An ex non simili possit fieri simile, sine acquisitione alius rei.

Hinc igitur facile explicari possunt variae difficultates. Prima est, quomodo album ex non simili fiat simile, sine vllius rei acquisitione. Nam vel hæc similitudo acquisita, est aliquid noui in albo, vel nihil: si primum, erit quid distinctum ab albo: si secundum, similitudo non erit quid intrinsecum. Ad hoc igitur respondendum est. Similitudinem illam de nouo acquisitam, esse rem nouam non absolutè, sed respectiue, non ex parte fundamenti, sed ex parte termini: non enim aliqua res noua accessit fundamento, sed solum eiusdem fundamenti habitudo noua ad terminum: Quia enim relatio præter fundamentum ad suam essentiam, requirit coexistentem terminum, idcirco.

Idcirco posito termino, ponitur essentia relationis, quæ ante non erat ob solum defectum termini: Posito enim termino incipit fundamentum habere se ad terminum, non per sui mutationem, sed per mutationem termini. Nam non existente termino, non habebat se respectuè ad ipsum, quia non erat; posito verò termino, incipit se habere ad terminum, quia est: nulla re de nouo addita.

Dices. Saltem alio modo se habet fundamentum, cum respicit terminum, quàm ante, cum eum non respiceret. Respondeo. Habere se nouo modo respectu termini, sed nulla entitate reali acquisita; antiqua enim entitate habet se ad terminum nouum, ex eo solo, quia is ponitur, & connotatur. Quare propter hanc connotationem noui termini, habet se nouo modo, absque vlla nouæ rei acquisitione. Nam etsi absolutè non potest aliquid aliter se habere sine nouæ rei acquisitione, tamen respectuè potest aliter se habere, sine vlla nouæ rei acquisitione, propter solam mutationem termini, vt explicatum est. At inquires. Similitudo non fuit, & iam est; ergo ante non fuit in realiqua essentia, quæ modo est. Respondeo. Similitudinem fuisse ante quoad omnem rem quam dicit in fundamento, solum verò non fuisse talem respectu termini. Quare etsi non fuerit similitudo sub ratione similitudinis, & sub ratione essentia respectuæ, & post cœpit esse similitudo; tamen hoc totum fit sine vlla nouæ rei accessione, solum ex eo quod nunc fundamentum sumitur respectu termini, ante verò sumi non poterat, quia non existerat terminus. Vnde essentia absoluta fit respectiua, eo ipso quod respectu termini accipitur, & noua ista habitudo aduenit fundamento per solam mutationem, & connotationem

An posito termino, fundamentum aliquo modo mutetur.

Quomodo ex essentia absoluta fiat respectiua.

tionem termini: Non enim idcirco incipit referri, quòd aliquid de nouo recipiat, neque quòd res aliqua ei defuerit requisita ad habitudinem, sed solùm quòd defuerit terminus; non existente enim termino, non poterat ad illum referri, nec illius respectu esse talis: sicut quantitas non potest dici parua, nisi respectu maioris.

Utrum dum res amittit relationem, amittit aliquid ex sua realitate absoluta, an verò tantum respectum ad terminum.

Simili ratione explicari potest & illa difficultas, quomodo deperdatur relatio. Non enim deperditur aliqua res, vel modus realis absolutus, sed solùm respectiuus; hoc est, sublato termino, definit res illa esse talis non absolutè, sed respectu termini, & eadem essentia fit ex respectiua, non respectiua, sine vlla sui mutatione, propter solam mutationem termini, sicut subtracto subiecto, definit albedo facere illud album, propter subiecti non propter suam mutationem.

Relatio à fundamento non distinguitur vt res à re, sed definitione tantum & formaliter, nimirum eo modo, quo eadem res respectiue accipitur à seipsa absolutè accepta.

Tertiò explicatur quomodo relatio distinguatur à fundamento; non enim distinguitur vt res à re, sed vt eadem res respectiue accepta, distinguitur à seipsa absolutè accepta. Ex quo sequitur, non distingui realiter à fundamento, sed formaliter tantum. Nam licet fundamentum existat, non existente relatione, tamen id non propterea accidit, quòd aliqua res intrinseca defuit fundamento, vt accidit in absolutis; sed quòd defuit terminus extrinsecus, cuius coexistentia ad essentiam relationis requiritur, eoque extrinsecè posito, sufficienter rota essentia relationis ponitur, nulla realia intrinsecè fundamento accedente. Distinguitur igitur relatio à fundamento, solùm formaliter, quia distinguitur definitione; aliquid enim in sua definitione includit relatio, nempe terminum, quem non includit in sua definitione fundamentum.

Quod si quæras. An cum dicimus distingui formaliter

liter à fundamento, intelligamus distingui sola ratione ratiocinata: Nam illa sola ratione distinguuntur, quæ sine ratione distingui non possunt; relatio verò sine omni ratione nullo intellectu cogitante distinguitur à fundamento; quia realiter cessat, & non convenit fundamento, si auferatur terminus. Respondeo. Distingui sola ratione ratiocinatâ. Nam quòd cesset esse relatio cessante termino, id non accidit ob aliquam eius distinctionem realem à fundamento (nihil enim reale per hanc cessationem fundamento decedit) sed ob defectum termini, sine quo relationis essentia intelligi nō potest.

Dices. Saltem dici poterit ratione termini distingui realiter à fundamento. Respondeo. Id quidem dici posse, verum hoc nihil aliud est, quàm terminum relationis distingui realiter à fundamento: quod mirum non est, cū etiam ab ipsâ relatione distinguatur realiter. At nos non id quærimus, sed an relatio seipsa & ratione sui distinguatur à fundamento, non solum ratione termini; essentia enim relationis est re distincta ab essentia termini; quare distingui ratione termini, non est distingui essentia ipsa relationis; & licet essentia relationis sit ad terminum, non tamen est idem quod terminus, cū aliud sit esse ad terminum, aliud esse terminum.

Iam respondendum restat ad argumenta prioris sententiæ. Ad primum respondeo propositionem illam, quando vno existente aliud non existit, ea distingui ex natura rei, esse veram in absolutis non in respectivis. ratio discriminis est. Quia respectiva, cū sint ad aliud, possunt desinere esse, ex solo defectu alterius, absq; vlla sui diminutione & variatione vt dictum est; quare non

*An in omnib.
Sera sit h. p.
Quando vno ex-
istente, aliud
non existit, ea
distinguuntur
ex natura rei.*

est necesse ut ea de causa distinguantur realiter, nisi extrinsecè, ratione termini. At absoluta, si desinunt, ratione sui formaliter desinunt esse; & idcirco necesse est, ut ratione sui distinguantur realiter. Et hac de causa Aristoteles ad relationem negavit esse motum, quia per mutationem alterius, non per mutationem sui desinit, & incipit esse. Manifestum etiam est inductione, omnia quæ per respectum ad aliud dicuntur talia, sine vlla suæ realitatis diminutione, incipere & desinere esse, per solam mutationem alterius: sic paruum, quia respectu maioris dicitur paruum, sine vlla sui mutatione fit parvum posito maiore, & magnum posito minore. Idem de reliquis dici potest. Quod verò obiicitur, ex eo sequi, de eodem affirmari simul esse, & non esse; respondendum est, de eodem sub diuersa ratione posse affirmari esse, & non esse.

Relatio incipit esse posito termino, nulla alia re noua superaddita rei velata.

Ad primam confirmationem Respondeo. Essentialiam relationis non fuisse antequam esset terminus, posito verò termino incipere esse, non per nouæ rei accessionem, sed per eiusdem rei ad nouum terminum, habitudinem: ad quod non noua res in subiecto requiritur, sed tantum nouus terminus, ut eius respectu fit id, quod absque eo non erat.

An esse ad aliud semper sit intrinsecum relationis, siue existens termino siue non existens.

Ad secundam confirmationem. Respondeo. Illud esse Ad esse intrinsecum, sed respectu extrinseci termini; quare non existente termino, existit quidem intrinsecè absolute, non tamen respectiue. Verbigratia: non existente alio albo, prius album non est tale album, quale aliud; non quòd in se non sit tale, sed quòd respectu alterius albi non sit tale: ad hoc autem sufficit non existentia termini. Quia ad hoc, ut aliquid, quod est respectu alterius tale, non existat, non est necesse ut absolute

lutè non existat, sed ut respectu alterius non existat; ut verò respectu alterius non existat, satis est si terminus non existat; hoc enim solo respectu termini non-existentis, non existet, absq; alia ullius rei diminutione. sic paruum, cessat esse paruum, si maius auferatur, non quòd in se sit in magnitudine mutatum, sed quòd non habeat respectu cuius dicatur paruum.

Ad secundum respondeo. Eadem res absolutè quidem accepta non potest simul intendi, & remitti, respectuè tamen potest: sicut eadem quantitas, respectu diuersorum est magna, & parua, maior & minor: quare & eadem albedo respectu termini potest intendi, in se verò potest remitti.

Ad tertium respondeo. Relationes in eodem fundamento fundatas, nō esse distinctas ab inuicem intrinsecè & ex natura rei, nec à fundamento, & solùm distinguì realiter ex parte terminorū, quia sunt ad terminos realiter distinctos: quare similitudo & dissimilitudo in eadem albedine fundata, non distinguuntur ex natura rei: neque ista similitudo & dissimilitudo sunt relationes contrariæ cū sint respectu diuersorum, nempe respectu albi, & nigri.

Q V Æ S T I O IV.

Quæ sint fundamenta relationum.

Certum est relationem prædicamentalem egerè fundamento, quod sit ratio & quasi causa relationis: Non enim relatio temerè competit subiecto, sed ob aliquā rationē & causam. Porro fundamentū, ut fundet relationē, accipi debet sub certa ratione fundandi: vnum enim & idem fundamentum sub diuersis rationibus fundandi fundat diuersas relationes; albedo verbi g.

Relatio eget fundamento.

*Tria genera
Fundamentorum.*

fundat similitudinem ad aliud album quatenus est vnum in albedine cum ipso, dissimilitudinem verò ad nigrum, quatenus est diuersum. Fundamentum igitur est res, vel forma fundans relationem, ratio verò fundandi, est modus & ratio sub qua fundatur relatio. Quocirca Arist. 5. Metaph. 15. distinxit tria genera fundamentorum, in ordine ad triplices rationes fundandi. Quædam enim relationes fundantur in vnitatis & multitudine, quædam in actione & passione, quædam denique in mensurabilitate.

In vnitatis fundantur relationes identitatis, æqualitatis, similitudinis, propinquitatis, coëxistentiæ, &c. si enim fuerit vnitatis duorum in essentia, erit identitas, si in quantitate erit æqualitas, si in qualitate erit similitudo, si in loco erit propinquitas, si in tempore erit coëxistentia. In multitudine verò fundantur relationes diuersitatis, inæqualitatis, dissimilitudinis, distantia, excessus, defectus, & aliæ similes: per has enim relationes idcirco res ad se referuntur, quia non sunt vnum, sed multa, secundum aliquam rationem & formam,

Aliæ relationes fundantur in actione & passione: quales sunt omnes relationes inter causam & causatum, quarum relationum fundamentum est potentia actiua & passiuæ, ratio verò fundandi est actio vel passio. Potest verò causa referri ad causatum; vel in potentia tantum, quia potest causare & aliud potest causari; vel in actu, quia actu causat: qui actus potest esse vel præteritus, ut cum generans refertur ad id quod genuit; vel præsens, ut cum causa refertur ad id quod actu causat; vel futurus, ut cum causa refertur ad effectum causandum in futuro.

Tertij

Tertii modi relationes sunt, quæ fundantur in esse mensurabili, scibili, intelligibili, & similibus. Quædam enim dicuntur talia, per denominationem à suis correlatiuis, seu vt ait Aristoteles, quia alia referuntur ad ipsa: sic scibile dicitur scibile, quia scientia est de ipso, seu quia scientia ad ipsum refertur.

Circa hæc tria relationum genera quæri potest primò, An omnes eiusmodi relationes sint reales. Pro quo suppono, relationem realem esse illam quæ conuenit rebus absq; operatione intellectus: quod tunc accidit, quando omnia requisita ad relationem sunt realia, nempe subiectum, fundamentum, & terminus. Voco subiectum rem quæ refertur, siue sit subiectum propter *inhæssionem* relationis in ipsa, siue propter identitatem cum ipsa. Fundamentum verò reale est illud quod à parte rei est sufficiens ratio & causa fundandi relationem: Similiter terminum realem voco, qui à parte rei habet rationem sufficientem ad terminandam relationem, sine vlla ope intellectus.

*Relatio realis
qua?*

Quocirca ex triplici capite potest oriri quòd aliqua relatio non sit realis. Primò. Si subiectum relationis non sit reale: & sic duo panes consecrati in Eucharistia, cessant esse realiter sibi similes in albedine, etiam si tam fundamentum quàm terminus talis similitudinis sit realis: quia nimirum subiecta ipsa non sunt realia. Secundò. Si fundamentum non sit reale. dicitur autem fundamentum non reale; vel quia realiter non existit; vel quia à parte rei non est sufficiens ad fundandam relationem, sine ope intellectus. Ratione primi, paries per albedinem quam actu non habet, sed tantum in potentia, non potest dici realiter similis alteri parieti actu albo; quia etiam si subiectum sit reale & terminus realis,

*Relatio non
realis.
Ex defectu sub-
iecti realis.*

*Ex defectu Fū-
damenti.*

deest tamen fundamentum reale similitudinis. Ratione secundi, relatio distinctionis inter extrema non distincta à parte rei, non est realis, sed rationis: Verbi gratia, inter attributa diuina, vel inter quascunque rationes formales distinctas per intellectum; quia licet talis distinctionis sit aliquod fundamentum in re, quia res apta est hoc modo ab intellectu concipi & distingui, hoc tamen fundamentum à parte rei sine ope intellectus non est sufficiens ad causandam relationem distinctionis, quia est fundamentum remotum non proximum: posita verò abstractione intellectus, res illa fit fundamentum proximum ad causandam relationem; attributum enim abstractum ab altero dicit relationem distinctionis ab illo. Et vniuersè loquendo omnes relationes rationis quæ dicuntur habere aliquod fundamentum in re, ex hoc capite non sunt reales, quia illud fundamentum non est à parte rei proximum & sufficiens, sed solum concurrente intellectu, & perficiente in illo rationem fundamenti. Ex hoc etiam capite relatio Dei ad creaturam non est realis ratione fundamenti: quia Deus ob suam independentiam à creaturis non potest fundare ordinem realem ad illas.

*Ex defectu
Termini
realis.*

Tertiò. Si terminus non sit realis, vel quia non realiter existit, vel quia non habet à parte rei rationem sufficientem terminandi. Ratione primi, ens actu ad ens in potentia non dicit relationem realem: quia cum terminus non existit, nihil est in re, ad quod terminari debeat realiter relatio, vt infra peculiari quaestione docebitur: quare ignis actu existens, non refertur realiter relatione calefactiui ad lignum in potentia; nec pater refertur realiter ad filium iam mortuum: si-

qui-

quidem hoc esset referri ad nihil, referri autem ad nihil est non referri: Sicut comedere nihil, est non comedere. Dices. Non esse nihil omnino: quia etsi sit nihil, tamen potentia est aliquid.

Contra. Ens in potentia in se ipso, est actu nihil, solum verò est in potentia suarum causarum aliquid, & dicitur ens in potentia, denominatione facta extrinseca à potentia suarum causarum, quæ possunt illud producere: Vnde ut sic est quid reale, sed in suis causis, & realitate non propria sed causarum. Porro relatio terminari debet ad ipsum ens secundum entitatem propriam, quæ quia nihil est in se, ideo nulla est ratio realiter terminandi ullam relationem. Ratione secundi: relatio generis ad species non est realis, non solum ratione fundamenti, sed etiam ratione termini: quia licet natura specifica ad quam terminatur relatio generis sit realis, non tamen habet à parte rei sufficientem rationem terminandi. Relatio enim generis terminatur ad essentiam specificam ut est abstracta, per intellectum, & sic in ratione terminandi completur per intellectum.

Præter hæc tria, vix aliquid aliud potest requiri ad relationem realem in communi: quia hæc solum tria concurrunt ad relationem, quare hæc eadem si sint vel non sint realia, facient sufficienter relationem realem vel non realem. Quando enim omnia principia aliquius rei sunt realia, necesse est rem illam esse realem, & e contra; quilibet enim effectus sortitur suam realitatem à suis causis. An verò extrema debeant esse, non solum realia, sed etiam realiter distincta; dicetur infra.

Ex hac

Ex hac igitur doctrina iudicandum est, quæ sint relationes reales, quæ non. Quod si dicas, eiusdem ad seipsum non est relatio realis, etiam si hæc omnia tria sint realia, subiectum, fundamentum, terminus: omnes verò consentiunt, identitatem eiusdem ad seipsum non esse relationem realem, solum ob defectum distinctionis realis. Respondeo. Omnem relationem realem requirere aliquo modo distincta re extrema; quia relatio ut relatio est ad aliud, ut infra dicemus. ubi etiam patebit hunc defectum reduci ad defectum fundamenti & termini. Nisi enim relatio fundetur in re aliquo modo distincta ab extremis, non habet in se fundamentum sufficiens ad relationem realem; & ita est in relatione identitatis ad seipsam.

An potentia activa & passiva sint fundamentum Relationum secundum modi.

Secundò quæri potest, de relationibus secundi modi, quod sit earum fundamentum: Videntur enim tales relationes non habere in quo fundentur. Paternitas enim verbi gratia, non potest fundari immediate in substantia patris, quia sicut non immediate per suam substantiam est pater generans, sed per potetiam generativam, ita non immediate per suam substantiam est pater. Neque etiam potest fundari in potentia generativa; quia hæc solum facit posse generare, & ex consequenti posse esse patrem. Neque in actione generandi; quia actio non est in agente, sed in passio, quare paternitas esset in distincto subiecto à suo fundamento, & ex consequenti distingueretur realiter à fundamento: Nam ipsa esset in patre, fundamentum verò esset in filio. Deinde vel paternitas dependet ab actione generandi, vel non: Si dependet; Ergo cessante generatione, cessaret paternitas, & pater non esset amplius pater, postquam genuit filium: Si non dependet; ergo posset poni in aliquo

quo paternitas, qui nunquam genuerit filium. Quod si dicas, paternitatem ab actu generandi pendere in fieri, non in facto esse. Contra: quia relatio in facto esse non minus pendet à fundamento & termino, quàm in fieri: nam subla to fundamento vel termino, perit ipsa relatio in facto esse: Si ergo fundamētum per rationem fundandi constituitur in ratione fundamenti, eò quòd ex se sit indifferens ad varias relationes fundandas, & per rationes fundandi determinetur ad hanc vel illam relationē: sequitur cessante ratione fundandi, cessare fundamētū formaliter, ac per consequens & relationem.

Nominales facile se expediunt ab hac difficultate; dicunt enim paternitatem esse ipsum patrem, cum his conditionibus, nempe quòd habeat potentiam generatiuam, actionem generandi, & existentiam filii à se geniti, ita vt connotando hæc omnia homo ille dicatur pater. Verùm hi relationis essentiam videntur penitus tollere, quæ non consistit in coniunctione rerum absolutarum, sed in habitudine fundamenti ad terminum, vt patet ex dictis.

Aliter ergo dicendum est. Cùm enim relatio secundum di modi consistat in habitudine vnius ad aliud in ratione principii, relatio quoque paternitatis fundabitur in patre, quatenus pater habet rationem principii respectu filii. Constituitur autem in ratione principii per potentiam generatiuam, quocirca in potentia generatiua fundabitur relatio paternitatis, & erit cum ea idem, tanquam cum suo fundamento. Non fundatur autem in potentia generatiua paternitas, nisi quatenus per actionem generandi reducta est ad actum. Ratio est: quia potentia generatiua ex se solùm fundat relationē potentis generare, non verò actu generantis: vt igitur

Relatiua secundum di modi fundatur in ratione principij.

V u u u

fundet

fundet relationem auctu generantis, debet per actionem reduci ad actum.

Actio an fundamētum.

Verum difficile est explicare, quomodo actio se habeat ad istam relationem. Quidam enim dicunt, actionem esse fundamentum proximum, potentiam verò generatiuam esse remotum; eò quòd sola potentia non habeat in se fundamentum sufficiens actualis, sed tantum potentialis relationis ad effectum. & sic completur in ratione fundamenti per actionem, quia illius actualis relationis, ut actualis est, non potest aliud fundamentum assignari, nisi actio.

Sed contra. Nam si actio esset fundamentum, vel sola esset fundamentum, vel vnà cū potentia. Non primum: quia relatio ista fundatur in ratione principii ut principium est; est enim relatio principii in ratione principii: atqui ratio principii nō conuenit actioni, cū ipsa sit à principio, & ipsius principii, quod refertur, actio; & causatio potius quàm causæ. Non secundum: quia tunc essent duo partialia fundamēta relationis: vel ergo essent etiam duæ relationes partiales, ex quibus constaret paternitas; vel si esset vna simplex relatio, identificaretur necessario cum vtroque fundamento, quia vtrumque contineret distinctam partem fundamenti: Vnde qua ratione esset necesse identificari relationem vni parti fundamenti, eadem ratione esset necesse identificari alteri parti fundamenti: Cū igitur impossibile sit eandem relationem identificari rebus realiter distinctis, & in distinctis subiectis existentibus, impossibile quoque erit relationem fundari in vtroque fundamento. Neque etiam dici potest, relationem paternitatis esse compositam ex duabus partialibus relationibus, quia vtraque hæc quæ fingitur partialis relatio, est relatio

relatio principii in ratione principii, & per consequens fundatur in potentia generatiua, per quam generans constituitur formaliter in ratione principii.

Dices. Hanc relationem identificari cum suo fundamento proximo, nempe cum actione, connotando tamen fundamentum remotum, nempe potentiam.

Sed contra. Primò: ostensum est, actionem non posse dici fundamentum proximum paternitatis; quia paternitas proximè fundatur in ratione principii; esse enim patrem, est esse principium à quo est filius: Hanc ergo rationem cum non includat actio sed supponat, ipsa non erit proximum fundamentum, sed supponet proximum fundamentum: Neque enim satis est quòd actu connotet principium: Nam sicut dicitur connotare principium, ita etiam dici debet connotare fundamentum, ipsa verò non erit fundamentum essentialiter. Secundò. Sequeretur paternitatem esse in filio subiectiuè, in patre verò solum per denominatione extrinsecam, quæ sunt contra communem sensum omnium. Probatur: quia paternitas est idem cum suo fundamento; si ergo actio sit fundamentum, erit idem cum actione; actio autem subiectiuè non est in agente sed in passio: Ergo & paternitas non esset subiectiuè in patre, sed in filio.

Alii dicunt paternitatem esse idem cum potentia generatiua, quæ est ipsius proximum fundamentum, non nisi tamen connotando actionem tanquam conditionem sine qua non: sicut enim applicatio agentis ad passum, non est ratio agendi, nec fundamentum actionis, sed conditio sine qua non; ita & actio non est fundamentum relationis agentis ad passum, sed est conditio sine qua agens actu non est agens nec refertur.

*Vera senten-
tia.*

Dicendum est Actionem non constituere agens in ratione principii, sed solum in ratione actualis principii: nam in ratione formali principii constituitur per potentiam actiuam, in ratione autem principii actu, constituitur per actionem. verbi gratia, ignis per potentiam calefactiuam constituitur formaliter in ratione principii actiui, tota enim actiuitas ignis in calefaciendo, est adæquatè à calore, per approximationem autem applicatur ad agendum actu, per actionem verò fit formaliter actu agens. Ex quo patet, actionem cum non constituat agens in ratione formali principii, non esse fundamentum relationis agentis, quia talis relatio fundari debet in ratione principii: quia tamen constituit principium in ratione principii actualis, idcirco spectat ad fundamentum, non solum vt conditio, sed vt ratio aliquo modo constitutiuæ, quæ dicitur ratio fundandi. Nō tamen idcirco relatio identificabitur actioni: quia relatio debet identificari fundamento, non rationi fundandi; fundamentum autem est principium generatiuum, licet non nisi, vt reductum in actum per actionem, fundetur. Idem dici potest de passione, quæ non constituit passum in ratione formali principii passiuæ seu receptiuæ, sed tantum in ratione principii actu recipientis: actualis enim receptio formæ ab agente, est passio. Vnde fit, vt passio requiratur ex parte passi, ad fundandam relationem patientis ad agens: passum enim refertur ad agens, quatenus formam ab agente actu recipit, receptio autem actualis formæ est passio: quocirca passio requiritur vt ratio fundandi relationem ad agens. Denique actio & passio constituunt suo modo terminos harum relationum: Etenim pater verbi gratia refertur ad filium, non tanquam ad hominem præcisè, sed

sed tanquam ad hominem à se genitum : Adam enim & Eva fuerunt homines, quia tamen non fuerunt geniti non fuerunt filij. Porro esse genitum dicit generationem passiuam : Requiritur ergo generatio passiuæ ad constituendum passum in ratione formali termini paternitatis. Nam per humanitatem filius constituitur in ratione hominis, per esse genitum autem in ratione filij, esse enim filium est esse hominem genitum. Similiter filius refertur ad patrem non tanquam ad hominem præcisè, sed tanquam ad hominem generantem, nam si non generasset, non esset pater.

Ex quibus patet actionem & passionem non esse ipsa fundamenta, posse tamen dici conditiones sine quibus non, quæ tamen sint rationes fundandi : quia nisi principium actiuum & passiuum reducatur in actum per actionem & passionem, non fundabunt relationem realem. Et quamuis actio & passio non sint principia, sunt tamen principiationes & actus quidam secundi principiorum.

Quod si obiicias. Ex hac doctrina sequi transacto actu generationis, non esse amplius relationem paternitatis; quia non esset terminus eius formalis, nempe genitum quatenus genitum. Resp. Non esse paternitatem patris actu generantis (quod omnes fateri debent) sed esse paternitatem patris, qui iam ante genuit; non enim tunc dicitur pater quia generat, sed quia genuit. Neque verò transacta generatione, est noua realis relatio, sed permanet eadem, cum maneant omnia essentialia, nempe fundamentum & terminus: nam terminus est genitus, quia est virtute generantis per actionem præcedentem: quod sufficit, nam illa actio manet in suo effectu.

Obiicies secundo. Sequeretur patrem non desinere esse patrem, mortuo filio: quia si pater denominatur pater à generatione quam ante habuit, non quam actu habet, hoc ipsum etiam mortuo filio habet, & sic esset pater filio non existente: Hoc autem, est contra naturam relationis, quæ non potest esse, desinente termino. R. Mortuo filio non esse actu patrem, non quòd ei desit aliquid ex patre Patris requisitum, sed quia deest filius ad quem referatur.

Obiicies tertio. Si per Dei potentiam auferatur, potentia generatiua à patre, manente filio, adhuc ille homo erit verè pater filij, & tamen non habebit relationem ad filium; quia sublato fundamento tollitur relatio: potentia autem generatiua quæ est fundamentum relationis, sublata est. Ergo & relatio. R. Relationem non posse existere sine fundamento, siquidem est idem realiter cum illo: quare nec relatio paternitatis existeret ablata potentia generatiua; nihil enim esset ratio cuius homo ille referretur ad filium: refertur enim pater ad filium tanquam principium generationis illius, cum ergo tunc careret hoc principio, non haberet quòd referri posset. Et sicut sublato termino necesse est tolli relationem, quia nihil est ad quod terminetur relatio: ita etiam sublato fundamento, non est ratio sub qua possit esse relatio. Vnde solum dici tunc posset pater materialiter, non formaliter: quia nimirum esset is qui fuit pater, non verò quòd sit actu pater.

Dices. Ablata potentia generatiua quæ est principium generationis proximū, maneret substantia quæ est principium remotum: posset igitur in hac ratione principij fundari relatio paternitatis. Respondeo. Substantia patris sine potentia generatiua, sicut non est principium

suffi.

sufficiens generationis, ita neque sufficiens fundamentum paternitatis: paternitas enim fundatur in ratione principij sufficienti ad generationem; à substantia autem, sine potentia generatiua, nullo modo potest esse generatio.

Quod si quæras. An reproductio patre (quod erit die iudicij) reproduceretur relatio paternitatis. Respondeo. Relatio cum non sit quid distinctum à fundamento, non eget alia reproductione sui, sed tantum fundamenti & termini; quare pater & filius reproducti, iterum resument suas priores relationes: sicut si duo alba iterum reproducerentur, resumerent suas similitudines.

An verò relatio reproducta, sit eadem numero, cum ea quæ fuit ante, pender id ex diuersis de relatione opinionibus. Nam qui dicunt relationem esse rem distinctam à fundamento, consequenter dicunt, resultare distinctam numero relationem à præcedenti: quia quod semel corruptum est, naturaliter idem numero redire non potest. Qui verò tenent relationem non esse distinctam rem à fundamento & termino, consequenter dicere debent, eandem numero relationem redire; quia reproducitur idem numero fundamentum & terminus, relatio verò nullam rem dicit nouam distinctam à fundamento & termino.



QVÆSTIO V.

*In quo consistat propria ratio relatiuo-
rum tertij modi.*

HÆc quæstio determinanda est ex doctrina ipsius Aristotelis 5. Metaph. cap. 15. docet igitur Aristoteles eo loco quædam esse ad aliud quia referuntur ad aliud ex parte sua per propriam habitudinem & relationem, ut sunt relativa primi, & secundi modi, quædam dicuntur verò esse ad aliquid non quia referuntur ad alia, sed quia alia referuntur ad ipsa; talia sunt mensurabile, scibile, intelligibile, visibile; Mensurabile enim dicitur mensurabile, quia mensuratur, à mensura & propter relationem mensuræ ad ipsum non propter relationem ipsius ad mensuram, scibile etiam non dicitur scibile quia refertur ad scientiam, sed quia scientia est de ipso, similiter visibile, & intelligibile.

Quid sit ad aliud dici, & referri ad aliud?

Vbi notandum est primò quòd aliud est relatiuè dici, seu ad aliud dici; aliud referri ad aliud. Nam relatiuè aliquid dici potest siue per propriam relationem ad aliud, siue per relationem alterius ad ipsum; referri verò ad aliud non potest nisi per propriam relationem ad aliud. Relativa igitur tertij modi, ut mensurabile, scibile, dicuntur relatiuè, seu ad aliud, non quòd referantur ad alia, sed quòd alia referantur ad ipsa; Esse enim scibile est respectu scientiæ esse scibile, non quòd sit aliqua relatio scibilis ad scientiam, sed quòd scientiæ relatio sit ad ipsum; si enim definiatur scibile per relationem scientiæ, definietur esse id de quo est scientia. Ex quo patet ad hunc tertium modum

dum relatiuorum spectare obiecta actionum extrinsecarum, quatenus ab illis denominantur, ut sunt obiecta potentiarum scibile, intelligibile, volubile: Item obiecta denominationum extrinsecarum quæ sunt per modum cuiusdam actionis, ut mensurabile, imaginabile, emibile, vendibile. Mensurabile enim dicitur id quod mensuratur mensurâ extrinsecâ; imaginabile, quod per imaginem repræsentatur; emibile, vendibile quod pretio emi vel vendi potest: sic & columna dicitur dextra, quia dextrum hominis est ad illam.

Dices. Hinc sequi relatiua huius tertij modi nihil aliud esse quam denominationes extrinsecas. Respondetur non esse quasunque denominationes extrinsecas, sed tantum relatiuas, quando nimirum aliquid denominatur extrinsecè ab alio tanquam ad ipsum relato, sicut scibile denominatur à scientiâ tanquam relatâ ad scibile. Nam si denominatio extrinseca sit absoluta (ut esse vestitum, armatum) non pertinet ad relatiua tertij modi. Non enim ideo quis dicitur vestitus, quod vestis referatur ad ipsum, sed absolute quod habeat vestem.

Relatiua tertij modi sunt denominationes extrinsecæ relatiuæ.

Notandum est secundo. Multos autores relatiua huius tertij modi appellare relatiua secundum mensuram, & mensurabile, ac si omnia relatiua tertij modi in hac ratione conueniant, & sub ratione mensuræ, & mensurabilis spectent ad tertium modum relatiuorum, cum tamen Aristoteles hoc non dixerit, sed inter alia exempla tertij modi posuit mensurabile, scibile, intelligibile, non comprehendendo sub mensurabili scibile, sed æquè vnum ac alterum ad tertium modum relatiuorum reuocando; quia nimi-

An omnia relatiua tertij conueniant in ratione mensuræ?

rum æquè omnia ista conueniunt in ratione formali tertij modi, quæ in hoc tota consistit, vt aliqua dicantur relatiua, quia alia referuntur ad ipsa, quod æquè mensurabili, sicut scibili vel intelligibili conuenit. Quanquam exponi hi autores possunt vt solum velint eandem proportionem, quæ inuenitur in mensurabili & mensurâ, inueniri quoque in scibili & scientiâ, intelligibili & intellectu, non quod scibile in suo esse relatiuo constituatur per esse mensurabile.

Quanquam cum hi autores, dicunt scibile esse mensuram, scientiam mensurabilem; scientia enim inquitur mensuratur à scibili, quia talis est scientia, qualem requirit scibile. Id si ad mentem Aristotelis se loqui volunt falluntur. Nam Aristoteles mensurabile, scibile, intelligibile in eodem ordine ponit eorum quæ dicuntur ad aliquid ex eo quod alia referuntur ad ipsa, eaque opponit mensuræ scientiæ intellectui.

Si ergo scientia esset mensurabilis secundum Aristotelem ideo esset ad aliquid quia scibile referretur ad ipsam. Nam mensurabile dicitur mensurabile quia mensuratur à mensura & propter relationem mensuræ ad ipsam: at scientia non dicitur scientia propter relationem scibilis ad ipsam, sed è contra. Non igitur ponit Aristoteles scientiam in genere mensurabilium nec scibile in genere mensuræ.

*Scibile dupliciter
sumitur.*

Componi tamen possunt hi autores hoc modo, scibile dupliciter accipi potest; primo formaliter quoad denominationem scibilis, & sic denominatur scibile

Bile à scientiâ quæ est de illo; esse enim scibile est esse id de quo est scientia, & hoc modo scientia non sumitur tanquam mensura scibilis. Secundo sub ratione mensuræ ut est mensura scientiæ, scientia enim specificatur à scibili, & dicitur talis quia est de tali scibili; Vnde sicut scibilia sunt diuersa, ita & scientiæ. Primo ergo modo de scientiâ & scibili hoc loco locutus est Aristoteles. Secundo modo loquuntur hi autores. Porro modus loquendi Aristotelis seruitur propositum; vult enim mensurabile & scibile esse relatiua tertij modi, hoc est quæ dicantur relatiue eo quod alia referantur ad ipsa, ut mensurabile respectu mensuræ: at scientia ut scientia non est huiusmodi relatiuum, non enim propter relationem scibilis ad ipsam est relatiua, sed propter propriam relationem ad scibile: si tamen scientia sumatur non ut scientia, sed ut mensuratur à scibili, optimè dicetur esse relatiuum tertij modi, ideo enim est talis vel talis quia scibile est tale vel tale, seu quia talem habet mensuram.

His igitur prænotatis difficultas est an relatiua tertij modi sint verè relatiua, tum an realia? de-
Proponitur difficultas.
 mum an prædicamentalia? videntur primo non esse verè relatiua; Relatiuum enim est id quod refertur ad aliud: at scibile qua scibile non refertur ad scientiam; Esse enim scibile non est ad scientiam referri, sed scientiam referri ad ipsum, seu de ipso esse scientiam; Ergo: Neque dici potest scibile referri ad scientiam per eandem relationem extrinsecam qua scientia refertur ad ipsum, ut sentire videtur Caietanus.

ita ut eadem relatio, & scientiam intrinsecè referat ad scibile, & scibile per denominationem extrinsecam referat ad scientiam; hoc inquam dici non potest quia istarum relationum sunt distincti & oppositi termini. Nam relationis scibilis terminus ad quem est scientia, relationis vero scientiæ terminus ad quem est scibile: Ergo non potest esse una eadem relatio scibilis ad scientiam, & scientiæ ad scibile; sunt enim hæ relationes & diuersæ & oppositæ ex terminis.

Secundo non videntur hæc relativa tertij modi esse realia quia communis doctrina est, relativa tertij modi ex una tantum parte dicere relationem realem ex altera parte relationem rationis: Verbi gratia, scientia dicit relationem realem ad scibile, scibile vero dicit relationem rationis, quia fingitur ab intellectu quasi relatum ad scientiam per modum aliarum rerum denominatarum ab actionibus, cum tamen scibile esse, in re non sit referri ad scientiam, sed scientiam referri ad ipsum.

Tertio videntur hæc relativa tertij modi non spectare ad prædicamentum relationis, scibile enim denominatur scibile à relatione scientiæ transcendentali, quia denominatur ab actu scientiæ, qui dicit relationem essentialem ad scibile; prædicamentales autem relationes sunt accidentales non essentielles.

Ad hanc difficultatem respondendum est distinguendo. Aliud enim est referri ad aliud, aliud esse relatum & denominari relatiuè, ut enim aliquid sit relatum non est necesse, ut referatur ad aliud, sed satis est, ut sit tale per relationem alterius ad ipsum; scibile enim verè relatiuè dicitur, quia scibile scientiæ scibile est, & tamen hoc esse relatum scibilis
non

non consistit in relatione scibilis ad scientiam, sed in relatione scientiæ ad ipsum. Ex quo patet scibile esse verè relatiuum tertii modi, etiamsi non referatur ad scientiam constituiturque in esse relatiuo per relationem scientiæ ad ipsum, quia per talem relationem verè se habet ad aliud, quia ratione alterius dicitur tale. Dices hoc modo relatiuè se habere, nihil aliud esse quam esse terminum relationis alterius ex quo sequitur omnes terminos relationum esse relatiua tertii modi. Respondeo. Ad relatiua tertii modi non sufficit terminare relationem alterius ad se, sed præterea requiritur denominatio ab illius termini relatione, ita vt per illam denominationem relatiuam constituatur in esse relatiuo. Nam pater verbi gratia est terminus ad quem relationis filii neque tamen denominatur pater à relatione filii, sed à ratione patris: at vero scibile denominatur scibile à relatione scientiæ, vnde scientia denominatur à sua relatione, quasi actiue habens se ad scibile, scibile vero à relatione scientiæ denominatur quasi passiuè seu quasi id de quo est scientia.

Scibile est relatiuum etiamsi non referatur solum ex eo quod scientia referatur ad ipsum.

Quid requiritur ad relatiua tertij modi.

At obiicies. Primò, videtur scibile posse fundare relationem realem ad scientiam non minus quàm calefactibile ad calefacientem; sicut enim lignum, quia est calefactum habet in se causam & fundamētum relationis realis ad calefacientem; ita scibile quia scitur, habet causam vt referatur realiter ad scientiam. Respondet D. Thom. 5. Metaph. cap. 15. esse discrimen inter calefacientem & scientiam: Nam calefactio est actio recepta in ligno, lignum afficiens, & immutans, vnde est causa ligno vt ordinetur realiter ad ignem calefacientem; scientia vero est actio non transiens in rem scibilem, nec rem illam afficit intrinsecè, aut immutat, sed solum

denominat extrinsece, quocirca non est causa sufficiens in ipso relationis realis ad scientiam.

*Scientia licet
extrinseca sci-
bili verè afficit
scibile.*

Sed contra. Primo licet scientia sit extrinseca scibili, verè tamen afficit, & denominat scibile; ergo etiam verè potest fundare relationem. Nam etiam denominatio extrinseca potest fundare relationem, si cetera non desint, duo enim agentia sunt similia in actionibus, licet actio sit denominatio extrinseca. Secundo & si denominatio extrinseca non immutet intrinsecè, immutat tamen extrinsecè, quod satis est ad fundandam relationem.

Aliter ergo responderi potest, solam denominationem extrinsecam non esse sufficientem causam, ut aliqua relatio non sit realis ut probat argumentum: verum ex alio capite hic non potest esse relatio realis, quia relatio realis requirit distinctionem fundamenti, & terminat, in hac relatione idem esset fundamentum & terminus: Nam scientia denominans extrinsecè esset fundamentum simul & terminus relationis scibilis; scibile enim quatenus denominatur à scientiâ referretur ad scientiam, eiusdem autem ad seipsum non potest esse relatio realis. Adhuc denominatio extrinseca non est causa sufficiens ullius relationis realis intrinsecè. De qua hic agitur.

Obiicies secundo. In scibili inueniri fundamentum relationis realis ad scientiam. Nam causa est fundamentum sufficiens relationis ad effectum: at scibile est causa materialis & obiectiva scientiæ; dat enim materiam scientiæ & suo modo specificat scientiam. ergo potest referri ad scientiam. Respondeo obiectum causam esse scientiæ, quia est causa ut scientia sit de ipso, & ut
refera-

referatur ad ipsum, non verò suæ relationis ad scientiam nec ut ipsum referatur ad scientiam. Deinde hoc non est esse proprie causam per veram & propriam causalitatem, sed est esse rationem & fundamentum propter quod possit à nobis concipi per modum causæ.

Ex his igitur sequitur. Primo *relatiua huius tertii modi esse verè relatiua non per propriam relationem sed per relationem aliorum ad ipsa.* *Relatiua tertii modi sunt verè relatiua.*

Secundo *esse relatiua realia non per relationem propriam ad alia sed per relationem realem aliorum ad ipsa.* *Realia.* Quod verò de relatione rationis dicitur, id verum est, quia enim scibile non habet unde fundat relationem realem ad scientiam; Ideo intellectus apprehendit scibile per modum aliarum rerum recipientium actionem suorum agentium, & refert illud ad scientiam, sed hæc est fictio quædam intellectus, & modus noster imperfectus apprehendendi res.

Tertio sequitur *relatiua tertii modi esse prædicamentalia si purè relatiue sumantur.* *Prædicamentalia.* nam nullas dari relationes essentielles infra demonstrabimus. Neque verò requiritur ut aliquid sit relatiuum, ut dicat ex parte sua relationem ad aliud, sed satis est ut denominetur à relatione alterius ad ipsum.

¶ (o) ¶



QVÆSTIO VI.

An in omni re possit fundari relatio.

Difficultas est Primò de Substantia, secundò de relatione, tertio de denominationibus extrinsecis an scilicet in hoc triplici rerum genere possit fundari relatio realis.

Quantum ad Primum. Quidam negant posse in substantia immediate fundari relationem realem. Primò. Quia relatio prædicamentalis est accidens: atqui accidens non potest esse idem cum substantia, relatio verò debet esse idem cum suo fundamēto: ergo substantia non potest esse fundamentum relationis.

Secundo. Quia si quæ relatio in substantia fundaretur, ea maximè esset identitas substantiarum, atqui relatio identitatis non est realis; ergo. Minor patet, quia relatio quæ æque convenit extremis actu existentibus, sicut nō existentibus, non est realis: talis autem est relatio identitatis: Nam Petrus & Paulus non existentes, sunt idem in humana natura, & eiusdem naturæ specificæ; certum autem est hanc relationem identitatis inter terminos non existentes non esse realem; ergo & inter terminos existentes cum utrobique sit eadem relatio, & vnitas specifica in qua fundatur hæc relatio identitatis seu vnitas per intellectum.

*Potest relatio
realis fundari
in substantia.*

Dicendum tamen est posse in substantia immediate fundari relationem realem. Ratio est. Quia id neque repugnat ex parte substantiæ neque ex parte relationis. Ex parte substantiæ quidem; quia sicut aliis naturis ita & substantiæ potest convenire aliqua ex rationibus fundandi, & quidem eodem planè modo quo aliis naturis; ergo

ergo si in aliis naturis est sufficiens ratio ad fundandam relationem etiam in substantia erit sufficiens. Verbi gratia, unitas in quantitate fundat relationem æqualitatis, in qualitate relationem similitudinis: Ergo etiam in substantia fundabit relationem identitatis, maximè cum identitas in substantia nihil aliud sit quàm similitudo in substantia. Ex parte verò relationis non repugnat. Nam si quæ esset repugnancia, ex eo proueniret quod relatio sit accidens substantiæ; accidens autem cum sit extra rationem substantiæ non potest identificari substantiæ; Verùm hæc repugnancia nulla est; Non enim est necesse relationem esse accidens Physicum fundamenti, sed satis est, vt sit accidens logicum quod possit abesse & adesse præter fundamenti corruptionem; ad accidens enim Physicum requiritur, vt sit res quædam distincta ab eo, cuius est accidens & ipsi inhæreat, vti cernimus in quantitate, & qualitatibus, quod relationi non conuenit, cum non sit res distincta à fundamento, vti quæstione tertia explicatum est.

Quod si dicas, relationes has fundari in substantia, mediante unitate, quæ est accidens. Respondeo. Relationem non esse necessariò idem cum ratione fundandi, sed cum fundamento; quare & relationes in substantia fundatæ, non est necesse vt sint idem cum unitate, sed cum substantia. Quanquam & ipsa unitas substantiæ est idem cum substantia; Formaliter enim & in recto dicit substantiam connotatiuè vero in diuisionem, vt docetur in Metaphysica.

*Identitas substantiarum
quid?*

Ex quo patet ad primam rationem primæ sententiæ. Ad secundum. Respondeo. Identitatem substantiarum, ut est à parte rei, esse similitudinem substantiarum in essentia, quæ similitudo non minus est realis, quàm aliæ similitudines, in qualitate vel quantitate, neque talis relatio conuenit realiter nisi substantiis actu existentibus. Nam substantiæ actu non existentes, non sunt à parte rei similes, sed tantum, ut sunt apprehensæ ab intellectu.

Si verò loquamur non de identitate similitudinis, sed de identitate conceptus, & rationis genericæ, vel specificæ (quæ est propria identitas essentiarum, tam in substantiis quàm in accidentibus) talis identitas non est relatio realis; tum quia non est inter terminos distinctos, quod requiri ad relationes primi modi infra ostendemus: tum quia est inter terminos non in re sed in ratione existentes; natura enim generica, & specifica non existit in re sed in intellectu per abstractionem.

At obiicies. Saltem hæ relationes non erunt prædicamentales, quia fundantur in vnitatem quæ est quid transcendente; & vagatur per omnia prædicamenta. Respondeo. Rationem quidem fundandi vagari per omnia prædicamenta, sed non relationem fundatam; Non enim est necesse relationem pertinere ad idem prædicamentum, ad quod pertinet ratio fundandi; alioqui paternitas pertineret ad prædicamentum actionis; & filiatio ad prædicamentum passionis, quia ipsorum rationes fundandi sunt & actio & passio.

Obiici-

Obiicies secundo, Relatio fundata in substantia, esset substantia, quia esset idem cum suo fundamento, quod est substantia: at hoc dici non potest, quia relatio est distinctum genus prædicamenti à substantia, & genera prædicamentorum sunt primo diuersa ita vt de se inuicem prædicari non possint.

Respondeo, Non est necesse prædicamenta distinguì ex natura rei, sed satis est distinguì ratione. Quamuis igitur relatio sit idem re cum substantia, tamen considerari potest, & vt substantia & vt relatio; & quia hæ duæ considerationes ferunt secum distinctos modos afficiendi & denominandi primam substantiam, idcirco ad diuersa prædicamenta spectant: neque necesse est relationem esse accidens substantiæ Physicum, sed logicum, quomodo etiam substantiis conuenit habere se modo accidentis, vt alias dictum est.

Quantum ad secundum sunt tres sententiæ. Prima sententia, negat vniuersè relationem fundari posse in alia relatione. Ita S. Thom. cum suis prima parte. q. 42. art. 1. fundamentum est: quia ratio referendi non referitur, sed est id quo alia referuntur, alioqui daretur processus in infinitum; Cum ergo relatio sit ratio referendi, ipsa non referetur per aliam relationem, sed seipsa. Verum hæc ratio non concludit. Nam dici posset rationem referendi, vt est ratio referendi, & vt quo, non referri nisi seipsa: at si consideretur sub aliis rationibus, vt quod, seu vt res quædam habens suam peculiarem rationem fundandi, & suum peculiarem terminum, nihil prohibet quo minus referri possit & ipsa per.

Prædicamentum non est necesse ex natura rei distinguere.

An ex eo quod relatio sit ratio referendi non fundet relationem?

aliam relationem; similitudo enim albi ut est conuenientia duorum alborum in albedine, est ratio referendi album, ad aliud album, & simul ipsa seipsa refertur ut quo ad eundem terminum, nempe ad album: at quatenus consideratur non ut ratio referendi ad album seu ut res & natura quædam habens conuenientiam, cum alia relatione, sic potest ad aliam relationem referri non minus quàm vnum album ad aliud album, quia habet in se causam nouæ & distinctæ relationis, iuxta ea quæ dicta sunt à nobis quæstione prima.

Sententia secunda. Vniuersè affirmat in relatione fundari posse aliam relationem. Ita Scotus cum suis in secundo quæst. 1. distinct. 4. Fundamentum est: Sicut enim aliæ res habentes suas rationes fundandi, sunt sufficientes ad alias relationes fundandas ita & relatio posita enim causa, necesse est poni effectum. Cum ergo causæ relationum sint communes, tam relationi quàm aliis rebus, ipsa quoque relatio erit communis: sed hæc sententia consequenter quidem loquitur: quia si relatio est res distincta à fundamento habet in se propriam realitatem, quia sufficienter fundare potest aliam relationem, verum nullo modo potest soluere illam difficultatem de infinitis actu relationibus supposita earum distinctione ex natura rei uti quæstione prima demonstrauius.

Respondet Scotus loco citato, non dari processum in infinitum, quia est status in secunda relatione. Quod ita probat Scotus. Nam prima relatio distinguitur à fundamento; quia fundamentum potest

potest esse sine illa, siquidē potest esse sine termino talis relationis; secunda verò relatio non distinguitur à prima, quia prima nō potest esse sine illa, quod autem non possit esse sine illa probat ex eo, quia prima relatio non potest esse sine opposita sibi relatione cum sint simul natura, quę quidem duę relationes sunt fundamentum & terminus secundę relationis: Quia ergo prima relatio non potest intelligi sine fundamento, & termino secundę relationis, consequens est non posse intelligi sine secunda relatione, & sic secunda relatio erit de essentia primę, & ex consequenti non erit distincta essentialiter relatio à prima & sic non procedetur in relationibus in infinitum.

Verum Scotus si quid probat solum probat secundam relationem re non distingui à prima eo modo quo prima distinguitur à suo fundamento; nam fundamentum primę potest esse sine illa, illa autem ita fundamentum secundę est, vt non possit esse sine secunda; non probat autem ratione istas relationes non distingui. Nam cum habeant distincta fundamenta & terminos, necesse est ipsas quoque relationes esse vt minimum ratione distinctas. Vnde saltem sequetur infinitas esse relationes non re, sed ratione distinctas.

Dices probare Scotum primam & secundam relationem non solum esse eandem re, sed etiam eandem essentialiter: quia prima sine secunda non potest essentialiter intelligi. Respondeo. Velle quidem hoc probare Scotum, sed non rectè: primo quia illud fundamentum est falsum; Id sine quo res non potest intelligi non distinguitur essentialiter à re. Patet enim sine termino non posse intelligi relationem, & tamen alia

est essentia termini, alia relationis. Secundo Falsum etiam est primam relationem non posse intelligi sine secunda: tum quia prima relatio sufficienter intelligitur secundum suam essentiam, intellecto proprio fundamento & termino, quia ab his tantum duobus in sua essentia dependet: tum quia secunda relatio est quid consequens ad primam; fundatur enim in duabus primis quæ tanquam ad illam consequuntur. Ergo. Tertio Falsum etiam est conceptu fundamento & termino non posse non concipi relationem. Nam in conceptu fundamenti & termini secundum se accepti continetur conceptus relationis solum virtualiter non formaliter. Nam sicut relatio est quid consequens ad fundamentum & terminum, non verò est ipsa essentia fundamenti & termini simul; ita & conceptus relationis consequenter se habet ad conceptum fundamenti & termini, ita ut per Dei potentiam, possit impediri ne sequatur; sicut essentielles proprietates impediuntur à Deo ne sequantur ad suas essentias.

Est enim relatio medium quid inter fundamentum & terminum nempe habitudo fundamenti ad terminum; potestquè fundamentum concipi, secundum se, sine habitudine ad terminum. Fateor, tamen si concipiatur fundamentum non secundum se, sed respectu termini, non posse non concipi relationem.

Quod si quis dicat. Non repugnare, dari relationes infinitas, non actu, sed potentia distinctas,

id

id abunde in prima quæstione à nobis refutatum est.

Tertia sententia est media, quasdam relationes referri seipsis & non fundare alias relationes, quasdam verò referri per alias. ita Ruuius hic securus Suarium. Secundo Metaph. disput. 47. Sect. 10. Relationes enim si sint sibi oppositæ in ratione termini vna seipsa refertur ad alteram cum ex seipsis habeant oppositionem & distinctionem & diuersitatem: si verò non sint sibi oppositæ per modum termini; possunt ad se referri per aliam relationem. Verbi gratia, paternitas ad filiationem refertur seipsa; seipsa est enim ab ea distincta & illi opposita non per aliam relationem distinctionis vel oppositionis, quia hæ relationes includuntur formaliter vel virtualiter in paternitate: at vero paternitas ad aliam paternitatem non oppositam in ratione termini, non potest referri seipsa, quia illam ex sua essentia non respicit vt terminum, neque ad illam essentialiter, sed accidentaliter habet se relatiuè: nam paternitas vt paternitas non respicit aliam paternitatem, sed filiationem. quare etsi respectu filiationis ad quam se habet relatiuè exercet seipsa omnes conuenientes sibi relationes; tamen respectu paternitatis, ex sua essentia non habet se relatiuè, sed quasi absolutè. Vnde eget relatione superaddita ad hoc, vt possit referri ad ipsam, nempe relatione similitudinis.

Porro hæc sententia bene soluit illud argumentũ de infinitis relationibus, quia tandem venit ad oppositas rela-

relationes in quibus statur & non proceditur ulterius. Verbi gratia, duæ paternitates sunt sibi similes per duæ relationes similitudinum, ipsæ verò similitudines sunt sibi similes seipsis, quia sunt sibi oppositæ in ratione termini.

Verum hæc doctrina non est usquè adeo solida & vera. Nam ut quæstione prima demonstrauius; in communi relationes oppositæ habent, in se rationes fundandi alias relationes, non minus quam quæcunque aliæ res: Nam sicut res absolutæ propter vnitatem & conuenientiã in naturâ absolutâ fundant relationes similitudinis ad terminum absolutum, ita & duæ relationes oppositæ propter conuenientiam in natura relationis, fundare possunt nouam relationem similitudinis ad relationem oppositam. Neque dici potest similitudines alborum esse sibi similes seipsis, non vero similitudine similitudinum; alia est enim similitudo alborum, alia similitudo similitudinum: Nam illa est similitudo in duabus rebus absolutis; hæc vero in duabus rebus relatiuis. Quamuis igitur ut sint similitudines alborum referantur ad alba seipsis, non per alias relationes tamen ut sunt similes in relatione similitudinis non seipsis referuntur; sed per similitudines similitudinum. Vbi enim sunt distincta fundamenta & termini ibi sunt distinctæ relationes, at similitudo similitudinum habet distinctum fundamentum, & terminum à similitudine alborum, cum in illa fundamentum & terminus sint duæ relationes, in hac vero duo absoluta: ergo similitudo similitudinum est relatio, distincta à similitudine alborum, neq; per eandem relationem res refertur ad terminum absolutum, & ad terminum relatiuum iuxta ea quæ diximus in prima quæstione.

Nosigitur cum prima sententia dicimus non posse fundari relationem in alia relatione : quia relatio cum non sit res distincta à fundamento & termino non habet unde possit fundare relationem realem, vti quæstione prima explicatum est.

Relatio non potest fundare aliam relationem.

Quantum ad tertium quidam censent non posse fundari relationem realem in denominationibus extrinsecis, Primo: Quia relatio realis debet realiter immutare subiectum non quidem ratione sui, sed ratione fundamenti: at denominationes extrinsecæ non mutant subiectum, sed sine vlla eius mutatione ipsi adueniunt, vt esse visum, esse cognitum, esse volitum; ergo in talibus denominationibus non possunt fundari relationes reales. Maior probatur quia noua relatio non potest aduenire subiecto nisi ratione noui Fundamenti maximè si terminus ante præexistat.

Secundo. Quia proprium est relationum rationis, fundari in denominationibus extrinsecis: Nam relationes rationis sunt illæ, quæ conueniunt rebus, non vt sunt à parte rei, sed vt sunt cognitæ ab intellectu, cognosci autem ab intellectu, est denominatio extrinseca.

Dicendum tamen est. In denominationibus extrinsecis non posse quidem fundari relationes reales intrinsecas, posse tamen extrinsecas rebus denominatis. Ratio primi est, quia cum relatio sit idem reum cum fundamento, si fundamentum sit extrinsecum, relatio non potest esse intrinseca. Ratio secundi est, quia formæ quæ possunt secundum essentiam suam, denominare aliquod subiectum, possunt etiam secundum

In denominationibus extrinsecis fundantur relationes reales extrinsecæ.

cundum proprietates illam essentiam consequentes: at dantur formæ extrinsecè denominantes subiecta: ergo & relationes ipsarum essentias consequentes: si enim formæ extrinsecæ habeant se relatiuè ad alia, etiam res ab illis denominatæ habebunt se relatiuè secundum illas. Verbi gratia, duo agentia denominantur agentia extrinsecè ab actionibus: si ergo illæ actiones fuerint similes, etiam agentia, secundum illas actiones erunt similia similitudinibus extrinsecis fundatis in actionibus; sunt enim hæ relationes idem re cum suis fundamentis. Cum verò fundamenta sint extrinseca rebus denominatis etiam ipsæ denominationes erunt extrinsecæ rebus denominatis. Nam quod quidam dicunt dari denominationem extrinsecam absolutam non relatiuam, negandum est, quando relatiua oritur ex absoluta, vt accidit in subiecta materia.

Forma extrinseca quomodo immutat subiectum.

Vnde ad primum respondeo. Forma extrinseca eo modo quo denominat subiectum dici etiam potest illud immutare: afficit autem extrinsecè. Ergo & immutat illud extrinsecè, hoc est, in aliquo esse extrinseco non intrinseco.

Relationes rationis fundatae in denominationibus extrinsecis ab actu intellectus sunt intrinseca rebus denominatis.

Ad secundum Respondeo. Relationes rationis quæ dicuntur fundari in denominationibus extrinsecis ab actu intellectus, sunt relationes intrinsecæ rebus denominatis, quæ quia à parte rei non conueniunt rebus, sed finguntur ab intellectu, dicuntur relationes rationis. Idcirco autem non possunt conuenire realiter rebus quia omnis relatio est idem re cum fundamento, hic autem fundamentum harum relationum est in re extrinsecum, relatio vero fingitur intrinseca rebus. non potest igitur dici realis. quod
si &

si & ipsum fundamentum, hoc est, cognitio fingatur. esse intrinsecè in re cognita; iam ex alio capite talis relatio non erit realis, quia habet fundamentum fictum.

Q V Æ S T I O VII.

Qua sit relatio prædicamentalis, & quomodo à transcendentali differat.

Quidam volunt relationem prædicamentalem esse accidentalem, transcendentem vero esse essentialem. Sed hi si nomine relationis accidentalis intelligant relationem, quæ sit accidens aliquod Physicum inhærens subiecto, falluntur. Nam nulla relatio est res distincta à fundamento: quare ratione sui non inhæret subiecto, sed solum ratione fundamenti; sicut enim non habet entitatem distinctam à fundamento: ita nec inhærentiam distinctam. Si verò intelligant relationem fundatam in aliquo accidente, ita ut ea sola sit prædicamentalis, quæ est fundata in accidente, quæ verò fundatur in substantia non sit prædicamentalis; tunc non possunt sufficientem assignare rationem; quare relatio fundata in accidente sit in prædicamento relationis, non vero relatio fundata in substantia. Nam æquè vna ac altera relatio dicit rationem formalem distinctam à suo fundamento, propter quam ponitur in distincto prædicamentali genere, ab eo, in quo ponitur fundamentum: Conueniunt etiam utræquæ hæ relationes in vna communi ratione relationis. Vnde ad vnum & idem genus relationis spectare debent.

*Relatio non est
accidens Physi-
cum.*

Nam si dicas. Relationes fundatas in substantia, esse substantiales & ad substantiæ genus pertinere, dicam & ego relationes fundatas in quantitate & qualitate esse quantitativas, & qualitativas, & ad genus qualitatis & quantitatis pertinere, & sic nulla daretur relatio quæ ponatur in prædicamento relationis, sed omnes ponerentur in prædicamento sui fundamenti. Nam aut necesse est relationem poni in prædicamento fundamenti, aut non est necesse. si primum: omnes relationes erunt in prædicamento sui fundamenti, & sic euacuabitur prædicamentum relationis: si secundum, non erit etiam necesse relationem fundatam in substantia, poni in prædicamento substantiæ, sed æquæ ac aliæ relationes fundatæ in aliis generibus prædicamentorum referri poterit ad commune genus prædicamenti ad aliquid.

At oportet inquirunt Relationem esse accidens siquidem est vnum ex nouem generibus accidentium.

Quomodo relatio sit accidens.

Respondeo. Quâ ratione relationes fundatæ in aliis generibus prædicamentorum sunt accidentia, eadem ratione & relatio fundata in substantia est accidens; Si enim loquamur de relatione formaliter; sic relationem non oportet esse accidens Physicum, sed Logicum: quia potest adesse & abesse à fundamento saluâ eius essentiâ. At hoc eodem modo relatio fundata in substantia, est accidens, quia potest adesse & abesse à substantia. Verbi gratiâ similitudo substantiæ cum altera, ita potest abesse à substantia, sicut similitudo in albedine potest abesse ab albedine. Si verò loquamur de relatione materialiter, secundum ea quæ illi conueniunt ratione fundamenti, sic verum quidem est relationem fundatam in

in accidente esse accidens Physicum, & eam quæ fundatur in substantia non esse tale accidens: verum ratio talis accidentis per accidens planè conuenit relationi; quia non ratione sui, sed ratione alterius. Vnde propter huiusmodi rationem per accidens, non debet arceri relatio fundata in substantia, à prædicamento relationis, maximè quia relatio ratione sui præcisè ponitur peculiare genus prædicamenti, hoc est, ut est quid distinctum secundum suam formalem rationem à fundamento. Cum igitur ratione sui non includat rationem accidentis Physici (hoc enim habet ratione fundamenti) sequitur impertinens esse ad rationem prædicamenti relationis, esse accidens Physicum. Non enim ut inhæret subiecto, sed ut refert subiectum ad terminum, est peculiare genus prædicamenti: potest autem referri ad terminum siue subiecto inhæreat siue sit idem cum subiecto. Quare satis est ut relatio sit accidens Logicè non Physicè, cum ratio formalis relationis non postulet aliam rationem accidentis.

Quod si dicas. Vtrumque requiri ad relationem prædicamentalem, & ut sit accidens Physicè, & ut referat ad terminum. Respondeo. Iam est ostensum primam illam rationem, per accidens facere ad relationem; Vnde non potest nisi per accidens requiri. Ratio enim relationis formaliter æquè saluatur si relatio sit accidens Physicum, sicut si non sit accidens; alioqui huius rei nulla ratio iusta afferri ab aduersariis potest.

Iam verò si relationem accidentalem vocent eam quæ nõ est essentialis, sic verum quidè dicunt, omnem relationem prædicamentalem esse accidentalem, sed ex eo sequitur nullam dari relationem non prædicamentalem, si præcisè sumatur, quia nulla datur relatio quæ sit

*Nulla datur
Relatio non
accidentalis.*

essentialis, cum absolutum, & relatiuum toto genere differant, vt mox ostendemus; & sic mala erit diuisio relationis in prædicamentalem & transcendentalem, hoc sensu acceptam, hoc est in accidentalem, & essentialem, quia nulla est essentialis, sed omnis est accidentalis.

Confirmatur.

Deinde vt rectè argumentatur Vasquez. Relatio illa transcendentalis, si est relatio, est pura relatio, & essentialiter relatio (non enim dici potest relatio nisi essentiam relationis habeat) at quæ est essentialiter relatio, est relatio secundum esse, ac proinde prædicamentalis. Ergo nulla datur relatio non prædicamentalis.

*Vera sententia
de Relatione
Prædicamen-
tali.*

Alii igitur & melius dicunt, relationem prædicamentalem esse illam, quæ est pura relatio, nec aliquid de alio quocunque genere prædicamenti includit, siue essentialiter siue accidentaliter, vt est paternitas, similitudo, æqualitas; hæc enim nomina sunt imposita, ad significandos puros respectus, non verò ad significanda absoluta cum respectibus. Non prædicamentalem, verò relationem esse volunt illam, quæ præter relationem dicit aliquid absolutum. Sic pars dicit relationem ad totum, sed non solam; dicit enim etiam entitatem absolutam quæ est pars sui totius, sic caput, dicitur capitati caput, & manus manuati manus (hoc enim modo Aristoteles iubet fingi nomina ad explicandam relationem istorum) sic etiam scientia dicit relationem ad scibile sed vnà cum qualitate. Talis igitur Relatio cum includat absolutum, non potest poni in Prædicamento Relationis: & sic erit Relatio non Prædicamentalis. Quocirca & Aristoteles Relatiua secundum Dici, reiecit à Prædicamento Relationis.

*Quæ Relatio
non Prædicamen-
talis.*

Forro

Porro quod aliqua relatio includat absolutum,, potest id contingere vel quia est de essentia ipsius absolutum, ita vt non possit sine illo absoluto essentialiter concipi, nec absolutum sine relatione, & sic pleriq; sentiunt de relatione materie ad formam, formæ ad materiam, item de relatione scientiæ ad scibile, & omnino potentiarum, habituum, actuum, ad obiecta. Contra *Relatio includit absolutum non essentialiter, sed ex impositione.*

Unde non potest significatum talis vocis concipi, nisi concipiatur vtrumq; & hoc sensu concedi potest relationem esse de essentia talis significati, licet non sit de essentia absoluti. Sic relatio capitis ad corpus, non est de essentia capitis, vt substantia est, quia caput habet essentiam absolutam de genere substantiæ, eamq; retinet etiam quando definit referri ad corpus, vt si præcindatur à corpore, vel corpus sit penitus consumptum, hæc tamen vox caput, non significat solam substantiam capitis, sed substantiam relatam ad corpus per modum partis; caput enim alicuius corporis caput est; vnde essentialiale eius significatū est vtrumq; tam absolutum, quam respectiuum. Hinc ergo patet relationem puram, esse prædicamentalem, quia nihil includit quod non pertineat ad prædicamentū relationis, non puram verò non esse prædicamentalem; quia includit ens aliquod absolutum, quod non pertinet ad prædicamentū relationis.

At inquires. Etsi includat præter relationem rem absolutam; tamen illa relatio distingui potest ab illa re absoluta, & sic distincta pertinebit ad prædicamentū relationis, & erit prædicamentalis. Respondeo. Verum quidem id esse absolutè loquendo, non tamen prout

Relatio abstracta ab absolute est Prædicamentalis.

tali voce significatur; caput enim, verbi gratiâ, est relatiuum quiddam, sed tale, vt ex sua impositione significet absolutum, & relatiuum simul: quare stante tali impositione, & significatione talis vocis, non est relatiuum prædicamentale, quia non est purè relatiuum, licet si relatio capitis ad corpus aliâ voce significaretur, puram relationem significante; pertineret ea relatio ad prædicamentum relationis.

Quod etiam fateri velint nolint, debent ii, qui tenent relationes aliquas esse de essentia absolutorum. Nam cum scientia, verbi gratiâ, non sit purè respectus ad scibile, dicit aliquam entitatem absolutam præter respectum; nisi enim vtrumq; diceret formaliter; effectus vel purè absolutum ens, vel purè respectiuum; at quia est partim absolutum, partim respectiuum, distinguuntur in ea possunt duæ rationes, altera absoluta, altera respectiua; nam absoluta formaliter non est respectiua, neq; respectiua formaliter est absoluta, cum definitionibus & quidem oppositis distinguantur. Quatenus igitur respectiua, pertinere formaliter debet ad prædicamentum relationis, vti & cæteræ relationes formaliter sumptæ: Et ita Aristoteles in cap. de Qualitate in fine docet: relationem scientiæ debere poni in ad aliquid, ipsam verò scientiam in qualitate.

Nam quod dicunt, illud absolutum esse etiam respectiuum, & illud respectiuum esse etiam absolutum, si id intelligant identicè, & materialiter, verè & consequenter loquuntur in sua sententia: Si verò intelligant formaliter, nec verè, nec consequenter loquuntur. Non verè; quia absolutum, qua absolutum, & respectiuum distinguuntur formaliter; quia habent distinctas definitiones, & sic vnum, formaliter non est aliud: non consequenter.

quenter; quia sicut rationale in homine est idem cum animali, non tamen est de essentia animalis; quia non constituit animal in ratione formali animalis, sed vtrūq; est de essentia hominis, qui ex vtroq; constat: ita relatiuum si sit idem cum absoluto, non ideò est de essentia absoluti, sed solum est de essentia conflati ex absoluto & respectiuo. Non enim relatio constituit absolutum in ratione absoluta, cum absolutum nō sit absolutum propter relationem formaliter, sed potius propter non relationem; illud enim dicimus absolutum quod non refertur, vel omnino, vel sub aliqua ratione. Quare relatiuum, semper est extra rationem formalem absolutam, & solum pertinet ad rationalem formalem conflati ex absoluto & respectiuo, vti ex istorum sententia deducitur.

Iam verò si quæras. An omnis relatio non prædicamentalis sit transcendentalis, quidam enim vniuersè ita loquuntur. At multò melius alii negant, quos hîc sequitur Ruuius & Toletus. Nam transcendens illud dicitur, quod vagatur vel per omnia, vel per aliqua prædicamenta, vt apparet in ente, vno, bono, vero, eodem, diuerso, accidente: at non omnes relationes non prædicamentales vagantur per omnia, vel aliqua prædicamenta: non igitur dici possunt transcendentales. Minor patet. Relatio enim sciētiæ ad scibile, inuenitur solum in qualitate, relatio capitis, in sola substantia; relatio potentiarum, habituum, actuum, ad obiecta, in sola qualitate.

Non omnis Relatio non Prædicamentalis, est transcendentalis.

Nam sunt quædam relationes quæ fundantur in re propria vnius prædicamenti, vt eæ quæ sunt nominatæ; sunt verò aliæ quæ fundantur in re communi multis, vel omnibus prædicamentis, vt relatio inhærentiæ fun-

datur in ratione accidentis, communi omnibus generibus accidentium; similiter relatio dependet à Deo, non fundatur in certo aliquo genere entis, sed in communi in ratione entis creati, siue sit substantia, siue accidens: Relationes igitur primi generis, neque sunt prædicamentales, quia includunt absolutum spectans ad Prædicamentum Absolutum, non ad Prædicamentum Relationis: suntq; Relatiua secundum dici; neque transcendentales, quia non sunt communes multis generibus prædicamentorum.

Relationes essentialis ponitur in Prædicamentis Absolutis, tenet Ruuius.

Quanquam Ruuius hic q. 5. tenet relationes habituum & potentiarum, esse prædicamentales, quia ponuntur in prædicamento qualitatis, cum sint de essentia dictarum qualitatum.

Quocirca secundum hanc sententiam non omnes relationes quæ sunt essentielles absolutis dici debent aut possunt transcendentales.

Relationes verò secundi generis, sunt transcendentales, quia cum includant aliquid præter relationem, non sunt prædicamentales, & quia includunt res diuersorum prædicamentorum, & vagantur per multa prædicamenta, sunt transcendentales; hæc enim duo ad rationem relationis transcendentalis requiruntur.

Dices Relationes transcendentales & si ut dicuntur tam absolutum, quam respectuum non pertineant ad prædicamentum relationis: tamen ut illæ relationes præsciuntur ab absolutis, sic possunt spectare ad prædicamentum relationis; præsciendi autem possunt, quia non sunt de essentia absolutorum, ut probabitur. Respondeo: Concedendo totum. Nam relationes transcendentales ideo non spectant ad prædicamentum relatio-

Relatio transcendentalis præscinditur ab absoluto est Prædicamentalis.

relationis, quia includunt præter relationes, res diuersorum prædicamentorum, quæ non possunt reponi in prædicamento relationis: Si ergo sumantur præcisè vt abstrahunt à rebus diuersorum prædicamentorum, reponentur in prædicamento relationis. Ratio est: Quia in prædicamento relationis, ex sententia Aristotelis reponuntur omnia relatiua secundum esse, solumque excluduntur relatiua secundum dici, vt patet ex definitionibus relatiuorum datis ab Aristotele: atqui à relatiuis transcendentalibus præscindi potest pura ratio relatiuorū, non includens vllam rationem absolutam, eritque relatio secundum esse: Ergo talis relatio spectabit per se ad prædicamentum relationis; siquidem omnis pura relatio spectat ad prædicamentum relationis.

Confirmatur primo. Quia si aliqua relatio non diceret rem vllam absolutam, certè nec esset transcendentalis, nec non prædicamentalis: quia relatio quod sit non prædicamentalis, non habet hoc ex essentia sua, sed ex inclusione alterius rei non pertinentis ad prædicamentum relationis. Hac enim de causâ Aristoteles exclusit à prædicamento relationis relatiua secundum dici, quod præter relationem includerent aliquid aliud: Ergo si relatio per præcisionem intellectus liberetur ab inclusione alterius entitatis, eo ipso, nullum habebit impedimentum quominus sit in prædicamento relationis.

Confirmatur secundo. Quia relatio per hoc quod est de essentia absoluti, non mutat, nec perdit naturam relationis; alioqui non faceret rem illam referri ad Terminum: Cur igitur illa ratio relatiua integrè præscindi non possit, & effici purè relatiua per intellectum?

Estque hæc sententia certò Aristotelis, qui relatiua prædicamentalia definiuit esse relatiua secundum esse. relatiua autem secundum esse sunt illa, quæ nihil aliud præter relationem dicunt. Vult ergo Aristoteles, omnia illa relatiua esse prædicamentalia, quæ non inuoluunt rem alterius prædicamenti. Si verò idem sit simul relatiuum & absolutum vt scientia: voluit relationem separari ab absoluto & reponi in Prædicamento Adaliquid. vt ex vltimis verbis in Cap. de Qualitate manifestum est.

An tollenda Relationes transcendentes.

Sed instabis. Hac ratione tolli omnes relationes transcendentes. Nam si potest semper præscindi relatio ab absoluto, talis relatio secundum essentiam erit prædicamentalis. Respondeo. Si relationes transcendentes illæ intelligantur, quæ sunt essentielles absolutis: tales relationes nec antiquitas agnouit, neque nos agnoscimus, vt ex quæstione sequenti patebit. Ac si relatio transcendentalis sit, idem quod relatio secundum dici, includens aliquod absolutum transcendens, tales relationes non negamus. hoc solo addito, quod non omnis relatio secundum dici, appellari debeat transcendentalis, sed ea solùm quæ vagatur per multa Prædicamenta vt Accidens. Nam aliis, quæ in vno tantum Genere Prædicamenti versantur, nulla ratione conuenit talis appellatio. vt paulo antè ex Toletò & Ruuiò ostendi. quæ enim vno Genere Prædicamenti continentur non transcendentalia sed prædicamentalia dici debent.

Qua relatio dici potest transcendentalis.

Quare illa solùm Relatio secundum dici, transcendentalis vocari poterit quæ includit absolutum aliquod transcendens, vt est relatio Accidentis, causæ, creaturæ, &c. quæ verò includit absolutum ad vnum tantum Genus Prædicamenti spectans, nullo iure dici potest transcendentalis.

dentalis. Si verò præcindatur ab absoluto: talis relatio erit prædicamentalis. vt in fine Capituli de Qualitate docet Aristoteles, & cum eo Toletus, Alexander, & alij interpretes illius loci. Vnde patet Relationem talem non secundum essentiam dici Transcendentalem; cum per se ad Prædicamentum Ad aliquid spectet: sed per accidens ratione Absoluti transcendentalis, quod includit, vt illo nomine significatur. Nam simili ratione Relatio secundum Dici, abstracta ab absoluto, definit esse, secundum Dici, & fit Relatio secundum Esse, & Prædicamentalis.

Notandum verò est Aristotelem duplicia Relatiua statuere. alia secundum dici: alia secundum esse. Illa dicuntur quidem relatiuè, tamen essentia illorum non consistit in illa relatione; sed in natura absoluta affecta relatione. Sic caput dicitur quidem relatiuè. Oportet enim caput alicuius esse caput; tamen essentia capitis non est relatio ad aliud, sed substantia, ad quam consequatur relatio partis ad totum. Vnde Aristoteles ait, posse quem cognoscere definitè substantiam capitis, etiam si ignoret definitè, cuius illud caput sit, & ad quod Totum referatur.

Relatiua secundum dici.

Notandum est secundo. Dupliciter aliquid dici relatiuè ad aliud: Primò formaliter, ratione sui, verbi gratia, caput secundum quod caput est, alicuius caput est. Secundò non ratione sui, sed vt substantia alicui rationi, per quam refertur. Sic inquit Aristoteles, bos vt bos, non dicit formaliter esse alicuius, sed solum vt est possessio, dicitur esse alicuius. Possessio enim est alicuius possessio. Esse verò bouem, formaliter non est esse alicuius. Nam si nullus sit possessor, bos erit bos, & tamen non erit alicuius.

Regula cognoscendi rationem formalem cuiuslibet rei.

Vt verò certò constet, sub qua ratione formaliter aliquid sit relatiuum, dat pulchrâ regulam Aristoteles. Id enim quo solo posito, & omnibus aliis ablatis, dicitur res illa relatiuè ad aliud, illud est ratio formalis referendi rem illam ad alterâ: similiter id quo solo ablato, & omnibus aliis positis, non est relatio, non est ratio formalis referendi. Id quod verum est tam ex parte rei relatæ, quam ex parte termini ad quem est relatio. Dat exemplum Aristoteles de Domino & seruo. Ablatis enim omnibus accidentibus à Domino, & solùm relicto hoc, quod est Dominus, seruus refertur ad dominum, idcirco seruus refertur ad dominum formaliter vt dominus est; non refertur autem ad hominem formaliter, quia illo solo posito, & ablato quod sit dominus, nō referetur seruus ad ipsum. Sic & ala ad auem non refertur formaliter vt auis est, sed vt alata est. Nam etsi non sit auis, sed animal quadrupes, dummodo alatum sit refertur ad illâ ala. Monet igitur Aristoteles, conuenienter assignari debere correlatiua, hoc est, formaliter secundum regulam datam, ita vt si terminus formalis relationis conuenienter assignari non possit, nisi fingatur nomen; & dicatur, ala, alati ala; temo temonati temo; caput capitati caput. Sic enim formaliter & propriè significabuntur termini relationis.

Relatiua secundum esse.

Notandum est tertio. Relatiua secundum esse dici relatiua, quia eorum essentia non est alia, quàm relatio. Sic paternitas nihil aliud dicit præter relationem ad filium. Filiatio relationem ad patrem, similitudo relatione ad aliud simile. Relatiua verò secundum dici dicuntur quidè relatiuè, sed essentia illorū est quid aliud præter relatione: & ideo non sunt relatiua secundum esse.

Quod si dicas Relatiua secundum esse, præter esse ad

ad, dicere esse in. Nam sunt & in subiecto, & referunt subiectum ad terminum. Respondeo. In nostra sententia, quæ relationes non distinguere à fundamento, relationem non esse quid inhærens ratione sui, sed ratione fundamenti. Nam cum sit idē cum fundamento, non inhæret fundamento. Id enim quod inhæret, necesse est distingui ab eo cui inhæret; mediante verò fundamento accidentali, inhæret quidem relatio subiecto, sed fundamenti, non sua propria inhærentia. Quare hæc inhærentia est extra rationem formalem relationis. Vnde relationes quæ fundantur in substantia, nullam inhærentiam dicunt nec immediatam, nec mediatam. In sententia verò opposita, quæ distinguit relationem realiter à fundamento, inhærentia convenit relationi ut accidens est; seu ut est relatio accidentalis. Cum igitur, secundum ipsos hæc duæ rationes in relatione constituent formaliter essentiam relationis accidentalis: utraque est de essentia relationis, & ex consequenti ratio propria relationis præscindi nō potest in suo conceptu formali, à ratione accidentis.

Alij verò respondent. Relationem prædicamentalem esse purā, non quocunq; modo, sed solū respectu termini, quia nimirum respectu termini non exercet aliud officium, nisi referendi; ad differentiam aliarum relationum, quæ respectu termini exercent, præter officium referendi, alia quoque officia, ut scientia non solū dicit relationem ad scibile, sed etiam actum cognitionis circa scibile. Non putant autem obesse relationi puræ, si dicat aliquid aliud præter relationem, sed non ad terminum. Sed isti falluntur. Nam relativa secundum dici, respectu termini dicunt puram relationem, quia tamē præter relationem, dicunt etiam aliam rem absolutā, reiciuntur à prædicamento

mento relationis. quia in prædicamento relationis non possunt poni vllæ res absolute; vt cùm caput ad capitulū refertur, vel ala ad alatum..

Quod si quæras stando in istorum sententia.. An relatio vt accidens est, sit in prædicamento relationis, vel solum relatio vt relatio? seu vt dicit esse Ad. Relatio enim vt accidens est, non est formaliter relatio, ac ex consequenti non est formaliter in prædicamento relationis: quod verò nō est formaliter relatio, non est formaliter in prædicamento relationis..

Relatio vt accidens est, ad quod prædicamentum spectat.

Respondeo. Accidens sub ratione accidentis esse, quid transcendens prædicamentā, nec pertinere ad prædicamenta, sed esse supra prædicamenta: relatio verò inhærentiæ quam dicit Accidens ad subiectum, etsi vt transcendentalis est, & non pura relatio, non pertinebit eodem modo ad Prædicamenta, tamen si præscindatur ab omni alia re absoluta, pertinebit ad prædicamentum relationis, sicut omnis alia relatio transcendentalis præcisa eodem modo pertinet.

Dici quomodo sequatur ad esse.

Obiici etiam potest. Relatiuum secundum dici esse etiam secundum esse; Dici enim sequitur ad esse. Respondeo Aristoteles relatiua appellat secundum dici tantum, quæ relatiuè dicuntur, sed non sunt secundum suam essentiam relatiua; relatiua verò secundum esse, appellat ea, quæ sunt secundum totam suam essentiam relatiua: quare etsi dici sequatur ad esse, non tamen omne dici ad omne esse. Nam quædam dicuntur talia solum accidentaliter, & denominatiuè, quædam verò essentialiter. Relatiua ergo secundum dici, cùm non sint essentialiter relatiua, sed absoluta, dicuntur tantum denominatiuè relatiua: relatiua verò secundum esse, sunt essentialiter relatiua, quia tota illorum essentia est relatiua.

relatiua. & hoc sensu dici & esse opponuntur; sicut dici accidentaliter, & esse essentialiter.

Ex his omnibus concludo primò, Relationem prædicamentalem esse relationem puram, hoc est, nullam rem absolutam includentem: Nam Aristoteles relatiua secundum esse, solum voluit pertinere ad prædicamentum relationis; relatiua autem secundum esse dicunt puram relationem.

Relatio Prædicamentalis est pura Relatio.

Vnde non ideirco relatio est prædicamentalis, quia est accidens, sed quia est pura relatio, neq; vllam aliam rem non pertinentem ad prædicamentum relationis inuoluit: Esse verò accidens, per veram inhærentiam, neque conuenit relationi per se, & ratione sui, sed ratione fundamenti, neque in ratione formali relationis includitur.

Concludo secundò. Relationem transcendentalem esse relationem non puram, hoc est, quæ præter relationem includit aliquam rem absolutam transcendentem, & pertinet ad Relationes, secundum dici: Differt verò relatio transcendentalis à prædicamentali, nõ ratione relationis formaliter, sed ratione rei absolute in relatione inclusæ: Nam si præscindatur relatio ab illa re absoluta, per se spectabit ad prædicamentum relationis, & ex transcendentali fit prædicamentalis, vti explicatum est.

Relatio transcendentalis quæ

Differt à Prædicamentali.

At obieciēs. Relatio prædicamentalis, est idem cum suo fundamento, & illud includit: Fundamentum autem est quid absolutum: Ergo relatio prædicamentalis includit aliquid absolutum, & ex consequenti erit transcendentalis. Respondeo. Relatio includit quidem suum fundamentum, sed relatiuè tantum, vt se

Obiectio.

Solutio.

habet ad terminum, non verò absolute, ut in se est: hoc autem modo includere fundamentum, non est dicere aliquid præter relationem, sed ipsissimam relationem: Nam relatio nihil aliud est, quam fundamentum respectu termini se habens, hoc vel illo modo.

QVÆSTIO VIII.

An dentur aliqua relationes essentialis absolutis.

Est sententia multorum recentiorum cum Caietano de Ente & essentia cap. 7. quæst. 15. dari aliquas relationes essentielles quibusdam rebus absolutis, ut est verbi gratiâ, relatio accidentis ad subiectum, potentia & habitus, & actus ad obiectum, materia ad formam. Volunt igitur isti relationes esse complementum essenziale naturarum absolutarum, ita ut neque naturæ absolutæ sine relatione, sint quid completum, in esse absoluto, neque relatio sine absoluto sit quid completum in esse relativo, sed utrumque concurrat ad completandam essentialiter unam naturam; alioqui si essent completa ratio absoluti, & ratio relativi in suo genere, non posset ex illis constitui una essentia; ex duobus enim entibus completis, non fit una essentia, quod est primum principium in Philosophia. Hanc sententiam defendunt Suarius in sua Metaphysic. Disputat. de relatione, & Ruuius hîc quæstione 5. Fonseca. Conimbricenses, & alij recentiores.

Authoritas Aristotelis.

Probant autem hanc sententiam primo auctoritate

tate Aristotelis, 2. de anima. text. 33. qui ait essentiam specificam potentiarum sumi ab actibus, & obiectis; quod non potest ita intelligi quasi obiecta sint de essentia potentiarum, (sunt enim re distincta à potentiis) sed quod ordo ad obiecta sit de essentia potentiarum. Similiter Aristoteles 4. Metaphys. text. 2. docet, Accidens ideo esse ens, quia est entis ens, hoc autem est, accidens non aliâ ratione esse ens, nisi per respectum ad substantiam, à qua dependet in ratione entis. ergo respectus ille est de essentia accidentis; accidens enim est ens essentialiter, quare & respectus per quem constituitur in ratione entis, erit ei essentialis.

Secundo ratione. Id sine quo aliquid intelligi ^{Ratio.} non potest, est illi essentialē: atqui multa entia absoluta sine relatione intelligi non possunt: ergo relatio est de illorum essentia. Maior est certa. Sicut enim res se habet ad esse, ita & ad cognosci: si ergo sine aliquo res potest esse, potest & cognosci; quod si non possit cognosci sine aliquo, non potest etiam esse. Nequē potest dari instantia de relatione, quæ non potest esse, & intelligi sine termino, & tamen terminus non est de eius essentia.

Nam relatio propriè loquendo in se ipsa, & in sua intrinseca ratione, est sine termino: quia in sua intrinseca ratione illum non includit, & distinguitur ab illo realiter, & essentialiter, solumque dicitur non esse sine termino, quia non est sine ordine ad terminum, qui ordo ad terminum est ipsa essentia.

relationis. id quod alij aliis terminis exponunt; relationem non posse esse, sine termino in obliquo, quia est ad terminum: posse verò in recto, quia relatio non est terminus. Id igitur sine quo res intelligi non potest, si spectet ad rem illam in obliquo tantum, non est de essentia ipsius, at si spectet in recto, est de essentia. Semper tamen siue ipsum, siue respectus ad ipsum, est de essentia rei, si illa res sine eo intelligi non potest. In subiecta verò materia, cum absolutum non possit in sua intrinseca ratione & essentia intelligi sine respectu, simpliciter erit de essentia absoluti; quia respectus ille non potest in obliquo, sed tantum in recto, spectare ad essentiam absoluti; non enim ordo ad respectum, sed ipse respectus secundum se spectabit ad essentiam absoluti. Minor verò argumēti probatur Inductione in supra dictis relationibus. Scientia enim est res absoluta, quia est de prædicamento qualitatis, quod est genus absolutum, nec consistit in puro respectu; nullus enim purus respectus est qualitas: quare si scientia est qualitas, non ratione puri respectus, sed ratione alicuius rei absolutæ erit qualitas; & tamen scientia non potest intelligi nisi cum ordine ad obiectum; si enim est scientia, alicuius scibilis est scientia: ergo de essentia scientiæ est ordo, & respectus ad scibile. Idem dici potest de accidente, cuius relatio ad subiectum saltem aptitudinalis est illi essentialis: quia non potest intelligi accidens, esse accidens, nisi respectu alicuius subiecti; omne enim accidens, alicuius est accidens, accidit enim alicui.

Responderi potest. Cum Scoto, Accidens dupliciter sumi posse: primò pro natura fundante respectum accidentis ad subiectum: Secundò pro natura affecta illo

illo respectu: primo modo, respectum non esse de essentia accidentis: posteriori verò modo, esse de essentia. hoc autem nihil aliud est, quàm respectum esse de essentia conflati ex absoluto & relatiuo, quomodo omnis relatio est de essentia compositi, conflati ex fundamento, & relatione. Nam de essentia albi similis est & albedo & similitudo, cùm, si vel albedo desit, vel similitudo, non possit intelligi album simile. Sed hæc responsio refellitur: non enim solum secundo, sed etiam primo modo accidens non potest intelligi sine respectu ad subiectum. Nam vel tunc habet aptitudinem, ut insit subiecto, vel non habet: Si habet, habet & respectum, quia aptitudo illa vel est respectus ad subiectum, vel sine respectu intelligi non potest; si non habet, non erit aptum esse in subiecto, & ex consequenti non erit accidens; id enim quod non est aptum esse in subiecto, non est accidens.

Secunda sententia est communis antiquorum Peripateticorum. Nullam relationem esse de essentia absoluti, sed omnes illas relationes quæ putantur essentialiales, fundari in essentia absoluti, & esse propriætates ad illam consequentes. Quæ sententia ut explicetur, ostendendum est quid de hac re Aristoteles senserit, quid veteres Philosophi. Tum erit firmis rationibus comprobanda.

*Aristotelem nullas agnouisse relationes
essentiales §. 1.*

Ac in primis hanc sententiam fuisse Aristotelis minimè dubitari potest. Is enim cum aliquot in locis ean-

dem quaestionem proposuisset, semper ita resoluit ut negaret ullam rem absolutam esse essentialiter ad aliquid. Imò si quæ relatio inueniatur in re absoluta, eam non ad illud genus absolutum, sed ad genus ad aliquid referendam esse docuit.

*An Qualitas
secundum Ari-
stotetem sit ad
aliquid.*

Nam in primis in capite de Qualitate ultimo loco eam quaestionem mouet. An aliqua qualitas sit ad aliquid. cuius quaestionis, non is sensus est, an scilicet accidentaliter aliqua qualitas sit ad aliquid; de hac enim re nemo dubitat. Neque Aristoteles negare poterat hoc

*Intentum Ari-
stotelis.*

sensu qualitatem esse ad aliquid: cum alibi expressè doceat in qualitate fundari multas relationes accidentales; imò in hoc ipso loco immediatè ante docuit Proprium qualitatis esse ut secundum eam simile vel dissimile aliquid dicatur. Sensus igitur est, an secundum suam essentiã aliqua qualitas sit essentialiter ad aliquid. Id quod etiam ex ratione dubitandi, quam introducit, patet. Habitus enim (inquit) & dispositiones ad aliquid dicuntur; & in particulari de scientia id dicitur, scientia enim alicuius scibilis scientia dicitur. Hæc exempla sunt ex earum qualitatum genere, quæ essentialiter esse ad aliquid existimantur. Quare non est dubium de talibus relationibus velle inquirere, quæ sint de essentia qualitatum.

*Responsio Ari-
stotelis.*

Responder igitur ad Quaestionem negative, cum ait non debere nos conturbari, quod inter qualitates, ea quæ sunt ad aliquid, connumerata sint eo quod habitus, qui videntur esse ad aliquid, sint numerati in prima specie qualitatis. Absurdum igitur reputat Aristoteles in qualitate poni, id quod est ad aliquid. At si qualitas essentialiter sit ad aliquid; ut auctores primæ sententiæ volunt; non solum id absurdum non esset, sed

necessari-

necessarium planè. Si enim habitus secundum suam essentiam in qualitate poni debet, & relatio sit eius essentia: necessario quoq; relatio & ad aliquid, in qualitate ponenda esset, & maxime conturbari nos oporteret. Quod in qualitatibus ea quæ sunt ad aliquid, sint numerata, permiscendo summa rerum genera. Porro duas affert rationes propter quas dictæ qualitates, non sunt ad aliquid, quæ ostendunt dictas qualitates accidentaliter non essentialiter ad aliquid esse.

Rationes Aristotelis dua.

Prima est. Quia scientia, inquit, in genere tantum dicitur ad aliquid, in specie autem & in singulari non dicitur esse ad aliquid. Dicimus enim scientiam esse alicuius scibilis scientiam, eam tamen Grammaticam, quæ est species scientiæ; esse alicuius Grammaticam nõ dicimus. Cum igitur scientia in specie & in singulari non sit ad aliquid, signum est, scientiam in genere non essentialiter sed accidentaliter ad aliquid dici: cum quia scientia in specie, est magis scientia quàm in genere; magis enim scimus cum singularum rerum habemus scientiæ quàm cum in genere tantum: Si ergo ea relatio esset essentialis scientiæ magis esset essentialis scientiæ in specie: quod cum non ita se habeat sequitur neq; scientiam in genere id convenire essentialiter. Certum enim est quia quæ essentialiter conveniunt generi, conveniunt quoq; essentialiter speciebus. Porro scientia ideo dicitur accidentaliter ad aliquid, quia hoc nomen scientiæ impositum est ad significandam qualitatem, una cum relatione ad scibile. Nomen autem Grammaticæ solum est impositum ad significandam pure qualitatem ut est quid absolutum.

I.

Altera ratio est quandoquæ, inquit, contingit, idem ipsum, & quale, & ad aliquid esse: nihil inconueniens

2.

niens

Secundum A-
ristotelem Re-
latio scientia
ad scibile in
Prædicamento
Ad aliquid po-
nitur.

niens est in utrisque hoc generibus enumerare; qualitatem scilicet in genere qualitatis, ad aliquid autem in genere ad aliquid: quare & ea relatio quæ in scientia cernitur secundum doctrinam Aristotelis, non in qualitate (ut isti volunt) sed in ad aliquid erit reponenda. Unde sequitur eam relationem non esse de essentia qualitatis: Nam genera prædicamentorum essentialiter distinguuntur, nec unum de alio dicitur essentialiter, at si relatio aliqua esset de essentia qualitatis in qualitate poni deberet, in qua ponitur tota illius qualitatis essentia. Imo & qualitas eadem ex causa poni deberet in Prædicamento Ad aliquid utpote eius essentiam constituens.

Responsio Ad
versarios.

Non habent quod respondeant aduersarii, nisi Aristotelem non de omni relatione scientiæ esse locutum, sed tantum de accidentali & prædicamentali. Distinguunt enim duplicem relationem in scientia, unam essentialem, secundum quam scientia speciem suam sumit à scibili: aliam accidentalem secundum quam scientia commensuratur & adæquatur scibili. Hanc autem commensationem aiunt, non habere scientiam, nisi quando scibile existit, ac proinde accidentaliter. Verum satis infirma est hæc evasio. Neque enim Aristoteles quæstionem posuit de aliqua solum relatione, sed de omni prorsus quæ habitibus & scientiæ inesse videtur, imò magis de illis relationibus quæ sunt magis intimæ & ad essentiam qualitatum pertinere videntur: magis enim conturbare nos istæ, quam aliæ possent, propter eas enim habitus videntur esse ad aliquid, cum sint illis essentielles. Ac proinde magis ad eas erat dirigenda responsio. Neque etiam Aristoteles rectè respondisset ad quæstionem, absolutè negando, si solum de aliqua

Refellitur.

aliqua & non de omni relatione respondisset; maneret enim insoluta difficultas; & quidem ex maiori parte; si quidem darentur relationes non quæcunque, sed quæ essentialiter essent, & propter quas præcipuè Qualitas videretur esse ad aliquid. Et sanè si aliquid cognouisset Aristoteles de istis relationibus essentialibus, credibile non est quin vllas excepisset, cum id ad solutionem quæstionis esset necessarium, & non ita absolute pronunciasset, Qualitates non esse ad aliquid; potius enim pronuntiandum absolute fuisset, Qualitates quasdam esse ad aliquid, quia essentialiter sunt ad aliquid.

Id ipsum rationes Aristotelis vrgent. Nam ideo docet nos non debere perturbari; quia aliqua qualitates videntur esse ad aliquid, tum quia solum in genere sunt ad aliquid, non in specie: tum quia qualitates quatenus sunt ad aliquid, non ad genus qualitatis, sed ad genus ad aliquid spectant. Hæ autem rationes supponunt nullam relationem essentialiter esse in istis qualitatibus; alioqui & in specie illis conueniret, & non ad genus ad aliquid, sed ad genus qualitatis spectaret.

Denique Difficultas quam mouet Aristoteles, præcipuè est de illis qualitatibus quæ videntur esse essentialiter ad aliquid vt sunt habitus, & scientiæ quæ videntur non posse intelligi sine respectu ad aliud. Nam de aliis satis constat, quod accidentaliter sunt ad aliquid, imò immediatè ante dixerat proprium qualitatis esse, vt secundum eam dicatur aliquid simile vel dissimile, quæ sunt relationes: cum ergo ad quæstionem responderet negatiuè, consequens est, de iis relationibus respondere, quæ ad essentiam qualitatum spectare videbantur.

Secundo eandem quæstionem mouit Aristoteles in cap. de ad aliquid. An nimirum substantia aliqua

*Substantia non
sunt essentialiter
ad aliquid.*

fit ad aliquid. videntur enim, inquit, quædam secunda substantiæ esse ad aliquid, vt manus alicuius dicitur manus, & caput alicuius dicitur caput. Nam de primis ait certum esse nec ipsas nec partes ipsarum esse ad aliquid. Ad hanc quæstionem responderi Substantias dici ad aliquid non esse ad aliquid, & convenire illis Definitione Relativorum, secundum Dici, non secundum esse. Quod quid aliud est quàm dicere substantiam accidentaliter non essentialiter esse ad aliquid? quia in nulla substantia idem est esse substantiam, quod ad aliquid se habere; quare dicitur solum ad aliquid, non autem est essentialiter ad aliquid.

Quæ responsio si vera est euertit omnes relationes essentielles. Nam in iis idem est esse substantiam, quod ad aliquid se habere, siquidem de essentia substantiarum est ad aliquid se habere. Atqui Aristoteles negat hoc modo substantias esse ad aliquid, id est secundum esse, ita vt in eis idem sit esse quod ad aliud se habere. Ergo negat substantias essentialiter referri ad aliquid. sed solum ait referri secundum dici non secundum esse, ita vt in iis aliud sit dici relative aliud esse simpliciter, sicut aliud est, esse capitis substantiale, aliud relatio ipsius ad corpus.

Materia quomodo ad aliquid.

At inquires. Aristotelem 2. Phys. tex. 26. dicere materiam esse eorum quæ sunt ad aliquid. Respondeo esse ad aliquid secundum dici, non secundum esse eo modo quo caput eorum quæ sunt ad aliquid; aliud enim est in materia, ipsum esse substantiale, aliud esse ad aliquid.

Quæ relata agnoscit Aristoteles.

Tercio Aristoteles nulla relata agnoscit, nisi vel secundum dici vel secundum esse; & quidem relata secundum dici, voluit esse illa, quorum esse non est idem quod

ad aliquid esse; relata verò secundum esse, quorum esse est idem quod ad aliquid esse. Itaq; relata secundum dici voluit referri accidentaliter, vtpote relatione differente, ab ipsorum esse; relata verò secundum esse vult referri essentialiter, vtpote relatione quæ non differat ab ipsorum esse, sed sit idem quod esse. Nam in relatis secundum dici est quidem idem materialiter esse ipsorum, cum ad aliquid esse, formaliter tamen non est idem; sed id proprium est relatorum secundum esse, idem enim est relatum secundum esse, quod relatum secundum essentiam, sicut relatum secundum dici est relatum non secundum essentiam sed tantum secundum denominationem accidentalem.

Iam igitur relata ista transcendentia cum suis relationibus essentialibus peto ad quod genus pertinebunt? *Relata transcendentia, non sunt secundum dici, nec secundum esse.*
 Num ad relata secundum dici? at horum natura est ut in illis non sit idem esse & ad aliquid esse; in relatis autè transcendentalibus idem formaliter est esse, quod ad aliquid esse, cum sint essentialiter relata, & de essentia ipsorum sit relatio: non igitur pertinebunt ad relata secundum dici. Num ad relata secundum esse? at hoc dici nō potest, tūm quia relata secundum esse sunt prædicamentalia & in prædicamento Ad aliquid: secundū ipsos autem non sunt prædicamentalia nec in prædicamento ad aliquid, sed in eo prædicamento cuius substantiam constituunt: tum quia Aristoteles expresse negat substantiam esse relatum secundum esse; quia esse substantiæ nō est idem quod ad aliud esse: at secundum istos substantiæ cum sint essentialiter relata, deberent statui relata secundū esse, quia in iis idē est esse q ad aliqd esse. Ergo talia relata non agnouit Aristoteles, deberet igitur statui tertium genus relatorum, quod nec sit secundum
 Ccccc 2 dici

dict, nec secundum esse, quod est inauditum in schola
Peripateticorum.

*Veterum Peripateticorum eandem fuisse
sententiam. §. 2.*

Maximam Philosophorum partem docere nullas
relationes esse de essentia absolutorum, sed tantum ad
essentiam absolutorum consequi, testis est Fonseca 5.
Metaph. c. 15. q. 1. sec. 4. Id ita verum est, ut vix ex anti-
quis ullus nominari possit, qui expresse docuerit, rela-
tionem esse de essentia absoluti: plurimi verò & præ-
cipui contrarium & asseruerunt & argumentis confir-
marunt. Proferam præcipuos aliquot quos alii velut
antesignanos sequuntur. Auer. 1. Phys. tex. 70. pro-
bat relationem potentiae (quæ statuitur esse essentialis
materiae) non esse de essentia materiae. [Esset enim,
inquit, materia in prædicamento ad aliquid non in
prædicamento substantiae] scilicet id argumentum
sumpserat ab Aristotele cap. de ad aliquid: ubi docet
substantiam non posse esse ad aliquid. nec in substantia
idem est esse substantiam & esse ad aliquid. Quamvis
autem Auerroës loquatur de materia tantum, tamen
ratio ipsius est vniuersalis, & omnes relationes essen-
tiales euertit. Quia sicut nulla substantia potest esse
essentialiter ad aliquid, alioqui reponeretur essentiali-
ter in Prædicamento ad aliquid: ita & nulla Quantitas
aut Qualitas atque adeo nulla res absoluta ad alia Præ-
dicamenta spectans potest esse ad aliquid: quia res v-
nius Prædicamēti, non est essentialiter res alterius Præ-
dicamenti.

Auerroës.

*Materia non
refertur essen-
tialiter ad
Formam quia
esset in Præ-
dicamento Ad
aliquid.*

Dices,

Dices, id non sequi, quod si substantia sit essentia, licet relatiua, debeat reponi in Prædicamento ad aliquid; reponi enim debet in Prædicamento substantiæ, quia substantiæ essentiam completur.

At contra: sicut substantiæ essentia secundum istorum sententiam completur per relationem: ita relationis essentia completur per substantiam; neutrum enim sine altero essentialiter est completum, ac proinde vtrumquæ per vtrumquæ completur essentialiter. Si ergo relatio quia complet essentiam substantiæ in Prædicamento substantiæ collocari debet: pari ratione, quia substantia complet essentiam relationis in Prædicamento relationis collocanda esset. Quare rectè Auerroës vrget argumentum Aristotelis, quo probat substantiam ideo non posse esse essentialiter ad aliquid, quia non potest reponi in Prædicamento ad aliquid.

Instantiæ refellitur.

Nota.

Dices in Ad aliquid reponi solum eas relationes, quæ præter esse relatiuum nihil aliud absolutum inuoluunt.

Altera instantiæ reicitur.

Contra: sicut in Prædicamentis absolutis, reponuntur in istorum sententia non solum pura absoluta, sed etiam ea absoluta, quæ inuoluunt essentialiter relationem: cur non simili ratione in Prædicamento relationis reponi debeant, non solum pura relatiua, sed etiam ea quæ essentialiter inuoluunt absolutum? Quare licet fatear in Prædicamento ad aliquid reponi solum purè relatiua quia secundum Aristotelem & veritatem non dantur vllæ relationes essentialiter absolutæ, nec absoluta essentialiter relatiua: tamen supposita istorum sententia de relationibus essentialiter absolutis, sequitur debere eas reponi in Prædicamento

ad aliquid reponi solum pure relatiua quia secundum Aristotelem & veritatem non dantur vllæ relationes essentialiter absolutæ, nec absoluta essentialiter relatiua: tamen supposita istorum sententia de relationibus essentialiter absolutis, sequitur debere eas reponi in Prædicamento ad aliquid, quia non minus sunt absolutæ essentialiter quàm relatiuæ. Sicut enim in Qualitate reponuntur non solum puræ qualitates, sed etiam essentialiter relatæ: ita & in relatione eadem lege ponendæ essent, non solum puræ relationes, sed etiam eæ quæ essentialiter includunt absolutum. Quod quia absurdum est, absurdum quoque erit dari tales relationes.

Cum vero instant, Auerroem alibi docuisse potentiam esse de essentia materiæ, vt in lib. de substantiâ orbis. cap. 1. vbi ait, potentiam esse differentiam essentialem materiæ. Respondendum est, ista minimè pugnare secum. Nam potentia quæ relatiua est, secundum Auerroem non est de essentia materiæ, quod solum nunc negamus: quæ verò potentia sumitur pro prima & radicali potentia, quæ nihil aliud est, quam natura potens, cui conuenit aptitudo & ordo ad formam, sic ex Auerroee & omnium sententia, potentia est de essentia materiæ, de quo in Phyl.

Alexander sententia de relationibus.

Alexander 2. natural. quæstion. quæst. 7. & 9. docet tam materiam quam formam non esse essentialiter relatæ. nam de materia quæst. 7. ait (aptitudinem illam quæ est ad aliquid esse mediam inter materiam & priuationem,) vbi aptitudinem, quia est ad aliquid.

quid, distinguit à materiæ essentia, tanquam quid medium inter materiam & privationem, ac proinde extra essentiam materiæ. Id quod clarius exponit ibidem. quæst. 9. probans animam licet sit actus corporis, non tamen esse essentialiter ad aliquid (quia, inquit, præter ad aliquid, dicit propriam naturam & substantiam, cui accidit, quod sit alterius) ac si diceret, esse ad aliquid est accidens naturæ absolutæ: totamque vim in eo ponit, quod natura absoluta non sit essentialiter relatiua, quia accidit naturæ absolutæ, esse alterius.

Themistius 1. Physic. in text. 61. in Digressionem de materia docet materiam non esse ad aliquid, sed relationem illi accidere, (quia, inquit, materia prius in se est res absoluta, quam referatur & accommodetur ad alia) & ibidem materiam ad suam essentiam non indigere potestate, nec potestatem ullam in prima ac simplici ratione materiæ includi actus; sed primum inquit res quædam est in se Materia & existit, deinde intelligitur aliorum esse materia, & secundum posteriorem hanc considerationem, rationem potentie contrahit, ubi ex eo quod materia est res absoluta negat illam in suo primo & essentiali conceptu includere relationem siquidem prius est in se quam ad aliud.

Themistius negat materiā esse essentialiter ad aliquid.

Simplicius 1. Physic. text. 61. ait [Materiæ autem, potentie accidit ut societatem possit inire cum formis, quare etiam formarum quas est susceptura privatio fuerit ei accidens] ubi relationem ad formas vult esse accidens

Simplicius.

accidens

Ratio Simpliciter.

Burlaus.

*Occurritur
obiectioni.*

*Vniuersè negatur
Relationes
essentiales.*

*D. Thomas nusquam
meminit
Relationū
essentialium.*

*Negat relationem
creaturæ
ad Deum esse
de essentia.*

*Sententia S.
Thomæ de
Relationibus com-*

cidens materiæ. Prius enim, inquit, est per se, quam sit materia alicuius. Burlaus 1. Phys. tex. 70. idem docet quod Auerroes.

Quod si obijcias. Cum isti authores de materia loquantur, inde non posse colligi vniuersè negari ab illis relationes essentielles. Non enim est necesse vt qui id de materia negat, neget idem de aliis omnibus.

Respondeo istos authores non quomodocunque id negare de materia, sed ex principiis vniuersalibus, nempe quod res absoluta nō est essentialiter ad aliquid, quod absolutum prius in se quam referatur; quæ rationes ita sunt vniuersales vt omnibus applicari possint. Quocirca quæ ratione relationem negant hi authores esse de essentia materiæ, eadem quoque ratione de quavis relatione absoluta idem negare necesse est.

Quod ad D. Thom. attinet, certum est eum nullam vnquam mentionem, relationum essentialium fecisse, nec illis ad aliquid saluandum in Theologia aut Philosophia vnquam vsum esse: imo eas quæ vulgo creduntur essentielles, esse accidentales docuisse vti est de dependentia creaturæ à Deo de qua 1. p. q. 44. art. 1. ad 1. cum ex professo questionē mouisset an ratio esset de ratione creaturæ cum ratio non possit esse de essentia absoluti: respondit non esse de essentia, sed consequi ad ea quæ sunt de essentia. Datquæ rationem, quod cum esse causatum non sit de ratione entis simpliciter, potest ratio entis in rebus creatis sine eo intelligi. Vnde quæst. 45. a. 3. ad 3. docet relationem dependentiæ à Deo esse accidentem creaturæ: quod etiam ibi docet Caietan. & Ferar. 2. contra gent. cap. 18. ad primum Scoti.

Deinde S. Tho. 1. p. q. 13. a. 7. ad 1. duotantum genera relationum ponit, vnum earum, quæ solas habitudines

tudines dicunt, aliud earum quæ dicunt absoluta cum
 habitudinibus: quas vocat secundum dici, sicut illas se- *sequentibus ad*
 cundum esse. Has igitur ait esse consequentes ad ali- *absoluta.*
 quas res absolutas: si consequentes non igitur essentia-
 les. Quo sensu explicat S. Thomam Sotus in cap. de ad
 aliqui d quæst. i. per totum. Neque valet quod quidam
 respondent S. Thomam eo loco non omnia genera-
 relationum esse complexum, sed tantum ea quæ Deo
 conueniunt in ordine ad creaturas. Nam S. Thom. di- *Mens D. Tho-*
 uidit relationem non tantum vt in Deo est, sed vniuer- *ma.*
 sè: id quod patet tum ex exemplis (inter cætera enim
 ponit caput & capitatum quæ relatio non est in Deo)
 tum quia diuidit relationes secundum esse & secundum
 dici, quæ diuisio est vniuersalissima. Quare cum re-
 lationes conuenientes absolutis, dicat consequi ad res
 absolutas, non agnoscit eas esse essentielles, sed acciden-
 tales.

At inquit alibi D. Thomam agnouisse relationes *Male citatur*
 essentielles vt in i. par. q. 28. a. 1. in corpore vbi quas- *S. Thomas.*
 dam relationes ait esse in natura rerum, quod isti expli-
 cant quasi sint essentielles. Sed falluntur. Ibi enim S.
 Thomas solùm docet relationes quasdam esse reales.
 quæ sunt in naturis rerum, quasdam rationis quæ sunt
 in apprehensione. Aiunt etiam alibi docere S. Tho-
 mam de materia, quòd sit essentialiter potentia, ita vt
 potentia non sit accidens eius, sed substantia, vt i. Phys.
 text. 80. sect. 15. sed vtrumque verum est secundum
 D. Thomam & quod potentia prima & radicalis sit
 de essentia materiæ, & quod relatio materiæ ad for- *Componitur S.*
 mam non sit essentialis illi vt i supra pro Auerroe dice- *Thomas.*
 bamus.

*Capreolus.**Relatio scientiæ
ad scibile.*

S. Thomam sequuntur antiquiores Thomistæ Cap. in primo d. 30. quæst. 1. art. 1. ad 9. Aureoli, ubi dicitur scientiam non dicere relationem ad scibile non existens, sed tantum relationem rationis. Idem habet a. 2. ad primum, At si relatio scientiæ ad scibile esset essentialis: esset realis etiam non existente scibili. Idem docet Ferrar. cum S. Thoma 2. contragentes cap. 12. nullam relationem entis in actu, ad ens in potentia esse realem datque exemplum de scientia, id quod est contra rationem istarum relationum essentialium. Sotus hic in cap. ad aliquid, asserit istas relationes, quæ censentur esse essentielles absolutis, esse consequentes ad res absolutas. Idem Toletus in cap. ad aliquid. & in cap. de Qualitate in fine, quibus in locis relationem scientiæ reponi docet in ad aliquid; Qualitatem vero scientiæ in qualitate, eamque relationem non esse naturam scientiæ, sed à natura fluere.

*Sotus.**Toletus.*

Quod idem docet de aliis similibus Qualitatibus relatiuis: idque confirmat authoritate Alexandri, & Simplicij, Alberti, Boëtij, Pauli Veneti. Et in 1. Physic. quæst. 14. ad secundum docet materiam quoad suum principale significatum non esse relativam; importare tamen relationem quandam consequentem, sicut & scientia (inquit) principaliter non est relatio.

Pererius.

Denique Pererius 5. lib. cap. 22. ad primum & secundum ostendit potentiam ut dicit relationem non esse de essentia materiæ propter argumentum. Auerrois, quia relatio non potest esse de essentia absoluti.

Ex quibus infero quod si neque relatio scientiæ; neque dependentia creaturarum à Deo neque relatio materiæ ad formam formæ ad materiam, neque relatio habituum & potentiarum ad obiecta dici potest secundum hos authores essentialis naturæ absolutæ: non restant ullæ relationes, quæ dici possint essentielles absolutis: tum quia istæ sunt præcipuæ; tum quia quibus rationibus hæ negantur esse essentielles, aliæ quoque negari possunt.

Scotus in 4. dist. 12. q. 1. ex professo docet nullam relationem esse de essentia absoluti cum id implicet contradictionem. Scotum sequuntur omnes ipsius discipuli.

Denique Gregorius Arimin. idem 1. distinct. 28. quæst. 2. ad finem, cum negat ex mente commetatoris materiam esse essentialiter ad aliquid; ita ut quatuor præcipuarum in Philosophia familiarum capitula in eam sententiam conspirasse videantur. Auerr. S. Thom. Scotus, Gregorius Ariminensis.

Accedit D. Augustini autoritas qui 7. de Trinitate cap. 1. ostendit absurdum & inopinatissimum esse, essentiam ullius rei dici relatiuè. Primo, quia, inquit, essentia, si diceretur relatiuè non esset essentia, essentia enim est ad seipsam, relatio ad aliud, & per essentiam, constituitur res ad seipsam, per relationem verò constituitur in ordine ad aliud.

Si ergo quis relationē dicat essentiam alicuius rei, dicet essentiam non esse essentiam, quia dici non esse ad seipsam, sed ad aliud. Nam quatenus est ad aliud non est ad seipsam, quatenus autem non est ad seipsam,

D d d d d 2. non

non est essentia, ergo quatenus est ad aliud, non est essentia.

2. ratio.

Prior est essentia relatione.

Secundò quia omnis essentia, quæ relatiuè dicitur, est etiam aliquid excepto relatiuo, ita vt aliud sit per quod sit, aliud per quod relatiuè sit. Quod ipse probat inductione in homine, cum dicitur Dominus, vel seruus, in equo cum dicitur iumentum, in nummo cum dicitur arra. Homo enim, & equus, & nummus ad se dicuntur, & substantiæ sunt, Dominus verò, & seruus, & iumentum, & arra, ad aliquid relatiuè dicuntur. Si igitur non esset homo, id est, aliqua substantia, non esset qui relatiuè Dominus diceretur, & si non esset equus quædam essentia, non esset quod iumentum relatiuè diceretur, & si nummus non esset aliqua substantia, nec arra posset relatiuè dici.

Relatione differre non est essentia differre
secundum Aug.

Idem ratione quoque ostenditur, quia nihil relatiuè dici potest ad aliud, nisi sit aliquid ad seipsum, at est ad seipsum essentia, ad aliud relatione, ergo essentia est quid excepta relatione. Quæ duæ Sancti Augustini demonstrationes manifestè concludunt relationem non esse essentiam vllius rei; ex eoquè ostendit contra Arrianos, in diuinis, Patrem non differre essentialiter à Filio, quia etsi differat paternitate à filio, & paternitas sit idem cum essentia Patris, tamen paternitas (cum sit relatio) non est de essentia Patris: essentia enim Patris est illa, qua Pater est ad se, paternitas verò non est ad se, sed ad Filium, non igitur differt essentia à Filio, licet paternitate differat. Quòd si relatio posset esse de essentia absoluti, nihil valeret ratio Sancti Augustini, sed relatione differre, esset essentia differre. at quia hoc ex ratione propria essentia reputat absurdum S. Augustinus, ideo rectè ostendit

ostendit Patrem non differre essentialiter à Filio, quia solâ relatione differt. Quod si dicas relationem esse in se essentiam quandam, id refellitur, non enim est essentia absoluti, quæ faciat rem in se esse aliquid (qui est proprius conceptus essentiae) sed quæ facit esse ad aliud, qui est conceptus essentiae secundum quid.

Neque dici potest Augustinum loqui solum de relatione Prædicamentali; Nam id quod ex instituto probare vult, est, relationem ad nullius rei essentiam absolutam pertinere, quia essentia constituit rem ad se; relatio ad aliud, quæ ratio excludit relationes etiam transcendentes, eæ enim ad essentiam rerum pertinere dicuntur. Cum igitur per relationes transcendentes rei essentia non constituatur in se sed ad aliud, sequitur non posse dici essentialem. Deinde August. ab essentia diuina quatenus essentia est vult excludere omnem relationem. Ergo tam prædicamentalem quam transcendentalem. Ratio enim ipsius vtramque concludit, quia essentia est ad se non ad aliud. Ergo non potest constitui per relationem quæ est ad aliud.

Porro fundamentum Scoti & aliorum est. Quia Scoti Fundamentum. implicat contradictionem relationem esse de essentia absoluti: absolutum enim constituitur in ratione absoluti, per naturam talem, quæ non requirit terminum, hoc enim est esse absolutum, sine alio esse, & intelligi. relatiuum verò constituitur formaliter per ordinem ad terminum. Sicut ergo implicat contradictionem, naturam essentialiter non requirentem terminum, esse essentialiter requirentem terminum; ita implicat naturam absolutam, esse respectiuam. Nam quamuis non implicat contradictionem esse naturam aliquam essentialiter absolutam, & accidentaliter respectiuam; quia.

tunc secundum aliud esset absoluta, secundum aliud respectiva; tamen quod essentialiter sit & absoluta, & respectiva, implicat contradictionem: quia secundum idem esset absoluta, & respectiva, & secundum idem requireret terminum, & non requireret. Nam si de essentia alicuius naturæ est requirere terminum, non potest esse de essentia illius eiusdem naturæ, non requirere terminum, ac ex consequenti, non potest esse de essentia illius naturæ, esse absolutam, quia esse naturam absolutam, est esse naturam non requirentem terminum.

At inquires Accidens est natura absoluta, & tamen non potest existere sine alio nempe subiecto. Respondetur, nos loqui non de existentia actuali, sed de naturis secundum suam essentiam spectatis, & dicimus naturam absolutam non requirere ad suam essentiam, terminum extrinsecum, aut ordinem ad illum: Naturam verò relationis requirere. Deinde quod ad existentiam actualem attinet, potest natura absoluta requirere terminum, sed consecutivè, non essentialiter; quia potest fundare sua essentia relationem aptitudinis, aut potentiae, aut inhaerentiae; quæ relatio cum necessario consequatur ad naturam, fit, ut illa natura absoluta non possit actu existere sine termino.

Vera sententia exponitur & defenditur. §. 3.

Dicendum igitur est. Nullam relationem esse de essentia absoluti, hæc conclusio, & si sufficienter probatur autoritate & fundamento secundæ sententiæ; tamen aliis quoque argumentis probari potest.

Primum.

Primum est. Quod est de essentiâ rei, absolutâ, *Primum argu-
mentum.* constituit eam in esse absoluto: at respectus nullo modo
potest constituere naturam absolutam in esse absolu-
to: Ergo nullo modo potest esse de essentiâ rei ab-
solutâ. Maior est manifesta: quia essentialia sunt illa
quæ constituunt rei essentiâ per modum generis, vel
differentiæ, vel partis, aut complementi essentialis, ita
ut quod nullo modo constituit rei essentiâ, nec est
pars essentiæ, nullo modo potest dici de essentiâ rei:
quod etiam sufficienti inductione constare potest. *Relatio nō con-
stituit absolu-
tum in esse
absoluto.*
Minor patet. quia est clara contradictio, per respec-
tum constitui absolutum in esse absoluto; respectus
enim dat esse respectuum, seu esse requirens termi-
num, & hic est eius effectus formalis; non verò dat
esse absolutum, seu esse non requirens terminum;
sunt enim ista duo esse opposita, & vnum opposi-
tum non dat esse formale alterius oppositi, calor,
verbi gratiâ non dat esse frigidum formaliter, nec al-
bedo dat esse nigrum. Neque sufficit, si dicatur,
respectum identificari rei absolutâ: Nam hæc identi-
ficatio esset solum realis, non formalis: Sicut enim ra-
tionale in homine identificatur realiter animali, neque
tamen ex hac identificatione sequitur esse de essentiâ
animalis, vel constituere animal in ratione formali ani-
malis; ita etiam si respectus identificatur rei absolutâ,
non tamen ex eo sequeretur esse de essentiâ rei abso-
lutâ.

Dices saltem sequeretur esse de essentiâ illius enti-
tatis ex absoluto, & respectivo conflata. Nam & ratio-
nale licet non sit de essentiâ animalis, utrumq; tamen est
de essentiâ hominis, compositi, ex rationali & animali, ita
& hic fieret. Verum si hoc concedamus, primum eui-
ce-

cetur contra aduersarios, relationem non esse de essentia absoluti, sed rei alterius ex absoluto & relatiuo compositæ, quæ quidem res non magis debet dici absoluta, quàm respectiua, cum secundum vnā partem essentialē sit absoluta, secundum aliam respectiua. Deinde neque respectu tertiæ entitatis potest dici de essentia: Nam ex absoluto & respectiuo (vt mox dicemus) non potest conflare vna essentia, nec ens vnum per se, sed vnum per accidens. Nam etsi similitudo, verbi gratiâ, sit idem cum albedine, tamen ex vtroque non conflatur vna essentia, cum sint res diuersorum prædicamentorum.

Instantia soluitur. Responderi potest. Relationem non posse esse de essentia rei purè & perfectè absolutæ, qualis est *solus Deus*, sed bene potest esse de essentia rei, quæ non est perfectè absoluta, sed partim absoluta partim respectiua, quales sunt omnes naturæ creatæ.

Sed contra. Si res aliqua non est perfectè absoluta, erit partim absoluta, partim respectiua; hæ autem rationes cum sint oppositæ, vna non constituit aliam, neque vna est de essentia alterius, vt exemplo rationalis & animalis in homine patet. Ergo etiam si concedatur natura non perfectè absoluta, tamen in illa natura, respectus non erit de essentia absoluti quā absolutum est, sed ad summum esset de essentia naturæ compositæ ex vtroque, quæ esset partim absoluta partim respectiua. Et tamen aduersarii contendunt relationem esse de essentia rei absolute, verbi gratiâ relationem scientiæ, esse de essentia illius qualitatis, quæ est scientia.

Secundum.

Alterum argumentum est. Res diuersorum generum, nec de se possunt prædicari essentialiter, neq; constituere vnā essentiam, nisi per accidens: at ens abso-
lutum

litum & respectuum diuersorum sunt generum: Ergo nec vnum de altero prædicari potest essentialiter, neque vtrumque constituere vnâ essentiam. Maior est Aristotelis in Antepredicamentis, vbi tradit generalem regulam prædicamentis seruientem;

Diuersorum generum, & non subalternatim possunt diuersæ sunt species, & differentiæ: Ergo quæ ad diuersa genera spectant, non gaudent vnâ communis specie & essentiâ, sed diuersas habebunt species sub diuersis generibus. Sic ex quantitate & qualitate aut ex substantia & accidente, non fit vna essentia, quia istæ sunt res diuersorum generum, & trahunt secum diuersas species & essentias, solum autem ex rebus eiusdem generis id est sub vno genere contentis, fit vna essentia, vt ex materia, & forma, quæ sunt sub eodem genere substantiæ, & sunt essentialiter substantiæ licet incompletæ, fit vna essentia substantiæ completæ. Similiter ex genere & differentia, si sint eiusdem generis prædicamenti efficitur vna essentia, vt ex animali, & rationali efficitur vna essentia hominis; quia vtrumque est quid substantiale.

Ex rebus diuersorum generum non fit vna essentia.

Si verò essent diuersorum generum, hoc est vnum ex genere substantiæ, aliud ex genere accidentis, non posset ex illis constitui vna essentia, nisi per accidens. Ob quam causam ex subiecto & accidente, & omnino ex rebus diuersorum prædicamentorum, nunquam fit ens per se, sed per accidens, vt passim in Metaph. docet Aristoteles.

Eeeee:

Respon-

Respondet Ruuius, relationem quæ est de essentia rei absolutæ, pertinere ad illius rei absolutæ prædicamentum, tanquam complementum essentialẽ ipsius: Sed hoc dici non potest.

*Relatio non est
complementum
essentiale ab-
soluti.*

1.

Primò: Quia hoc modo euerteretur tota doctrina Aristotelis de rebus diuersorum generum, dicendo rem diuersi generis posse pertinere ad essentiam alterius rei, tanquam complementum illius essentialẽ, & sic ex rebus diuersorum generum efficerentur non diuersæ species, sed vna species: hoc est enim quod directe negat Aristoteles, rem diuersi generis posse complere essentialiter essentiam alicuius.

2.

*Relatio non est
sub Genere ab-
soluti.*

Secundò. Non est dubium ens absolutum & relatiuum esse res diuersorum generum, imò ipsa diuersa genera, vt per se manifestum est. Similiter non est dubium, non esse subalternatim posita; relatiuum enim in genere, non est sub genere absoluto, nec è contra; non enim magis vnum sub altero quàm alterum sub illo poni deberet. Nam si statueretur relatiuum sub genere absoluto, omnes relationes pertinerent ad genus absolutum, & non deberet statui distinctum genus relationis ab aliis: omnes enim relationes reducuntur ad genus relationis in communi: Si ergo ipsum genus relationis est sub genere absoluto, etiam relationes omnes mediante suo genere, essent sub genere absoluto. In quo enim genere prædicamenti ponitur genus, in eo ponuntur & species illius generis. Quocirca manifestum est ista duo genera esse omnino diuersa, ac proinde non ordinata ad vnã essentiam constituendam.

Terti-

Tertiò. Quia relatio per hoc quod assumitur ad complendam essentialiter rem absolutam, non amittit proprium suum genus relationis; est enim illi essentialiter: Si ergo suum genus essentialiter retinebit, non spectabit ad aliud genus nisi per accidens, quare complementum hoc rei absolutæ, non spectabit essentialiter ad genus absoluti, sed ad genus relationis: Ergo non rectè dicitur relationes essentialiter qualitatem complentes spectare ad genus qualitatis, ut eas quæ complent essentiam substantiæ, spectare ad genus substantiæ.

3b

Quartò. Relatio non potest complere essentialiter qualitatem in genere qualitatis, cum nec sit de genere qualitatis, nec de essentialiter qualitatis sed relationis; non enim qualitas est qualitas per relationem formaliter.

4b

Tertium argumentum. Ex duabus naturis completis non constituitur una essentia, sed ens per accidens: at cum concurrat relatiuum cum absoluto, concurrunt duæ naturæ sub suis generibus completæ: Ergo ex illis non efficitur una essentia. Maior est per se nota: alioqui cumulus lapidum esset una essentia; nihil enim aliud illi obstat, quàm quod lapides sunt entia completa, etiam si cetera non desint ad unitatem; sunt enim eiusdem naturæ specificæ. Minor verò probatur: Quia relatio illa sub genere relationis habet suum esse relatiuum completum. Nam & genus & differentiam relatiuam habet, quæ duo constituunt speciem rela-

Tertium

Ex duabus cõ-
pletis non fit
una essentia.

Eccccc. 2.

tiuam,

tivam, & completè seu perfectè refert rem illam absolutam ad terminum, sicut quævis alia relatio, nec potest assignari quæ pars essentialis requisita ad relationem constituendam illi desit.

Relatio transcendentalis est quid completum in genere Relationis.

Dices habere genus & differentiam relationis incompletæ, eo modo quo materia & forma habet genus, & differentiam substantiæ incompletæ. Contra: Omnis forma cognoscitur ex suo effectu formali; si ergo relatio esset in genere relationis quid incompletum, non faceret completè, & perfectè referri rem illam ad terminum. atqui facit completè referri; Ergo est completa. Minor patet; tum quia nihil illi deest ad esse relatiuum, nec vlla pars essentialis relationem constituens: tum quia non potest scientia, verbi gratiâ, perfectiùs referri ad scibile, si haberet relationem accidentalem, quàm per istam, quæ fingitur, relationem essentialem: Est igitur relatio ista relatio completa in genere relationis, ac proinde non potest, ex ea & absoluto constitui vna essentia.

Ex incompletis diversorum generum non fit vna essentia.

Accedit quòd etsi ex duobus incompletis in eodem genere possit fieri vnum completum, non tamen ex incompletis ad diversa genera pertinentibus. Hic autem diversa genera sunt absolutum & respectivum: Ergo.

Absolutum nõ cõpletur essentialiter per Relationem.

Idem probari potest de absoluto. Nam scientia secundum rationem absolutam est sub genere absoluto, & in specie entis absoluti perfectâ per differentiam absolutam, neque minùs est perfecta species qualitatis, quàm vel calor, vel color, aut quævis alia qualitas. Dices. Compleri essentialiter per relationem. Contra, primò,

primò, est ita completa vt non possit amplius completi sub genere absoluto, nec per aliquam partem essentialem absolutam: Ergo est simpliciter completa sub genere absoluto, & intra latitudinem entis absoluti; Illud enim vocam⁹ completum in aliquo genere, quod in illo genere & per rem illius generis compleri amplius non potest. Complentur quidem substantiæ per accidentia, & accidentia vicissim per subiectum; sed tamen cum hoc complementum sit in diuerso genere, non in eodem, idcirco non facit substantiam, & accidentia non esse simpliciter entia completa in suo genere. Confirmatur: Quia alioqui dicendum esset, scientiam esse semper incompletam in suo genere absoluto: quia nunquam illi aduenit complementum generis absoluti.

Secundò Relatio non potest complere essentialiter rationem entis absoluti, quia id quod non constituit rationem entis absoluti, non complet essentialiter rationem entis absoluti; hoc enim complementum essentialiale non potest fieri, nisi per constitutionem essentialem: atqui demonstratum est implicare contradictionem, relationem constituere ens absolutum in ratione entis absoluti: Ergo relatio non potest esse complementum essentialiale entis absoluti.

Quantum argumentum. Cùm aliqua differunt formaliter & definitione, vnū non est de essentia alterius; distinctæ enim definitiones, distinctas essentias indicant: at absolutum quā absolutum, & relatiuum quā relatiuum, differunt formaliter, & habent distinctas definitiones: ergo vnū non est de essentia alterius. Minor patet. Absolutum enim est natura essentialiter non

*Quantum.
Qua distinguuntur formaliter, vnum non est de essentia alterius.*

requirens terminum; respectuum verò est natura essentialiter requirens terminum.

Relatio præscindi potest ab absoluto.

Ex quo patet non rectè asserti ab autoribus primæ sententiæ, non posse in subiecta materia respectuum præscindi ab absoluto, nec absolutum à respectivo. Quidni enim præscindi possint ab inuicem, quæ sunt diuersorum generum, quæque habent definitiones diuersas? Nam absolutum formaliter, nunquam est respectuum, neque respectuum formaliter vnquam est absolutum, sed aliâ ratione est absolutum, aliâ respectuum; præscindi igitur poterit vnum ab altero; neque enim ratio absoluta dat esse respectuum, nec respectiva dat formaliter esse absolutum.

Quintum.

Quintum argumentum. Quod est de essentia alicuius sine illo res illa intelligi non potest; nihil enim potest intelligi sine suis essentialibus: at omne absolutum potest intelligi essentialiter sine relatiuo: ergo nullum relatiuum est de essentia absoluti. Dixi essentialiter posse intelligi: quia absolutum si sumatur non secundum essentiam præcisè, sed secundum omnia, quæ illi quocunque modo conueniunt, siue essentialiter, siue consecutiue, sic non potest intelligi sine relatione: quia relatio est vnum ex illis quæ consequuntur necessario illam essentiam absolutam. Minor probatur, tum quia habent distinctas rationes formales, & distinctas definitiones: tum quia inductione id manifestum est. Duo. n. maximè videntur esse, quæ sine relationibus intelligi non possunt, scientia sine relatione ad scibile, & accidens sine relatione ad subiectum: at hæc omnino possunt essentialiter concipi sine vllis relationibus, quia possunt concipi, vt suâ essentia absolutâ fundant relationem, non verò vt illas includunt essentialiter. Quod

Quod ostendo ex eo, quia scientia in Deo, est verè *Scientia in Deo*
 & essentialiter scientia, & tamen absque omni relatio- *est absq. omni*
 ne essentiali ad obiectum est, & concipitur. *relatione essen-*
tiali ad subile. Nam ne-
 que ad Deum dicere potest relationem realem, quia
 à Deo non distinguitur; idem autem quatenus idem,
 non refertur realiter ad seipsum: neque ad creaturas;
 quia Deus in suo esse non potest dependere essentiali-
 ter à creaturis, tanquam à terminis; non enim ideo est
 Deus, quia creaturæ sunt aut possunt esse, sed potius è
 conuerso: Si ergo in Deo potest concipi perfectæ &
 essentialis ratio scientiæ, nullo concepto respectu ef-
 fentiali sed solum concepta re absoluta fundante respec-
 tum ad seibile, profectò poterit idem conceptus abso-
 lutus formari de omni alia scientia.

De accidente vero sic ostendo. Duplex enim est *Accidenti ordin-*
 respectus accidentis ad subiectum: alter actualis inhæ- *ad subiectum*
 rentiæ, alter aptitudinalis. De respectu actualis inhæ- *non est essen-*
tialis. rentiæ clarum est non esse de essentia accidentis; quia
 si et ali in hærentia, & respectu, potest esse accidens
 per Dei potentiam; si enim in nullo subiecto existat,
 non referetur actuali inhærentia ad subiectum. De re-
 spectu verò aptitudinalis inhærentiæ. Probatur. Quia
 omnis aptitudo supponit naturam cui conuenit; duo
 enim sunt de ratione aptitudinis, vt alicuius rei sit a-
 ptitudo, & ad aliquid sit aptitudo: Ergo si aptitudo
 supponit rem cuius est aptitudo (saltem in priori na- *Aptitudo sup-*
ponit essentiam
cuius est apti-
tudo. turæ) non pertinet ad constitutionem essentialem
 illius rei; posterius enim non est de essentia prioris;
 cum prius antequam intelligatur esse posterius, ha-
 beat totam essentiam, ratione cuius est prius suo po-
 steriori.

Eadem

tivam, & completè seu perfectè refert rem illam absolutam ad terminum, sicut quævis alia relatio, nec potest assignari quæ pars essentialis requisita ad relationem constituendam illi desit.

Relatio transcendentalis est quid completum in genere Relationis.

Dices habere genus & differentiam relationis incompletæ, eo modo quo materia & forma habet genus, & differentiam substantiæ incompletæ. Contra: Omnis forma cognoscitur ex suo effectu formali; si ergo relatio esset in genere relationis quid incompletum, non faceret completè, & perfectè referri rem illam ad terminum. atqui facit completè referri; Ergo est completa. Minor patet; tum quia nihil illi deest ad esse relativum, nec vlla pars essentialis relationem constituens: tum quia non potest scientiæ, verbi gratiâ, perfectius referri ad scibile, si haberet relationem accidentalem, quàm per istam, quæ fingitur, relationem essentialem: Est igitur relatio ista relatio completa in genere relationis, ac proinde non potest, ex ea & absoluto constitui vna essentia.

Ex incompletis diversorum generum non fit vna essentia.

Accedit quòd etsi ex duobus incompletis in eodem genere possit fieri vnum completum, non tamen ex incompletis ad diversa genera pertinentibus. Hic autem diversa genera sunt absolutum & respectivum: Ergo.

Absolutum nõ completur essentialiter per Relationem.

Idem probari potest de absoluto. Nam scientia secundum rationem absolutam est sub genere absoluto, & in specie entis absoluti perfectâ per differentiam absolutam, neque minùs est perfecta species qualitatis, quàm vel calor, vel color, aut quævis alia qualitas. Dices. Compleri essentialiter per relationem. Contra, primò,

primò, est ita completa ut non possit amplius completi sub genere absoluto, nec per aliquam partem essentialem absolutam: Ergo est simpliciter completa sub genere absoluto, & intra latitudinem entis absoluti; Illud enim vocam⁹ completum in aliquo genere, quod in illo genere & per rem illius generis compleri amplius non potest. Complentur quidem substantiæ per accidentia, & accidentia vicissim per subiectum; sed tamen cum hoc complementum sit in diuerso genere, non in eodem, idcirco non facit substantiam, & accidentia non esse simpliciter entia completa in suo genere. Confirmatur: Quia alioqui dicendum esset, scientiam esse semper incompletam in suo genere absoluto: quia nunquam illi aduenit complementum generis absoluti.

Secundò Relatio non potest complere essentialiter rationem entis absoluti, quia id quod non constituit rationem entis absoluti, non complet essentialiter rationem entis absoluti; hoc enim complementum essentialiale non potest fieri, nisi per constitutionem essentialem: atqui demonstratum est implicare contradictionem, relationem constituere ens absolutum in ratione entis absoluti: Ergo relatio non potest esse complementum essentialiale entis absoluti.

Quartum argumentum. Cùm aliqua differunt formaliter & definitione, vnū non est de essentia alterius; distinctæ enim definitiones, distinctas essentias indicant: ac absolutum quā absolutum, & relatiuum quā relatiuum, differunt formaliter, & habent distinctas definitiones: ergo vnum non est de essentia alterius. Minor patet. Absolutum enim est natura essentialiter non

*Quartum.
Qua distinguuntur formaliter, vnum non est de essentia alterius.*

requirens terminum; respectuum verò est natura essentialiter requirens terminum.

Relatio præscindi potest ab absoluto.

Ex quo patet non rectè asserti ab autoribus primæ sententiæ, non posse in subiecta materia respectuum præscindi ab absoluto, nec absolutum à respectivo. Quidni enim præscindi possint ab inuicem, quæ sunt diuersorum generum, quæque habent definitiones diuersas? Nam absolutum formaliter, nunquam est respectuum, neque respectuum formaliter vnquam est absolutum, sed aliâ ratione est absolutum, aliâ respectuum; præscindi igitur poterit vnum ab altero; neque enim ratio absoluta dat esse respectuum, nec respectiva dat formaliter esse absolutum.

Quintum argumentum.

Quod est de essentia alicuius sine illo res illa intelligi non potest; nihil enim potest intelligi sine suis essentialibus: at omne absolutum potest intelligi essentialiter sine relativo: ergo nullum relatiuum est de essentia absoluti. Dixi essentialiter posse intelligi: quia absolutum si sumatur non secundum essentiam præcisè, sed secundum omnia, quæ illi quocunque modo conueniunt, siue essentialiter, siue consecutiue, sic non potest intelligi sine relatione: quia relatio est vnum ex illis quæ consequuntur necessario illam essentiam absolutam. Minor probatur, tum quia habent distinctas rationes formales, & distinctas definitiones: tum quia inductione id manifestum est. Duo, n. maximè videntur esse, quæ sine relationibus intelligi non possunt, scientia sine relatione ad scibile, & accidens sine relatione ad subiectum: at hæc omnino possunt essentialiter concipi sine vllis relationibus, quia possunt concipi, vt suâ essentia absolutâ fundant relationem, non verò vt illas includunt essentialiter. Quod

Quod ostendo ex eo, quia scientia in Deo, est verè ^{Scientia in Deo}
& essentialiter scientia, & tamen absque omni relatio- ^{est absq; omni}
ne essentiali ad obiectum est, & concipitur. ^{relatione essen-} Nam ne- ^{tialit ad subile}
que ad Deum dicere potest relationem realem, quia
à Deo non distinguitur; idem autem quatenus idem,
non refertur realiter ad seipsum: neque ad creaturas;
quia Deus in suo esse non potest dependere essentiali-
ter à creaturis, tanquam à terminis; non enim ideo est
Deus, quia creaturæ sunt aut possunt esse, sed potius è
conuerso: Si ergo in Deo potest concipi perfecta &
essentialis ratio scientiæ, nullo concepto respectu ef-
fentiali sed solum concepta re absoluta fundante res-
pectum ad seibile, profectò poterit idem conceptus abso-
lutus formari de omni alia scientia.

De accidente vero sic ostendo. Duplex enim est ^{Accidenti-orde}
respectus accidentis ad subiectum: alter actualis inhæ- ^{ad subiectum}
rentiæ, alter aptitudinalis. De respectu actualis inhæ- ^{non est essen-}
rentiæ clarum est non esse de essentia accidentis; quia ^{tialis.}
si netai inhærentia, & respectu, potest esse accidens
per Dei potentiam; si enim in nullo subiecto existat,
non referetur actuali inhærentia ad subiectum. De re-
spectu verò aptitudinalis inhærentiæ. Probatur. Quia
omnis aptitudo supponit naturam cui conuenit; duo
enim sunt de ratione aptitudinis, vt alicuius rei sit a-
ptitudo, & ad aliquid sit aptitudo: Ergo si aptitudo ^{Aptitudo sup-}
supponit rem cuius est aptitudo (saltem in priori na- ^{ponit essentiam}
turæ) non pertinet ad constitutionem essentialem, ^{cuius est apti-}
illius rei; posterius enim non est de essentia prioris; ^{tudo.}
cùm prius antequam intelligatur esse posterius, ha-
beat totam essentiam, ratione cuius est prius suo po-
steriori.

Eadem

*Creatura non
dicitur ordinem
essentialem ad
Deum.*

Eadem inductio fieri posset in aliis exemplis, ut cum ens creatum dicitur habere essentialem habitudinem dependentiæ à Deo; Si enim per essentialem dependentiam intelligatur dependentia fundata in essentia entis creati, ut tale est, sic verum est, omne ens creatum dicere dependentiam essentialem à Deo: Nam ab aliis causis res non dependet essentialiter, sed accidentaliter, quia possunt sine illis fieri à Deo. Neque illarum dependentia à causis secundis, fundatur in earum essentia formaliter, & necessario; sed ex accidenti, & non necessario; à solo vero Deo res dependent essentialiter, quia talis dependentia etsi non sit de essentia rei creatæ (alioqui essentia creatæ deberet de finiri per Deum, ut rectè infert Scotus) est tamē fundata in essentia creatæ, & ad illam necessario consequitur. Si verò intelligatur dependentia essentialis, hoc est, quæ sit de essentia rei creatæ, sic creatura non dependet essentialiter à Deo; Dependet enim creatura à Deo, tanquam à causa extrinseca efficiente, non tanquam à causa intrinsecè & essentialiter constituyente: Nam causa efficiens constituit rem extrinsecè existendo extra essentiam rei; Causa vero formalis, vel materialis, constituunt intrinsecè & essentialiter, existendo intra rem ipsam & seipsam dando in partem essentiæ; unde res à solis causis intrinsecis dependet essentialiter, non vero ab extrinsecis, ac ex consequenti nulla dependentia à causa extrinseca, est de essentia rei, sed solum essentiâ suâ fundare potest illam dependentiam.

At dices Relatio dependet essentialiter à termino extrinseco, quia respectus ad terminum est illi essentialis: Ergo similiter & natura absoluta dependebit essentialiter à termino.

Re-

Responder Scotus esse disparem rationem. Nam relatio non habet aliam essentiam, nisi ordinem ad terminum: non igitur est mirum, quod ordo ad terminum sit illi essentialis: at natura absoluta est quid absolutum, præter ordinem ad terminum: non igitur est par ratio, in hoc ut naturæ absolutæ ordo ad terminum sit essentialis, sicut est essentialis relationi.

Deinde si dicatur dependentia essentialis, hoc est relatio, quæ sit de essentia creaturæ; sic dependentia à Deo nō est essentialis creaturæ, quia essentia rei creatæ prior est tali dependentiâ, & dependentia est veluti proprietas fluens, & consequens ad essentiam rei creatæ, ipsa verò essentia abstrahit in suo conceptu à dependentiâ & independentiâ. Et ita sentiunt cum Scoto S. Thomas supra, Caietanus, Ferr. & alij.

Denique Relationem materiæ ad formam, per modum potentiæ, & formæ ad materiam, per modum actus, non esse essentialem simpliciter, sed fundatam in essentia, patet.

Materia non est de essentia ordo ad formam.

Quia potentia ex ratione potentiæ, supponit essentiam cuius est potentia; non igitur constituit illam in ratione essentia, sed supponit in priori naturæ. Similiter actus actuans aliud, supponit actum, quo res est in seipsa actus, prius enim est formam esse actum, in seipsa, quam actum respectu alterius; Cùm igitur ratio actus actuantis sit posterior formæ, non pertinebit ad essentiam formæ. Concipitur ergo essentialiter materia, ut fundans suâ essentiâ relationem potentiæ ad formam, & forma concipitur essentialiter, ut fundans relationem actus actuantis respectu

Forma non refertur essentialiter ad materiam.

materiæ, & sic absolute possunt concipi in suis essentiis, absque ullo respectu essentiali. Quod si concipimus materiam cum respectu ad formam, id evenit tum ex imperfectione nostri intellectus qui res uti sunt in seipsis non apprehendit, sed ex proprietatibus & respectibus; tum quod materiam non solum essentialiter concipimus, sed etiam quoad ea, quæ essentiam eius necessariò consequuntur, qualis est relatio potentia. Et sanè aliud est relationem potentia necessariò convenire materiæ ex vi suæ essentia, aliud esse de essentia materiæ, ut à simili exemplo risibilis & rationalis explicari potest.

Sextum.

*Relatio non est
de essentia fundamen-
ti.*

Sextum argumentum. Relatio non est de essentia sui fundamenti: at res absoluta est fundamentum relationis, quæ dicitur illi essentialis: Ergo relatio illa non potest esse de essentia rei illius absolutæ. Maior est certa. Quia fundamentum est causa suo modo relationis, saltem secundum modum nostrum intelligendi, ac proinde prior est natura relatione: at posterius non est de essentia prioris: Ergo nec relatio est de essentia fundamenti. Minor vero probatur. Quia nulla res refertur ad aliam, nisi propter aliquam rationem; alioqui quodlibet referretur ad quodlibet si ratio certa referendi non requireretur.

*Nulla relatio
potest esse sine
fundamento.*

Neque verò minus ad essentiam relationis requiritur terminus, quàm fundamentum. Nam sicut in termino continetur ratio terminandi; non enim quodlibet potest esse terminus cuiuslibet relationis, sed quod habet sufficientem rationem terminandi, ita

non

non quodlibet subiectum potest habere quamcunque relationem, sed solum quod habet in se rationem referendi, quæ ratio dicitur fundamentum. Cum igitur relationum essentialium nullum aliud possit assignari fundamentum, nisi absolutum, sequitur absolutum esse fundamentum relationis. Accedit quod relatio non est res quædam per se à fundamento distincta, sed est eadem res cum fundamento: Ergo ubi ponitur relatio, necesse est poni fundamentum.

Respondent. Relationes essentialis non fundari in villo fundamento, quia sunt essentialis; essentialia enim non conueniunt rei ratione alterius causæ, sed immediatè, hoc est, nulla mediante causa. Quæ enim est causa, ob quam homo sit animal rationale, nisi quia hæc eius est essentia?

Sed contra ostensum est ex ratione propria relationis; necessarium esse fundamentum ad relationem; si enim desit fundamentum non potest villo modo esse relatio: nam quod non, quælibet relatio, nec cuiuslibet competat, id non potest referri nisi in fundamentum: Ergo cum hoc negari non possit, negandum potius erit relationum vllam dari essentialem.

Nam si daretur aliqua relatio essentialis duo contradictoria sequerentur. Vnum, quod talis relatio haberet fundamentum in essentia; haberet enim rationem referendi, cum hoc natura relationis postulet; alterum quod non haberet vllum fundamentum, quia essentialia non egent fundamento, sed ipsa sunt fundamentum rei.

*Ex relationib;
essentialib; se-
quuntur duo con-
tradictoria.*

Et sanè, manifestum est etiam inductione dari harum relationum fundamentum. Nam, verbi gratia, scientia prius est in se talis, quam sit talis respectu scibilis. Illa ergo ratio qua scientia est in se talis, fundat relationem ad scibile. Similiter accidens prius est in se tale, quam respectu subiecti, & sic illa ratio, qua est in se tale, est fundamentum sui respectus quem habet ad subiectum.

Septimum.

*Scientia potest
esse sine reali
relatione ad
scibile.*

Septimum argumentum. Illud non est essenziale quod potest à re abesse: atqui relationes quæ dicuntur ab illis essentielles, possunt abesse à re: Ergo non sunt essentielles. Minor probatur. Quia termino non existente non potest existere relatio: at harum relationum termini possunt non existere: Ergo & ipsæ relationes non existent, & sic erunt accidentales non essentielles. Probatur id exemplo scientiæ, quæ refertur ad scibile. Nam potest esse scientia secundum suum esse absolutum, non existente scibili à parte rei, ut scientia de rosa in hyeme: Ergo tunc non existet realiter scientiæ relatio ad rosam, nisi fundamentaliter. Cum enim rosa tunc nihil sit, nihil erit in re, ad quod realiter terminari possit relatio: sicut & in pariete albo, antequam aliud album producat, existit relatio similitudinis fundamentaliter tantum. Quod si dicas, non est possibile esse scientiam de rosa nisi scientia referatur ad rosam:

Respondeo. Rosam esse & in intellectu, & extra intellectum: non est igitur possibile esse scientiam de rosa nisi rosa sit in intellectu, sed tunc scientia

scientia non referetur ad rosam realiter, sed erit ipsa, rosa per cognitionem expressa. Potest verò esse scientia de rosa in intellectu, licet illa scientia non referatur realiter ad rosam extra intellectum existentem: Nam relationis actualis debet esse actualis terminus, rei autem non existenti non potest ratio actualis termini convenire, cum non ens nullum actum habeat, quare nec actum terminandi. Et sicut ob fundamentum in potentia existens, nihil potest referri relatione actuali, ita nec ad terminum in potentia tantum existentem: cum æquè fundamentum ac terminus requiratur ad essentiam relationis.

*Terminus non
existens non
terminat actu
Relationem.*

Dices terminum esse per modum causæ finalis, quæ ut causet non debet existere. Sed contra: quia ratio termini, & ratio finis valdè distinguuntur; finis enim, est id propter quid, & gratia cuius fit aliquid, ad quod satis est esse in intentione; terminus autem est id ad quod terminatur actu relatio. Unde debet actu existere, ut actu terminare possit.

*Discrimen inter
Finem &
Terminum.*

Respondent. Non omnem relationem requirere existentiam actualem termini, sed tantum eam quæ fundantur in coexistentia terminorum, quales sunt omnes relationes prædicamentales, alias verò quæ fundantur in essentiis terminorum non requirere existentiam eorum, tales sunt pleræque relationes essentielles verbi gratia, relatio scientiæ ad scibile non existens; terminatur enim scientia ad scibile sub ratione essentiæ, non sub ratione existentiae. Sed contra. Primo; Nulla res potest realiter terminari ad aliquid nisi illud existat; non existenti enim nihil realiter convenit, cum prius sit esse realiter, quam aliquid ei realiter convenire, siue subtractione essentiæ, siue sub ratione existentiae. Nam si ter-

*Instantia res-
pellitur.*

*Terminus actu
habet actu ra-
tionem termi-
nandi.*

2.

minus non existat, nihil erit ad quod realiter terminari possit relatio; non enim est possibile realiter terminari ad nihilum, neq; ad id quod nullam habet rationem realem terminandi. Dices. habere in potentia. Contra. terminus actu, debet actu habere rationem terminandi; per eam enim constituitur in ratione termini; atqui nō potest habere actu rationē terminandi, nisi actu existat: Ergo non potest esse actu terminus id quod non existit. Deinde, sicut nulla res potest actu & realiter existere in nihilo, neq; potest quis sedere realiter in sede, quæ est tantum in potentia, neq; de ambulare in tabula vel in area nō existente, neq; dormire in lecto in potentia; ita neq; actus, siue immanens, siue transiens, terminari realiter potest ad rem non existentem. vel in potentia existentem. Idem patet in potentiis, quæ non terminantur ad rem non existentem, visus v. g. ad colorem non existentem, auditus ad sonum. Quod si potentia interna tam sensitiva, quam intellectiva feruntur in objecta absentia, id non accidit ex eo, quod ad ipsa objecta extra potentias terminentur, sed quod illa objecta in potentiis per suas species existunt, & per actum cognitionis exprimuntur in intellectu, vnde nihil est ibi extra potentias ad quod cognitio terminetur, sed ipsum objectū formatur in potentia. Sed de hoc plura alias.

*Quomodo Re-
lationes dici
possunt Essen-
tiales absolu-
tæ.*

Ex quibus patet quomodo relationes dici possint essentielles absolutis, quia nimirum fundantur in essentiis absolutorum, & ad illas necessariò consequuntur, quod est esse, essentielles consecutiue non formaliter. Omnis enim relatio natura sua postulat fundari in aliquo, ratione cuius conveniat subiecto, cum non quolibet cuilibet conveniat, sed tantum ea quæ habet aliquod in subiecto fundamentum. Quare & has relationes necesse est in absolutis fundari, & ex essentia illo-
rum

rum absolutorum consequi: relatio. v. g. scientiæ fundatur & oritur ex essentiâ scientiæ; scientia enim præfertim actualis est velut imago obiecti, sicut autem imago prius est talis in se, deinde propter conformitatem cum obiecto, est apta repræsentare obiectum: ita & scientia prius est talis in se absolute, tum propter conformitatem cum obiecto est apta repræsentare illud, & referri ad illud. Quod si dicas. Imago est imago etiam respectu obiecti, non existentis; ergo & scientia terminatur per modum imaginis ad obiectum non existens? *Imago non refertur realiter ad rem non-existentem.*
 Respondeo. Imago in se est imago, re ipsa non existente, quia habet in se omnia requisita ad repræsentandum, & est loco rei: ad rem tamé extra nō referretur realiter, nisi res illa existat, quia non habet ad quid referatur.

*Respondetur ad argumenta primæ
 sententiæ. §. 4.*

Ad primum primæ sententiæ Respondeo. Aristotelem non asserere in illo loco, potentias sumere suam essentiam ab obiectis, sed tantum obiecta esse priora secundum rationem actibus, & actus priores obiectis. *Aristoteles non dicit actus sumere essentiam ab obiectis.*
 Ex hoc autem quod obiecta sunt priora secundum rationem actibus, non sequitur actus sumere suam essentiam ab obiectis, sed solum præsupponere obiecta, & ab illis tanquam prioribus dependere. Non enim necesse est omne posterius sumere suam essentiam à priori. *Obiectum prius actu per modum Finis & Mensuræ.*
 Porro hæc prioritas est prioritas finis & mensuræ; Actus enim sunt propter obiecta tanquam propter finem, & potentia sunt propter actus, quia ad actus tanquam ad finem ordinantur.

Quamvis. n. potentia in genere causæ efficientis sine prioribus actibus; tamen Aristoteles locutus est de prioritate

*Ordo ad finem
& mensuram
non est de Es-
sentia.*

tate in genere finis & mensuræ. Quomodo finis est prior
iis quæ sunt ad finem. Porro ex eo quod obiecta sunt fi-
nes actuum non est necesse, ut actus dicant ordinem es-
sentialem ad obiecta, quia non est necesse posterius di-
cere ordinem essentialem ad prius: alioqui omnis effe-
ctus diceret ordinem essentialem ad suam causam extrin-
secam; sed satis est, ut in sua essentia fundet ordinem ad
prius. Dependens enim à fine & mensura non est de
essentia eius quod est ad finem & quod mensuratur.

At inquires, Quidquid est de Aristotele, commune
est dictum Philosophorum. Actus specificari ab obiectis,
Potentias ab actibus, quod esse verum nequit, nisi pro-
pter dependentiam essentialem actuum ab obiectis &
potentiarum ab actibus. Dicunt igitur actus & poten-
tiæ ordinem essentialem ad obiecta.

*Quomodo actus
specificatur ab
obiectis,*

Respondeo. Hanc specificationem actus ab obie-
cto esse extrinsecam tanquam à fine vel tanquam à men-
sura. Quidquid enim ordinatur ad aliquem finem, ta-
le est in essentia, quale esse postulat ille finis; debet e-
nim res esse proportionata suo fini: Non sequitur au-
tem id quod est tale propter ordinem ad aliquem finem,
dicere ordinem essentialem ad illum (si ordo essentialis
intelligatur, qui sit de essentia;) alioqui in omnibus re-
bus ordo ad finem esset de essentia; quod est falsum: so-
lum verò dici potest ordo essentialis quia est fundatus in
essentia & consequitur ex essentia.

Dices. Id quod specificatur ab aliquo nec esse, nec
intelligi potest in sua specificatione sine illo, alioqui si
posset intelligi in sua specie sine alio non esset tale pro-
pter illud: Ergo dicit ordinem essentialem ad illud.

*Specificatio du-
plex intrinseca
& Extrinseca.*

Respondeo. Duplicitè aliquid specificari potest
ab alio. Primo intrinsece tanquam à parte essentiali cō-
stituyente essentiam, & sic non potest intelligi sine illo.

Secun-

Secundo extrinsecè tanquam à mensura vel causâ extrinseca siue efficiente siue fine & sic potest intelligi sine illo. Quamvis enim ideo res est talis in specie: quia habere esse à tali efficiente, secundum talem ideam, propter talem finem; tamen quia hæc specificatio est merè extrinseca potest essentia rei illius concipi sine tali specificatione; Potest enim verbi gratia hominis essentia concipi, quod sit animal rationale, etiamsi non concipiatur ordo illius ad causam efficientem & finalem. Quare ordo ille erit quidem necessario consequens essentiam, non tamen est de essentia, neque de conceptu formali illius rei, & ex consequenti erit accidentalis in hoc sensu, quia est extra essentiam, non quia est contingens.

Notat verò Scotus, & bene, hoc esse discrimen inter ens relatiuum, & absolutum, quòd ens relatiuum, cum in sola relatione ad terminum extrinsecum consistat: non potest esse, aut intelligi sine termino. Ens vero absolutum cum in sua essentia sit absolutum, potest esse & intelligi sine termino, & ex consequenti ordo ad terminum erit extra essentiam illius, & accidentalis ipsi.

Discrimen inter Ens Absolutum & Relatiuum.

Quamvis ergo actus specificentur ab obiectis, quia tamen hæc specificatio est extrinseca, non pertinet ad essentiam: quia nullus ordo ad causam extrinsecam est de essentia rei; sicut nec ordo ad Ideam nec ad causam efficientem aut ad finem neque ad mensuram. Ex quo apparet quam parum sit momenti in hac specificatione ad probandam relationem ad obiectum esse de essentia actuum; quod tamè ab aduersariis maximum statuitur.

Cum verò dicitur accidens secundum Aristotelem ideo esse ens, quia est entis ens. Respondet Scotus Ari-

Accidens quo modo dicatur esse Entis ens.

Aristotelem non dicere accidens formaliter per respectum ad substantiam dici ens, quasi per illum respectum constituitur in ratione essentiali entis. Manifestum enim est apud Aristotelem, & secundum veritatem accidens non esse merum respectum ad substantiam, sed entitatem absolutam fundantem hunc respectum. Solum ergo voluit Aristoteles, accidens esse tale ens, cui ex ratione entis conveniat consequenter dependentia à substantia & ex consequenti respectus ad ipsam. Unde nunquam intendit Aristoteles hunc respectum facere essentialem, sed tantum consequentem ad essentiam accidentis; est enim talis natura accidentis, quæ postulat & fundat necessario talem respectum ad substantiam.

*Unum sine alio
intelligi nō pos-
se vel ex natu-
ra rei, vel ex
imperfecto mo-
do intelligendi.*

Ad secundum respondeo. Ex duplici capite provenire potest quod aliquid sine altero non possit intelligi. Primum ex natura rei, quæ sic intelligi postulat; sic res non possunt intelligi sine suis essentialibus, homo sine animali rationali. Secundo ob modum imperfectum cognoscendi: sic non possumus in hac vita cognoscere spiritualia, nisi per similitudines corporeas à sensibus perceptas; cum tamen spiritualia secundum se sine talibus similitudinibus sint cognoscibilia. Sic essentias rerum in se non cognoscimus, sed sub connotationibus accidentium vel proprietatum atque effectuum, similiter sub habitudinibus ad aliquas res alias. Dico igitur non posse efficaciter concludi ex eo quod aliquid à nobis non possit intelligi sine ordine ad aliud, illud essentialiter includere ordinem ad illud. Si enim hoc proveniret ex natura ipsa rei, bene quidem: at quia provenire potest ex imperfecto modo cognoscendi, non potest concludi rem essentialiter dicere illam habitudinem. Sic verò accidit in præsentī materia: res enim quasdam absolu-

absolutas ob imperfectum nostrum modum cognoscendi non possumus sine respectibus intelligere; cum tamē ipsæ secundum se sint sine vllō respectu intelligibiles. Vnde apparet quam infirmum sit hoc argumentum ad probandas relationes essentielles, quod tamen præcipuū habetur. Nam ex eo quod non potest à nobis aliquid intelligi sine respectu non rectè colligitur, secundum se & ex natura effectale, & dicere respectum essentialem ad aliud.

Quamquam notandum est. Dependētiā posse dici essentialē tripliciter. Est enim dependētia relatio; *Dependētia essentialis triplex.* in relatione autem sunt tria; fundamentum, terminus, & relatio ipsa; ratione horum igitur trium, potest dici dependētia essentialis. Primo ratione termini quia est ad terminum essentialē: & hoc modo dependētia rei à materia & forma, est essentialis; quia ab illis tanquā à partibus essentialibus res dependet. *Ratione Termini.* Secundo ratione fundamenti quia essentia in ratione essentialis, est fundamentum talis dependētiæ: & hoc modo dicitur dependētia essentialis rerum creaturarum à Deo, & accidētis à subiecto & potentiarum ab obiectis. *Ratione Fundamenti.* Tertio ratione ipsius relationis: & hoc modo prior sententia affirmat dependētiā esse essentialē rebus absolutis, nos vero negamus, sed dicimus esse consequentem ad essentialē, & nonnisi consecutiue essentialē; posseque intelligi sine omni respectu naturam absolutam, quoad omnia essentialia; licet propter modum imperfectum cognoscendi oporteat nos per respectum ad aliud, noticiam rei colligere. *Ratione Relationis.*

Iam verò cum in argumento dicitur: si accidens potest concipi sine respectu aptitudinali ad subiectum, in tali conceptu accidens non dicit aptitudinem. Re-

*Accidēs in sua
essentia nō di-
cit aptitudinē,
nisi consequen-
tialiter.*

spondendum est Primò. Non dicere quidem aptitudi-
nem quæ sit de essentia, sed dicere naturam fundantem
aptitudinem, quæ consequitur ad essentiam, quod satis
ad rationem accidentis. Secundo. Respondeo essen-
tiam in ratione essentiæ abstrahere ab omnib⁹ suis pro-
prietatibus, inter quas sunt omnes aptitudines & rela-
tiones. Quare in conceptu essentiali natura nec dicit
aptitudinem, nec ineptitudinem nec dependentiam,
nec independentiam, sed abstrahit ab utroque.

Ex quibus patet, posse admitti modum loquendi
primæ sententiæ, has relationes esse essentielles dum mo-
do eo sensu dicantur essentielles, quia fundantur in essen-
tia non quia sunt de essentia rei absolutæ.

*Paradoxa ex
Relationibus
essentialibus.*

Patet etiam refutatio illorum paradoxorum prioris
sententiæ, nempe quod absolutum compleatur essen-
tialiter per relatiuum; quod relatio essentialis non ha-
beat vllum fundamentum; quod terminetur ad termi-
num actu non existentem, & similia.

QVÆSTIO IX.

*An terminus relationem terminet ratione
absoluti vel relatiui.*

IN termino relationis sunt duo, fundamentum & re-
latio; illud est absolutum hoc relatiuum. Verbi gra-
tia, in albo est albedo & similitudo. Quæritur ergo
an cum album dicitur simile alteri albo, illa simili-
tudo terminetur ad alterum album, quâ album est, an
quâ simile est. De qua re sunt duæ sententiæ, prima
affirmat relationem terminari formaliter ad relatio-
nem oppositam, atque ita terminum terminare
relatio.

relationem formaliter sub ratione relatiua, materialiter autem sub ratione absoluta. Ita Ruuius hic secutus Ferariensem, & alios plures. Fundamentum huius sententiæ est. Quia relatiua sunt simul natura, cognitione, & definitione, vt docet Aristoteles in prædicamento ad aliquid, At nisi relatiuum terminetur ad suum correlatiuum sub ratione relatiua, non erunt relatiua simul naturâ cognitione & definitione. Nam si relatio terminetur ad terminum sub ratione absoluta, tunc prius intelligetur relatio terminari ad absolutum, quam intelligatur illi correspondens relatio. Idem confirmari aiunt ex diuinis relationibus quæ ad seipsas terminantur, ex eoque inferunt, pari ratione creatas quoque relationes ad seipsas terminari posse & debere.

Relationē terminari ad Relationem formaliter.

Secunda sententia tenet relationem terminari formaliter ad absolutum non ad oppositam relationem, Ita Scotus in prima distinctione 30. quæst. 1. Soncinas 5. Met. quæst. 3. Suarius 5. Met. disputatione 47. Sect. 16. quæ sententia nobis quoque vera videtur. Primò. 1. Ratio. Quia eadem est ratio terminandi & referendi; quæ enim ratio est sufficiens ad causandam relationem ad alterum extremum, eadem quoque sufficiens est ad excipiendam relationem ab alio extremo: Atqui ratio referendi in termino est fundamentum absolutum: ergo eadem ratio absoluta erit ratio sufficiens terminandi. Nam quemadmodum vt terminus referatur ad aliud extremum, opus habet fundamento, quod sit veluti ratio & causa adæquata relationis illius; ita etiam vt terminet relationem alterius extremi opus habet fundamento, quod sit veluti ratio & causa adæquata terminationis: sicut enim non temerè, sed ex causa re-

Relationē terminari formaliter ad absolutum.

Ratio terminandi & referendi eadem.

fertur ad aliud, ita etiam non temerè, sed ex causa terminat eius ad se relationem.

Neque enim relatio ad quemcunque terminum, potest terminari, sed solum ad eum in quo inuenit fundamentum ad talem terminationem necessarium. Porro hæc fundamenta ad terminandum & referendum non esse diuersa patet: quia id ipsum quod est sufficiens causa ad referendum, est etiam sufficiens ad terminandum, ut patet inductione in omnibus tribus modis relatiuorum. Nam in primo modo quia duo alba sunt vnum in albedine, ideo & ad se referri possunt & suas relationes terminare: in secundo verò modo, patet propter generationem & refertur ad filium & respicitur à filio: maximè verò id patet in relatiuis tertij modi in quibus vna tantum est relatio ex vna parte, nulla ex altera: quare alterum extremum non potest terminare sub ratione relatiua, sed tantum sub absoluta.

Responderi posset ad hoc argumētum, fundamentum absolutum esse rationem terminandi, sed non nisi mediante relatione; fundando enim relationem in termino, cōstituit eum per illam relationem in ratione formali termini, vnde fundamentum non formaliter, sed causaliter terminat, quia est causa relationis, per quam terminus terminat oppositam relationem.

- Instantia refellenda,*
1. Sed contra: fundamentum absolutum, sicut est causa seipsa sufficiens ad causandam relationem nulla alia reinterposita; ita etiam est causa sufficiens ad terminandam relationem, nulla alia relatione interposita.
 2. Deinde si fingamus animo nullam relationem in termino consequi, adhuc in termino inuenimus sufficientem & adæquatam causam terminandi oppositam.

tam.

tam relationem; ideo enim paries terminat relationem alterius parietis albi, quia est albus, sicut & ille; hoc ergo signum est relationem illam consequentem, per accidens spectare ad terminationem.

Secundò probatur hæc sententia. Quia relationes tertij modi terminantur ad absolutum cum in termino nulla respondeat relatio realis: ergo pari ratione in aliis relationibus intelligitur sufficiens earum terminatio, si ad absolutum terminentur.

Responderi potest aliam esse rationem de relationibus mutuis, & non mutuis. Termini relationum mutuarum habent duplex esse quo terminare possunt ad absolutum & respectuum: termini verò relationum non mutuarum habent tantum esse absolutum, quo terminari possint.

Sed contra: hoc ipsum est quod agimus; si enim termini relationum non mutuarum per solam rationem absolutam sufficienter terminare possunt; ergo par ratione, alij quoque termini, per rationem absolutam, erunt sufficientes, ad terminandum: quod si ratio absoluta est sufficiens & adæquata terminationis, ratio relatiua erit superflua & per accidens, & non pertinebit ad terminationem. Deinde ex eo quod relationes sunt mutuae nihil plus sequitur, nisi quod in altero quoque extremo est relatio, non verò quod accedat noua ratio terminandi, Quate cum quærimus, cur paries sit alteri similis rectè & sufficienter respondemus, quia est albus sicut ille, non verò respondemus, quia est similis: quærimus enim causam & similitudinis & terminationis.

Responderi secundò possit relatiua tertij modi, & si ex altera parte non dicant relationem, sunt tamen rela-

Refertur.

relatiua denominatione extrinseca, per hoc quod alia referantur ad ipsa, & sic, vt sunt relatiua terminant relationem: sed contra: hoc est impossibile, vt relatio sui ipsius sit terminus, scibile enim, V. G. per relationem scientiæ ad ipsum, constituitur in esse relatiui scibilis: Si ergo ratione huius esse relatiui est terminus; eadem relatio scientiæ erit terminus formalis sui ipsius. quod est impossibile, deberet enim realiter differre à se ipsa.

3. Ratio.

Tertiò probatur. Si relatio vel re per Dei potentiam vel mente separetur à termino, adhuc in termino erit integra & sufficiens ratio terminandi, ergo relatio termini habet se per accidens ad terminationem. Antecedens probatur: quia si sint duo parietes albi & in altero non sit relatio similitudinis, quam Deus tollere potest, in ea sententia quæ tenet distinguere relationem ex natura rei à fundamento; potest enim illi negare suum influxum, sine quo procul dubio relatio non existeret: aut si in re hoc præstari non potest (quod necessario dicendum est in nostra sententia qua negamus relationem distinguere ex natura rei à fundamento) saltem mente separetur relatio ab altero albo. Hoc verò posito, isti albo carenti relatione, alter paries erit similis, quia talis in albedine qualis iste: ergo sufficienter sine propria relatione terminabit, relationem alterius.

Deinde si Deus producat ignem planè eo modo quo ignis producitur ab igne, ignis productus referretur realiter ad Deum tanquam ad producentem eo planè modo quo ad alium ignem si ab eo productus fuisset referretur: atqui Deus terminabit hanc relationem sine propria vlla relatione reali, idque perfectissimè

simè, quia perfectissimè ignis productus ad Deum refertur per perfectam à Deo dependentiam; ergo & ignis produciens, sine vlla relatione terminare potest relationem ignis producti.

Respondet Ruuius, in tali casu relationem terminari solum materialiter non formaliter: quia in tali casu non manet terminus formalis, sed tantum materialis. Contra. relatio à termino formali dependet essentialiter, cum ab ipso speciem & essentiam sumat; ergo si in tali casu careret suo termino formali careret & essentia: aut si haberet essentiam ex termino materiali; alter terminus qui fingitur formalis, habebit se per accidens ad terminationem, sicut se habet per accidens ad essentiam relationis terminatæ. Deinde si terminus ille materialis sufficit ad terminandam relationem: alter prorsus ad terminationem non facit.

Ad fundamentum primæ sententiæ. Respondeo. *Relatiua simul natura.* relatiua sunt simul natura; quoad existentiam, quia simul sunt, & non sunt; & non prius vnum ponitur vel tollitur quam aliud: quare nego prius relationem terminari ad absolutum, quam illud absolutum referatur ad ipsum, sed simul est utrumque, quia posito fundamento & termino, vtrique relatio necessariò resultat. Ad hoc autem non requiritur vt terminent inuicem suas relationes, sed siue terminent siue non terminent, erunt simul natura: quia vna posita ponitur altera, & sublata aufertur; vtrique enim æquè se habet ad suum fundamentum, & terminum, vt ex eo resultet.

Ob eandem etiã causã relatiua sunt simul cognitione & definitione, quia cognitio vnius habet ne-

*Simul cognitio-
tionem.*

H h h h h

cessa-

cessariam connexionem cum cognitione alterius, cum ex iisdem extremis & fundamentis, vtraque relatio oriatur, & per consequens pariratione vtraque cognoscatur; vtriusque enim relationis fundamentum & terminus sunt eadem extrema: Cognitis autem vtriusque relationis extremis vtraque relatio pariratione cognoscitur; quia non maior est ratio vnam cognoscendi quàm alteram.

Nota.

Ex quo patet non dici relatiua simul cognitione quasi vnum relatiuum formaliter contineri debeat in cognitione alterius. sufficiens enim cognoscitur relatiuum, si cognoscatur vt terminatum ad absolutum, etiam si non cognoscatur opposita termini relatio, sed sunt simul quoad connexionem necessariam cognitionum, quia vtraque cognitio naturaliter simul resultat cognito fundamento & termino.

Simul definitio.

Porro relatiua eo modo quo sunt simul cognitione, sunt etiam simul definitione: non quod vnum relatiuum definiatur formaliter per correlatiuum; definitur enim formaliter per suum terminum formalem qui est quid absolutum; quia tamen terminus ille simul etiam est relatiuus, ideo ex consequenti poni potest terminus in definitione sub ratione relatiua. Ex quo patet ex illo principio, quòd relatiua simul sint naturà, nihil ad confirmandam primam sententiam colligi posse.

Relationes diuinae ad quid terminentur.

Quod verò de diuinis relationibus ex Theologia adducitur, quasi hæ terminent seipsas relatiue. Primum non constat inter omnes an relationibus vel originibus diuinæ personæ constituentur. Deinde & si relationibus constituentur, vt communior habet opi-

nio;

nio; tamen relationes eæ sunt simul & origines, quare relatio Patris terminabitur ad Filium vt genitum & sub ratione originis passiua: Filij verò relatio terminabitur ad Patrem vt generantem & sub ratione originis actiua.

At vrget Ruvius. Inter relationes est oppositio, oppositio autem relatiua est oppositio relationis & termini; ergo ipsæ relationes sunt termini, Sed respondetur, duplicem oppositionem spectari in relationibus. alteram quæ est inter duas relationes oppositas in ratione relationis, vt inter paternitatem & filiationem, alteram quæ est inter terminum & relationem. Prior oppositio est oppositio distinctarum habitudinum ad oppositos terminos, ita vt vni & eidem rei non possint simul competere, vt paternitas, & filiatio respectu eiusdem non potest vni competere: posterior verò est oppositio relationis ad terminum, sub ratione absoluta, & non sub ratione relatiua, quia sub taliratione terminus terminat relationem. Consistit autem hæc oppositio in hoc, quod id quod refertur, non possit esse vna res cum termino, sed necessario debeat esse distincta ex natura rei à termino.

Oppositio relatiua duplex.

Q V Æ S T I O X.

An relatio sumat suam essentiam à termino.

DVo hîc quæri possunt. Primò. An terminus sit de essentia relationis: Secundò. An ex termino sumatur vnitas, & essentia specifica relationum.

*De essentia ali-
cuius dicitur al-
iquid intrinse-
cè.*

Extrinsecè.

*Terminus non
est de essentia
relationis in-
trinsecè.*

Quantum ad primum: dupliciter aliquid dici po-
test de essentia alicuius; vel intrinsecè tanquam consti-
tuens essentiam per modum partis aut gradus essen-
tialis quomodo animal & rationale dicitur de essentia
hominis, & gradus generici aut specifici sunt de essen-
tia speciei. Vel extrinsecè, tanquam id cuius respectu
aliquid est tale essentialiter; sic nascus est de essentia si-
mitatis; quia simitas respectu nasi dicitur simitas, in se
verò est solum curvitas: unde non potest esse vel con-
cipi simitas nisi in naso. Terminus igitur nō est de essen-
tia relationis primo modo, quia nec est genus nec dif-
ferentia relationis, nec vlla pars essentialis, quod vel
ex eo patet quia subiectis distinguuntur à se. Nam
relatio cum fundamento sunt in vno subiecto, termi-
nus verò in altero; essentia autem cum sit idem re-
cum eo cuius est essentia, non potest separari à subie-
cto.

Sed extrinsecè.

Est igitur terminus de essentia relationis secundo
modo, tanquam id cuius respectu relatio est relatio;
siquidem relatio nec esse nec intelligi potest sine termi-
no, sed tota eius essentia posita est in eo, ut sit ratio re-
spiciendi terminum. Hoc idem alii dicunt esse de es-
sentia in obliquo non in recto.

*An terminus
sit vera causa
relationis.*

Quod si quæras. An terminus habeat veram ra-
tionem causæ respectu relationis; Videretur enim ha-
bere, quia specificat relationem, specificare autem
est dare esse; id autem quod dat esse rei, est causa rei.
Quod autem specificet relationem probatur. Nam
relatio non habet suam essentiam nisi respectu ter-
mini; & si fuerint termini specie distincti, relationes
quoque erunt specie distinctæ: Ego manifestum est
rela-

relationem sumere suam essentiam, à termino, & ex consequenti terminum conferre essentiam relationi. Quod autem verè & propriè terminus specificet relationem probatur: quia relatio non habet aliam speciem, & essentiam nisi respectu termini. Ergo aut hæc erit vera specificatio, quæ est à termino, aut dicendum erit relationem non habere aliam propriam specificationem.

Ex altera verò parte non videtur vlllo modo dici posse, terminum esse causam relationis. Cur enim? *Non est Vera Causa.*

An quia relatio non potest esse sine termino? at ex hoc non sequitur terminum esse causam relationis. Nam pater non potest esse sine filio, & tamen pater non causatur à filio, neq; in ratione absoluta, vt per se patet, neq; in ratione relatiua; quia correlatiua sunt simul natura: at quæ sunt simul natura, non potest esse vnum causa alterius, causa enim est prior natura eo cuius est causa. Quod etiam multo magis patet in diuinis relationibus in quibus non potest admitti, Patrem sub relatione relatiua causari à Filio, Pater enim paternitate constituitur persona: Si ergo secundum paternitatem causatur à Filio vera persona Patris causaretur à Filio.

*Paternitas nam
causatur à Fi-
liatione.*

Quamuis igitur relatio non possit esse sine termino tamen id non est propter aliquam causalitatem, seu dependentiam à termino in aliquo genere causæ, sed quia essentialiter est talis non nisi respectu termini. Hoc autem fit, sine vlla termini causalitate. Nam cum ponitur terminus incipit esse relatio, sine vlla nouæ rei accessione, ac proinde, sine vlla noua causalitate, vbi enim nulla res noua accedit, ibi non est opus vlla noua causalitate. Nam si dicas fieri nouam relationem, Respondeo nouam relationem fieri, non est fieri rem nouam

simpliciter, sed respectu termini nouam, sicut puer viri respectu est paruus sine vlla suæ quantitatis immutatione; in se enim eandem quantitatem habens, respectu maioris, fit paruus, respectu minoris magnus.

2.

*Relatio non e-
get noua cau-
salitate.*

An quia relatio habet diuersam essentiam, si referatur ad diuersos specie terminos? At neq; hoc arguit vllam causalitatem à termino. Nam sicut relatio posito termino incipit esse absque vllius rei accessione, & ex consequenti, absque vera causalitate à termino; ita respectu diuersorum specie terminorum, est diuersæ speciei; absque vlla nouæ rei accessione, & absque vlla causalitate à termino: sed per hoc solum, quod eadem res respectu distincti specie termini, est alia atq; alia ex se ipsa, cum tamen in se sit eadem semper.

*An. Relatio sit
Ens improductum.*

Dices hæc ratione relatio erit ens improductum, cum tamen omne ens nouum quod ante non fuit, & incipit esse, oporteat per productionem incipere esse. Respondeo. Relationem simpliciter non esse ens improductum, quia est eadem res cum fundamento; Fundamentum autem est ens productum: ergo & relatio. Quod verò dicimus relationem posito fundamento & termino, non egere noua productione, id est quia nulla noua res accedente sed solo fundamento & termino positis, habet suum esse relatio; relatio enim, non est res noua absolutè, sed solum respectu termini noua: ut autem sit res noua respectu termini non est necesse ut aliquid noui producat, sed ut fundamentum, quod in se erat tale, etiam respectu termini sit tale, sine alia cuiusvis rei accessione & causalitate; album enim cum sit tale in se, posito alio albo erit tale quale aliud, sine vlla suæ albedinis variatione. Id ergo quod est nouum.

uum ens simpliciter, hoc est noua entitate ens, debet per aliquam productionem fieri ens, vt patet in omnibus absolutis: at quod est nouum ens respectiue tantum; tunc sicut non est nouum ens noua entitate, sed veteri entitate respectu noui termini sumpta; ita non eget noua productione; noua enim productio, ad nouam aliquam entitatem terminari debet; quare vbi nulla est noua entitas, nulla erit noua productio. Et sicut potest esse res aliqua non noua, quæ tamen respectu alicuius, qui eam ante non nouerat, erit noua; neq; tamen propterea res illa est immutata vel per productionem aliquam facta est noua; ita cum fundamentum respectu noui termini habet nouam habitudinem, sine vlla sui mutatione, & sine alicuius nouæ rei productione habet nouam illam habitudinem.

Dicendum igitur est Primò. Terminum nullo modo habere rationem veræ & propriæ causæ, respectu relationis. Primò. Quia licet relatio specificetur à termino, quia est talis vel talis respectu talis vel talis termini; non tamen specificatur per aliquam causalitatem termini, sed per hoc quia relatio est ad terminum, & talis relatio ad talem terminum, quod fit sine vlla causalitate vt ostensum est in ratione dubitandi.

Concluditur terminum non esse reuera causam Relationis.

*T.
Relatio specificatur à Terminum absque causalitate.*

Estq; alia ratio de specificatione actus ab obiecto. Nam obiectum respectu actus, habet suam causalitatem effectiuam, nam per speciem sui à se productam in potentia, est causa effectiua actus. Terminus autem nihil tale producit in fundamento, quod causet relationem: non igitur habet se eodem modo obiectum. Quanquã & obiectum si solum sit terminatiuum & nõ motiuum, non habebit hanc causalitatem respectu actuum, vt si obiectum

Obiectum an sit causa actus.

*Obiectum
terminatum
tantum non est
causa.*

obiectum non sit productiuum aliquarum specierum in potentia, sed per species infusas à Deo, intelligatur. Et de potentiis certum id est, quod obiectum respectu illarum sit terminatum tantum, nullo verò modo causarium, ita vt potentia specificentur ab obiectis sine vlla causalitate obiectorum; per hoc solum, quod potentia, sunt ad obiecta; sunt verò ad obiecta, non relatione aliqua essentiali, sed essentiis suis absolutis, fundantibus relationem ad obiecta.

2.
*Terminus in
nullo genere
causa est causa.
Relationis.*

Secundò si terminus haberet veram rationem causae, esset causa relationis, per veram causalitatem in aliquo genere causae; at in nullo genere causae potest esse causa. Ergo. Probatur minor. Primò de materia, quia terminus, neq; est materia ex qua est relatio, nec materia in qua, vt patet. Dices. Esse materiam circa quam. contra. Materia circa quam non habet vllam veram causalitatem, respectu eius quod est circa ipsam nec effectiuam, nec subiectiuam, nec vllam aliam. Vnde non est propriè materia sed Metaphoricè, & similitudinariè: quia sicut ex quo aliquid fit, est materia illius, ita obiectum suggerit quodammodo materiam actui, vt ex ea fiat, quod tamen manifestum est propriè non dici, sed similitudine quadam.

*Idea ad causam
efficientem
spectat.*

Secundò de causa formali, probatur. Quia causa formalis, seipsa est causa, seipsam vniendo subiecto, & seipsa faciendo subiectum tali. Terminus autè est quid extrinsecum, relationi, & non vnitum illi realiter. Quod si dicas Ideam reduci ad genus causae formalis, etiam si realiter non vniatur effectui, nam extrinsecè facit effectum talem. Respondeo. Ideam pertinere propriè ad causam efficientem, quia facit effectum talem, non seipsa sed mediante efficiente, cui est ratio produ-

producendi effectum talem in specie. Hoc autem termino non conuenit: nam Idea quia apprehenditur ab agente, potest esse agentis ratio producendi effectum ad similitudinem Ideæ; Terminus verò à nullo apprehenditur: quare nulli est ratio producendi sibi proportionatam relationem.

Sed instabis. Ideam esse formam extrinsecam; ergo reducitur ad genus causæ formalis. Respondeo. *Nō ad causam Formalem*
Ideam esse quidem formam extrinsecam, sed non causare per modum formæ, sed per modum principii effectiui determinantis efficiens ad agendum; formæ verò causalitas est seipsa informando causare effectum, & facere talem: quare Idea & si sit forma extrinseca, non tamen per modum formæ causat.

De causa efficiente probatur. Quia terminus nihil producit in fundamento, vt est per se notum.

De causa finali nonnullis quidem videtur causalitatem termini esse persimilem causalitati finis, & ad eam pertinere, sicut enim finis non est causa per aliquam causalitatem à se profectam & à se exercitam, sed per hoc quod alia operantur propter ipsum, ita & terminus, etiamsi nullam habeat causalitatem à se profectam & exercitam: quia tamen relatio est ad ipsum, habet rationem causæ ad modum causæ finalis: reuera tamen est magnum discrimen inter finem & terminum. Nam finis idè est causa, quia est causa operationis agentis propter ipsum; est autem causa operationis, mediante cognitione, qua se agens excitat ad agendum propter finem. Quod si mediante cognitione non moueret agentem ad agendum, esset quidem finis, sed non causa, *Potest esse Finis & non Causa.*
quia non esset villo modo causa operationis propter finem.

nem. Terminus igitur quia nullius operationis est causa, ut fiat; nullo etiam modo habet rationem causæ, quod discrimen est valde notandum.

Dicendum est secundò. Terminum dici posse causam virtuales non quod actu causet, sed quod possit à nobis concipi per modum causæ: sicut & vnum attributum in Deo dicitur causa virtualis alterius, quia fundat conceptum causæ quod est esse causam fundamentaliter & virtualiter.

*An à solo terminus
sumat suam
specificationem
Relatio.*

Quæritur etiam potest an vniuersè verum sit relationem sumere omnem suam essentiam & distinctionem specificam à termino; videtur enim ita rem habere: nam totum esse relationis est esse ad terminum: ergo totam rationem essentiae sumit à termino; quia enim est ad talem vel talem terminum ideo est talis vel talis relatio.

Ex altera verò parte id non videtur. Quia potest esse idem specie terminus, & relationes ad illud terminata erunt specie distinctæ: ergo tunc non sumunt suam speciem à termino: Antecedens patet. Nam eidem albo & aliud album est simile relatione similitudinis, & nigrum est dissimile relatione dissimilitudinis; quæ duæ relationes sunt specie distinctæ. Quod si quis respondeat idem album sub diuersa specie ratione fundandi, esse terminum specie distinctum; nam terminat relationem similitudinis, quatenus est vnum in albedine cum alio albo, relationem verò dissimilitudinis quatenus est diuersum ab alio albo. Contra. Licet hæ rationes fundandi sint diuersæ; tamen terminus in ratione termini constituitur formaliter per albedinem non per unitatem; albū enim albedine terminat similitudinem

mem alterius albi
tate est alteri albe
tas autem solum e
ratio formalis
vnum specie
es.

icendum

ficatione

nto. C

ad

la

n

relat.

ratio, dicitur terminus

ad essentiam relationis: imò magis

fundamentum quam terminus; quia

cum fundamento, vnde magis recipit à fundam.

omnem variationem in essentia quàm à termino à quo

distinguitur realiter.

Ex quo infero, relationem semper quidem sumere
suam essentiam tam à fundamento quàm à termino, vt
dictum est, diuersitatem tamen specificam aliquando
sumere à fundamento tantùm quando fundamēta sunt
distincta specie, termini autem sunt eiusdem speciei.
Sic similitudo albi & dissimilitudo nigri respectu eius
dem albi sumunt à distinctis fundamentis suam distinc
tionem specificam. | vt deducitur in ratione dubi
tandi.

Aliquando à termino tantùm, vt similitudo albi
cum albo, & dissimilitudo eiusdem albi cū nigro à solis

iiii 2

termi-

inibus conuenit relatio realiter
nis non existant; Non enim di
uenire solum per intellectu;
operatione intellectus & nul
spiciant se. Neque dici
realiter quia ista non pos
quos referuntur: er-

onit relationem.

realem & ra

um in ratione

ter existen

entia ex

nia nul

rea

ti-

Relatio potētia
tialis adstruē

ad nomen, nō
esse rela
tione

nem. Terminus igitur quia nullius operationis est causa, ut fiat; nullo etiam modo habet rationem causæ, quod discrimen est valde notandum.

Dicendum est secundo. Terminum dici posse causam virtualem non quod actu causet, sed quod possit à nobis concipi per modum causæ: sicut & vnum attributum in Deo dicitur causa virtualis alterius, quia fundat conceptum causæ quod est esse causam fundamentaliter & virtualiter.

*An à solo terminus
sumat suam
specificationem
Relatio.*

Quæritur etiam potest an vniuersè verum sit relationem sumere omnem suam essentiam & distinctionem specificam à termino; videtur enim ita rem habere: nam totum esse relationis est esse ad terminum: ergo totam rationem essentia sumit à termino; quia enim est ad talem vel talem terminum ideo est talis vel talis relatio.

Ex altera verò parte id non videtur. Quia potest esse idem specie terminus, & relationes ad illud terminatæ erunt specie distinctæ: ergo tunc non sumunt suam speciem à termino: Antecedens patet. Nam eidem albo & aliud album est simile relatione similitudinis, & nigrum est dissimile relatione dissimilitudinis; quæ duæ relationes sunt specie distinctæ. Quod si quis respondeat idem album sub diuersa specie ratione fundandi, esse terminum specie distinctum; nam terminat relationem similitudinis, quatenus est vnum in albedine cum alio albo, relationem verò dissimilitudinis quatenus est diuersum ab alio albo. Contra. Licet hæ rationes fundandi sint diuersæ; tamen terminus in ratione termini constituitur formaliter per albedinem non per unitatem; albū enim albedine terminat similitudinem

nem alterius albi non vnitate; quia albedine non vnitate est alteri albo simile, & tale quale alterum. Vnitas autem solùm est conditio quædam termini non verò ratio formalis constitutiuæ termini: ergo verum est ad vnum speciem terminum terminari distinctas relationes.

Dicendum est relationem sumere suam essentiam, *Tam à Termino* & specificationem non solùm à termino, sed etiam à *no quàm à Fundamento sumit speciem Relationis.* fundamento. Quia de ratione relationis est, vt sit relatio alicuius ad aliquid, ita vt si alterum desit non possit intelligi relatio. Verbi gratia, similitudo non potest intelligi nisi intelligatur id in quo res est similis nempe in albedine: & cui sit similis, nempe albo; id verò cuius proximè est relatio dicitur fundamentum, id ad quod est relatio, dicitur terminus; ergo vtrumque concurrat ad essentiam relationis: imò magis videtur concurrere fundamentum quam terminus; quia relatio est idem cum fundamento, vnde magis recipit à fundamento omnem variationem in essentia quàm à termino à quo distinguitur realiter.

Ex quo infero, relationem semper quidem sumere suam essentiam tam à fundamento quàm à termino, vt dictum est, diuersitatem tamen specificam aliquando sumere à fundamento tantùm quando fundamēta sunt distincta specie, termini autem sunt eiusdem speciei. Sic similitudo albi & dissimilitudo nigri respectu eiusdem albi sumunt à distinctis fundamentis suam distinctionem specificam, vt deducitur in ratione dubitandi.

Aliquando à termino tantùm, vt similitudo albi cum albo, & dissimilitudo eiusdem albi cū nigro à solis

terminis specie distinctis sumunt suam diuersitatē specificam: nam fundamentum est idem. aliquando verò ab utroq; cum & fundamenta sunt specie distincta, & termini vt paternitas & filiatio.

*Quaestio.
An diuersarū
rerum simili-
tudines sunt
specie distin-
ctae.*

Quod si quæras. An similitudo alborum & similitudo nigrorum sint relationes eiusdem speciei; quibusdam enim id videtur cum conueniant in ratione similitudinis; eodem enim modo sunt vtraque sibi similia. alii verò & melius dicunt conuenire has relationes in genere similitudinis; non verò in specie; alia enim est similitudo in albedine, alia in nigredine; vbi enim fundamentum & terminus sunt diuersæ speciei; ibi necesse est & relationes distingui specie, cum essentia relationis ab his duobus desumatur: hic verò accidit ita: Ergo. quod si dicas utrobique esse vnā rationem fundandi, nempe vnitatem & conuenientiam in forma.

Respondeo. Rationem fundandi esse conditionem tantum fundamenti & termini, non verò ipsam rationem formalem fundandi, vt dictum est.

QVÆSTIO XI.

*An relatio realis possit terminari ad
non ens.*

Qui tenent relationes esse de essentia absolutorum; consequenter tenent eas terminari posse ad nō ens, hoc est ad terminum non existentem. Nam scientiam aiunt referri realiter ad scibile non existens in rerum natura; materia quoque est in potentia ad formam nondum habitam; ignis est calefactius ligni nondum existens;

istentis; istis enim omnibus conuenit relatio realiter, etiam si termini relationis non existant; Non enim dici potest has relationes conuenire solum per intellectū; cum circumscripta omni operatione intellectus & nullo cogitante intellectu ista respiciant se. Neque dici potest id esse solum fundamentaliter quia ista non possunt intelligi sine suis terminis ad quos referuntur: ergo illos formaliter respiciunt.

Gabriel in 1. dist. 3. quæst. 5. ponit relationem *Relatio potentia-
tialis adstruit.* potentialem mediam inter relationem realem & rationis, ita ut relatio rationis sit ad terminum in ratione existentem, relatio realis ad terminum realiter existentem, relatio verò potentialis ad terminum potentia existentem; talis enim relatio non est rationis, quia nullo intellectu cogitante conuenit rei: non etiam est realis, quia non est ad terminum realiter existentem: est igitur media.

Dicendum tamen est non posse esse relationem *Ad non ens, nō
potest esse rela-
tio realis,* realem ad non ens seu ad terminum actu non existentem. Quæ sententia est in primis omnium horum qui negant relationes essentielles absolutis. Nam relationes accidentales, concedunt omnes non posse terminari ad non ens. Cum ergo omnes relationes in hac sententia sint accidentales: sequitur nullam posse terminari ad non ens. In particulari autem est expressa sententia. S. Thom. 2. Contr. Gentes. Cap. 1. 2. in 3. argumen- *Sententia S.
Thomæ,* to ubi docet in Deo ad creaturam non esse relationes reales quia in Deo sunt relationes non solum respectu eorum quæ sunt actu, sed etiam eorum quæ sunt in potentia. quia & eorum scientiam habet & respectu eorum dicitur primum ens & summum bonum. Cum igitur eius quod est actu ad id quod non est actu, sed

potentia, non sint relationes reales: non erunt in Deo relationes ad creaturam reales. Probatautem entis in actu ad ens in potentia non esse relationem realem: quia aliàs inquit sequeretur, quod essent infinitæ relationes actu in eodem: quia binarius diceret relationes reales infinitas actu ad infinitos numeros se maiores qui cum sint specie distincti relationes ad ipsos terminatæ essent actu infinitæ.

*Ratio Ferrar.
vocat.*

Ferar. verò ibidem idem probat ex eo, quia nulla forma accidentalis conuenit rebus nisi existentibus; quare & ordo inter terminos relatiuos, cum sit forma quædam accidentalis non potest non existentibus conuenire. Nam & propter aliquam realem formam subiectum habet quod referatur ad terminum. Et terminus quod huiusmodi ordinem terminet, habet ex aliqua forma inexisterente reali. Quia ergo ens in potentia non habet vllam formam realem inexistentem, idcirco non potest terminare actu.

*Mens D. Tho.
qua.*

Diuum Thomam defendit Capreolus in 1. distincti 30. quæst. 1. artic. 1. Vbi ait scientiam non referri relatione reali ad scibile in potentia, sed relatione duntaxat rationis. Neque verò dici potest S. Thom. solum loqui de relationibus accidentalibus & Prædicamentalibus; quia mens D. Thom. est auferre à Deo omnes relationes reales ad creaturas siue accidentales siue essentielles fingantur. Nam relatio scientiæ ad scibile in potentia, est vna ex essentialibus rationibus quæ statuuntur: & tamen hanc negat in Deo esse realem & ex consequenti neque essentialem scientiæ quia si esset essentialis esset realis. Negat autem ex illo vniuersali principio: Entis in actu ad ens.

ens in potentia non potest esse relatio realis. Quod principium si esset falsum in relationibus transcendentalibus, S. Thom. non rectè probasset relationem scientiæ & Omnipotentiae non esse realem in Deo; quia ista referuntur essentialiter, ac proinde realiter ad ens in potentia.

Probatur igitur ratione conclusio primò. Nulla operatio potest realiter exerceri circa nihil, etiamsi illud sit ens in potentia. Paret id inductione. Nulla enim forma potest realiter afficere subiectum in potentia existens: albedo non potest realiter facere album parietem, in potentia existentem; nec paries potest realiter recipere albedinem in potentia existentem; nullum efficiens potest agere in nihil, verbi gratia, ignis non potest agere in lignum potentia existens, nec illud calefacere: neque potest etiam quisquam comedere realiter panem potentia existentem, similiter non potest aliquis realiter sedere in sede in potentia existente; nec habitare realiter in domo nondum existente; neque ambulare in pavimento nondum existente, neque existere in spatio nondum existente.

Alia ratio.
I.

*Circa non est
non potest esse
operatio.*

Horum omnium ratio communis est; quia ad realitatem respectivam requiritur realitas utriusque termini, Et sicut non potest vnum realiter ad aliud referri per operationem, nisi ambo existant, neque per realem inexistenciam, nisi similiter existant, ita neque per realem terminationem, nisi actu existant; realitas enim respectiva poscit utrumque terminum realem existentem.

Secund

2.

Secundò probatur & alia ratione: Quia non ens non habet in se reale fundamentum, quo possit terminare actum relationem. Pro quo noto primò: relationem actualem requirere terminum actu, hoc est, qui sit actu terminus, non potentia tantum. Nam si terminus, sit solum potentia terminus, poterit terminare relationem, non verò actu terminabit; relatio verò debet ad suum terminum terminari actu non potentia; alioqui solum esset potentia relatio, non actu, quia posset terminari ad aliquem terminum, non verò de facto terminaretur.

Terminus debet esse actus terminus,

Dices Ens in potentia, est actu ens in potentia: Ergo actu potest terminare per suam entitatem in potentia. Respondeo primò. Esse actu in potentia, est nullum habere actum essendi: Quod si nullum habet actu essendi, non habebit etiam actum quo possit terminare. Respondeo secundò. Ens dici ens in potentia non ab entitate quam habeat intrinsecè, sed per denominationem extrinsecam à causis potentibus illud producere: Quare & in se ipso intrinsecè est nihil, & in suis causis est aliquid in potentia: Terminata autem relationem ens in potentia, ut per rationem apprehenditur.

Ens in potentia unde dicatur.

Notandum secundò. Ens in potentia, non potest esse terminum actu relationis realis. Nam et si possit esse terminus actu relationis rationis, quia talis relatio non requirit terminum in re, sed tantum in ratione existentem; tamen non potest esse terminus actu relationis realis, si tantum in potentia existat. Quod ita probabo. Terminus constituitur terminus per suum fundamentum quod est ratio quædam realis, fundans rationem termini; nisi enim haberet terminus in se fundamentum per quod constitueretur, & qui esset causa terminan-

Ens in potentia non potest esse terminus actu.

minan-

minandi, non posset terminare relationem. Nam quod album terminat relationem similitudinis, & non dissimilitudinis alterius albi, id non oritur nisi ex fundamento, quod per suam albedinem, quam habet, constituitur aptum proximè & sufficienter ad terminandam relationem similitudinis non dissimilitudinis; ita ut albedo in termino, sit fundamentum & causa terminationis; Non enim quidlibet, potest terminare quidlibet, sed tantum id quod habet in se fundamentum talis terminationis.

Cum igitur ens in potentia, non habeat actu ullam rationem terminandi, non poterit etià actu terminare, & esse actu terminus; Fundamentum enim & ratio terminandi est entitas ipsius: atqui ens in potentia nullam habet entitatem actu: ergo nullam habet actu rationem terminandi, ac ex consequenti non est terminus actu. Pariet, verbi gratia, actu albus si dicatur esse actu similis parieti potentia existenti, debet paries ille in potentia existens habere aliquod fundamentum actu, per quod terminet actu relationem alterius parietis. Cum verò ratio terminandi sit albedo, debet hanc rationem terminandi habere actu, si debet esse terminus actu; non enim potest esse terminus actu, nisi per rationem terminandi actu: atqui non potest habere hanc rationem terminandi, hoc est, albedinem actu, nisi albedo actu existat: Ergo non potest esse terminus actu si sit ens in potentia, sed tantum si sit ens actu.

Responderi potest. Terminum esse actu terminum, non actu aliquo intrinseco (sic enim deberet esse ens in actu non potentia) sed actu extrinseco, eo quod aliud actu terminatur ad ipsum, ad eum modum,

Responsio.

K k k k k.

quo.

quo relatiua tertij modi, dicuntur relatiua, ex eo quod alia referantur ad ipsa, vt scibile, dicitur scibile, quia de illo est scientia. Hoc igitur modo terminus erit actu terminus; quia relatio actu terminatur ad ipsum, nō quod in seipso intrinsecē sit actu.

Refellitur.

Sed hæc responsio non tollit difficultatem. Nam terminus constituitur in ratione termini, non sola extrinseca relatione ad ipsum, sed sua intrinseca ratione terminandi, quam diximus esse fundamentum terminationis. Nam sicut ratio referendi, est fundamentum relationis: ita ratio terminandi, est fundamentum terminationis. Nam quod relatio terminetur ad talem terminum & non ad alium, id ex eo prouenit, quia in tali termino inuenit rationem terminandi, quam non inuenit in alio; ita vt relatio non terminaretur ad talem terminum, nisi in illo inueniretur rationem terminandi sufficientem. Cum igitur non possit habere terminus actu rationem terminandi, nisi existat actu, sequitur non posse esse terminum actu, si solum sit ens in potentia.

Ex quibus infero. Nullam relationem realem, posse terminari ad ens in potentia, sed solum ad ens in actu. Nam quod quidam dicunt, rationem terminandi esse essentiam non existentiam. Respondeo. Essentiam non posse esse rationem terminandi relationem realem nisi actu existat; debet enim ratio terminandi, actu conuenire termino, vt illum constituat in ratione termini actu.

Obiectio.

At obiiicies primo, scientia potest referri ad terminum fictum & impossibilem; imò ad negationem & nihil; hæc enim omnia sunt cognoscibilia, etiam si non
exi-

existant actu neque existere possint, & sicut habent unde cognosci possint, ita habent, unde possint terminare relationem.

Respondeo, neque ad ficta, neque ad impossibilia esse relationem realem scientiæ. Nam ficta & impossibilia, eatenus sciuntur quatenus existunt in intellectu, non verò quod scientia realiter referatur ad ipsa extra intellectum, quia extra intellectum omnino nihil sunt, nec esse possunt. Quare extra intellectum nihil est, ad quod possit, vel debeat terminari relatio realis scientiæ. Cum igitur scientia dicitur esse de rosa non existente; non est sensus, scientiam terminare suam relationem ad rosam non existentem extra intellectum; talis enim rosa nihil est, sed sensus est, de rosa apprehensa per intellectum & in intellectu existente esse scientiam, quæ quidem rosa est loco rosæ realis, sicut signa, & voces, & imagines, sunt loco rerum, quod magis in disputatione decima sexta de scientia explicabitur.

*Ad obiectionem
Quia non est realis
latio realis;*

Obiicies secundò. Materiam referri relatione potentiz ad formam nondum habitam, hanc autem esse relationem realem, pater: quia secluso omni intellectu materia est in potentia ad omnem formam: Ergo potest aliquid realiter referri ad non ens.

Respondeo. Materiam esse in potentia reali ad omnes formas etiam absentes, non per aliquam relationem realem terminatam ad formas non existentes; talis enim relatio est impossibilis, sed tum ob fundamentum, ratione cuius ex parte sua est apta referri, existente termino, tum ob non repugnantiam naturalem ad illas habendas, & recipiendas;

*Materia nō dicitur
relationem
realem ad formas
non existentes.*

Potentia enim supra entitatem materiæ, nihil addit, nisi non repugnantiam realem fundatam in natura, quæ non repugnantia est negatio, & convenit materiæ realiter, eo modo, quo negationes reales conveniunt rebus; esse enim negativum, est non esse reale rerum negatarum.

Quod si concipimus relationem quandam potentia terminatam ad formas non existentes, talis relatio est concepta, & formaliter est in intellectu, fundamentaliter in re. Et idem dicendum est de aliis relationibus potentialibus, ut cum dicimus ignem posse calefacere lignum non dum existens, talis potentia est realis, non propter aliquam relationem materiæ ad lignum non existens, sed propter realem & naturalem aptitudinem seu non repugnantiam, ad calefaciendum, quæ repugnantia intelligitur sine vlla relatione positiua terminata ad non ens.

Addo, quod si concedatur semel relationes potentiales esse reales, non solum relationes transcendentales, sed etiam prædicamentales, possent realiter terminari ad ens in potentia; quod tamen isti authores non concedunt. Probat. Quia paries albus potest esse similis alteri albo in potentia. Et idem dicitur de aliis relatiuis, quæ referuntur ad terminos relationis potentia.

Opinio Gabrielis de relatione potentiali refellitur.

Quod verò docebat Gabriel relationes potentiales esse quid medium inter relationes reales & rationis, hoc nullo modo potest esse verum: tum quia inter ens reale & ens rationis non datur mediū: quidquid enim est extrarationem, reale est. tum quia relationes potentiales cum non sint reales (nisi fundamenta-

liter)

liter) ad rationem pertinent formaliter, licet non sine fundamento in re: Nam & si res sunt in potentia ad aliquid realiter, id tamen non per positivam relationē realem, sed per nō repugnantiam realem accipi debet. Quod si relatio aliqua intermedia cogitatur, illa est in intellectu formaliter, & solum fundamentaliter à parte rei.

Obiicitur tertio. Secundum Arist. 5. Met. Cap. 20. inter relativa secundi modi ponitur factivum & factibile, calefactivum & calefactibile, quæ relativa terminantur ad ens in potentia. Loquitur autem ibi sine dubio de relationibus realibus. In relativis etiam tertii modi ponit, scientiam quæ refertur ad obiectum non existens: ergo voluit esse relationem realem ad obiectum non existens. Respondeo Aristotelem dicto loco solum explicare varios modos relationum, non verò determinare an omnes sint reales vel rationis: nam & proportionum numerorum ibi recenset inter alias relationes, quæ tamen fundantur in numero, qui non existit, nisi per operationem intellectus.

Greg: in 1. d. 28. q. 3. tenet, tam ens ad non ens, quàm non ens ad ens posse referri realiter, hoc est sine vlla operatione intellectus. *Gregorij opinio de relatione inter Ens & non ens.* Primum probat; hoc est ens ad non ens realiter referri; primò: quia datur à parte rei imago rei non existentis: at imago qua imago, est alicuius imago: ut enim ait August. 7. de Trinitate cap. 1. quid absurdius est quàm imaginem ad se dici? ergo imago refertur realiter ad rem nō existentem. Secundò: quia datur à parte rei memoria rei non existentis & præteritæ: memoria autem dicitur relatiuè ad id cuius est memoria, idq; etiam tunc cum actu non cogitat homo de re, est enim memor eius saltem habitualiter.

3.

Tertiò: quia realiter aliqua dicuntur actiua & passiva: at actiuum & passiuum dicitur respectu rei agibilis actu non existentis: ergo datur relatio ad non ens.

*Non ens ad ens
refertur realiter.*

1.

Secundum verò probat hoc est non ens ad ens realiter referri. Primò: quia omnia relativa dicuntur ad convenientiam, ergo si ens ad non ens refertur realiter, pari ratione non ens ad ens referetur realiter: quocirca sicut productiuum realiter dicitur ad producibile; ita producibile quod est non ens vicissim dicitur realiter ad productiuum; similiter imaginatum non existens ad imaginem & memoratum ad memoriam. Referuntur autem ista realiter; quia siue ista considerantur ab anima, siue non, producibile est producibile à productiuo. Nam sicut non ens habet in se rationem terminandi relationem realem, ita & fundandi.

2.

Secundò. Omnis causa refertur ad causatum: atqui aliquid non existens est causa realis alicuius existentis, ergo aliquid non existens refertur realiter ad existens. Minor patet. Quia finis non existens est causa alicuius effectus iam facti propter illum finem. Verbi gratia, fructus futuri, sunt finis florum & foliorum; folia enim & flores à natura diriguntur ad fructus tanquã ad finem; natura enim agit propter finem & si non cognoscat finem.

Refellitur Gregorius.

Verum quod ad primam Greg. conclusionem attinet ea sufficienter est refutata ex dictis, non enim nihil reale actu conuenit; (alioqui quoad illud esset ens actu, non in potentia) ergo neque conuenit actu ratio realis terminandi, sine qua non potest actu terminare; si enim nihil habet actu, per quod terminet, non potest actu terminare.

Vnde ad primam rationem Greg. respondeo. Imaginem,

iginem nō referri actu ad imaginatum, nisi imaginatum *Imago non re-*
 existat: nam si nō existit nihil est ad quod referri possit. *fertur realiter*
ad non ens.
 Solū ergo fundamentaliter refertur, hoc est funda-
 mentum habet sufficiens ad hoc vt referatur, ita vt ex
 parte sua sit sufficiens, vt referatur quando res illa extite-
 rit. Sicut paries albus est similis parieti eras futuro albo,
 non quia actu exerceat similitudinem, sed quod ex par-
 te sua habet omnia per quæ sit similis, & solū ex defe-
 ctu termini qui non existit non est actu similis. Ex quo
 patet rei illi quæ est imago, esse accidentale esse imagi-
 nem, & referri realiter ad aliud.

Ad secundam: memoria est rei præteritæ non
 quod cognitio referatur actu ad aliquid extra intelle-
 ctum, sed quod illius rei quæ erat realiter extra intelle-
 ctū formatur in intellectu representatio & similitudo:
 quæ tamen similitudo non est actu similitudo relata ad
 illud: sed tantum est actu fundamentum sufficiens &
 proximum talis relationis. Potest tamen per intellectu
 referri ad rem apprehensam.

Ad tertiam: res dicitur actiua realiter, ratione fun- *Actiuum non*
 damēti realis, & realiter sufficiens ad agendum actu, nō *refertur reali-*
 ob realem relationem terminatam ad agibile. Pro quo *ter ad non ens.*
 noto. Calefactiuum dupliciter dici potest potentia cale- *Calefactiuum*
 factiuum: primò relatiuè propter relationem potentia- *relatiuè.*
 litatis terminatam ad terminum potentia existentem:
 & hanc dico relationem esse rationis, non realem: quia
 nihil est ad quod realiter terminari possit talis relatio;
 secundò; absolutè propter naturam fundantem illam *Absolutè.*
 habilitatem & aptitudinem ad calefaciendum: & hoc
 modo dicitur realiter calefactiuum, quia realiter est ta-
 le vt ei conueniat posse calefacere: quæ habilitas natu-
 ræ est absoluta in se, & non nisi per additam relationem
 dicitur relatiuè.

Obii-

Obiicere tamen quis posset ens in potentia habere unde possit terminare relationem: tum quia plus dicitur ens in potentia quam nihil quod neque actu nec in potentia est aliquid: hoc ergo ipso quo ens potentia excedit merum nihil, potest terminare ad se relationem realem; tum quia ens potentia, est actu ens in potentia, non enim est in potentia ad esse in potentia, sed actu non potentia illi convenit esse in potentia: ergo habet aliquem actum ens potentia, quo possit actu terminare relationem.

*Ens potentia
nullum habet
actum.*

- Respondeo. Ens potentia nullum habere actum in se, quo possit terminare relationem. Nam si haberet aliquem actum secundum illum actum esset ens actu non potentia: si ergo aliquid sit pure ens in potentia, implicat contradictionem habere aliquem actum; esset enim actu & potentia secundum idem. Deinde si haberet aliquem actum, esset secundum illum actum extra suas causas, & sic non esset ens in potentia; quod enim actu est extra suas causas, est & extra potentiam causarum suarum. Adhuc si est extra suas causas, erit procul dubio ens productum, quare cum ab æterno fuerit mundus in potentia, ab æterno fuisset productus secundum aliquem actum, quod est falsum.

Ad primam igitur probationem respondeo, ens in potentia superat quidem merum nihil, non aliquo actu presenti, sed futuro aut possibili, secundum quem erit actu aut esse, potest, licet de factum non sit actu, quare cum ad terminationem actualem requiratur aliquid actu quod terminet, ens autem potentia nihil tale habet actu, ex consequenti nihil habet unde terminet actu relationem.

Ad secundam, respondeo; ens potentia esse actu ens in.

in potentia, non est habere aliquem actum positivum existendi, sed est posse existere actu: & hanc possibilitatem ei convenire actu. non intrinseco sed extrinseco, facta denominatione extrinseca à causis actu potètibz illud producere. Vnde nullum actum intrinsecum habet, quod ad rationem termini actu, requiritur.

Secunda verò conclusio Greg: refellitur primò auctoritate D. August. 2. de Trinitate cap. 11. ubi ait si non esset homo, id est aliqua substantia, non esset qui relatiuè dominus diceretur: & si non esset equus quædam essentia, non esset quod iumentum relatiuè diceretur: ita si nummus nō esset aliqua substantia nec arca posset dici relatiuè. qua propter si & pater non est aliquid ad se ipsum, non est omnino qui relatiuè dicatur ad aliquid. Quibus verbis August. docet nihil posse dici relatiuè ad aliud, nisi sit aliquid essentialiter in se, non ens autē nihil est in se: non potest igitur dici relatiuè. Neque valet responsio Greg: aliquas relationes non posse verificari nisi de rebus quæ existunt, & de iis loquitur August. aliàs verò æquè verificari de existentibus & nō existentibus, vt esse producibile esse cognitum & de his non loquitur August. Contra: ex inductione vniuersali deducit August. relationē Patris non posse convenire Patri nisi pater sit quædam essentia in se, inducitur autem nihil concludit nisi sit vniuersalis: ergo vniuersaliter de omni relatione locutus est August. Deinde loquitur etiam de relatione vt relatio est non verò sub aliqua limitata ratione relationis; nullam enim talem limitationem addit: ergo intendit omnem relationem supponere aliquam essentiam existentem, & per consequens non entis nullam esse posse relationem realem.

Autem in potentia sit actus ens in potentia

Non ens non refertur realiter ad Ens.

I.

D. Augustinus.

Mens Augustini.

2.

*Relatio non potest
conuenire
momentis.*

Secundò. Si non ens potest referri realiter, peto an relatione existente actu, an existēte potētia: si primū; illa relatio vel erit accidens vel substantia: Si accidens; supponet subiectum existens, quia in existentia dependet à subiecto, eiq; innititur; non ens autem non potest esse vllius rei subiectum; si substantia: impossibile est puram relationem esse per se subsistentem, sed requirit aliquam aliam essentiam à relatione distinctam quæ referatur illa relatione, vt argumentabatur S. August. Est enim de ratione relationis vt sit alicuius ad aliquid relatio; non enim sui ipsius est relatio sed alterius alicuius essentia ad alterum terminum. Si verò dicatur secundū; sequitur non ens non referri sed tantū posse referri; sicut enim relatio actu existens facit actu referri ita relatio potentia existens, facit posse referri. Nos autē quærimus an non ens referatur realiter & actu ad ens.

3.

*Fundamentum
relationis debet
esse aliquid a-
ctu existens.*

Tertiò. Ad relationem realem requiritur reale fundamentum actu: si enim nihil sit actu, nihil erit quo actu fundari possit relatio: atqui non ens nihil habet actu: ergo nihil habet quo fundare actu possit relationē. quæ omnia simili modo probantur sicut de actuali terminatione probatum est supra.

Aliæ rationes.

Quidam addunt aliam probationem. Relatiua, inquiunt, definiuntur esse illa, quorum esse est ad aliud se habere; ergo relatiua supponunt esse; prius enim est esse quam ad aliud esse.

Sed hæc ratio solū probat formale esse relatiuum, esse ad aliud se habere, non verò quod supponat aliud esse relationi substratum. Nam quod dicitur, prius est esse quàm ad aliud esse, hoc ipsum in ipsa relatione formaliter accepta intelligitur; relatio enim prius ratione
conci-

concipitur esse in se quam ad aliud esse, quocunq; tandem modo isticonceptus distinguantur.

Secunda probatio est. nihil non potest fundare ullam relationem, ac non ens, est nihil. Ergo non potest fundare ullam relationem. Maior probatur. Quia nihil, cum sit nihil, nihil habet siue quo sit, siue quo fundet relationem, relatioq; in nihilo fundata est non fundata: non fundata autem relatio, non est relatio: cum ad rationem spectet fundamentum & terminus.

Responderi potest nihil actu & potentia non posse fundare ullam relationem, quia nihil omninò habet, quo fundet; ac ens potentia non est nihil omninò, sed tantum est nihil actu, non nihil autem potentia. Sed contra. ad fundandam actu relationem opus est habere aliquid actu in quo fundetur relatio: ac ens potentia, habet quidem aliquid potentia, quo potest fundare relationem, non tamen habet aliquid actu, quo actu fundet relationem.

Ad primum argumentum Greg: respondeo. Omnia quidem relativa ad conuertentiam dici, si conuenienter assignentur, vt probat hoc loco Aristot: id tamen verum est quoad conuertentiam relationis non quoad conuertentiam realitatis: Nam scientia & scibile quoad relationem conuertuntur: omnis enim scientia alicuius scibilis est scientia, & omne scibile aliqua scientia est scibile; tamen relatio scientiæ est realis, scibilis verò relatio est rationis.

At inquires producibile, est realiter producibile; ac producibile respectu alicuius productiui est producibile; ergo relatione reali est producibile. Respondeo. Produ-
 LIII 2. produ-

Relatiua ad conuertentiam dicuntur quo sensu

Producibile non refertur realiter

producibile cum non existat in se realiter, nullam quorū
realem rationem fundat; hæc enim relatio esset accidē-
talis, & non posset existere in subiecto potentia existen-
te: non igitur ab aliqua relatione reali positiua dicitur
producibile, sed à potentia ad existendum realiter; id
enim dicitur producibile realiter quod cum realiter nō
existat; potest tamen realiter produci & existere, potest
autem realiter produci denominatione facta à potentia
reali potente producere.

*Finis quomodo
causa.*

Ad secundum respondeo. Finis cum sit non ens nō
potest esse Causa, nisi quatenus realiter apprehensus;
mediante enim apprehensione mouet agens vel ad agē-
dum propter ipsum vel ad determinandum aliud agens
ad agendum propter ipsum. primo modo agentia mo-
uentur ex cognitione à fine: posteriori modo agentia
naturalia determinata ad suos fines à Deo agente per
intellectum & præscribente suos fines cuiq;. Si igitur
finis esset merum non ens tam in apprehensione quàm
in se, nullo modo posset esse causa realis. At dices.
Saltem agentia naturalia mouentur in suos fines, qui

*Agentia natu-
ralia ex deter-
minatione a-
gunt propter
finem.*

sunt non entia. Respondeo. Non moueri per aliquā
relationem realem ad ipsos non existentes, sed solum
quatenus efficiunt aliqua per quæ producitur effectus,
per modum finis intentus aut determinatus. Sicut cum
producuntur flores propter fructus: producere flores
est moueri ad finem, quia est producere propter finem
apprehensum & cognitum à prima causa, Deo; ita ut
seclusa cognitione finis, agentia nō agerent propter fi-
nem, sed tantum agerent ea quæ agunt nō referendo ea
in finem; nunc autē referunt quæ agunt in finem, quia
determinantur à prima causa ad agendum ex cognitione
& intentione talis finis: de quo plura in Physica.

QVÆSTIO XII.

An ad Relationem realem requirantur extrema realiter distincta.

Quæstio est de relatione reali. nam ad relationem rationis sufficit distinctio extremorum per rationem facta: sic intellectus bis concipiendo Petrum, refert ipsum ad seipsum relatione identitatis. Porro extrema possunt esse realiter distincta, primò, materialiter tantum, hoc est, quoad subiecta, cum solum subiecta relationum distinguuntur realiter, non verò fundamenta. Sic Scotus in diuinis putat relationem æqualitatis & identitatis personarum esse realem: quia extrema sunt realiter distincta licet idem sit quasi fundamentum huius relationis in tribus personis, nempe essentia diuina. Idem etiam accideret si eadem numero albedo esset in duobus subiectis; tunc enim subiecta illa essent similia realiter & realiter distinguerentur licet fundamentum huius similitudinis esset unum & idem in utroque.

*Extrema distincta
guuntur realiter
Quoad subiecta.*

Secundo formaliter quoad fundamenta quando fundamenta relationum, in quibus formaliter fundatur relatio, distinguuntur realiter, ut cum duo parietes sunt similes in albedine, habent duas albedines realiter distinctas, fundantes similitudinem. Extrema enim relatiua constituuntur in ratione extremorum formaliter per fundamenta.

Quoad fundamenta.

Prima igitur sententia asserit ad relationem realem requiri ut extrema formaliter accepta sint ex natura rei distincta ita Suarius 2. Metaph. disput. 47. Sect. 9. fundamentum est: quia de ratione relationis in com-

s. opinio.

muni est esse ad aliud ergo & de ratione relationis realis est esse ad aliud reale; at ubi est aliud & aliud reale, ibi est distinctio realis, ergo. Est etiam hæc sententia S. Thom. 1. part. quæst. 42. artic. 4. ad 3. ubi propter hanc causam negat æqualitatem inter diuinas personas esse relationem realem. Addit verò Suarez, non requiri vniuersè distinctionem realem suppositorum. si enim Verbum assumeret duas naturas humanas, essent illæ nature sibi realiter similes, & Verbum ratione ipsarum.

*Suppositorum
distinctio non
requiritur.*

2. Opinio.

Secunda sententia est Scoti In. 1. dist. 31. quæst. 1. ad relationem realem non requiri distinctionem extremorum formalem, hoc est, secundum fundamenta, sed sufficere distinctionem materialem, secundum subiecta. Vnde infert æqualitatem & identitatem inter diuinas personas esse relationem realem, quia habet tria requisita ad relationem realem: primò extrema realia, secundò realiter à se distincta, tertio ex natura rei ad se relata; Quamuis. n. eiusdem ad se ipsum neget esse relationem realem, quia nō sunt extrema realiter distincta; tamen si extrema sint realiter distincta, & sint idem in aliqua forma communi habebunt & distinctionem extremorū sufficentem ad relationem, & sufficientem causam ad hoc vt realiter referri possint. Forma enim illa sicut afficit vtrumque; ita est vtrique ratio sufficiens ad hoc vt referatur.

3. Opinio.

Tertia sententia est Vázquez. 1. part. distinct. 166. qui dicit aliquas relationes reales requirere distinctionem realem fundamentorum, aliquas non; vult enim relatiua primi modi, necessario postulare distinctionem realem fundamentorum; quia prius referuntur

tus.

tur ad inuicem fundamenta, deinde ratione fundamentorum referuntur subiecta, verbi gratia, prius duæ albedines sunt inter se similes, tum ratione ipsarum duo alba sunt similia: necesse igitur est prius ipsas esse re distinctas, quàm subiecta. In relatiuis verò secundi modi, ait non requiri hanc distinctionem realem fundamentorum: Existimat enim relationes secundi modi fundari non in potentia actiua & passiuâ, sed in ipsamet actione & passione; actio autem & passio non sunt realiter inter se distincta; eadem enim res ut ab agente est actio, ut est in passio est passio. Quare sicut eadem numero res fundat actionem & passionem; ita etiam poterit fundare relationes agentis & patientis.

Dico primò non requiritur ad relationem realem in communi, distinctio realis suppositorum seu subiectorum, ut bene ait prima sententia. Ratio est: quia quod requiritur ad relationem realem in communi, requiritur ad omnem relationem realem: atqui non omnis relatio realis postulat distinctionem realem suppositorum extremorum. Ergo relatio incommunitalem distinctionem non requirit.

*Relatio vniuersa
se non requirit
distinctionem
realem suppositi-
torum.*

Minor patet. primum in exemplo Verbi assumentis duas naturas sibi similes: tunc enim idem suppositum secundum diuersas naturas esset sibi simile. Corpus etiam Christi in cœlo dicit relationem distantie vel propinquitatis ad seipsum in sacramento.

In relatiuis etiam secundi modi est id manifestum. Etenim sicut actio potest esse eiusdem in seipsum; ita & relatio realis consequens actionem erit eiusdem ad seipsum, sine vlla distinctione reali, ut patet in potentiis animæ

animæ cum producit suos actus immanentes in seipsis. Idem enim est agens & patiens, eadem etiam est potentia actiua & receptiua, quæ sunt fundamenta relationis.

*Agens refertur
realiter ad sei-
psum.*

1.

2.

3.

Dices posse esse actionem realem in seipsam; non-
verò relationem realem ad seipsum. Contra. Quæ-
maior relatio potest esse quàm per actionem? Idem e-
nim verè pendet à seipso, in eo quod recipit à seipso per
actionem. Actio etiam est ex illo entium genere quæ
vel sunt relatiua vel sine relatione intelligi nō possunt;
omne enim agens respectu alicuius est agens, quia rem
aliquam agit, & omne patiens respectu alicuius agentis
est patiens. Ad hæc negari non potest in actione im-
manenti esse relationem realem inter terminum pro-
ductum & producētem. Relatio enim producti ad pro-
ducentē non potest esse nō realis. Cum igitur huius re-
lationis subiectū sit ipsum agens: sequitur ipsum agens
referri realiter ad seipsum. Relatio enim suum subie-
ctum, quod afficit, refert. Requiritur ergo ad talem re-
lationem non ut sint supposita in se distincta (hoc enim
tunc solum requiritur, cum ipsa supposita producuntur)
sed ut producatur forma aliqua, realiter ab agente &
pariente distincta, efficiens & disponens utrumque ad
mutuam relationem, siue quod forma producta sit
fundamentum relationis agentis & patientis ut vult
Vasquez ita ut quemadmodum à forma producta su-
mitur denominatio agentis & patientis ita & relatio a-
gentis & patientis; siue ut communior fert opinio, re-
latio agentis & patientis fundetur in potentia actiua &
passiua, ut reducta ad actum per actionē & passionem,
quæ est realiter distincta ab utroque.

*Quia sit distin-
ctio realis in
tali casu.*

Dico secundò. Relationes reales ex propria sua na-
tura

extra requirere aliquam distinctionē realem extremo-
rum. Probatur inductione primò in relationibus pri-
mi modi fundatis in vnitāte & multitudine; Vt enim *Inductio.*
rectè docent Vasquez cum Caiet. in hoc genere relati-
onum, fundamenta primò ad se referuntur; & deinde
ratione fundamentorum ipsa subiecta; prius enim duæ
albedines sunt similes inter se, cum faciunt parietes si-
miles; & duæ quantitates prius sunt æquales inter se,
quàm faciunt duo ligna æqualia. Cùm igitur fundamē-
ta ad se referri non possint, nisi sint realiter distincta;
necesse est fundamenta talium relationum esse distin-
cta, & ex consequenti ipsa extrema.

Dices. Cur relationum harum fundamenta, non
possunt ad se referri nisi sint distincta realiter? Re-
spondeo. Quia eiusdem ad seipsum secundum ean-
dem omnino rationem, non potest esse relatio realis,
vt omnes concedunt; fundamenta autem primi modi
cum sint eiusdem omnino rationis, nisi distinguantur
realiter, non habent alium modum quo in re di-
stingui possint. Necesse ergo est vt distinguatur rea-
liter seipsis. Nam in relatiuis secundi modi actiuum
& passiuum non differunt quidem realiter seipsis, dif-
ferunt tamen per formam per actionem productam &
receptam, quæ tam ab agente quàm à patiente realiter
distinguitur: at albedines nisi realiter seipsis distinguā-
tur, non habent vnde distingui possint.

Secundò probatur de relationibus secundi modi. *In relatiuis se-*
Fundantur enim quædam in tali actione, quæ non potest *cundi modi.*
recipi in agente, sed in distincto, subiecto ab agente,
vt sunt omnes actiones transeuntes. Aliæ verò quæ fun-
dantur in actione immanenti non habent quidem sub-
iecta realiter distincta, habent tamen terminum for-

malem realiter distinctum tam ab Agente quam à patiente, nempe formam quæ per actionem producitur in potentia. quæ distinctio sufficit ad relationes huius generis.

*In relatiuis
tertij modi.*

Tertio idem probatur de relationibus tertij modi, ut est relatio scientiæ ad scibile, quæ nisi fiat re ipsa distincta, non possunt ad se realiter referri, Quia quæcumque ad se realiter referuntur, vel ex seipsis realiter referuntur, & ad hoc requiritur ipsorum realis distinctio, cum eiusdem ad seipsum non possit esse realis relatio; vel si non sunt ipsa realiter distincta, habent tamē aliquid tertium realiter ab utroque distinctum, quod est illis ratio ut realiter ad se referantur, ad eum modum quo in actione immanente agens & patiens, etiam si realiter sint idem tamen propter realem actionem & formam productam utrumque afficientem, habent quasi ab extrinseco, ut realiter ad se referantur; Cum alio qui non possent referri ob indistinctionem unius ab altero. Quando igitur scientia & scibile sunt idem, realiter neque ex seipsis possunt ad se referri realiter, neque habent causam extrinsecam ob quam realiter referri possint. Vnde fit ut nullo modo possint referri realiter, nisi distinguantur realiter.

*Scientia & scibile
quādo referantur ad se
realiter.*

*Non par distinctio
realis requiritur in omnibus
relationibus.*

*Idem ad seipsum
quando referatur
realiter.*

Ex dictis infero primo. Requiri quidem aliquam distinctionem realem inter extrema relatiua. non tamen parem in omnibus ut dictum est. Et sic verum est, quod dici solet, omnem relationem esse ad aliud; ita, ut relatio ad seipsum si esse debeat realis, debeat esse ad seipsum tanquam ad aliud, quia eatenus est ad seipsum, quatenus aliud quid à seipso in seipso producitur, quod fit per actionem immanentem. Nam & si idem ad seipsum ex seipso non possit habere relationem realem propter indistinctionem sui à seipso; tamen

men

men potest ex aliqua re sibi adueniente id acquirere, ut referatur ad seipsum, sicut diximus de actione in seipsum; talis enim actio ponit formam productam quæ est causa sufficiens ut agens referatur ad seipsum, etiam si sit cum seipso idem.

Infero secundò contra secundam sententiam, ad relationes primi modi, ut sint reales, non sufficere distinctionem realem subiectorum, sed requiri distinctionem realem fundamentorum quod est extrema distinguendi formaliter ut extrema sunt. Ratio est allata in secunda conclusione. Quocirca neque inter diuinas personas relatio æqualitatis, similitudinis, identitatis, est realis; neque si daretur vna numero albedo in diuersis subiectis, illa subiecta referrentur ad se realiter relatione similitudinis; quia in his relatiuis prius formæ inter se referuntur. cum ratione formarum subiecta: Forma autem si est eadem in vtroque non potest ad se ipsam referri realiter, cum eiusdem non possit ad seipsum esse relatio realis. Sicut enim albedo non est similis sibi ipsi, nec refertur ad se relatione similitudinis; ita nec est eadem sibi ipsi nisi per rationem bis idem apprehendentem & conferentem cum seipso: in re verò solum albedo est id quod est, neque est eadem sibi ipsi, neque diuersa à seipso: nisi fundamentaliter, quia est fundamentum ut eadem sibi ipsi cõcipi possit cum relatione ad se ipsam. Quia igitur subiecta dicuntur esse idẽ in aliquo, ex eo quia forma vtrique communis est eadem sibi ipsi; sequitur, cum identitas formæ cum seipsa non sit relatio realis neque identitatem subiectorum ratione formæ esse realem. Cum identitas subiectorum in aliqua forma, oriatur ex identitate formæ cum se ipsa.

Atinquier. Forma producta ab agente in passo, est sufficiens causa vt agens referatur realiter ad passum, etiam si agens sit idem realiter cum passo. Ergo multo magis albedo existens in duobus subiectis realiter distinctis, erit causa vt realiter illa subiecta referantur ad inuicem.

Respondeo disparem esse rationem, ob disparem naturam fundamentorum. Nam fundamenta relationum primi modi habent hanc naturam, vt prius ad se referantur, tñm sua relatione faciunt referri subiecta; vnde si relatio fundamentorum non fuerit realis, neque relatio subiectorum erit realis. Itaque albedo eadem posita in duobus non est causa sufficiens ad fundandam realem relationem identitatis subiectorum; quia non est sufficiens ad fundandam relationem realem identitatis cum seipsa. At in relationibus secundi modi forma producta, ex natura sua est sufficiens causa, vt propter illam referatur agens ad passum, quia constituit tam agens in ratione agentis quam passum in ratione passi. vnde quamuis sit eadem, potest vtrique esse ratio relationis realis. Infero tertio. Relationem intellectus ad seipsum à se intellectum esse realem, si seipsum intelligat *intellectione* realiter à se distincta; si verò intellectio sit idem cum intellectu, vt in Deo, non erit relatio realis.

Ratio intellectus ad seipsum, an realis.

Ratio primi est. Quia tunc intellectio est sufficiens causa duplicis relationis realis tam agentis ad passum ratione formæ productæ, quam intelligentis ad intellectum; ratione intellectiois productæ. Forma enim producta ab agente est sufficiens ratio referendi agens ad passum secundum illam formam: Ergo & intellectio producta erit sufficiens ratio relationis realis intel-

Intellectu. Ratio secundi est. Quia tunc inter intellectū & intelligibile nulla est penitus distinctio, neq; aliquid realiter inter ipsa mediat, q, sic causa relationis realis.

Notandum tamen est. quia & si in relatione agentis ad seipsum extrema, id est subiecta, non sint simpliciter distincta realiter: inuenitur tamen distinctio quædam realis, relationis ipsius ab opposito sibi extremo. Nam si relationes agentis & passi fundentur in forma producta, ita ut proximum fundamentum ipsarum sit forma dependens ab agente, & recepta in passo; tunc relationes agentis & passi erunt idem realiter, cum ipsa forma, tanquam cum suo fundamento: Cum verò forma producta sit distincta realiter tam ab agente quàm à passo; etiam relatio agentis distinguetur realiter à passo, & relatio passi distinguetur realiter ab agente, & sic extrema respectu relationum à quibus denominantur, distinguuntur realiter. Si verò relationes habeant pro fundamento ipsam potentiam actiuam & passiuam, tunc relationes erunt idem re cum extremis, quæ quia re non sunt distincta ab inuicem, neq; relationes ipsis identificatæ, erunt re distinctæ nisi ratione connotati. Nam relatio agentis fundatur in potentia actiua ut reducta in actum per actionem, quæ est res distincta à passo, similiter relatio passi fundatur in potentia passiuâ, ut reducta in actum per passionem, quæ est res realiter distincta ab agente. Vnde quamuis extrema harum relationum non sunt à se distincta realiter, sunt tamen aliquo modo distincta realiter à relatione quæ est ad ipsa siue simpliciter siue secundum quid, ratione connotati, quod sufficit ad tale genus Relationum.

Relationes distinguuntur ab extremis.

QVÆSTIO XIII.

*An essentia relationis solùm consistat in esse
Ad & non in esse In.*

*Omnia Relatio
habet Ad & In.*

Non est quæstio an à parte rei possit dari relatio quæ solùm dicat esse ad terminum & non dicat esse in respectu subiecti vel quasi subiecti. Non enim dubium est omnem relationem alicuius ad aliquid esse relationem. Vnde requiritur tam subiectum cuius sit, quàm terminum, ad quem sit. V. G. similitudo non satis est, vt sit ad aliud album, sed etiam requiritur vt sit alicuius albi; si enim non fuerit alicuius albi, non erit similitudo, quia similitudo, duorum alborum est similitudo. Loquor autem hic de In, non vt dicit physicam inhærentiam, hæc enim nõ requiritur ad rationem Relationis in cõmuni, vt supra docuimus; sed solùm vt indicat id cuius est illa Relatio siue sit in illo per inhærentiam, siue per identitatem.

Est igitur quæstio An istud In, sine quo à parte rei nõ potest esse relatio, pertineat ad rationem formalem relationis, ita vt sine ipso essentia relationis concipi non possit; Videtur enim non pertinere, Nam si relatio concipiatur ad terminum, concipitur relativè, si verò concipiatur in subiecto non concipitur relativè. Cum igitur non à subiecto, sed à termino habeat esse relativum, poterit absq; ordine ad subiectum concipi relativè, & ex consequenti esse In, non pertinebit ad rationem formalem relationis.

Et confirmatur id inductione in omnibus relationibus, Non enim paternitas est relatio quia est in patre sed quia est ad filium. nam esse in subiecto convenit etiã acci-

accidentibus absolutis, neq; tamen ex eo accidentia absoluta sunt essentialiter relatiua. Nam si dicas, esse in subiecto: est dicere respectum ad subiectum. Respondeo hunc respectum non facere naturam cui conuenit essentialiter relatiuam, sed tantum accidentaliter & denominatiuè. Verè enim quantitas & qualitas habent esse In, non tamè propterea sunt essentialiter relationes; quare neq; relatio per esse In erit essentialiter relatio, sed ad summum conueniet illi esse In denominatiuè & accidentaliter, sicut aliis accidentibus absolutis, Nos autè quærimus an esse In, ita pertineat ad relationem, vt illà constituat in esse relatiuo formaliter, & in hac sententia videtur esse D. Thom: 1. p. q. 28. a. 2. vbi ait rationem propriam relationis non sumi per ordinem ad subiectum, sed per ordinem ad terminum. Caiet: & Canariensis ibidem docent rationem formalem relationis abstrahi posse ab esse In.

Dicendum tamè est ad rationem formalem relationis *In pertinet ad essentialiam Relationis.* pertinere non solum esse Ad, sed etiam esse In: ita vt nō possit concipi relatio cōpleta secundum rationem suam formalem, nisi concipiatur tam secundum Ad quam secundum In. Ratio est quia de ratione relationis est, vt sitalicuius ad aliquid relatio; ita vt nisi concipiatur tam id in quo est relatio, quam id ad q. est relatio, non possit concipi completè ratio formalis relationis. v. g. relatio similitudinis nō concipitur complete per hoc quod est *Ratio* ad aliquod album: nam etiam dissimilitudo potest esse ad album, sed debet concipi albi ad album relatio: ita vt si nō intelligatur albedo supposita pro fundamento similitudinis, non intelligatur formaliter similitudo. Similitudo enim duorum alborū est similitudo; & impossibile est relationem concipere nisi inter duo quorum alterum sit subiectum alterum terminus relationis.

Pro

*Relatio sine
fundamento &
termino intel-
ligi non potest.*

Pro quo noto primò; Relationem pendere essen-
tialiter tam à fundamento quàm à termino, & mutari
essentialiter, aliquando ratione fundamenti, aliquando
ratione termini, vt quæstione decima docuimus. Nam
fundamentum est ratio fundandi talem relationem,
terminus est ratio terminandi. Sicut igitur relatio non
potest intelligi sine termino, qui est ratio terminandi, ita
neq; sine fundamento quod est ratio fundandi.

*Relatio sumi-
tur completè,
& incompletè.*

Noto secundò; Rationem formalem relationis pos-
se sumi & completè secundum omnem suam rationem
essentialem, & incompletè solum secundum vltimam
rationem suam essentialem, v. g. ratio formalis homi-
nis completè concepta includit non solum rationali-
tatem sed etiam animalitatem; vtrumq; enim pertinet
ad essentiam hominis constituendam; rationalitas qui-
dem determinatè animalitas autè indeterminatè, quia
non ab animalis sed à rationali determinatè homo habet
esse hominem. Si verò concipiatur incompletè secun-
dum rationem vltimò determinantem ad esse hominis,
sic potest concipi absque animalitate sub rationalitate
sola.

*Impertinet ad
rationem com-
pletam Relatio-
nem.*

Pari ergo ratione relatio dupliciter concipi potest:
primò completè secundum omnia requisita essentiali-
ter ad rationem relationis; & sic necessariò concipi de-
bet tam secundum esse Ad, quàm secundum esse In;
quia per Ad vltimò determinatur ad rationem relativā,
non per In; Sicut autem si solum concipitur rationale,
non concipitur homo, sed quid hominis, seu principiū
formale & determinatè constitutivum hominis, non e-
nim sola rationalitas est homo: ita si concipiatur solum
esse Ad, non concipietur relatio, sed tantum principiū
formale constitutivum relationis. Vnde ad formalem
conce-

*Non pertinet
ad incomple-
tam.*

conceptum relationis completum requiritur vterque conceptus, tam Ad, quàm In. Etsi enim præscindi possit Ad ab In, tamen relatio formaliter non potest præscindi, quia relatio non est solum Ad, sed etiam In. Sicut etsi rationale possit præscindi ab animali; ratio tamen formalis hominis non potest præscindi, cum vtrumq; essentialiter includat. Et hoc modo exponendus est S. Thomas citatus, nempe quod loquatur non de completa ratione formali relatiua, sed incompleta vltimo determinatè ad rationem relatiuam, quæ est solum esse Ad. Et licet Ad non constituat relationem simpliciter sine In; constituit tamen secundum quid, id est, in determinata ratione relatiua; cum tamen etiam In, constituat eandem rationem relatiuam, sed non determinatè vt Ad.

Ex quo etiam patet ad rationem dubitandi. Nam ex In non sumitur determinata ratio relatiua, sumitur tamen simpliciter, quia ad essentiam relationis pertinet.

Quod si obiicies. Ordo ad subiectum est ordo ad terminum; sed ordo ad terminum est ratio determinans ad esse relatiuum; Ergo & ordo ad subiectum. Respondeo. Nos loqui de ea relatione, quæ est ad aliquem terminum cui conuenit præter terminum, referri etiam ad subiectum, & dicimus hunc ordinem ad subiectum non esse rationem determinantem illam relationem, ad esse relatiuum; Quia non ex subiecto sed ex termino relatio est Ad. Si tamen sermo sit de relatione quæ est ad ipsum subiectum tanquam ad terminum, tunc proportionaliter esse In & esse Ad in ea distingui debet. Sed quæri potest, An relatio habeat suum proprium In distinctum ab In fundamenti.

Nnnnn

Affirmat

*In Physico
non habet Re-
lationem distinctam
ab In fundamen-
menti.*

*Quale in de
essentia Rela-
tionis.*

Affirmat Scotus. Quodlibeto 43. quia relatio sicut habet peculiarem rationem accidentis, distinctam à relatione accidentis, quæ est in fundamento; ita etiam habet distinctum In, ab In fundamenti, eum In sequatur semper ad rationem accidentis. Dicendum tamen est si loquamur de In Physico quod sequitur ad formam Physicam Physicè inhzrentem, sic relatio sicut non est distincta forma Physica à fundamento, ita etiam non dicit In distinctum ab In fundamenti, sed per In fundamenti inhzret Physicè subiecto: Si verò loquamur de In, vt abstrahit ab In per inhzsionem & In per identitatem, sic relatio habet peculiare In, ratione cuius conuenit fundamento per identitatem, & hoc In est de essentia relationis, & distinguitur ab In fundamenti. Conuenit verò relationi ex ratione accidentis, quatenus accidens dicitur omne id, quod non est de essentia rei, non verò ex ratione accidentis Physici. Dices, ergo relatio vt relatio non est ex genere accidentis, cum tamen ponatur vnum ex nouem generibus accidentium. Respondeo. Relationem vt relatio est non esse accidens Physicum, nec sub genere accidentis Physici contineri, sed solum esse accidens Logicum; quia non est de essentia rei cuius est relatio.

Ex dictis infero In, si pro Physica inhzrentia sumatur non esse de ratione Relationis vti Quæst. 7. docuimus, si verò sumatur vt dicit conuenire alicui siue per Inhzrentiam siue per Identitatem, sic est de essentia Relationis, vt in præsentì Quæst. docemus.



QVÆSTIO XIV.

*An vna numero Relatio possit terminari ad
distinctos numero terminos.*

Est celebris controuersia inter discipulos D. Thomæ & Scoti. Nam illi cum S. Thoma 3. parte, quæst. 31. art. 5. affirmant vnâ numero relationem terminari ad distinctos numero terminos. V. G. patrem vna numero paternitate referri ad primum, secundum & tertium filium, ita vt nato vno filio, eadem paternitas extendatur ad secundum, quæ extensio non fit per nouum augmentum intrinsecum relationis, sed per suppositionem extrinsecam termini: Sicut eadem turris flante vento est in alio atq; alio aëre per suppositionem extrinsecam noui & noui aëris. Probant verò hanc sententiam ex eo, quod duo accidentia solo numero distincta non possunt esse in vno subiecto: ergo nec ad distinctos numero terminos possunt esse in vno distinctæ solo numero relationes sed vna quæ extendatur ad omnes terminos. Antecedens probant inductione in omnibus qualitatibus Physicis; Duo enim calores integri non possunt esse simul in eodem obiecto, nec duæ albedines.

Oppositam sententiam tenent alii cū Scoto, nempe ad distinctos numero terminos, necessario distinctas numero relationes terminari. Primò. Quia respicere terminum est quid essentiale relationi; quare sicut relationi in communi essentiale est respicere terminum in cōmuni, ita huic relationi essentiale est respicere hunc numero terminum. non igitur ad diuersos numero terminos erit eadem numero relatio. Secundò Relatio.

nes ortæ ex diuersis rationibus fundandi & terminandi, sunt diuersæ: atq; relationes ad diuersos terminos oriuntur ex diuersa ratione fundandi & terminandi; ergo sunt diuersæ. Minor probatur. Quia relatio paternitatis ad diuersos filios fundatur in diuersa generatione tam actiua quam passiuâ huius & illius filii, similitudo cum albo fundatur in vnitâte cum hoc albo, similitudo verò cum altero albo, fundatur in alia vnitâte cum alia albedine.

Confirmatur. Fundamentum est ex se indifferens ad varias fundandas relationes, sed determinatur per rationem fundandi talem vel talem ad fundandam talem vel talem relationem: sic album quatenus vnum cum alio albo fundat relationem similitudinis, quatenus diuersum à nigro fundat relationem dissimilitudinis. Cum igitur ad diuersos numero terminos dentur diuersæ rationes fundandi relationem, sequitur relationes ipsas esse diuersas.

3. Tertio sequeretur relationem esse priorem tempore suo termino, & non cessare cessante termino, contra eam quæ hic docet Aristoteles de proprietatibus relationum, quas ait esse simul tēpore & cognitione. Nam in patre v. g. prius esset paternitas, quam secundus filius generetur, & mortuo primo filio, adhuc maneret paternitas eadem respectu alterius filii. Nam quod quidam respondent paternitatem, quoad substantiam priorem esse termino, quoad extensionem simul esse cum termino; hoc facile refellitur: tum quia Aristoteles cum docuit relatiua esse simul natura, locutus est de relatione quoad substantiam; tum quia respicere terminum est quid substantiale relationi non accidentale, cum in respiciendo termino tota relationis substantia sit posita; quare

Instantia soluitur.

quare non potest substantialiter poni relatio nisi ponatur terminus, nec potest auferri terminus, nisi substantia relationis auferatur.

Quartò. Aliud est formam respicientem extendi ad alium terminum, aliud verò respectum ad hunc terminum extendi ad alium terminum; prius illud est verum; posterius impossibile; quia respectus est terminatio ad talem terminum. Terminatio autem ad aliquem terminum, non extenditur extra illum terminum, sed si est noua terminatio, erit nouus respectus, quia respectus nihil aliud est quam terminatio.

4.

Ad fundamentum verò primæ sententiæ respondeatur non esse absolutè verū, duo accidentia, solo numero distincta non posse esse in eodem subiecto. Nam multi tenent duo lumina à diuersis luminosis producta, esse simul in eodē, vt patet ex distinctis vmbreis. Idem ostenditur in distinctis numero speciebus productis in oculo, à distinctis numero hominibus; singuli enim homines per singulas species proprias videntur. Deinde quamuis id verum esset de accidentibus absolutis non tamen de respectiuis: Nam accidentia absoluta non habent aliud munus nisi informandi subiectum, & idcirco superflua essent plura in eodem subiecto, quia ab vno accidente, habet plenè esse subiectum. At relatiua accidentia & si solo numero distincta sint, non otiosè manent simul in obiecto, sed habent peculiaris & distincta munera referendi subiectum ad hunc vel illum terminum.

Plura accidentia solo numero distincta possunt esse in eodem.

Notandum est. Impossibile est relationem extendi ad nouum terminum sine noua relatione: Quia ista extensio ad terminum est formaliter relatio; nō enim est quid absolutum, sed ad aliquid; omne autem ad ali-

Extensio relationis impugnat.

I.

Nnnnn 3 quid,

quid, est formaliter relatio. Cum igitur noua ponatur extensio ad nouum terminum, ponitur ex consequenti noua relatio.

2. Deinde relatio formaliter est terminatio fundamenti ad terminum. Fundamentum verò vt se habet ad terminum, dicit formaliter relationem. At in hac noua extensione ad nouum terminum est noua terminatio; ergo noua relatio.

3. Tercio. Ista extensio vel est quantitativa, vel formalis: Non primū; quia quantitativa extensio fit per additionem partis ad partem; necesse igitur esset addi nouam relationis partem ad nouum terminum: Non secundum; Quia forma seipsa extenditur ad diuersa subiecta, quatenus eadem numero manens informat diuersa subiecta, vel diuersas subiecti partes, vt patet in anima rationali extendente se totam ad omnes corporis partes: At si hoc modo relatio dicatur extendi ad plures terminos, non extenditur eadem terminatione, sed diuersa, sicut neque forma extendit se ad nouam partem eadem numero informatione, sed diuersa. Quod si fuerit alia numero terminatio, erit procul dubio alia numero relatio. Sicut igitur impossibile est extensionem hanc fieri sine noua terminatione, ita est impossibile fieri sine noua relatione.

Nam quod dicunt esse nouā extensionem relationis, non nouā relationē. Contra; iā est ostensum, id q. ab istis dicitur, noua extensio, esse nouam relationem, cum ad nouam relationem non requiratur nisi noua terminatio, & oppositum est ludere verbis & dare sine mente sonum. Quare & exemplum illud de turri qua fluente vento sine vlla sui mutatione est in alio & in alio aëre, euertit planē istorum sententiam. Nam sicut in turri

*Exemplum de
Turri suspendi-
tur.*

duo.

duo distinguimus, vnum absolutum nempe turrim., aliud relatiuū nempe coniunctionem turris cum aëre; & quidē illud absolutum, est indifferens ad omnes illas coniunctiones, cum hoc & illo aëre successiuè: respectuum verò, nempe coniunctio cum hoc aëre, est quid determinatum ad hunc numero aërem, ita vtilis numero coniunctio sit cum isto aëre, alia cum alio; neque coniunctio cum hoc aëre extenditur extra istum aërem. Ita & in relatiuis distinguimus duo, vnum absolutum nempe formam respicientem, seu fundantem respectum., & hæc est indifferens ad omnes respectus & terminos; alterum respectuum, nempe ipsum respectum ad terminum, & hunc respectum dicimus esse determinatum ad hunc terminum, nec posse extendi extra illum terminum. Quod verò dicunt sine noua mutatione, solo termino posito, fieri hanc extensionem, respondemus in nostra quoq; sententia sine noua alicuius rei accessione posito solo termino acquiri relationem, & tamen negare non possumus esse nouam relationem: nam esse nouam relationem non est nouam rem produci in mundo, sed rem iam productam respectu alterius aliter se habere, quod fit sine vlla nouæ rei productione.

Q V Æ S T I O XV.

De proprietatibus Relationis.

PRimam proprietatem Relatiuorum ponit Aristoteles, quod habeant contrarium; virtus enim vicio contraria est, scientia ignorantia, ex quibus exemplis planè patet Aristotelem loqui de relatiuis secundum.

*Relatiua secū-
dum dici non
secundum esse
sunt contraria.*

dici:

dici: Nam de Relatiuis secundum esse adiungit alia exempla, dupli, tripli, quibus nihil ait esse contrarium, Imò in capite de quantitate ex eo probat magnum & paruum non esse contraria, quia sunt ad aliquid; paruum enim respectu magni dicitur paruum & magnum respectu parui.

Difficultas verò est. An relationes formaliter acceptæ possint dici contrariæ. Ratio dubitandi est; Primò. Quia inter relationes inuenitur tanta oppositio vt nullo modo possint esse simul in eodem subiecto, vt paternitas & filitatio, ita sibi opponuntur, vt non possint esse in eodem: impossibile enim est patrem esse suipsius filium. Porro hanc oppositionem esse veram contrarietatem inde patet; quia verè contraria nihil plus habent nisi quod se excludant ab eodem subiecto.

Secundò similitudo & dissimilitudo non sunt minus contrariæ, quam albedo & nigredo; pugnant enim secum in eodem subiecto, quod proprium est contrariorum: deinde cum hæ relationes sint oppositæ, & nō sint relatiuè oppositæ, nec priuatiuè, consequens est vt sint oppositæ contrariè.

*Relationes non
sunt contrariæ.*

Dicendum tamen est. Relationes formaliter acceptas nullo modo esse inter se contrarias. Nam si agamus de relationibus oppositis in ratione termini, eæ relationes habent quidem oppositionem in ratione termini; quia in eodem subiecto seipsas terminare non possunt, verum hæc oppositio non est vera contrarietas: nam vera contrarietas est oppositio naturarum secundum definitionem datam ab Aristotele 7. Metaphys. vbi contraria definit esse illa quæ sub eodem genere maximè distant, hoc est, quæ oppositis sub eodem genere differentiis distant, vt albedo & nigredo sub eo-

*In relatiuè op-
positæ non est
vera contra-
rietas.*

dem

dem genere coloris : At in his relationibus non est oppositio naturarum, ergo non est vera contrarietas.

Patet id primò. ex eo quod hæ relationes possunt esse eiusdem speciei. Nam duæ similitudines, duorum alborum oppositæ sibi in ratione termini sunt eiusdem speciei.

1.

Secundò. Quia si aliquando relationes istæ sunt diuersæ speciei ut paternitas & filiatio, potest paternitas, V. G. esse simul in eodem, non quidem cum filiatione opposita, sed cum alia filiatione quæ est eiusdem rationis cum filiatione opposita : Nam pater etsi non possit esse filius sui ipsius, potest tamen esse filius sui patris, quæ duæ filiationes sunt eiusdem speciei. Quocirca sicut paternitas non habet essentialem & specificam oppositionem cum secunda filiatione : ita nec cum prima. Ex quo sequitur filiationi oppositionem illam in ratione termini esse merè accidentalem, quia sine tali oppositione potest esse filiatio in altero subiecto. Fundatur autem hæ oppositio in impossibilitate terminorum, in ordine ad mutuam terminationem.

2.

Oppositio relationi est accidentalis.

Quia enim termini quos respiciunt paternitas & filiatio opposita, non possunt eidem convenire respectu eiusdem : idcirco relationes dicuntur esse oppositæ. Porro hæ oppositio in ratione termini potest spectari tam in ipsis relationibus oppositis ut in paternitate & filiatione, quam in relationibus & terminis earum absolutis : Non solum enim relatio non potest stare cum alia relatione opposita, sed etiam cum ipso termino absoluto ad quem terminatur. Quanquam quia non omnes termini correlativi sunt impossibiles

Qualis sit hæ oppositio.

(potest enim idem esse agens & patiens actione immutante) idcirco hæc oppositio in ratione termini non est in omni relatione, & verius dicitur impossibilitas quædam quam oppositio, vt ex dictis patet.

*Similitudo &
dissimilitudo
an sint con-
traria.*

Si verò loquamur de relationibus sibi non oppositis in ratione termini vt de similitudine & dissimilitudine, dicendum est etiam istas relationes non esse verè contrarias, sed solum impossibiles. Nam similitudo & dissimilitudo vel sumuntur respectu eiusdem fundamenti, v.g. albedinis, & sic sunt incòpossibiles: quia non possunt in eadem albedine fundari respectu eiusdè termini; non quod sint contrariæ, sed quod albedo non possit esse materia talium relationum, cum dissimilitudo requirat fundamentum contrarium albedini: Si verò sumantur respectu diuersorum fundamentorum, nempe similitudo fundata in albedine, cum dissimilitudine fundata in nigredine; tunc eiusmodi relationes non erunt contrariæ formaliter in ratione relationis, sed tantum fundamentaliter ratione fundamentorum; ita vt si fundamenta relationum per Dei potentiam ponantur simul in eodem subiecto, nulla erit repugnantia relationum inter se: imò erit optima & naturalis conuenientia in eodem subiecto. Si enim Deus ponat albedinem & nigredinem in eodem, idem erit simile albo, quia album, & dissimile eidem albo, quia nigrum: esse enim simile & dissimile eidem secundum diuersas formas nulla est repugnantia. Itaque solum inter albedinem & nigredinem esset repugnantia; at posita albedine & nigredine in eodem, nulla est inter similitudinem & dissimilitudinem repugnantia, cum in diuersis fundamentis sibi non repugnent.

solum

solum igitur consecutiue ad fundamenta, sibi repugnant, nō formaliter secundum se, Quia enim sequuntur sua fundamenta, & illis identificantur, fit vt si fundamenta non possint esse in eodem, nec ipsę relationes possint esse.

Ex quibus patet nullas relationes esse formaliter contrarias. id enim in duplici genere relationum maxime cerneretur, vtrumque autem genus à contrarietate iam vindicauimus. Quidam verò ea ratione probant, relationes non esse inter se contrarias quod contraria respiciunt subiectum à quo se excludunt, relationes vero terminum. Sed hac ratione non concludunt. Nam relatio vt relatio & subiectum respicit & terminum. de ratione enim relationis est vt sit alicuius, ad aliquid relatio; quatenus est alicuius, subiectum respicit, quatenus est ad aliquid, respicit terminum. Quare relatio non obstante eo quod respicit terminum, posset simul esse contraria alteri in subiecto, si aliud quid non obstaret.

Secunda proprietas.

Secunda proprietas relatiuorum est quod suscipiant magis & minus; dicimus enim vnum esse magis vel minus simile alteri. circa quam proprietatem quæri solet primò. An relatiua propriè suscipiant magis & minus.

Quæstum primum.

Respondeo. quædam propriè, quædam impropriè suscipere: propriè suscipiunt magis & minus quæ per veram intensiōem suscipiunt, sicut & in qualitatibus propriè magis & minus est vbi est intensiō qualitatum, vt cum dicimus rem magis vel minus calidam: impropriè verò quæ citra intensiōem,

sionem aliis rationibus & respectibus dicuntur magis & minus talia. ut cum Aristoteles dicit primam substantiam esse magis substantiam quam secundam, quia est prior in substando.

Quadam relatiua proprie suscipiunt magis & minus.

Quadam improprie.

Porrò relatiua quæ intenduntur sunt illa quorum fundamentum est intensibile, & remissibile, vel certè aliqua ratione variabile: sic duo alba per intensiorem dicuntur magis & minus similia; quia per veram intensiorem dicuntur magis & minus alba: quot enim sunt gradus albedinis tot sunt gradus similitudinis. Similiter quæ non habent fundamentum intensibile & remissibile, sed tamen aliqua ratione variabile, dicuntur suscipere magis & minus: ut cum duo corpora dicimus magis vel minus æqualia propter maiorem vel minorem quantitatem, magis vel minus distantia propter maius vel maius spatium interpositum.

Quæritur secundum.

Secundò quæritur an relatiua suscipiant magis vel minus ratione sui, an verò ratione fundamenti.

Relatio ratione sue non fundamenti recipit magis & minus.

Respondeo. Dupliciter dici posse relatiua ratione fundamenti suscipere magis vel minus; Primò casualiter quod fundamentum sit causa ut relatiua in se suscipiant magis vel minus; & hoc verum est: nam fundamentum est causa relationis, sicut quoad essentiam, ita quoad intensiorem. Secundò, formaliter; ita ut in ipsa relatione formaliter non sit magis vel minus, sed solum in fundamento, & per denominationem factam à fundamento relationi conveniat. & hoc dicimus esse falsum.

Primò quia sæpè relatio suscipit magis & minus fundamento non recipiente magis & minus, sed tantum variata aliqua ratione: ut cum duæ quan-

titates

vitates dicuntur magis & minus æquales propter maiorem vel minorem quantitatem, vbi maius & minus est in quantitate: in relatione verò est maigs & minus.

Secundò. Quia sæpè fundamento suscipiente magis relatio suscipit minus & è contra. Ergo aliud est magis & minus relationis, aliud fundamenti v. g. sint duo alba similia, & vnum augeatur in albedine, diminuetur eo ipso in similitudine, vnde est magis albedinis & minus similitudinis.

Aliud est magis Fundamenti, aliud Relationis.

Tertia proprietas Relationum est, vt ad conuertentiam dicantur, quia vni relationi semper respondet opposita relatio in altero extremo: si tamen conuenientiratione accipiantur, hoc est sub denominationibus relatiuis, sub quibus se respiciunt. Sic pater dicitur filij pater, & filius patris filius, ala alati ala, & alatum ala alatum: Monet verò Aristoteles vt nomina si fortè nō sint imposita confingantur, vt relationem mutuam terminorum exprimant, vt si dicamus, temonem temonati temonem, & caput capitati caput.

Tertia proprietas.

Quarta proprietas relatiuorum est, quòd sint simul natura. Pro quo notandum est primò; vt aliqua sint simul natura, duo requiruntur; primò vt simul sint & non sint, hoc est, vt posito vno, ponatur aliud, sublato vno tollatur aliud, quod est esse simul subsistendi consequentia; Est enim bona consequentia à subsistentia vnius ad subsistentiam alterius. Secundò, vt vnum non sit causa alterius: Nam vt docet Aristoteles in Postprædicamentis, capite de priori, si aliqua sunt simul subsistendi consequentia, sed vnum sit causa alterius, non erunt talia simul natura; id enim quod est causa alterius, est prius natura alterò; causa enim est prior natura suo effectu, cum effectus præsupponat causam, sic rationale

Quarta proprietas, Et sint simul natura duorequiruntur.

& risibile sunt simul subsistendi consequentia, non tamen sunt simul natura: quia rationale est causa risibilis.

Notandum est secundò. Relatiua ideò esse simul naturâ, quia sunt simul subsistendi consequentia, & vnum non est causa alterius. Posito enim vno relatiuo ponitur & aliud; si quidem positus duobus, ex iisdem extremis vtrâq; relatio necessario oritur; posito enim fundamento & termino fundamentum vnius relationis, est terminus alterius relationis, & terminus vnius relationis est fundamentum alterius, vt patet in duobus albis. Vnde correlatiua necesse est esse simul subsistendi consequentia.

Vnum Relatiuum non est causa alterius quia Relatio non est causa Relationis.

Quod verò vnum relatiuum non sit causa alterius patet; dupliciter enim relatiuum sumi potest. Primò, materialiter ratione fundamenti, secundò formaliter, ratione relationis; Licet ergo ratione fundamenti posset esse prius suo correlatiuo, quia fundamentum suo modo potest esse causa tam relationis quàm termini, nam causa est causa tam suæ relationis ad effectû, quàm termini & ex consequenti relationis consequentis in termino: tamen si sumatur formaliter secundum relationem, non est causa sui correlatiui; vna enim relatio non causat alteram oppositam, sed vtrâq; causatur ex fundamento & termino.

Relatiuum materialiter potest esse prius correlatiuo non formaliter.

Ex qua doctrina solui possunt argumenta opposita. Nam cum obiicitur primò: prius & posterius esse relatiua, quæ tamen non sunt simul natura, cum alterum sit prius alterum posterius. Respondeo. Materialiter quidem posse existere id quod est prius, antequam existat id quod est posterius: ac formaliter & relatiue non existet sub ratione prioris, nisi existat posterius; non existet enim relatiue nisi habeat terminum actu ad quem referat.

referatur. Similiter respondendum est cum obiicitur patrem esse prius natura filio, & causam suo effectui, quæ tamen sunt correlatiua; materialiter enim ista sunt priora, formaliter verò ut correlatiua sunt, sunt simul naturâ.

Obiicitur secundò, scientia refertur ad scibile sensus ad sensibile; & tamen scibile prius est scientia, sensibile sensui. Respondeo cum Aristotele; cum correlatiua dicuntur simul natura sumuntur secundum rationes correlatiuas. quare ubi non erunt utrinque relationes, ibi non requirendum est, ut sint simul naturâ. Id quod accidit in relatiuis tertii modi, in quibus ex vna tantum parte est relatio, ex altera non. Scientia enim dicit relationem ad scibile, scibile verò non dicit relationem realem ad scientiam, sed dicitur scibile, quia scientia est ad ipsum.

Dices saltem si proportionaliter sumantur erunt simul natura ut si sumatur scientia in potentia erit simul cum scibili in potentia, & scientia in actu cum scibili in actu. Respondeo ista non sunt à parte rei sed suppletur ab intellectu concipiente scibile, cum relatione ad scientiam: correlatiua verò dicuntur simul natura quoad realem existentiam correlatiuam. quomodo correlatiua tertii modi non sunt simul naturâ secundum Aristotelem. Et rationem. Quia correlatiua tertii modi ideo referuntur ad sua correlatiua, quia alia referuntur ad ipsa. nam ad scientiam refertur scibile, quia scientia est de ipso, quod arguit prius natura scientiam referri ad scibile, quàm scibile ad scientiam.

Quinta proprietas est, correlatiua esse simul cognitione, ut qui definitè nouerit vnum, cognoscat & aliud, *Quinta Proprietas*
quod non ita intelligendum est ut vnum correlatiuum sit
prius.
de

de conceptu formali alterius, nec possit concipi nisi concepto altero; hoc enim est falsum; cognito enim fundamento & termino, quæ sunt quædam absoluta, cognoscitur sufficienter relatio etiam si opposita relatio vel non sequatur vel non apprehendatur. Sicut enim à solo fundamento & termino habet esse relatio: ita nihil aliud ad sui cognitionem requirit. Intelligendū igitur est concomitanter, quia cognito fundamento & termino, necesse est utramque relationem simul cognoscis: non quòd vna sit de conceptu alterius; sed quod utraq; æquè ex fundamento & termino innotescat; fundamentum enim vnius est terminus alterius, & terminus vnius est fundamentum alterius.

Sunt simul cognitione concomitanter.

An vnum Relativum definitur per aliud.

Quod si quæras an vnum relativorum definiri debeat per aliud: Respondeo non esse necesse; satis enim est si definiatur per suum terminū formalem, qui est quid absolutum. A termino enim habet suam essentiam, & ex consequenti definitionem. Relatio verò opposita, est quid accidentale termino. Verum & si non sit necesse potest tamen vnum relativum poni in definitione alterius; si enim definitio dari potest per effectum vel proprietatem, cur non possit dari per correlativum?

Quomodo definitio notior definito.

At inquires. Definitio debet esse notior definito; per definitionem enim cognoscitur definitū: atqui correlativum non est notius, sed æquè ignotum ac definitū: non igitur poni potest in definitione. Deinde ipsum correlativum quod ponitur in definitione cognoscitur ex altero correlativo, ex quo sequeretur quidam circulus in definitione & vnum definiretur per alterum & ex consequenti per seipsum.

Respondeo. Definitio quidem debet esse notior definito, non tamen quidquid est in definitione debet esse

esse notius; sed satis est ut sit æquè notum, vel non ignotius. Quia enim definitio est explicatio definiti, & quod in definito cōtinetur confusè; in definitione cōtinetur distinctè; necesse est definitionem esse notio- rem definito, ut distinctum confuso, correlativum verò non est tota definitio, sed pars quædam: Satis igitur est ut sit æquè notum.

Quod si quæras unde tunc petatur cognitio utriusq; correlativi si utrumq; est æquè ignotum.

Respondeo. Ex cognitione fundamenti & termini; ex horum enim cognitione æquè innotescit utrumq; correlativum. Neq; verò circulus semper in definitionibus vitiosus est, sed solum tunc, cum ignotum definiatur per ignotum. quod si definiatur per æquè notum, non erit vitiosus talis circulus: quia tota definitio erit notior suo definito, eo modo quo distinctum est notius confuso, quo etiam modo circulus in demonstrationibus permittitur ut patet ex l. Post. Neq; etiam sequitur, idem definiri per se ipsum, sed per id quod est æquè & simul notum cum ipso.

Circulus in definitionibus quando vitiosus.

¶(o)¶





DISPUTATIO XI.

De qualitate & sex vltimis prædicamentis.

QVÆSTIO PRIMA.

An qualitas sit speciale genus prædicamenti.

Idetur enim qualitas esse quid transcendens, & vagari per omnia prædicamenta: omnis enim forma tam substantialis quam accidentalis est qualitas. Qualitas enim est id à quo res dicitur talis vel talis: hoc autem conuenit omni formæ. Nam & differētia essentialis prædicatur in quale, & dicitur qualitas essentialis, & omne accidēs dat subiecto tale vel tale esse, quā ob causam dici potest qualitas subiecti.

Rationes dictorum qualitatem non posse constituere genus prædicamenti.

Deinde. Esto sit qualitas speciale genus entis: adhuc tamen non potest constituere genus prædicamenti; nam omne genus habet aliquas differentias essentielles, per quas contrahatur: atqui qualitas nullas habet differentias essentielles: Ergo non est genus prædicamenti. Minor probatur. Nam hæ differentię, vel erunt qualitates vel quid à qualitate distinctum: si sunt qualitates; ergo non sunt differentię, qualitatem contrahentes; quia differentia debet esse extra rationem generis, & genus non debet de differentia prædicari: si verò sunt quid distinctum à qualitate; Ergo qualitates solum secundum ratio-

nem

nem genericam erunt qualitates, secundum verò rationem specificam nō erunt qualitates. Quod falsum esse ex eo pater; quia res dicuntur tales magis à ratione specifica, quàm à ratione generica. Dicuntur enim tales propter determinationem, determinatio autem magis prouenit à ratione specifica quàm à generica.

Dicendum tamē est qualitatem esse speciale genus prædicamenti. Speciale quidem; quia etsi qualitas latè accepta significet quacūq; determinationem siue essentialem siue accidentalem; tamē strictè accepta significat solum determinationem accidentalem. Et quamuis omne accidens suo modo determinet subiectum, non tamen omne accidens denominat subiectum simpliciter quale. Nam quantitas propriè loquendo denominat quantum, relatio denominat relatum, seu habens sē ad aliud: sola verò qualitas eam denominationem tanquam propriam obtinuit, vt simpliciter & absolutè denominet subiectum quale, ita vt ad interrogationem factā per quale respōdeatur propriè per solam qualitatem. Quanquā enim cōmuni ratione cætera quoq; accidentia dicantur qualitates; tamē q̄ aliis præterea modis denomināt subiectum, v.g. quantum, vel relatum, non dicuntur simpliciter qualitates, solumq; ea accidentia dicuntur simpliciter qualitates, quæ non aliis modis denominant subiectū, nisi in quale vt calidum, album, circulare.

Quod verò qualitas constituat verū genus prædicamenti pater ex eo q̄ vni voce dicatur de suis speciebus. Nam quamuis Simplicius vult diuidi qualitatem ab Aristotele in suas species, vt Analogum in analogata, Scotus verò tanquam in diuersos modos qualitaris: quia nimirum eadē qualitas diuersis modis accepta potest esse in variis speciebus qualitaris, & tamen non erit nisi vna qualitas, non multe qualitates; Idem enim calor est &

Qualitas est speciale genus prædicamenti.

Qualitas vni voce dicitur de suis speciebus.

passibilis qualitas, quia passionem infert sensui, & naturalis potentia, quatenus est potentia calefactiva, & habitus, quatenus bene vel malè afficit subiectum; tamen hæc ratio concludit solum has quatuor species esse tales, non verò si qualitas sumatur respectu specierum suarum essentialium, v. g. Respectu caloris, coloris, saporis; sic enim est genus non analogum sed vniuocum: Nam q. obicitur omnes species qualitatis nō solum secundum gradum genericum, sed etiam secundum gradum specificum esse qualitates: Ex quo fit, vt ratio qualitatis sit fusa per omnes gradus qualitatis, ac proinde analogicè non vniuocè de illis dicatur; Genus enim vniuocum non dicitur de suis differentiis: Ad id respondetur qualitatem accipi posse dupliciter: Primò, latè, vt dicitur de qualitate completa & incompleta: Secundò, strictè, vt dicit solum qualitatem cōpletam: Igitur qualitas primo modo dicitur analogicè, quia prædicatur etiam de differentiis qualitatum; Secundo verò modo dicitur vniuocè quia nō dicitur de differentiis, cū differentiæ nō sint qualitates completæ. Porro si sumatur qualitas respectu specierum non essentialiter sed per varios modos distinctarum, sic est vera sententia Scoti, nempe qualitatem diuidi in species accidentales, hoc est, secundum modos varios accidentales consideratos. Tales sunt species quas Aristoteles hîc posuit, quas non distinxit per aliquas differentias essentielles qualitatis, sed solum per accidentales. Cuius signum evidens est, quòd vna specie qualitas potest in pluribus speciebus ab Aristotele positis reponi; si enim hæc species essentielles essent, & essentielles in genere qualitatis differrent, non posset vna qualitas in multis speciebus poni; vna enim specie qualitas, non habet nisi vnam essentialiam, & vnam

ratio.

Qualitas accipitur dupliciter.

rationem essentialem qualitatis, v. g. calor est, vna simplex qualitas, & vna essentia, & tamen ponitur in prima, secunda, & tertia specie qualitatis: Si igitur hæ tres species essentielles essent, sequeretur calorem habere non vnā sed triplicem essentiam, & esse triplicem qualitatem non vnā.

Dices esse vnā qualitatem realiter, multas formaliter. Contra. quia calor in specie caloris non habet nisi vnā essentiam: quæ tamen secundum varios respectus considerari potest, nempe vt benè vel malè afficit subiectum, vt confert subiecto naturalem potentiam ad calefaciendum, vt passionem infert sensui; hæc enim omnia præstat calor per vnā suā essentiam & differentiam essentialē caloris: Quare sicut non est triplex calor, sed vnus tria faciens, ita non est triplex qualitas, sed vna triplici modo considerata.

Sed obiicies, Habitus & naturalis potentia sunt veræ & essentielles species qualitatis constitutæ per differentiam essentialē in specie qualitatis, per quam etiam essentialiter differunt, vt patet in habitibus intellectus & voluntatis, quia essentialiter differunt à naturali potentia intellectus & voluntatis; ergo non sunt dicendæ species accidentales qualitatis.

Respondeo dictas species qualitatis esse quidem in se, veras & essentielles species qualitatis, sed non sub illis considerationibus, sub quibus ab Aristotele considerantur & distinguuntur. V. G. Calor quatenus est in specie caloris determinatus per differentiam essentialē caloris, est vera & essentialis species qualitatis, quatenus verò est possibilis vel benè aut malè afficiens subiectum, sic est in specie accidentali qualitatis. Nam hæ

rationes sunt accidentariæ qualitati, & consequuntur ad rationem ipsius essentialem, non verò sunt ratio ipsa essentialis; cuius signum est quod eadem species qualitas potest inducere omnes illas rationes & esse simul & habitus & naturalis potètia, & passibilis qualitas. Quocirca cùm habitus & naturalis potètia, differunt essentialiter, non differunt præcisè, per rationem habitus, & rationem naturalis potètiæ, quia istæ duæ rationes in vnam specie qualitatem cadere possunt, vt patet in calore, qui simul est & habitus & naturalis potètia, sed differunt essentialiter per alias differentias qualitatis, essentielles per quas essentialiter constituuntur in diuersis speciebus qualitatis, non iis quidem quas posuit Aristoteles, sed quæ assignari possint abstrahendo ab omnibus modis & differentiis accidentalibus qualitatis.

Ad primam rationem dubitandi patet ex dictis, sumitur enim hic qualitas non pro omni forma determinante, sed solum pro forma accidentali, quæ simpliciter & absolutè denominat subiectum tale.

Ad secundum Respondeo, Differentias Qualitatis non esse Qualitates, sed rationes formales constitutivas Qualitatum. Sicut differentia hominis non est homo, sed ratio formalis constitutiva hominis.

QVÆSTIO II.

De prima specie qualitatis.

*Prima species
qualitatis est
habitus. Et de
proprio.*

Primam speciem qualitatis ponit Aristoteles habitum & dispositionem, in qua specie collocari vult omnes eas qualitates quæ bene vel malè afficiunt subiectum, vel per modum habitus, si sint permanentes, & difficile mobiles, vel per modum dispositionis, si sint facile mobiles.

Dico.

Dico igitur Primò, Habitum & dispositionem conuenire in vna ratione communi qualitatis, ratione cuius pertinent ad primam speciem qualitatis. Ratio est: Quia si non conuenirent in vna ratione communi, non essent vna species, sed duæ, & æquè differret habitus à dispositione, sicut à naturali potentia, quia æquè cum vna aut cum altera conueniret solum in genere generalissimo qualitatis: si igitur vna species constituatur per vnā rationem specificā, etiam in prima specie qualitatis debet assignari vna ratio specifica conueniens habitui & dispositioni, & distinguens primam speciem ab aliis speciebus.

Habitus & dispositio conueniunt in vna ratione communi qualitatis.

Dico secundò. Hæc vna ratio communis habitui & dispositioni secundum Aristotelem est ratio qualitatis benè vel malè afficientis subiectum: quæ quidem qualitas benè vel malè afficiens subiectum, si sit difficile mobilis, & bene radicata in subiecto, dicitur habitus, si verò sit facile mobilis, & leuiter inhærens subiecto, dicitur dispositio.

Qua sit ratio communis habitui & dispositioni.

Patet id tum ex doctrina & exemplis Aristotelis hoc loco, tum ex 3. Metaphysic. textu 26. Vbi hoc clare docet: tum ex ratione; quia in habitu hoc propriè spectatur vt benè vel malè afficiat subiectum, idque firmiter, vt patet in habitibus virtutum & scientiarum, & habitu corporis, sanitate, ægritudine. Porro hanc vnā rationem communem vocat Aristoteles hoc loco dispositionem, cum ait, habitum esse dispositionem, non è contra; quia per habitum disponitur benè vel malè subiectum. Sciendum igitur est dispositionem dupliciter accipi: Primò in communi pro qualitate benè vel malè afficiente subiectum, abstrahendo ab hoc quòd

Dispositio dupliciter accipitur.

quod sit facile vel difficile mobilis, & sic est velutigenus ad habitum & dispositionem; Secundò, pro qualitate bene vel malè afficiente subiectum & leuiter inhaerente subiecto, ita vt facile sit mobilis à subiecto, & sic distinguitur ab habitu intra latitudinem primæ speciei.

An ratio communis habitui & dispositioni sit essentialis.

Quod si quæras an hæc ratio communis habitui & dispositioni sit utrique essentialis? Respondeo non esse essentialem; quia bene vel malè afficere subiectum est proprietas consequens essentiam qualitatis, non ipsa essentia qualitatis. Patet id manifestè, ex eo quod eadem essentialis qualitas, vnum subiectum bene afficit, aliud male. Nam calor, v. g. ignem subiectum suum cõnaturale bene afficit, lignum destruit. Deinde bonitas non est essentia entis, sed propria passio; ergo & bonitas qualitatis non est essentia qualitatis, sed proprietas. Quare calor, verbigratia, non per hoc formaliter est calor, & in specie caloris, quod bene vel malè afficit subiectum, sed idèò bene vel malè afficit, quia est talis essentia, cui hæc proprietas conuenit. Ex quo patet rationem propriam primæ speciei qualitatis esse, bene vel malè afficere subiectum, eamque esse rationem accidentalem qualitatis, & contrahit qualitatem ad habitum ad dispositionem per differentias accidentales, nempe per esse facile vel difficile mobilem. Nam etsi habitus & dispositio sint essentielles species qualitatis, quia sunt accidentia quædam physica quibus conuenit ratio habitus & dispositionis, tamen vt his nominibus designantur, sub speciebus accidentalibus continentur.

Habitus à dispositione differens accidentaliter.

Dice tertio. Habitum à dispositione non differre essentialiter, sed accidentaliter, vt perfectum & imperfectum. Ita multi recentiores cum Aristotele hoc loco, qui ait dispositionem fieri habitum, quando ex facile mobi-

mobili diuturnitate temporis fit immobilis, vt calor febrilis diuturnitate temporis vertitur in calorē hecticum, qui difficilē est mobilis. Etratio est. Quia immobilitas habitus non sumitur ab essentia, sed ab aliqua accidentali proprietate, nempe à maiori intensiōe & radicatione in subiecto, vnde fit vt eadem qualitas diuturnitate temporis vel frequentatione actuum magis confirmata in subiecto, ex dispositione fiat habitus.

Pro quo notandum est habitum hic accipi, non tantum pro habitu operatiuo, vt sunt habitus intellectus & voluntatis, qui sunt promptitudines quædam & facilitates ad agendum ex actibus frequentatis acquisitæ, sed pro omni habitu tam operatiuo quam non operatiuo, qui sit qualitas benè vel malè afficiens subiectum, siue in se siue in ordine ad operationem dummodò sit difficilē mobilis.

Habitus hic accipitur tam pro habitu operatiuo quam non operatiuo.

Notandum est secundò, Habitum operatiuū posse dici difficilē mobilem dupliciter: Primò ex parte obiecti, quatenus innititur alicui rationi formali immutabili, quomodo scientia etiam in minimo gradu dicitur difficilē mobilis, quia innititur medio necessario, quod est ratio assentiendi conclusioni: Secundò ex parte subiecti, quod prouenit ex maiori intensiōe, ratione cuius habitus firmitus inhaeret subiecto; quia plures gradus entitatis habet in subiecto & propterea difficilius tollitur, & non nisi à contrario potentiori. Quidam igitur censent aliquos habitus operatiuos ex sua essentia esse difficilē mobiles, ac proinde essentialiter differre tam à dispositione, quàm est ex sua essentia facilē mobilis quam ab aliis habitibus, qui non ex sua essentia, sed ab aliis causis extrinsecis sunt difficilē mobiles, nempe vel ex intensiōe maiori, vel ex diuturnitate temporis, vel ex simili-

Habitus operatiuus potest dici difficilē mobilis dupliciter.

bus aliis causis. Quare scientiam dicunt esse habitum essentialiter, quia ex sua essentia est difficile mobilis, etiam in minimo gradu; scientia enim etiam in minimo gradu innititur rationi certe & evidenti, quam impossibile sit aliter se habere: Habitus verò erroris quantumvis sit intensus, ex sua essentia est facile mobilis, quia innititur rationi falsæ & mutabili, licet ex accidenti, propter intentionem difficile moueatur.

In habitu scientiam consideratur immobilitas ex parte subiecti,

Nos verò dicimus primò ad rationem habitus parum facere immobilitatem ex parte obiecti, sed solum in habitu considerari immobilitatem ex parte subiecti, vnde cumq; ista immobilitas proueniat siue ex essentia siue ex accidenti, quare si cum immobilitate ex parte obiecti coniugatur etiam immobilitas ex parte subiecti, sic immobilitas ex parte obiecti per accidens facit ad rationem habitus, alioqui per se sola non sufficit. Patet id primò ex doctrina Arist. qui semper immobilitatis ex parte subiecti meminit. Secundò quia actus scientiæ est magis immobilis ex parte obiecti quam habitus, quia habitus solum in potentia actus verò in actu ipso, & tamen actus scientiæ procul dubio est facile mobilis ex parte subiecti ad nutum intellectus, qui facile potest cessare ab actu. Vnde propter hanc immobilitatem ex parte obiecti actus non potest censerī habitus; immobilitas enim ex parte obiecti solum facit ut intellectus non possit dissentire & contrario assentiri, non verò causat immobilem existentiam actus vel habitus in subiecto.

Nullus habitus ex sua essentia est immobilis in subiecto.

Deinde dicimus nullum habitum ex sua essentia esse immobilem à subiecto. Nam si habet contrarium est æquè facile mobilis à contrario, sicut calor & quævis alia qualitas habens contrarium. Quare si habitus erroris ponatur in intellectu tam facile destruet habitum scientiæ sicut quoduis contrarium destruit suum

contrarium, si verò non habeat contrarium ex acci-
denti est immobilis, quia non habet à quo destrua-
tur: si enim adesset contrarium æquè facillè colle-
tur sicut alia accidentia tolluntur à suis contrariis, sic
potentiæ animæ & accidentia ab essentiis rerum dif-
ficillè auferuntur, sed ex causa extrinseca nempe ex
subiecto quod illa conseruat suo influxu. Quare si ac-
cidentia fluentia ex essentia habeant contrarium, pos-
sunt hoc non obstante facillè auferri à subiecto: sic fri-
gus emanat ab essentia aquæ, & tamen facillè tollitur
per calorem contrarium. Ex quo patet quòd licet im-
mobilitas ex parte obiecti posset dici essentialis habi-
tui, quia est proprietas consequens essentiam habi-
tus; Habitus enim sumit essentiam ab obiecto; tamen
hæc immobilitas non constituit rationem formalem
habitus, sed sola immobilitas ex parte subiecti, quæ quia
non oritur ex essentia non potest dici essentialis; ori-
tur enim ex aliis causis extrinsecis. Quocirca habitus
secundùm rationem formalem habitus non differt es-
sentialiter à dispositione; habitus enim est habitus ratio-
ne immobilitatis ex parte subiecti, quæ est differentia
habitus accidentaliter non essentialis.

Sed obiicies. Ex dictis videtur sequi omnes quali-
tates reponi posse in prima specie qualitatis: quia o-
mnes qualitates sunt facillè vel difficillè mobiles, ac pro-
inde sunt vel habitus vel dispositio. Respondeo ad
constituendam primam speciem qualitatis duo conue-
nire. Primò quòd sit qualitas afficiens benè vel malè
subiectum. Secundò quòd sit facillè vel difficillè mobilis.
Vtrumq; est de ratione primæ speciei, non quidè in ra-
tione Qualitatis, sed in ratione primæ speciei; in eo. n.
distinguitur à reliquis speciebus. Nam et si alia species

*Qualitatis pri-
ma species ad
sui constitutionem
quæritur.*

quoque possint benè vel malè afficere subiectum, tamen in illis hoc non consideratur quòd benè vel malè afficiant, sed quòd afficiant vel per modum naturalis potentiae, vel per modum passibilis qualitatis, vel per modum figuræ. Itaque singulæ species habent singulas rationes proprias secundum quas considerantur & constituunt distinctas species qualitatis. Simili ratione licet quoque aliæ species sint facilè vel difficilè mobiles, tamen id in eis non spectatur, sed tantum in prima specie. Quocirca non possunt omnes species qualitatis poni in prima specie formaliter loquendo: Tum quia habent rationes formales diuersas; tum quia non omnibus conuenit ratio primæ speciei. Deinde licet latè loquendo omnes qualitates benè vel malè afficiant; tamen propriè & strictè loquendo non omnes; sunt enim quædam qualitates quæ ad hoc speciali ratione ordinantur vt secundum illas dicatur subiectum benè vel malè habere, vel in anima vt per scientiam, & errorem, per virtutes & vitia; vel in corpore, vt per sanitatem & infirmitatem; non nego tamen eandem qualitatem essentialiter reponi posse in variis speciebus, licet sub ea ratione accidentali sub qua ponitur in vna non possit poni in altera.

QVÆSTIO III.

De tribus aliis speciebus qualitatis.

*Secunda species
qualitatis natu-
ralis potentia
vel impotentia.*

Secundam speciem Qualitatis ponit Aristoteles in naturali potentia vel impotentia, quæ est qualitas ratione cuius dicimur à natura potètes ad aliquid faciendū vel patiendū vel ad resistendū, vt cum dicim⁹ aliquē cursorem, qui habet à natura potentiam ad bene currēdum,

dum, salubrem qui non facile patitur quasvis impressiones aduersas, insalubrem è contra qui facile patitur; similiter dicimus aliquid durum, quod est potens ad resistendum diuisioni, molle quod est impotens, & facile cedit diuisioni. Quidam requirunt etiam vt hæc potentia non sit acquisita sed naturalis: Nam acquisitæ potentia sunt habitus vel dispositiones; Per artes enim acquisitas multa possumus quæ sine artibus non poteramus. Verùm alii dicunt id non requiri; Habitus enim diuerso modo ad primam & ad secundam speciem spectare possunt. Ad primam sub ratione qualitatis bene vel malè efficientis subiectum: Ad secundam sub ratione potentia vel impotentia. Vtrique autem speciei per accidens est, qd sit qualitas naturalis vel acquisita. Nam in prima solum spectatur qd bene vel malè efficiat subiectum, mobilitèr vel immobiliter. Quare habitus si sit à natura insitus, erit verè in prima specie qualitatis. Sic calor est in prima specie, quamuis sit innata qualitas ignis, quia bene efficit subiectum: Sanitas etià innata ad primam speciem spectat. In secunda etià specie spectatur solum potentia vel impotentia ad aliquid faciendum, patiendum, resistendum, siue ea potentia sit acquisita, siue à natura insita: Nam durum & molle pertinet ad secundam speciem etiam si sint acquisita: Similiter robur acquisitum, & salubritas acquisita. Cùm verò secunda species dicitur naturalis potentia, non eo sensu dicitur naturalis vt opponitur acquisitæ, sed vt opponitur præternaturali, ita vt ex natura talis qualitatis oriatur illa potentia, siue ea qualitas sit à natura insita, siue aliunde acquisita, in quo sensu non dicitur in lapide esse naturalis potentia ad ascendendum sursum, quia hanc potentiam habet lapis non à qualitate aliqua naturaliter id præstante, sed ab extrinseco agente mouente illum sursum.

*Naturalis im-
potentia nō ac-
cipitur solum
negatiuē.*

Porro cū dicitur naturalis impotentia, non acci-
pitur solum negatiuē vt dicit negationem potentia; sic
enim non esset species qualitatis, cū negatio non con-
stituatur vllius rei speciem; sed dicitur impotētia positiua
ad quam sequitur negatio potentia, siue omnis poten-
tia siue perfectā potentia. Sic mobile dicit impoten-
tiam ad resistendum id est imperfectam potentiam; sic
debile, infirmum, fragile, & similia, incorruptibile verò
dicit negationem omnis potentia ad corruptionem.

*Potētia & im-
potentia non
tam ex vocibus
quā ex signi-
ficatione asse-
randa est.*

Notandum etiam est rationem potentia & impo-
tentia non tam ex vocibus quā, ex significatione asse-
randa esse: Sape enim dicitur potētia quā verē im-
potentia est, vt in vitro fragilitas quā potest frangi, est
potius impotentia, quia non potest resistere fractiōi:
Potentia item peccandi est potius impotentia resiten-
di malo. Sape etiam dicitur impotentia quā verē potē-
tia est, vt impassibilitas, immortalitas, incorruptibilitas,
quā potius potentia dicendā sunt.

*Potentia natu-
ralis & impo-
tentia differe-
rantne specie?*

Quod si queras, an potentia naturalis & impotentia
differant specie? Quidam aiunt differre solum sicut
perfectum & imperfectum: Naturalis enim impotētia
est imperfecta & debilis potentia. Alii verò distinguunt.
Nam si impotentia excludat omnem potentiam, differt
ab ea specie, quomodo corruptibile & incorruptibile
differunt specie: si verò excludit solum perfectam po-
tentiam, non autem omnem potentiam, sic differunt
vt perfectum & imperfectum.

Dices molle & durum differunt secundum poten-
tiam & impotentiam imperfectam, & tamen differunt
specie. Respondeo. vt demus molliciem differre spe-
cie à duricie; in genere entis, non tamen differt specie
in genere potentia; quia in genere potentia est potētia
imperfecta, quomodo etiam hebetudo & acumen inge-
nii non

nisi non differunt specie; hebetudo enim dicit potètiā
ingonitū imperfectam, acumen perfectam.

Tertiam speciem qualitatis ponit Aristot: passionē
& passibilem qualitatem. Vocat autem passibilem qua-
litatem, quæ vel passionem inferit sensui, ut sunt objecta
sensuum, vel ex passionē & alteratione corporis oriun-
tur, ut rubedo in verecundia, vel pallor in timore. Et li-
cet colores oriantur etiam in rebus non sentientibus &
sine vlla passionē quæ sentiatur; tamen illa alteratio &
permissio qualitatum ex qua oriuntur colores est apta,
passionem sensitivam inferre subiecto, si subiectū eius
sit capax. Ex quo patet passionem à qua denominatur
passibilis qualitas, esse passionem, quæ inferitur sensibus
per alterationem materiale in organis, qualis alteratio
fit in sensu tactus, gustus, & odoratus; horum. n. sensuum
objecta non solum iniiciunt speciem intentionalem in
sensus, sed etiam alterant & immutāt materialiter orga-
na horum sensuum, mutando illorū temperiem & cō-
plexionem. Et idcirco Aristot: postquā objecta horum
trium, dixit esse passibiles qualitates, eo quod passionē
inferāt sensibus, ut calor, sapor, odor, negavit hoc de co-
loribus; non. n. passionem inferunt visui, cum eum nō
alterent materialiter, nisi aliquando per accidens, si sint
coniuncti cum alia qualitate alterante: sic lumen in igne
coniunctū calori alterat visum. Quare negat colores eo
sensu dici qualitates passibiles, sed alio, quia nimirum ex
materiali passionē oriuntur. Distinguit autem Aristot:
qualitates passibiles: Nam si leuiter inhæreant, & facile
transeant, dicuntur passionēs, si verò sint permanentes
& diuturnæ dicuntur passibiles qualitates; si quis enim
erubescat ex verecundia, nō dicitur rubens absolutè sed
passus ruborē; si quis verò permanentem habet ruborē,
absolutè dicitur rubeus.

*Tertia species
qualitatis est
passio & passi-
biles qualitates.*

Quan-

Quamquam Physicè loquendo rubor ex verecundia, & rubor congenitus, sunt eiusdem speciei, & non nisi accidentaliter differunt, prout ex diuersis causis oriuntur.

Etiā in anima sunt passibiles qualitates.
161.

Non solum autem sunt in corpore passibiles qualitates, sed etiam in anima. Nam etiam in anima oriuntur effectus ex passione & alteratione corporea, ut ira, gaudium, timor, tristitia, amor; Hi enim affectus sensitiui nunquam excitantur in animo, nisi excitata aliqua altera ratione in corpore, cum sint actus animæ à corpore & organo dependentes. Tales etiam sunt affectiones mentis, ut amentia, obliuio, mentis alienatio, quæ ex organi alteratione aliqua proueniunt. Et quidem si leuiter inhæreant, dicitur Aristot. passiones, si verò sint diuturnæ, passibiles qualitates.

Duo in actione considerantur.

Quod si obiicias affectus istos esse actiones mentis, & in prædicamento actionis reponendos. Respondeo in actione duo considerari: Primum actionem, secundò terminum, qui est effectus actionis; ratione primi, affectus spectant ad prædicamentum actionis, ratione secundi spectant ad prædicamentum qualitatis, quia sunt qualitates quædam productæ.

Quarta species qualitatis est figura & forma.

Quartam speciem qualitatis ponit Aristot. figuram & formam. Porro figura non est terminus quantitatis, sed terminorum quantitatis dispositio. v. g. circularis vel triangularis figura est terminorum quantitatis seu linearum certa dispositio; terminus enim abstrahit à tali vel tali figura, & sicut variè disponitur, ita varias rationes figuræ induit; eadem enim linea rectè disposita fit circularis, triangularis, curua, recta. Dices ista dispositio terminorum cum sit in ordine ad locum non distinguitur à situ. Respondeo non esse dispositionem in ordine ad

ne ad locum (sic enim ad situm spectaret) sed esse dispositionem terminorum in ipsa quantitate, quo modo dispositio facit figuram.

Forma verò exterior (hæc enim hoc loco intelligitur) differt à figura. Primò in significato materiali: quia ^{1.} *Forma exterior differt à figura.* figura spectatur in sola quantitate ut quãtitas est abstractendo ab omni materia, forma autem in realiqua vel ^{2.} *In significato formali.* naturali vel artificiali. Vnde Mathematica non dicitur considerare formas sed figuras, quia considerat solam quantitatem in abstractio cui conuenit figura: Formam autem consideramus in determinata materia. v. g. in homine, in scamno, & similibus: Secundò in formali significato, quia forma præter figuram videtur induere alia etiam quæ ad externam pulchritudinem faciunt, ut præparationem membrorum, & colorum suauitatem: Sic enim Tullius describit pulchritudinem, ut sit apta membrorum figura cum coloris quadam suauitate. Hinc est quòd formosos dicimus non à sola figura sed à proportionem & colorum pulchritudine. Quare sicut figura est qualitas quædam & figura quantitatis, ita forma est qualitas quædam & pulchritudo figuræ in proportionem figuræ & colorum consistens. Ex quo patet formam ut distinguitur à figura nō esse simplicem qualitatem sed aggregatam ex multis. Posuit autem formam Aristoteles inter species qualitatis, vulgarem cadere opinionem secutus.

QVÆSTIO IV.

De sex ultimis prædicamentis.

IN hac quæstione explicandum est in quo consistat ratio formalis sex reliquorum prædicamentorum.

Rrrrr:

de

*Opinio triplex
de ratione for-
malis sex reli-
quorum præ-
dicamentorū.*

de quibus triplex est opinio. Prima Scoti in 4. d. 13. q. 1. sex vltima prædicamenta esse relationes extrinsecus aduenientes: Nam relationes intrinsecus aduenientes Scotus eas esse ait quæ posito fundamento & termino necessario consequuntur, scilicet ex natura terminorū absolute, ut positis duobus albis quantumvis à se distancibus, necessario consequitur inter illa similitudo, easq; relationes ait spectare ad prædicamentum relationis. Relationes verò extrinsecus aduenientes eas vocat, quæ posito fundamento & termino nõ necessario consequuntur, ut posito agente & passio, non statim sequitur relatio agentis & passi, nisi sibi debite vniantur. Similiter locus non refertur ad locatum nisi ei vnitus, & has relationes ait spectare ad sex vltima prædicamenta, quæ nihil aliud dicunt, quàm nexum quendam duorum extremorum inter se qui nexus est relatio.

Quod si obiicies vtrasque relationes tam intrinsecas quàm extrinsecas pertinere ad vnum genus relationis. Respondent quidam, verum id esse si ex natura rei loquamur. Verùm sicut omnia accidentia, etsi sub vno genere accidentis contineantur commodioristamē doctrinæ causa sunt in nouem genera distributa, ita etiam relationes extrinsecæ, etsi sub eodem genere relationis contineantur cum relationibus intrinsecis, tamen commodioris doctrinæ causa sunt in varia genera prædicamentorum distributæ, propter peculiare modos afficiendi & denominandi primam substantiam. Alii respondent has relationes esse diuersæ rationis ab illis, ut patet ex diuersis proprietatibus earum, & idcirco ad diuersum genus Prædicamenti pertinere.

Secun-

Secundò dicunt alii sex vltima prædicamenta esse formas extrinsecè denominantes. v.g. actionem esse denominationem ab effectu vt est ab agente, passionem ab effectu vt inducitur ab agente in passum, Vbi à loco, Quando à tempore, Situm à partibus dispositis secundum locum, Habere à corpore circumposito. Ita Fonsæca §. Metaph. cap. 1 §. q. 7. cum D. Thoma 3. Physic. lect. 3.

Alii terciò aiunt hæc vltima prædicamenta dicere modos quosdam absolutos & intrinsecos connotando respectus ad extrinsecum. verbi gratia, Vbi dicit intrinsecum modum præsentia connotando relationem ad spatium vel locum. Actio dicit modum quo se habet effectus ad agens. Ita Suarius & plerique recentiores. Nos autem prius rationes singulorum istorum sex generum assignabimus; tum quid de illis vniuersè dicendum sit, per se manifestum erit.

Dico primò Actio est effectus quatenus est ab agente. *Quid sit actio?* te & ipsius virtute existit; Ita D. Thomas 3. Physic. lect. 5. Id enim à quo agens denominatur actu agens est actio. atqui ab effectu denominatur agens actu agens. Ergo effectus est actio. Minor patet. Nam agens ideo dicitur agere, quia habet effectum à se procedentem seu virtute sua existentem, quod etiam si declarari potest. Agens dicitur actu agens, per hoc quod aliquid agitur ab illo: at nihil agitur ab illo nisi effectus: Ergo ab effectu denominatur actu agens.

Verum cum effectus variè considerari possit. Pri- *Effectus considerari potest quadrupliciter.* mò, secundum suam essentiam, Secundo vt fit, Tertiò vt fit ab agente, Quarto vt fit in passio, agens non denominatur actu agens ab effectu nisi sub tertia ratione, quia sub ea solum refertur ad agens, sub aliis verò, vel.

non refertur, vel ad alia refertur. Duo igitur requiruntur in effectu ut denominet agens; Primum est ut sumatur in fieri. nam in facto esse, non denominat actu agens, quia tunc cessat actio: Ergo solum in fieri denominat agens actu. Porro fieri est dependere in esse ab agente, seu virtute agentis habere esse, vel primum ut in productione, vel continuatione ut in conseruatione.

Dices in actione productiua requiri ut effectus fiat, non tamē in conseruatiua: quia cōseruatur id quod iam factum est. Respondeo, fieri si strictē sumamus, significat fieri aliquid de nouo. cū ante non fuerit, quomodo fieri non conuenit rei quæ conseruatur: at si fieri sumamus latē, pro eo quod quocunque modo est ab agente, siue ante non extiterit, siue extiterit, dum modò virtute agentis existat, sicut extitit cū primò fieret ab agente, sic fieri conuenit etiam rei quæ conseruatur, quia ita virtute agentis conseruatur & accipit esse, sicut accipiebat in primo instanti suæ productionis; solum enim discrimen in eo est, quod ante post non esse accipiebat esse, nunc verò post esse. Alterum quod requiritur, est ut effectus referatur ad agens. Debet autem referri tanquam id à quo existit & à quo dependet.

Est autem controuersia celebris inter Doctores, An hæc dependentia effectus ab agente, in qua consistit ratio formalis actionis, sit res distincta ab effectu, vel an sola ratione distinguatur?

Opiniones de ratione formalis actionis, an sit re ab effectu distincta an vero solayatione.

Quidam enim sentiunt Actionem esse rem vel modum absolutum ex natura rei distinctū ab effectu. Primò; quia separatur actu ab effectu: nam postquam res est producta cessat actio, & tamen non cessat effectus. Sic cessante calefactione non cessat calor, & tamen manente

mente calore non manet calefactio. Secundò: quia nō potest aliquid dependere, cū ante non dependeret, nisi aliter se habeat: Ergo dependentia addit rem aliquam ad rem dependentem. Et hæc sententia est communior in scholis quam sequitur Suarius, Ruuius, Fonseca.

Alij tamen dicunt dependentiam effectus ab agente non esse aliquem modum absolutum, vel rem superadditam effectui, sed ipsum effectum vt est ab agente, hoc est, quatenus virtute agentis existit, in quo præter effectum & relationem nullus alius modus aut res inuoluitur. Ad hoc enim vt aliquid sit virtute alterius, non est opus in eo ponere rem aliquam mediam, aut modum, ratione cuius res illa dicatur dependere & esse virtute alterius, sed sufficit existentia ex parte effectus, & virtus actiua ex parte agentis, ita tamen vt illa existentia dicatur esse propter illam virtutem. Quod probatur primò inductione. Nam relatio dicitur dependere essentialiter à termino, potentia ab obiecto, scientia à scibili; neque tamen quisquam posuit modum aliquem realem superadditum relationi, ratione cuius relatio pendeat à termino; similiter neque in potentia aut scientia ponitur talis modus, sed relatio seipsa immediatè intelligitur dependere à termino: scientia ab obiecto; Imò & actio quæ sine istis est res distincta ab effectū, est dependens ab agente per alium modum, sed seipsa ab effectis. Vnde sumitur secunda ratio pro hac sententia. Quia si actio est res distincta ab effectū, sequeretur habere distinctam dependentiā à dependentia effectus; Vbi enim sunt distinctæ existentiae dependentes, ibi sunt distinctæ dependentiae: Nam dependentia vnius existentiae, non est dependen-

cia alterius existentia: at si actio habet distinctam dependentiam à dependentia termini, sequitur dari actionem actionis; Actio enim nihil aliud est quàm dependentia rei ab agente: Si ergo actio habet distinctam dependentiam ab agente, habebit distinctam actionem qua fit ab agente. Vnde etiam sequitur dari infinitas actu actiones. Nam sicut primæ actionis datur alia actio, ita & alterius actionis dabitur alia actio in infinitum, & sic erunt infinitæ actiones actu; quia omnes erunt actu, à si distinctæ & ex natura rei. quod est magnum absurdum.

Respondere solent actionem esse id quo effectus agitur & dependet ab agente, nunquam autem id quo aliquid est tale, est per aliud tale, sed seipso: sic albedo quia est id quo res fit albæ ipsa non est per aliam albedinem alia sed seipsa. Quare & actio non agitur per aliam actionem, nec dependebit per aliam dependentiam, sed seipsa.

Sed contra, illa propositio laborat æquivocatione. Nam id quo aliquid est tale, non est quidem per aliud tale formaliter, est tamen per aliud tale effectivè, ut patet inductione in omnibus. Nam albedo, V. G. non est per aliud talis albedo formaliter, sed seipsa, quia per essentiam albedinis est albedo, est tamen per aliud effectivè talis: Pari ergo ratione, si actio est res distincta ab effectu, erit quidem per seipsam talis formaliter, quia per suam essentiam propriam est actio talis effectus; tamen non per se est ipsa talis effectivè, sed per suam causam effectivam, & eius actionem. Quocirca ex hoc quod actio est id, quo effectus agitur, non sequitur ipsam actionem non esse per aliam actionem effectivè, sed tantum non esse per aliam actionem,

tionem, talem formaliter: sic calor in ligno est id quo lignum est calidum, & tamen per alium calorem est calor effectivè, licet non per alium calorem sit calor formaliter.

Sed dices. Actionem formaliter esse ipsam dependentiam effectivam ab agente; ergo si actio non est per aliud dependens formaliter, non erit etiam per aliud dependens effectivè, quia dependentia effectiva est ratio formalis actionis. Sed contra. Non omnis dependentia effectiva est ratio formalis actionis, sed solum dependentia termini, non verò dependentia actionis, quæ sicut ponitur res distincta à termino, ita & eius dependentia erit distincta à dependentia termini. Quare dependentia effectiva termini non per aliud convenit actioni, sed formaliter per ipsam actionem; at dependentia effectiva actionis, per aliud convenit actioni, nempe per aliquod genus, sua actione causans actionem; sicut enim habet distinctam existentiam ab existentia termini, ita eget distincta actione ab ea qua producitur terminus. Ex quib. patet actionem non esse quo sui, quo effectus, & respectu effectus, non esse per aliquid aliud tale formaliter, respectu verò sui esse per aliud tale effectivè, quia suam entitatem æquè habet dependentem ab agente sicut terminus.

Tertiò probatur hæc sententia. Dependencia enim non distinguitur ex natura rei à re dependente: at actio formaliter est dependentia termini ab agente: Ergo non distinguitur ex natura rei à termino. Maior probatur: quia omni alia re separata, & sola entitate rei dependens relicta res illa in sua entitate nō erit independens, sed dependens: Ergo dependentia nō est quid distinctū à re dependente: Quomodo .n. separari potest à crea-

à creaturis dependentia ipsarum à Deo? à relatione, dependentia ipsius à termino? à scientia dependentia à seibilibi?

Confirmatur. Quia res non sunt dependentes per aliud, sed intrinsecè per suam entitatem: quia in sua entitate sunt limitatæ, & ex se non sufficientes ad existendum quod est esse dependens: at si dependentia rerum esset res quædam distincta ab ipsis, sequeretur ipsas in sua entitate non esse dependentes: sicut & paries quia per rem à se distinctam est albus, secundum suam substantiam formaliter non est albus.

Quare ad primum primæ sententiæ. Respondeo. Cessante actione, non cessat res aliqua absoluta, sed sola relatio dependentiæ ab agente seu cessat id quod effectus virtute agentis existat. Ex eo enim quod est positus in esse non eger amplius virtute agentis. Quando enim effectus erat ab agente & existerat virtute agentis, dicebatur & agens agere, & effectus agi; at producto effectui, iam effectus non est ab agente, nec virtute agentis; quare nō denominatur ille effectus actio, licet sit res illa quæ est actio. Porro cum effectus cessat esse ab agente, nihil intrinsecum deperdit, sed tantum quod non sit amplius virtute agentis: sicut autem seipso immediate & sua entitate effectus existerat virtute agentis, non verò re aliqua superaddita sibi, ita cum cessat esse virtute agentis non deperdit aliquam rem à sua entitate distinctam, quia sua entitate, nō aliā superaddita, dependebat ab agente. At inquires saltem cessabit relatio ad agens. Respondeo. Id etsi verum sit, tamen etiam relatio non est res distincta à fundamento, & cessare potest, sine extrinseca sui mutatione, ex sola cessatione termini.

Ad secundum respondeo. Rem dependere, & esse virtute intrinseca agentis; non est ergo necesse in aliquo intrinseco mutari, sed solum in virtute extrinseca agentis afficientis & perficientis extrinsecè rem illam. Non enim sufficit ad dependentiam, sola instantia virtutis actiuæ otiosæ (nam si effectus sit iam productus, etsi adsit virtus extrinseca agentis, non dependet effectus ab agente, quia non perficit effectum) debet ergo virtus actiua esse perfectiua effectus, ita ut illi effectus extrinsecè innitatur, quod oritur ex natura effectus & causæ. Quia enim effectus est natura sua indigens ad existendum, aliena virtute, & virtus actiua agentis est natura sua perfectiua alienæ existentiae, ideirco coniunctio utroque sequitur dependentia actualis vnius ab altero, nullo alio addito. Quare si Deus radium solis, qui dependebat à sole, sua propria virtute conseruet, cessante influxu solis; talis radius nulla intrinseca mutatione facta, Dei virtute conseruabitur solum per hoc, quod ab alia virtute alterius agentis dependebit.

His itaque explicatis solui facile possunt quædam quæ sita de actione ad hunc locum spectantia.

Primum est. An actio sit res absoluta vel respectiua. Dico enim constare absoluto & respectu; Actio enim est id quod agitur, hoc autem est effectus ipse qui est quid absolutum, quia tamen hoc absolutum non denominatur agi nisi respectu agentis, ideirco quatenus effectus connotat agens dicitur actio: sicut similitas formaliter est quid absolutum, nempe curuitas connotans nasum: quare actio est quid absolutum sub certo respectu ad agens: neque maior simplicitas requirenda est in actione. Dices Entia per accidens reici à prædicamentis.

*Actio constat
absoluto & respectu.*

Respondeo. Si utrum que Ens æquè primò includatur, tale ens esse verè per accidens, & reijci à prædicamento ut paries albus: at si vnum solum ens includatur in recto, aliud connotetur in obliquo, tale ens licet videatur per accidens, non reijcitur à prædicamentis; alioqui relatio non esset genus prædicamenti, quia relatio in obliquo, includit terminum. Et talia Entia per accidens, sunt omnia ferè sex vltima genera prædicamentorum.

*Actio est ali-
quando forma
extrinseca.*

Secundum, An actio sit denominatio seu Forma extrinseca. Respondeo non semper esse extrinsecam, sed aliquando esse intrinsecam. Nam si effectus sit extra agens, actio etiam erit extrinseca agenti, ut accidit in actionibus transeuntibus. Si verò sit effectus in ipso agente, ut in actionibus immanentibus, actio erit intrinseca agenti, & ex consequenti denominatio intrinseca: dici tamen potest extrinseca, quia ex se non requirit ut sit intrinseca.

*Actio est res
distincta ab a-
gente.*

Tertium, An actio sit res distincta ab agente. Respondeo esse, quia actio est idem cum effectum; Effectum autem oportet re distingui ab agente. At dices actionem formaliter non esse effectum. Respondeo non esse formaliter effectum secundum se acceptum, nec effectum ut factum, sed effectum ut est in fieri. Vnde si quæras an actio fiat, Respondeo cum non sit res distincta ab effectum non fieri distincta actione ab ea qua sit effectus; Distincta enim actio, est distincta dependentia: at actio non habet dependentiam distinctam ab effectum, cum non sit res distincta ab effectum: Ergo neque distinctam actionem: Quare agi actionem est agi effectum.

*Actio debet nec
dici fieri?*

*Actio tam im-
manens quam
transiens poni-
tur in prædica-
mento actionis.*

Quartum quæsitum, An actiones tam transeuntis quam immanentes ponantur in prædicamento actionis. Respondeo affirmatiue. Nam & Aristoteles de v-

trifq;

trifq; actionib. ponit exempla; meminit enim tristitiæ & delectationis, quæ sunt actiones immanentes. Et ratio idem docet; quia actiones immanentes nihil aliud sunt quàm productiones; qualiratum quarundam in anima manentium, suntq; omninò similes actionibus transeuntibus, quæ sunt productiones qualiratum non immanentium in agente sed extra agens in passio.

Quintum quæsitum. An omni actioni respondeat passio, seu productioni actiuæ, productio passiuæ. *Omni actio respondet suo modo passio.* Respondeo omni actioni respondere suo modo passionem; nam si actio sit productio rei alicuius receptæ in subiecto; V. G. calefactio actiuæ sic ei respondet verè & propriè passio & receptio passiuæ, quia calor productus verè recipitur passiuè in subiecto: at si terminus per actionem productus sit subsistens, & in nullo subiecto vel quasi subiecto receptus, tunc actioni non respondet villo modo passio; quia terminus, cum quo actio est idem, in nullo physicè recipitur passiuè, recipitur tamè terminatiuè & obiectiuè, sic creationi actiuæ respondet creatio passiuæ; nam etsi terminus creationis sit per se existens, & in nullo subiecto receptus, tamen creatio terminatur ad effectum; Id n. ratione cuius dici res creata passiuè, quia est terminus & obiectum creationis actiuæ.

Qui tamen tenent actionē esse rem distinctā ab effectu, tenent etiā creationem actiuā esse rem receptā Physicè in substantia rei creatæ, sed isti vel ex hoc ipso conuincuntur, quòd actio nō sit res distincta ab effectu. Nā sequeretur effectum prius natura existere quàm sit actio. Si enim actio recipitur in substantia effectus, præsupponit substantiā effectum existentē in qua recipiatur; neq; prius existit quàm recipiatur, & sic prius existet effectus quàm actio, & in illo priori intelligitur existere effectus sine actione, quod est absurdum.

De Passione.

*Quid sit passio.**Tria notanda
in passione.*

Dico secundò. Passio est forma, prout ab agente inducitur in passum. Tria igitur in passione considerantur. Primò, quòd sit aliqua forma; Secundò quòd sit ab agente: Tertiò quòd recipiatur in passu; Pati enim est ab aliquo recipere aliquid. Quocirca cessante actione agentis, & forma posita in facto esse retentio illa formæ non est passio, quia non est receptio formæ ab agente. Ex quo patet quòd licet actio possit esse sine passione propriè dicta, vt paulò ante dictum est; passio tamen non potest esse sine actione.

*Receptio est
ratio formalis
passionis.**Opiniones, qd
sit ista receptio.*

Porro quid sit ista receptio, in qua consistit ratio formalis passionis non conuenit inter Doctores. Nam qui modis delectantur, dicunt receptionem esse modum quendam realem vnionis identificatum formæ receptæ, eumq; vna cum forma recipi in subiecto: quia receptio cum sit nouus effectus realis debet procedere ab aliqua re præstante formaliter hunc effectum: atqui receptio non est effectus solius formæ, nec solius subiecti, sed formæ vnite subiecto: Ergo datur vnio quæ sit modus quidam realis superadditus formæ. Alij verò qui hos modos iudicant non necessarios & non multiplicandos sine necessitate, censent res seipsis immediatè vniri absque vlla re media interposita. Nam hæc res media non min⁹ quàm ipsa extrema vnione indiget, aut si ipsa potest vniri extremis sine alio medio, etiam extrema possunt vniri inter se, sine alia re media. Deinde cum vtrumque extremum vtrique vniamur, ex vtraque parte deberent esse hi modi vnionis, & per vnū modum, forma ex parte sua vniretur subiecto, per alterum subiectum ex parte sua vniretur formæ. Alius enim est modus vnionis ex parte formæ; alius ex parte subiecti;

sub-

Subiectum enim vnitur vt recipiens, forma vt recepta. Addo quòd non solum forma recipitur, sed & ille modus, ita vt duo sint recepta. Cum igitur modus non recipiatur mediante alio modo, alias esset processus in infinitum, nec formam necesse est recipi mediante modo sed seipsa immediatè.

Responderi potest receptionem, non recipi per aliam receptionem, quia id quo aliquid est tale, ipsum non per aliud est tale, sed per se ipsum. Sed contra sicut in præcedenti conclusione de actione dicebamus, Id quo aliquid est tale, non esse per aliud tale formaliter, posse tamen esse per aliud tale effectiuè, sicut calor in ligno, non est per alium calorem calor formaliter, sed seipso, & per suam essentiam; est tamè per aliū calorem calor effectiuè. Pari ergo ratione receptio illa formæ in subiecto nõ per aliud formaliter est receptio formæ, sed seipsa: quia est essentia ipsa receptionis; si tamen receptio formæ sit res distincta à forma, potest & debet dari alia receptio receptionis, per quam non forma sed receptio formæ, quæ fingitur esse res distincta à forma, recipiatur. Esse autem has receptiones in re distinctas inde patet. Primò; quia sunt receptiones rerum distinctarum; Nam prior erat receptio formæ, posterior verò rei distinctæ à forma hoc est receptio receptionis. Secundò; Distinctæ Entitates receptæ distinctis receptionibus indigent; neque enim receptio vnius entitatis est formaliter receptio alterius entitatis, & potest cessare vna receptio, non cessante altera, vt in productione rei per se subsistentis actio recipitur, res verò producta non recipitur sed per se subsistit. Tertiò. Quia licet receptio formæ sit respectu formæ, receptio, & vt quo, quia est id quo forma recipitur; tamen non est vt quo, respectu suæ

entitatis, quia aliud est receptio formæ, aliud receptio rei distinctæ à forma, neq; idem est quo recipitur formæ, & quo recipitur res distincta à forma: Quocirca receptio formæ, si est res distincta à forma, eget proculdubio distincta receptione à receptione Formæ, aut certè, si se ipsa nō perdistinguitur receptione recipitur, poterit quæcunq; res se ipsa nō perdistinguitur à se receptione recipi.

Ex dictis sequitur Primò passionem non esse rem distinctam à forma recepta, sed esse formam ipsam cum connotatione agentis & passi. Quare sublatis connotatis, tollitur passio, non quòd tollatur res aliqua aut entitas, sed quod res illa & entitas quæ ante cum connotatis erat passio, sine connotatis non est passio. Sicut Similitudo sublato naso, desineret esse similitudo quia non connotaret nasum, non tamen desineret esse res eadem quæ antè fuit, quia esset eadem curvitas, quæ antè, sed sine connotatione nasi.

Unio formæ cum materia nō est res distincta à formæ & materia.

Sequitur secundò unionem formæ cum materia, non esse rem distinctam à forma & materia: Quia si esset res distincta, non minus ipsa egeret alia unione infinitum, quàm forma. Neque tamen hinc sequitur unionem esse solam indistantiam formæ & materiæ: nam unio secundum indistantiam est solum unio secundum locum, & per eam fit unum secundum locum, nō verò unum compositum substantiale vel accidentale. Maior ergo est unio formæ cum materia, quàm unio indistantiæ; est enim unio compositionis. Unio autem compositionis fundatur in ratione potentiæ & actus sumpta ex natura terminorum, quando nimirum unum est ex natura sua potentia ad aliud, aliud verò actus potentiæ perfectius.

Quæ igitur uniantur per modum potentiæ, & actus seu per modum perfectibilis & perfecti uni ea unita faciunt compositum.

Ac

At inquires possunt aliqua duo vniri secundum indistantiam, ita vt vnum sit actus, alterum potentia, & tamen, non erit vera vnio seu receptio formæ in materia, vt si anima Petri poneretur indistans à corpore Pauli, tunc enim anima Petri esset actus, & corpus Pauli esset potentia, & tamen anima Petri non informaret corpus Pauli, quia est præoccupatum anima Pauli, nec potest idem corpus informari simul duabus animabus. Ergo non sufficit Entitas formæ & materiæ ad vnionem, sed aliquid aliud requiritur, nempe modus realis vnionis. Respondeo, non esse id ob defectum modi; nam nec cum modo, nec sine modo anima Petri potest informare corpus Pauli, simul cum anima Pauli. Causa igitur huius est, quòd corpus Pauli occupatum ab anima Pauli, non est potentia proxima ad animam Petri, vt possit informari ac perfici ab ipsa, quia est potentia impedita ab alia anima; corpus enim non est in potentia ad duas animas simul, sed ad singulas seorsim.

Et sicut vas repletum aqua, non est proximè capax alterius aquæ simul cum præcedente, sed seorsim est capax singularum aquarum, ita & materia non est capax formarum coniunctarum, sed singularum seorsim. Aio igitur in hac coniunctione animæ cum corpore deesse potentiam proximam & ex consequenti, non sequi vnionem in ratione actus & potentiæ. Porro vnio actus & potentiæ non est solum existentia actus & potentiæ, sed etiam eorum causalitas inter se & dependentia; actus enim perficit potentiam & potentia perficitur ab actu, posito verò actu seipso perficiente potentiam nullus alius modus requiritur ad ista vnienda in ratione actus & potentiæ, sed de hoc plura in Physica,

Sequi-

*Passio est de-
nominatio sim-
plicitè intrin-
seca.*

Sequitur Tertiò. passionem esse denominationem simpliciter intrinsecam, quia est denominatio à forma recepta. Quamquam nonnulli aiunt esse quidem hanc denominationem intrinsecam, quatenus est à forma recepta; tamen quia receptio formæ non sufficit ad rationem passionis, nisi illa sit ab agente extrinseco, idcirco secundum quid passio denominatur extrinsecè. Nos autem dicimus etsi essenziale sit passioni ut sit ab agente; non enim passum à seipso sed ab agente patitur, neque dicitur pati ex eo quòd recipit in se aliquid sed ex eo quòd ab agente recipit; tamen non est essenziale passioni ut sit ab agente extrinseco; licet enim hoc verum sit in actione transeunte, tamen in actione immanente idem est agens & patiens, & sic non erit verum vniuersè, passionem esse denominationem extrinsecam, sed est ex se indifferens ad utramque. Et quamuis vniuersè verum esset passionem esse ab agente extrinseco; tamen hoc per accidens esset ad rationem formalem passionis; Passio enim licet non abstrahat ab agente, abstrahit tamen ab hoc quòd illud agens sit extrinsecum, & potest passio concipi integrè secundum suam rationem formalem, non concipiendo quòd sit ab agente extrinseco. Deinde ad hoc ut denominatio dicatur extrinseca, non satis est quòd connotet aliquid extrinsecum; alioqui relatio non denominaret intrinsecè, quia connotat terminum extrinsecum, sed requiritur ut illud extrinsecum denominet rem per modum formæ efficientis extrinsecè, non verò sit solum connotatum in obliquo. Hic autem agens solum connotatur à passione in obliquo: non igitur habet se per modum formæ denominantis extrinsecè.

De Quando.

Dico tertio. Quando est denominatio rei durantis *Quid sit Quando*
 à tempore, ut esse heri, hodie, biennio, triennio, &c. Ratio *doe*
 est; quia per quando interrogamus de tempore & respō-
 demus per tempus vel in ordine ad tempus. Dices que-
 stionē quando esse de duratione: at sunt aliæ durationes
 præter tempus, nempe æuum & æternitas; non igitur
 necesse est ut ad interrogationem quando respondeat
 tur per tempus, sed siue per tempus, siue per æuum, siue
 per æternitatem. Respondeo ad quæstionem quando, *Ad quæstionē*
 non posse responderi nisi per durationem diuisibilem; *Quando non*
 per Quando enim petimus partem durationis; petimus *potesť respon-*
 enim in qua parte durationis res fuerit, priori vel poste- *deri nisi per*
 riori, tanta vel tanta. Nulla autem duratio habet par- *durationem*
 tes nisi tempus; omnes enim aliæ durationes sunt totæ *diuisibilem.*
 simul & indiuisibiles, & non nisi per coëxistentiam cū
 tempore habent suam quantitatem & diuisibilitatem.
 Sicut enim anima in se indiuisibilis & tota simul coëxi-
 stit corpori diuisibili; tota in toto & tota in qualibet eius
 parte existens, & ex hac coëxistentia habet extensionē
 quandam & diuisibilitatem, non in existendo, sed in
 coëxistendo, ita ut indiuisibiliter existat ex parte sui,
 diuisibiliter ex parte corporis: quia corpori secundum
 aliam, & aliam eius partem coëxistit: ita & duratio in-
 diuisibilis, per coëxistentiam cum tempore habet diui-
 sibilitatem, & extensionem quandam, ut illa dicatur
 Maior vel Minor, quo maiori vel minori tempore coex-
 istit, cū tamen secundum se tota sit in toto tempore,
 tota in singulis partibus temporis. Si enim Deus crearet
 duos Angelos, alterum heri, alterum hodie, hesternus
 procul dubio maiorem durationem haberet quàm ho-
 diernus, solum ex eo quod coëxisteret maiori tempori.

Nam in se vtriusq; duratio est tota simul & indiuisibilis, nec intrinsecè plus vna habet quàm altera. Ex quo patet non posse responderi ad quæstionem quando, nisi per tempus tanquam per mensuram omnium durationum. Mensura enim dicit quantitatem; nihil enim mensuratur nisi quantum. Cum igitur aliæ durationes non sint quantæ, non possunt mensurari vt coëxistunt tempori quanto. Quocirca si quæram quantum durauerit Angelus, non possum respondere nisi per tempus annorum vel dierum.

Duratio nihil aliud est, quàm existentia permanens & indeficiens.

Quod si obiicias, hinc sequi durationem indiuisibilem, non habere rationem formalem durationis nisi in ordine ad tempus & per coëxistentiam cū tempore. Resp. durationem nihil aliud esse, quàm existentiam permanentem & indeficientem; Rem enim durare est non deficere ac proinde permanere: verùm quia res in primo instanti habet suam existentiam indeficientem, & tamè in eo instanti, non dicitur durare, nec vlla res durare potest per instans, ideo requiritur ad durationem talis indeficientia, quæ possit mensurari tempore. Ex quo sequitur vnum ex duobus vel quòd de essentia durationis sit successio, siue in se siue in alio, cui res durans coëxistit actu vel potentia, vt sentiunt Nominales, vel vt minimū existentia debet esse ita indeficiens, & ita indiuisibilis, vt possit coëxistere mensuræ durationis diuisibili, hoc est tempori, ad eum modum, quo anima & Angelus ita sunt indiuisibiles vt coëxistere possint corpori diuisibili: Tunc autem duratio indiuisibilis etsi non includat essentialiter ordinem ad tempus, habebit tamen in se fundamentum ad coëxistendum tēpori quatenus est indeficiens tam actu quàm potētia; sic enim poterit respondere huic vel illi parti temporis. Et quamuis in ratione durationis possit concipi sine ordine ad tempus; tamen

tamen in ratione mensuræ durationis nō potest concipi nisi in ordine ad tēpus. Quod etiam ex eo confirmatur; quia vna duratio est maior altera; Ergo propter plures partes durationis; nihil enim dicitur maius, nisi propter quātitatem & partes, cū igitur duratio indiuisibilis in se nō habeat partes, debet vt minimū coexistere partib⁹, vtratione huius coexistentiæ dicatur maior vel minor. Quare tam ænum quā æternitas, etsi sint durationes indiuisibiles in se, vt dicunt existentiam indeficientem, illa tamē existentia indeficiens, non potest mensurari in ratione durationis, nisi quatenus coexistit temporis actu vel potētia; quia ex hac coexistentia habet partes, ratione quarum dicitur tanta vel tanta, maior vel minor.

Quod si quæras. Durationes an reponendæ sint in prædicamento quando? Respōdeo tempus esse in prædicamento Quando tanquā rationem formalem à qua sumitur denominatio huius prædicamenti, quo etiam modo aliæ durationes indiuisibiles, quatenus coexistūt temporis & tempore mensurantur, ad hoc prædicamentum pertinere possunt, quia vt sic substantiā interrogatio ni Quando, & per Quando respondetur ad quæstionem de ipsis factam. Si etiam quæras, an denominatio à tempore sit extrinseca vel intrinseca? Respōdeo tēpus esse duplex; aliud intrinsecum q̄ sumitur ex motu intrinseco in illa re existēte; quomodo tempus primi mobilis dicitur illi intrinsecum, quia desumitur ab illius intrinseco motu; aliud extrinsecum, quomodo tempus primi mobilis est tempus aliarū rerum quæ sunt in mundo; omnia enim mensurātur tempore primi mobilis hoc est tempore diurno in viginti quatuor horas distributo; Denominatio ergo à tempore intrinseco est intrinseca, ab extrinseco extrinseca.

Tempus est in prædicamento Quando

Tempus est duplex. Intrinsecum & extrinsecum.

De Vbi.

Quid sit Vbi?

Dico quartò, Vbi esse existentiam in loco: quia ad quæstionem Vbi respondetur per esse in loco. Dices Vbi esse præsentiam in quacunque re, siue res illa habeat rationem loci siue non, Respondeo hoc esse contra impositionem huius vocis. Nam Aristoteles idcirco negat vltimum cælum esse alicubi, quia nullibi est tanquam in loco; cùm neq; extrinsecum spatium imaginarium sit locus, quia nihil est; neq; inferius cælum est locus superioris, quantumuis sit illi præsens. Sancti etiam Patres eadem in causa negant, Deum ante mundum conditum fuisse alicubi; quia tunc nullus locus erat in quo esse posset.

*Explicatur
quid sit esse
in loco.*

Porro explicandum est quid sit esse in loco. Dico igitur esse in loco est esse tanquam in aliquo continente immobiliter quia secundum Aristot. locus est superficies continens immobiliter. Ex quo sequitur ad hoc vt aliquid dicatur esse in loco, non satis est, vt quocunque modo sit in aliquo, sed requiritur vt sit in illo tanquam exercente rationem loci, siue tanquam in continente immobiliter. Quare requiritur primum vt illud in quo aliquid esse dicitur tanquam in loco, sit verè aliquid non nihil; quomodo in spacio vacuo res non dicuntur esse tanquam in loco, quia vacuum cùm nihil sit, non potest exercere rationem loci. Quare quod in vacuo est nullibi est secundum Aristot. & secundum veritatē: quia spacio vacuum nihil est vt in eo aliquid esse possit & esse in nihilo est nullibi esse. Secundò requiritur vt illud aliquid habeat rationem continentis immobiliter: quomodo nec accidentia in subiecto sunt tanquam in loco neque anima in corpore quod informat,

neque

neque Angelus in coelo; Quanquam autem metaphoricè ista omnia dici possunt esse in loco; sola tamen corpora in aliis corporibus propriè dicuntur esse in loco quia sola corpora contineri immobiliter ab aliis corporibus possunt. Non igitur sufficit ad hoc ut aliquid dicatur esse in loco, quòd sit præsens realiter illi rei, alioqui & accidentia essent in subiecto, tanquam in loco, & Angelus esset in coelo tanquam in loco, quia est illi realiter præsens. Deinde ablata continentia non magis res est præsens loco quàm locus illi, quare non magis res esset in loco, quàm locus in re. *Immobilitas requiritur ad rationem rei.* Verò requiritur ad rationem loci, quia esse in loco, est esse hic & non alibi, ac ex consequenti immobiliter: Nam si locus moueatur, res non erit hic sed alibi.

Secundò explicandum est, quid sit ista existentia in loco? Quidam enim dicunt Vbi esse rem superadditam mobili, seu modum intrinsecum realis præsentiæ, ratione cuius formaliter res est in spatio immobiliter, ita ut si locus mutatur (ut in turri flante vento) res tamen per hunc modum est in eodem spatio, & habet idem vbi, neque mutatur hic modus in re nisi res mutet spatium. Aiunt etiam hunc modum esse terminum ad quem motus localis. Nihil enim aliud per motum in vacuo reale acquiritur præter hunc modum. Verùm hæc sententia impugnari potest; Primò: quia hic modus præsentiæ si datur, non est vbi; Vbi enim est esse in loco; at hic modus abstrahit à loco; quia conuenit rei æquè existenti in loco, sicut non existenti in loco: vocare verò vbi id, quod non est esse in loco, est abuti vocibus, nisi fortè vbi improprium & imaginarium intelligatur. Secundò: Quia hæc præsentia in spatio, non est res distincta à mobili, nec superaddita illi; quia

omnialia re ablata à mobili, & sola existentia mobilia in spatio posita vel intellecta, verè mobile illud erit in spatio. Nam si Deus (vbi potest) conseruet mobile sine omni re ab ipso distincta, si quidem conseruatio est actio libera Dei, quia potest rem vnā conseruare non conseruata alia, tunc mobile sufficienter intelligitur seipso præsens & coëxistens spatio, nulla re noua in ipso intellecta. Tertiò: Quia ratione huiusmodi non magis res est præsens loco, quàm locus illi; quare non magis res diceretur in loco, quàm locus in re: nam etiam locus dicit hanc præsentiā ad locatum. Quartò: Quia non solum subiectum, sed omnia eius accidentia sunt præsentiā: Ergo singula haberent nouos modos reales præsentiæ superadditos & noua vbi. Imò & isti modi præsentiæ cū sint res quædam præsentes spatio, debent habere alios modos reales per quos essent præsentes: nam si illi sine alia re addita possunt esse præsentes, pari ratione alia quoque sine alia re addita possunt esse præsentiā.

Alij ergo dicunt & melius, existentiam seu præsentiā in loco non esse rem superadditam mobili, sed esse existentiam ipsam mobilis applicatam illi loco. Vnde non differt ab existentia mobilis realiter. Nam vbi est existentia mobilis absolutè, facit mobile existere in se, vt verò sumitur respectiue, respectu loci vel spatij actu vel potentia existentis, denominat mobile existens in loco vel in spatio, nullā re noua addita, sed per solam indistantiam mobilis à spatio.

At obiicies, motus localis est actio quædam productiua sui termini: at si sit motus in vacuo nihil aliud reale ibi producit, nisi modus realis præsentiæ in spatio: ergo,

ergo hic modus est proprius terminus motus localis, ac consequenter est Vbi. Vbi enim est terminus motus localis?

Respondeo. Si concedamus in vacuo posse fieri motum, (cuius contrarium in Physicis ostendemus) dico, motum illum fore ipsam existentiam mobilis successivam in spatio, per eumque nihil aliud acquiri, nisi existentiam mobilis in alia & alia parte spatij, quæ acquisitio non est productio alicuius rei nõ existentis, sed applicatio rei existentis ad aliam & aliã partẽ spatij actus vel potentia existentẽ. Et quamvis esse in spatio sit noua res; quia noua cõiunctio mobilis cum spatio; hæc tamẽ coniunctio non est res distincta à rebus coniunctis, & est res noua solum respectiuè, hoc est, respectu noui loci, ad q. non est necesse vllam nouã entitatem produci, sed solum cum alia coniungi. Quamvis verò in vacuo nullum sit spatium cui mobile coniungatur, tamen ex parte sua mobile ita existit, vt si crearetur spatium reale, in alia atque alia parte illius spatij existeret, quod satis est ad hoc vt se aliter habeat respectu spatij quantum est ex parte sua.

At inquires motus localis est, mutatio mobilis in spatio, omnis autem mutatio fit per receptionem vel deperditionem alicuius rei. Resp. mutationẽ esse duplicem; aliam quæ fit per receptionẽ vel deperditionẽ alicuius rei, vt cum ex calido fit frigidum; aliam quæ fit per translationem de vno loco ad alium; quod etsi fiat sine vllius rei nouæ productione fit tamẽ per nouam rei in loco existentia. Neq; n. mobile dicitur esse in alio loco per mutationem & translationem loci ad ipsum, vt fit in turri flante vento, sed per mutationem & translationem mobilis ad locum, quia ex parte sua mobile

Mutatio est duplex.

mutat

mutat distantiam, & ex parte sua existit ubi ante nō existebat. Quæ est vera mutatio, quia est mobilis ex nō esse hic ad esse hic translatio. Quare nō solū mobile tunc mutatur, quando aliquid in se recipit, sed etiam cū, est in alio atque alio spatio, quia fit in illo spatio sua intrinseca entitate, cū ante ibi non esset. Cū enim hæc translatio, non fiat per mutationem loci ad ipsum, necesse est fieri per mutationem mobilis ad locum. Ex quo patet motum localem non esse actionem productivam, sed adductivam seu applicativam ad locum vel spatium.

Quod si quæras, An Vbi sit denominatio extrinseca à loco? Quidam enim affirmant: quia esse in loco est contineri à loco. Alij verò negant quia licet esse in loco & contineri à loco æquipolleant, tamen Vbi significat quasi actiue esse in loco implendo locum non passivè contineri à loco.

*Denominatio
Vbi est formaliter intrinseca
in ordine ad
extrinsecum.*

Quare denominatio Vbi est formaliter intrinseca in ordine ad extrinsecum sumiturque ab existentia mobilis in spatio. Nam mobile contineri à nouo loco potest sine motu locali, vt turris flante vento, quæ absolutè non habet nouum vbi, solū ex eo quod non per sui translationem, sed per loci extrinsecam accessionem est in alio loco.

De Situ.

Quid sit situs.

Dico quintò. Situs est dispositio partium corporis in loco secundū quam aliquis stare, sedere, jacere dicitur.

dicatur. Ex quo quidam existimant situm non differ-
re ab Vbi, sed esse modum quendam Vbi. Nam Vbi di-
cit positionem corporis in loco, situs verò modum po-
sitionis eiusdem corporis; ad idem autem prædica-
menti genus spectat res & modus rei. Alij tamen &
verius dicunt, situm ita differre ab Vbi, sicut figura à
quantitate. Nam sicut figura est dispositio terminor-
um quantitatis, & ad diuersum genus prædicamenti
spectat, nempe ad qualitatem; est enim veluti qualitas
quantitatis, ita situs est dispositio seu figura quædam
partium in loco existentium, estque veluti figura quæ-
dam ipsius Vbi. Nam sicut Vbi, dicit corpus posi-
tum in loco, ita situs dicit figuram quandam posi-
tionis in loco, & in ordine ad locum. Quare licet si-
tus vt modus est, possit reduci ad Vbi, tamen quia hic
modus habet distinctum modum denominandi rem,
pertinet ad distinctum prædicamentum. Quod si
quæras an situs sit denominatio intrinseca vel extrin-
seca? Il qui dicunt Vbi esse denominationem extrin-
secam à loco, consequenter idem dicunt & de situ qui
est modus quidam huius denominationis extrinsecæ:
Nos verò dicimus & Vbi & situm esse denominationes
intrinsecas; est enim situs figura, quædam corporis
prout existit in loco, eademque figura, vt respicit
corpus in seipso, est figura corporis pertinens ad qua-
litatem, vt verò est figura corporis in ordine ad locum
seu figura positionis partium corporis in loco, perti-
net ad prædicamentum situs. Vtroque autem modo
figura intrinseca est corpori; quia est vna & eadem
cum diuerso respectu. Et confirmatur: quia in vacuo
corpus habet realem situm; dicitur enim stare, sedere,
iacere, & tamen non habet ibi denominationem vllam.

*Ad situm differ-
rat ab Vbi.*

*Situs & Vbi
sunt denomi-
nationes in-
trinsecæ.*

extrinsecam realē, cū nulla talis forma realis extrinsecam detur in vacuo.

*Situs non dicitur
relationem vel
ordinem par-
tium.*

Ex quibus patet Primò, situm non dicere relationem vel ordinem partium, licet relatio & ordo conueniat partibus sic coniunctis, sed solum dicere qualitatem & figuram partium in ordine ad locum vel spatium, relatio verò illa spectat ad prædicamentum ad aliquid non ad prædicamentum situs.

*Situs non est
idem ex natura
rei cum Vbi.*

Patet secundò situm non esse idem ex natura rei cum Vbi, nec ab eo sola ratione ratiocinata distingui vt asserit Ruuius. Nam figura partium corporis differt ex natura rei ab Vbi, idque quamuis Vbi statuatur, modus quidam realis superadditus corpori; mutato enim Vbi non mutatur figura nec situs corporis; si enim corpus moueatur, mutabit Vbi, & tamen potest non mutare situm corporis; potest enim retinere eundem situm secundum corpus standi vel iacendi.

De Habitu.

*Quid sit habi-
tus.*

Dico sextò Habitum esse denominationem corporis à re sibi adiacente, vt esse vestitum, & armatum est denominatio à vestibus & armis adiacentibus, quæ denominatio dicitur Habitus; quia esse vestitum vel armatum est habere vestes vel arma sibi adiacentia. Porro hanc denominationem Ruuius dicit esse intrinsecam; Fingit enim modum quædam realem & intrinsecum resultare in corpore, ex hoc quod vestitur & armatur, quem modum dicit esse modum coaptationis actualis ad vestes & arma; siquidem homo naturaliter est aptus ad habendas vestes & arma.

*Opinio Ruuij
refellitur, dicē-
tū, denominā-*

Verum hæc opinio displicet. Primò; Quia hic modus est mera fictio: tum quia dempta omni alia re & so-

la veste corpori immediatè apposita, verè corpus est vestitum; tum quia non à modo illo denominatur corpus *rationem habere esse intrinsecam* vestitum, sed à veste: Frustra igitur talis modus ad hoc fingitur vt faciat talem denominationem, neque quispiam in ea denominatione alterius rei quàm vestis rationem habet; alioquin si à modo illo corpus denominaretur vestitum, posset Deus ablata veste modum illum conseruare in corpore, cum sit realiter distinctus à veste, & sic sine veste corpus diceretur vestitum ex illo modo, supposito, quòd modus ille ponitur facere formaliter denominationem vestiti. Dices sine illo modo non esse denominationem extrinsecam à veste. Contra: ad illam denominationem, sufficit circumpositio vestis, ad circumpositionem autem non requiritur productio alicuius modi realis, alioqui nihil posset applicari alteri nisi per productionem modi realis. Deinde ex rei extrinsecæ aduentu nulla alia actione productiua interposita, non resultat vlla res in corpore. Vti hic accidit; quæ enim huius rei causa esset productiua? Denique nulli Philosophorum venit in mentem hic modus, vt vel ex hoc sit de falsitate suspectus, maxime cum sit contra illam regulam Philosophicam: Non sunt multiplicanda entia sine necessitate.

Secundò displicet, quòd has denominationes vestiti & armati ad solum hominem propriè restringit, ad alia verò animalia analogicè; quòd in solo homine sit aptitudo quædã naturalis ad vestes & arma, cum natura nõ sit vestitus aut armatus. Verùm si aliqua qualitas sit cõnaturalis vni, alteri nõ; nunquid eo ipso differet specie, & illi solum propriè conueniet alteri verò analogicè? Hac enim ratione calor qui naturaliter conuenit igni, & præter naturam aquæ, non esset idem specie in igne & aqua, & aquæ non nisi analogicè competeret.

Deinde videtur restringere prædicamentum habitus ad solum hominem quòd homini soli ex naturali aptitudine conueniat esse vestitum, armatum. Quod videtur gratis dictum; cùm idem sit modus efficiendi & denominandi corpus per adiacentiam siue sit corpus humanum siue belluinum. Tam verè enim equus dicitur frenatus, armatus, ephippio aut veste instratus, paries incrustatus, scipio inauratus, tabula depicta coloribus impositis, & similia alia, sicut verè dicitur homo vestitus & armatus. Notandum autem est non omnes habitus rerum extrinsecarum pertinere ad hoc prædicamentum, sed tantùm habitus rerum extrinsecarum corpori adiacentium.

Nam si sint res corpori, non adiacètes, haberi dicuntur potius moraliter quàm Physicè, id est, non ob Physicū contactum & adiacētiam, sed propter adiacentiam quādam moralem, & ius quoddam ad rem illam, quòd ius ab hominum voluntate & arbitrio & constitutione dependet, vt cùm quis dicitur habere diuitias, agros, oues, boues, & similia.

At obicit Ruuius denominationem extrinsecam non posse constituere genus prædicamenti; Genus enim est quid intrinsecum rei non extrinsecum.

Respondeo etiā denominationem extrinsecam habere suum genus; potest enim accipi & in genere & in specie. Quod verò ait Aristotelem 2. Met. tex. 10. dicere habitum esse medium inter habentem & id quod habetur, Respondeo ipsum Aristotelem seipsum explicare, quòd hoc medium non intelligat modum aliquè absolutum resultantem, sed actionem habendi seu habitationem actiuā & passiuam, quæ intelligitur esse quid medi-

medium inter habentem & id quod habetur. V. G. habitio vestis est eius adiacentia seu vestis ipsa ut adiacet corpori; Hoc enim sensu haberi dicitur, quia adiacet.

Ex quibus omnibus patet quid sentiendum sit de essentia sex ultimorum prædicamentorum: Neque enim vniuersè sunt denominationes extrinsecæ, neque vniuersè intrinsecæ, sed aliquæ intrinsecæ aliquæ extrinsecæ. Præterea & si sint res absolute à formis absolutis, includunt tamen & connotant relationes.

Singula sex prædicamenta dicunt formas absolutas connotando relationes.

Non igitur placet sententia Scoti dicentis illa sex genera prædicamentorum esse relationes extrinsecus aduenientes: Nam uti ostensum est, dicunt singula formas absolutas, connotatis relationibus, ita ut ratio formalis illorum per utrumque compleatur, tam per absolutum, quam per relatiuum, nec vnum sine altero sufficiat. Agere, verbigratia, non est solum dicere relationem ad passum, sed est formam producere & ab ea tanquam producta denominari. Accedit quod cum relatio intrinsecus & extrinsecus adueniens non distinguantur in genere relationis, sed eundem genere modum referendi subiectum ad terminum habeant, deberent poni sub genere relationis prædicamentalis: Nam etsi diuersitas quædam sit intus relationibus, ea tamen est solum accidentalis & extrinseca, non verò essentialis & intrinseca relationi: Nam relatio dicitur extrinsecus aduenire per ordinem ad suam causam ad quam consequitur non ex natura rei, sed aliquo extrinseco interposito, hic autem ordo ad causam est merè accidentalis relationi; ita ut si relatio illa intrinsecus adueniret, non haberet alium modum referendi, quam cum extrinsecus aduenit. Et sicut qualitas ex-

trinsecus adueniens subiecto & emanans ex essentia subiecti ad idem genus qualitatis pertinent, ita. & re-
latio.

Quod si dicas, hinc sequi sex ista genera reduci ad
alia genera prädicamentorum; vt enim dicunt formas
absolutas, ad absoluta reducuntur, vt verò dicunt re-
lationem, ad genus relationis. Respondeo licet si hoc
modo distribuuntur in partes, possint reduci, tamen si
coniunctæ sumantur, significantque absolutum sub re-
lationibus, habent diuersos modos afficiendi & deno-
minandi primam substantiam, idcirco disti-

cta ab aliis prädicamentorum ge-
nera constituunt.

(C)S



*Prädicamentum
religiosa sex cur
no reducuntur
ad alia.*